




四庫禁燬書叢刊編纂委員會

北京出版社

四庫禁燬書叢刊





# 集部第一五七冊目次

國朝詩的六十卷(二)

〔清〕陶煊 張璨輯  
清康熙六十一年刻本

.....一

國朝詩的六十卷(二)

〔清〕陶煊 張璨輯

清康熙六十一年刻本

中國社會科學院文學研

究所圖書館藏

國朝詩的目錄江南

卷之十一

董元治 八首 周彝 二首 周鼎 三首

顧圖河 五首 姚羹湖 八首 王式丹 八首

程式莊 八首 吳壽潛 八首 姚潛 八首

王焯 二首 汪淳修 一首 錢名世 四首

張潮 三首 顧嗣立 七首 葉籥 三首

李圻 二首 陳士藩 一首 陸枚 一首

陳士淳 一首 吳慶 四首 瞿駿 一首

袁啟旭 二首 蔣景祁 二首 劉廷獻 三首

翟賜履 一首 唐祖命 七首 顧彩 一首

姜任修 一首 李疇瑞 一首 潘鍾麟 二首

倪岱 三首 邵長蘅 十四首 程麟德 五首

徐永宣 十二首 湯自奇 四首 莊令輿 四首

程庭 二十首 吳璥 二首 張廷瓚 四首

張函 一首 楊瀛 六首 董子堤 二首

方琢 一首 楊玉山 一首 崇三台 一首

方鳴夏 四首 孫中岳 三首 呂清 五首

張樞 五首 俞燾 四首 章應奇 二首

章應新 一首

國朝詩的卷之十一

長沙陶 煊奉長選

同里張 璨豈石同輯

江南

黃元治 涵齋歙縣人

紫石峰 在天都峰下與硃砂峰對峙紫石之麓即湯池

天都垂右臂委折如蛇腹迤南忽昂首紫石峰矗矗朱

砂駐其顏湯池濯其足高下一千仞以骨不以肉縫罅

幾百層層層惟松綠紫岩既峭直綠陰乃橫覆間色如

錦綺霞映逾奪目樹巔嘯白猿廣際卧蒼鹿物性得所

國朝詩的卷之十一 江南

棲願真年不促矧人負靈姿胡乃耗於恣慨然思浮丘

暮雲返空谷

出門

半生黃海夢今東短衣裳草帽防深霧籃輿趁早涼露

添禾穗重風散豆花香踏過溪橋月林端見曙光

由天門登文殊院

小心陂上去一步一從容轉脚過危磴回頭失好峰岩

懸梯以石澗斷渡于松一線青天影蒼雲護卧龍

有龍松

石鶴



摩天戲海已忘機遂向山中脫羽衣空處月明時一嘯  
崖前風起倦高飛蓋來松樹身全隱啄得蟠桃腹不饑  
親見軒皇丹九轉乘龍去後幾曾歸

文殊院雜興十首 選一

禪衲同遊意獨閒十年前本住茲山半空洞放孤雲出  
絕頂松延老鶴還石壁已階千萬級草樓須補兩三間  
攜筇引我曾經處白鹿蒼猿識舊顏 請玉屏上人

東頭嶺

岩崕嶺上日初紅未到黃山目已空回望川原周百里

千村一抹白烟中

國朝詩約 卷之十一 江南

觀音巖

虛岩如月半輪彎曾否蓮臺現此間萬樹松風千澗雨

依稀潮過普陀山

文殊院雜紀所見

雨捲蓮花蓋下松白雲歷歷聳千重分明移得峩眉雪

補作雲門缺處峰

周 彝 策銘松江人

大韓昌黎春雪間早梅韻

梅與雪皆春相爭詎有因寒惟兩物共艷逐一時新  
灑灑都含態風姿競出塵玲瓏珠是樹蘊藉玉爲人舞處

回腰倦開時照眼頻乍看俱似幻細認互成眞影瘦羅  
浮夢身輕洛水神凝粧不用妬墮地暗相親隔歲纔爲  
伴揚輝及此辰山中長掩映淡漠自相珍

大早春雪中聞鶯韻

此地歲華新春禽不報春一爲騎馬客幾隔聽鶯人憶  
得雪中過傳來林外頻梳翎驚屑粉學轉怯芳辰玉樹  
纔聞唱雪衣未可親纖校深柳待師汝善藏身

周 鼎 軒三松江人

訪王符躬借建康新志

此地數經過紅舫汎綠波借書癡未減蠟展與偏多小  
國朝詩約 卷之十一 江南

摘吳花草幽探晉綺羅因君尋舊志商推土風歌

諸暨道中

匝匝復輿向曉駛山顛水末轉逶迤琤淙石峽鳴泉急  
濃淡峰巒疊翠多路熟西鄰暹撲棗秋先南陌已登禾  
今宵擬就耶溪宿香炮花空奈若何

過嶽麓七截 選一

楚山無伴獨尋幽一杖穿雲到上頭千里嶺嵐晴色接

一江如帶抱城流

顧圖河 書宣江都人

徐子松之過訪賦詩見贈次答

尺水無大魚陋巷無高車高車雖云遐陋巷復何須青  
苔日以厚鳥雀譁前除客從遠方來是我昔相於謂我  
何幽獨愛我友群書君振衣上塵我刈園中蔬

題王漢藻爲宋漫堂寫枯木寒鴉圖

北風着面刮起霜老樹屈鐵凍不僵梗楠檉櫟楓柘樟  
葉脫不辨煙蒼茫壽藤千歲絡樹長蛟螭糾結爪尾強  
寒泉咽咽穿礪岡錚然觸石琴筑張林空無人惟夕陽  
羣鳥爭託林爲鄉排風羽翮上下翔鳥翮愈勁風愈狂  
有如萬馬脫轡韁沙場崩潰勢莫當又如軍與將者良  
縱橫合散隨圓方噉嘈啁啾聲音揚千聲百和誰能詳

關朝詩的卷之十一 江南

四

我居僻在城東莊莊前種竹後樹桑朝隨鳥起鋤穢荒  
暮隨鳥棲休樹旁春看鳥哺沉蠶房秋看鳥禿築圃場  
老鳥與我歲歲忙鳥頭已白我髮蒼誰爲此圖傲何陽

禿筆恭用倪吳黃澗邊樹底添茆堂吾當攫取歸珍藏

狼石歌

石在北固山脚如羊形相傳吳大帝引孔明共坐論破曹事

老苔繡濕皺皮紫凍雨流膠生石耳黃蒿綠葦沒齊腰  
烏羊頭角蹲蹲埃江東獅子泉雄兒碧玉雙瞳照江水  
當年曾此坐籌兵指揮聲欬依和是八十萬衆貌如蟻  
問胡不恐良有以伏龍耳語定大計髮上衝冠刀斫几  
燒尸赤壁三江渾字石曰狼誰云侈猛氣剛腸一口銷

昔諱迎曹今不恥那知南下冊降王北面低頭同狗豕  
孫劉交結輔依車吳蜀爭衡辱滅齒荊州爲餌誘饒涎  
坐令英雄魂魄死帳前徐盛涕橫流地下周郎呼不起  
狼石之名當已矣

病起

江村逢亥日小市足魚蝦濁酒多時廢香粳不用賒花  
明蜂識路竹密鳥成家卽此能蠲疾吾生况有涯

郭景純墓

松栢爲薪骨化塵十年新塚已無聞耕犁不到神仙窟  
賈豎猶知太守墳水怪朝憑腥宿霧江妃夜出駐行雲

關朝詩的卷之十一 江南

五

墓書自合留千古第一佳城早屬君

姚羹湖聽翁桐城人

山居

牆東誰復問君公蓂莢頻年事事同鬪鴨亂溪翻紫蜨  
將雛沿壁啄青蟲避炎不用迎涼草禦濕寧須山鞠藭  
莫向隔林尋社酒家翁活計任癡聾

臨風淡谷覺于于古話荒唐各據梧侵曉賣薪朝市米  
黃昏燒竹夜邨酤客貽黃菊分三徑工選青錢索五銖  
保正縣回談近事休將吏道問菰蒲

山厨井竈尚汙萊遠餽城中日往迴賒酒剪蔬延客宿

茹齋留菓待僧來，弱桑屢患溪全漲。魁芋思分夜半煨，青綠大癡圖不盡。何勞烟雨潑灰堆。

種樹儻多買樹錢，栽花恰遇養花天。病看素問寧須藥，靜誦楞嚴不爲禪。斷手匠能完架屋，福心人或諒虛缸。無端諸老增聲價，也向窮巖問石田。

野人心久習桑麻，丹碧圖中領物華。草節似鞭蒲澗藥，稻香如釀糯田花。鋤携雲頂燒生土，堰作溪心漾遠沙。爭選釣竿尋弱篠，昨宵新水上魚蝦。

會否歸題蜀國旌，高峰痛哭咽無聲。鷓鴣影斷黃陵廟，杜宇啼殘白帝城。醉魄可知遺骨處，招魂難慰死灰情。

國朝詩印 卷之十一 江南

海棠荆樹無顏色，從此西州不忍行。傷王戴二子也

題畫留別陶奉長世兄

才子辭親入帝畿，湘江北望祝人歸。全憑司馬梁園客，得穩青林白板扉。

長安車馬日紛紛，許多詩欲贈陶君。臨歧隻字渾忘却，空濕西山一片雲。

王式丹 樓村實應人

晚渡京口雜興十四首 選三

棹郎歌裏過江來，破浪聊應懷抱開。經眼樹園招隱寺，回頭日挂沙高臺。山排北向當城出，潮捲東流到海迴。

晚泊忽驚雲萬疊，龍吟隱隱動風雷。

古來形勝控江關，洵盡英雄浪影間。蜀相綸巾留片石，韓王金鼓咽空山。西歸坐見三分鼎，南渡空悲二勝環。剩得橫江翠翎雀，朝朝飛去暮飛還。

鐵甕東西野望遙，林容山貌晚蕭蕭。子瞻留帶尚有寺，仲晦題詩何處橋。一握天中雲挂角，九扛夜半斗移杓。古人不作誰同語，翹首高空祇獨謠。

贈吳漪堂同年三首 選一

此生嘯傲付東軒，怪霧盲風不可論。仗劍幾能逢劇孟，繡絲端合爲平原。青山有路雲千疊，碧漢無塵月一痕。

國朝詩印 卷之十一 江南

烏雀南飛此何夕，沉吟談讌正相存。用魏武詩語

偶得佳硯卽事試筆得十三首 選三

覓得黃湘自捧持，鸛晴鳳味莫爭奇。平生暱就文房友，髮集有憶文房四友詩今日供吟客。妨詩一取清波新洗後，荆公句

正看佳穎試書時。反騷豈比雲亭句，聊遣閒心對墨池。何來風雨下秋空，咫尺江皋路未通。世事乍經無量劫，男兒合是可憐蟲。卽看節候逢青女，久已榮枯付碧翁。

讀破南華參一語，雲將準擬覓鴻濛。客裏光陰未有涯，朝昏百怪正紛拏。謔言謾道雞三足，幻影驚逢鬼一車。梅福豈能同市卒，梁鴻只合賃吳家。



俱用吳 俱遭反覆關何事信是天遺莫嘆嗟後漢王州門事  
俱遭反覆我兩 人爲天所遺謂陳遵曰

自題江上集二首次齊嵩壻韻並命與孫同作選  
江上頻年往復還隨時風景最相關大都弔古懷人句  
多在山城水國間經眼風濤惟一笑關心吟嘯自耽閒  
新詩最是京江渡北固南徐早共攀

程式莊葛嶧江都人

舊縣道中榆柳彌望臨水一亭青帘白版頗似故  
鄉風景爲買醉題壁而去

霜曉九月寒疎林綠未脫美此山中居聊爲樹下秣茅

國朝詩印 卷之十一 江南

本

亭枕崇岡屏障借松栝中虛置几榻暫憩得軒豁新篴  
滿店香一斗度解渴醉卧秋樹根涼風吹短褐道旁征  
馬鳴屋外流泉活頓忘行旅勞轉覺川原闊江鄉憶酒  
旗入眼烟景潑吾生老舟車此趣竟誰奪無田問桑麻  
有命任窮達悄然感孤鴻歸意逐天末

過淮用東坡韻

挂帆漂母祠喜見船頭碧賓鴻將早霜初染楓林赤買  
魚汜光湖沽酒孟城驛茆齋渺何許百里隄烟隔蟋蟀  
鳴深叢龍蛇蟠大澤歸卧淮南村一飽隨所適欲師蒙  
叟全不待向平畢此地昔薦饑波濤事蕩佚禹功八年

勤安瀾砥磐石前行望夷灣一權凌風疾

泊淮口

波浪憑天險疏排緬禹功樵風喧曉市漁火暗秋蓬  
蟻還堪汎淮安酒名臘黃輕鳴乍許同明朝釣臺畔低首意何窮

泛舟

屏跡違人事應憐歲晚情扁舟聊載酒揮手欲逃名初  
日澹秋燒微風吹曉晴滄波何處濶吾擬濯塵纓

王樓村脩撰招集鴻柯草堂用東歌二韻選一

烟霄老鶴態婆娑物外尤欣放浪歌握手朱霞驚兩頰

國朝詩印 卷之十一 江南

九

捲簾纖月送新蛾詩壇正果標龍象酒陣分曹列鸛鵒  
舊雨幾年鴛水隔謂在座沈寅中嘉興人故衣塵土愧如何

蕪州四首選三

高士長歌託五噫春閒避跡亦堪悲落花寒食眞娘墓  
斜日青山短簿祠駭虎聲中驚玉碎炙魚盤裏隱鋒危  
可憐恩怨分明在一唱蘆中解六師

清香刺史足清狂畫戟蕭疎冷印牀喚渡尚傳秋女蹟  
折花都學泰娘粧臺遊麋鹿頻經廢水浴胭脂幾換香  
多事虎丘狂道士漫勞石畔話興亡

疎影銅甌映玉葩樵蘇指點入烟霞水莊岸冷鳬翁下

墻杏風輕燕子斜  
畫閣輸贏爭鬪草  
綺筵歡笑學催花  
珊瑚笑殺當年網  
只網西施向若耶

吳壽潛 形本豐南人

過平望和石葉大兄

水漲新堤沒橋低  
欲壓船雨餘山剩  
霧天遠樹生烟驛  
路平蕪外旗亭疎  
柳邊最憐耕織苦  
澤國更凄然

早發宜章縣夜宿良田遇雨和宋長白

馳驅何所定客思  
未能閒曉霧連荒  
嶺秋烟生亂山澗  
花多帶紫路草盡  
成班雨黑趨村店  
黃昏早閉關

過黃陵廟和宋長白

國朝詩集 卷之十一 江浦

汨羅江畔繫扁舟  
爲訪黃陵片刻留  
寶瑟聲沉寒月夜  
靈幢影散落霞秋  
蒼梧望斷空餘恨  
班竹啼殘總化愁  
試聽波翻湘水上  
神來疑是返珠丘

至雒陽喜晤冒巢民先輩

老成此日慨晨星  
喜見先生舊典型  
雙鬢早于前代白  
兩眸端爲故人青  
大家王謝何堪問  
往事荀陳不忍聽  
三世交情忻未墜  
相看莫慢嘆飄零

放言寸首和汪古民 選三

吳鄉聊寄若井州  
書債年來也暫休  
常恨好花無百日  
每思良友感三秋  
久拋世事輕如紙  
怪底人心曲似鉤

贏得醉歌成放誕  
不教愁緒上眉頭

自製蠻牋勝薛濤  
百篇揮灑說詩豪  
未能繼志稱良史  
不用求名著反騷  
千里豈甘追驥尾  
百年徒惜擲鴻毛  
須知垂釣磻溪叟  
後載從來有幾遭

夢醒邯鄲早白頭  
勞勞生計笑無由  
長留詩卷奚囊貯  
剩有殘書破篋收  
處處漁樵堪共隱  
年年風月可相酬  
如今老去諸緣淡  
身作江湖不繫舟

哭盧菽蒲先生

問訊頻年總未真  
鍾山長憶約爲隣  
憐才以外無他友  
知己之中惟此人  
弱息獨依仍異姓  
諸兒四散只孤身

國朝詩集 卷之十一 江浦

故鄉無塚生春草  
徒望臨汾淚滿巾

姚潛 後開歙縣人

贈吳野人大來韻

舊讀陋軒集風騷  
賴爾存兵戈星短  
髮塵海閉閑門白  
雨城東寺青楓江  
上村邦濤秋正好  
爲別各消魂

張菊人余澹心吳  
蘭次集飲虎丘山  
寺分得青字  
水光明草榻埜色  
敞幽亭露濕千林  
白燈懸一徑青狂  
吟秋未晚漁唱醉  
還醒愛此禪關寂  
紛紛葉滿堦

寄懷陶五嶽先生

瞻望瀟湘水彌深  
訪戴情盛名三代  
重高隱五侯輕嘯

咏凌秋好琴樽看月生芙蓉江畔碧霜雁正空鳴

楚澤推耆舊論交父執行江山餘碩果風格見清狂蘭

蕙人空老龍蛇道已荒天涯有羈旅無計穩柴桑

鈍子招集桐初燕丘薪禪莘臣小飲可亭即席分

韻

江干纔歇三春雨客路欣逢兩日晴交合清狂惟縱酒

人憎濁世早逃名庭花有意當杯放沙鳥無機隔水鳴

醉後莫談燕市事悲歌今已失荆卿時薪禪至自都門故未句及之

真州九日和赤霞韻

昨朝涉水當登高遙聽山頭叫伯勞林下有人俱白髮

國朝詩印卷之十一 江浦

主

時晴先離邊無菊點青醪分來官饌供吟咏曹謹使攜

入僧厨惜解螯南望雨花臺上客啣杯相憶首同搔懷秋

屏諸

泛舟江口同朱赤霞

擊汰江干秋已殘白蘋紅蓼水雲寬舟橫荻岸山光迫

霜冷楓林木葉乾遊戲餘生惟縱酒炎涼人事笑彈冠

荒烟蔓草多遺趾留與今人仔細看

戊辰初秋送陶奉長歸楚

日醉園場興未闌秋風催客出長安重來翻喜先余去

老至還愁見汝難四望都成滄海夢一身久作古今看

鳳城高處休回首話到朱門淚早彈

王焯卓然歎縣人

送友人遊衡陽

野原荒落日烟樹冷溪濱此地一樽酒明朝萬里身性

疎甘遜世饑至復依人汗漫風塵裏羞看白髮新

登石岫山

山勢插層空風喧十里松水聲穿石出花氣拂衣濃佛

古苔侵座僧貧寺缺鐘登臨殊未厭更陟最高峯

江淳修質存歎縣人

周震夫舟往陵陽于止上匆匆解纜賦此誌別

國朝詩印卷之十一 江浦

主

纔得停舟便放舟相思未解又離愁實勞秋浦三年夢

未遂平原十日留止澤芙蓉朝滴露陵陽風雨暮登樓

飄淪此日看君去舉世誰識應侯

錢名世虎功武進人

齊齋山行

孟春值陰雨經旬閉柴荆晨興理短策試向前山行始

齊羣卉拆稍暄百鳥鳴攀躋紆石磴迢遞延葱菁谷幽

嵐正合路轉湖偏明松風有時歇悠然聞水聲即此愜

吾慮綿邈生遙情

溪店



溪店灘風惡松門夜雨寒有雲綠仄磴無路入層巒石  
壁龜文細竹籬鹿眼寬明朝應記取桐帽挂驢鞍

題延陵季子廟碑後

江阜遺廟鬱嵯峨詞客吟詩枉道過故國臺荒惟見鹿  
殘碑字古盡成蚪當年華表垂青簡此地佳城掩綠莎  
捫石細看重展拜夕陽西畔冷風多

逃位曾傳泰伯風那言高義子臧同江山未改仍公子  
人物無憑只上中地僻似村烟月白廟閒如社野花紅  
傷心窟室鉞交後斷送亡王泣甬東

張潮山來心齋歛縣人

國朝詩集卷之十一 江南

一四

移尊杜茶村寺寓小飲同文茂齊僧還樸

好客幾成癖論文漫掩扉風和徵酒力僧醉露禪機快  
語幽懷暢狂吟逸興飛空慚真率飲問字趁斜暉

合肥李容齋相國廬墓北郊有白燕之祥同人賦

詩紀事效顰奇政

雙影差池丙舍留爲誰幽獨共山丘泥脚枕塊驚翻雪  
尾掠波紋訝聚鷗反哺未容烏作伴覽輝應許鳳爲儔  
投懷好憶當年夢燕國鴻文兆黑頭

采蓮曲

閒雲冉冉罩橫塘水面風來分外香莫訝蓮衣容易落

輸他箇箇是專房

顧嗣立依君長洲人

串月歌

治平山寺何崑崙湖光吐納山動搖烟中明威寶帶橋  
金波萬疊風騷騷年年八月十八夜飛簾驅雲落村舍  
金盤出水耀光芒琉璃迸破銀瓶瀉散作明珠千萬顆  
老兔寒蟾景相嚇魚婢婢奴爭獻奇手攀桂旂吹參差  
小花雲葉橋心布移來海市秋風時吳儂好事邀新客  
舳艫銜尾排南陌紅豆新詞出絳唇粉胸繡臆迴歌席  
綠蛾淋漓掩樓倒醒來月在松杉杪

國朝詩集卷之十一 江南

一五

渡江

雙槳衝波去船頭映夕曛客途隨日遠鄉夢與江分鐘  
響烟中寺帆移樹裏雲餘霞浮水上噪影鳥紛紛

紅花埠店壁次湯翰林西厓韻

驅車行古道南北望中收山色開齊地河光沒楚州斷  
雲橫野徑小雨入溪流柿葉聲蕭瑟高吟待好秋

新泰道中

野店孤村難記名朝朝塵語盡中行日高馬蹏峯樹影  
市近風喧雞犬聲嫠婦騎驢投午集禿翁驅犢趁春耕  
田家况味真閒適愧我勞勞事北征

送周卜歸大名二首 選一

暮盡西山對翠屏此中消夏幾曾醒  
翻翻昔類先秋葉落落今同欲曙星  
歸路烟嵐千草碧懷人風雨一燈青  
他時若愛吳鄉好買個扁舟訪洞庭

九日同吳韻山中允陳芝泉鍾庭二編脩陳滄洲  
太守吳荊山錢天槎二庶常張日容孝廉汪陞交  
徵士西爽樓登高卽事二首

金銀宮闕帶烟迷身迴樓高入望低  
雲氣不分山向背市聲遙答屋東西  
登臨有客披榛莽搖蕩無舟泛柳堤  
誰似石湖風雨後楞伽山浸碧頗黎

國朝詩的 卷之十一 江南

去

觚稜得免催雞唱捺鉢無因問馬撾  
獨賸閒情傾白酒却將瘦句寫黃花  
烟拖野色隨歸雁風捲秋聲落亂鴉  
最是餘霞晚景好青峯紅抹一條斜

葉 藩 初南屏太倉人

客燕喜晤王漢藻話舊兼索寫學醉草堂圖

憶昔晤君時正在鍾山麓聽臨萬壑靜  
杯從千頃綠夜坐延素心晨起候初旭  
此境非尋常得君寫長幅能補石上松  
更綴林間屋漫論古與今中有樵與牧  
於茲見鬱葱意實邁流俗勝地難久留  
空霄慨遐矚一別二十載雲山遠相屬  
時光儘去來世事積涼燠惟君藝獨進

真不負巖谷忽逢燕市中各健願已足  
舊夢不盡言新晴聊縱目吾鄉有草堂  
四野多雁鵝自題日學醉書劍非所欲  
感君知此懷應一繪喬木吳山越水間  
處處醺醺醉從茲挂布帆攜此太湖曲

重陽前二日同貞棲茶村兩先生坐快哉亭

竟不須欄檻秋光戀此亭時當重九近  
山有十分青斷雁乘風去孤雲向客停  
忽聞笳吹起落葉滿郊垌

望湖亭次韻

吳城登眺好處處有芳洲亭榭雲中出  
烟波天際流幾番增客夢七載滯扁舟  
却喜觀佳句高吟到遠遊

國朝詩的 卷之十一 江南

去

李 圻 南郊上元人

登白牛閣

一到白牛閣超然遠世氛竹聲蕭寺雨  
山翠石牀雲淪茗來僧伴臨風過雁羣  
微茫烟樹外清磬度斜曛

賦得五月江深草閣寒

數椽江畔拂烟虹岸柳圓葵倒碧空  
新漲復添連夜雨野涼先引一樓風  
忽看高浪來天上何異閒鷗住鏡中  
更喜披襟當仲夏秋聲彷彿到簾櫳

陳士濬 鹿柴天長人

花魂

樂遊園內錦爲坊，裊裊長幡出女牆。  
玉蕊遙驚庭外影，芳心潛送夢中香。  
依稀帶月憑金井，彷彿臨風立畫廊。  
寄語石家休罵座，新裁烟素配紅粧。

陸 枚 實君長洲人

將之湘右留別都門同學

偶隨衡雁往，却望北雲停。  
我有天涯淚，翻從知己零。  
楚歌聽一曲，湘草爲誰青。  
遙夜臨風處，長吟下洞庭。

陳士淳 北垞天長人

遊絲

牽惹春情繞繡簾，日高庭院影纖纖。  
乍隨香篆飄虛幌，偶繫飛花挂曉簷。  
曲似連還似斷，廊深疑現復疑潛。

國朝詩的 卷之十一 江浦

六

幾迴搖曳東風裏，吹散如何絮轉添。

吳 璠 仁趾新安人

送定上人還廬山

見說安禪處，黃厓高插天。  
飛泉三百丈，挂在草堂前。  
予亦懷名岳，嚴棲期暮年。  
相將尋五老，一月一峰眠。

聞葉南屏移家吳門却寄

聞選吳中勝，將家就洞庭。  
烟波三萬頃，七十二峰青。  
自續閒居賦，羣占處士星。  
卜隣情正切，春漲欲揚舲。

過汪鈍翁昔山閣

春山曲折問潛夫，地勝桃源谷似愚。  
留客偶然烹縮項，報門久不用長須。  
一編周易攤窓下，千尺堯峰對座隅。  
便與耽幽成夜宿，新篘自漉酒盈壺。

晚泊卽事

小婦雅頭襪，輕橈鴨背船。  
相逢似相識，同泊綠楊邊。

瞿 駁 雲峯常熟人

送周侶樵之徐州

數載京華客，飄然不染塵。  
詩篇窮益富，交意淡彌真。  
驛路消殘臘，梅花識故人。  
渡河歸計便，一水是通津。

袁啟旭 士旦宣城人

國朝詩的 卷之十一 江南

九

憂憂詞

四顧莽荆棘，豺豕橫無端。  
昏昏塵網中，側足鮮所安。  
十年澤毛羽，寧憚霧雨寒。  
仰觀列宿變，俯眺波濤寬。  
奮然欲中飛，恐貽輕舉患。  
息影還江漢，抗首親雲巒。  
何當淨八極，一往扶搖搏。

雨宿甘豹偷寓齋同蕭夢旭作

客路逢君破寂寥，清樽明燭話深宵。  
簾前鼃動三更雨，門外江鳴萬里潮。  
詩思淒清浮竹葉，鄉心展轉滴芭蕉。  
東隣蕭史多情甚，爲我衝泥弄碧簫。

蔣景祁 京少宜興人



周孝侯祠

平西墓下古祠堂一片寒楓對夕陽  
蛟虎有時終殄滅機雲未老盡摧藏  
劍鳴夜月霜初白馬獵秋原草正黃  
舊日右軍碑尚在可堪蕪沒倚橫塘

過釣臺

梗槩從來號絕倫美魚何事欲臨流  
雲臺功業甘相讓釣叟聲名豈願留  
萬嶺陰森迷鳥道半江烟雨卧羊裘  
高風此日應還在七里灘頭一繫舟

劉廷獻 繼莊長洲人

戊辰秋初送陶奉長還楚是時余亦將東歸

關朝詩南卷之十一 江南

三

吾黨悲秋客天涯各一方途窮翻送遠  
世亂愈心傷握手情何極連床話益長  
三湘百戰地萬里一空囊歡會尚無幾  
別離今奈何送君衰柳岸洒淚白雲阿  
自顧轉無侶人誰肯更過新詩吾所愛  
歸路好吟哦

義帝塚和茹紫庭韻

斷碣雲封古殿空建瓴柳水勢猶雄  
西秦無塚埋嬴帝東海何人葬魯公  
逐鹿君臣長夜裡亡羊臧穀一坏中  
漢家陵寢今陳迹扶義猶傳指授功

翟賜履 非熊涇縣人

次韻留別周震夫

竟作滇南遊同聲賦別愁懇懣遲欸段惆悵把純鈞躋

亦尋司馬拜惟在武侯到應多賞激恨隔楚雲悠

唐祖命 薪禪立興人

聖洞庭

大塊莽難分孤城半吐吞山根浮斷岸水勢撲濤門  
暮靄帆千點烟霏月一痕憑欄無限意把酒酌乾坤

陶奉長招同宋正懷太史蔣玉淵廖大隱陳世掌

諸公集飲止園卽席分賦

一龕初闢構三徑足徜徉酒愛陶家醪騷分楚客狂

是日集客六人吳楚各半山青低逼牖竹翠密依牆嵇阮吾曹在山河

關朝詩南卷之十一 江南

三

未渺茫

圖通寺登螺山月石亭有感

蒼崖千尺俯禪關欲上孤亭手自攀樹擁殘村斜照日  
烟浮瘴海遠連山荒原寂寂銅駝冷野草青青戰馬閒  
今古滄桑成底事一杯濁酒醉愁顏

搔首青天黯自傷浮生世事兩茫茫乾坤有地難埋恨

江海何人許傲狂幾處笙歌深院月萬家砧杵古城霜

賓鴻不到征衫敝且莫秋風入異鄉

山陰舟次

粉白牆頭出酒招菱塘十里到河橋官河曲處還疑斷

桑葉陰中水一條

安寧道中

山色蒼蒼海色青兩行烟柳夾橋平邊方亦有春如錦  
愁煞江南陌上鶯

孤城出沒水雲間板屋高低穴焚蠻馬上紅裙山上客  
玉鞭垂過碧雞關

顧彩 天石無錫人

冬日金陵雜感

獨上層樓望雁羣朔風短景易斜曛雨花臺畔無秋色  
木末亭邊有暮雲十二曲欄新廟貌三千銀甲舊將軍

南朝詩 卷之十一 江南

三

可憐萬事東流水鐵笛聲高不忍聞

姜任脩 自芸如阜人原名時

都門送周侶樵之彭城

雲夢城邊路行人指戰場稻梁愁雁鷺風雪滿衣裳此  
地誰常主前途是故鄉一丘吾本足拋却讀書堂

李嶠瑞 蒼岑野貽人

送達禮中奉太夫人往武昌

霜清木落下燕關酒盡高亭夕照開路指沅湘新漲水  
人尋屈宋舊游山玉綸倚重傳雙闕銅柱威名懾百蠻  
文度到時登滕上應欣憂國未蒼顏

潘鍾麟 眉峰松江人

雪後望細林山

昨夜嚴風急寒山盡失容仙臺明月靜丹井碧雲封怪  
石開銀鳥蒼松化玉龍不知金闕迢遙聽一聲鐘

廣陵趙念昔招諸同人攜四女郎移酌受茲鳳樓

堂卽席賦贈

廣陵才子好新聲白璧爭傳趙氏名十載難歸鄉夢遠  
千金散盡客裝輕花枝人面任來意劍氣鬚眉醉後情  
道路王孫誰更識開樽有淚媿逢迎

倪岱 山陰廬州人

南朝詩 卷之十一 江南

五

無題詩十首 選三

離恨真知別有天遊絲遠去逐飛烟花貪蝶媚偏容昨  
柳賺鶯聲久怕眠獨檢香奩羞翠羽雙垂玉筍濕紅綿  
難消荏苒春三月魚鰐封愁似舊年

鶯鶯燕燕各紛飛刀尺還裁欲嫁衣紅杏有苞霞外放  
青梅如豆雨中肥夢酣金犢迎門喜愁絕銅烏掃地威  
縱使徐娘風韻在三星那復照雙扉

不忿春光等逝川生憐閨閣愛芳妍花描並蒂愁孤另  
鳥綉雙飛恐葉捐暗祝柔情桃瓣卜亂牽幽緒藕絲緣  
玉蟲怪底多吹焰夜永雞籌勝小年

邵長蘅 子湘武進人

雨後遊滄浪亭懷古作

清曉臨高亭亭高俯木杪  
霽景澄川原林霏散烟鳥隔  
城三四峰空翠濃可掃僧扉扣始開  
花木紛窈窕蒲荷涼歛馥石逕濕  
霑草臺榭幾廢興蕪梅骨已棄千載亦  
虛名彭殤孰壽夭迴策度溪橋漁唱前溪宿

黃山松石歌奉和漫堂先生松爲金將軍贈

我吟李白黃山詩四千仞削金芙蓉傳聞軒轅煉丹處  
青鸞朱砂拱天都山中靈異孰究悉松奇石怪可駭呼  
援龍松撐峰頂裂作其鱗而旁攫拏蒲團倒挂皆松幻名

自朝詩的 卷之十一 江南

詩

奇古高二尺幹千歲餘滿山龍子以萬數盡吸石髓蟠  
根株石骨磊砢作松幹松毛髮影作石鬚輪囷磈礧  
詭狀爪鬚定與凡松殊茸城將軍好事者鑄鑿山骨雙  
松俱夸娥夜半負而走洗剔貯之玉甕孟猥吟狖嘯閼  
不得短後健兒尺一書餉商丘公激珍賞選真吟窩東  
南隅一拳石松一尺耳三十六峰蒼翠移於斯叶公來  
巡檐日百市寵以篇什鏘珣琚少兄多怪得未有賓從  
獻疑紛詫吁或云軒轅當年鑄丹鼎丹成遺此一片雲  
碧腴或云猿公擲劍刺石罅化作青蛇抉尾銚蟠須商  
丘公自笑哈爾拍容成肩呼浮丘叶兩老禿翁汝知不

松卽援龍峰天都漆園小生齋物何足道獨不見芥孔  
納得須彌無

我眉石

我眉翠壓岷巫巔兩峰屏顏青曉天玉床金鼎含紫烟  
踞空遊戲佛與仙神燈瑞像縹緲間丹砂眞汞闕千年  
君不見一寸石亦吐光怪扶桑朝暎射晶彩頗黎水淨  
搖蔚藍珊瑚枝瑩映珠琲五色眩閃難強名璚璫琬琰  
瓊瑤瑛

送心壁道人還開先寺二首 選一

偶逐閒雲出還隨海燕歸落梅香洗盃渡水綵漸衣天

自朝詩的 卷之十一 江南

詩

際九華見春江一樵飛還山花事過藥院長舊微

冬日寓齋雜興戲學放翁體十首末章專呈漫堂  
先生 選二

壯歲初心與古期摧頽老態忽如斯讀騷痛飲豈名士  
送鬼燒車亦大癡未必文章肩子厚且謀杞菊擬天隨  
卻慙幕府棲遲在輸與松江理釣絲汪鈍翁手札謬稱予文章似柳子厚人似陸魯望近陳叔峰爲予作傳亦用其語故聊及之

草堂地僻近湖干南北垞連夕照寒落木青開峰面出  
樵蘆白放水痕寬賣書船到添新帙問字人來整舊冠  
如此敝廬歸亦得殘年眞合併漁竿

奉和漫堂先生九日池上見示之作次荷字

芙蓉殿雨風折荷池上浙瀝秋聲多  
凝繁霜髭從作客  
寂寂寒花聊放歌  
青山城外晚逾翠  
白雁銜前影乍過  
賴是謝公吟興好  
詩成屬和許羊何

奉和漫堂先生使院後園絕句八首 選二

積雨苔上階開園絕行迹  
新霽還獨來落花深一尺  
行藥後園去雨餘水木香  
石角蔓藤刺疎花明夕陽

癸酉除夕悼亡詩廿首 選二

星白烟青午夜天  
鰥魚惻惻那成眠  
苦吟常侍傷心句  
霜鬢明朝又一年

自南詩的 卷之十一 江南

空房舊榻網蛛煤  
想見燈殘饑鼠來  
細雨黃昏家祭了  
梅風吹動紙錢灰

西湖雜興二十首 選三

南渡江山似畫圖  
宮中別築小西湖  
慙慙一片臨安月  
也照青城毳帳無

楊瓊白塔寺門斜  
廢殿淒涼記宋家  
試向鳳山高處望  
更無宮樹挂袈裟

玉匣珠襦散不收  
寒瓊幽草亂山秋  
杜鵑血盡冬青死  
處士依然土一抔

程麟德 令彰徽州人

燕巢詩三十首 選五

曉雨分寒及社翁  
人家滿地玳梁空  
海禽繞到羽猶濕  
溪草新生泥正融  
幾日勤過知早計  
一巢堅就信餘工  
春前飄泊曾誰念  
今可雙棲慰落紅

半山晴日半灣溪  
招譙閒堂柳葉齊  
渡海化人雙股劍  
封函飛將一丸泥  
匣開白玉龍應嗜  
簾捲青筠鳳莫題  
誰把珍珠穿裹肚  
剪刀聲急出深閨

草葉苔花繡一街  
隨風貼地逐青鞵  
調泥作豆喜偏慣  
絕壁爲家隱可偕  
銀艾正思公子珮  
玉梁曾認美人鈿  
匡床風雨吟唔盡  
閉戶深山結遠懷

國朝詩的 卷之十一 江南

行春自築避風臺  
圭竇猶知背戍開  
巢許瘦瓢懸竹樹  
唐虞土盞畫雲雷  
異兒說夢騎蟾項  
弱女成仙剖鹿胎  
一隊青衣圍史案  
玉堂飛翰信天才

鶴井爲棲未可憑  
不階寸土又誰能  
半邊泥屋梨花補  
幾個沙蟲竹露蒸  
掩我翠屏應有恨  
汚他繡篋也無憎  
金閨莫有人交妬  
翹舞寧辭一日承

徐永宣 學人武進人

樵客吟

樵客尋樸林持斧  
上高嶺俯視榆柳村  
點點落烟井竹  
擔挑枝柯畏遇白  
額猛同伴索應聲  
聲絕山氣靜夕陽

胭脂紅深谷墜長影行歌出林末歸路曲於纓回聽精  
藍鐘流響答返景

綠絲行

柳花村巷晴牕南蠶神祀罷祈春蠶一箔三眠日卓午  
食葉聲中作風雨婦姑飼蠶不得閒雙眉嬾畫螺青山  
戴勝飛鳴繭成早繰車索索絲皓皓賣絲抵稅輸縣官  
入冬子婦仍號寒

芳華怨題楊笠齋春曉集

春水琢作雲母屏清寒緊護交疏櫺美人孤坐愴遲暮  
鴛鴦飛過青蘋汀汀洲空綠通弱水一髮三曲萬千里

國朝詩的 卷之十一 江南

天

檣無鐵鹿畏海濤又苦船頭逆風起人生那得如叩鵲  
東西食宿難相兼可憐劉阮仙分薄歸有何好拋花匳  
詩人嘲弄翻激楚筆端鬼語復禪語力追溫李師致堯  
深情句在無言處陽鳥疾馳光月兔靜擣霜柳絲萬把  
誰捉搦整入樓上眉梢長相思銷骨無著莫夢語荒唐  
惱靈鵲紫竹吹殘叫鷓鴣青天蕩蕩楊花落

蟬聲

淒涼餐露咽寂歷抱枝鳴南陌離亭怨西風故國情村  
空疎雨歇柳斷夕陽明脫作遊仙夢無須聒五更

夜坐寄查田查浦二編修綱菴侍講

息影秋山外收聲夜氣中樹寒偏得月葉下不經風夢  
詎愁家遠憂難借酒攻恐傷良友意未忍泣途窮

張天門學士招遊青山莊看菊四首 選一

種花招酒伴脫略著青鞵北垞離閨靜秋光抵暮佳半  
腰眠柳綾千股落松欒回憶京華日黃塵漲六街

舟行卽事用香山韻

秋深酷愛水雲空興到五湖東復東船泊荻花全白處  
酒沽楓葉半紅中貴人翁仲薶荒草浮世賓鴻逐斷蓬  
何似素心晨夕共詩籤茗椀得相同

雪次東坡書北臺壁韻二首 選一

國朝詩的 卷之十一 江南

完

爪印冥鴻項縮鴉河藏歸櫂岸停車夢回布被都成鐵  
冷入篝燈暗著花吟闌高才娛謝傳畫裏寒色臥袁家  
詩翁擺落漁簑句別展枯蕉上玉叉 南田雪蕉圖 仿右丞也

竹垞先生留宿楓橋慧慶寺夜話追悼陸文孫 陸與

先生同里善音律流寓常州卒於粵東

朔風號怒紙窓前憶舊僧房感逝川鄉曲公憐楊狗監  
天涯吾悼李龜年雪深院落妻無絮葉擁階除突少烟  
此夜楓青燈影黑鼓寒霜重不成眠

題花嶼讀書圖

燕子日長時書帙把種樹烏雀散空庭山花落如雨

雨中集顧大虞佩山茶花下

梅花花信破春寒雨妒風欺昨夜殘不是花淫誰解愛

海紅斜壓畫欄干

張籍以柳葉換山茶人謂之花淫

門外淮流一道斜斜絮飛蘆屋記儂家無端半夜西風起

吹入姑蘓襯落花

伎云淮東人流落到此

湯自奇

鳴友武進人

桃花書屋歌爲芷園太守賦

赤城隱隱仙人家人間遙望惟明霞霞歟非耶誰得知

酣春一色紅桃花桃花深處香茅屋中有瑤函盈萬軸

朱書綠字不可辨晴窓惟許仙人讀仙人翳鳳騎麒麟

國朝詩的

卷之一 江南

三

早侍玉皇班紫宸歸來綵服增鮮新攤書坐擁桃花春

此花祇應天上有黃實成時大如斗春客小度三千年

先摘南枝壽西母

太守先官上壽頃以乞養歸

小舟

小舟能蕩漾好友日過從衣履從吾懶琴尊任爾同雨

添通漕

去

水暑減罨溪風清絕雲尖路蟬聲落照中

花燭詞爲張恂叔七夕納姬戲同蓀服辛齋賦

露氣初涼月影遲南飛鳥鵲正棲枝人間天上都佳話

一片微雲欲接時

眉樣新增兩點青霞裾徐引玉高亭從今夜夜天文裏

織女邊旁又一星

莊令輿

蓀服武進人

和辛齋韻送鳴友之江西

我生性崛強未易片心降曾見述庭詩竦立形降踞摩

準兩目昏迎曦當明釭與思挾幽闕快論開愚惑杜韓

力能追屈宋心無憊騷壇整旗鼓筆陣排長鏃小儒言

詹詹比之別純龐昨從岱北歸握手欣雙雙談諧共晨

夕逍遙樂鄉邦我今髯已秋君亦眉將龐學易叅象卦

逃禪禮旛幢撫掌笑塵世語雜聲囁又破饑來驅故

都棄如椿離情促愁思舊雨賡新腔詞峰矗層層文瀾

國朝詩的

卷之一 江南

三

瀉淙淙雨餘看山翠風起聽濤瀧曉扣裏露肱夜吟掛

月雙畫坐耽殘編兀若臨溪檣酌泉水清泚烹魚腹脰

肛懷古吊子陵烟霞鎖幽徑登臺歷危磴踟躕地音登登

我聞宜陽道窮葉蒙輕艤短槳移中流長竿插邊江松

篁夾岸鳴響答泉琤從嫩葢探早桂幽香摘秋苳計日

醉衙齋山光耀晴牕嗟余胸臆中魂礪相擊撞濁酒尋

常澆一吸什伯釭狂名播人口如走疾足驍不甘老瞞

下旋乘閩粵解

和陶詩桃花源韻題桃花書屋

倚山梁幽棲閒雅絕塵世垢耳松風鳴避人林鹿近紅



爛谿南桃尊疊無日廢繩床稱意移薛石隨時憇丘壑  
寄閒身悠然恣游藝皇程趣促星駕廿載無安稅野店  
晨雞號山橋夜犬吠難辭組綬榮空想芰荷製一朝賦  
遂初放棹家園詣重看卉木繁驟脫風霜厲樹樹赤城  
霞種植歷年歲愛熏花氣濃喜聽鶯聲慧勞勞苦塵網  
頓入神仙界語停泉石喧身受烟雲蔽逍遙巖谷中嘯  
傲形骸外武陵捕魚人逢君應結契

國香園和韻

面城臺榭隔溪堂瀟灑名園集衆芳過雨烟巒開舊景  
入春蘭吮吐新香鶴頻窺影波光照鶯但聞聲柳葉藏  
朝朝詩韵卷之一 江南

疑是少陵潭北路一樽長醉百花莊

調于碩堂進士失足落池水中和原韻

碧池風暖漾花浮失足橋南訝覆舟夜雨驟添千叠浪  
曉波盡洗一天愁身緣愛潔儕溪鷺心本忘機狎野鷗  
乘興只如沂水浴相將童冠莫春遊

程庭且碩若菴歛縣人

曉行

角角羣雞鳴疎窓影生白殘月猶在天衆星半明沒顛  
倒理裳衣夢回猶恍惚行厨強進餐園人頻促發兀兀  
涉輿梁迢迢度阡陌途迷侶伴呼露重輪蹄滑駑驢駕

巾車廣袤不十笏跌坐足卷曲履險心艱晚如何天地  
寬出門翻跼踖笑余蓬蒿人忽作風塵客

泊舟海陵鹽浦卽事

九月海陵城西風催木葉孤艇入蒼茫舒懷天地闊曠  
影蕩波光葱蒨見毛髮俯茲流湯湯可玩不可啜兩岸  
恣喧囂昕夕無休歇舳艫高於山聯翩駕素雪金錢輪  
少府賴以永不竭千夫効奔走循環如電掣感念此窮  
黎歲晚謀生拙鳩面失人形鶉衣懸百結冷雨風蕭蕭  
浦頭泥滑滑荷重升高危失足屢顛蹶微軀曾不顧所  
爭在毫末吾儕亦鹿鹿饑寒不相接咄咄猶書空俯仰

朝朝詩韵卷之一 江南

三

意未愜不謂逸與勞迫然河漢別揮杯聊自慰爽氣來  
林樾

立夏前一日王蘭皋舍人招集城南汪氏園亭

烟凝芳草塵如麴三月蕪城櫻筍熟鳩婦頻呼朝雨殘  
鼠姑爭散明霞簇歷亂花枝壓帽簷城南車馬何喧闐  
一時畢集多名宿交情端爲主人賢獨步江東第一流  
行旌到處傾王侯四海咸知習鑿齒萬戶不換韓荊州  
鬚眉朗爽率天真落筆文章信有神筵上每題紅杏句  
醉後還書白練裙扁舟近作蕪城客客裏殷勤開綺席  
花光圍繞上翠恩柳色迷離侵琥珀莫因風雨爲春愁

猶得濃芳竟日留不禁狂呼羣母戰頻施狡獪競藏釣  
清音雅會偏瀟灑婆娑醉影堪圖畫風流應不減蘭亭  
千秋當共傳佳話

水口道中

柴門何僻靜取徑入幽篁俗樸饒雞犬時豐足稻梁一  
犁山雨潤幾架荳花香自笑風塵客棲棲道路長

海安道中

一入吳陵道河流細細分參差交碧藻穠穠極膩黃雲遠  
火依魚簷餘杭散鴨羣野人桑外塵事未經聞

和家霞起兄岑山漱芳閣原韻閣爲其先人所建今重葺之

國朝詩句卷之一 江南

蕭

高閣臨無地溪聲六月寒蒼松懸絕壁怪石咽狂湍當  
戶來山色凭欄落釣竿故鄉歸未得可許夢中看

漁灣有感曹銀臺嘗集漁人打魚於此壁間有公題咏

朦朧舊事尚零星賦楫無聊上小汀落日蒼茫迷遠樹  
寒濤寂寞打孤亭漁歌欸乃空相憶雁語酸淒不耐聽  
漫剔碧苔尋好句魚龍欲起晚風腥

胥門懷古

俯江雉堞勢崑崙抉目孤城恨莫銷九死餘生邀擊絮  
一時霸業屬吹簫春秋盟會原虛誕種蠡功名總寂寥  
到底不忘吞越志至今猶有大夫潮

孟城舟中對月

沽來紅玉舊標名頭沒深杯笑絕纓征雁偶隨漁艇渡  
荒雞遙傍戍樓鳴漫疑詩興偏成癖不信愁腸尚有城  
欲趁清光橫鐵笛先從鼉背矚神京

青旂寺

北風悲嘯日蒼涼絳縹征衣短後裝長路關山初作客  
清時斥堠尚留防沿途多烽望河流半啗崩沙磧棘刺斜穿  
亂石墻自入臨沂最蕭索難收綺語到奚囊

暢春花紀勝

蓬萊紫氣接西山遙擁靈臺駐聖鑒一桁鶯花開緒

國朝詩句卷之一 江南

蕭

幄半篙春水到紅欄獨租早愜扶犁望醺會尤騰倚杖  
歡暇日御筵親灑翰龍鸞鳳翥拜千官

聯翩花萼闢新奇常博天顏爲解頤鸚鵡籠邊親製

曲葡萄錦上競裁詩千重翡翠迎仙館百尺琅玕引鳳  
枝幾處松扉臨曲水碧欄干外柳絲絲

玲瓏花影亞紅牆半是侯家綠野堂漱澣波光分太液

菁葱喬蔭出長楊從奴慣解調鷹技少婦偏梳墮馬妝  
陌上卓金車子過軟塵暗帶粉脂香

鳳凰池上擅才名彩筆凌雲賦兩京曉露柳拖金轡重  
春風花壓翠裘輕冲霄久惜毛全鍛鑄鐵堪憐錯已成

不及玉泉山下水琤琮長傍御溝鳴

趙北口驛壁見蒿亭題句因次韻寄示之

夾堤烟柳最濛濛野港波痕曲處通雨過遙天垂淺黛

春深小杏綻微紅龍驤水獵帆馳馬今上常打水雁使

雲程車鬪風南北往來堤上者絡繹不絕囑取碧紗籠好句愛君文

采有誰同

都門留別

嬌絲脆管通招歡春袖淋漓酒不乾敢望燕臺收馬骨

頻煩安邑餽猪肝舊紫心曲成蕉鹿新署頭銜是橘官

拂罷征塵還野服竹根如意籜皮冠

國朝詩的卷之十一江南

美

大禹城與曹師汪子暫別一首用趙北口題驛壁

韻

祝阿城下雨迷濛岱嶽函山四望通風颭麥芽新葉翠

烟籠寺角古牆紅賓鴻有意懷南裔越鳥無心戀北風

客路暫時猶惜別殘燈旅夢料相同

登岱

拔地盤空菡萏垂岱宗千古擅雄奇俯觀海日蒼茫出

平散天風瀕洞吹阿閣神房何處覓金泥玉檢更誰覓

振衣縱覽人間世一髮中原兩儀

夏夜

鬢華緝雪膚桃笙含馥郁階戶靜無聲流螢度疎竹

題畫竹

干霄千尺姿露粉凝香絮颯然風雨驚一夜成龍去

孟夏日再過青駝寺

白艸黃沙慘客顏春深茅屋晝常關而今略似江南景

麥脚搖青接遠山

吳 璟元朗吳門人

題徐虞門都諫宣沙視牧圖

雲州雄鎮天險絕九月寒風利如鐵鵬鴉堡西秋草肥

連錢萬騎編金埒徐卿豪氣天下無驅使官奴憐汗血

國朝詩的卷之十一江南

美

短衣匹馬看射虎一夜踏盡陰山雪君不見天子之馬

十二閒飛龍紫燕三花斑千金駿骨不易得徒令高價

留人間漢家當時玉關閉輪臺逸足空山斃可憐開元

四十三萬馬碌碌都隨張萬歲前年將帥出征西清秋

落日聽鼓聲黃塵無光黑川渡蕭蕭夜半驕長嘶大小

青山插天起平沙萬里駝秋水地上何人賞神駿只爲

三軍託生死嗚呼劉公的盧不可追溫侯赤兔徒爾爲

平生一顧遇伯樂橫門報恩亦有時徐卿戟髯仰天笑

慷慨爲賦從軍詩

諫院獨坐

青門眉格已殘春八尺蒼然突兀身潘令久知雙鬢改  
杜陵自分一生貧不慙癡鈍爲新進猶喜提攜有故人  
騎馬親棲竟何事滿箱月紙已埃塵唐拾遺官月給諫  
紙二百張見樂天集

張廷瓚隨齋桐城人

塞外午日憶京華四首

閒階杖屨逐花移白葛當風鶴髮吹蛺蝶酣香攤粉翅  
小蟲懸樹絡青絲簾垂棐几成新句茶熟蕭齋集故知  
頻向紫垣問消息王師可是掃巢時

花依萱砌午陰移遊子身同斷梗吹憂病寄漆囊底藥  
衛寒縫盡手中絲撫肩有淚征衫漬稽首無言繡佛知

國朝詩的 卷之一 江南

五

莫託鱗鴻報愁緒蘆風雪夏深時

遙天極目雁行移伯仲墳荒憶共吹簷樹陰中攤素帙  
瓶花影裏寫烏絲茶香抱膝由來慣星月懸鞍總未知  
翻信燕然行役壯及歸惟問鼓鼙時

鏡奩朝啟畫屏移統扇迎涼翠帶吹袖裏香羅藏艾葉  
欽頭小簾貼珠絲夢餘應恨流鶯語愁重難邀燕子知  
莫向樓頭怨楊柳卧看牛女是歸時

張函紫來江寧人

瓶菊次鮑樹百韻

疎影依人淡清光入案幽霜風吹滿地瘦盡一天秋

楊 瀛凌洲無錫人

雨窗夜話分得花字

春容何黯淡池館更無譁簾捲一窗雨烟籠幾樹花倚  
牀閑客夢沾酒得鄰家好似巴山夜聽來燭影斜

喜緯蒼至

相見恨偏晚歡然遂忘形于人寡投分而我獨垂青書  
法官奴帖吟竟謝客亭閒盟期不負鷗夢狎沙汀

花朝感懷即用杜雲川先生丙戌成都門花朝四首

韻

東風懊惱倩誰知聊寄悲吟和收之觸日遊蜂偏按候

國朝詩的 卷之一 江南

五

傷心巢燕已多時坐來岑寂春猶淺吟到芳菲日較遲

池上草亭依舊綠可堪今夜酒盈卮

池館當年憶笑譁祖孫指點作浮家依稀無復庭前語

零落空餘檻外花宋君謝世長  
兒亦病廢漫理葦蕪分石角忍看

蘿薜掛簷牙春明觸處驚枯眼俯仰于今感物華

因悲陟岵此逃名嬾聽風簾燕燕聲披拂烟霞欣素侶

主持泉石愧司盟千絲新柳絮愁壘幾樹繁紅幻錦城

寄語京君休作態偏余辜負百花生

鬢盡青苔石髮髯韶華底事乍涼溫經營十載拋莊夢  
酬贈今朝願客魂半閣殘香春寂寞一池清影月黃昏

愁腸欲訴逢知己爲納高車不閉門

董于堤 野符天長人

秋日雨後次家兄韻

碧池雨過覺涼生爽氣浮來几案清  
桐挾晚風喧屋角蟬鳴殘照促  
粘聲稍黃歲稔雲漏野烟白  
天空月滿城楓落吳江秋正好  
日歸新句漫裁成

富春道中

鳥語猿啼出翠蘿  
磷磷水石客舟過  
臺空猶說巖陵釣事屬高風白不磨

方琢 西山天長人

國朝詩約卷十一 江南

送欽立之金陵

相聚久偏樂相離暫亦悲  
一江南北路雲樹兩凄其

楊玉山 樂園無錫人

落梅

新柳堤邊白板橋  
舊曾經處欲覓消東風一味催離別  
香雪無端數點飄

崇三台 屈平天長人

馬家集

五十還家路歸心咽  
曉鐘疲驢支地滑初霽怯烟封麥  
比來時秀山從別後濃春畦剛得雨  
忙煞故園農

方鳴夏 南陵江寧人

送文賓門還漢陽

離情已最苦况是送知音  
白髮尊前汨青山別後心  
春風孤棹遠夜雨一江深  
遙想當斯際村醪祇自斟

望杏

桃花未放杏花稠  
活色生香一望收  
萬片錦連飛燕外十分春  
露小牆頭分明蓬島移  
仙種打點瓊厄醉玉樓  
忽憶江南村路裏衣霑細雨幾回遊

漢柏

黛色霜皮逐歲增  
元封時節葉屑屑可憐青  
鳥無消息

國朝詩約卷十一 江南

不借濃陰覆茂陵

唐槐

老幹扶疎歲月浚  
年年花瓣落黃金  
龍歸晉水消磨盡不及槐南夢到今

孫中岳 楓麓桐城人

春日書懷

酒殘何曾把春從失意殘  
地先梅雨潤天酸  
麥秋寒種樹成陰密開軒  
得月難坐深惟一榻多事許偷安

晚出龍眠同諸子歸途限韻

山樊居錯落日暮隱炊煙樹杪鐘聲墮  
潭邊笠影偏驢

貧歸去路鳩妒冶遊天安得藤蘿窟閒消戰伐年

同霜鶴先生憩別峰庵

蹢躅石磴杖同擎數里炎曦一笠遮谿徑亂穿瓜蔓水  
山邨烘染杜鵑花香廚旋剝新抽筍古鼎徐烹自種茶  
話到斜陽鐘四合許分清福向僧家

呂清菴亭一齋古敏人

籬花

我家萬山中野性同麋鹿三載滯荒城日夕苦羈束故  
山不可忘相思何以續移得石間藤不改山頭綠次第  
放疎籬清風香滿屋一枕夢初回猶疑臥幽谷

國朝詩集卷一 江南

聖

送西方菴靈章和尚移錫馬山

江干一片石北向面孤城南通州有五山四山俱面江獨馬山北向老衲忽

飛錫山禽時出迎徑荒餘鹿跡禪定入濤聲薄暮隣鐘

接松杉落月明

新夏即事

一派槐陰覆草堂杜鵑聲裏日初長蛙鳴遠浦沉深畫  
燕壘新泥上舊梁稚子攜鋤種秋色山妻炊黍餉斜陽  
但能幽賞供狂趣浪跡天涯亦故鄉

金陵竹枝詞

金陵竹枝詞十首爲阿二阿金兩姬作也阿二風流

蘊藉雅淡勝人阿金巧慧玲瓏工於禱技二美當筵

風生座上縱使司空見慣亦當心醉覓消何況鐫前

一面其能免蘇州腸斷之句乎因各賦五章以紀佳

話但余半生迂腐間入花叢忽畱綺語雖曰文生於

情亦自哂失余故步矣 選二

滿酌葡萄恰半醺人前個個見殷勤蕭郎若辨情多寡

只在眉梢占一分

擬將身嫁白爲媒直到跟前口不開偏在暗中吞半字

要郎知道教郎猜

張梅 文虎晚亭江都人

國朝詩集卷一 江南

聖

蜀岡秋望

秋色荒涼裏隋宮何處尋西風孤閣迴落日遠鐘沉山  
氣更朝暮川流自古今向來歌吹寂松檜有餘音

秋日登岳王墩懷俞棠村廣文

僧居愛傍岳王墩野色湖光總到門晴日登臨緣有興  
秋雲聚散本無痕山空葉落聲常寂天遠鴻飛望欲昏  
爲憶閒官秋冷句去秋棠村有閒官只合探秋冷之句梅籬迢遞倍銷魂

霜降後一日徐南村廣文招集尊經閣遠眺

新霜昨度古城頭風景荒高觸眼收黃菊幾家三徑冷  
月楓一夜滿林秋蕭蕭老樹斜籠水颯颯西風亂入樓

更望寒鴻飛不斷長安空帶旅人愁

調每燕同學諸子

閒居夏日

最畏閒窗暑日侵綠蘿烟徑不嫌深清晨自起牽藤蔓  
補滿東南一角陰

秋日曉起

一徑黃花帶露開曉風颼颼冷蒼苔呼童掃淨枯桐葉  
恐有尋秋客早來

俞 巖為光知莊泰州人

傲古

今夕風氣清簷前閒鐵馬幽人不能寐起坐北窓下手

國朝詩

卷十一 江南

聖

揮綠綺琴中情托以寫絃急調轉高曲終誰聽者

九日同人登泰山懷家棠邨先生限韻

松青竹翠擁禪門風滿深林落葉喧菊淡恰同秋月冷

山寒還借夕陽溫宣城佳句高難繼

先生時官寧國

彭澤閒情

老更繁許我狂吟酬令節不教愁緒入芳樽

秋夜

寂寥枕簟兩悠悠雲淡風微夜色幽竹倚窓前千个瘦  
月橫天外一痕秋清砧散處孤城冷玉笛飛來滿院愁  
自欲放懷偏刺促是誰把酒獨登樓

聽鶯

樓外風清日正遲春光潑眼柳絲絲聽來黃鳥雙雙語  
知在垂楊第幾枝

章應壽建可貴池人

遊石林值雨

湖山名勝地到此更稱奇石矗千尋壁林穿萬樹枝烟  
浮雲欲接徑曲路多岐不盡登臨興絲絲雨細垂

奎文閣柏影

傑閣凌霄漢亭亭古柏深盤旋如有意蒼翠自為林日  
落光逾碧雲來夕更陰與松同節槩珍重歲寒心

章應新鼎可池州人

國朝詩

卷十二 江南

聖

春日北遊

一枝栖未定行色又匆匆驢伏心千里鷹飢目一空腰  
曾綠病瘦詩必待窮工腸斷鄉關隔何時雁帛通



國朝詩的目錄江南

卷之十二

鄭元景	七首	汪耀麟	再見	宮夢仁	一首
孔尚大	四首	鮑士騄	二首	任西邑	一首
朱襄	二首	周邦光	六首	戴瀚	五首
吳非	一首	李果	一首	許廷鏢	二首
袁瑛	三首	周榮光	五首	曹日瑛	三首
周龍光	六首	鮑雲際	四首	徐日薰	二首
孔興恂	二首	方元禮	一首	周遠	二首
施璵	一首	朱庭柏	六首	顧瑤光	一首
凌啓蒙	一首	蔣慈	二首	李茂	三首
徐蘭	二首	王敬	二首	程遙	二首
莊天錦	三首	陳以剛	三首	胡旨	二首
宋和	一首	沈思倫	一首	王溪服	二首
蔡登	一首	田林	一首	朱觀	二首
張鴻烈	一首	吳銘道	一首	宰楨	一首
古風盛	一首	張純	二首	彭昕	三首
田實發	一首	郭岱	一首	蔡世英	一首
鮑元方	二首	龍資麟	一首	胡邕	一首
李騏	三首	金堯年	七首	王方岐	再見

陳以明

五首

吳正炳

七首

卞士弘

二首

刁琢

三首

龔孫寅

一首

馬幾先

七首

閔奕佑

七首

方願瑛

四首

吳國珩

三首

程之紳

五首

于宋

十首

胡其毅

二首

郎遂

一首

張師孔

三首

王履吉

四首

洪聲

八首

李上德

五首

吳紹熹

二首

吳燭

三首

吳燧

二首

程紀

六首

余光全

二首

吳璋

一首

徐紫芝

一首

國朝詩的目錄江南

卷之十二

目錄

國朝詩的卷之十二

長沙陶 煊奉長選

同里張 聚豈石同輯

江南

鄭元景 明永歙縣人

感興二首

菁菁東園樹綠葉生繁陰宿露散朝華夕烟枯衆禽慨  
彼秋霜至蕭條一何深松栢生崇岡獨守歲寒心請看  
固窮節遲暮成嘉林

翩翩貴公子綺服競青春鳴鐘開翠幙列鼎羅脩珍明

國朝詩的卷之十二 江南

月光皎皎餘輝及四鄰豈復知徂落百年同麴塵

釋悶

憑軒獨坐心鬱陶百年跡襟蓬與蒿狂歌痛飲一生事  
腹中五嶽徒爭高管寧早帽安倫擬伯鸞廡下同妻子  
前日春江夢故園還家今見秋風起

寄漢臣

天際收殘雨山中覺早涼野雲明去影斷壁復秋光日  
落千峯紫蟬鳴一葉黃相思更回首幽意獨難忘

晚晴

雨晴幽意愜柳外日斜曛沙嶼吟歸鳥江風逐去雲竹

深寒翠溼香遠落花聞自喜清尊滿徐傾入夜分

胸陽冬夜卽事

迢迢更漏坐偏長寂寂寒齋夜未央日月送窮惟有老  
文章多累敢言狂簾前短草霜初白囊裏新篲酒正香  
勞爾殘燈照歸夢醉眠身尚在胸陽

程培風自淮陰以書見枉兼寄新詩感賦

愁中忽枉淮陰札幾度相思見故人漫訝舟航歸海上  
却慚蹤跡老江濱牛衣靜夜憐妻子鶴髮空齋泣鬼神  
邇水到來應歲晚巡簷索笑早梅春

汪耀麟 叔定江都人

國朝詩的卷之十二 江南

螢苑曲

熠燿何須數斛飛景華燈燭儘光輝隋家天子眞兒戲  
只夢江都不夢歸

宮夢仁 定山靜海人

長歌賦贈王竹里

山水画作誰清超雲林逸品營丘高寫生花鳥誰絕勝  
黃荃以後無其曹廣陵王君兼二妙筆墨喚作丹青豪  
拂絹迅掃萬靈集眼底太華連中條江盤峽東渺無極  
縮地萬里爭毫毛蒼崖怒裂古栢折坐見四壁生風濤  
天喬飛走各殊態手追心慕時濡毫林鳩石燕相與語

冰梅落盡開細桃世間好手定有限如君造物難形述  
人工天巧各相半妙技豈得常蓬蒿山水寂莫泉石冷  
此景可画不可遭願君泚筆画健鶻養成六翮搏蒼霄  
孔尚大 德載五若建德人

浮山天王寺

寺名因遠岫一宿靜塵心古碣光堪照頽廊邃可尋僧  
歸庭月滿客去逕雲深共語誰當解高枝弄好禽

由湖塾望赤山作 山之西麓爲先伯文忠公墓

驛路高堤去千家夾岸旋平疇方四野孤嶂忽中天捧  
日常亭午雷震不計年因知埋杜預遺命首陽邊

國朝詩的 卷之十一 江南

清溪二生祠 夏鵠夏鵬所著有十三代史畧亦清溪人

草野亦何與相期軀並捐一時連璧碎千古斷金全不  
愧溪澄碧堪同塔倚天夏家兄弟好名姓豈空傳

疊嶂樓追和太白韻

北樓遙置想心與萬山空窓數歸雲鳥簷騎斷雨虹試  
吟疑閣筆寄興欲攜桐誰豁風塵眼還憐無是公

鮑士聰 漢馭江寧人

和荅周懷臣

地僻一椽靜身閒念念休天真客老懶世路急苛求午  
夢驚乾雀朝吟韻比丘平生知已在回思各悠悠

自顧無長計能詩是浪傳但知塵事少不覺野情偏庾  
鮑慚私淑機雲讓接肩何當勤遠問未了舊青甌  
任西邑 幼瞻宜興人

擬古

嵯峨洛陽城甲第自相屬卑址壓盤螭高臺礙黃鵠倏  
忽青蓋移銅街秋草綠曠懷天地間母乃傷踟促北方  
有佳人慣侍遊俠宿皓腕脫黃金清姿比寒玉未解動  
邊愁猶唱忘憂曲一聲倚高樓數闌協絲竹何者爲悲  
歡流光一何速

朱襄 贊皇無錫人

國朝詩的 卷之十二 江南

渡楊子江

一篙春水碧痕香又向南徐問渡忙芳草穿沙依舊綠  
垂楊拂岸斬新黃經心潮汐如期約到眼金焦亦老蒼  
獨倚東風重回首亂帆影外是吾鄉

對瓶花有感

小窗春日獨吟詩隨意繁花插兩枝即使牡丹真富貴  
有誰來看未開時

周邦光 侶權池州人

寒菊

霜凝華愈茂秋盡節彌堅開自重陽日看過十月天插

黃曾共賞冒雪待誰憐寄語陶彭澤青松與作緣

將之徐州留別都門諸同學

交親憐去住心思苦依違北顧難爲別南行且當歸叩門辭本拙寄廡事寧非一褐衝寒往臨風淚暗揮

登雲龍山放鶴亭

曲徑迂迴上孤亭杳靄間蛟龍吞落日兵火剩名山不礙雲舒卷寧無鶴往還窮途逢勝地一望起衰顏

晚過方樺坡話別卽次原韻

一肩行李詩過半滿眼塵沙淚較多到處夢魂依井里因人蹤跡老關河驅車冒雪真行矣把酒臨風喚奈何

國朝詩的 卷之十一 江南

五

離合人生本無定逡巡底事起悲歌

冬夜東鮑勺亭卽次見懷原韻

身同墜葉逐風狂萬事疎慵祇自傷薄俗大都輕破帽雄心強半挫空囊三年夢斷天邊雁一夜愁生鏡裏霜爲語牆東苦吟伴梅花消息果微茫

送王帶存還楚

白門何幸慰招攜屈指詩名孟浩齊官閣吟殘梅欲放江樓酒罷月初低潮平烟渚歸帆穩葉落霜林別路迷此後相思知曷極夢魂頻到石城西

戴

瀚 振東巨川上人

留別江雁川使君

嶺雪河水萬里明秦關匹馬忍孤行寸心非獨如昆弟八口都曾託死生風虎跳崖高樹戰野猿啼月亂山驚莫言後會多艱阻遠夢長依天漢城

題周懷臣讀書秋樹根小照

石亂葉俱積天空水無痕巖壑有如此讀書秋樹根怪樹立霄漢蛟龍相盤拏溪風忽香至何山開桂花

山中檐忘歸徐見白雲展古人亦何遙知君實輪扁

空林鳥獸稀萬籟作還止嗟君道氣深况住烟霞裏

吳非

山賓古牛貴池人

國朝詩的 卷之十一 江南

六

次韻奉酬周侶樵

但知求苟全何敢曰高臥後先遠近間故交賸幾箇希烈成顏忠余媿猶殘唾幸無責可寬差免受人挫君本少年才聲名早自播不須琴碎招將來應勿情不薄頽齡翁唱予遲爾和歐公畏爲言草草遙通座

李果

客山長洲人

五君詠之一

陶甄夫

陶窳豈陶者抱才起江漢結髮慕氣節早歲當患難親機隔滇南陟險窮諸甸秋風下銅鼓淚與猿聲斷歸來

發書讀蟲篆尤條貫高視千載前吐辭雲霞爛達人慎  
出處不肖妄攀援匹馬入秦關歷覽邊城縣熊耳山固

奇筆力更一變去年攜妻孥移家載書卷卜築居建業

愛此舊里閑鄰樹橫檐來江雲出門看素心者誰子鳴

琴冷然善我本朴訥人與子喜相見如何胥浦別時時

盼秋雁

真州有胥浦

許廷鏐

子遜紫巽長洲人

送周侶樵之徐州

敝裘羸馬踟躕水南去鄉關思不勝到日鷄鳴山上望

寒雲千里鏤金陵

國朝詩約

卷之一二 江南

二

伯業重瞳事劫灰江山懷古待清才西風殘照彭城郭

爲問當年戲馬臺

袁瑛

古香江寧人

葉氏水亭懷芳白

無恙一溪流水碧經年惜別故人遙秋鴻不識江南路

春漲空浮白下橋桃葉新聲拈綠蟻蒼梧舊雨對紅蕉

檻前山色輕于黛爲貯離愁翠不銷

讀史詩四章

選二

西施石

石上曾盟范大夫功成終許共歸湖縑絲不信能存越

勺水焉知竟沼吳響屨廊虛空灌莽浣紗溪淺長菰蒲  
飄然一葉烟波裏曾泛西村夜月無

昭君塚

萬里黃沙塚獨青誰憐朔漠葬娉婷宮中舊恨埋荒州

月下游魂望漢庭國典未旌身守禮邊功須紀画通靈

使臣持節從容過釃酒還教一淚零

周榮光

懷臣建德人

同翟非熊過潘錫疇齋居有懷亡友陶甄夫

爲尋高士宅穿徑到林塘樹蓋擡頭屋書陳折足牀懷

人悲宿草感事話斜陽歸路一相送秋風薦晚涼

國朝詩約

卷之一二 江南

八

贈身在修

廿載一相見何期在歲寒立言端習俗砥行障狂瀾塵

採青松勁衣裁大布寬隔牆如約遂三徑擬追歡

送傅惠水還荆門兼懷令兄蒙山

與子難分手牽懷更有兄十年悲聚散八口仗經營芳

艸天涯夢飛花江路情可憐今夜月偏向別離明

懷友

日落寒烟腹林疎暮鳥稀空憐芳草歇不見故人歸既

拙干時策應多與願違春畊田尚在岐路莫依依

簡家少逸兄

同是依人日相終可奈何但教爲客久漸失好懷多獨  
雀閒庭舞浮雲虛壁過何時節竹杖與爾拄煙蘿

曹日瑛 渭符貴池人

客有笑予騎驢者戲爲解嘲

莫笑疲驢浪漫騎金門避世最相宜味同較正開元字

開元中有正字較書據書騎驢之語態稱推敲京兆詩趨闕雖輸班序早

看山却愛獨歸遲少陵旅食京華句三十年來是我師

騎驢三十載旅食京華春少陵句也

七里瀧雨中作

自上江船不斷陰入窓嵐氣濕衣襟村烟每共山雲起

國朝詩約卷之十二 江南 九

瀑布還添灘水深夾岸奇峰塵永隔挿流危石榜常侵

計身何日還初服便爾浮家到此尋

浦城道中

巖壑千重靜不譁山行信宿染烟霞溪輪自轉春香稻

僧窗常溫煮嫩茶風雨自慚鞅掌客雲林空羨野人家

詩材隨處難收拾欲借文通筆底華 夢筆峯在浦城

周龍光 震夫建德人

過唐赤子寓齋夜話赤子時將北上風雨在窗簷

燈命酒率賦此詩

天涯感百端山寺幾追歡雷雨迷長夏林巒釀薄寒酒

沾醪醲易愁洗別離難擁醉談方劇寧知夜已闌

都門除夕微雪集裘魯青宅同荃宗聖武諸子賦

忽已歲云盡飄零在帝京一燈家萬里孤館夜三更草

艸江湖夢勞勞節序驚比鄰聞伐鼓能作太平聲 都俗平鼓爲戲

良朋爲置酒笑語送年華共識春風近尤欣臘雪加歲

豐關國計人樂靜邊笳却憶鄉山好寒梅已著花

長沙偶成

長沙秋盡雁鴻聲懷古無端動旅情岳麓烟霞朝百變

湘江風雨夜三更空灘我亦思陶侃破廟誰來弔賈生

國朝詩約卷之十二 江南 一

却羨洞庭歸棹好幾時東下岳陽城

匡廬道中題東林寺

秋盡匡廬面面晴白雲深處有人行我來小駐東林寺

飽聽松風萬籟清

夏日偶成

槐影如梭弄碧紗綠陰侵書幌日初斜晝長客裏無聊賴

却憶鄉山正鬪茶

鮑雲際 句亭上元人

夜坐

密雨迷苔徑疎鐘響客心雲邊雙闕迴門內一燈深酒

力經風破江聲欲夢侵豈無通夜笛未敢託知音

秋北郊

湖草驕邊馬霜鍾慰菊花日昏江欲醉秋老雁無家一  
杖天心重千峰夜氣賒誰從飛鳥外畱眼故宮鴉

秋夜

江月破林白霜楓過徑丹草枯峰頂禿蘆老雁聲乾節  
序循資變秋風放膽寒陽春燈火外一綫接三歎

道南堂話事五首 選一

風吹大塊入堅冰此地猶存不夜燈把酒任從澆壘魄  
題詩不許到鍾陵雲埋暮鼓聲初斷雪壓危峯勢欲崩

國朝詩句 卷之十二 江南

十一

豈是樽霄無片羽故隨棲鷄謝飛鵬

徐日薰 擬南建德人

擬古

君嗟春路濕妾恨春愁積春路猶易乾春愁日復日

飲山莊卽事

閑閑十畝一山莊柴可爲扉土可牆地僻徑無車往復  
林幽樹有鳥回翔茶烹活火泉當戶酒勸飛觴饗繞牀  
飲罷白來山放月不辭歸暮露霑裳

孔興恂 範英建德人

催秋海棠

漫道秋光遠嬌姿破睡遲縱居幽隱處已是艷粧時豈  
爲人無酒由來客少詩微吟催速放花亦應相知

蟋蟀

石砌花陰那得知止因幽韻動人思兒童不識悲秋意  
緩步攜燈到處窺

方元禮 高度樺坡桐城人

送周侶樵之徐州

邊鴻去盡方南發一任前途雨雪多別酒隨人臨紫陌  
鄉心先爾過黃河客長送客真堪笑歸不成歸可奈何  
幸遇將軍非好武投壺彈鋏兩高歌

國朝詩句 卷之十二 江南

三

周 遠 少逸長洲人

和家懷臣弟見懷原韻

解攜春已半江上奈愁何薜荔山中遠芙蓉木末多耦  
耕身未隱岐路客誰過莫問窮通理閒門長綠蘿

答懷臣弟見貽之作

伯兄京洛號多聞難弟南都復見君鷗鷺江溪終遠去  
雁鴻風急更斜分老來兼恐無行路貧後誰能倚賣文  
目斷鹿門棲隱處人生那遣不離羣

施 珣 每餘宣城人

題楊立菴琴崔圖



透鼻時來幽谷芳茶盍隨意貼琴牀驚回昔夢休重憶  
看徧欄人覺漸狂泥露曉荷增水碧翳天深樹起秋涼  
軟紅十丈塵埋客冠絃何由到此鄉

朱庭栢 林修深邨江寧人

丁酉冬舟從岳州度洞庭

浮生何所際寥廓亦堪傷一水無天地孤舟有雪霜魚  
龍寒欲徙鵬鵠影難翔不盡靈均怨傾來注大荒

壬戌孟陬曹秋岳先生寓青溪節霞閣招同杜于

皇程穆倩陶季深孫凱之限韻三首 選一

九曲青溪水徒傳此一灣浮藍蕭帝寺漾碧蔣陵山密

國朝詩角 卷之一 江南

三

雨催深酌疎花照老顏莫輕今日集涕唾有相關

吳梅村少詹舟泊石頭屬友人葉桐初招遊後湖

作

若雪一千里風流惟謝安試誰新蠟屐重陟舊烟巒

夢遶遙渚鷗眠聚淺灘後湖占一曲止此放漁竿

題采石三官洞壁

誰削嶄崟青半壁居然水府出中坻濤聲響遏東西棹  
樹影層分上下陂渾欲燃犀通窈窕狂思捉月走蛟螭  
臨風恨不生雙翼釀酒重登太白祠

承天莫愁村作

兩處村名並莫愁秣陵西角郢東頭六朝隊裏金龜婿  
那許荆蠻覓玉鉤

欲訪儂家烏榜西風光雲杜不曾樁可知白下通車馬  
此地空餘謝豹啼

顧璠光 辛峰長洲人

丁丑春仲送陶奉長歸長沙

虎丘風月早黃天回首分飛已二年今日相逢又離別

蒼茫獨立寺門前

凌啟蒙 聖功吳縣人

九日重登石公山

國朝詩角 卷之一 江南

十四

獨乘佳節爲尋山猶識當時舊潘璆野鳥認人黃葉裏

丹梯招我白雲間拓開眼底三千界恍接巫陽十二鬟

畱得昔年真面目石公曾不笑吾頑

蔣 蕙 寄菴吳縣人

晚眺

一邑如拳大遙山碧四圍幽尋披宿莽小立送斜暉紅  
樹依茅屋清流遶釣磯湖南經戰伐戎馬此應稀

出郭

難得晴光好尤於出郭宜山憐青不斷樹長綠無涯試  
馬春泥淺行觴日影遲松風吹酒醒歸路亦忘疲

李 芑 案思江都人

宿雲棲

葭葦秋波白楓楠晚徑紅  
犢歸村巷月鷗立寺樓風古  
佛一燈寂閒堂萬籟空微吟  
蔬食後散步梵聲中

仙霞嶺

瀑影注清冥山光敞翠屏  
鐘傳高下寺客憩短長亭雨  
歇竹猶泣嵐消花欲醒林聲  
間泉石清入夜牀聽

越王臺

鮫館羊祠跡有無珠池梅嶺  
越臺孤露寒秋月吟螻蝓  
烟煖春蕪舞鴈鳴黃屋幾年  
尊故尉青山一片割番禺

國朝詩的 卷之十二 江南

五

記從陸賈來遊日尺幅書還歇霸圖

徐 蘭 芝仙常熟人

土木堡

如山黑雲壓營碎敵星煌煌  
帝星晦羽書雪片達平城  
鵠兒嶺下前軍潰紫荊亦是  
朱家關六龍駕車不敢還  
五十萬人色如土鼓聲震踴  
鵠鳴山 即磨箐山一統志  
唐太宗北伐至此  
改名 山頭鐵騎雖飄忽一線  
生機煙勃勃馬前哭倒  
鄰尚書堊請殿不從臣力竭  
此堡明知禍接踵兩日逍  
遙待輜重中官忍悞帝蒙塵  
不開日月無人捧可憐土  
木至懷來積尸高於白起壘  
入暮隨風化塵埃經春得

雨生蒿萊何人到此不長哀

塞下曲

萬騎從天降邊人拭目看  
長城無數窟飲馬一齊乾

王 敬 恭菴吳門人

山左曉行

曉起隨征鐸蒼茫向碧空  
亂山當馬首落月在林中客  
鬚霜痕溼春衫淚點紅此  
時慈母意應是惜飄蓬

經江村

江臯春掩舊朱門獨自垂鞭  
向遠村陌上背人偷下淚  
花邊立馬暗消魂夕陽歸去  
無雙影明月看來有半痕

國朝詩的 卷之十二 江南

二六

隔岸誰家庭院裏玉簫聲斷正黃昏

程 迢 勁飛白嶽人

蘄威

長懷諫草阻東封豈是尋常  
賣酒傭倘得鹿門身便隱  
料應狗監世難逢琴中秋水  
還求侶江上鶯花却戀儂  
歌到采薇情最切浮嵐千里  
翠烟重

悵望龍鱗未可攀且憑驢背  
向湖山三升花露提壺去  
七尺漁舟曬網還爲羨魯  
連歸海上漫隨簫史墮人間  
如今再欲蒨塵俗須挽銀河  
水一灣

莊天錦 雲湘武進人

銅龍

銅龍咽盡漏初終翠被香銷蕙帳空柳外馬嘶殘月裏  
竹間鴉噪小橋東袖沾紅雨春花落人隔青山曉夢通  
回首繡簾輕颺處不禁惆悵五更風

金陵卽事

十年牢落感縱橫又趁槐黃逐隊行蓆帽青衫桃葉渡  
秋風細雨石頭城帶移沈約憐多病策對劉蕡敢盜名  
漫道桂香深處好南陽久擬學躬耕

題仕女圖

行來羅襪不生塵曲曲疎籬影玉人開到鼠姑花漸少

國朝詩約

卷之十一 江南

二十七

不勝情緒又殘春

陳以剛 燭門天長人

健兒行

長安健兒錦抹額軒顙鬚髯眼雙赤寶劍玲瓏玳瑁裝  
下馬索酒聲赫赫龍沙八月起悲風當時報國並羣雄  
百萬軍中稱敢死羽林帳前鼓籠銅上將功封萬戶侯  
旌幢燦燦耀華輦獵罷平原歸萬騎笙歌夾道起朱樓  
閭闔雲高開紫府九功七德載歌舞時平無復事干戈  
疋馬秋山閑射虎

不寐

漸覺寒侵袂簾鉤撼朔風酒因多病斷囊以浪游空無

意燈花紫多情爐火紅鼻雷喧客夢街鼓報籠銅

舟次金陵有感

柔艣聲中指石頭徘徊今古不勝愁江東名士新亭淚  
南國詞人舊苑秋斜日遠遮紅葉寺晚風乍起白蘋洲  
赤闌迢遞秦淮路影裏朱簾半下鈎

胡

旨 謫江江寧人

古意

南山當戶牖黃鳥鳴庭柯父母在堂上兄弟一以和飲  
食止菽粟被服紈與羅陳書法三仁文章亦何多日宴

國朝詩約

卷之十二 江南

六

春風起彈琴以清歌徘徊其畢間欲雨將如何

仲春土膏發草木何光榮蟲豸及衆鳥相與事蜚鳴大  
道既灌注洪纖胥滿盈鬱鬱鍾嶺色浩浩秦淮聲

宋

和 介三 錄縣人

秋日燕子磯

石壁飛湍倚釣磯晴江一鳥白烟歸憑城津鼓秋風勁  
到岸霜楓紅寺稀坐把漁竿消永日久于鞍馬爲驅飢  
故鄉薇蕨如何採澤國今年蟹稻肥

沈思倫

樊掌石 隸人

和荅周侶樵

幾載伊人隔誰何  
慰索居馮驩游抱缺  
范燦臥依車余齒漸加長  
君懷豪未除郵來詩代簡  
字字味含餘

王僕服與蘇上元人

周震夫生日步鮑季昭韻

揮俗誰持白羽扇  
談理誰捉青松枝  
周郎三十才名藉

正是雄姿英發時

用心昔日數陰何  
蘭水於今集較多  
鮑子又看同病在  
詞場豈獨汝蹉跎

蔡望鉉升甘泉江寧人

燈前菊影

國朝詩的卷之一二 江南

元

秋色杯中得幽光  
壁上爭徒勞誇異種  
未許指佳名衆草難爲態  
清燈悟此生誰知花與影  
雙照總多情

田林志山江寧人

辛丑元日過續學齋畱飲

舉意東園霽色催  
草堂尊酒是初開  
畱余坐上朝同午  
望爾檐間雪似梅  
不礙歲新談往事  
敢因量淺却深杯

武林重到應先語  
一路寒江破凍來

淨私語及穀日即赴武林

朱觀自觀古愚敘縣人

聞鳥啼

花開聞鳥啼聞者增歡樂  
花落復鳥啼聞者倍蕭索  
鳥

啼不異聲所異花開落  
寄言賞心者急引花間酌

自題朱氏古井

古甃依甬舍寒泉自著名  
長供鄰里汲不住轆轤聲  
影映高梧碧光留片月明  
滄桑看變幻老井未曾更

張鴻烈毅文山陽人

劉伶臺弔古

劉伶臺下水冷冷  
劉伶臺上草青青  
長鯨吸破中山甌  
天上幾年無酒星  
左手荷鋪右攜杓  
醉來隨意眠林徑  
生逢麴蘖不肯醒  
兵廚良醖還堪索  
千餘年後有荒臺  
朱簷碧瓦委塵埃  
形骸土木瞻遺範  
晉代衣冠安在哉

國朝詩的卷之一二 江南

三

我今策馬攜尊臺畔來  
呼君起飲三百杯

吳銘道復古貴池人

白門喜晤周侶樵懷臣兄弟

城角相逢是夢邪  
停車不語夕陽斜  
練衫憐子同爲客  
皂帽依人小住家  
稍便從容論文字  
仍須商略領烟霞  
鍾山異昔龍葱色  
八代金陵噪晚鴉

宰楨維周江寧人

曉晴

殘雲歸遠岫  
初日射窓明  
清露林皋潤  
奔雷昨夜聲  
圓蛙蜂蝶亂  
鷗鷺羽毛輕  
爽合簷楹靜  
薰風細細生

古風盛洛陽繁昌人

江樓夢覺有懷周侶樵懷臣兄弟

繩牀布被擁身眠五夜聞雞覺我先燈暗冷侵三尺劍  
月微淡掠一江烟碧濤風拍離羣雁畫角霜殘欲曙天  
此際懷人千里外寸陰須惜敢忘年

張純吾未桐城人

黃鶴樓同漢陽汪遜漁新安吳書永耀文昆季分

賦

如畫江城壓巨鰲接天晴處捲寒濤征帆底事忙如許  
好景一生逢幾遭山水亦難逃劫火王畿何怪長蓬蒿

國朝詩鈔卷之十二 江南

三

川原極目供詞客鐵鎖橫江枉自勞

且莫憑欄喚白雲楚歌一曲奉諸君桃花零落夫人洞  
芳草萋萋處士墳江上野鷗猶易狎樓中黃鶴本難羣  
相累舊恨何時雪讀到離騷不可聞

彭昕警庵溧陽人

送友人之滇

春風匹馬束裝輕山鳥山花解送迎蠻女起墟爭劍負  
村農帶雨盡刀耕慣經脫粟晨炊澁幾被荒城夜析驚  
登頓長途須努力倦遊司馬憶昆明

昆明風景記依稀舊夢憑君一騎飛來爽開名醉花調錦

瑟近華滿名釣月坐漁磯祠荒金馬遺碑在草沒銅駝往

事非六載重遊人面改章臺忍見柳成圍

和海岳弟無題詩

幾年集夢認桃蟲莫恨抑揄鬼笑窮錦瑟無絃空對月  
紙鷲斷線那禁風鳩能巧卜休言拙蛙不私鳴便是公  
眼底名場爭逐鹿問誰擲笑獨爲工

田實發梅嶼合肥人

題周懷臣讀書秋樹根圖

萬樹戰蟲葉清響入幽抱白雲吐遠岑去來絡林杪野  
花賒早寒團團弄姿小愛此老樹根槎枒勢欲倒攜卷

國朝詩鈔卷之十二 江南

三

消晚日個中自探討不知天地寬奇襟何曠森善哉天  
池生高枕意亦好孤吟和秋聲敗葉落如掃

郭岱涉園江寧人

人日偕新亭飲杏村獨蒼園得蘓字

題詩得似杜陵無好客張喬折簡呼佳會喜成三友共  
名園自是獨蒼蒼蘇萊羹應節人傳戴小雨愁春我憶蘓  
飲興正酣催罷酒夜歸沉醉畏泥塗

蔡世英橘洲蕪州人

殘菊

百卉香銷色亦空孤高晚秀出霜叢伶仃瘦影支寒月

野澹清芬受朔風冷落潘郎花縣後畱連陶令竹籬東  
不隨摧敗飄零盡憔悴還能獨御窮

鮑元方 手昭上人

題畫爲周震夫三十初度

憶昔西軒讀書夜月光常在紫薇枝十年離別多春夢  
只有花開似舊時

風塵遊狀定如何贏得髭鬚較昔多執手不須驚我老  
似君三十尙蹉跎

龍資麟 仙石望江人

曉發漢川

國朝詩約 卷之一二 江南

三

攬轡出門去茫然行路中馬蹄驚宿鳥人面撲飛虫雨  
洗星河淡霞蒸海日紅山城知未起暫駐小橋東

胡 還 進楚江寧人

鷄鳴寺秋夜

六朝餘此寺鐘磬夜來幽屋角雙峯起城頭一水流螢  
飛梁苑曉雁過孝陵秋漏盡難成寐龕燈照敝裘

李 麟 虬峯淮南人

乙卯秋懷

獨上荒隄眺夕烟故鄉何處轉悽然昭陽墓古苔封碣  
平望湖寬水接天釀熟花邀尋菊客月明風送打魚船

秋來挈侶堪游賞愁絕羈棲大海邊

蕪城殿閣碧層層法海栖霞取次登萬堞雲烟連鐵甕  
一江波浪接金陵朱樓明月家家笛畫舫清歌夜夜燈  
爲念勝遊頻入夢何時乘興更扶藤

彈丸荒聚獨乾封百里無禾閭鞠凶原野有時驚虎豹  
滄溟何日起蛟龍干戈未靖憂耆老鹽鐵難寬急大農  
斥鹵繇來稱瘠土那堪儉歲困輸供

全堯年 與昌休寧人

秋興

驚秋偏抱病強起一登臺萬響蒼茫起孤雲縹緲來山

國朝詩約 卷之一二 江南

三四

川饒舊恨耳目怯新裁不盡虫聲苦啾啾泣草萊  
蕭疎涼雨後樓閣起明霞黃落半山葉紅搖一逕花壯  
心消戶牖塵面遠京華風物依稀足何須問五車

再過仙霞嶺

猶是仙霞嶺重經五月過綠搖千澗水青滿萬山柯石  
磴盤空遠嵐光入望多上方鐘磬發依舊出嵯峨

建寧道中

水曲灘聲轉青山隔岸連村荒仍秣馬樹老尙棲蟬短  
褐詩情逸長貧酒事綿野鷗三兩個飛破一溪烟

懷陳羽圻

海國懷君日，妻其孰與同。長吟疎雨外，鷗鳥夕陽中。惜別蟬初急，相思葉正紅。不堪千里隔，蕭瑟下西風。

署中感懷

幾日官衙裏，蕭條思不窮。草荒人病後，猿叫客愁中。破夢千山雨，驚心萬樹風。登樓強極目，秋氣滿梧桐。

泊水口驛登山眺望

蕭蕭木葉白，雲秋萬里長。空一望，收客舫參差依野岸。人家高下結山樓，蒼茫水色晴烟冷。黯淡嵐光夕照愁，短褐風塵鄉思切。幾回迢遞逐寒流。

王方岐 武徵江都人再見

國朝詩的 卷之一二 江南

揚州歌吹詞

陌上韶光畫不成，青帘白舫櫂歌輕。茶蘼開遍棠梨謝，楊柳青青萬古情。

雨過橫塘柳浪香，採蓮歌發趁斜陽。尋常醉賞樽前曲，珠翠風來錦瑟旁。

陳以明 厚邨天長人

江上

江流炎景外，九派絡川靈。天地涵虛靜，風雲動杳冥。波迴潭府黑，潮落海門青。東注商消滄，何人問客星。

晚行口占

避客下山關，行吟傍水祠。幽林寒欲暝，殘日冷相隨。鳥影過江疾，風音到岸遲。歸來繞城郭，一樹月參差。

清溪夜坐

逢天昏水國，暗月墮楓林。星影一溪亂，雲陰兩岸深。腥風回蜃氣，幽壑起龍吟。不辨山川色，徒勞遠客心。

江上

蘭艇歸來逐暮潮，遙看烏榜畫旗飄。鳳簫聲裏玉跳脫，龍腦香中金步搖。渺渺晴雲消白晝，紛紛涼月度清宵。可憐十二珠簾捲，垂手何曾折舞腰。

清溪夜泊

國朝詩的 卷之十二 江南

庚

鳧舟維絳玉潭東，一枕江聲碧靄中。過水星飛蘋乍白，射波魚眼蓼俱紅。浮沉山影侵遙岸，上下溪光動遠空。卧看危檣憶羌笛，鷓鴣吟罷引清風。

吳正炳 呈山訪齋休寧人

有志

有志安耕鑿，無愁攬夢寬。過翁藜杖穩，遮體布裘溫。老屋梅花壓閒階，竹影翻一樽。期好友篇籍共尋論。

梁二汝為招同家雲門學博小集馬氏園亭雲門有作率和

碧薛朱欄一逕斜，名園遊屐興偏除。竹林步緩因憐笋



蘭渚歸遲爲坐花酒向銀河斟沆瀣交聯金石老烟霞  
御杯綺席成歡會欲向糟丘共卜家

黃靖南故城

郊原金鏃土花銷宿艸荒城鎖寂寥壞壁藤蘿蒼鼠竄  
陰崖風雨野狐驕山河丹券功誰在輦轅黃雲事已遙  
惆悵白頭遺父老寒江空對泪蕭蕭

感懷

犀籤高擁一牀書寂莫蓬蒿靜掩廬黃獨苗空山雪盛  
白雲樵斷爨烟虛聲牙熟煮長腰米鷄脚甘烹飯面蔬  
却羨老農常捫腹年年杭稻飯秋畬

國朝詩約 卷之十二 江南

感懷

桃源蹊徑冷雲封欲棄詩書老此中呼婦鳩啼春樹綠  
護兒屨吹夕陽紅髮稀渾似全凋柳臂廢還如半槁桐  
慚愧衰年猶矻矻虫魚箋就爲誰工

有寄

金泉細注鸕鷀杓玉佩斜拖翡翠裙同倚曲欄爭射覆  
紅燈笑語記微醺

雜憶詞

綺袖粘花舞態柔纖腰曼娜足風流蓮中記得回鸞曲  
鶻嘴蠻靴影一鉤

吳詩成 協一 蓉村天都人

雜詠

春至桃李榮敷條徧川陸繁華詎能久愛此淇園竹其  
下有清陰蕭疎時秋菊貞幹其幽姿嚴霜空自肅風鳴  
簞韻清泉滋菊英馥締交貴晚節願盼非娛目悠哉愜  
我心對此恒相勗

送姚息園同學之任延安

井絡關河百二雄送君生爲賦秦風湖名楊柳飄裙綠  
山號櫻桃照乘紅款塞旌旄初識范彈爭士女又歌馮  
相思倘寄吳均字歲歲南來有早鴻

國朝詩約 卷之十二 江南

兩夜觀燈用東坡次陳傳道韻

春塵夜踏少年曾此日間如退院僧天負良宵怪放月  
人貪樂事競懸燈銀花帶雨開千樹麴部驅寒給數升  
笑向九衢呼稚子醉騎竹馬老夫能

冬夜由西陵返棹至越州月色甚佳不寐有作

棲穩南枝羨夕鳥歸人猶自問征夫無雲著樹山宜瘦  
有月隨丹客不孤殘柳過秋絲尙挂野梅禁冷蕊先蘚  
此身也是烟波叟笑拂鷺溪寫作圖

林無賸葉染霜華百里江程入望賒茅屋寒添新虎落  
空洲淡露舊鷗沙偶牽白板尋詩舫却憶紅樓賣酒家

一片蕭然山影裏嚴城譙鼓已三揭

卞士弘 宜重丹徒人

中元飲木末樓

鷺嶺行遊倦言旋木末樓月當三五夜氣逼水雲秋孤  
島依寒渚輕帆下遠洲時聞鐘磬下生事羨浮鷗

送徐松之之毘陵 時徵百城烟水

廣陵濤湧片帆過有客翛然到薜蘿白雪歌成矜吐鳳  
黃庭書罷欲籠鸞頻收烟水縹緗富邇數交遊感慨多  
遙羨吳江楓落後百城南面樂如何

刁琢 去還天長人

國朝詩的 卷之一二 江南

三

杏花邨

步出秀山門江烟繞寒郭墟里杏花村不見花開落野  
樵摧松楠山鳥噪藜薄惆悵思古人九原何由作

過采石

驅開不及解青蓮指點開平戰壘邊蔽盡樓臺山一角  
茂林鳥雀隔江烟

上新河

江東門外潮初落建業城邊草盡枯記取當年作寒食  
秦淮花月上河圖

汪惟熙 玉調晚松休寧人

敗籬中牡丹數本花開甚盛慨然有作

名花照眼獨心驚身世飄零愧我生玉屑有情還化蝶  
人間無地置傾城自開自落依芳草和雨和烟伴曉鶯  
莫訝感時頻灺淚江東昭諫老雲英

龔孫寅 子畏武進人

昭陽舟中午日

斗大扁舟憩此身天涯生怕說佳辰不逢簫鼓喧城市  
惟有雲烟接水濱白墮空澆愁輾轉絲絲難續命沉淪  
聊將兩岸青青草當作江離憶楚臣

馬幾先 祖修江寧人

國朝詩的 卷之一二 江南

三

石壁

天地孕鴻濛劃然產奇石峻崢嶸立終古應是五丁關一  
面削蒼穹孤高聳千尺細路走風雲銷磨古人迹巖根  
老樹撐倒影半江碧豈無階級登但爲烟霞隔安能升  
絕頂入極任揮斥

山行

流水意不盡高雲同此心悠然孤磬響獨往秋山深落  
日澹松色餘霞散澗陰幽懷已超忽誰理丘中琴

聞促織

秋風纔入戶切切送寒音爲物關何事感人如此深滴

堦終夜雨作客十年心已是不能寐還來牀下吟

秋山晚步

閒居愛郊野所適惟幽林秋水有寒色暮山多遠音松  
青堅晚節菊澹抱貞心持此悟羣化曠懷無古今

送人遊岳陽

岳陽城上岳陽樓萬古青天水面浮夢澤雲生湘岸雨  
已陵葉落洞庭秋啼猿慣惹騷人怨鼓瑟難傳帝女愁  
他日知君憑一望烟波無際思悠悠

聽明上人彈琴

泉鳴幽磻中磻畔橫枯桐一揮山月白天地吹秋風

國朝詩句 卷之一二 江南

金陵感舊

往事金陵感舊都齊梁宮闕已全蕪春風綠盡南朝樹

一歲一回聞鷓鴣

范文錦 雲菴休寧人

紅葉

閒移尊酒向楓林細聽山風欲響琴千里家書懸客夢  
一天紅葉亂鄉心菊香滿地侵衣冷月色隨人作意深  
不似春花驚絕艷多情還急萬家砧

磨劍

一劍磨來不記年每逢風雨淚潺湲常懷贈客酬生死

未信屠龍定後先撥盡青雲方見月全開秋水欲凌烟  
白虹紫電青霜異莫訝光芒直逼天

閔奕佑 右誠齋翁江都人

驟雨限空字同沈方舟張卜夫賈厚藩卽席分賦  
烏雲晦白晝急電亂長空迅鳥隨風落驚濤着地通日  
沉山影外雷隱水聲中擊鉢休相促推敲苦未工

長安有感

客裏春將暮長安柳已花鄉心憐故劍曉夢破胡笳還  
賣文爲業頻遷寺作家奈何歸未得生事拙天涯

驢

國朝詩句 卷之一二 江南

山逕常行滑夕陽偏去遲饑憐逢草處險憶踏霜時久  
瘦妨隣借閑吟繫客思何當騎馬日縱爾向東籬

四川營

因崇禎時徵女士司奉良玉兵駐故名

烽火前朝逼上京登壇誰駐受降城元戎甲解如花貌  
壯士戈橫細柳營桴鼓六師勤教戰羽書萬里遠徵兵  
紅粧獨繫安危重何事盈廷頌太平

東廠

當日刑曹屬內家威權指顧及天涯門前早漏趨金紫  
禁裏終年判白麻直諫何人櫻禍烈假兒固黨受恩賒  
要知指鹿千年恨莫遣刑餘得爪牙

秋霜

萬樹初經落葉凋雁行飛去影迢迢  
此際鞭驢過斷橋

秋葉

蕭瑟平原不可論疎林風送出荒村  
客踪此日憐相似  
古寺斜陽獨倚門

方願瑛 賓村欸縣人

真州道中

泊舟依野岸繫纜少淹留  
買甕儲江水看山倚市樓  
黃花數枝菊紅葉一林秋  
便欲移家住開門當遠遊

南朝詩句 卷之十一 江南

三

新晴傲白香山

曉來晴日透窓櫺韻事高懷一倍增  
自剝松鱗烹洞茗  
旋開栗尾試溪藤  
心如古井安瀾水身似閒門退院僧  
養拙固應知慶幸刺天殊愧百無能

江上偶成

蘆荻花開鷗亂飛橫江曾網鱖魚肥  
輕帆吹過青山脚  
一路雞聲出翠微

長至後雜題齋南草木

解道樹猶如此語紫薇顛顛亦杌杌  
會須祝爾非時發  
不到薰風先作花

程式珩 奇玉古歙人

庚申秋月夜泊魯港遇吳 攜女郎一部去粵  
一 命歌舟中口占一律

夜泊江村蘆荻洲相逢鶯燕話離愁  
兩行紅粉樽前月  
一曲清歌塞上秋  
別淚不堪揮杜牧賞心何必盡秦樓  
琵琶更訴江司馬濕透青衫淚未收

失題

終朝役役曉來閒識破浮生一夢間  
挈桂去沽深巷酒  
倚樓貪看夕陽山  
月臨江館人橫笛風折蘆花雁度關  
堪羨漁郎無檢束扁舟占斷白雲灣

南朝詩句 卷之十一 江南

詩

渡漳河

漳水洋洋古渡頭魏王臺榭已千秋  
西陵歌舞人何處  
烟樹斜陽動客愁

吳國珩 仙樹休寧人

野步

野風吹孤雲斷續前山去隱隱樵斧聲不識人何處  
澗芳發幽香地綠濕新雨意行無近遠往復隨所遇  
布穀隔林鳴殘陽在高樹

雜興

門開近傍水窓啓遠含山此地能容懶  
何人相伴閒橋

黃霜助老荷翠雨催班風物饒幽趣長歌一破顏

客館夜雨

蕭然四壁坐來空滿耳潺湲滿院風客夢遠生燈影外  
春愁多在雨聲中綉簾不捲畱香住紫硯微呵待東融  
清興寥寥共誰賞一杯聊醉艸堂東

程之紳 爾書天都人

秋日偕王江都胡廣文平山野眺

攜手平山寺松濤一逕分烟微帆影見風靜鳥聲聞老  
樹下黃葉羣山飛白雲琴堂無案牘隨意坐斜暉

鄉居

國朝詩的 卷之一二 江南

三

更愛田家好柴門竹裏開四時花事早一枕月痕來隨  
意綠溪釣閒行破石苔無端飛瑞雪摧損幾枝梅  
冬日同進士吳符五平山遠眺

衝寒上高阜雙塔影如螺風急鳥聲碎雲移山色多僧  
歸黃葉路客散夕陽坡再有登臨約還須載酒過

東郊暮歸

蟹舍魚牀路將晴欲雨天秋聲荷葉浦野色豆花田薄  
醉前村酒微明隔樹烟莫行堤上草兒簷正堪眠

赭山懷古

雲掩千山畫不開延秋門外幾人回大江夜半潮空轉

細雨秋深雁未來野馬入關侵蔓草寒蟬抱樹咽荒臺  
蕭條幸有長干柳縱使青青念亦灰

呂莊頤 爾令無錫人

感賦

歸乎能不愧行矣復何之去住乾坤窄浮沉歲月遲草  
荒殷浩宅潮落伍胥祠自古多遺恨悠悠況此時

于 案 執菴江都人

深秋不寐

唧唧虫喧壁芬芬菊吐英初霜萎草木淡月冷堦楹北  
舍砧聲急南樓笛韻清雁歸頻刷羽蕭瑟暗燈檠

國朝詩的 卷之一二 江南

三

丹源四兄折寄寒梅詩以荅之

垂垂堪破臘楚楚自含英顏色擬冰潔精神映雪清燭  
移斜影亂風送細香生遠荷折來寄殊傷歲暮情

遊嶽麓書院

日落楓林視晚秋嶽嶠嶺麓足閒遊星沙屹屹羣烟伏  
潭水茫茫一帶流文苑臺傾生茂草講堂人散倚空樓  
南軒芳躅今猶在自愧浮名老白頭

安化道中

梅城歷歷畫圖中每轉山椒致不同樹樹雨添新葢綠  
村村霞襯落桃紅泉春道左茅茨覆火種崙傍草木空

自是田家饒樂事何須世外問窮通

登晴川閣

鄂渚勞勞心力遠晴川閣眺暢天機  
差幾大別屏風倚  
潯陽長江衣帶圍黃鶴樓中羌笛遠  
白沙洲上野蘆肥  
回看湧月臺何在唯見餘霞點翠微

三月三十日飲長沙江樓

東風無力南風競北望江帆客路長  
玉漏明朝傳夏箭  
紅螺今日送春觴花鬢墜粉驚蜂抱  
柳絮飄絲逐蝶忙  
雲暗山林狼鼠肆羈人悲梗滯他鄉

舟次鄒溪遇雨

南朝詩的 卷之一二 江南

鼓楫鄒溪傍岸停雲陰合沓雨零零  
瀑聲直下千巖白  
山色增輝衆草青野店飄香春酒熟  
漁家舉網曉風腥  
客途何用多惆悵還向松根刷茯苓

山茶花和邵扶風韻

春光荏苒去匆匆悵別山茶客路中  
葉重露凝螺子綠  
花明雨泣杜鵑紅久知艷質難駐益  
歎繁華事易空  
最是今宵無限恨強將卮酒醉東風

過洞庭

日出風生五兩搖輕帆已轉幾山椒  
湖中白浪來天上  
猶憶錢塘看海潮

曉發水溪

寂寂山行萬籟空但聞殘夜五更風  
馬蹏十里東方曙

碧嶺青松烟霧中

胡其毅 致果江寧人

訪斷臂崖古栢

蒼崖橫古鐵獨樹拂青霄澗道盤根  
引嵐光偃蓋飄法  
身過浩劫初地問前朝斷臂僧多事  
閑拈栢子燒

過朱氏別業

十年重過此門逕遂遂荒蕪老檜尊  
黃綺奇花護寶珠寺  
憐宮監廢社喜酒人扶在昔悠然意  
南山隱舊都

南朝詩的 卷之一二 江南

程京華 帝華上元人

暮登潤州城

自來稱重地江海倚雄關萬戶炊烟裏  
千櫓落照閒魚  
蝦喧晚市草木暗前山不是聽風候  
羈人已久還

秦淮泊舟聽箏

小雨初收繡幕清誰家閨閣理秦箏  
一絃方動渾無緒  
雙槳移來覺有情燕子掠波穿柳去  
蘭香隔座出簾輕  
同舟唯我多幽怨十二年前事又生

郎 遂 趙客貴池人

遊齊山華蓋洞次張南村韻

當前景物一筇收  
選石畱題待後秋  
亭榭將開尋舊跡  
禪房初到愛清幽  
湖心鷗點波搖遠  
洞口風生香欲浮  
獨悵老僧山下去  
遲回月上問漁舟

張師孔 印宣江都人

夜泊虎丘聞吹笛

小飲山塘酒燈懸  
櫂更移水亭吹笛  
夜霜月照船時四  
顧寒烟合愁眠野  
客遲明晨當蚤發  
畱賞動幽思

觀音門晚眺

展眺層阿上涼風  
動布袍地盤千嶂  
遠山東一門高野  
馬飛長道江豚擁  
巨濤烟生不覺腹  
斜景下亭阜

國朝詩的 卷之十二 江南

堯

觀音岩晚眺

巉崑傑閣倚雲岑  
暫訪幽居慰夙心  
老樹虬蟠崖石裂  
驚濤雪落海門深  
蒼蒼曲徑穿叢竹  
漠漠斜陽噪亂禽  
禪室可能分半席  
時來此地濯塵襟

蕭陽 徵父江都人

聞隔城荷香有作

烟際鷗輕下寂然  
生夕涼美人不可  
見秋思迢難忘無  
路進漁艇含情向  
女牆塵中應未覺  
野靜暗聞香

三月十四夜同唐  
薪禪李荆巖張柘  
園象巖吳紫谷唐  
飯山平山堂下步  
月

古寺鐘初暝空山  
月上時半生虛好  
靜此景到纔知苔  
溼泉流細林深露  
下遲今宵宜放浪  
慎勿苦吟詩

二月四日雨後北門探梅限韻

積雨初開野外鐫  
探梅齊笑入柴門  
東風地僻橫千樹  
江月天高見一痕  
老至那禁春有態  
香幽足使鳥忘言  
轉憐驢背吟詩苦  
遠水浮烟向夕昏

泊弘濟寺巖下因憶昔年遇李棠思于此

帆收沙嘴雨三灣  
與客談詩記此間  
涼月舊明秋水岸  
西風獨上夕陽山  
幾年踪跡書難寄  
一宿孤蘆夢始閒  
黃葉滿身凝望久  
依稀天際有陽還

國朝詩的 卷之十二 江南

三

雨後念四橋晚眺二絕句

剝水無情咽野田  
幾間茅屋冷秋烟  
簫聲不醒當時夢  
空賺遊人鬪管絃

白日牛羊已寂寥  
月明沙晚更覓消  
石欄久廢佳名在  
行過橋西尙問橋

王履吉 坦夫青蘆江都人

江村卽事

溪閣依修竹漁磯  
露淺沙有時收晚  
釣隨意灌幽花闌  
茗過僧舍航吟人  
酒家此生緣分足  
不願逐浮華  
乘興過橋東相隨  
杖笠翁江空天倒  
合岸仄路斜通牧



笛橫殘照樵歌狎晚風好山看不盡畱寫畫圖中

春日憶澄江風景寄懷十首之一

黃田水帶鎖城腰北郭危樓近碧霄海船人來喧晚市  
石梁聲吼放春潮蠶筐漸滿收桑葉雉隴初高種麥苗  
社鼓鏗鏘村遠近一竿斜日酒旗飄

夢遊龍門巖

十年遊興寄章門夢到茲山感慨存黃葉亂堆蒼蘚徑  
白雲遙護綠蘿村峯頭噴雨看龍跡洞口尋詩露蝕痕  
回首故鄉放處至今猶得數晨昏謂燕皇克濟諸子

洪 舟航儀真人

國朝詩的 卷之十二 江南

今夜

今夜客無寐三更月到樓哀鴻起中澤戍鼓入邊愁文  
字青衫泪江湖白髮秋王師聞轉戰西土會全收

答徐孚尹

僧舍聽殘雨寒花鬢早秋十年慚作吏八月倦登樓江  
海逢徐孺飄零嘆馬周吟鞭滯京雒公逋事淹畱

鄂城道中

白草鄂陵路西風晚渡河斜林鴉陣亂破屋月痕多酒  
薄思江釀詩成和楚歌玉關聞解甲起視夜如何

東丁南溟

白下桃花酒潭亭無限情春愁銷月色夜雨斷江聲短  
權一爲別新詩誰與評陶家門外柳樹樹有啼鶯

和陸吏部巢雲江寒草堂元韵四首 選二

剪棘編茆一逕新檐楹如水淨無塵報衙鳥喚添香吏  
隔檻花招放鶴人仁壽鏡中春澹蕩歲寒枝上雪精神  
草堂卽是光明室坐對冰融玉潤身

觀民觀我等無涯賸得東皐幾兩鞵雙槩秋烟詩卷老  
一犁春雨畫圖佳江光欲瀉寒侵幌草色無私綠到堦  
陸氏山莊陶令酒未須松菊一縈懷

漁灣譙集同陸吏部巢雲項觀察澹齋顧廣文南

國朝詩的 卷之十二 江南

原各賦四首 選二

柳岸風迴銷夏灣使君小隊伴鷗閒江深坐覺暑難到  
心古從教迹可刪小艇獨搖亭北水草堂橫枕檻前山  
行知垂釣天池去濠上漁郎是舊顏

冉冉斜陽帶水田冷家灣裏起炊烟港魚欲上雞頭葉  
江燕低飛鴨嘴船李郭一舸初渡水范韓萬卷獨朝天  
上林春酒題詩處回首蒼葭已隔年

汪文璧 凡王古徵人

舊劔 和吳梅村先輩元人韻

匣中三尺水 李長吉劔詩先 韞蝕自何年撫玩青燈下

摩挲壯士前不堪與語孤憤幾曾宣得似猿公術思  
舊細碎捐

蘭皋水閣社集送孔東塘民部暨令嗣榆村世兄

歸石門別業限寒豪二韻

雨歇晴初放方舟坐自寬一溪新漲澗兩岸綠陰攢閣  
週間臨水天清快倚欄試吟春草碧耆舊去詩壇

小築城當面溪晴綠半篙樹深喧鳥雀酒美敵葡萄洛  
水皆名勝詩才總謝陶石門歸舊隱賦別載嬉遨

和元相放言

謝尚琵琶大道歌搔頭傳粉舞天魔欲從地下埋憂少  
國朝詩的 卷之一二 江南

贏得人間爛醉多與我周旋寧作我送他作郡一從他  
蠻手觸鬪兒嬉甚不滿浮生一笑何

芳尊須滿笑須頻寄傲東軒適此身不是平生多白眼  
本來門外卽紅塵博空那有垂天翅散誕真如縱整鱗

借問近來何所事數篇衝口是詩人

最好人生啓處安佳辰良日憩林巒揮毫頗有詩情健  
對客寧辭酒瑤乾讀易注莊妨作樂窮經鑽義事無端

是非毀譽相膠葛太息人生自鮮歡

李上德 止園新安人

狎浪閣

鳥鳴穿樹裏畫閣耳猶清雲出千峯影泉爭萬壑聲日  
光寒匹練霧氣湧長鯨應接誠無暇投深山水情

踏殘冰雪

澗道山迴折徐徐境入仙曉風隨地暖殘雪壓枝牽路  
滑艱投步花深慢登肩莓苔皆可坐詩思更畱連

孤山夜汎

放鶴亭邊樹清光吐夜深枝橫山月皎香散水窓陰高  
士千年迹浮雲一片心癡人爭得失總未及閒吟

翠微峯

雲屏秀拔獨嵯峨俯視晴烟大海波霧斷山坳峯染翠  
國朝詩的 卷之十二 江南

潮生松頂樹鳴鼉梵音清婉沉僧寺藤杖空明下薜蘿  
自信山林緣不淺身歌石磴一高歌

咏菊

予生穉性合幽棲十畝時思桑者兮蓄醴課僮先種林  
荷鋤學圃當支藜紙窓月上雷梅影茅屋秋深隱菊畦

此是暮年經濟業軒車莫認浣花溪

吳紹熹 聖輔江寧人

泊胥口

雨脚映殘霞波痕漾淺沙小橋通酒市深竹隱漁家晚  
稻村村熟征鴻字字斜十年未歸客今夕又天涯

夏日靈谷寺尋葉目中讀書處

結夏何嫌僻，憇僧導引深。雲峯含雨氣，石路人松陰。蔬果居山味，文章出世心。炎氛真不到，斜日發微吟。

吳炯 初明雪蓬上人

葉桐初招同杜茶村胡靜夫葉鑒可暨弟橘洲雪

樵飲快秋亭限綠野二韻 選一

罷酒縱幽探，荒園路蕭灑。亭榭廢何年，寂寂無車馬。空餘喬木陰，春禽鳴上下。古塔矗崇岡，輕烟澹平野。徒倚暮忘歸，誰爲會心者。

依韻酬曹棟亭秋深見示二詩 選一

國朝詩的 卷之十二 江南

聖

饑驅亦效陶公去，飄泊真如杜老愁。塞上烟塵連白晝，天涯風雨怯清秋。身同病馬眠沙碛，夢逐飛鴻過驛樓。却笑雙魚無處覓，桑乾濁水日空流。

吳燭 謂玉橘洲上人

曉發鄒滕道中

客路何時已，嚴寒促曉裝。淒清殘夜月，化作滿天霜。昔日流風遠，孤村破屋荒。嶧山高可仰，宿霧正蒼蒼。

憶家

憶家門掩向蓬蒿，三載淹留思更勞。櫻筍味中過穀雨，杜蘭香裏夢江皋。寫憂無地杯空覆，含淚登樓首重搔。

水白山青迢遞處，行人騎馬路塵高。

同胡靜夫清涼山看花

清涼山逕幾曾登，與客來躋最上層。草色淺深春雨足，花枝濃澹暖烟蒸。名園廢去頻更主，古寺都無舊識僧。嘉會應知難再得，欲歸重向石欄凭。

吳燭 述人雪樵上人

杜茶村胡靜夫兩先生暨孫伯琴家秋屏雪蓬兄看庭前閨蘭以古詩十九首分韻余和第六章

叢蘭植前庭，孑然異衆草。及其發奇香，可思不可道。閨嶠雲茫茫，湘江波浩浩。對此一開樽，同心來二老。

國朝詩的 卷之十二 江南

聖

萬松嶺十月牡丹

不謂今冬暖，禪林見牡丹。獨先梅吐艷，還後菊凌寒。地僻供幽玩，霜遲得久看。向來歡賞處，風雨易摧殘。

顧惺 種紙江寧人

同儀一西詩，赤霞勿剪植。夫徵父集，榜原齋中送。

趙柏里喬梓還長沙，予亦次日束裝。

酒邊聞早雁，清露白於霜。漸覺苦寒月，偏能斷客腸。干戈猶未息，魍魎又猖狂。分手君同我，寧知路短長。

秋容雖慘澹，老興尚豪華。常曲問新築，東陵有舊瓜。不慈尊少酒，翻念我無家。 時子家燭 蕭瑟蘆花岸，江風滾。

白沙

程紀叔倫休寧人

湖山行

遊山逸興饒曠古羨康樂獨步陟崇巔客意未云惡清  
泉遠屐流紅葉沾裳落行吟烟靄中秋光入寥廓偶遇  
樵夫言斜陽下山脚

石鐘山次壁間韻

路折危峯入人行雲氣中潮驅江岸雨樹飽寺門風幽  
谷驚栖鶴空天咽去鴻爲尋鐘磬處怪石亂流通

祁間舟中遣興

國朝詩的卷之十二 江南

聖

雄傑欹斜斷岸邊中流不定一帆懸山雲駿驟青連樹  
溪水空明碧到天柳絮吹殘沽酒路桃花落滿釣魚船  
行人自覺無情思忍向春深聽杜鵑

江皋晚眺同陳蒼御朱堯真分賦

西風蕭瑟黯吟覓幾處牛羊下晚村放鴨陂前秋水碧  
燕鴉樹頂夕陽昏芙蓉花壓漁家艇楊柳烟橫酒店門  
聽罷霜鐘天外落滿懷幽思向誰論

望遠曲

郎是三秋花妾是三春草春草待秋花未必顏色好

梅溪道中

東風拂柳條新綠搖馬首遙睇遠山昏亂烟生渡口

余光全 皖桂安慶人

由黃州至江夏道中作

濯濯清波盪客愁風回五兩度滄洲初寒鳥噪溪頭樹  
傍晚人爭渡口舟野水荒山雙槳月斷烟疎柳一江秋  
可憐鸚鵡迷芳草不及風流庾亮樓

靈隱寺

迤邐青天列翠容松溪竹迥好扶筇桃源疑失秦時路  
花塢猶傳晉代鐘古木陰濃西栗樹遠山秀接北高峯  
雲林宸翰祥光繞駐蹕何殊五嶽封 聖駕臨此改  
爲雲林寺有

國朝詩的卷之十二 江南

吳

徐紫芝 風木建德人

遊齊山史巖

深崖秘古洞斷碣搜遺址不見昔時人夕陽滿山紫

吳瑞 雲玉歙縣人

過舊苑四首 選一

關盡芳華不記年繡幃朱箔化寒烟繁絃已斷疎鍾外  
殘夢仍歸畫角邊月暗螢飛菱葉浦夜凉雲黑豆花田  
淒清一片蘼蕪地誰識前朝是舞筵

國朝詩的目錄江南

卷之十三

嚴繩孫	八首	秦松齡	十一首	許承家	十首
許昌齡	二首	許迎年	十首	戴本孝	四首
戴穆孝	三首	陳以樞	二首	吳霽徵	一首
張羽軍	一首	史國柱	三首	董于塏	一首
慎儁	四首	王雲鶴	三首	王棠	三十首
宋元徵	五首	閔敘	四首	吳弘謨	九首
王原	四首	黃玠	一首	吳遵	八首
朱璽	二首	羅光益	八首	鄭昂	四首
程增	十首	許炳	十首	程鑾	二十首
樊經	四首	高採	六首	鮑孔年	一首
朱灝	二首	吳藹	四首	程用昌	七首
黎東昂	二首	吳弘訓	四首	芮嶼	二首
姚瑩	二首	張鑑	二首	宋真儒	三首
李崧	二首	孫日書	一首	劉鼎臣	二首
呂清	二首	李滙	二首	黃相	二首

國朝詩的卷之十三

長沙陶 煊奉長選

同里張 燦豈石同輯

江南

嚴繩孫 蘇友無錫人

世網

世網豈要人投跡亦自我英雄失路時大澤陷左左鳳  
凰或受給商於事無果何況本迂賤窮猿昧所可吾慚  
磊落人屈心問委瑣何當青楓林遂鼓橫江柁且迴朝  
歌輟長嘯謝么麼

國朝詩的 卷之十三 江南

題朱錫咆竹垞歸耕圖

吾友有朱生由來相門子與爾復何爲相逢 帝城裏  
風塵昏短褐躑躅荆軻市不見古時人清淚如鉛水出  
入竝馬時日落月復起蕩蕩十二門誰羈我與汝画作  
竹垞圖苑蕩穩稱體豈伊詩書戀徒抱風雨耻所願營  
草堂宛在藕花池懷哉勿重陳吾亦從逝矣

贈別姜西溟歸慈谿

當世文章在相逢情更親山川發森爽冰雪資清真頻  
對一樽酒欲歸千里人看君猶失意望望落花春

文泉同吳梅村先生顧伊人作

違山意自緩復作聲泠泠已是兼秋落應難入夜聽逆  
空時激素過樹遠含青寂寞門方掩從君醉復醒

春後

九春觴咏等閒過猶染霜毫寫永和困懶鶯花經眼失  
衰遲風雨不情多城隅綠水空絲管天上青雲足網羅  
不似柳陰溪上去自橫艇子卧漁簑

秋日雜感

秣陵宮闕舊神州桃葉聽歌記昔遊紫禁月沉瓊樹夕  
淅江楓冷石城秋天門無復交仙杖海氣真成結蜃樓  
總是興亡千古地莫教潮汐送閒愁

國朝詩集卷之十三 江南

靈山寺夜泊期藥亭不至

危亭急峽鎖岩龕歸客懷人不自聊萬里郵程才破處  
一年秋月最明宵神傷崖寺同留迹目斷江天又落潮  
先後紅梅關上路燕吳回首嘆分鑣

柳枝

爲有離愁不自聊落花微雨罷吹簫紅泥亭外鶯聲裏  
數遍輕帆第幾橋

秦松齡 蒼峴山人無錫人

秋夜步月虎丘懷蓀友在都門家叔樂天卧疾

佳人不我偕茫茫山月白對酒易成醉停舟向秋夕寺

門鐘欲動徐步境轉寂我友披裘生人作京洛客叔氏  
少過從兼旬臥荒宅人生非少壯朋舊屢離析攬芳遙  
欲贈黃花不堪折俯觀泉石清仰負登山屐孤吟傷懷  
抱爲歡念疇昔

冬日感懷

遊宦非真吏閑居異隱淪時乘款段馬踰蜀漢水濱漢  
水何清漪照我衣上塵學道苦紛慮爲謀未周身富貴  
非所期丘壑志不伸喧寂兩無得默默傷心神用拙行  
吾意還師抱甕人

和韻奉答王阮亭郎中送別

國朝詩集卷之十三 江南

江南

三

擊筑心更苦聽君彈玉琴君言久不御爲爾發清音高  
館夜將半他鄉春欲淡忽思歸舊隱對酒一沈吟  
昔年遊歷處松菊問荒園野水能通棹青山獨閉門飛  
揚餘翰墨放逐老丘樊遲爾吳田夢月明聽夜猿

短歌

大風吹折堤畔柳荒江有客東西走手內常持一卷書  
意中那享千金帚傷老憂時試一歌純純白髮對江河  
問君有酒何不醉暮雨孤舟感慨多

過采石牛渚諸山

諸峯遙對晚嶙峋前輩詞章故輦塵乘月欲尋官錦客

燃犀愁見絳衣人，潭雲樹影空江。父檣燕山花去日春。  
家在五湖烟水裏，扁舟將下復逡巡。

雜感

烽火章江警急多，滕王樓閣轉蹉跎。義雕鞍曉日明珠玉，  
列帳秋風泣綺羅。坐算幾間黃石畧，戰酣誰奮魯陽戈。  
司農日夜憂財匱，擊鼓椎牛氣若何。

寒風襖被復西來，軍府高筵舊屢陪。精衛波濤心未死，  
爰居鐘鼓響空哀。書生自信無長策，天下何人解愛才。  
垂老懷恩餘痛哭，百年丘壑忍徘徊。

泰安山中曉行

國朝詩歸 卷之十三 江南

四

四面林巒曙色分，數行車馬自爲羣。松鳴澗道收殘雨，  
石出山腰礙曉雲。暫把溪泉醒宿酒，欲捫碑藓讀遺文。  
行人莫說登封事，玉檢空傳七十君。

移居

俗累人間老倍加，十年辛苦兩移家。幸無僮僕盈千指，  
猶有圖書載一車。汛掃風軒開舊醞，安排泥竈煮新茶。  
雙飛紫燕營巢急，愧我梁非玳瑁華。

野草

野草忽已青，他鄉易愁絕。客愁日夜生，芳草何時歇。

許承家 師六江都人

過翠微春曉處

江水阻且長，湖光帶其側。江湖蔽長隄，彌望無窮極。白  
雲繞隄生，紅日欲西匿。馬首趨山巔，山鳥紛紛啣列岫。  
橫衣裾，四顧如拱揖。登陟重紆回，翠微良可拾。仰視丈  
人峯，俯瞰陽河驛。秋露起雲濤，晚色連崢嶸。何事春風  
吹衆芳，始遙集。

臨清懷汪畏文館丈

津門至清淵，水流千百曲。曲曲抱平原，一似尋幽谷。胡  
來盪樂行，莫猶朝之麓。關路勢濤迴，樓閣望中矗。輕煙  
散青林，英賢此躋躅。執手向蓬池，高言香氣馥。無何判  
衣袂，相思在濠濮。今過君子里，須眉猶在目。惟聽潏潏  
聲，人終不我殺。

鐙市行

廣陵春鐙滿街市，千影萬影不肯止。翡翠屏風一望開，  
璣珠行障工無比。爲龍爲蛇而地行，學魑學魅喧人耳。  
大業流風歟，已改卻餘陳隋遺。調在兒童六七拍，掌歌  
流星四落如烟海。醉酒歡呼夜半眠，朝來出郭意悄然。  
一賺二飢千萬戶，父手不見買糧錢。繡衣發粟量升斗，  
母抱兒啼兒負母。可憐風雪故侵陵，赤腳四野同芻狗。  
風俗如今成轉轂，城內笙歌城外哭。隋隄煙火久蕭條，

垂楊十里空殘綠安得斯世盡然絲鉏人掘蒲噉弩不聞聲

舟泊蕪陰

江畔鳩茲地津關夾市廛喧呼騰白浪搜括覘青瑣霧合行人迹霜明賈客船絲華驚眼底鄉思轉淒然

枕煙亭

高枕雲山曉煙霞此際收空青諸嶺斷寒碧一天流杖屨通幽徑乾坤寄小丘興來歌吹發賦客盡應劉

贈杜于皇七十

寂寞臺城北高吟不厭頻六朝三徑草兩代一詩人天

地經時老關河到處貧舉杯論往事先世有遺民

郭外

郭外煙雲古木平凌空一眺眼偏明漁樵絡繹孤洲出  
吹冷橫衰匹馬行偶過津梁尋往蹟還因碑碣識題名  
良宵恰值臨光宴銀燕金鳬勝鶴城

桃源道中

澎湃長河市地流疾風鼓柁向幽州桃源積水今猶昔  
柳埽連橋春復秋岸上綆絲愁路斷篋中錦字任人搜  
高吟不覺喧闐甚鵲尾鱸香引興稠

清明

楊柳絲絲拂檻新昨宵蠶市蹋春頻徒憐曲水題詩客  
不見寒山斷火人兩度鶯時違故里三年鰲禁負吾  
身青鞵布韞從茲去再向隋隄問酒民

紅橋絕句

芙蓉水面擁輕橈望裏青楓半欲凋隋苑簫聲銷歇盡  
空留明月照紅橋

許昌齡 眉右江都人

七月既望同學諸子雨集聽花書屋

雨過秋山沐晚容褰裳欲上最高峯芙蓉臥水遮漁艇  
樓閣參差溼梵鐘指點夕陽衰度鳥依稀仙客醉扶印  
國朝詩的 卷之十三 江南 七

酒闌莫漫催歸去白月迷離正挂松

懷同學丁柯亭夏覺其

年齒何當繫遠懷把君詩句重裴回迂將沁骨時難合  
少不如人老漸來羌篴聲悲驚去雁秋山日落任行柁  
披衣却憶江南路有客金焦幾溯洄

許迎年 荔生江都人

瓜步阻風

客舟且孤泊颶風鳴江湖冥冥日無光雨勢昏雲霄煙  
際瞞峯影去鳥清川遙景色一以曠汎覽塵翳消天氣  
殊涼燠鼓櫂期來朝安得御風行遨遊同采香



秦園

二泉八林霏九龍作屏障勺水細縈迴小山竦清曠坐  
我山水遡身心靜相貺微雨點輕波魚躍荷錢上瀑布  
響肩厓橋平沒新漲繡樹接飛甍亭臺非一狀高梁插  
青霄拂面和風暢盤桓不能去真賞得所尙寄情楮墨  
間麕底雲煙壯

獵微草堂古槐歌

曩時祖禰休沐地空庭嘉蔭存古槐千年古查勢礪礪  
十尋老幹何崔嵬中心空盡長不死黑却閱遍昆明灰  
鳥雀欲巢不敢上蠹天直可摩雲雷三月四月葉初發  
國朝詩韵 卷之一三 江南

千枝萬枝如剪裁五月六月始繇盛綠陰成幄無纖埃  
流金礫石渾不覺涼風吹我煩襟開秋來漸見黃花落  
飛雁冥冥綠未衰雨灑高柯圍翠蓋月搖疎影倚池臺  
此槐不知何代植吾家已見曾孫來對之能無念先德  
本枝百世毋相摧晨夕婆娑坐其下使我獻詠心悠哉  
托根未能並九列何妨寂寞依蒿萊縱有昂霄架壑意  
無人知爾凌雲概日之良材吁嗟乎無人知爾凌雲概  
日之良材

游俠少年

生性耽游獵淮陰俠少年凋弓開滿月寶馬躍連錢太

疾嫌窮野鷹狂恨礙天太平無戰伐何日勒燕然

柳

聯水情何極臨岐望轉遙未飛輕薄絮已亂短長條曉  
月侵眉黛春風妬舞腰年年離別處爲爾一魂消

松陵道中

桃蹊柳陌間桑麻綠水滌洄抱郭斜烏榜青簾舟一葉  
白魚紫筍市千家新鶯出谷遷喬木小蜨穿籬戲野花  
擬向滄浪歌濯足數聲柔櫓和啞啞

邨晚

埭北邨南墟市幽閑吟時倚水邊樓歸鴉點樹濃於墨  
國朝詩韵 卷之一三 江南

薄雲侵衣冷似秋古寺亂山清磬響斷橋垂柳夕陽收  
眼前風物皆圖畫妙染渾如顧虎頭

渡江至瓜步

雙槳擘浪到瓜洲水白沙明浴鷺鷥風送健颿奔似馬  
涼生短褐冷如秋酒沾上若開春瓮泉試中泠淪茗甌  
此日東行差自喜有人擁髻共餐餽  
是行也淑則與偕  
蓋爲其外大父樓

微君送  
基云

春雨郊外

柳顰鶯嬌黯黯春落花滿徑却愁人呼童不至自沽酒  
細雨斜風溼葛巾

偶題

畫舫輕搖帶晚潮月明樓外聽吹簫  
華莫問當年事腸斷春風廿四橋

戴本孝 務旃鷹阿和州人

獻花巖

幽巖紆雪跡落日引人來多樹苦誰伐  
亂花閒自開鐘眠寒院草僧散野廊苔  
莫更聽啼鳥春風訴轉哀

小閣

小閣湖塢野柳烟山僧也買打魚船  
護籬黃犬喚閑客上樹荒雞蒼晚蟬  
桐子偏從衣上落豆花斜向榻邊懸

國朝詩句

卷之一三 江南

新詩掃壁留殘夢不覺秋雲愛遠天

和所知山春雜興

自有天春到草廬不嫌霜雪滿衣裾  
石能聽雨因生耳柳老眠谿更長鬚  
野鹿無猜常狎客山雲有意愛閒居  
明朝霽色千峯裏蒨帽欹寒獨打驢

豔曲六首 選二

天亦畏浮雲人言燦金石從此向人前  
故作不相識春月不儂欺夜夜照儂牀  
難留亦似君不時過短牆

戴移孝 無奈和州人

擬上山採薜蘿

佩莫佩薜蘿無薜蘿易枯槁逢莫逢故人  
故人易衰老故人農家女新人商家婦  
新人弄琴瑟故人織流素流素生光華  
潑刺比目魚裁爲新人衣顛倒在裙襦  
新人且莫歎故人何苦悲新應有故日故  
當無新時

螢火

巧入疎簾照汗青不辭風雨亦宵行  
相思舊國衣如錦流落滄江客有星  
不是夜光休按劍獨憐山鬼自吹燈  
飄零似我歸何處十月巫山霜氣清

咏庭梅

殘株移得傍東籬春盡難消雪一枝  
疎放應同高士卧

國朝詩句 卷之十三 江南

十二

寒香惟許故人知似從竹外溪邊見  
獨對參橫月落時惆悵孤山無箇事  
頻將玉笛爲相思

陳以縱 季思天長人

秦淮旅次夜坐偶成

回首萍踪已廿年鄉思垂老更懸懸  
何當酒醒燈殘後聽得高樓尚管絃

早發感懷

逢人浪說大刀環驅馬悠悠水復山  
去住總關遊子淚不知何地可開顏

吳霽徵 念應全椒人

雨中寺樓遺懷

寒雁迷南北浮雲自古今鍾催雙樹老霜壓一江深野  
草憐衰髮寒花信客心拋書成獨坐風雨是知音

張子年 蘇州人

粵西山行

紫府瓊臺路鬱盤朝天親見會千官指揮赤縣舒仙掌  
特達青雲發法冠峻極不違草野志下方應作附庸觀  
怡情每在峯回處生面重開欲畫難

史國柱 鐵立 溧陽人

到彼菴呈妙圓

國朝詩助 卷之十三 江南

三

五龍橋外地三寶梵王宮鐘起江雲破烟銷輦路空孤  
懷懸落日古思入秋風不爲無生事來依佛火紅

坐百牙山麗瞻閣

水合千谿碧山橫九子明清風吹短塔白日照孤城樹  
老忘今古亭空少送迎何年休馬足坐此樂餘生

上黃山

鳥道樹千折層巔雲四開山禽窺客至邨虎蹕人來新  
雨肥仙藥寒泉澈古苔忽驚身到處縹緲出塵埃

董于塏 西麓天長人

喜晤李南郊有懷鮑勺亭

沙汀雁渡影紛紛衰柳柴門帶夕曛喚酒快逢李供奉  
談詩獨憶鮑參軍簾櫳雨過添寒重砧杵風高入夜聞  
極目雞籠空柱頰愁心片片逐江雲

慎 儁 灼 三 江寧人

步韻二首

上巳雨中偕丁南溟洪月航兩明府飲宜亭卽席  
風片雨絲拂檻斜紅粧競浴褪鉛華鴈臨修禊蘭亭水  
飯出胡麻玉洞花地名小桃源溪口板橋誰問釣山腰蒨屋  
孰爲家座中才子推元白椽筆爭揮絢彩霞

宿酒東風吹未醒又陪冠劍集旗亭花光未吐心先赤  
國朝詩助 卷之十三 江南

三

柳黛纔舒眼特青斂盡游絲春脉脉釀成輕靄雨零零  
山堂秉燭春宵永隔寺疎鐘仔細聽

次韻答毛岐公

歌驪桃葉幾何時絲柳初黃贈一枝衡鴈驚寒君有字  
隴梅待折我方知年來詩思緣愁澁別後音書以病遲  
記取烏衣舊巷口歸鞍暫解話相思

水中雁字限韻

河圖鳥篆圖奇文池上于今做右軍一片烟雲融筆墨  
橫書白練是湘裙

王雲鶴 學山 天長人

君子行傲曹植體

聖人久不作大道隱荆榛君子邁倫庶獨自有千春品  
潔真如玉孤標鳳與麟長人無百里令德自華芬何須  
軒與冕乃足榮其身德與名不朽何如古之人

詠漆園用王裴輞川詩韻二首

鯤已化鵬遊隱仍兼吏務想見無蓬心雲淡天池樹  
探珠誠畏吞聞召敢輕諾遠矣越南遊悠哉漆園樂

王棠 勿翦天都人

感懷

漫將鹿夢論行藏久矣蘭花謂不芳飲羽箭鋒非李廣

國朝詩的 卷之一三 江南

一百

爰書鼠獄遜張湯芭蕉未老心先卷蟋蟀多言意自傷  
我只閒閒求靜慧不干東壁借餘光

悲聲端不在西風浩浩蒹葭四望同一笛離懷紅葉外

半江秋色白雲中鄉心紙帳梅花蝶客緒蘆州澤畔鴻

片响驚枝搖碎月鐘聲人靜入寒空

蒲帆蘆畔夕陽邊說到風流廢簡編明月二分仍此夜

珠簾十里只當年飛螢有恨飄零外衰柳無知感慨前

且權滄浪聽欸乃金鷗初動水涓涓

久不爭名翰墨場枕流漱石任徜徉火螢原可欺星斗

天鳥真能傲鳳皇困頓生涯書莫讀支離生世氣難揚

笛床一卷南華內騎蝶歸來入夢鄉

生來遇合不相謀得喪何須問寒修名立常看翻手得  
劍遺底用刻舟求龜魚未化非無水鷹隼思飛自有秋  
我獨牢騷淹歲月空寒杜若在芳洲

思到墳塋興不窮萬竿碧玉繞牆東

先人有吾宛妻書室三兄凡次所居

山深虎豹千峯雨日落牛羊一笛風幾歲因循成斷梗

多時留滯感飄蓬故園無計歸南畝片影真如失侶鴻

午日何如戀酒卮思親常有白雲隨柳枝繫恨無人見

榴火煎腸只自知着意殘萱開晚照無情流水繞東籬

揭來檢取江心鏡不覺新添兩鬢絲

國朝詩的 卷之一三 江南

三五

淮陰滯跡意紛紛將母憂熏夢不分家遠漫思高處望

天遙那見嘆聲聞返轅非復東嶠日去國重爲出岫雲

寸草有心春未報祖塋山下一新墳

一燈不照客心迷生事真同日影西方嘆西河悲失子

又憐潘岳老無妻詩章荒廢誰收拾世業空虛少勃篲

此後祇憑孫子輩幾時碧海覓丹梯

朝朝竿牘說青箱彈指何知死異鄉

哭四兄 風日盡教

歸黯淡江山那得不悲涼竹籬花鳥翻無味斐几琴書

轉自傷尤有消魂欲絕處未成詩畫斷人腸

多年從弟在湘潭信使惟憑帑一函客夢有山遮楚澤

鄉心隨月到江南鯉魚不解相思苦楊柳何知別淚滴  
兩地音書皆未達何從提臂話烟嵐

孤鴈聲高起嘆嗟風光浩蕩送年華青山不得長爲客

紅葉原堪借作花一水拖藍鄉國遠千巒翠翠路程賒

吾兄家在雲門脚早晚同遊問二鵝

黃山只  
有二鵝

料峭金風日影殘拈來舊事即眉攢愛河未涸情安遣

苦海能填淚始乾老馬自悲仍識道童烏早喪是摧蘭

殿憂已陟羊腸路行到蠶叢更覺難

倦遊世慮少紛紜及對林巒意即殷未敢登臨惟美鹿

如思領畧但看雲自知絕客非無客祇嘆離羣不合羣

國朝詩

卷之一三 江南

一六

老矣傷懷難鼓勇青山徒憶謝將軍

聚合無憑是轉蓬春光電逝別離中最嫌友散當筵酒

生怕花飄半夜風旋嘆凋零同斷梗又欣高翥有飛鴻

舊交緯繡鍾生少歸隱何人向桂叢

芸芸亂緒久相縈一到蓮宮意即平山鳥喚回蕉鹿夢

僧鐘打散市朝情花雖解語還輸笑雲復何心不住行

總是禪機非幻境毋勞十地學無生

訪友招尋入翠微僧寮延佇靜柴扉石能點首誠堪語

鴈不稍書底用飛梅月喜親貧賤展烟嵐偏上芰荷衣

高軒何地相投合竟使春歸人未歸

一舟搖漾意茫然有約愆期隔歲年古驛荒津橫冷棹  
疎林晚寺淡孤烟天憐寥寂垂新月僕喜慇懃覓乳泉

問取蒯緱誰伴侶商風剪剪水涓涓

周迴眺望立高丘偶爾揚衡一放眸正訝長風傳遠磬

忽看流水送孤舟寒烟影裏僧歸寺紅葉聲中鳥弄秋

我欲偷閒閒未得蕭條客路幾時休

且復東歸五百灘幾時鑽石得金丹柳條綠盡秋風死

楓葉紅銷白日寒一卷冰霜存把握七年心事祇辛酸

急須廢著營生策始信人間行路難

磊落嶽嶠實壯哉高寒夏月一登臺爲思避世無拘束

國朝詩

卷之一三 江南

一七

不欲升天定往來嶂色懸金斜日照虬枝繞石白雲胎

黃山黃帝丹爐在漫唱人間大可哀

淮陰把釣昔經過習習融風漾碧莎方憶少年多薄劣

更傷女工少恩波斬蛇事業成無益烹狗功名可奈何

委運正須存故我固窮那用怨蹉跎

逐處酸心漫遠論藉他援手是恩門南方自昔佳山水

異地相逢長子孫

與費滋衡  
款往事

別到傷懷皆易水境能脫

俗卽桃源人生何事無憂患只有忘情學灌園

當前虛譽盡張皇堪嘆前賢妄比方月只二分何處見

才稱八斗又誰量申椒可佩今時棄糞壤空帷競自芳

人苦不知詩價大請看李杜有光芒

晴窗麻鞋出土塔門前佳趣作生涯月潛樹背窺人影  
風波江心入客懷時聽鳥聲歌格磔又聞客語笑詼諧  
自傷遲暮無長策荏苒難教免觝排

遊心世境盡騷羈安得高飛任所之樓有三層難學道  
樹雖百尺恨無枝戀櫓驚馬終何益貪餌溪魚亦可悲  
叩杖一條書一束雲踪何處不棲遲

四時蒼翠只孤松天不因寒遂輟冬但肯牛衣能矢志  
無須鶴氅論豪蹤灰邊悶字書無益爐內心香蕪亦慵  
看取凌兢甘縮手任他雪片白雲封

國朝詩句 卷之一三 江南

一八

歲序駸駸已斑也須潛退莫躋攀魚知遠去皆藏穴  
雲解高飛不下山縱有心期宜簡默已嘗世味貴投閒  
功名易餅尋常事何似林泉任往還

沙汀滯跡夕陽天不道今年異去年客境淡同秋後樹  
人心冷是雨中蟬影邀明月成孤照水學愁聲伴獨眠  
身已龍鍾無可戀渡頭芳草亂如烟

臣今老矣不如人企想龍門一問津求食可憐搖弄尾  
報恩誰顧曝腮鱗眼邊所閱皆鷹隼身外何知盡客塵  
近學親移桃李種免教鑽破核中仁

宋元徵 編岑廬江人

菊有名金銀芍藥者感賦二首

秋色淡且佳春花濃不敵如何芍藥名翻爲菊所襲世  
已賤陶潛東籬冷無色春豔冠秋英覽之長歎息

九牧矜三品分曹隸芳菊黃白本無倫橫被金銀辱落  
英制類齡顧名餐有惡幽人慎所蒔安能徇世欲

卽事

雨入黃昏密山仍夙霧蒸孤燈過嶺客疎簾閉門僧靜  
坐得禪益幽棲少酒朋遙遙鄉國思去任渾難憑

題李氏園林

長亭勝處板橋頭坐嘯茅亭面面幽黃石塊穿青竹破

國朝詩句 卷之十三 江南

十九

紫柔甚亞綠波稠編籬分徑爲花署疊樹凌霄作月樓  
漫向東山誇別墅此中清絕擅風流

重登燕子磯

十二年前眺此磯重來江郭坐朝暉禪松閱歲看將拱  
筍石衣苔過一圍曲磴人如行蟻上壯濤舟學野鷗飛  
行藏笑我耽迂拙覽勝留連欲息機

閩 妓 鶴雁江都人

桂林寒月

天末此遙夜云誰共素心閒庭垂霧縠古木憂風音憶  
鴈頻瞻嶽驚鳥遠擇林聰明殊未淨冰雪跋踰深

舟次感懷兼遲 朝使吳內翰長庚朱儀曹印岡

烟雨縱橫倚櫂歌聲江何事獨頻過文翁我自慚郗鑒  
漢使君猶屈尉佗處處路難山鷗隱聲聲泥滑竹鷄多  
殊方觸日牽愁緒翹首層雲盼玉珂

輯廣西志畧漫述十二律 選二

捲甲曾聞捷若風軍威久震百蠻中祇緣債帥皆徵貨  
頓使中涓濁總戎經術籌邊推理學權謀制勝作膚功  
呼庚誰復蒐軍實府海司庾自變通

吏隱南荒擬著書閒庭高卧卽華胥狀成草木看蒲柳

志賴虞衡笑土苴歷代高墉深俯仰萬山孤月見盈虛

國朝詩的 卷之十三 江南

三

何時得踐湖川約百里松陰跨蹇驢

吳弘謨 虞三方巢江都人

幽棲

幽棲野外好極望少人家竹塢時聞鳥藤稍正熟瓜光  
生隔林月紅散晚天霞覓醉前村去柴扉酒旆斜

采石磯

浩渺長江水崔巍采石磯亂藤纏石壁空翠落巖扉鐘  
聲出林遠松杉入望微前朝爭戰地但見野鷗飛

月夜登大別山望郎官湖

結伴乘天霽登臨客興賒亂雲屯古木遠水接殘霞野

寺鐘初動山城鼓又提忽升湖上月林杪一勾斜

秋夜

僻巷門初掩高枝定晚雅亂蛩吟砌草冷月照離花窗  
罅微風入牆陰老樹遮莫愁囊似洗村酒尙堪賒

增僧巨濤

緣上焦巖倦眼明况逢齊已寸心傾無塵庭院貪深坐  
有爲詞章屬細評水鳥閒閒當座迥林花簌簌入簾輕  
此中秀氣橫今古美煞清幽獨爾并

將之漢陽開張印宣亦作楚遊賦送

離亭惜別向南征又賦新詩送客行三月堤邊花事晚

國朝詩的 卷之十三 江南

三

片帆江上柳風清村墟樹遠蒼烟合水驛春深布穀鳴

夜半忽驚鄉國夢郎官湖上月空明

送方孝廉歸里

握手離歌酒暫同家山遙指亂雲東疎梅香冷千村雨  
野客春歸一棹風明月獨隨清夜寂殘陽半落遠天紅  
將來通問殊容易嘹唳沙頭有塞鴻

蝶

萬花深處儘盤旋立不能堅分外憐宕子不知身少力  
却猜歌板拍花前

玉簪花

月姊遺簪碧草間拾來依舊上雲鬟幽姿迥出珠鈿外  
十二金釵盡等閒

王原今臨青浦人

泊九里灘

漲退溪生骨維舟指舊津沙平千尺雪月瘦一鉤銀木  
葉微聞脫衣綿漸覺親天涯常水宿漂泊未歸身

于山懷古

一名九仙山相傳何氏兄弟九人漢武帝時父爲淮南王客九人知王必敗遂

入問居此仙去

人影伶仃秋盡時踏來桐葉見荒祠長繩日落知難繫  
孤秋風狂不受吹山壓射場聞鼓振城收牧卒動旂悲

國朝詩的卷之十三 江南

就中倚伏真消息能識當機更有誰

別聚侯

小青落盡橋初肥

閩人呼橄欖小者爲小青

乍可輕綿換葛衣刻燭

微情傾旅夜傷心願句惜春暉玉寧街市方知寶鳥必

培風始是飛漸覺數旬淹久甚平添別思送將歸

羊流店逢宋穉恭

爲憐月色西村步忽聽鄉音故友逢三載分携路旁客  
催人離思又晨鐘

黃玢字尹蘇州人

春日雜吟三首

此身已慣滯天涯南北勞勞度歲華無可奈何惟  
有誰相慰只看花他鄉可任終爲客夜夢雖歸  
未識幾時營一畝量晴課雨憶桑麻

吳遵賓洛豐溪人

秋日雜吟

朝菌亦何微不知朔與晦大椿年壽長春秋八千歲奇  
哉造化功無端生萬彙修短每不齊歸極有同會窮達  
亦偶然何事分榮瘁黠婁豈遂貪趙孟非良貴秋庭一  
杯傾寂寞花間醉夢覺須兩忘澹然有真味

太璞蘊奇光奈彼雕琢巧磨礪損真性美玉喪其寶邈

國朝詩的卷之十三 江南

矣古至人遺世就枯槁無用乃大天機得長保

小庭婁以閒朗月照幽獨行看花影橫坐失苔痕綠砌

蟲切切語中夜聲轉促輾轉益人愁將無訴所欲穰穰

者爲誰朝夕紛馳逐英雄曾幾人餘子空鹿鹿

暮春月望前二日同人泛舟紅橋

停午放輕舸春風引興豪水邊幽草合花外小亭高岸  
綠初垂柳林紅未落桃正思隨意飲近市得香醪

春日泛舟篠園

數畝溪邊竹三間花外堂簾疎深蔭碧土潤晚餘芳位  
置天然妥盤桓日正長同人極幽興乘醉發清商



月一

習見不知好靜觀方覺奇曾誰看得厭亘古照如斯圓缺有常度陰晴無定期夜涼庭樹寂坐對影遲遲

春日同韓五步郭外

共君攜手踏晴暉二月江城草色肥數點野鷗溪上浴一雙春鳥柳邊飛歌傳畫舫遊人度風捲香塵獵騎歸足倦何妨同藉草遠峯天外夕陽微

竹林寺牧馴上人留飯

鐵城南郭古招提拾級登臨短杖携芳草徑幽藏竹院斷崖門迥隔松谿引泉架竹茶烹鼎款客開園菜剪畦

國朝詩鈔

卷之十三

江南

三

飽食從容倚欄望數峯蒼秀與雲齊

朱璽 若符宜興人

村居

楊堤春暖燕歸遲極目平原有所思三五茅茨摩詰畫高低雲樹杜陵詩家雖混俗風猶古土至安貧格亦奇試問長安遊宦客扁舟幾個繼鸛夷

庭垣傾圯葺荆榛日日溪雲冷作隣三徑蓬蒿嗟類蔣一泓鷄犬不知秦家餘經史生涯薄人習農桑里俗醇寂莫杜門無個事碧窓高卧夢先民

羅光益 謙叔天都人

喜歲稔

望歲歲屢歉今歲喜豐熟歎乃百事艱熟則靡弗足穀者命之本良賤營一腹那堪凶歲憂翔貴如珠玉維揚賴山田尤冀雨陸續連年苦不均何由贍饒粥垂佑幸自天甘露沛三伏入秋尚滂沱西成宛在目遙知儻鼓喧村村賽神福鵲豚醉瓦盆婦子嬰茅屋安得下河田亦脫洪流酷高低盡有秋俯仰皆如欲余無附郭田歲熟皆余穀普天歌大有願爲熙朝祝

李觀察行署感懷

白下豐言旋無日不逢雨積陰越兩旬霪淋信爲苦行

國朝詩鈔

卷之十三

江南

三

暑距微廬相去不數武留滯未得歸望若異鄉土妻孥相訕笑親交孰比數寧無片刻暇而乃任羈阻故人敦古道爲我久延佇札示秋月佳風物亦楚楚青紅菱可剝團臍蟹堪煮少霽肯惠臨斗酒且懽聚讀罷發長歎斯言良足取其如身依人舉動莫自主旣復一輒然安事空觀縷棧豆竟勿戀鷄肋亦遂吐况堪多病翁罄竭此心督曷不返故吾安貧守環堵

丁酉春正九日芸亭公偕同程調梅黃漢泓徐春

及之賢首山祖行

歲在疆圉作噩孟陬之九日使君行圍卜日吉飛炮治

具賢首山賓從裘馬聯翩出笳鼓曉發旌旄明令嚴對  
仗整以清屬吏前驅凜就列但覺雷殷殷今塵冥冥雖  
彼驍騎士後先按轡無聲道旁觀者盡竦立山神  
亦且恭相迎是日蘊隆天特暖流汗沾衣肩欲袒出郭  
浮淮村徑遙融融已喜春光滿仰陟崔巍絡繹登峰迴  
路磴樹層層蕭然別是一天地頓令俗抱激清冰鬱蒼  
蟠巨雄結構招提環顧羣巒輳殿排古柏參雲霄山果  
平田錯綺繡初疑周匝不通路何年一線橫腰度絕境  
清幽迥隔塵老僧樸野成高趣重九登臨憶客秋追陪  
何幸復茲遊正喜使君興豪馳獵去我輩相與褰裘懼  
國朝詩的 卷之一三 江南 三六

飲殊風流山顛遽已銜殘照爛爛前山紅吐燒騎騰  
驤顧盼雄紛懸雉免羈鷹叫嗟嗟惟余老矣懶復與人  
爭能故雖勉應招呼而亦遲鈍龍鍾肩輿鹿鹿非同調

### 歸舟紀行

曲折湘江路舟行亦大觀斜穿千疊嶺險關百重灘雨  
氣迷朝暮天時亂燠寒令嚴刀斗靜隨處宿能安

吳幹亭招同趙念昔諸子於寓舍小集二首 選一

杜門惟把卷况復百無能客罷貧如故年衰懶更增塵  
埃雙白眼風雪一青燈念爾屢垂注山陰興易乘

劉仙巖 仙名仲遠宋人從張紫陽得道巖在粵西  
寧遠門外七里

峻巖千仞峙南關乘暇銷涼喜共攀古洞嵒蟠蒼莽外  
飛樓懸度翠微間仙歸蓬島聲如接客苦風塵老未還  
更欲振衣凌絕頂月明橫笛響羣山

### 亭

同王方伯鄭觀察及諸子集飲吳豐園先生含清  
山環水抱一亭幽公暇欣同覽勝遊隄上人摩詰畫  
雨餘風物鏡湖秋聞歌宛轉魚爭聽移席空明月倒流  
笑拍荷錢青點點花時還擬弄輕舟

乙亥冬日赴金陵口占

返棹梁溪秋葉黃如何又上秣陵航一肩襆被衝寒霧  
國朝詩的 卷之一三 江南 三七

百里風帆走夕陽親老豈無甘旨戀饑驅還逐水雲忙  
誰能歲暮翻離別昨夜沾襟黯自傷

鄭昂 若干耕嚴飲縣人

### 移居江上

地僻蓬蒿滿風光始稱貧漁樵堪結伴農圃恰爲鄰垣  
短青山入江空白鳥親論文欣不輟接近素心人

夏日陳滄洲太守招集焦山松寥閣分賦

綠嶼清江上蕭然物外遊濤喧詩思冷雨霽海天秋談  
笑忘軒冕行吟狎鷺鷥酒闌探鶴碣喜見出奔流

蔣鶴銘 時命  
出江中 工取

秋霽同羅魯峯夢懷登銀山

連朝風雨喜初晴曲磴無塵蟋蟀鳴山氣漸寒林葉落  
江光不定夕陽明欲尋孫楚村居杳山下有孫楚村得共羅含  
詩思清莫管寺鐘頻報晚還留洞口酒同傾

看江南雨後山

苦雨頑雲頃刻收峯峰新沐盡昂頭幾重映水嵐猶濕  
數悉臨波翠欲流綠樹半遮當傑閣黃鸝初轉近芳洲  
詩朋屢約嘗櫻筍乘興攀躋欲放舟

程增樂莊天都人

京口舟行卽事

國朝詩的卷之十三江南

无

迢若蒲帆去寒天月寂寥行歌十五里停泊兩三橋午  
夜驚殘夢晨星照落潮楓林傷玉露風雨漫蕭蕭

蘭溪舟中

霧來歸老眼秋葉作春花水復多紋潑山如透紗赤  
城樓野岸翠黛落烟霞只恐溪流洄來朝駕短車

江山道中

坦道何爲險田疇萬木森溪環灘不惡屋矮竹成陰紅  
葉凋霜月班鳩喚晚林江山情景異珍重友朋心

浦城至觀前

地僻行人少馳驅意未闌草將巾襪濕雨覺前途難茅

屋雞啼午寒林鳥語殘遠看溪篴淺離小亦波瀾

烏石山

不謂奇峯列身如入太空南臺猶未遠霸石踞其中櫺  
櫓藏蕭寺人烟亂晚虹蟠桃惟塢在何處問仙翁

名友全克已上人游福州西湖予以他出未往書

此詢之

聞往西湖去何如放鶴亭鳥鷺知好在笙管可曾聽選  
石人同坐看雲眼倍青爲予陳勝事鼓柁問沙汀

同吳東巖王名友吳青巖朱詠臣遊道山

凌霄臺上極高崇穀核朋簪遠眺同四壁盡藏青靄內

國朝詩的卷之十三江南

无

三山同在夕陽中啣杯好就松枝火藉草須迎殿角風  
更說海潮音不斷乘槎天外意無窮

舟行口占

嵐迷山嶂如昏夜水復寒雲隔斷流舟人噴噴煙中語  
不到晴光不放舟

西湖絕句

避得山莊作野遊淒淒風雪不勝愁登樓忽見青山老  
回首相依共白頭

水明樓集飲追懷往事

玉賓飛興各揮觴紅豆徵歌繞畫梁記得前春三月莫

蕭蕭風雨說吳娘

許炳 太初常熟人

邨居雜詠

蓬蘽樓連一畝宮，漁樵生事果何功？  
閑希聖，尊疊外容易逢君藥餌中。  
洗硯墨浮池面雨，澆花水澣陌頭風。  
年來賸有溪山癖，愛向滄洲理釣筒。

詠鮒

拂拭霜華載發硯，鰕邊兩字是青萍。  
鑄從巨冶經千鍊，佩入深山衛百靈。  
翠袖舞時飛素練，清宵看處閃寒星。  
龍身虎氣埋藏久，尚有光芒徹紫冥。

國朝詩鈔 卷之一三 江南

三

同雅侍衛紫菴郭明府偉公西山紀遊六首 選二

峭壁何年鬼斧開，攀緣力怯幾遲回。  
亂奔雲勢山疑動，深結嵐陰雨欲來。  
石罅鵲鳴棲老樹，林間鹿跡破蒼苔。  
劇憐濟勝曾無具，獨有登臨興未灰。

高僧名岫兩情親，百遍相過不厭頻。  
直上懸崖摩石筍，還探幽壑掘松鱗。  
飽尊傾盡沾山店，蔬盞攜來藉草茵。  
只算茲丘吳地產，秋風休憶故鄉蓴。

西湖

頗喜閒身十日留，平生能得幾回遊。  
翠凝嵐色雨初歇，紅染湖光花亂流。  
繞屋栽梅千樹瘦，依山放鶴一亭幽。

此間舊有高人跡，我欲移家近白鷗。

金陵懷古

斜風細雨白門秋，鳴咽秦淮日夜流。  
草色猶迷芳樂苑，鐘聲已斷景陽樓。  
離宮別館無人跡，剩水殘山動客愁。  
懷古不須高處望，從來建業帝王州。

佳麗真堪壓九區，臨春結綺散南都。  
總無臺榭迷金粉，依舊山川擁畫圖。  
碧映柳絲桃葉渡，紅浮花瓣莫愁湖。  
風流往事今銷歇，日落長干聽鷓鴣。

渝州

渝州古郡蜀江西，城郭依山雉堞低。  
以山為城，白石高周四十里。

國朝詩鈔 卷之一三 江南

三

懸明月映香泉引，出海棠溪園林曉露垂。  
朱橘嚴岫晴光見，碧鷄遙望峯頭丹鼎在。  
瘦筇芒屨待攀躋，為黃帝處。

合丹

蹋燈詞

九陌遊人盡擁來，熏天燈火照樓臺。  
上林苑裏春歸早，萬樹銀花一夜開。

殷地春雷走鈿車，天姬結束艷如花。  
華燈璧月相輝映，錦繡妝成百萬家。

程鑾 坡士澣水人

送遠水南歸

放眼不勝悲形影天涯久晨夕苦相依胡爲欲分手憶  
昔共榮枯甘載甘相守我被朔風欺君懷苦爲剖何期  
入長安萍蹤更聚首君歌行路難我碎墜壺口拈韻付  
奚奴破悶澆尊酒秋餐東籬菊春剪青畦韭如何子言  
歸獨荷琴書走揮鞭不得停去任成愁數春風一路賒  
我亦思將母

簡陳瞿石副使

北地春苦寒東風慣吹雪日暮倚長空扣我荆扉歇塵  
迷看未定聞聲心頓悅携手笑登室熟視翻腸結幾載  
悵睽違不道形骸骨形容既如此行藏焉用說丈夫敦  
國朝詩印 卷之十三 江南 三  
古道百怪自磨滅所賴心之官卓爾堅如鐵燕趙慷慨  
多龍精夜光掣易水一悲歌蕭蕭飄白髮保此七尺軀  
棲遲詎爲拙

乾紫弟餽糟蟹戲答

平生嗜酒復嗜蟹二者淮陰誇獨美西風八月菊華時  
日日街頭自沽買右手執酒左持螯籬邊花下真瀟灑  
有客妙想忽天開饒口偏能有別裁鼎烹郭索紅玫瑰  
請之入甕埋新醅腹脂潤潔玉一堆肌理嫩滑如嬰孩  
每出異味餉同儕入口得蟹兼得酒并吞隴蜀無嫌猜  
念我遠貽意復佳老饕未食涎潑洞齒牙雖缺心不灰

還邀白墮佐談諧會須一飲三百杯

鐵如意歌前明高邑趙所崔先生所製器有銘曰其鈎無鐵廉而不刺以歌以舞以弗若

是折雜若子之器也

庭菊飄香日亭午雙扉乍啓光芒吐有人手持鐵如意  
向我摩挲話亂縷爲言此物蒼蚪精百鍊堅剛形質古  
傳流本自高邑公今日逢君更有主頂鐫太極八卦生  
日月雙懸光皎如北斗高橫氣耀人峻嶒嶽鎮森然五  
銘辭義正想風稜薊尾銀鈎字堪數鈎無鏤兮廉不刺  
終弗折兮歌且舞先生學術直方大巖巖論議紆青組  
東林牛耳聞奸邪借爾鐵君作雷鼓滄桑今已八十秋  
國朝詩印 卷之十三 江南 三  
入手猶應吼風雨余也何人獲此珍添我平生意氣武  
睡壺口缺不須論伏櫪高歌休自苦

苔

雨後盈堦綠青青觀草低木枯偏點葉花落不沾泥翠  
色侵衣冷晴光映黛齊充庭留阿堵藉爾聽黃鸝

曉發

曉行雞未覺岐路馬偏知淡月欲全沒輕風時一吹禦  
寒惟短褐破夢有新詩漸見晨光好炊煙隔水湄

丹陽舟次喜晤吳漪堂庶常和答

故人垂老別離索日爲年記話山塘月驚逢練水船負

霜征雁過藉草野鷗眠秉燭還深酌更殘古驛前

飲鶴笑亭復泛舟郭家墩觀水中燈影

飽撐蒲草坐空亭向晚挈舟出柳汀雙槳亂搖翻碎月  
一篙輕點散殘星檻前影奪千珠帳水面光開百寶屏  
恍似坡仙驚異夢遙天孤鶴影玲瑯

出古北口見長城

不憚經營勢逼天高城界斷萬峯巔算來磐固無遺策  
恃此泥封卽穩眠百雉倚雲猶屹立三軍躍馬自盤旋  
聖朝盛德無須險中外喁喁總晏然

蓼州道中

國朝詩的 卷之十三 江南

詩

春風是處送啼鶯一徑新篁解宿醒躑躅映山還映水  
鶉鳩呼雨復呼晴驢能識路緣橋過人愛當爐滌盞迎  
綠樹陰中好風景隔溪新漲桔槔聲

酒帘

望裏風飄隔幾灣欹斜最覺解愁顏時藏竹密花深處  
愛挂山青水碧間籬畔每能招客醉杖頭豈肯爲君慳  
行人已自春情蕩更引遊驄數往還

偶述二首

忘機自爾息紛紜小院孤棲百不聞木葉舞風如戲蝶  
鐘煙冒幕欲成雲空塔鳥落遙天影素壁霞侵夕照塵

發刺一聲驚倦眼魚缸細細水生紋

滿屋濃陰護碧紗攤書未讀且煎茶幾回簾前開來燕  
一片皆翻乍落花蟻穴排兵看踴躍蛛絲布網笑欹斜  
夜深鼓吹繁華甚明月高懸兩部蛙

南歸別諸同人

七載京華心事違春風還理舊征衣良朋執手殊難別  
久客臨岐反怯歸瘦馬預愁看落月離筵不忍放殘暉  
驪駒唱罷斯須立鴻影天涯已倦飛

郊城道中

記得敲詩禿柳間吟鞭今又渡溪灣幾年白髮侵人面  
國朝詩的 卷之一三 江南

詩

一路青帘洗客顏水際停雲疑宿鷺杏林新葉似秋山  
計程明日江南道應笑孤飛鳥倦還

郭雙村過寓小飲值庭前桃樹含英因憶去年花  
時共賞倏復一載感賦一首

還憶花前醉咏詩支離匏繫又花時助嬌那得人簪髻  
銷恨何曾客解頤月轉火珠紛欲墮枝搖紅豆總相思  
郭郎起舞郎當袖共笑東風兩鬢絲

焦山雜詩

碧峙中流絕點埃雙峯遙對妙高臺海門日鎖空江水  
六代興亡遍閱來

周京神物落塵寰親撫龍文翡翠斑笑殺貪癡嚴用  
鈴山攫去爲焦山山有周鼎原某氏家藏爲分宜所竊取之後歸某氏以爲不祥留之焦山  
三詔虛傳下此山蝸廬遺跡渺難攀雲封只有焦公洞  
口在江光落照間

載酒日長無俗客聽經夜半有靈龜欲知地僻清江潤  
飛鳥漫天不敢過山無鳥

樊經書山江都人

琴水曉發

披衣忽曉望却似在嘉州山勢周遭密灘聲細碎流孤  
帆穿亂石微雨集羣鷗風景依稀是漁樵此地稱

國朝詩的卷之一三江南

三

舟中卽事

毘陵風景好到處足留連紫蟹盈筐賤紅菱出水鮮僧  
招沽酒客柳繫打魚船方物一經眼寧論橐底錢

述懷

四十鬚眉齒漸殘此身惟覺醉鄉安一無所好心元懶  
百不如人眼自寬深信劉伶真任達難憑卜式恥爲官  
江山萬里扁舟易朱紱何曾勝釣竿

暮秋次少司空喻公重陽元韻

何妨舊綉坼天吳短褐林間守敝廬梧竹任教三徑冷  
心胸贏得一塵無著書閉戶松堪老對影銜杯月不孤

多少遠懷思寄達嘹嘹鴻雁隔江湖

高採枚升東籬江都人

結屋

結屋傍城隈窓扉四面開雜花勾蝶至高樹引蟬來竹  
榻當風架荷衣帶露裁幽棲遂野性不信有蓬萊

杜門

已作遼東鶴甘爲井底蛙杜門常結網帶雨更鋤瓜赤  
米炊晨飯黃芽闌午茶歸休無限樂未敢向人誇

武侯墓

定軍山下好松楸千古孤臣土一丘雲瘴卧龍常寂寂

國朝詩的卷之一三江南

三

樹留啼鳥但啾啾出師未遂生前志擊鼓空勞死後憂  
讀罷殘碑傷往事西風黃葉滿天秋

書懷

微官待謫滯荒陬寥落空齋又一秋開徑日容山共坐  
放衙時與鹿同遊謀生計拙甘窮困報國才疎慚去  
留莫笑虎頭無異骨年來已作醉鄉侯

晚眺

向晚邊城返照紅雁聲嘹唳度寒空雲遮蜀嶺千重樹  
虎嘯秦關萬里風險徑驅牛危牧子清潭收網羨漁翁  
荒臺徙倚看殊俗不盡悲涼入萬空

春日漫興

流光如水去堂堂又落林花一地香往事已成前日夢  
老懷不似少年場除浮白外情俱冷欲踏青來興轉狂  
五十頭顱忙裏過而今高枕看人忙

鮑孔年 樹百上元人

瓶菊

光流一案潔影卧半牀幽不用來霜月貧家自有秋

朱 顥 草衣休寧人

送汪嶠林之楚

小雨淡行色空囊酒一瓢鶯啼江市柳人倚水樓簫去

國朝詩句 卷之一三 江南

三

路隨春草離心逐晚潮黃陵聞鼓瑟月黑夜迢迢

濟生菴訪余公沛

歧馬城陰正夕昏爲尋高卧舊王孫斷橋細雨遙呼渡  
古寺寒燈早閉門垂老江淹猶賦別感時庾信易銷魂  
紙窓茶熟清吟後鶴髮蕭蕭說報恩

吳 諤 吉人天都人

廣陵至廟灣湖光浩蕩荷芙蓉詩以誌勝

湖光千頃碧百里盡新荷嫩綠臨風媚輕紅帶雨配舟  
從香裏渡人自鏡中過雲水相和處時聞勸稼歌

寒食日過板子磯

細草蒙江岸危磯兀水涯荒村存古朴幽谷有人家  
序憐寒食風流步永嘉沿溪多種樹大半是桃花

戲馬臺

戲馬臺邊風色寒黃河晝夜水瀾漫椎心每恨英雄盡  
放眼仍慚天地寬宴設鴻門王氣在烟銷秦關霸圖殘  
知幾亞父身先死不見陰陵行路難

江行漫興

江南二月好風光杏蕊桃花夾綠楊是處芳隄嘶牧馬  
誰家紅粉吟孤航永嘉時過人皆盡建業潮來波自揚  
物理靜觀多變幻長歌差勝奏笙簧

國朝詩句 卷之一二 江南

三

程用昌 克庵歙縣人

別黃山

發朝白龍潭弭節仙燈洞奇峯猶趁人昨遊已如夢  
山陲氣早暄漸覺征衣重寒泉猶依依出谷遙相送

入山探梅塗遇大雪

誰知昨夜雨化作一天雪送我到山中梅花弄明月  
月明花不見千山白如練

訪友溪上

言尋居士家薄暮青溪道荒原鳥獨飛寒木雲相抱  
入室聞疎鐘開門見秋潦落葉坐來多清風時一掃



江舟憶故人

細雨春帆濕孤舟江色開岸花當水出沙鳥傍人來綠  
草湘妃宅青山帝子臺天涯長恨阻遙憶子真才

秋獵

曉出重圍合丘原欲淡空雲鵬迎沒箭霜兔應鳴弓眼  
疾鷹窺草蹄輕馬逐風芬芳歸路景叢菊遠離東

蟬琴

古調不彈秋思空爾蟬先得我心同淒清響急江村日  
蕭瑟吟傳驛路風斷處乍疑絃欲絕續時翻恐曲將終  
誰知流水高山意竟在繁槐密柳中

國朝詩的

卷之一三 江南

早

小憩桃花源題亭子上

迢遙梯路接仙源峭壁飛蘿翠可捫樹裏人家非避世  
眼前雞犬尚成邨花隨流水春無迹月到空山夜有痕  
安得結茅歌小隱白鉏黃獨住雲根

黎東昂

淦曙曉喚江寧人

莫愁湖雨中送春

悵悵春何處春歸縹緲中可憐莫愁水一片晚烟空芳  
艸粘天碧殘花帶雨紅湖邊無限柳不解挽東風

秋郊閒步

野逕西風灑面涼秋籬是處着花黃尋僧直遇鳴鐘寺

攜客還臨種藕塘一店酒香成小酌半城烟起遍殘陽  
茲遊寂寞偏饒興緩緩歸途未覺長

吳弘訓 耀文別亭江都人

月夜過艾陵湖

客路逢明月扁舟夜過湖雲閒浮水淨樹遠帶烟無破  
網懸衰柳殘燈入亂蒲傍人知客意橋畔酒先沽

秋日同人登南城野望

南城開野望秋日共君登亂柳攢茅屋清溪渡老僧山  
高羣嶺小林遠暮烟凝凭眺頻回首雲端片月昇

曉雨天池歸棹

國朝詩的

卷之一三 江南

早

霧散天初霽輕帆帶雨開水因新漲濶人趁早潮回密  
柳叢沙岸秋雲擁戍臺遙看捕魚者小艇破烟來

送三兄之楚

此去長江千里遙猿啼兩岸草蕭蕭孤舟對月傾村酒  
一笛春風聽晚潮

芮 嶼 淦客江寧人

秋日同菊圃陳丈過寶光寺

石磴穿山入盤迴路漸幽來尋烟外寺因上樹中樓日  
淡青松暮風涼黃葉秋忽聞疎磬發心境兩悠悠

同黃芝九佟振川登燕子磯

一峯壁立大江灣人倚孤亭霄漢間萬里波濤春水闊  
千年宮闕夕陽閒臺城有柳含朝雨鍾阜無松響暮山  
指點江南多舊跡祇今惟見塞鴻還

姚

瑩 文潔江寧人

秦淮臨汎同沈方舟韓鶴汀蔡苟令諸宇上分賦

得山字

新雨漲前灣扁舟任往還兩邊芳草岸一片夕陽山倚  
笛空含怨逢花暫解顏客心雙槳外應共白鷗閒

安隱講院探梅

一徑幽尋踏草萊講堂高傍雨花臺蔭門疎影微微見

國朝詩印

卷之一三 江南

望三

繞屋寒香淡淡來客愛山深因久坐花憐春早未全開  
老僧識我逡巡意明日重期破碧苔

張

瀛 洲士江寧人

過蒲澗上人山亭

探幽到古寺清氣滿林丘自有香生座不知雲在樓竹  
遮三徑碧桂繞一亭秋欲與遠公約還來待月遊

冬日同陳是常登清涼山看落照

石徑雪初晴高臺返照明落霞橫斷岸歸鳥聚荒城寺  
遠一鐘靜山深萬嶺清北風吹正急漸覺敝裘輕

宋真儒 舊山蓀湖人

聞雁

秋夜氣淒清初聞一雁鳴悲添游子淚怨入搗衣聲憶  
遠愁難寄書空字不成驚傳霜信早白髮枕邊生

儒莘滄入都

海門秋水正茫茫野草全枯柳更黃烏鵲啼殘千樹月  
雁鴻衝破一天霜村邊問酒心先醉馬上還家夢不長  
莫向西風頻下淚長安原是別離鄉

登舟感懷

幾年鞍馬逐黃塵一上扁舟眼目新到野纔知天地闊  
投閒自覺水雲親半生多難餘雙鬢萬死還鄉剩一身

國朝詩印

卷之一三 江南

望三

從此移家南去好食貧甘作住山人

李 崧 南山無錫人

雜感

烏兔忙馳逐百年何草草壯歲空蹉跎聞道苦不早桑  
榆日已暮蒲柳先秋槁欲求長生藥無翼赴蓬島黃鶴  
借雙飛分折中道天孤鳴何所之哀哀失昏曉仰首訴  
穹蒼安得舒懷抱

晚秋雜興

暮歸湖口路夾水東橫橋廢寺閒秋草孤蓬落晚潮獨  
吟天地潤坐看水雲消遠近參差樹霜餘物色饒

孫曰書 安共桐城人

初晴晚眺

西來爽氣晚風和，小徑芳塘映薜蘿。  
千頃斜陽村樹亂，一痕新月暮烟多。  
人呼碧艸灘邊渡，童卧青牛背上歌。  
幾許閒情誰解得，何年卜築傍岩阿。

劉鼎臣 乃承宣城人

奉和二樓佟夫子北樓咏雪用東坡韻

驛路蕭條亂晚鴉，衝寒有客尚乘車。  
天教不夜常留月，樹訝非春早放花。  
咽和寒梅供餓脚，飲惟清茗羨陶家。  
風流太守添詩興，倚檻吟成手入叉。

國朝詩約 卷之十三 江南

四

浙歷聲聞應外纖，硯池冰結識寒嚴。  
有山皆可呼爲玉，無海終難煮作鹽。  
歲晚未歸愁旅客，春回漸近慶窮檐。  
白描一幅天然畫，那用丹青到筆尖。

呂清 字黃山人

宿塔山

塔山畱一宿，楚息亦安禪。  
枕上秋聲滿，窗中月色懸。  
豁然忘世界，不復有人烟。  
欲結曹溪侶，山靈許暮年。

秋日登文昌閣晚眺

傑閣嶙峋複道迴，青鞵踏處磴雲開。  
低看落照斜封樹，細認殘碑暗剝苔。  
簾捲波光涵雉堞，杯銜山色到樓臺。

孤城日暮行人絕，惟有寒鴉帶影來。

李 匯 東匯上元人

花下談禪同南支禪師分韻

共坐看梅樹，方春花已齊。  
似多枝幹累，故受色香迷。  
影映雲千縷，光澄水一谿。  
塵揮無處著，一任鳥空啼。

錢慈也 龍潭園亭

臨潭開別業，蓬戶日常關。  
離市不三里，深居如萬山。  
雪消梅影瘦，風靜水聲閒。  
未許營營輩，居然住此間。

黃 湘 鄂公孫庵古歛人

再登金山

國朝詩約 卷之十三 江南

四

名山興未盡，又放過江舲。  
鴻影秋雲潔，龍潛水氣腥。  
亂帆收夕焰，清磬出孤亭。  
漫謂風濤惡，茲遊勝昔臨。

海上和清來

野水聞牽片舫輕，好偕勝侶值新晴。  
蜃樓東起連雲幻，山色南來列黛橫。  
點綴遙空鴻漸遠，碎翻滄海月初生。  
座中似有悲秋客，莫作吳歌子夜聲。

國朝詩的目錄江南

卷之十四

許志進 四首 陳易 三首 查士標 二首

程文正 十五首 程塾 十六首 史申義 三首

吳弘雋 八首 田登 二首 陳枋 八首

吳貫勉 八首 江祥 二十首 周儀 十七首

胡大 三首 嚴元 七首 王鵬 三首

汪若 八首 王爾綱 一首 王純仁 一首

鄭祖第 一首 張天球 六首 吳映芝 一首

鄭時珥 二首 杜詔 十九首 屈景賢 五首

國朝詩的目錄江南

徐岱 四首 范萊 五首 曾旭 一首

潘雲龍 一首 劉震 三首 嚴天佑 四首

俞梅 五首 方熺 三首 江毓玘 一首

劉巖 一首 黃日瑚 二首 吳兆賢 二首

國朝詩的卷之十四

長沙陶 煊奉長選

同里張 璨豈石同輯

江南

許志進 念中謹齋淮安人

邊別駕過鼓行 有序

郡別駕邊侯善鼓能為漁陽搥搥投閒十年時時聞

作大概寫其牢騷耳有富貴人強求一聽侯張目叱

之曰我豈奴輩鼓吏耶頃於聽鑰堂酒次為之容止

岍異聲響激昂悲壯淋漓令人想見福正平當年感

國朝詩的卷之一因江南

興濡毫為此詩贈之時丁酉夏五月九日

漁陽搥搥聲不傳神奇獨擅遼陽邊酒酣奏技音節異

滿堂動色心茫然岑牟單袂脚不韞 岑牟單袂見補衛本傳侯作衣巾衛

之椎髻虬鬚亂華髮欲擊不擊神閒閒三搥五搥高興

發鑿鑿鑿鑿得法多掄插揉抹五聲和 侯有千鼓譜千鼓萬字鼓譜千鼓萬

杖不可數雙拳十指音相磨頭盡青峯手兩點 皇明雷

殷前山知近遠奔車疾下太行坂輪蹄滾滾難辨轉

聲忽作蛟龍吟 黃帝十鼓之一 女媧石破天為驚塵飛涿鹿

尤戰屋瓦大震昆陽城 漢光武事 中間一變搥忽止白白無

光鼓聲死空房碎碎鬼物出幽窓絮語兒女子嘹嘹囉

歷鴻遵渚鴉鴉軋軋弄機杼百斛珠璣撒玉盤天星

斗落如雨輕抗急拍成奔放麗譙畫角同悲壯十萬

絲赴敵場風雲黯慘飛雪霜迴環變調二十四聒耳淵

淵那能記魯鼓薛鼓譜久訛答臘都檀響還異邊侯盡

善蓋有神花奴阿瞞豈前身一鼓能為萬鼓音移宮換

羽清且真頭之所觸足所蹙肘股兼施草木肉狂態人

嗤稱正平裸立褫衣未為辱侯之捷鼓頭足肘股無不

舊諸所傳不合時宜一肚皮牢騷激烈從爾為前朝

法物元音秘八面周官製未奇靈龜異代閒無用白髮

中涓時一弄鼓為前朝大內法物中官齊老實精此技動盪血氣和神明大

國朝詩的卷之十四 江南二

似椎牛得生此齊邊侯傳器復傳聲當筵寫作不平

鳴一官拾人空老棄置江淮勿復道拍張古有致三

公丞相公肅事則同近來絕藝多坎壈今古才人命相

左建章千門萬里遙朱博何人興鼓妖朱博為丞相建

史此日宵衣思將帥登聞奏進殊寥寥空言堂上有懸

鼓我欲擊之丞卿怒二句 漢恒舞酣歌醉夢餘天聲合

警羣警羣據牀揪箇美桓伊一聽哀箏雙淚垂謝安驢

鳴犬吠人爭傲沐猴鬪狗誰云非侯兼善邊侯邊侯鼓

聲悲諸賓盡醉神迷離胥靡不發明王夢月白詩成且

能拋

閱雁

北風連夜發吹雁到南郭冷月照清影飛鳴知幾行江

湖秋思迴天路羽儀長牛斗乘槎客歸心切故鄉

暮歸點石

亂峯杳靄夕陽窮暮入江村道却還幽勝未探真際寺

高寒空望五雲山巖風木落秋聲遠竹院僧歸月色閒

不斷溪淙清沸耳潺潺十里到禪關

長橋對月

魚龍偃浪夜無聲銀漢疎星與地平五十三潭浸秋月

今宵偏為一人明

國朝詩的卷之十四 江南三

癸酉春分長安旅舍寄邦江王漢藻

每憶揚州月天青水調中古今如可問爾我得相同仙

觀春前草隋隄夜半風能開生色好一為寄遼東

入關歸里路過揚州坐竹里草堂暢談離緒留別

二首

把袂今相見投詩昔有神幾經關外夢果見眼中人夜

滿蕪城月梅迎海國春自多遊覽意山水豁天真

高士託人境所居何必山數竿青竹下一對烏聲聞渾

脫烟雲氣清瞿水雪顏同君堪語道薄暮不知還

查士標 二 隱休寧人

宿六峯道院

路入翠微裏仙源峻復深秋新開竹徑月落過桐陰渺渺天低水青青烟在林道人清似鶴爲寫白雲岑

苦雨寄周櫟園先生

樓頭湖水闊歷歷見滄洲忽聽一天雨橫生六月秋濤

驚林谷應風捲水雲愁對此能無憶司農厓隱憂

程文正 范村江都人

雜興十首 選二

陽春二三月百卉矜榮華繡幕護簾閣光風淨塵沙得

國朝詩的 卷之十四 江南

四

意及燕雀翻飛枝上譁盈盈金屋人含盼對朝霞此時

山谷間孤松白槎枒蒼虬蟄已長蕭寂水一涯苑枯俱

時命胡爲相嘆嗟

驅車上北邙蕭蕭白楊樹豐碑紀勲閔摩挲多斷句彷彿有姓名豪華世所慕當其炙手時咳唾成烟霧珍瑤

走朱門鬼神不敢怒幸得全其軀輓歌送歸墓徒爲狐

兔窟惜非金石固柳下土一抔牧兒卻回步

焦山瘞鶴銘歎

焦山瘞鶴銘歎

江流到海勢奔掠一點濃嵐此棲泊孤清不作世俗緣

上祀焦先下瘞鶴雀不來歸空有銘鉅筆磨崖意盤礴

書家驚疑右軍在摹搨丁丁伺潮落江神專橫自何年

阿香奸黠助爲虐裂成龜兆入泥沙亂裏蛟涎恣搏攫

客來扶杖一臨江江草江花烟漠漠蒼茫懷古忽傷神

清淺有時容着脚千金不惜費牽挽百斷猶應受聯絡

山僧瞑立漁翁閒已報昏鐘出高閣橫江孤鶴正東來

一聲長唳翔寥廓

平湖道中遇雨

青山如龍雲似海倏忽不知龍所在奔騰急雨打船來

隱隱雷聲起天外老翁挂篋兒戴笠振轉船頭齊用力

雙搖勁櫓獨操篙灘上水流灘下急岸草汀花不知數

國朝詩的 卷之十四 江南

五

風過林梢都作舞偶然偷眼向篷牕立着一隻閒白鷺

古寺

蕭寺猶餘字空山路幾重磬寒孤澗月僧老六朝松定

久龍吟鉢齋遙鳥聽鐘殘碑如可辨階靜紫苔封

晚春遲客不至

闌珊春欲去草色正萋萋山鳥啼過樹林花落滿蹊水

亭微雨絕野徑綠陰迷客屐曾相訂昏鐘又日西

露坐咏天河

秋來偏皎潔牛女幾曾過雲氣耿遙夜月光生曙河高

林斜欲落寒影淡無波亦欲尋源去離情曉奈何

初夏對雨

礎潤逢初夏開庭多暗陰斜風疎竹亂小雨落花深燕  
蹴萍開沼鳩呼桑滿林草堂無客到惆悵一孤吟

除草

何事堦前草春來已白榮呼童聊爲翦當路莫教生月  
照庭疑闕花香境自清等閒開一徑不是擬元卿

秋草

萬里西風動秋蟲正掩門關河連野燒狐兔冷平原白  
露青山郭夕陽黃葉村萋萋春日路愁絕舊王孫

清明獨步郊外

國朝詩約卷之一四江南

不

東風獵獵帽斜斜一綳棕鞦韆踏草芽嫵綠漸搖江外柳  
小紅初破雨中花下田農去呼新犢上塚人歸噪暮鴉  
節序漫言三月好春光又老惜年華

淮上

河流如箭柳如環斜日孤城渺莽間淮水東行應到海  
楚州北望已無山枚臬宅冷花空落漂母祠荒鳥自還  
勲業文章兩陳迹客來沽酒白雲灣

晚上焦山

松寥閣外翠陰陰幽境偏宜獨往心月出海門烟島暮  
僧歸江樹水雲深蝸牛廬舍聞三詔瘞鶴碑銘見陸沉

名蹟尚存人濟勝新詩題罷自長吟

栢

欲挂延陵劍徐君冢在無至今歲寒意猶自宿霜烏

西湖留別

春夢無多酒易消西湖昨日過花朝子規啼處頻搔首  
細雨斜風立段橋

程鑿藝農新安人

石榴花

孝婦殺姑石榴花枯石榴不枯婦罪何辜一孝婦臨刑  
聞者心酸一悞於雞再悞於官解二雞本無警官實有差

國朝詩約卷之一四江南

七

天道夢夢不如榴花解三

避世吟

我欲樵深山山多猛虎踪我欲漁江河江河有蛟龍  
俛仰人世間險阻更無窮避人復避世人世難爲容吾寧  
飽猛虎吾寧啖蛟龍

送方樗根歸黃山

采采芙蓉花零落不堪持秋蘭萎蔓草贈君君豈知馨  
香固可念枯槁勿相遺人生若鷺塵聚散無定期三萬  
六千日壽夭惡可齊安能久離別鬱鬱長相思美彼雙  
黃鵠比翼鳴高飛

欲語氣還咽恨恨中心悲良會苦不早執手意多違落  
日滿大堤黃沙犯征衣暮色逼遊子遠別從此辭與君  
且更立斯須覲容輝乃知好景光相失在平時奄忽發  
長歎愁心亂如絲絲亂猶能理愁心不可治惟願雙鯉  
魚慰我長相思

辛丑春正月五日陶奉長趙念昔江文山費滋衡

羅氏竹林集飲東軒

皇帝六十春元旦日過五百歲曾幾何鬱鬱徒自苦隔  
籬噪乾雀似欲呼儔侶况逢堯舜君大地湛恩普欣然  
啟雙扉積雪圍周堵簷冰擗巨牙破壁梅花補屈指數

國朝詩的 卷之十四 江南

八

君外區區安足數費子老詞壇獨操大匠斧每常過我  
廬春風破思魯趙公森白髮苦遭時俗侮會心真罕儔  
往往瀉肺腑陶因趙得親相去不數武王侯老賓客肝  
膽向誰吐爲念竹西路重蹋揚州土羅家大小阮堪稱  
翰墨府江老骨格清頗具鬚眉古羊求忘形迹三徑開  
蔣詡不速而自來盍簪日停午此際天氣融松皮溜殘  
雨茶鐺雜酒鐺琴書滿東序衝泥勞遠赴羶葷之烹煮  
聊憑文字飲園蔬佐鹿麋射場窮曼倩布陣虐項羽妙  
辯眼有筋高談舌作鼓慎勿疎儀狄惡旨效夏禹慎勿  
揖五鬼送窮若韓愈俯仰天地間萬物同逆旅經營驢

轉磨跼躑魚在釜一朝喪名節束手就網罟嵇阮真吾  
師曠達期爾汝某也愧不才銜杯誦明主聖朝無棄物  
江湖少漁父我若不飲酒置身在何許

紫騮馬

紫騮馬夜號哭瘦骨峻挺勢峭崿東西南北路不足主  
人勿復重鞭笞十年辛苦身無肉麒麟之子龍之孫安  
肯鹽車困輻輳雄嘶未免衆夫駭怒來竊恐羣鷲伏志  
圖千里向龍沙春花老去秋風颭我得此馬三歎息皮  
骨雖存無氣力急呼兒曹勤艾養金鞍玉勒加裝飾此  
馬追風世罕見騎出長安衆驚羨黃睛綠耳紫霞身踴

國朝詩的 卷之一四 江南

九

破桃花春不辨但覺風聲吼兩耳四蹄插翼奔一線頃  
刻王侯盡知名以妾來換何紛紛高價千金全不顧平  
生願贈英雄人昨日燕南逢壯士揖他乘馬我徒行

古釵歎

古釵憔悴無月日古儀宛轉嗟誰惜雕文鏤鳳股半折  
美人羅袖空拂拭鄰家老婦入暮來白髮衰顏堪太息  
自云前朝舊宮女先皇曾賜宮中物覩此不覺意愴悽  
徧訴旁人哭不出世情厭舊還尚新更勿改製傷妾心

暮春過草園

門隱垂楊岸樓開四面天亂帆烟雨外清磬水雲邊軟



草留吟屐春風出釣船小橋虛閣下珍重俯流泉  
入洞疑無路潛通復有林深藏雲十畝遮斷竹千尋欲  
出先愁悞探幽喜不禁回看行過處多半似山陰

畢耘綠招飲北園

岸斷危橋接園依密樹林柴門花影重茅屋燕泥深竹  
韻隨風落蟬聲隔水吟獨憐幽極處長鎖亦何心  
返照林巒變村村在晚霞圍沙低著雁野水亂鳴蛙坐  
覺秋陰好行看暮景斜却愁無限酒醉殺一庭花

吾廬

吾廬淮水上狼籍憶卑棲落響驚飄瓦尋聲拾墮泥春  
風吹戶滿秋雨壓簷低不寐防傾側時聞烏夜啼

國朝詩約 卷之一四 江南

一

秋夜有懷

秋風吹夢到江南夢見江南雨後山紅葉隔溪無路入  
野雲平水與鷗閒陶潛酒熟應初醉杜甫詩成莫浪刪  
遙憶故人棲隱處幾時容我扣柴關

哭楊丈賓

痛哭山陰老布衣白雲秋晚寸心違生前草檄傳南北  
死後蘭亭辨是非翦紙招魂無夢至憑風吹淚渡江飛  
柴門古屋荒涼甚信有何人賦採薇

採蓮曲

雙槳輕搖水面香同舟姊妹語商量綠荷如蓋休頻採  
留與鴛鴦避晚涼

歸舟

丹楓黃葉路漫漫十幅輕帆幾折灘秋水泊船霜滿地  
平沙月落雁聲寒

史申義 燕飲江都人

秋山

黃葉未盡脫秋山蒼翠多懸梯亂雲錦掛壁裊烟蘿人  
影提壺上巖流勒馬過有時石徑斷隱隱聽樵歌

自題春泉洗藥圖

國朝詩約 卷之十四 江南

七

一道清泉水底橫筠簾湔滌藥苗馨三桮蓂葉和烟潤  
五色芝泥帶水靈劇得金鋤歷雲壑瀝來玉盃驗丹經  
朱兒十二行難覓枸杞根邊見大形

千花旖旎釀香泉百藥繽紛出玉田自有精華傾液瀝  
別無塵土溷烹煎誰憐寂寂人長病錯料珊珊骨是仙  
正值東風好時節泥人情味藥爐邊

吳弘雋 書永江都人

暮雨過鹿門山舟中遙拜孟浩然墓

一江濃霧起寒色滿秋林欲拜浩然墓亂山何處尋空  
傳雲夢句誰識鹿門心余亦狂歌者棲棲古漢陰

采石舟中除夕

江路迢迢遠舟行故故遲雪晴冬盡夜帆落鳥歸時火  
亂溫嶠浦雲封李白祠羈愁搔短髮酒罷不成詩

重陽前五日漢川道中

微霜乍赤水遡楓籬菊花開故國同漢水船行秋色裏  
山城人語雁聲中帆開乍霽連宵雨帽落先吹九日風  
幾度臨流還自問年來何事走西東

襄陽懷古

峴山秋望草萋萋落日荒涼古大堤三顧何人揮羽扇  
六朝舊曲唱銅鞮籬邊色老霜前菊城角紅生雨後霓

國朝詩的 卷之一 四 江南

家在江南數千里塞鴻歸處海雲低

樊城晤程三羽朝

樽酒天涯得暫同扁舟又趁鯉魚風孤城近水堤沙白  
遠屋迎霜野柿紅一月未傳鄉國信九秋真在畫圖中  
相逢况有能詩客踪跡何妨類轉蓬

南巖

傑閣看山夜不扃月明山色入疎櫺千尋挂壁瀑泉白  
一徑到門杉樹青前代小亭仍碧瓦何年仙客守黃庭  
短衣欲荷長鑣去獨向幽巖刷茯苓

登悟真菴曲閣

明周藩建修  
名用府菴

新晴石路曉生寒杖策村橋渡淺灘霜落已無秋樹綠

日斜遙映古牆丹蔭門龍化松千尺繞閣雲生竹萬竿  
欲戴黃冠棲此地步虛聲裏一凭欄

同潘燕丘張苦竹雨中靈山寺看杏花作 寺即岳武穆故宅

古殿無人啼暮鴉青山猶繞鄂王家低回六百年前事  
細雨空庭落杏花

田登 梅岑揚州人

薊門送吳秋屏南還

落日渾河上寒鴻著地飛可堪懷古處常此送人歸竹

國朝詩的 卷之十四 江南

葉山村熟梅花江路肥杜陵遺老在 些山 一為歎荆扉

燕子磯

謫仙題醉石 青蓮謫吞江醉石四 燕子字何因白日此

高坐青山不厭人風波無際處鷗鷺有閒身歲歲亭邊

草猶含六代春

陳枋 大山宜興人

幽窓

獨向幽窓坐淒然慘不歡郎情同魯酒妾意近吳酸棄  
置從來易娉婷再得難斷無人影處自惜舞衣寬

馬上見

誰編金埒錢一騎出飛仙手澤青絲鞵神光白玉鞭馬嘶驕顧影草偃軟成眠綉段何曾惜無緣作錦韉

席上有贈

藏鈞隔座費疑猜奇中卷然一笑開半頰春光乘醉入兩眉心事帶頻來臨池散影貪看藕倚樹沉吟慢索梅眇眇愁予歸路杳月明多處是瑤臺

倚醉

春惱情懷百事憎詎開杯杓未能勝絕無言處偷窺柱若有思時強背燈飲態水衾紅浪蹙頹鬟山枕綠雲騰總然倚醉將人難任撫香肌不肯磨

國朝詩的 卷之十四 江南

一四

寒食日重遊李氏林亭有懷

依舊亭臺依舊天晴沙細軟艸芊綿迷香徑暖曾遺扇惜樹堂陰正簾錢坐對春殘百五日別來情盡十三年循廊叉手閒追憶無限夕陽心惘然

擁鼻

擁鼻酸心任婦愁年年空望大刀頭秋風關塞初聞笛夕照江城獨倚樓千古多情成別恨半生易老爲離憂春來夢遶屏山路欲乞胡僧竹葉舟

半睡

寶帳陳延月金爐炷辟寒慵來粧更好半睡最宜看

哭花

勝春淺夏日遲遲一片春花已背時可惜香魂容易散漫將脂粉向人施

吳貫勉 秋屏江寧人

杜茶村先生蓆亭新成索題一詩

小築寄牆東人疑卧釣篷相將居廡下又似在蘆中隔狹堪藏酒簷低不受風何時支廣厦借庇少陵翁

漁船鶴

愛此秋澄練迎濤浴雪翎乍辭孤嶼白獨立一江青撒網何曾避鳴榔且細聽晚來依港泊顧影弔沙汀

國朝詩的 卷之十四 江南

十五

廣陵北園同蔡綺桐諸子納涼分韻

爲借園池好荷風襲早涼幾家楊柳苑一帶鷺鷥鄉選石坐苔軟披雲惜樹香碧筩休盡醉留興買秋光

蘭臯水亭餞孔東塘先生歸石門

去此千餘里林丘引興豪頗矜垂老健不惜著書勞泉帶春雲出山爭夏木高採風還有約同聽廣陵濤

月夜寫懷

兩間蘿屋與山隣門掩黃昏自主賓幸得清閒堪耐老絕無方法可醫貧照來明月何曾夜開過梅花不是春七尺匡床難睡穩未知幽夢屬誰人

過江掃姚後陶先生墓吳門李客山賦詩志慨依

韻和之

江國微茫兩岬分遠携絮酒醉孤雲中郎依舊嗟無子  
二子皆早歿處士於今幸有墳月下吟成誰與和松根夢冷

自爲羣魂遊好記西堂路同覓仙花掃落紛曹荔軒公白稱西堂行者

朱園老梅

鐵幹蒼皮任屈伸芬芳一朶一花神到來莫作尋常看  
此是嘉隆老逸民

虎踞關

國朝詩的 卷之十四 江南

二六

路轉平岡又一村人家結屋就山根短籬遙接滄江水  
水落雲橫秋在門

江 祥 文山石林歙縣人

形贈影和陶

萬物自芻狗歲月節其時有成顧有敗千古無復之勿  
謂人爲靈艸木同秉茲劫火亦虛云既萎誰來歸翫服  
平生好徒滋親識思豈不念騰化才拙還涕洟唯伊可  
超陵願伊莫自疑勉旃百尺竿塵上吾奚辭

影答形

大鈞賦流形爾我秉誠拙共茲日月光動息匪隔絕爾

舞我凌亂爾止我靜悅陰憇或有時終非久離別念子  
不遐棄贈言期不滅雖非木石儔感激激衷常熱子既不  
自持我寧保無竭兩儀尚缺蝕子意誠亦劣

神釋

太極既已晰玄化隨所著靈涵蠢動問誰能測其故人  
與天地參惟予相依附君縱不予識予能默無語洪鈞  
轉一氣結託幸同處自古皆有死誰能常久住嘉虞聖哲  
稱策紂下愚數愚哲咸歸盡亦君耳所具正宜息世  
機毋繁毀與譽順以承其命匪來亦匪去遂爾聲臭外  
于何有喜懼生既不足戀死亦安足慮

國朝詩的 卷之十四 江南

二七

侍吳西潭夫子金山訪蔣開三書屋卽事

拳石中流峙何年落太虛山光遙接楚江勢直吞徐殿  
閣參差上帆檣遠近疎風波行勿恤爲訪子雲居  
留帶碑前路招携到上方翠華經幸地輦道剩餘香浪  
蘊翻高榭雲橫度曲廊不知人世外猶是有塵揚  
石磴盤迴上龍宮又佛宮籙穿苔徑綠鳥啄棟花紅屋  
小依巖穩書多看棟充謾勞徵墨妙身已畫圖中

誰庄觀藝雅集

笋輿東去路麥浪綠洄潒犬吠劉伶宅沙吞韓信城高  
低村樹蘼歷落爨烟輕笑指橋過處虛亭照眼明

名園徵雅集受客飭行厨盞渴葡萄列筵分芍藥踈聚  
星羅十郡擬賦軼三都偏反花真醉薰風笑倩扶  
彩雲驚可掬金帶恰成圍似爲高賢發而叅野老非蘭  
亭猶昨日河朔擷前徽宴賞當茲好看君着意微  
繞園還三匝雕鏤識化工清芬侵肺腑白髮戀花叢蝶  
隱落霞外人歸夕照中不須愁徑黑自有夜珠紅

燕子磯作

危磯崒嶽大江邊風雨飄搖直逼天啄去皇孫猶昨日  
飛來燕子果何年松聲近帶濤聲起帆影遙隨雁影懸  
獨立虛亭一長嘯孝陵回首隔蒼烟

園朝詩的 卷之十四 江南

文信國祠題壁

袞冕塵翳此一時顏垣禾黍望離離丙丁甲乙尋哀詠  
雞犬牛羊踐斷碑皎日尚懸揚子驛怒濤不擁海門旗  
陵焚九廟嗟南宋何地堪爲信國祠

得陳二昌言都門札子寄懷四首

把酒別伊頭苦白封書寄我眼猶青雲埋韓柳文壇幟  
秋老曹劉詩霸星操彼鸞刀堪作宰坐誰皐比滯談經  
年來皂帽云如昔僻地無人識管寧

丘陵變海海看平終古難消慷慨清江樹烟寒孤月迴  
塞垣秋勁一雕輕春來短髮誰更綠老去新詩倍較精

才唯嘯咏那堪縷縷話浮生

綺約芙蓉秋可憐紅浮朝日綠浮天色分帝子機中彩  
香散湘靈瑟上絃採藥只宜招隱客爲舟應見載飛仙  
苦心釀就遭時棄一度懷君一惘然

丙夜篝燈點楚辭論文如子實吾師三年躍鐵歸陶冶  
一夕神鯉起墨池遂使有情花鳥變可堪無定歲時移  
誰憐探得驪珠後獨向邗江哭路岐

酬楊觀白城南過訪

枝棲僻巷枕城隅秋老柴門樹幾株當膝那能穿木榻  
編籬待愛插茱萸學來終遜波千頃老去唯須酒一壺

園朝詩的 卷之十四 江南

慚愧草玄人意厚支筇不惜過狂夫

金陵道中

山色上驢背江聲入耳寒孝陵烟樹裏也作六朝看  
春閨

花開任好風花落隨流水長歎有誰知梁間雙燕子

擾龍松

龍性最難馴誰敢擾之者蜿蜒挾雲根風雷自天下

金陵寒食

春和花蕩草涵香酒煮葡萄歌一行最是東南好時節  
六陵啼鳥送斜陽

咏史

詭語無王怒激秦問他骨肉取容身不緣車馬欺須賈  
范叔纔知是小人

遊仙詩

華胥宴罷醉如泥玉簡龍盤賜小詩五濁問伊何所獻

金瓶插得牡丹枝

周儀宜一確齋江寧人

誨齒

大患爲有身老氏訓夙佩果爾比年來齒髮極變態髮  
白姑置之齒痛頗大碍煎炮未暫停牽掣不稍貸冷物

國朝詩的卷之十四 江甫

三

詎敢投熱湯亦難慨當食每歎多臨書讀輒廢九叩呼  
羅千爾其聽我誨與汝周旋久茹茶甘一輩殷勤依輔  
頰齟齬勞悲慨憶昔少年日覽鑑聚珠琲唾手冀榮名  
耻入膏粱隊六經危坐誦三都叉手背議論每生風談  
辨掃荒穢伊唔童僕笑呼嘆隣里諄中年事浪遊車轍  
歷燕代梨栗性所耽餽餽習漸耐餐珍填巨壑噉嚼誇  
長喙勞汝五十年辛苦已百倍貧仍覓黎莧功未酬鼎  
鬲宜汝欲絕交得吾思告退搃戈齟齬間肆毒口角內  
有時賈餘勇如欲不共戴驅除鮮醫良祈禱思巫祓厥  
勢如更張拔取誓割愛不見昔張儀開口舌尚在

題十二研齋新竹贈覺堂主人

春榮已謝夏葉秀細碧縹青閒蔭畫驚雷一夜迸狂鞭  
觸目琅玕亦何富縱橫不讓渭川奇蕭颯何須嶢谷茂  
蒼雲覆地到軒楹綠瀟瀟垂天染衫袖素心不學桃李夭  
雅操原同松栢後虛中抑抑柳惠和勁節稜稜伯夷瘦  
文同妙墨堪寫真杜牧羸才勝遭垢干霄喜見鳳梳翎  
入曉偏宜禽弄味雨階漱澗湘淚班風砌于喁莊籟秦  
一枝一葉脩鉤鐫書幌書廊雜篆籀盛夏炎蒸氣盡消  
素月玲瓏光已透清芬可對讀有騷秀色何嫌食無肉  
覺堂先生真覺者撥棄浮名輕組綬澄懷涵靜若止水

國朝詩的卷之十四 江甫

三

詩格高寒敵遠岫築同蔣謝待幽尋戶等崔鑣寧易叩  
有桐百尺引清風有研十二應列宿裁雲鏤月挺高標  
卻與此君有同臭我來觸熱過高齋一洗雙眸塵土翳  
定知坐嘯療調饑深幸流連醫俗疾先生不厭問字人  
綠蟻新秋好相就

媛閣四首 選二

七尺非難辦三冬自足存聊同垂入蟄不是崔乘軒階  
靜風枝墮庭虛闌雀喧巡簷時索句蹋破碧苔痕  
隱几非同昔藏身智源愚幸無來鬼矚儘可學僧趺枕  
上黑甜味簷前白醉軀不須悲短景靜裡有工夫

春草

門前春草色瑟瑟復淒淒羅襪纖塵少裙腰一道齊未  
成螢苑火難覓燕巢泥桃李尋芳後依然滿故蹊

苔錢

積雨重門掩蒼蒼一徑鋪上階成貝錦遶砌認青蛭  
賈愁千斛難沽酒一壺詩成還自笑造物戲貪夫

羊羔酒

何來美醞雪霜天瓶乳佳名紫塞傳得失未分臧與穀  
濁清須辨聖而賢淺斟但乏銷金帳蹴踏還愁破菜田  
應笑當年蕪屬國節旄落盡止吞瓊

國朝詩的 卷之一 四 江南

三

虞美人花

小園離披散彩雲臨風起舞倍繽紛騷人未忍同蘭佩  
秦女微嗔之麝薰紈扇拍殘蝴蝶翅剪刀碎盡石榴裙  
傾城粉黛英雄血空使多情戀夕暉

題顛道人醉眠圖

酩酊真堪萬事無拚將七尺付泥塗莫教誤飽烏鳶腹  
留與陶家作酒壺

讌集詠冬第二絕

春雷已過夏簷成寂寞山厨玉版羹忽見筠籃風雪裡  
蟄龍頭角喜崢嶸

清齋欲學太常難肉食堪嗤亦未安早韭晚菘相間闕  
此君承乏入盤餐

祁州無酒而火酒苦烈滄亭以藥製之遂芳香可

飲走筆戲成解嘲

火酒炎炎頓減威先生製法得精微誰知繞柱荆卿七  
却被無且爲解圍

朔吹嚴霜共作威短檠焰冷地爐微若非藥玉觥常滿  
難免休文帶減圍

題劍南集後

南渡規模氣漸殘天教此老倍辛酸中原廟社無人問

國朝詩的 卷之一 四 江南

三

收拾江山入筆端

壯志輪囷迥不羣徒將詩句策奇勛少陵家法森然在  
一飯何曾敢忘君

題春江烟柳圖爲胡玉昆賦

嫩黃楊柳弄新鵝烟際孤帆漾碧波惆悵江南未歸客  
白頭吟望奈愁何

江東門外呼魚處皇祿河邊待渡時却被胡三閒筆墨  
尋思往事鬢全絲

胡 大 永大江寧人

答徐祖蒼展日過山中看花韻

莫謂居無定懷開卽我家橋危驚墜石徑轉擬栽杉把  
鋤疏泉脉編籬護茗芽山中忙不歇展日與看花

題畫

幽居端少客相過睡起無聊喚奈何怪底夜來風雨橫  
籬邊吹落野禽巢

歸牛首

大如天事醉來休贏得頭名到處留打鼓看殘燈市月  
又和風雪上牛頭

嚴元

克宏蕪州人

秋尋

國朝詩的

卷之十四

江南

五

野水蓼花紅幽尋路不窮衡移誰氏臘鐘卧漢家銅一  
帶牛羊路全無草木風雲深知序改秋早已山童

失題

睡餘憑案起情思入荒唐楚調烏皮几秋閨白面郎一  
番寒雁信兩度木犀香傍晚愈無賴何人喚酒狂  
兼旬非不飲此飲興何濃洗石閒中癖烹花世外供疎  
籬分酒氣澹竹隱人踪醉裏誰相見平生阮仲容

秦淮

楊柳梢頭減綠烟鍾山落在畫樓前滿牕水氣侵殘篆  
兩岸花聲逐斷絃蕩子情多耽夜飲紅兒年小不朝眠

銀瓶促得松風起滴醋吳羹啟晚筵

越王臺

綠水芙蓉十丈生荒臺啼斷鷓鴣聲半龕佛火存祠廟  
一卷春秋紀戰爭談到西施眞護短賞窮南國不勝情  
延津有劍猶能合解事夫差鑄冶城

送春

共道飛花盡寒齋也送春開時吾負汝落處汝傷人

失題

鳴絃促坐共催花傳到王昌盡笑譁不是有心偏醉汝  
年年此日未還家

國朝詩的

卷之一四

江南

三

王鵬

扶九江寧人

雞鳴寺

鈴鐸風中藏古寺斷碑新塚草蕭蕭盛時文物埋荒徑  
亂後兵戈剝野樵滿目山川渾異昔極天烽火未全銷  
秋風禾黍堪惆悵豈獨傷心話六朝

燈下

石牀燈火對寒空一點青熒午夜風花爆故應來遠信  
漏殘剛覺有歸鴻詩探好句頭應白酒入愁懷淚亦紅  
撥盡寒爐眠不得寺鐘杳杳隔溪東

穀日飲克宏宅



東風引客到山居謀婦床頭酒未虛下食共憐兒子異  
銷魂猶訝壁間書窮年羸羸真難得舊事春燈不可無  
更約尋梅蕭寺去題詩還上灞橋驢

汪若上若蘿村天都人

### 楚遊雜詠

華燈壁月耿如年抵死揚州醉復眠卓氏羣豪嗤綠綺  
王家故物刺青氈販茶去鬻千峰雨負米歸求二頃田  
設道揶揄終有鬼此生合辦買山錢

墮甌無煩轉顧頻獨傷歲月漸沉淪敢希白雪耐佳士  
擬買黃金鑄故人蟲爲食花忘夢苦蠶須成繭賴椒辛

國朝詩的卷之一四 江南

三

吾儕正是漂蓬日谷口何緣學子真

乾坤無復計飄零冷驛荒郵跡屢經花落鵲啼山霧惡

雨餘龍鬬海風腥梨漿茗汁堪消渴牧笛漁歌莫厭聽

今日過江王謝盡也應有淚憶新亭

粉羅幃日寶欄扶笑領春風逸致殊黛色自矜劉氏玉

衣香曾襲石家珠朝酣蕉葉侵霞頰午倦狸文藉雪膚

從此洛陽名獨貴寫將媚嫵入花圖

客有自梁來傳綠牡丹者戲賦一首

客舍僧寮似息機菰蒲東望掩荆扉半江日曬魚花出

兩岸風柔麥雉飛午磬乍聞來縹緲丁年何惜誤芳菲

欲酬遠志猶嫌晚肯守綸竿坐釣磯

吾家阮籍真詩史閱亂憂讒獨唱酬橘柚香中天欲暮

鷓鴣聲裡草先秋行悲禾黍侵華表醉反離騷誤白頭

我亦勉成哀郢句不堪搔首復登樓

讀秋浦長沙秋懷詩賦贈

我愛晚來江上村荻簷星散呼雞豚小婦截竿打麴麥

老漁收網眠楓根詎知風波在朝市但飽藜藿多子孫

鼓腹擊壤世不遠恍然對此忘朝昏

遙望湖光路欲窮蒼烟一點界西東自矜身在鴻濛上

誰信天居浩蕩中嘯起魚龍窺華燭夢回星斗隔孤篷

無端忽憶支機渚但許浮槎似可通

王爾綱紹李建德人

國朝詩的卷之十四 江南

三

蘭花重三日花間草堂社集分賦

蘭生深谷中不屑偕世俗一莖吐一花葉老花嫩綠白

萼點斑紅十里香清郁孟冬已胚胎冰雪貞自昂春初

漸次開九愛和煦煥更有建州蘭五月花簇簇更有沅

興澧紛佩矜秋曝未若上巳辰氣味九芬馥昔吾右將

車流觴曲水曲同游四十人蘭亭記一幅只今會同心

再踵右丞躅綺石位黃磁盛事皆吾族

王純仁夢范貴池人

懷陶里山茶花爲曹智珠賦同家司直分韻

花中都勝已爲奇都勝山茶見更希何意吾池懷陶里

懷陶先生手植之于今六百有餘歲歲年年花滿枝  
仁也寄跡蘭溪上花開未到白筍陂白筍曹子風流甚  
爲花寫照倡新詩吾家輞川遙艷美艷美樹古花芳菲  
清風繼起陶靖節花與前人不泯滅

鄭祖第 懷西建德人

賦得菊花須插滿頭歸

搖落多時色盡頽重陽猶喜菊方開當年杜牧行隨興  
千古陶潛歸去來塵世雖更傳令節野人休負對花杯  
任教老髻如霜白頭戴黃花醉且回

張天球 曉夫懷寧人

國朝詩的 卷之十四 江南

三

瓦松六首

不同羣卉藉栽培一種機從造物來高潔可知迎碧漢  
卑污多應笑蒼苔天中雨露偏先浥秋晚風霜未遽頽  
老屋托根雖覺淺寸長猶過棟梁材

瑤臺一任長仙葩獨向窮簷閱歲華何必虬龍誇古榦  
自依銅雀吐微花等閒不合時人眼冷淡惟宜故舊家  
可怪緣牆多野蔓侵凌憑勢輒相加

不到年深不易生超然擇處更分明據高故向人頭出  
就濕羞從土面爭依附轉憐桑寄草飄搖寧說水浮萍  
寒風烈日都消受那競繁華且暮榮

鳳尾魚鱗小作叢望中亦自影蔥蔥花飛不逐東流水  
幹弱偏禁午夜風縱賴瓦全由本立肯資厦庇與人同  
大夫品號尋常事耻受秦封謬任功

草本偏同木本稱微材自具勢層層鴛鴦瓦散何須弔  
燕子樓空莫慢憎吹盡西風無敗葉照殘明月剩觚稜  
泥塗絕不輕粘墮霧籠烟含冷翠凝

宮觀簷頭自密疎幾曾當路動人鋤靈根詎入蒿萊伴  
細葉疑分萸英餘燕雀低飛容礙翅簾櫳高捲不侵書  
立身無地終無恙消長由來任太虛

吳映芝 六文建德人

國朝詩的 卷之十四 江南

元

雞冠花

五德文居一三加勢出羣烟迷楹日夕風過舞甍分雌  
伏知何限天登感獨慙窗前無語處似木不虛聞

鄭時昞 日永惕齋建德人

贈別徐又聲表弟

梅日晴難必衝泥送客歸榴花紅映酒柳線綠牽衣漫  
道聲同應偏愁面會稀不嫌家淡泊頻過莫相違

送送難分袂何緣舊好敦昔年秦共越此日弟和昆君  
卽無留意子仍有贈言淑身宜法古薄世不須論聲以

事來  
縣城

杜詒紫綸無錫人

九龍山人故居

九龍山人王舍人孟端自號也嘗築居山下邵文莊尙德書院卽其故址事載容春後集乃歲久湮没人無問故居處者梁汾先生命賦以補邑乘之闕

朝游九龍山山翠向人落綠厓歷蒼莽烟雲起芒屨緬懷山中人高風不復作簪筆中書堂十載文淵閣晉代恣往還江淮間飄泊何事賦歸隱不出青山郭泚筆作山水解衣獨盤礴更入竹三昧得之山居樂文莊云山國朝詩句卷之一四江南人畫竹妙

今古謂得之此中山居久埋滅無從得搜索偶讀容春集撫卷成驚愕二泉舊精舍山人始開鑿豈知百年後規模總非昨廢池衰草積破屋枯藤縛古竹兩三竿亂響風吹簾俯仰何茫茫殘陽沒山脚

同華蔡儀清和菴題壁兼畱別挾星上人

石洋舊荒村中藏數椽屋窈窕曲徑深翛然萬竿竹拙梢過牆頭清風散林麓闌檻滿吹香枕簟亦凝綠我來三閱月身如處巖谷繙書偕舊侶納涼共新浴移坐當中庭露氣逼寒玉卷簾秋正佳堂名卷錄塵事苦相促不斷過去心重來訪秋菊

隋隄曲

隋隄一帶官河口不種桑麻種楊柳錦帆帝子數巡遊厭住東京樂奔走將兵西域再征遼呼韓稽顙諸番朝江都宮監伺顏色翡翠玻璃恣雕飾水晶殿揭珠簾開香風吹送飛仙來凭肩笑語能幾迴夢游恍惚吳公臺吳公臺下雷塘路野土茫茫亂烟樹傷心爲弔玉鈎斜柳色昏黃不知處

曉過居庸關

北平襟喉首居庸削峩峩嶺蟠千重山石犖确一綫通兩崖對插軍都雄關舊名軍都稜稜鐵障分鎧鎗地界南北國朝詩句卷之十四江南

茲權中擁衛神京壯門戶控扼海宇捫蒼穹儒生酸寒氣抑塞到此豁達開心胸勒馬須臾一以眺邊城一帶青濛濛兜鈴無聲堠火熄羊腸道與康莊同秋風獵獵過六龍朝光閃爍旌旗紅

雨後望新綠和惠濟蒼

一帶氍毹綠山痕間雨痕有人來麥隴無處辨花村林氣含烟濕溪流背日昏好風吹不定細草亂柴門初至都見圖舍人培風暨令弟以仁感賦卒卒已云至棲棲何所依憐君好兄弟使我如來歸小雨浮金酸疎簾卸葛衣數椽修竹裏不改舊園扉

過泰山

重重危磴石嶙峋策馬行遲蹋細塵側帽山光看欲落  
盤胸雲氣辨難真三春社鼓燒香日一路風燈納稅人  
七十二君封禪後文明天子又東巡

草荔支

顆擘輕紅葉翦藍分明荔子簇筠籃嘉名直是來天上  
妙品曾非出嶺南產口外上丹液乍嘗疑漬蜜絳羅  
高捲訝傳柑幸同盧橘霑新澤百草休誇嫩綠毯

苦雨再懷贊皇并示諸同社

幾人吳下擅詩名蠟屐相尋擬入城敲枕更聞簷溜急  
國朝詩的卷之十四江南

繫舟疑見海潮生欲聯舊社逢秋好待趁新涼共月明  
紅粉香羅時已近清歌還按玉簫聲

重陽日華豫原招集山中分韻得僧字

笑指青山嫩一登無多山路石嶙峋泉香著處能畱客  
世味于今欲語僧草徑漫尋霜後菊松寮閒剝雨餘菱  
殷勤細把茱萸看此會休教讓少陵

顧俠君同年舟中夜話兼讀新詩卽次其南歸四

首原韻 選二

孤桐獨撫意何居清絕微聲是麝餘宣室漫誇曾應召  
名山猶欠未藏書風傳浙瀝遲歸櫂月黑微茫夢直廬

知否吾儕應退避滿朝文筆盡相如

爲望君歸意不窮敢將餘勇互稱雄年來力欲追長慶  
老去詩多擬放翁數載交游思輦下幾人酬倡到吳中  
後先七子紛壇坫心折虞山論至公

次泰和韻送同年于元士入都因簡劉喻旃楊若

游諸同館二首 選一

春明分手兩經春吳舫忻同夜語親敲枕却憐聽雨細  
入山還喜試泉新飽嘗世味初歸客寒到征衣又別人  
爲語玉皇香案吏秋風且莫憶鱸蓴

西泠雜詩 選一

國朝詩的卷之十四江南

冷泉亭上試新茶信宿還來衲子家中有小樓三面竹  
卷簾紅葉半山花

西山紀遊十絕句 選一

昨歲中秋後一日圖舍人培風邀余及楊生魯  
公往西山竟日旋返未盡所遊也今九月九日  
與王子雲岡作西山遊自阜成登車薄暮次西  
苑宿培風家園明日循苑北行次玉泉山徘徊  
靜明園外久之是時方修治宮牆缺處得望亭  
池樓榭殆非圖繪所及一守者令人前導至清  
虛洞上望湖亭更得一縱目焉折而南行次臥

佛寺老僧爲余畱行笈遂徐步天山至退谷有  
孫少宰北海所構退翁亭引泉作流觴曲水中  
爲烟霞窟舊隆教寺也法界莊嚴庭中花果繁  
亞皆御苑中物其旁五華寺上有栖雲閣踞山  
巔挾飛泉作勢爲一巨觀已而從礪谷中漱泉  
盥手迤邐而上飯於卧佛晚乘月復憩退翁亭  
夜分始就寢又越日早次碧雲寺寺後有魏忠  
賢墓近御史張公瑗奏劾仆碑平之而墓旁尚  
有內瑞六祠豐碑屹立雲岡語余曰盍并剷除  
之以祀楊左六君子乎未幾天垂陰至香山坐

園朝詩的

卷之十四

江南

香

來青軒四顧烟嵐鬱鬱作微雨雨止復行次永  
感寺宿寺亦明太監宋縉所建時有玉泉山內  
官孟退老於此談前朝宮掖掌故及西山興廢  
大槩頗了了十二日亭午次聖感寺惜山行委  
頓不能歷寶珠諸勝遂下山登車入阜成門返  
太倉先生邸第登擁青閣回望西山與雲岡歷  
數所游處在隱約有無之間因各口占得十絕  
句示培風曾公屬和焉

選一

幾曾探得寶珠還踏破芒屨好是閒再上擁青高閣望  
亂雲遮斷夕陽山

馬上口占四絕句

歲歲迎 變近小春霜華時  
泚露華新只今風景元如  
昨無復青衫下第人

身從帳殿逐鳴珂  
淺草沙洲早渡河  
爲聽靜鞭行不得  
綵旂搖曳去無多

中懸左纛肅圍場  
獵騎分來簇兩旁  
歛段書生應自笑  
著鞭時近羽林郎

遲遲歸去路非遙  
立馬多時看射鵰  
獵罷還來南海子  
大紅橋過小紅橋

屈景賢 思齊江寧人

園朝詩的

卷之一四

江南

謹

何烈婦哀詞

何烈婦者皖江周嘉聘之妻也某年兵變何隨  
聘遁邗外道逢冠冠疑聘挾厚貲脇以兵何求  
身代冠不顧聘負重創何抵冠罵曰賊寧殺我  
遂遇害血流草上有聲冠乃釋聘而去仲子文  
典尋母骸從斷溝荒塹間得殘骨不具乃招覓  
塋于東冶塘左

卒然臨白刃巾幘亦堂堂  
一自瑤華碎千年碧草香  
金闕畱正氣青史著幽光  
愁聽啼鴉苦春風東冶塘

西梁山石庵二首

倚窗緣江壁僧居鑿翠微浪花生樹杪鐘響上朝暉虛  
牖容雲入高空見鳥飛一聲清嘯發身世已忘機

浩淼真無際臨江更起樓天光全在水夜氣不因秋霧  
歛帆出波涵日月流奇峯橫兩點遙拱帝王州

遊天井山西岩

聞道西岩勝幽深遠世囂半湖銀練合千嶂紫烟飄林  
遠忽逢寺溪迴還過橋松亭成小憩前路問山樵

同周旭林過邢南村山居

門掩虬松十畝陰松間丘壑愜幽尋遠攜雲外青藤杖  
來和山中白雪吟秋淨長空飛早雁夜深涼月挂孤岑

國朝詩的 卷之十四 江南

姜

憐君疎懶同嵇阮拂石還期話素心

徐岱 東魯江寧人

中秋前二日集鉢山

當空流素彩向野洗蒼烟有坐峯皆面無杯月不懸共  
歡今夕聚如對十分圓夜久天香落攜將滿袖旋

宿牛首

芙蓉雙列岫竟日未全登陡徑通懸木飛樓借老僧榻  
文雲是慢窗啓月如燈夜壑恣流覽空青不計層

歸燕

翩翩拂拂紫衣禽難緩斯時欲去程喚夢不聞聲百巧

剪愁莫辨尾雙輕茅簷索寞今秋伴華宇崢嶸隔歲情  
尤是微軀偏不及蒼波翠島任逃名

可亭上人山居

廿里迢迢不憚勞遊人到此與偏饒霜楓疊嶂隨窗列  
雪秋空江逐步邀萬影有秋添氣象一痕無地着塵囂  
知君隱遁耽佳句只恐寒山跡又昭

范萊 北山雪泉休寧人

西村晚眺

碧樹江天外閒雲村盡浮日斜山路遠烟起寺門幽鳥  
宿先知暮蟬鳴早作秋年光去何速惆悵付東流

國朝詩的 卷之十四 江南

姜

靈谷寺送春同吳舫翁朱字綠王安節作

花殘亂草礙人行流水韶華感此生入寺方知閒不易  
對僧自覺老無成應聲岩谷如幽侶觸目雲泉稱隱情  
一路青青何所在空山新得領啼鶯

除夕日偕同會諸子登雨花臺分韻

終年擾攘幾登臺此日清閒酒一杯滿飲未須傷歲改  
有愁盡是爲花開永寧沙石支寒水高座冰霜凍早梅  
自笑白頭關物節東風十日向誰來

訣別詩

烟霞情性水雲心六十寧知易至今筋骨數莖難約束

襟懷一點任招尋青松觀口風初起白月坡頭雪尚深  
欲向此中言出脫千秋應恨少知音

老來筆墨不蕭條相聚惟謀酒一瓢其奈舟車迷客去  
頓令壇坫笑花飄山當風細僧扉啓水不荷分漁艇搖  
此景亦知在人世素心切莫負良宵

曾旭 愛九桐城人

晚桃花次香山韻

棟花亭館柳花池一樹紅桃映水時不藉東風開更好  
獨延春色見方知清明雨過還誰妒百五寒消轉幸遲  
却笑鄰家憶蜂蝶紛紛來鬧最深枝

國朝詩句 卷之十四

潘雲龍 聖能休寧人

甲午秋八月既望畱別周侶樵懷臣震夫兄弟

相逢珠樹喜連三劇飲文房肆劇談驚馬亦思空冀北  
高山還欲奏江南交從淡處情偏切境歷艱時意共甘  
一派蓼紅蘋白景離懷惘惘又何堪

劉震 東郊長洲人

題秦谷上方流泉

一杖尋源入涓涓石磴重清涵黃葉寺流破白雲鐘月  
色夜逾靜嵐光秋更濃汎流何處去羨爾似飛龍

次韻答周少逸

巷北巷南頻執手言歡重溯昔離分塵沙撲面吾將老  
鉛槧隨身爾益勤朔吹幾宵林墜葉寒雲數疊雁呼羣  
魚山道上移時語何似燕山細論文

交情轉瞬十年來猶憶滄江共載回酒半同披高士傳  
愁中獨上越王臺中原兩度新詩夥邊塞三秋急景催  
相顧無成忽相笑耦耕無地敢云才

嚴天佑 橋田蕪州人

勞勞亭

自古分襟地雲沙一望平別多亭已沒折盡柳還生草  
帶離人色山迴去馬情行行春又暮愁絕子規聲

國朝詩句 卷之十四

雪

脈脈漫空舞飄飄隔幌通山全霽霽景花不借春風雲  
木清俱合江潭凍若空誰知高卧者埋照在牆東

農

全生資稼穡執耒竟終身耨水乘殘雨耕山趁早春鷄  
鳴先在野牛力苦同人所得征輸剩寒來依舊貧

江梅

一帶林泉盡素輝幽人放鶴自忘歸分明種玉同雍伯  
彷彿凌波遇宓妃烟火村中寒不見魚龍江上夜相依  
空香迴逐東風去縹緲應通燕子磯

俞 梅 師嚴太美泰州人

風雨江上作

江有英雄氣天威助壯哉船因高浪隔雨趁早潮來南岸山光沒東風海色開爲言弄魚客可有釣鰲才

古南池步浣花原韻

千里孤帆倦南池暫繫船欵門驚野老倚閣聽哀蟬荷葉綠盈沼槐花黃刺天斜陽昏百雉誰爲割雲韃

集古旗亭限韻

酒邊徒侶散如星舊雨蕭蕭共宿宜雲隔烟塵無限白

霜凋林木有餘青曲欄画壁猶題鳥小苑黃昏孰放螢

國朝詩的 卷十四 江有

早

莫唱春風楊柳外殘花都落古旗亭

新荷

田田布滿習家池猶及春風幾日吹出水早能鋪鏡面印雲爭欲剪珠絲青錢萬選誰曾數綠甲千層那勝披

好買月明銷九夏團團採摘箇人知

早雁

鐵騎西風早城頭画角哀長門燈暗處夜月一聲來

方 燿 秋潭江寧人

孤行

巖向蒲團坐來登最上峰倚雲閒拄杖枕石待敲鐘江

三月樓環六代松孤行無意緒衰髮任蓬鬆

張登道中

高柳孤村酒獨傾拳帷觸目倍關情野雲礙嶺峰難直亂水穿田路不平去國自甘丘貉老離塵便覺地天清今朝一似風中雁北去南來少送迎

秋日登永壽塔

平沙秋靜出郊關閒訪招提到下灣二面荒城雙水合九重高塔萬烟環披雲不信天難問揮手還矜日可攀自嘆衰年無道骨頻來終怯脚腰頑

江毓玘 監石栗齋丹從人

國朝詩的 卷十四 江有

早

題祝荔亭鹿車圖

何不白舫泛晴瀾何不驕馬嘶噴吭荆榛滿地風波陡花下小車乘最安有時尋詩丁卯宅瑤臺罷宴曉天碧有時招隱聽黃鸝俗韻都刪借鼓吹春城日日勾留處瓠瓠酒空便歸去

劉 巖 大山江浦人

林鹿原長林豐草吾廬圖

火雲蒸肉身流沁入君之廬清氣起金波巨然幾堵峰著在君家茅屋裏喬木攬天三四里沒腰青草深薺薺伐木老叟趨猿猱嚼草肥牛欺虎兕我欲置君巖窟底



頭戴笠子脚芒屨髻其顛兮黔其齒嚼其腹兮據石几  
肥遲誰爲有福人縱未必然聊自喜我有林麓秣陵西  
欲買鵝溪煩畫史

黃曰瑚 宗夏古歙人

### 望西山

出門青入眼吾最愛秋山宿鳥衝烟去寒雲曳雨還泉  
飛深谷裏花發亂松間爲羨茲中客悠然日閉關

### 離江春泛

春到天南景倍融偶乘小艇泛東風艸經瘴雨萋萋綠  
花衰蠻煙冉冉紅鷗鷺影棲流水裏鸚鵡聲滿夕陽中

國朝詩的 卷十四 江南

望

剡溪興盡應歸去底事勾留類轉蓬

吳兆賢 漢亭長洲人

### 仲春訪啟乘禪師示我八日訪友詩次韻紀事

別時初放菊今得拜春風繫艇雙枝柳看花一畝宮茶  
消司馬渴詩擬訂仙同頗願聯牀話帆催夕照中

### 有看梅之約久雨不得去

擬掬清泉洗兩眸看梅鄧尉續前遊年來嬾著登山屐  
興到還乘載月舟天意不憐冰雪操花覓寧避雨風仇  
總然待得晴光好未必香心爲我留

國朝詩的江南目錄

卷之十五

方中履 二首 梅 磊 二首 冷士媚 五首

徐昂發 二首 錢名世 五首 張大受 三首

管 掄 三首 吳廷禎 三首 吳士玉 二首

李必恒 三首 宋 衡 四首 劉正寶 二首

唐孫華 一首 羅興仁 二首 黃 又 二首

胡鳴鳳 二首 姚孔鈇 一首 沈世奕 一首

祝善久 七首 鄔繼思 一首 陳檀禧 二首

陳筮姜 一首 蘇全許 六首 林企忠 一首

國朝詩的 卷之十五 江南

蔣 璋 三首 徐時光 三首 江 佩 一首

夏慎樞 二首 張弘敏 一首 鄔維新 三首

劉上駟 一首 王孝詠 一首 盛 賡 二首

祝應端 九首 蔣廷錫 五首 繆 沅 三首

王圖炳 二首 郭元鈺 四首 葛 鶴 二首

梁嘉稷 三首 汪天與 五首 萬 石 五首

田文潤 二首 汪玉樞 三首 蔡柏秀 二首

史鳳輝 六首 成永健 四首 朱枝秀 三首

高玉桂 四首 黎雨稼 二首 黎 漆 一首

陸鐘輝 二首 王 焯 一首 熊敏慧 三首

姚孔鎮 二首 程 默 三首 程夢星 十首

汪士鏞 二首 吳 寅 三首 項 炎 一首

國朝詩的卷之十五

長沙陶 煊奉長選

同里張 璨豈石同輯

江南

方中履 素北安慶人

阻水不得至西峰寺

欲別曾遊處西峰屈指中雨將江盡漲人逐路皆窮野艇無從至山橋不自通應知門晝閉新筍老牆東

阻關

谷口時來往松風一徑淡前村山易曙將午寺猶陰樹

國朝詩的 卷之十五

江南

一

色收人眼溪聲喚客心偶然逢石坐無語獨披襟

不寐聽雨

旅館何時懷抱寬酒醒不寐析聲殘淮南豈謂音書斷

蒨北方知行路難四壁秋蟲孤客臥滿城夜雨一燈寒

卻憐暗度閨中月只道征人積累看

梅 磊 村司宣城人

飲龐道士房

竹院靜焚香庭陰苔草長春遊閒最適身事廢何妨餽

客煮山藥題詩待海棠一尊淹月上歸路晚蒼蒼

叩無可大師

一雨散煩暑清陰滿竹屏幽花依曉發獨鳥怪人飛學道了無悟浮生總覺非空林依慧遠禪悅自忘歸

冷士媚 又滬京江人

山居卽事

卧起晝無事閑來坐北軒悠然望歸鳥落日下秋原老病頻看易孤村獨閉門階前兩松樹朝夕對忘言

登橋李塔

由拳當澤國高覽出浮圖水驛通荒甸津城控海隅雲平大野潤樹入遠天無客望偏愁盡秋風淚眼枯

宿南山朴如僧樂閣

國朝詩的 卷之十五

江南

二

僧居傍巖樹石閣倚山開棟冷松雲入窗虛竹月來簷前長宿鳥階下總封苔地僻禪心淨相過卽忘回

游西溪

西溪江頭春水生二月三月連溪平野鳥春漲浴新綠山鳥盡谿吟暮晴林光正好花亂發佳客續來杯滿傾且須極目恣游詠何必力謀身後名

朱仙鎮岳忠武祠

千年老柏依然在寂寞蒼涼對古祠北去已無秦郡縣南來猶有漢旌旗道傍豕牧荒屯缺隴上人耕廢壘基咫尺河山衰草外西風寒照不勝悲

徐昂發 大臨長洲人

偶興

涼氣生高原  
簌簌響疎雨  
過林麓  
淨東風蕩飛絮  
遠水沒青天  
綠霧漲深樹  
斜陽入孤村  
小橋引微路  
偶來把釣竿  
獨坐澹孤慮  
簪斜染溪碧  
衣袖滴花乳  
野鳥不驚人  
銜魚自來去

過大慈寺

紫袿露微露  
斜穿石徑中  
窈迴花不盡  
峰斷澗遙通  
通茶甌家家火  
山鵬葉葉風  
陽山特多山鵬俗名石鵬花  
支公留舊隱  
路欵萌蓬

國朝詩

卷之十五

三

錢名世

亮功武進人

疊用昌黎韻東學人

扶牀小姑如我長  
屋壁每分宵  
燭光花車出嫁  
我被斥一門姻黨生  
炎涼小姑雖嫁不稱意  
羅幃繡被嗟空牀  
我爲汝歌歌主客  
將身許人本無策  
東西食宿倘自由  
直要烏頭變成白  
勸汝不如椎髻前  
操作井臼無安眠  
我因斥遣却驕恣  
拊搗裳衣折鈿翠  
請看滿眼如花人  
保無團扇秋風棄

題查悔餘蘆塘放鴨圖

鶴媒立寒阜  
雉媒立春曉  
借面友朋伏  
禍機白晝啾啾

毛骨悚昨日驅車走平地  
爲防江海風波易黃塵  
忽然飛滿天  
駟摧軸折須臾間  
道傍觀者皆歎息  
歎息去之如等閒  
進不能前退不可拔  
劍高歌黑雲隨淺水  
蘆花放鴨船  
滄洲一夢推蓬坐

楊青村移居六首 選三

圖書一榻養閒身  
仙有端倪佛有因  
讀易東臆參妙道  
曬衣南巷詔清貧  
筆頭漸退兼揮帚  
車脚權支當獲薪  
終覺麗情拋不得  
落花啼鳥撲香塵

湫隘紅塵選與區  
衡門兩版帶清渠  
開筵覓友蹲牀上  
勸學呼兒立座隅  
上口詎須三萬卷  
扶頭可要十千沽  
國朝詩 卷之十五 江南

酒箴玄草還須刻也  
得中分少作無

休擬山村與水村  
雪中鴻爪故無痕  
烏衣境僻諸王巷  
馬策風高萬石門  
花發遠樓三月霽  
夢回長枕五更溫  
安貞大有含章在  
地勢何妨自轉坤

張大受 日容嘉定人

蝙蝠

老屋百尺空百蟻  
據作舍墨黑怪蝙蝠  
倒挂首欲下白  
日潛影伏昏暮飛  
不眠偏處卧榻間  
瑣瑣引烟煙能飛  
鳥殊族栩栩異蝶  
化雕梁匪女巢與燕  
爭晝夜腹飢訴  
鳳皇鳳睡獸蟲詐  
卻向陰廊飛

鷺鷥 植物性互強

弱爲女引彈射乾坤廣生育充塞無孔罅蟻蝨生我牀  
花脚蚊鬧夏蒼蠅盡食蜈蚣蜚可怕此物最良善貼  
壁蟻子亞兒童誤黏取欲殺亟令赦仰天絕纖翳清光  
萬里鴻憐女無處所慙覆青羅帕

題徐大臨湖鄉小景三首 選二

鳥背嵐光過夕汀碎萍魚咬水花腥青山一面湖三面  
記是湖西乙未亭

數家籬棘帶斜暉七十翁攜長鏡歸牽引吳牛亭子下

刺人花脚野蛟飛

管 榆 青邨武進人

國朝詩勅 卷之十五 江南

五

溪上

溪上人家烟似沐柴門正傍清江曲溪樹從遮十畝陰  
泉聲直下千尋瀑老翁午卧聽鳴雞稚子暮歸驅宿鷺  
悠然野意無人知一縷炊烟燃楚竹前村又有醉漁來  
搖碎清江萬寒玉

黎嶠道中和田綸霞司寇壁間韻

悵望因微祿非緣山水奇嶺雲昏似夢瘴雨細如絲石  
厓脉脉吟楓青羅鬼祠搖鞭指前路一任馬行遲

舟行感事四首 選一

絕嶂橫空一鳥回江聲不斷暮雲哀黃州木落冷歸夢

赤壁秋清寒酒杯出水魚肥論網買入雲山遠帶晴開  
自傷踪跡遊僧似破衲飄然任往來

吳廷楨 山榆長洲人

金佛峽

誰開靈叢險才堪鳥道通雙崖幽礙日一徑迥含風石  
劍森相向丹梯杳若空平生無別淚那免泣途窮

寒烟

荒原莽無際千里斷烟橫獨鳥出還沒亂峰陰更晴微  
烘寒燒色遠映夕陽明幾縷村炊接蒼蒼古木平

曉行

國朝詩勅 卷之十五 江南

六

巾車晨動服驂駢石徑荒涼轍跡稀大麓風高譙鼓咽  
長庚晨爛成燈微深林客過鴉翻樹古屋人眠犬護扉  
憑軾孤吟欹席帽不知零露潤征衣

吳士玉 荆山吳縣人

合清亭賞芍藥用梅聖俞楊樂道留飲置芍藥韻

奉和宋中丞漫堂先生邵子湘馮山公同賦

使院饒名花奇種來東洛牡丹最超羣驂驪乃芍藥入  
夏留餘春窈窕殿羣萼明公步履來賓從攜蓮幕風迎  
香冉冉日照灼灼公言故園中此花如繡錯大者盈  
一尺瓊葵玉粲托其餘復善幻五色紛綽約高下滋百

畝本本垂瓔珞折來插作屏步障季倫若花時相經過  
朋好襟歌等侯生朝不羈人賈子徐士亦落拓徑造花

下醉灌漏填巨壑雪苑風流盛俛仰猶如昨公劇談梁

之樂盛友朋四座聽公語典酣添杯酌把火繞露叢妍姿倍

冉嫋憐此婪尾春感彼都官作公詩發高倡邵馮闕奇

博遠巡怯大敵坐令小巫卻一鼓偶試手轂音還自作

### 延熹華嶽廟碑歌

華碑漢隸推第一芒奪少昊金天晶東追嶧碑南响樓

光怪鼎立齊崢嶸嶸商丘先生雅好古得此善本識鑒精

紙新字完少缺畫僅缺十嗟余一見心魂驚此碑刻自

國朝詩卷之十五江南

弘農守袁孫接迹勞經營延熹八年斗建巳月廿

九日告厥成郭香察書紛聚訟古碑謂不署姓名或云

中郎亦罕據筆蹤驚絕要莫京虎螭攫拳鳳飄舉長翎

修甃摩鵬鯨規連珠樹矩洩玉方流圓折隨縱橫按以

隸法兼衆妙欲名一體誠難評祖廟上遡籀斯派苗裔

下傳潮陽水烹平石經尚晚出堪與追逐稱弟兄桓靈

敗德不足數摩挲墨妙聊娛情吾聞太華削成五千仞

河神手劈垠崖崩雲泉天磴闕金液乘龍戲博多仙靈

此碑歷千五百載呵護應煩敕六丁有明嘉靖遭培棄

可惜神物歸杳冥成毀相因固其理世事反覆誰能憑

不見嶧山之碑焚野火响樓迹寂涕泗零公得此本真  
希有一字便足輕連城

李必恒百藥北岳高郵人

### 讀臨川集跋其後

祿陵天子神聖姿任賢求治同湯飢臨川崛起受宸眷  
遇合天地非人爲草成十事頓首上朝野拭目觀設施

新法驟更民弗便羣攻交詆爭警警當其擇術鮮不謂

致君堯舜身軀憂志大氣傲識彌闊誤比宵小恣奸欺

范蘇諸賢亦矯激章呂數子尤猖披凡百易成難慮始

況復禍患先嘗之如公正坐讀古誤輒言潤澤宜深思

國朝詩卷之十五江南

公才實出輩流上苦心精詣誰能窺而以法弊致積毀

謗傷反受羣兒嗤脫令備職祗文苑大業詎不天壤垂

我讀公集爲下拜反復太息頻嗟咨

### 京夕

草際一蟲響夜高聲滿堂微風吹四壁朗月鑒孤房笛

起引遐思坐深增永傷迢迢牛女宿猶得兩相望

### 方正學先生祠

烽烟一夕遍南畿痛絕孤臣淚血揮十族可堪同蔓草

時義建文諸臣謂之瓜蔓抄九重亦自愧麻衣金川燕子飛還出玉

壘龍孫去不歸祠宇豈呈幸鄰近一坏鍾阜共斜暉

宋 衡 嵩南廬江人

飛雲巖

巖竊無恒觀變化隨雲霧嶺雲靜不流飛雲鮮常住惟  
茲黔西巖日與雲吞吐大士乘雲氣懸巖若奔赴驅雲  
出晴旭釀雲成甘澍以是巖底人雨暄隨時額雲挾巖  
欲飛雲闔巖斯固始知巖非雲無以發其趣愈信雲非  
巖無以神其鑄扣巖問雲因踏雲尋巖路非雲亦非巖  
此理伊誰悟持以質大士冥默無回語萬化孰端倪真  
幸何新故試覽飛雲巖悠然寐初寤

渡河

國朝詩集卷之十五 江南

九

世路誰青眼乾坤尚濁流孤城臨巨浸片月度危樓春  
色江南好沙塵燕北愁才名羞旅食彈鋏問吳鉤

有感

榮枯互代謝萬物並趨時蟲鳥真詞客乾坤老畫師天  
機隨處滿衆妙各爭奇笑爾後來者徒勞十稔思

春日小齋獨坐

脫帽當風風正輕天人草就小茆亭碧桃艷濕疎櫺雨  
坐聽新鶯第一聲

劉正實 充符古歙人

游龍山杏花村

春滿江南人未還客中何幸一偷閒迢迢馬踏東西路  
曲折龍分大小山水淺石湖芳草長雲連茅屋杏花環  
歸來最愛娟娟月十里清光照醉顏

浦口泊舟

泊舟渡口忽聞鐘山色層層春樹重行客夢回芳艸碧  
漁翁歌起暮烟濃濤聲入夜疑奔馬塔影沉江欲化龍  
此去前途應不遠鄉關遙見白雲封

唐孫華 實君吳門人

鄧尉探梅

舊山山下數株橫山北山南陰復晴晨雨濕烟春不見  
國朝詩集卷之十五 江南

十

晴雲出樹鳥初鳴幾家臨水蒼松映一徑穿花綰袂迎  
若得誅茅居此地竹爐茗椀有餘清

羅興仁 樂山古歙人

齋居寄友人

春光九十盡蝶尚覓餘芬淮水生新月奇峰起夏雲敲  
詩頻念汝呼酒久離群曾憶幽牕裏看花共論文

題僧室壁

白雲何處種青蓮蕭寺幽涼竹幾椽水泛落花無盡日  
山棲古樹自編年牕前草遍周烟瘦檻外風飄臘月圓  
夜坐草堂清磬寂新詩染就薛濤箋

黃 又 燕思古款人

庚寅花朝蝶莊主人招諸友燕集梅下

折簡招賢令問隆自慚側足共芳叢才名久已欽時論  
雅抱真堪拜下風宸翰堂高開紫戟梅花香好散簾櫳  
相逢一笑成嘉會酒盞詩筒肯放空

春日喧妍逸興多深杯酬勸意如何座中廊廟兼湖海

醉裏宮商雜嘯歌頑彥披襟譚玉屑廣庭拈韻賦風柯

類然分手殘陽外不覺塵容借酒醅

胡鳴鳳 檢忱桐城人

春莫遊龍眠

國朝詩餘 卷之十五 江皖

七

塵絳春愁擬盡刪名巖郭外任躋攀橋斜暗度溪流水

花落空尋雨後山薜荔眼青神獨往松篁陰密鶴初還

微風小憩蒼苔上片石留雲特地閒

遊春詞

杏林何處掛青旗問酒村前路轉岐鳩喚一聲雲氣濕

東風吹落雨如絲

姚孔鈇 越江桐城人

訪梅

流水短橋東蹇驢殘雪中笛聲來隔鵲吟策趁香風寒

嶺迷清磴疎籬淺紅襖陽今不作逸興許誰同

沈世奕 韓偉青城長洲人

歸舟雜詠

扁舟歸去隔天涯對此茫茫轉自悲古寺殘花還歷亂  
野塘芳草故迷離不堪日暮孤帆影況是春風寒食時  
便到江南烟水路五湖何處覓鴟夷

祝善久 有恒恒源丹徒人

登焦山

焦島最高寺孤登身若懸路盤秋樹杪樓倚晚雲前城

郭浮江國蓬瀛截海天蒼茫動長嘯此處獨泠然

秋曉

國朝詩餘 卷之十五 江皖

七

僻地經秋住朝來興每豪鳥啼人未起月淡日初高霜

葉飄紅雨寒松響翠濤山翁無盥櫛乘早弄江毫

閉關

松關雲疊護盡日閉山中窗落空天翠帆分夕照紅幾

經烹茗茗時一撫焦桐何處着塵跡祇宜鷗鳥同

閉居

卸得浮名半是仙年來花鳥作因緣三間屋小有梅覆  
一片石閒惟鶴眠待客酒開牀底甕遊山資費杖頭錢  
敲詩不解經鍾鍊句到佳時只自然

贈豁堂上人卽以誌別



一龕燈火住青山詩卷誰傳宇宙間  
梅子熟時江正漲  
松花落處鶴初還  
更殘坐共鐘聲冷  
晝靜身隨屐齒閒  
我欲秋來重過訪  
白雲牢爲護禪關

元慕看梅雨阻

妒雨蕭蕭濕旅楹  
何時雲白萬山晴  
相思湖上梅花夜  
未許春帆挂月明

寄冒巢民水繪園

無數黃鸝飛碧烟  
故人精舍隔江天  
相思漸逐春流遠  
直到桃花古岼邊

鄒繼思 沂公丹徒人

國朝詩的 卷之十五 江南

三

奉贈祝恒源先生

瀟灑秋風萬竹廬  
烟霞還往未應疎  
坐臨流水渾忘我  
望入遙山忽起予  
物色已同高士傳  
人情總付絕交書  
相看同歲猶同調  
詩酒膏肓可自除

陳檀禧 延喜丹徒人

登滕王閣

三唐事業一蒿萊  
帝子區區何有哉  
只爲文章懸日月  
重教煨燼起樓臺  
花香樹色還杯酒  
柔櫓輕帆自去來  
更擬留題翻悵歎  
西山南浦許誰裁

桃源道中

千山杳靄白雲飛  
人踏山腰入翠微  
翻怪肩輿能覓路  
不教迷去竟忘歸

陳筮姜 翼仲江寧人

上元日重過楊六皆園留飲

前日客來花未開  
一杯花下客徘徊  
今日客來花正好  
花下一杯客醉倒  
况逢此佳節風景兼  
可悅南山直過短牆來  
好鳥枝頭啼不絕  
君家兄弟眼中稀  
意氣獨與今人違  
迭爲留客不知倦  
月下還期送客歸

蘇全許 友燕補園高郵人

晨起雨中東祝荔亭

國朝詩的 卷之十五 江南

四

晨鐘發蕭寺雨滴諸峰  
翠開曠挹濃陰帆影一江  
萃鳥語只數聲依然息  
羣類言念素心人把卷不成寐

渡揚子江

春潮乘早渡烟影一江生  
雲勢連山起天根到海平  
遙憐芳草路直接潤州城  
檢點登臨興先從北固行

雨中祝荔亭挾句過訪江上草堂依韻答之

來往烟波路居然簑笠翁  
一江沉暮雨小閣擁天風  
鳥入望中沒鐘從何處空  
蒼茫立身世我欲醉山公

上巳日同人遊華山一帶

纔罷蘭橈又荷輦轉憐遊屐日無虛  
自從開鑿巉巖後

幾歷滄桑劫火餘壁上流泉時不歇松間明月夜何如  
館娃宮近斜陽裏望帝常聞弔閭廬

題祝荔亭鹿車小影二首

記得相逢路渺茫杜鵑樓畔色蒼蒼風流若是游仙輩  
何不還騎白鳳凰

一兩芒鞋一輛車捲書挂角總烟霞從今我與先生御  
碾碎春風散落花

林企忠 中山寓園華亭人

祝荔亭招同趙栢里金晴邨勞宗維鄭耕巖江服

懿陪陳滄洲太守飲焦山觀瘞鶴銘碑建亭有

國朝詩的 卷之一五

江南

五

作次原韻二首 選一

招携勝侶暢瓊筵暑氣渾忘意灑然偃側輕帆滌浦淑

迷離遠樹接江天千年寶墨開生面曠代高風繼昔賢

此日欣逢精鑒識不仍舛謬作空傳

蔣璋 牛圭齋南丹徒人

見山樓歌爲祝荔亭壽

君住高樓見山色崔巍矗立銀河側雲樹芊綿望不窮  
中有江流界南北瀉天浩渺聲潺湲翠螺迷離障復環  
魚龍奮鬣窗檻裏鳥獸騰飛几席間無限烟霞幻朝夕  
樓中豈復尋常客崑岷金焦作比肩圖成造化清虛格

氣鍾靈秀標骨奇紫髯玉貌光淋漓詩書不讓晉唐雋

逸韻能令遠邇知託友賢豪肝可漚十年共我鹿門期

洞天深入華陽境 余嘗同遊蓬壺洞深人數繼屆曾翻

瘞鶴碑才氣凌霄人歎絕緬懷逸與神仙列君不見龜

臺金母降遙空美電擎霓手不輟袍着青霜亂月華珮

懸火玉丹霞結髮垂萬象識週天髻綰兩儀分列缺知

君三十初度時慇懃爲授延生訣吁嗟乎我過相聞青

鳥歸高軒片片碧梧飛登樓西望無雲跡滿院秋風動

紫薇

吳中懷寄祝荔亭在見山樓二首

國朝詩的 卷之十五

江南

夫

客舍新涼獨憶君幽樓江上卧秋雲梧桐已落西風葉

樓見山光又幾分

昨夜夢魂追落月西飛北固忽逢君相思道盡還歸去

化作吳山半縷雲

徐時允 展成衡阜丹徒人

題畫蘭二首

繪石如有韻繪蘭如有香恍在幽谷中葉葉自生光  
一天灑寒雪百川凍欲裂披卷意陶然春煖蘭芽茁

題祝荔亭見山樓次蘇補園韻三首 選一

樓上鈞簾宿雨收西南山色列書樓十年拚得三千醉

肯使青山笑白頭

江佩服懿丹徒人

上陳長沙太守二首選一

鷗盟深荷 聖明知轉憶鴻飛信宿詩豈有文章真賈  
禍莫言方正不宜時品題既定讒何恤標榜全無士乃  
奇地白天青直今日諸君方謂識公運

夏慎樞用修曉堂丹徒人

題鞦韆圖四首選二

紫碧絲繩繫兩邊身輕裙薄倍生妍何如不倩傍人送  
徑逐斜風上樹巔

國朝詩的卷之十五 江南

七

辛夷花放海棠稠綠竹新生粉籜柔三月江城諸女伴  
羣將秘戲祝千秋鞦韆始於漢武後庭之戲本云千秋  
以祝壽也一說而爲秋千再說而爲  
鞦韆今值 聖  
壽故用其事

張弘敏訥夫丹徒人

王雲岡以芍藥詩見貽次韻戲答

客裏花時味頗諳漫勞色相惱瞿曇紫雲不語偏宜笑  
焚素如歌半帶酣綽約可憐依座右本草云芍藥  
猶綽約也將離  
生怕說江南將離亦  
芍藥名何當一棹揚州去醉看東風舞態  
愁

鄔維新鍾遠立凡丹徒人

擬山居三首

日長無事看蜂衙松葉生香午焙茶墻脚流泉山入座  
瘦頭春釀客當花函關雖老猶龍宅濠水蒙莊化蝶家  
自愧鈍頑何可學惟期懷葛度年華

谿屋山籬下鹿羣稻花香細水田芬當門綠樹穿黃鳥  
出屋青山宿白雲茶菊諧皆閑自錄鶴牛經與比鄰分  
午憩一枕華胥夢覺後空牀對夕暝

籬飛殘葉掩苔痕路白沙青入灌園石罅龍筋松百尺  
林梢鳳尾竹千根斜陽牧笛歸村巷新月漁歌過水門  
共說青山歸去好青山含笑莫空言

國朝詩的卷之十五 江南

末

劉上駟志千清園丹徒人

苦雨擬義山

一春半春苦陰雨屐齒已殘屢經補雨簾不卷燕子閑  
陰陰芳草迎階吐嬌花何處喪嬌魂春風寂寞吹我門  
夢思新佳天宇濕檐溜不斷無朝昏欲寄愁心與明燭  
燭亦啼紅怨新綠鼙鼓未靜爐烟寒苦雨敲窗不成曲

王孝詠慧音長洲人

侍長沙陳夫子鏡軒坐月

涼颼淨織埃風露自清夜庾公興不淺復此臨池掬水  
月正淪漣潛虬色相射一鏡澹明流倒影激波下秋空

清響多景靜天機爲冷冷鐘磬音歷歷漁樵舍遂愜幽  
賞懷流連不知罷

盛

餐 右斐純卷丹徒人

題祝荔亭見山樓次蘇補園韻

暮靄朝烟樓上收騷人日日擬登樓誰將一帶青青岫  
移置隣家屋上頭

無窮芳草連天綠高下烟巒幾處雄最是晚晴看不足  
數峰無語夕陽中

祝應端

荔亭月漁丹徒人

月夜金山

國朝詩韵 卷之十五 江南

五

嘯傲嶺峰上行吟信宿中烟連焦島碧燈出廣陵紅水  
月開神境風濤快化工共誰把尊酒直欲醉裴公

蔣經南移居黃鶴山下

昔人游息地君爲卜居來載鶴泛溪月橫琴對野梅靜  
緒書滿屋閣引酒盈盃迥與喧聞隔松濤十里廻

寒夜

澗合冰花白寒空月始升山梅清似鶴野竹澹于僧天  
澗橫高雁林疎見遠燈不辭霜撲面長好夜窗凭

月下坐長沙陳夫子鏡軒四首

選二

當軒湖似鏡月上鏡逾明鳥帶浮光去人依倒影行水

清秋自落雲薄夜還生屢侍耽幽賞芳樽許共傾

昔時與今夜一色月當頭每侍清江飲疑從北顧遊烟  
村燈破暗雲浦雁驚秋坐久高軒冷應須攬翠裘

焦山贈蔣經南三首

選一

洞門疊疊白雲連相對中宵意宵然廬剩焦光猶半畝  
碑殘顯况已千年潮來盡欲奔天上月落渾疑在眼前  
景物娛人清不寐曉鐘敲散一江烟

淮浦斗姥宮高樓夜坐

深夜嚴寒欲掩燈高樓罷酒坐相仍月來河漢幾千里  
人在蓬萊第一層大地無痕霜似雪澄湖不動水如冰  
關朝詩韵 卷之十五 江南

五

華山懷古

絕壁捫蘿興轉豪吳宮春盡盡蓬蒿百花開落誰爲王  
夜半月輪長自高

山居雨夜

窗外淋漓寐不成寒燈一榻獨凄清江濤竹籟孤猿咽  
都作空山風雨聲

蔣廷錫

揚孫常熟人

麥荒

春秋輕他穀無麥則書之所以古帝王勸種毋失時百

穀最先登乏食唯賴茲每讀爾雅註麥者繼絕詞太陰  
傷首種常使農人饑油油數千頃空爛靡有遺大麥既  
淹死小麥亦披離誰借露塵車收之入地祇農夫束手  
待野老吞聲悲一兩千萬淚天公胡不知

### 荳荒

西北多高田種花亦種荳夏至二十日播植唯其候刈  
草復治穢深耕還淺耨疎根欲其乾糞土欲其厚望莢  
成二七不先亦不後呂覽得時之荳其美二七為族誰知入五月雨下  
大且驟荳苗未盈寸披靡倒若蹂水浸及濕蒸空敗不  
可救綿連勢更甚長草如長寇辱水條復盈葉蜉旋已  
腐蘭朝詩的卷之十五 江南

什浩歌南山詩酌酒聊自酌

### 和子逸夜坐韻

蘋末風生白葛輕小庭景物又秋聲相看酒戶隨年減  
簾有詩懷入夜清荷葉翻時珠露瀉荳花香處亂蛩鳴  
桐軒莫謂無多地一片寬閒江海情

### 西城晚步用姪洞韻寄懷雨亭

井梧庭竹已秋風唯有登臨興未窮高閣三層烟樹裏  
青山一角夕陽中幾行雁齒斜城界萬井魚鱗碧瓦叢  
眼力微茫天地濶雨湖如鏡漾晴空

庚辰南歸值河水泛濫淮泗居民漂溺奔波濁浪

與雉堞等今年再過河清已復故道雨畔桑麻  
鬱然屋廬相望慶河復之有時幸生民之得食  
為賦長句三首 選一

治河從古之良謀現席書生動杞憂但說長菱堪置石  
漢書注長菱即竹可知濁浪易沈舟水痕約略餘三阪  
奇計分明借一籌不是九重宵旰慮誰將隻手障黃  
流

繆 沅 湘 荊 泰州人

### 西栗樹

翦髻西城樹枝柯拂石橋小雨潤藤索搭擊風蕭蕭摳  
蘭朝詩的卷之十五 江南

衣松逕滑拂面巖花飄根株互連絡蒼翹尤矜驕芒鞋  
破塊北絡索橫相要初地焚薶香梵音聆海潮晴曦射  
叢藟天宇清寥寥何當襍被來誅茅依山椒

### 射鴨詞

家鳬拍拍雙翅重野鴨花毛似花鳳泛浦行沙唼喋遊  
水鴝孤翹驚不動鳬羣肥澤鶴癯然脰長脰短全其天  
桃弓放弦箭撒響一時決起衝雲烟

### 小忽雷歌

南部新書載唐韓晉公混入蜀伐奇樹堅緻如紫石  
匠曰為胡琴槽他木不能並遂為兩胡琴召大小忽

雷後獻德皇樂府雜錄云文宗朝兩忽雷猶在內庫  
內人鄭中丞特善之訓注之亂始落民間孔博士東  
唐得之燕市蓋其小者名爲二絃琵琶

蜀中嘉樹高崔嵬肌理堅緻如瓊瑰誰人伐樹競鏤刻  
斲作大小雙忽雷檀槽訝呀鳳凰曲項冰環挂雙索  
勞嘈咽切響寥廓馬上提持手親作子絃嘹唳角聲停  
鼓此權當伐蜀樂五絲彩線覆龍首忽入昭易伴紅袖  
風生鳳撥花催柳鄭娘曲曲春風手傳頭轉換聽未終  
白日青天雷電走含元殿前夜月寒小吏池頭把釣竿  
裏來半段蒲萄錦舊事淒涼說女官露盤淚瀉如鉛水

國朝詩

卷之十五

江南

圭

碧漢茫茫非一軌中原溟洞久風塵此物人間誰料理  
小忽雷存大者散汾水年年叫秋雁半彎邊迹一堆塵  
博古何從辨真贋金絲軫斷漢索偏可憐零落將千年  
有客相訪來幽燕買得不惜青銅錢摩挲一似琴無絃  
一彈再鼓何人焉唐家秘器已莫彈吁嗟雅樂誰人傳  
王圖炳 麟照華亭人

江上三首 選一

水色連天色晴雲雜雨雲江山饒爾氣吳楚對斜曛  
鏡中流咽華鯨度嶺聞十年漂泊處橋燕語殷勤

顧林亭

平林落日野王臺太息斯人一草萊白馬青袍愁事去  
綠簑皂帽好歸來虞卿窮老書千卷陶令高閑酒百杯  
回首風塵淪落客江南詞賦子山哀

郭元鈞

于官揚州人

有鳥

有鳥被奇羽棲遲在幽谷竹實傍流泉食飲媚幽獨頃  
者逢青鸞招邀上喬木未終隨翱翔日暮鵲聲哭南山  
多孔雀北山多鴻鵠聲氣相爲求匹遊在林麓匪云誇  
乘居聊將慰雌伏願言文采色永耀同羣目世人莫能  
求深山花麗巖

國朝詩

卷之十五

江南

圭

寄答邵子湘二首 選一

芙蓉湖上邵髯翁名位玄真桑苧中京雒聲華懷漫刺  
江湖思緒趁歸鴻春風一頃豆花雨晴屋三間梅子風  
老卻謝敷星下客鶴書何日兩輪紅

牛鳴東邨三首 選二

豆架瓜籬白竹門桔槔聲歇打場喧老農八十今閑得  
捫蝨殘陽倚廢垣

曉寒如箭宿雲屯白樹溪橋紅葉邨人事不來書卷合  
一樓寒雨石秋原

葛

鶴雲雁宣城人

宿廟阜

金徽風當面驢疲客失程市無沽酒處溪有確石聲  
廟僧秋去官街虎夜行老兵眠不得來打渡頭更

方正學祠

西風吹葉亂晴根砌冷臺荒蘚痕烏雀暝投堂後木  
牛羊秋放墓邊門松青猶見孤臣節月黑應來十族魂  
惆悵幾回重下拜凜然生氣壁中存

梁嘉穰 五癸江都人

庚寅花朝堞北王人招諸友譙集梅下卽事限風

柯二字 選一

南朝詩苑 卷之十五 江南

圭

嶺外移花驛路通歸時爲客飲芳叢主人標格梅相似  
春酒神情玉不同東閣歌吟何水部後堂絲竹馬扶風  
深杯百罰休堅却鐘鼎山林一醉中

移居東街漫成

九衢覓得數椽居莫笑藏身計太疎夜永尚沽鄰肆酒  
日中堪買近河魚天涯客過經尋易市井人來接洽初  
亦有暇時閑不得自吟詩句課兒書  
投贈新詩滿壁遮聯珠綴玉擅風華問奇莫認楊雄宅  
好客爭疑劇孟家室歡喜客書滿架庭寬愛發簪多花  
人言垂老應安坐身健雄心未肯涯

江天與 黃子新安人

丹井

藥鏡溪上行白龍潭下注水石清冷冷更尋丹井處白  
石煮無方丹砂顏可駐塵緣悔不斷既來還復去

村用昌黎山石詩韻

星文南天明少微輕帆忽逐秋風飛朝來山中憶猿鶴  
歸思不爲鱸魚肥上卿廷舉 聖主召行修學博斯人  
稀校書五載平津閣金門却異東方饑履聲肯入青瑣  
闥夢魂只繞白雲扉臨岐欲留無計挽黯然揮手繁霜

南朝詩苑 卷之十五 江南

圭

罪到家三徑松菊好門前柳樹大幾圍五湖自有佳烟  
景梅花香浣遂初衣回頭紅塵滾滾在絕勝勞勞俯受  
鞅故人問訊爲我道穩擬明年投版歸

病中晏起

夙興常怯小牕明卧病經旬懶惰生不謂微官依北闕  
却看遲日上南榮漫思壽可蹉跎補自怪心難取次清  
唯有閒吟消白晝一朝詩與一篇成

秋日訪陳滄洲不值

楊子橋通丁卯橋相思每起晚來潮如今京雒尋君處  
轉憶烟江小艇遙

日日趨朝未暫休西風 帝里又驚秋何因悶著經綸  
手寫註蟲魚上殿頭

萬石 石君歛縣人

殉虎吟

黃粥張婦同夫光喜采茶山中夫被虎婦奪之急虎  
釋犬而鵲婦死

猛虎耽耽風從赫赫橫施瓜牙靡不剖拆以妾贖夫腺  
不如澤莫謂碎珠寶成完璧解虎莫憑威還我良人妾  
天既全妾身任食莖於虎腹何異溝洫解肉恣爾甘骨  
作爾腹氣壯如虹虎失其猛解

國朝詩的 卷之一五 江南

圭

春暮過耽閣

耽閣花謝後流水總堪聽徑草畝危石厓松絡古藤犬  
眠籬落靜鶯過酒杯停自昔歡娛地長歌一再經

秋霜

嚴霜如士烈皎皎秋殘氣壓千林白光鋪亂葉丹孤  
余茆店冷一騎板橋難做足方勞履清琴向曉彈

秋笛

飛笛潯江夜淒淒訴未明因風故斷續與月到檐楹邊  
塞深閨恨關山羈旅情曲長林更寂梅柳盡愁生

錢塘懷古

霸業興亡歷幾朝吳山高望鬱岩嶷怒潮曉湧灣三浙  
垂柳烟深鎖六橋人去錢塘悲射弩愁來花港咽吹簫  
傷心最是殘陽裏慘淡諸陵不可招

田文潤 東里柳城廣陵人

雙峰閣看月

一筇支絕頂涼月滿江天老樹千重出疎星幾點懸沙  
明移宿鷺山靜洗秋烟坐到三更後心清即是禪

夢游焦山

山水情難割焦山夢裏遊頑苔癡草跡片月斷雲秋放  
眼此天地忘機彼鷺鷥鷗中流誰砥柱吾道且漁舟

國朝詩的 卷之一五 江南

禾

汪玉樞 恬齋天都人

落花

朝來慵過落花津一倚橋闌一愴神紅粉亂飄鶯怕老  
綠陰漸長燕傷春時光最好惟三月風雨全無得幾旬

不是多情懷豔麗周零渾似客中身

林亭狼藉衆芳闌隨紫拋紅最怕看滿地閒愁春不管  
一簾密雨夜無端驚心動是經年別過眼能留幾日歡

轉覺東君太游戲忍教輕放又輕殘

鞦鐮

試點銀釭透鳳頭動人搖曳最風流雙鸞何故來書幌



三寸初疑出錦綉  
吐筍尖斜弄影  
光生蓮瓣艷含愁  
吳娘隔座多惆悵  
新樣何緣得暗偷

蔡栢秀 寒氏觀川林陵人

秋郊

芳草淒淒景色殊  
碧天雲際雁聲孤  
一鞭好踏平蕪去  
試問前邨有酒無

秋望

一筇拄徑破嵐烟  
放眼窮觀上碧巔  
幾樹丹楓丘壑裏  
數椽茆屋水雲邊

史鳳輝 南如宜興人

國朝詩助 卷之十五 江南

支

冬夜望月

澹烟凝遠渚  
露下寒原夕  
林影漾虛明  
蟾光隔無跡  
靜松响孤雲  
歸轡氣白坐  
久寂無人滿  
庭寒霧積

鄰笛次迦陵集中韻

一夕江梅落  
悲聲聽不休  
誰家吹玉簫  
明月滿高樓  
石裂寒潮湧  
風迴老樹秋  
水雲寥落處  
愁思碧山頭

女史雜咏 楊玉環

馬嵬遺恨總休題  
法曲爭傳奏羽霓  
玉簫三更新暈破  
雪鴛半局曉鬟低  
明駝不遣裝條脫  
燕馬何緣响鼓蹄  
政使六軍無怨語  
可堪並轡聽鶉啼

塞下詞

落日寒風響大旂  
單于塞馬近秋肥  
悲笳莫奏淒涼曲  
夜夜龍沙卧鐵衣

左挾人頭右挽弓  
揮戈仗節在從戎  
勒名麟閣尋常事  
襲斬樓蘭不計功

軍令分明主將威  
短衣匹馬潰重圍  
金闕消息休多問  
更向陰山射獵歸

成永健 乾夫射陽人

砧聲次慕廬先生韻

心旌搖不定  
冷冷况尋愁  
一夜空庭裏  
長年隴水頭  
如聞朝詩助 卷之十五 江南

手

何當月緊還  
自度風柔力  
盡燈昏落  
天涯忍對秋

此日

此日將何適  
孤踪類轉蓬  
短驢欺客倦  
久僕怨途窮  
酒戶元非小  
愁城不可攻  
砧聲頻入耳  
多事是秋風

從江入溪口夜宿有感

長江滾滾渺無津  
又港烟橫忽一村  
樹底賈帆山外落  
沙頭漁笠雨中喧  
醺人溪釀清如鶴  
斷夢山鐘冷似猿  
底事十年衫袖濕  
不堪回首黯傷魂

旅跡

旅跡青門寄一丘  
生涯流水共悠悠  
灞陵被酒非關尉

瓜圃逃名豈是侯  
鶯澁綠陰春事渺  
燕翻香徑晚烟浮  
年來棋局拋殘甚  
輸與東風又校籌

朱枝芳

元發愚山長洲人

懷青松菴西瞻上人

野寺青松合詩僧  
白鶴閑萬山環屋  
秀一水入橋鬱花  
藥紉開謝禽魚自  
往還知渠三徑樂  
世事了無關

易州金上王孝廉  
屢索余詩率成以  
贈

自笑迂愚懶更狂  
三年易水未登堂  
數番並馬尋山看  
幾度逢花索酒嘗  
得在春風聆妙句  
却忘夜月客他鄉  
不才那有江淹筆  
殊愧君誇古錦囊

國朝詩的

卷之十五

江南

三

落花

落花滿地捲輕風  
碧草纖纖襯軟紅  
好鳥惜春同客意  
飛來衝過粉牆東

高玉桂

燕山秋軒江都人

展重陽郭雙村招  
集篠園分得藥字

秋深風景除菊英  
殊未落密篠傍清  
漣名園依水郭繁  
馬更登臺龍山會  
重作賓主萃名流  
清狂勝衛樂俯仰  
恣眺憑繁華感非  
昨烟荒廿四橋簫  
聲何寂寞鴈詠及  
秋晴歌呼雜諧謔  
斷雁悲遠天涼月  
懸高閣城頭玉漏  
譁洗杯重命酌還  
思芳非辰綠尊就  
紅藥

種菜園

不借參軍地偏憐  
仲子園霜餘珍菜  
甲雨過孕萊孫接  
寬通渠水拋鉏鋤  
樹根何當親十畝  
吾亦厭囂喧

遊弘濟寺

周遊字

傑閣憑虛俯碧流  
四圍蟲響衆山秋  
蒼茫遠浦漁燈出  
縹緲寒江雁影浮  
攬勝久辜宗炳約  
尋詩聊作謝康遊  
少年豪氣欣猶在  
賈勇先登最上頭

贈中洲和尚

曾向蓮峰頂上來  
暫從桃渡泛仙杯  
但論詞賦情猶熱  
除嗜烟霞意總灰  
舊雨幾人聯白社  
宗風到處響驚雷  
國朝詩的

卷之十五

江南

三

欲親履杖瞻龍象  
爲掃衡門破碧苔

黎雨稼

耕書懷寧人

秋日學韓昌黎

秋風何蕭蕭秋氣何肅肅  
白露泣檐楹流光被草木  
鳴蜩聲絕響蒼蠅滿人屋  
我心何所憎營營任馳逐  
時起開北窗遙望南山麓  
白雲捲舒處茆堂蔭修竹  
老松繡古苔泉香清可飭  
羹彼山中人臨溪飮黃犢

秋晚舟泛紅橋

秋水橋邊幾尺添  
秋雲恰放晚山尖  
看山正好呼蘭漿  
傍水偏宜問酒帘  
柳覆殘荷烟漠漠  
雁排新字影纖纖

輪他簫管紅燈擁且闌狂吟抵老髯

黎 漆渭北懷寧人

次韻答蔣屏山戊戌除夕登大觀亭看雪見懷之

作

歲盡蕪城日輪君歸去閑雲昏天外路雪冷客中顏高  
處人孤立空江水一灣登臨神共往約略是家山

陸鍾輝韜山新安人

蕪城懷古

茂艸芊芊感廢丘路人遙指說邦溝竟陵烽火息城全圯  
鮑照情多賦獨留但見山光浮楚尾不聞水調唱歌頭

國朝詩印卷之一五 江南

七

寸心千古知何恨落日荒烟莽自愁

同葉澹菴諸子秋夜分賦

風吹桐葉聲蕭瑟把臂閒來話小樓穿破花陰三徑月  
敲殘砧韻一簾秋素毫欲落烏皮几佳釀先斟白玉甌  
無那砌蛩偏唧唧恐君幽思動鄉愁

王 焯金鞠欽州人

九日恭和唐遠祖初公書秋二律選一

隔歲街蘆是遠鴻天高嘹唳影長空梳雲掠雨過衡浦  
避弋傳書趁朔風金粟花時秋漸老湘霧鼓罷怨何窮  
登臨覽勝酬佳節夢逐三山瀛海東

熊敏慧遲度淮南人

步竹園作

江月不浣塵江水不盪俗持我清冷心濯此琅玕玉夕  
陽過枝杪風起寒簌簌孤光來映人毛髮沁空綠佇聽  
亦無聲暗籟自相續此中靜見聞漸欲遺耳目何可一  
日無夢遶瀟湘曲

卽景有感

遶籬不百步矚目見南山殘雪晚方淨時蔬春早慳臨  
流驚湍急倚月愛雲閒知有門前路芳堤草自斑

絳緯

國朝詩印卷之一五 江南

七

胡爲發不恤勞止聲啾啾意縷抽難盡腸輪轉不休吟  
殘楓樹火凄微石砧秋我亦荒蠶績空杆終夜憂

姚孔鎮南賓桐城人

擬古六首選一

所遇無故物立德乃可久紛紛宦達人既死骨且朽子  
孫不再傳捉襟已見肘何如衡泌間藜藿常在口達哉  
龐居士但願空所有

檀溪

檀溪清且淺終古水潺潺倒影街山靜寒流漱石閒鳥  
翻紅葉墮僧帶白雲還舊蹟多難定傳聞疑似間

程默 啓生江寧人

感興

嗣宗抗真性百乘猶浮雲  
徃狂越常禮縱飲超世紛  
長歎過廣武楚漢空前聞  
擾擾魏晉間清濁誰使分  
下士稱禮法疾之心如焚  
從來黃雀輩難與鸞鳳羣

登清涼山

荒臺搖落石城秋萬古江  
流帶蔣州吳楚天連殘照  
冷齊梁人盡亂山愁寒雲  
蕭瑟迷禪院征雁橫斜隔  
戍樓向晚登臨頻送目關  
河烟樹自悠悠

吳門遣興

國朝詩的 卷之一五 江南

美

荒丘遺迹使人悲楊柳青青五月時  
我欲市中沽斗酒襄王祠畔弔要離

程夢星 午橋歙縣人

坐雨有作

夕霞明滅間雨脚已在樹梧竹葉  
蕭蕭秋聲細堪數掩卷坐幽人流  
螢入軒戶

七月七日祖家園水榭

秋懷入良辰勝地結遐想  
簡喜相招隨意得酒黨杖策城西  
偏林泉愜幽賞積雨淨塵氛半篙  
綠新長天行尚餘暑人意已蕭爽  
踈柳帶高蟬風來發清響水禽浮

隻雙藕花挺三兩如遊苔  
雲間詩情滿菰蔣咄哉南阮  
禪何事標竿上蠻府郝叅軍  
曝腹空悵快吾徒事微名  
局促多軼掌此生着油展知  
復計幾緡會須來溪南架屋  
面弘敞

自漁浦挂席至富陽

錢唐高浪如山排  
醉神振柁江舡開青山百里慣  
迎送詩情欲起先徘徊江平無  
風櫓自急白鷺一行沙際立  
橋烏向晚自在啼已覺輕涼生  
習習客子高眠舟子驟蒲帆十  
幅張秋雲不能於世謝塵埃形  
容羞見桐山君兩兩漁罾挂  
蘋渚此中應有人堪語高灘歷  
盡不知名

國朝詩的 卷之一五 江南

美

同望龍門在何許  
篷窓孤望儘蕭閒前到瀧中更  
幾灣大癡粉本居然在一簇疎  
林帶遠山

漢栢行

山寺日落寒無光森森松檜陰  
空廊中有翠栢獨挺秀欲凌泰  
岱摩亨蒼種自炎漢閱千載歷  
來兵火無殘戕豈山護惜不剪  
伐譬彼蔽芾留甘棠香葉離披  
挾風雨老餘屈曲凌冰霜荒烟  
野霧競棲託時發清籟吹笙簧  
我來坐卧不忍去以手摩弄吟  
哦長下立片石有圖贊未覺筆  
墨差毫芒歸途何從得拓本携  
將一幅懸中堂

鍊丹臺

一策衝蒼靄千盤上碧岑山寒僧亦瘦雲老樹常陰大藥知何處丹爐尚可尋空餘幽澗裏飛瀑自清音

雲谷

半日禪關裏烟巒面面開老僧穿樹去幽鳥破雲來坐見中峰雨遙聞下界雷自憐凡骨在空對古丹臺

登岑山

江山宿裏故居存重向烟蘿手自捫堪共金焦分鼎足別從瀛海露雲根碧流似帶環雙峽青嶂如屏抱一村欲借蒲團話幽興與僧終日聽潺湲

吳山晚眺

國朝詩的 卷之十五 江南

三

寺樓高敞踞遙岑長嘯何妨獨抗音月上海門通夜白雲歸石室半山陰巖端瑩乳常凝雪塔外顛風自語鈴吳越蒼涼餘故壘隔江山共暮烟淡

暮秋客昭慶寺

照眼秋嵐足掃愁閒情小住爲勾留還鄉錦裏錢王樹滅國人隨范蠡舟射鴨兒郎爭得失燒猪古衲解風流東南寶盡湖山在鷗鳥能知載筆遊

題畫

野岬春晴繫短篷等閒得句對東風水窓臥晚不歸去身在一溪紅雨中

汪士鋐 文升長洲人

李藩村別駕運糧還任兼寄尊甫若谷先生

展驥得才良飛務入太倉舟從汴水泛人自魏公鄉來日水初泮歸時菊漸黃携將官寺酒還奉老親嘗辛丑五月送受菴和尚歸天寧

會於竹院識儀容頻歲黃金闕下逢仙膳每供香積飯佛齋時聽禁林鐘分將玉茗來天府携得清風拂舊松遙憶紅橋尋法侶雲山不隔兩三重

吳寅 秩三江都人

晚對新月有懷揚州諸子

國朝詩的 卷之十五 江南

三

自看禪房花三見長安月玉鈎無纖翳萬仞挂天闕人生會如此相照換華髮故人盡江南獨此坐超忽

秋鷹 勒二十韻

鷹胡稱鷲鳥秋至類英豪遠舉乘商令孤奮任苦勞紛掣時正急矯健勢增高所向全無敵能深入不毛拙鳩真善化凡質妄哀嗽性以形通變神還巧攫搔空林憑自獵蠢物轉相遭翩漸摩穹昊身寧受謹條一離滄海嶠已薄翠雲濤萬里心何壯群生命實操精明搜伏莽搏擊盡纖毫霜控平原肅風馳落水鱗雁行驚偃側旋富敢持牢殺活同摧朽張拳比奏刀毆除關浩蕩振厲

愜蕭騷論績當師佐名官紀法曹耻於爭食飽怒彼被  
寒號虞網虛施設臺呼却遁逃飛揚驅上駟俊捷賤西  
葵怪爾常鞬者徒腴弱肉膏

青陽廣文余青來署中題壁

荒城僻地高屋宇蕭條廣文官賃衙旁通一徑白雲洞  
面插九朶青蓮花兒披牋帙吟詩句自撥泥鐺煮悶茶

九華山  
茶名

終憐意緒相對盡眴眴坐看春月斜

項炎樹堂江都人

歸自京師荅友人二首之一

征衣才脫偏年殘酒具詩籤取次安老去聲名差半減

國朝詩的

卷之十五

江南

三

歸來人事不全完庭梅破萼春先露逕草萌芽雨未乾  
還向湖頭尋舊約一船烟月挂魚竿

國朝詩的江南目錄

卷之十六

許佩璜 十三首 尚友 二首 王令樹 四首

方惟 三首 李樸 二首 程祚印 三首

吳參成 二首 何以達 三首 王誥 四首

王文範 七首 茅默 五首 沈德潛 四首

劉彬 六首 汪洪度 六首 郭彭齡 六首

項綸 八首 樊瑩 五首 趙虹 八首

王文師 五首 白德馨 四首 劉必暉 二首

許信瑞 五首 黃友均 一首 王文樞 三首

國朝詩的 卷之一 江南

殷譽慶 八首 王文奎 六首 曹自天 二首

劉宗需 四首 韓嘉賓 三首 管弘進 三首

汪荃 二首 顧紹敏 五首 郭泓 四首

張師孟 三首 王應元 四首 鄭基 三首

姚恭 三首 項善辭 一首 項強 一首

古典 五首 朱元鎮 三首 孫人俊 一首

王旭 一首 項道皞 二首 吳之烈 二首

張偉烈 二首 夏聞善 二首 顏不疑 二首

韓文元 三首 程嗣真 二首 汪 四首

國朝詩的卷之十六

長沙陶 煊奉長選

同里張 璨豈石同輯

江南

許佩璜 渭符江都人

擬白馬篇

白馬產冀北游俠出幽并緹衣與韎韐被服何光明名  
隸帑首籍身當羽林兵行行赴長莽縱獵震雷聲捲撮  
流鏑響瀟飈飛矢鳴聯袂竟兔走高翬游鵲驚鞭下青  
骹鞬綠末韓盧輕戟手鼻赤象奎踞圈巨膺中黃莫敢

國朝詩的 卷之十六 江南

伉育獲疇與爭昨朝羽檄至徵騎屯邊城舊逐輕車伍  
復此寒垣行密塗少人跡荒谷竄鼯鼯沙礫觸肌膚霜  
露蒙旆旌委身報聖主安得願私情指撝瘡蛇豕頤盼  
掃攬槍毋令李飛將三邊擅英名

效曹子建雜詩

清飈獵蘭叢素月流桂苑我友隔千里參商不相見念  
別歲云睽延望脰屢悵愁思結循環馳暉苦奔箭紆軫  
向誰宣撫膺淚如霰願寄尺素書南翔有孤雁  
擬放歌行

鮑肆不知臭皆由體所習咸池與鼃咬衆聽多疑惑

營兼并倫豈識壯士節北里溢笙歌南隣修第宅藏麗  
若星餘貨賄儼山積冠帶相叛行輿輦盡疊跡片語結  
人主一旦被恩澤燕昭築黃金趙孝賜白璧金貂珥炯  
炯連璽耀奕奕君獨何爲者石門臥松雪

感舊詩

蔡惠文先生

德文惇誨儒先子曾受業羣經籍疏通百家盡穿穴曜  
質自三郭飛英灑八極肥遯故無悶精理得自達無能  
託後庭榛昏五情塞

畢從亭先生

國朝詩的

卷之十六 江南

二

樅亭司空子幼孤遂漂蕩韜光逐縉流欲與鳥可行中  
歲效默仙形骸益放浪淡墨寫梅花吟吟無俗狀遺跡  
在人間金骨歸荒壤

吳羣提先生

羣提冥寂士恬漠與道一淵玩考槃詩研搜歸藏易尋  
山采瑤芝凌波掇水碧甘泉何泠泠終然謝先竭八十  
覽寓形一舉遂抗跡

山居詠懷

嗟余介石人束髮慕端搆疎索坐空林閒豫觀衆妙弘  
景本遺榮子陵但垂釣前哲登高駕拂衣可同調

書劍學無成彌歎光陰速三餘恣冥搜四知勵高志披  
襟大王風游目君子樹但得怡心神詎必居朝市

硯北

構軒依硯北小隱擬墻東香瀉紅蘭露涼生翠樾風游  
心毓竹素息影翳蒿蓬吾道惟夷曠靈臺若太空

唐敷時先生移居

文選樓邊近卜居詩朋嘯侶日相於庇人欲設千間厦  
汲古時縑四庫書疊石俄看山積翠爬沙細引水成渠  
知君夙負登車志一室無勞自掃除

賦得隋堤柳

國朝詩的

卷之十六 江南

三

幾樹隨堤柳秋來不復繁冶遊驄馬斷斜日亂雅翻酒  
旆烟中含漁歌江上邨長條盡搖落未折已銷魂

金陵憶舊

昔年曾寓石城西酒酸吟瓢到處携水榭聞歌翻白紵  
畫船載月泛清溪草深廢院藏秋兔花落閒坊叫竹雞  
回憶舊遊如夢寐江雲江樹盡淒迷

唐改堂先生新居落成

池館初成占一丘著書猶自擁緹油催涼爽籟纔生樹  
近水明蟾易滿樓封事舊題香案吏頭銜新署醉鄉侯  
靈光留得東江老來往詩筒足唱酬

謂令兄寶君先生



尚友以朋與化人

自儀真曉發之楚

曉發儀真縣晨光上驛樓山青將去艇浪白坐輕鷗岬  
葦隨天盡墟煙擁樹浮相從惟一劍千里爲依劉

聽琵琶

紅燭沉沉夜漏餘半生詩酒客天涯三年一聽琵琶曲  
腸斷當筵穆護紗

王令樹桐孫古邇人

獨坐僧齋有感

咫尺神霄未許通頻看榭葉下霜空屐無可著朝還雨  
團朝詩的卷之十六 江南 四

裘不禁寒晚又風竟等閒身依野衲却憐短鬢類衰翁  
行藏一笑河千客羞把心情問遠鴻

夏日官署全劉卓崖作

東華景物近何如已是薰風入夏初堤草似茵朝雨濕  
庭梅如豆午陰疎住山久負聽鸛興薄宦空縑牧馬書  
孟夏放馬豐臺事隸客司且看綠烟霏粉署同儕笑語向堦除

旅中遣懷

無妨要地作閒居旅况蕭蕭世味疎几任受塵慵更掃  
堦能生草不須鋤百年已負登山屐盡日惟臨乞米書  
閉戶不知春過半風吹花信近何如

午夢初醒意若迷林陰漠漠暗塵低絕無人處蟲相語  
適有情時鳥亂啼赤日尚烘高幕北白雲都入晚峯西  
倏然竟日淹留地茗椀香爐手自攜

方惟載詩天都人

雨後過費家灘驢背漫吟

霽後策孤蹇平堤屬望遙宿雲昏欲雨衰草白疑潮路  
半村流隔田多野火燒迷岐頻借問指點有漁樵  
屈指曾過此重來已六年山河元自異風景宛依然麥  
熟千村雨茶香四月天清溪真可愛處處水如泉

秋芙蓉

團朝詩的卷之十六 江南 五

霓裳綽約倚秋風粉燈脂蠟瘦損紅惹恨不關朝雨後  
斷魂多在夕陽中烟銷雲水霞輕護香冷池塘月淡籠  
一曲求凰今絕響平生詞賦老徒工

李樺楚濤與化人

遊虎丘

地踞吳門勝山從晉代開蛟龍盤澗壑松檜抱樓臺片  
石千秋在浮生幾度來笙歌明月夜應許泛深杯

文選樓

蕪城勝跡揜堪憐帝子風流亦渺然六代文章成往事  
千秋樓閣鎖寒烟憑高縱目斜陽外懷古臨風萬木前

獨下迴廊尋老衲誰能指點話當年

程祚印 鷺庵天都人

念茲舍弟招同王歙州端梅亭閔右臣泛棹虹橋

分得二冬

良會欣從花徑逢風期徐穉郭林宗新詞引入江南岫  
白墮消除磊塊胸生事漫勞書咄咄閒情留寄水溶溶  
蘭航異日重尋侶知隔蒹葭第幾重

漁婦艷詞

君解木蘭舟妾盪雙鴛漿願效比目遊莫下鰥魚網

集吳賜璵舍甥池閣觀西府海棠

國朝詩的 卷之十六 江南

六

高控簾鉤倚檻看太真應自詘妝殘金缸夜燭胭脂紫  
疑有啼鵲度畫闌

吳參成 石葉豐南人

蠟梅

羅浮分臘國凍蕊獨凭欄玉骨先春換檀心冒雪寒羨  
人非粉額高士忽黃冠上苑矜奇萼金丸入夜看

渚園雨夜寒甚有作

八月西風白紵單秋雲釀雨夢長干平生不肯因人熱  
舉世何知念叔寒翠竹蕭森天意冷黃花開落客程寬  
一杯濁酒自傾瀉鴻雁相呼未夜闌

何以遠

無錫人

集飲天若齋頭次其天韻

吾友嗟牢落過從惟隱淪乾坤多失意魚鳥且相親果  
摘香歸袖燈殘月滿鄰清詞吟遍後翻覺酒行頻

初夏雜詠

雨後看山山更清綠楊枝上帶殘鶯烟迷野草連天碧  
風落餘花到地輕高樹影遮低樹影近蛙聲雜遠蛙聲  
晚來覓得新成句薄醉留連未易醒

夏閨

酒醒猶見燭微紅漏點聲清度晚風花氣滿庭簾影白

國朝詩的 卷之十六 江南

七

吹簫人在月明中  
王 誥 楚士廣陵人

宿黃汊

驅馬入村市人家烟井稠暮雲昏遠戍一雁下寒洲野  
酌無兼味狂歌足破愁更闌人睡起霜月冷橋頭

賦得既雨晴亦佳

殘雷收宿雨返照掛虛簷逕滑苔初長痕消水乍添翠  
浮千樹杪晴放萬山尖更待鐘聲發清宵月色兼

和吳蘭次太守湖居原韻四首 選一

依岬乘桴興未孤 君自題其 居曰岬桴 青山望似米家圖半犁春

雨驅黃犢一夜東風長碧滿拄杖尋僧過野寺把竿侵曉釣晴湖何妨老去情懷勝裙屐翩然稱白鬚

射陂

橙黃橘綠蟹螯肥獨泊湖陰醉夕霏一曲菱歌驚夢斷夜深明月釣船歸

王文範 竹村廣陵人

和銀臺曹公使院種竹四首 選一

世人少愛竹惟愛花柳妍公獨異所愛愛此青筠堅衙齋幽且敞園圃居西偏積雨土膏潤侵砌莓苔延鬪土破苔痕種竹環清泉條見蒼翠滿千竿羃輕烟空堂坐

國朝詩約 卷之十六 江南

人

相睨嫋嫋亭亭然惡木昔張王芟盡根芟連乃知萬物理薰蕕無兩全修幹挺高潔不逐春風顛

次韻西軒雨後遣懷有寄四首 選一

霽景半天霞秋原映幾家碧叢蕉帶雨紅漾蓼初花日落暮山合烟籠村樹賒謝公愛幽賞綠野玩芳華

秋夜漁灣返棹

乘月倏來去灑然秋意新買船排雁翅雲水感魚鱗蘆密似舍雨峰迴如趁人歸遲掩關臥清夢在江濱

入棧道

古棧盤空上千林霧雨沾灘喧穿石罅雲湧失峰尖遠

寺路頻轉雜花香可拈自憐塵土色霜髭覺新添

泛玻黎江偶成

蠻江迷望草萋萋帆轉村橋向柳隄青嶂艷開紅躑躅彩霞晴照白玻黎酒醒孤聽林猿喚春去悶愁謝豹啼却羨茅簷簞笠叟垂竿終日坐前溪

西軒話舊同用史蕉飲都諫韻四首 選一

看山曾汎水紋輕洲畔蘆花自送迎平漲白沙浮釣艇亂飛紅葉下江城柳遮峰影參差見亭俯漁灣指顧成小榻隱囊閑賞處條然杖履一先生

次日又風雨

國朝詩約 卷之十六 江南 九

歷歷南來聽雁羣冷吟孤坐在江濱夢回船背欲明雨望隔天邊將暮雲幾樹臥隄漁舍隱雨溪流水浪花分遙思躡屐山亭上對酒濡毫傲水君 聞公停舟燕子磯

茅 默 瞿容真州人

永興寺

山自嵒嶒出林餘蕙草香鶯啼空翠冷人愛石橋涼苦茗資泉冽修篁奪樹蒼南朝見何處廢寺與殘陽

雨中三首 選一

連屋生寒響溪流谷口風亂山花氣外孤客雨聲中懷土吟莊舄登樓憶謝公我緣櫻笋誤留滯此江東

嚴橋田嘉樹軒

坐臥吾廬似茶烟裊落花道深交自淡人靜鳥無譁樹  
種碧梧瘦山移白石斜風光兼勝地作客竟忘家

冶城山樓月夜

月固無喧寂人從境遇分一身寄霄漢萬類散烟雲泉  
味淡如此琴聲杳不聞爐香正縹緲下界仰氤氲

寄興

樹杪山樓儼半間閉門長日對鍾山久知蘭蕙風光轉  
又見簾櫳蚊蝶還幾處白雲橫野水一林疎雨結烟鬟  
劉伶荷鋪終多事直覓村酤駐好顏

國朝詩

卷之二十六

江南

十

沈德潛

補士姑蘇人

人日同樾亭上人方東華陸龍光集雲川半樓卽

以人日二字爲韻

選一

懷人及人日遠道訪故人來登百尺樓俯身瞰城闔一  
角露西山濛濛護烟雲主人愛良晤情盼展殷勤瀟灑  
遺世慮談諧見天真出處雖異途道合乃比隣遠聽春  
鳥鳴交交索其羣相與期久要敦此平生親

宋磁水孟歌爲顧十一太史賦

間丘先生劇好事古玩鑒案間置葵舟瓦泰運犧尊  
奪目如游買胡肆研北還陳貯水孟形模渾朴無欵識

依稀認得北宋年似辨齊桓故銅器傳聞得自古井中

瓶罌上下堆幾重五銖之錢實滿腹柔因井渫堅因風

羸其瓶罌孟好在天意護惜人無功水泉一勺久不壞

炎月清冷如嚴冬錢王秘器人罕觀越窰奪却千峰秀

此孟聲價共低昂鄭旦夷光孰妍陋晶瑩滑澤識官窰

政和間因定磁粗陋宣和以前靖國後汴京離黍良嶽

亡塵劫茫茫逢北狩少物流傳天地間何年入井葢深

甃土蝕苔侵千載餘一朝光采重璫璵主人高閣靜相

對挹水磨丹日註書爭似西京晉靈冢重淵空躍到蟾

蜍

國朝詩

卷之十六

江南

十

中秋前二日顧俠君太史招集秀野園桂樹下限

中秋二字爲韻

聯翩羣屐一尊同節序平分秋欲中諸子南皮還續會  
小山桂樹已成叢次公座上惟狂飲滿奮屏間尚畏風  
時至人隔戶曼聲誰唱出黃雞新曲聽玲瓏  
病起

一天爽氣入清秋花下真堪永日留山史翻餘到茶史

虎丘遲謁且間丘東坡荷衣蕙帶還初服少室天壇話

遠遊後夜月明應眺望知君懷友最高樓

劉彬

文若李蔚歙縣人

胥浦橋懷古

並序

真州之有胥浦尚矣相傳爲伍大夫仗劍渡江  
處地當孔道有橋通往來歷年滋久習俗相傳  
至呼爲西浦誤矣爰豎碑道左以正之碑旣立  
系之以詩

橋以胥浦名胥靈自千古緬彼伍大夫仗劍氣如虎從  
茲派大江相吳終覆楚英豪遇屯困奔走歷艱苦踪跡  
肇春秋姓字播寰宇孔道通晉秦要津走中土土人久  
茫昧誤指爲西浦予近葺西庄相距僅里許幽居景前  
徽投老念芳矩立碑誌道周寓目感行旅壯哉烈丈夫  
浩氣直傾吐謾謾松樹聲冥冥天際雨湍急響潺湲溪  
國朝詩的 卷之十六 江南 主

虎丘訪姜仲子

遊倦登臨日尋君到虎丘菊花潭水浸楓葉野雲留管  
樂真虛負蘇張豈易求此來重握手不用說沉浮

皖城夜泊

舟泊皖城友人餉予斗酒佐以銀竿於時月色  
蒼茫水天相接微聞遠處有笙簫聲洗盞斟酌  
竟忘水宿淹滯之苦喜而賦詩

皖城短棹泊江涯斗酒尊罍忽見遺閑處自傾銀鑿落

何人吹徹玉參差涼生衣袂清秋節風捲蘆花白露時  
碧漢無塵雲水濶却從天際憶鍾期

謫戍池陽同宗鶴問廣文仲氏子發登齊山限韻  
得年字

落落天涯已有年此來何計定良緣千峰樹色搖殘照  
萬頃湖光蕩暮烟景物足追陶栗里風流猶憶杜樊川  
可憐遣戍無歸路賦得新詩獨惘然

舟過梁山

兩山對峙是天門一葉輕舟酒一尊瞬息片帆行百里  
斷烟殘照隱孤村

國朝詩的 卷之十六 江南 主

昔年飄泊宿梁山秋老曾將桂樹攀買棹只今重過此  
空懷招隱不曾闕

汪洪度 子鼎息廬歙縣人

宿竹魚莊

莊居遠塵囂爲近黃山麓連夜春水生魚苗長成族籜  
解散清響蒙密不見屋客到莫嫌貧烹鮮看新綠

過泰山下

塵襟方偈仄無地寫沉憂爽氣來千里清光豁兩眸曉  
星催旅夢殘照冷征裘一壁三朝暮何曾離馬頭

登揚州城樓

江天殘夕照花底正清歌暮不停車馬春常駐綺羅燈  
看千點亂月果二分多幾度經烽火繁華一倍過

咏塵和王介甫韻

日把龜毛拂子持其如馬袞與風吹方將勢欲瀾空際  
那惜車難辨路歧耻聽沙場仍戰伐羞開匣鏡照鬚眉  
何當手挽天河洗解甲歸來勸酒時

訪屈翁山不值

萬里歸來路渺漫秣陵春草駐征鞍不緣朔漠風塵苦  
爲惜南朝故舊殘夢去頻煩通欵曲朝來準擬罄交歡  
空餘掛壁弓刀在猶帶飛狐雪後寒

國朝詩的

卷之六

江南

西

梅花

濕雲穿日上花鬚向背橫斜總畫圖酒半更深移深處  
不愁醉倒倩教扶

郭彭齡

商山廣陵人

小孤山

結綰疑無着托根乃至深大江環四面峭壁聳千尋雪  
暗僧歸寺風高鳥入林何時遊物外坐此滌塵襟

拜武穆王廟

每讀忠貞傳吾爲武穆悲身遭讒死日功毀就成時天  
意竟如此人謀適中之沙場存古廟瞻拜淚雙垂

江行兩月屢夢以甘脆進先嚴慈覺後悲賦

寒風細雨度黃昏江闊山空叫夜猿十四年中孤子淚  
二千里外旅人魂久悲呖帖成虛陟安望雞豚復逮存  
兩月江行頻入夢益知顛復有餘恩

有懷花月墅

墅在揚州城北之紅橋昔余讀書其中

孤館風清午夢遙關心舊侶在紅橋長隄傍柳春維舫  
小閣分燈夜聽簫花月幾年人淡宕江湖千里客蕭條  
何時更向郊園路竹杖紗巾掛酒瓢

過采石磯

山擁寒江雪浪飛千年勝蹟冷斜暉將軍當日真神勇  
國朝詩的 卷之六 江南 五

一躍能登采石磯

將軍謂明初常國公

馮唐故里

早年騰達古爲難莫歎馮唐老一官今我向衰猶作客  
斜風細雨拍征鞍

項綸

經士柏亭歙縣人

淮陰弔古

黃河自天來直入長淮口白浪響奔崖悲風連夜吼我  
來古淮陰登臺問釣叟在昔楚漢時韓侯稱善鬪秦鹿  
走中原得失由君手不思早自雄妄謂漢恩厚強敵既  
已破身亦隨其後漢雖薄待君君毋薄楚否一身事二

王卽此足我首人生重恩義一飯未肯負跨下既可甘  
噲等寧足醜才多識不足快快徒致禍劉季今已矣呂  
后亦何有不信荆通言終作功人狗

曉月

畫角聽初斷銀蟾尚自明照沙疑有色濕露怪無聲淡  
影留征袂清光落遠城遙憐此殘月頓起故園情

溪上觀松

溪畔兩三松交柯氣色濃何年棲鶴鶴長此臥虬龍斑  
駁霜皮古縱橫戈甲重只今風雨夜悲嘯薄秦封

汨羅江弔屈原

國朝詩的 卷之十六 江南

七

抱屈直千載何人知此心湘蘭春自發江草歲猶深濁  
世天難問孤忠日共沉獨憐遺恨處赤淚滿寒林

朝霧

一夜濃霜著處飛朝來霧氣欲侵衣行人盡訝鬚眉老  
野樹忽添枝葉肥驛路東深驢足滑茅簷寒峭幾烟微  
連宵酒薄衾如鐵何事酸風更肆威

和晏城店壁間韻

慣挾琴書愛遠游少年豪興總成愁一鞭殘月餘荒店  
幾處紅英落御溝待向三秋思躍馬還從五月學披裘  
狂呼斗酒澆胸臆收拾遺珠莫漫投

舟中託興

逆上荆門路檣帆蔽日高可憐游子夢頻逐慶陵潮

岳陽樓

千里湖山勝風光在此樓可堪兵燹後老樹向人秋

樊 瑩

次白儀真人

秋塞

大漠黃雲合驚風走鬻饑單于輕伺隙天子重防秋羽  
檄徵兵歇烽烟歛塞休平原空野燒較獵海西頭

送鐵夫和尚還焦山

孤雲隨意遠不肯落人寰野性寧諧俗高情願入山蟬

國朝詩的 卷之十六 江南

七

蛸人世促滄海鶴羣閒何日消塵累相尋水石閒

偕鹿牀玉亭春郊散步

風物羨江南年光月又三村墟生夕靄山郭冒晴嵐柳  
顰風餘態花嬌酒正酣共君徐步屨春好日須探

午日飲煦園齋中

長苦奔馳興欲闌孤踪遠地歎艱難故人短榻殷勤下  
賤子中宵夢寐安檐樹烏歸村舍暝山牕雨過麥秋寒  
朝來令節鄉愁劇白酒黃魚盡客歡

題叢碧亭

聞說當年構此亭高槐修竹傍簷青春深裙屐連朝夕

舊永笙歌逐醉醒嬌鳥艷花都寂莫美人名士亦飄零  
只今杜宇聲猶昔芳艸斜陽過客聽

趙虹

陸穀

嘉定人

許不棄明府畫竹歌

許侯富文藻一代稱名流作賦繼枚馬工詩駕曹劉丹  
青餘技亦絕妙畫竹直比文湖州隴廩之墨龍尾硯十  
丈橫披好東絹解衣握筯典方來自光爛若巖下電一  
筆兩筆初著葉三枝五枝復駢接千竿萬竹忽成林漸  
有微颺響騷屑猛然噫氣發土囊鳴條捲籜何其狂雷  
車疾走雨破塊春波決溜成汪洋貓頭犀角盡出土新

國朝詩的

卷之十六

江南

大

梢頃刻參天長有如蒼蚪初奮蟄天矯蟠空千百尺亦  
如十萬丈夫軍甲刃縱橫列堅壁須臾風雨聲皆息但  
見清光淨如簀簾鈎不連篆烟清四座傳觀猶辟易羨  
侯筆力何豪宕變化縱橫千萬狀一心自可爲天倪八  
法相生隨意匠侯也善畫非畫工高懷曠度常淵冲虛  
心直節凌雲氣自謂此君與我同卽今露冕來吳會善  
政宜民歌豈第函牛巨鼎聊烹鮮百里先霑太和味從  
來劇邑致治難長官恒苦蟲負山侯獨有刃解錯節縱  
處冗雜翻清閑公餘時復弄筆墨應人徵索不少慳愛  
竹寫竹有成竹絕去町畦略邊幅岳牧咸欽傲吏風州

民或作神仙目會心常在水雲鄉瀟湘江畔簞簞谷

遊仙曲

牛有八百里駿馬有千里之蒲梢駢我車兮去儵忽髣  
髴掣電追風颺九州彈丸一黑子曷足供我之遊遨我  
將東尋祖淵不死之藥草弱水續斷之鸞膠服之輕身  
生羽毛排神馭氣凌九霄西行瑤池謁王母噉我翠水  
千年桃左右仙子衣薄綃望若烟霧隨風飄親啟玉齒  
勸金膏災風笙兮彈靈璫邀取周家穆天子載賡黃竹  
白雲謠

典琴

國朝詩的

卷之十六

江南

九

緊爾焦桐尾知爲雷氏琴却憐千載物僅博一環金恨  
逐昆鐘斷悲同泗鼎沉冰絃不再鼓山海寄遐心

揚州

淮南名郡最繁華烟月重城百萬家豪客春衫九疊馬  
佳人冶袖七香車雷塘有冢生青艸板渚無波蘼白沙  
莫唱江南舊時曲銷魂愁見落楊花

岳王墳

恢復中原誓不難靖康何意竟偏安渡江帝子羞泥馬  
賣國封書秘螭丸忠鯁旋聞疎趙李英雄况復失張韓  
六陵陵樹冬青盡只有南枝尚帶蟠



于忠肅公墓

桂宸虛無山月高靈旗彷彿降飄飄積淚血雲陽市  
青史傷心景泰朝萬死孤臣扶社稷千秋大義炳穹霄  
錢唐江上鳴奇策特爲忠魂鼓怒潮

陳宮

桃葉江邊逼鼓袍君臣入井笑黃奴啼紅洒盡燕支血  
得似蒼梧帝子無

三閭風流屬內家清歌猶憶後庭花當時最恨韓擒虎  
忍向軍中斬麗華

王文師 鶴阜廣陵人

國朝詩助 卷之十

主

隴頭吟

隴阪九折如迴腸隴水四注何湯湯野樹蕭條枯草禿  
征人銜悲思故鄉故鄉萬里真迢遞舉頭盡是雲山蔽  
少壯離家老未歸音書久斷空流涕朝朝暮暮邊營中  
鼓角聲哀出夜叢古詩云寒聲起夜叢五更孤雁鳴殘月三秦鐵  
騎嘶悲風古來攻戰無休息誰立中原第一功隴頭樹  
那堪盡日頻回顧隴頭雲悔教往昔學從軍君不見年  
年隴水常鳴咽猶帶征人淚與血

曉行與野老閑話

繫馬垂楊下相逢野老家不須通姓字且與話桑麻宿

鵲籠深樹朝烟匝亂鳴行行復回顧殘月影猶斜

和吳蘭次太守移居北湖原韻

茅茨結屋竹編籬小院風和日正遲無限溪山逢舊識  
有情蜂蝶引新詩林中雨過鋤花處湖上雲閒放鶴時  
信步行吟來往便角巾藜杖少人知

題宮詹高公北墅

溪雲深處綠成陰百畝園亭俗不侵水曲山欹多勝槩  
鶯啼鵲啖有清音半窓竹影容高臥一縷茶烟入醉吟  
謝傳怡然永晨夕幽情時復寄鳴琴

寒食前二日途中作

國朝詩助 卷之一

主

輕風習習暗吹衣一派春潮振柁歸客路又逢寒食近  
人家羣放紙鳶飛烟開忽送山容出雨過能抽麥葉肥  
何事江干獨惆悵梨花寂寞杏花稀

白德馨 上聞江寧人

晚抵葛城

薄暮雲山路南譙異北譙柳陰垂斷岬溪水咽荒橋野  
店旗初落江村火未消客途多寂寞獨賴酒盈瓢

十月望日載酒清涼臺

數里清涼路相違忽半年清尊開薜荔紅樹隔江天葉  
落千峰響雲深一徑穿莫愁歸路晚今夜月還圓

寄鳴因寺惟上人

方外交遊獨有君天涯常憶惜離群  
數莖病骨秋山瘦一點禪心活水分  
蕉葉批殘三徑月墨池染盡半溪雲  
何年再放山陰棹乘興來書白練裙

題友人莊園

愛汝山莊景獨殊客來身在輞川圖  
白雲滿徑樵初過黃葉敲門鳥亂呼  
林際疎鐘傳古寺溪頭潦水浸荒蒲  
孤亭縱日斜陽外雁陣橫空忽有無

劉必暉 蘆渡江寧人

清江臺看月有懷

國朝詩

卷之一 江南

圭

嵐氣陰陰夕未開好乘新爽共登臺  
短筇隨磴穿雲去明月因人過嶺來  
露冷尚披秋半葛鍾殘肯放夜深杯  
還思舊日同遊者淮海青徐去不同

登吳山懷古

霜落吳山秋氣清笳鼓登處喜新晴  
朝暉寒映千林色秋籟遙連萬壑聲  
南渡故宮看牧馬西泠芳樹待啼鶯  
只今惟有錢塘水潮汐年年傍月生

許信瑞

舜符江都人

遊仙曲

瀛海九州外中有祖洲山馳情結寐想  
髣髴遊其間嗟

峨金銀闕窈窕白玉欄仙人鍊金鼎  
絳雪凝神丹一粒儻可餌千載長駐顏  
何爲苦珍秘載拜不可干世網一以  
隨靈境無絲攀乾坤甚偏仄拒觸多  
悲酸終當求服食散髮栖林巒雲中  
見雙鵝羨爾凌霄翰

同人宴集員氏水榭時重九後二日

不負登臨約還如秋稔辰葉聲疎似  
雨菊影澹于人醉把青荷葉涼欹白  
疊巾高陽徒侶在泥飲不辭頻

夜合花

一樹濃陰拂檻齊玉繩低轉月初西  
紅英裊露垂垂卷翠葉臨風冉冉  
低舊恨廬江飛孔雀新懽東閣點  
靈犀

國朝詩

卷之十六 江南

圭

麝煤試蘸鴛鴦硯誰把香蘇好句題

題汪民長先生水邨圖

舍南舍北盡陂塘水木清華映艸堂  
細雨一犁春播穀晚烟千頃夜鳴榔  
詩成拂紙紅藤滑茶熟瓊瓿綠雪香  
長日如年閑抱膝桐花吹落滿繩牀

秋柳五首 選一

一瞬暄萋變歲華蕭條不似舊天邪  
清霜縞素三條陌落日昏黃幾陣  
雅汴水有人思鳳艸西陵無路遇  
銅車東風取次陽和轉更覩輕盈  
撲面花

黃友均

五城江都人

登雞鳴山

上竹亭似梁同泰舊基山腰迤邐即臺城明初易今名

攬勝崎嶇想梵宮周遭縱目思無窮臺城蹟向靈山繞  
同泰身隨幻影空蒼白片時雲變化鬱葱終古氣沉雄  
鳥聲幾處吟殘照多少興亡指點中

王文樞

清岳廣陵人

野望

盪胸天宇濶身在碧雲間雨長雷塘水烟開瓜步山空  
林羣鳥亂野渡一僧還更愛蘆深處漁家半掩關

冬日角里莊即事分庚尤二韻

選一

暫却塵中事閑尋野外遊輕烟開遠岫殘日上層樓桑  
園朝詩的卷之十六江南

青

柘霜天落禾麻晚日收田家菜根美何用羨珍羞

九日華山俯雨

欲陟層巔放眼開積陰難上拜經臺秋鴻陣亂凌風去  
老木聲酣戰雨來銅殿午餘收霧霽石壇行處濕莓苔  
黃花時節登高日只少東籬酒數杯

殷與慶

江都人

陋室詠懷

僕本恨人端居不憚秋冬之際尤難為懷偶有  
所觸輒成短詠共得十首

選四

名經千佛本荒唐焚硯燒書設激昂一事驚心惟白髮

吾生得意在黃梁共言南浦多芳草不信東籬有晚香  
短景何須愁刺促醉鄉日月十分長

名山志業竟何如誰道窮愁可著書緘口斯為真學問  
藏身那在恩樵漁禪叅無字消殘劫話到忘機遇古初  
幾覺人間蕉鹿夢總輸莊蝶樂蘧蘧

研朱點易玩辭占咎悔機深貴急託每以盡言招妬忌  
却因無競得安恬涉叩孰肯資舟楫將伯誰能慨金醫  
身世茫茫徒自笑譬如啖蔗幾時甜

隱几中有百感興紙窓竹屋耿寒燈看人絕類經霜鶻  
頭影差同被凍蠅故態有時呼嘆暗殘年鎮日醉曹騰  
國朝詩的卷之十六江南

青

門前剝啄憑來客僕病後巡謝未能

歲暮懷人

十年重作燕城客吟過春城皂莢橋與盡剡溪逢改歲  
打船風雪晚蕭蕭

張漢瞻歸嘉定

久留知戀武昌魚相憶曾無尺素書為寄當歸作慶語

故園已是早梅初

張仲醇兄弟客楚未歸

題祀庭太守清江鶴舫圖

北府由來勝槩多綵光千頃感鱗波使君拙郝清吟處  
天際微峰點黛螺

答蕉飲給諫見懷之作

應劉聲望總成塵謝草江花幾輩新若向孤蘆問僑盼  
廿年前已不如人來詩有蘆僑札語

王文奎 東宿江都人

自清涼山下至烏龍潭復尋朱氏林亭

登臨蠟阮屐此生當幾兩高整折角巾瘦捉枯藤杖白  
門號幽偏菁葱疊巖嶂禪閣落鏗鏘清磬淨諸妄鳥道  
下雲竇龍宮閣秋漲柳風殘白蓮家家屋如舫忘言愜  
心賞晏坐松根上短垣終山腰翠嶺橫衣桁寧須問主  
人看竹恣吟暢斜暉淡遠峰長江望滉潏林臯隋宿羽  
樵響各漁唱何緣此結廬人境渺塵埃

國朝詩印 卷之十六 江南

三

驚鋤軒黃山四松歌爲程若菴賦

瀾漫雲霧蛟龍翔拳攫百丈蟠中央倏忽潛形托池沼  
不辭尺蠖相頡頏何年幻爲億萬樹長身勁節森岩岡  
黃海青峰三十六小株倒掛偏蒼蒼帶石移根昔輦致  
幾經歲月凌雪霜入門問訊無恙在奇而古者凝脂香  
一株勢仰一株偃更有屈幹三尺強從來神物世罕覯  
取非其有恒催傷憑依呵護獨華茂宛爾四松暎帶乎  
草堂秋容慘淡天宇肅碧花紅穗鳴寒蟬小山磊砢復  
明淨老柯低蔭生幽光撫茲盤桓颯然自蕭爽何必傾  
耳白猿叫嘯丹臺傍勿以盆盎疎隄防鱗甲欲動鬚鬚

張只恐橫窗風雨狂雷砰電射勢莫當奮然一躍齊飛  
揚

贈習師

舟作數椽屋溪爲千頃田藤灣成小住荻港寄高眠  
菜和羹滑鱸魚適口鮮興來還打漿沽酒白雲邊  
初冬集家樓村殿撰公鴻柯草堂二首 選一  
西崦斜陽墜晚紅一庭寒影月如弓早梅詩興追何遜  
舊雨交情勝孔融滅沒征鴻投暝色參差殘菊試霜叢  
坐中亦有思歸客剝取談諧文燕同

雨後廿四橋晚眺

國朝詩印 卷之十六 江南

三

何處吹簫不可尋黃園紅綳劇駭駭踏翻艇子鶴驚起  
一抹蘆烟秋水深

賣花翁

壓擔紅芳照鬢絲街頭春雨乍晴時賣花聲過疎簾捲  
別有臨風荳蔻枝

曹自天 天申廣陵人

茱萸灣暮歸

落日影參差寒原歸屐遲風凋烏柏葉鴉占白楊枝鐘  
磬鳴深麓樵漁醉短茨津頭招渡子賈舶息檣時

正月六日四弟同遊漫成

江城雲物麗初春兄弟行吟過水濱  
買醉恰留山外肆  
論閒多共曉間人凍融蹊徑沙痕暖  
日映昨茨野况新  
入市更看花事早  
梅英蘭箭競芳辰

劉宗濤延壽典化人

登振衣亭

侵晨窮勝覽窄磴逼高真  
望去疑無地到來仍有亭  
江帆晴外白閭嶠霧中青  
千里凭欄見纔令倦眼醒

雨阻瓜洲

雨過氣先秋潮來水逆流  
一江如湧雪五月欲披裘  
野店吳中釀鄰船塞上謳  
金焦都在望今夜夢先遊

國朝詩鈔卷之十六 江南

文

重陽前二日繆函九自西村歸

旬餘酒興幾曾豪忽報河干泊  
小舸注念特分新釐米  
破愁亟命旋筍醪青燈瑣屑垂  
紅穗烏几岐嶒疊紫螯  
觀穫早歸緣少雨不教羈客獨  
登高

角里莊讌集

嵌空置閣枕風潭天影波光映  
倍藍網起鮮鱗烹亞飯  
淪來芳茗散餘酣略裁苛禮非  
關嬾但坐名園未免貪  
飄下木樨深處露衣衫  
詎旦有香舍

韓嘉賓暹莊丹徒人

新晴和韻

獨得新晴趣無人破曉苦飛花  
沿席繞好鳥護巢來滴翠  
羣峰注浮青野漲開臨流冲澹  
意付與暗香梅  
故知三日雨粉飾爲蒼苔  
簾響風初靜林空月欲來  
魚行驚菓落鳥睡觸花開  
莫謂遊心懶春光早見梅

寄蘭陵詩人劉魯山

強點紅脂愧昧真白雲輪却自怡  
神蕭齋清灑惟高枕  
畫舫逍遙不問津未免鵲鵬分  
異狀差同蕉鹿久迷身  
他年莫訝題凡鳥從此嵇康是  
故人

管弘進扶青江都人

哭伯兄竹巖二首

國朝詩鈔卷之十六 江南

文

頃篋幸結此生緣執手相依四十年  
只道陽春迴六琯  
誰知長夜閉重泉病追舊雨深秋  
約死刺新詩到處傳  
季秋孫君永公以小照屬題  
兄力疾作詩貽之  
痛絕三升聊酌酒可能涓滴勸  
兄前  
兄才爛若披朝錦抱質清奇更軼羣  
歿後衣冠留古製  
生前富貴等浮雲  
怡情愛插籬邊菊  
好學閒搜夢裏文  
兄初冬夢侍張述園先生  
作時藝一篇尚論之娛  
期我青雲真有負徒悲鍛羽  
淚紛紛

春日陪李省三明府郊行口占一絕

澹烟輕靄擁雲軒  
出郭三峰次第青春雨  
一犁山鳥亂

放衙先上勸耕亭

汪 荃 民長揚州人

二月三日登平山泚舟二首呈同游諸先輩

園林初響護花鈴  
新蹋苔錢似錦萍  
宿雨偏教山路暗  
春風已放柳條青  
塔連江浦開橫卷  
雲寫烟嵐作畫屏  
二月三如三月裏  
未殊咸集在蘭亭

綠浪紅闌白版船  
玉簫金管坐中天  
長橋跨水風聲靜  
老樹穿波日影圓  
著眼看花疏竹外  
停橈買酒淺流邊  
慙吾小戶曹騰甚  
醉眼聊伸童子拳

顧紹敏 嗣宗長洲人

國朝詩約 卷之一六 江南

擬古

梧桐高百尺  
綠葉紛沃若  
清霜淒以零  
華澤微銷落  
寒蟬啼北戶  
流螢度西閣  
客子中夜悲  
念此衣裳薄  
非爲衣裘薄  
感物增蕭索  
寥寥隨鴈矯  
矯青田鶴  
鳴飛不同群  
所謀各有托  
明膏理墳索  
有道在葵藿

宣德壓經鑑歌

宣宗御寓承平中  
皇明初葉年屢豐  
九牧貢金走筐篚  
三楊調鼎方和同  
天子無爲愛賞鑒  
垂衣端坐乾清宮  
尊彝錯列不知數  
商周法物光能照  
詔徵巧匠集闕下  
鑄鼎象物傳司空  
六丁揚炭寶光發  
天女鼓鞀銀河鎔

螭頭象鼻造化出  
馬蹄魚尾形模工  
就中品格最古雅  
歷經小樣蟠雙龍  
爾時宣皇事釐祝  
瑞壇奏樂來天風  
調笙按拍步珠女  
開函散帙排金童  
黃庭諷罷羽衣散  
都梁初熟鑪微紅  
吾家傳此自曾祖  
珍重直比球璚琮  
癸敦丁酉非我有  
博山金鴨猶爲庸  
但願子孫能守壁  
不教盜竊隨遺弓  
君不見三百年來  
誇骨董景陵銅馬  
埋榛莽

菖蒲潭訪絕山上人不遇

莓苔銅井綠西下  
菖蒲潭芳草迷行  
屐梅花覆小菴白  
雲疑度澗香氣欲  
浮嵐不遇文殊老  
牽門上竹籃

國朝詩約 卷之一六 江南

日際寺

古寺覆黃葉  
山門渡石橋  
種茶侵鳥道  
煮蕨酌僧瓢  
雲磬聲初歇  
風幡影自飄  
空山秋颯颯  
落日下歸樵

秋夜聞笛有懷

雨過秋堂夢不成  
旅人獨坐夜淒清  
竹梢露下鶴初警  
牆角月明蛩有聲  
舊恨每從燈底得  
閒情只向笛邊生  
誰憐一掬窮途淚  
獨有陳留阮步兵

郭 泓 秋滿江都人

中元坐月

天亦憐佳節  
宵來特特晴  
風吹荒院冷  
雨洗一林清  
孤

客誰相伴空庭月自明欲眠眠不得百感一時生

錫山舟中坐月

細煮山泉興轉幽柳陰深處且停舟一更之後月方白  
七夕已過天早秋曲轉歌喉羣籟息雲開水面衆星浮  
詩情酒思誰能減似此風光未易酬

虎丘寓中次韻

七里塘西虎阜東小樓簾捲坐秋風名山常共千年月  
霸業全歸午夜鐘自古繁華同寄客此生踪跡類飄蓬  
與君莫話興亡事但付詩瓢酒盞中

東園八詠之三

蕪城東去三里喬氏園亭

國朝詩例

卷之十六

江南

三

迴廊繞遍路西東整日看花興不窮更傍小橋幽處轉  
几山亭子半凌空

張師孟

象巖江都人

擬古

我欲登泰山泰山鬱崔嵬上有日觀峰縱目窮八垓鷄  
鳴夜未半赤日海底迴波湧黃金輪劃然天宇開俯瞰  
塵埃內昏昏何知哉夢魂戀衾枕蝱穴酣如雷

宿焦山與笠上人房

薄莫登山寺禪房半掩扉鳥栖新月落風急晚潮歸水  
族深潭隱漁燈絕岬微江聲雜鐘磬來與夢魂依

阻雨謝師塘望廬阜因懷璧公

石瀨舟難進人烟積雨中山荒鄰虎近犬瘦識村窮  
世懷宗測逢僧問遠公幾年邦水別江上杳詩筒  
王應元 雲書天瓢休寧人

南莊晚望

迷離望不極一抹草芊芊細路雲生履春溪水拍天山  
光何自落樹老不知年欲掉烟波去無人共釣船  
遊漢陽江氏別業

輕雲漠漠晚烟疎渾似吳興永竹居千點蓼花紅隔岬  
一痕山色翠當廬自慚蔣翊成幽築空憶虞卿老著書

國朝詩例

卷之十六

江南

三

醉倚夕陽無限思嘹唳何處雁聲初

春日與史碩冶過城北鐵佛寺

狂夫愛與遠公期拄杖經行路委蛇的歷堊花欹曉露  
離披芳草弄晴姿鳥聲穿樹清陰合僧伴看山夕照低  
回首荒烟籠淡月却教歸意故遲遲

早春登平山堂汲五泉試茗

獨立空堂望遠吟岬花原草見春心荒臺淪茗孤懷冷  
古木留雲半榻陰雨脚初收留夕照晴嵐遮斷失疎林  
蒼茫何處雷塘路樵牧如今尚解尋

鄭基

周伯明同微州人

江上夜行

孤舟連夜發客興更悠然秋老蛩聲咽江平月影圓漁  
燈亂浦外野笛起洲前對此渾難寐長歌獨扣舷

喜焚野漁過訪

四十年來意味真白頭相見更情親論心五夜平分榻  
卜宅何時共結鄰故國未偕歸隱計天涯同是浪遊人  
多君命駕來千里供給蕭然愧海濱

蕪城懷古四首

選一

扶疎新綠散晴霞策杖行吟逸興賒莫向玉勾斜畔去  
鷓鴣啼落野棠花

國朝詩的

卷之一六

江南

詩

姚恭

榜舉江都人

遊狼山

斧劈危巖峻天昏大海雄米顛題第一舍利塔凌空路  
絕松杉引門局石罅通狼山具五勝茲寺在其東  
曲折疑將盡捫蘿路又開一亭叢怪石萬樹隱高臺忽  
聽鐘聲落誰分鳥語來暗香時觸袂亂摘野花猜  
樓榭結山腰行跡入望遙空廊僧獨語古木暑全消雨  
過泉通寺風迴海落潮振衣升絕巘好月更相招

項善辭

燕達歙縣人

都陽阻風

朔風吹不息百里若天涯獨對賓鴻陣相依漁父家是

山皆故壘有樹只棲鴉聞道仙源近揚帆好放槎

項

煦 蔡光歙縣人

泰安道中

幾疊晴嵐裊碧空迴巖抱嶂影難窮人家隱見炊烟裏  
山色參差夕照中遠浦有情雲補樹長亭無賴柳搖風  
今宵且覓孤村酒贏得征途頰颯紅

古

典 慎五勝樓江都人

題虎林僧壁

禪關閑無人孤客寄行旅落葉走空庭蕭蕭來暮雨兀

國朝詩的

卷之十六

江南

詩

然欲生愁風搖塔鈴語

蜀岡秋望

縹緲孤樓上凭闌得大觀亂松欹古色一雁落新寒江  
入淮流細岡迴蜀道難生悲漫作賦長嘯下雲端

東黃尹東

聞道謝康樂時時茗霽間酒酣扶阿段詩好付嬌鬟江  
左一痕月淮南千萬山懸知遙念我岑寂閉柴關

有感

卽有狂夫不憶家僧寮涼夜撥燈花到來濃綠曾雲外  
歸去疎黃應水涯千里足銷枝指意一生能幾二毛嗟



此情未易從人覺太瘦銀蟾窺破紗

逢山陰符幼魯

深秋作客何羈遲瘦馬屏僕爲世喟落葉滿街那稱意  
斷雲千里誠有思逢君不異山陰會令人直思河朔卮  
平生但願一知己肝胆相披非所辭

朱元鎮 禮山王亭欲縣人

同樊野漁洪耘谷春郊散步

放眼春光好天桃已逗紅遠峰衝落日弱柳受輕風野  
外閒啼鳥溪邊聚牧童共君徐步屨酌酒坐花叢

寒夜酒醒口占

國朝詩的 卷之十六 江南

三

酒醒梅花檻外寒清聞竹韻響琅玕榻餘燈影垂花炮  
牕送鷄聲叫月殘孤枕半欹人悄悄空齋獨宿夜漫漫  
可知多少銷魂事舊夢依稀欲續難

秋夜寄懷湘南友人

秋風蕭瑟動殘陽滿眼雲山客思傷花影半階吟未就  
蟲聲四壁漏初長誰家玉笛吹明月何處寒砧搗夜霜  
幾欲寄懷憑尺素故人間已下瀟湘

孫人俊 楚英休寧人

竹鎖

壯哉管籥名來自簞簫谷脫體不從金分身聊借竹雕

搜巧匠專玲瓏此君獨望重近銅龍神清宜夏屋朝昏

守北門位置配書籠愧乏五經笥對之徒捧腹

王旭 旦升鹿柴欲縣人

山居感懷

木落關山歲暮時風雲萬里憶京師著書獨惜與卿老  
懷古猶含庾信悲海郭清砧寒夜擣山樓短簷漏深吹  
江南秋水平如鏡只恐無人照鬢絲

項道皞 東馭欲縣人

促織

苦雨驚淒切秋風夢裏長只緣砧杵急更帶漏聲忙野

國朝詩的 卷之十六 江南

三

店依殘月空齋伴曉霜征夫歸未得夜織最難忘

九日郊行

酒旗搖漾小橋東度竹穿林路不窮村畔人家驚野火  
塚邊翁仲泣秋風生憎城北柳條白空憶江南柿葉紅  
極目黃花裁欲徧滿天斜照度飛鴻

吳之烈 怡紹古歙人

暮春偕友過雨花菴

支公習靜處我輩亦來過小院閉清晝幽龕隱碧蘿坐  
分香茗好行踏落花多古渡橋邊水春風感細波

偕諸同人遊福緣禪林復至清嘯園小飲

相攜步屨出邦關渡口風輕白晝閑特叩禪扉聊入社  
因尋酒肆共開顏籬邊嫩竹抽新葉野外高雲帶晚山  
日落漫愁城市遠須拚一醉倩扶還

張偉烈 效天居果人

雨花臺秋望 同責胡諸子分字

極望晴嵐暑未消白雲流水共迢迢天花頓令塵心淨  
桂葉頻將好句招梵宇黃官分逸韻紫山金塔競高標  
相看未厭遊人目萬縷炊烟上日腰

賦得山園故國周遭在

石頭無處覓重關淮水灣環日夜潺桃葉不知何處是

月寺詩

卷之六 江南

支

錯將遠黛作螺鬟

夏聞善 大士高郵人

漢江晚眺

江勢約奇變微濛若可牽日斜虹劈雨烟合水吹天塔  
幻孤青直帆澄亂碧鮮炎熇浴秋氣樹樹走鳴蟬

夏人淑寓鄭齋留宿

絕不投君刺因詩一破顏松雲盟舊集

人淑舊刻 松雲集 黃鵠

起新山月好似相識烟深憑欵關燈花嚼千古嶽筍未

凝頑

顏不疑 卓如懶備饒真人

觀文老與劉朱二公奕雨中作

麥秀生寒開練花敗垣頽屋午烟遮榆錢聚散難爲富  
燕語興亡記幾家輕蝶翩翩惟趁艷薄雲狼藉不依沙  
爛柯笑我無仙骨反覆枰枰日未斜

爲黃鈴部題黃雪山房

聞道爲園汶水陽槿籬新插間垂楊和雲移石偏憐瘦  
帶雨時花不斷香隨意樓臺皆壯麗合宜竹樹自蒼蒼  
烏皮几淨明窓下酒滿蘭樽書滿牀

韓文元 大士丹徒人

和錢牧齋葺城詩兼次韻

蘭蘭詩的

卷之六

江南

支

聞道盧溪退隱家新成蘭室薄雲餘已障翠帳遷江扇  
竟謝黃鸝油壁車鏤管馬肝供畫黛繡屏鳳蠟醉流霞  
莫愁久識檀郎面古豔休磨土鋪花  
三重阿閣綺窓深松栢西階綠陰睡鴨奇香來異域  
盤雲雙帶結同心金壺啓漏妝鴉髻錦瑟閒調試鳳音  
珠箔防風荀令巧也知珍重辟寒金

張則之招集培風閣限風字

傑閣崢嶸市井中南山臨檻北窓空義皇有夢蜉蝣拙  
巢許無心鸚鵡工鳥帶殘霞知向日樹遮碎錦獨當風  
靈梭已破陶家去枉托鱗鴻寄阿童

程嗣真 元模江寧人

客中書懷

自負青春好誰憐行路難家隨殘夢遠心與斷鐘寒  
桐繁然將盡珪方削豈別異鄉花漫發強笑一成歡

淮陰送家暘村歸白下

又是征途別飛花愴客魂釣臺春艸合淮水夕陽昏  
書劍長關塞飄零暫酒樽明朝歸棹遠悵望復何言

汪 昂 文山泰州人

詠懷四首 選二

王令美珪璋敬則舞拍張同日拜僕射龍豬不相當貴

國朝詩的 卷之一 六 江南

四一

者恒自貴豈必由文章賤者恒自賤豈必皆愚狂鸚鵡  
巧能言羈紲籠中藏鷹隼乏羽儀一舉九天翔

男兒須富貴富貴須少年不爾紉遭際便當求神仙西  
登太華頂南陟羅浮巔神尻跨瘡虎滄海看桑田安能  
日刺促屹屹窮殘編頭童兼齒豁無人共周旋

東溟道中

一入東溟路風光便不同兒騎牛背上車過水當中  
白板扉雙掩黃茆屋數叢最憐衰草外霜葉夕陽紅

寄懷俞棠邨之姑蘇

雁聲遙落水雲鄉此際懷君道路長何處青旗沽酒店

誰家紅袖校書堂飲殘簾外三更月夢破階前五夜霜  
莫忘故人情悵惘早梅須寄一枝香

國朝詩的江南續編目錄

卷之一

季載可	十首	季堪倫	六首	錢青選	四首
熊維熊	二首	馬書思	二首	馬星	一首
吳煊	六首	汪應庚	四首	袁爾職	一首
宮懋教	一首	朱夢蓮	一首	魏嘉琬	八首
朱廷鑑	二首	保培源	一首	保疆	一首
朱學漢	四首	沈珍	三首	蔣弘度	一首
許錫齡	二首	解鼎基	五首	戴元慧	一首
江元琦	一首	楊幹	一首	汪修文	一首
陸鏞	三首	黃正超	一首	伍起	三首
張元進	三首	程光奎	一首	江鑑	二首
李聚五	二首	楊正極	一首	史秉中	一首
吳弘紳	一首	許建華	三首	魏蕃	二首
孫西琳	一首	孫西瀨	三首	宮懋德	二首
吳世尙	二首	葉振玉	二首	徐璞	三首
劉夢芳	二首	葛天民	二首	金澤茂	七首
卞占五	三首	柳槐	三首	江棟	二首
楊九霞	二首	于璿	二首	汪起	二首
吳山玉	七首	郎遂	三首	李夢熊	二首

以下原缺

國朝詩的卷之一

長沙陶煊奉長選

同里張燦豈石同輯

江南

續編

後到者俱載此編

季載可 四首 寓泰州人

擬古二首

翹翹松與栢托根山之阿歷年固已久枝葉何婆娑章  
迺附其上名之曰萬羅同爲天地生胡然仰于他士行

國朝詩的卷之一 江南續編

貴自立母爲君子詞

有馬事馳驅青絲黃金勒負重不致遠終爲駑駘質何  
如神駿資千里輕一夕困此風塵中而鮮遭物色遇合  
寧足傷所貴在傑出仲尼大聖人所以滋歎息

早春行

流光駒眼如掣電驚心時序易遷變東風一夜暖茅簷  
又看梅花爭雪片年復一年春復春輸他農圃事耕耘  
坎壈纏綿無日已大都事業誤儒巾君不見春光早沿  
溪逐漸柳啼鳥雙柑斗酒會乘時等閒莫放鶯花老

杏花

一番風信至幾樹杏開花處處添春雨村村燦晚霞輕  
紅經燕剪嫩白入蜂衙上苑慚空約誰憐老髮華

秦潼

三春人作客一葉艇爲家旋汲溪頭水來烹雀舌茶漁  
船泊岬村樹雨棲鴉展卷悠然坐瓶梅自落花

別舍弟二首

輕裝檢點向天涯此夕心酸遠離家夜雨半窗悽蟋蟀  
霜風一櫂冷蒹葭浮生麗技終羞拙世路羊腸舊識賒  
明日飄零身是客孤吟江畔悵黃花

客邸秋花縱可看何如兄弟共憑欄地無計縮能忘遠  
園朝詩的 卷之一 江南續編 二

天不容閒肯放寬片片斷雲孤雁冷離離衰草鵲鴿寒  
人生飄泊真無味羨爾悠游把釣竿

早春

雪剩茅檐冷未消野人擁褐坐無聊樽中綠浸葡萄熟  
爐內紅添楮袖燒老鬢自羞遮破帽壯心欲嘔入詩瓢  
閒從竹裏開三徑只有羊求客可招

春光又見到柴扉我未更新仍布衣書殘編非善策  
棋爭敗局是危機項緣入世強撐骨腰豈哦詩瘦減圍  
第一番風花有信雨催梅蕊綻紅肥

板扉靜掩日傭書老識心情已淡如午焙茶新留宿火

冬春飯軟佐春蔬排天北雁聲歸急橫月南枝影弄疎  
我欲學農兼學圃門前隙地儘堪鋤

李堪倫 小石伏堂泰州人

方銅餅歌

千金買良田萬金買高屋幾家冷朱門幾家朽紅粟嗟  
哉古銅瓶置身非空谷春來秋去鬻街頭不遭往者來  
者一屬目子偶邂逅愛隆崇輕摩緩拂班重重匪由狡  
獍賈兒之粧飾天然翡翠丹砂紅此餅古人貯菁草近  
日不多見者少買田買屋多黃金握金相對豈云好我  
欲買瓶家復貧家貧把玩空愴神展轉無計向誰語不  
聞朝詩的 卷之一 江南續編 三

如解衣質比鄰我不問匱匱之何代與何年我亦不問  
聲價之值萬與值千但得賞心還賞目鄭重恰如商周  
之彝鼎與瑚璉山妻不解其中意翻笑書生昧時事一  
年不雨禾已死四壁生風冷又至不獨兒女嘆無衣粒  
米如珠事事非得餅折花養其中對之可能驅寒與療  
饑山妻斯言固當爾亦知我生平之志量田任荒蕪  
屋任歆對人不作攢眉狀非徒玩物以適情祇緣所好  
各有向於今世道愛圓轉我愛此餅獨方樣須知我亦  
方樣人時宜不合久見謗餅兮餅兮幸無恙

溪梅限韻

愛此水清淺橫斜盡綠波影常迎客棹香只染漁簑孤  
瘦受風慣清寒得月多應嫌塵事擾蜂蝶漫來過

冬夜雨中喜翁子齋堂玉行枉顧小集分韻

同登小閣放高歌屋角烟凝暗薜蘿幾日寂寥詩思少  
一庭蕭瑟雨來多酒沽野店衝泥去蔬剪山畦帶溼過  
寒柝任他催戶外狂來不問夜如何

春殘次家四兄陰四原韻

桃花落盡柳花殘又見庭前放合歡半榻風迴驚午夢  
一簾雨溼怯春寒不堪遙集囊常澁自覺休文帶欲寬  
莫道貪遊常秉燭韶光九十指輕彈

國朝詩的

卷之一

江南續編

四

寄姑蘇顧俠君嗣立太史

阿瑛高曠近如何聞說評詩臥薜蘿鵬倦應非修羽翼  
鳳饑知是避憎羅人生僻海才原少夢渡寒江路不多  
笑我年來疎懶甚百花洲畔幾時過

海濱白社幾人存

謂陋軒仙裳孝咸西齋  
勿齋大村恕堂諸前輩

剩得吾家老

弟昂

謂家

陰四投刺客來旋下榻送茶僧去便關門看他遠

岫雲千疊照我空梁月一痕有句寄君君莫笑居難居

易任評論

文堯訪我過東溟

謂翁齋堂

會說雕胡滿洞庭飯母當年惟

養志課兒終夜祇傳經頭生鏡裏無窮白眼放人間有

限青準買來春江上棹間丘西去叩朱扁

錢青選

漢儀大樽秦州人

柳溪泛舟

扁舟如畫裏曲折度清溪點水新蒲弱拖烟細柳低鳥  
聲喧竹塢人影亂花蹊光景誰收拾都宜入醉題

春郊遊望

野岼風微日半曛江梅江柳鬬繽紛佳人翠袖迷燕色  
公子金丸趁鳥群水郭漲添初歇雨山家路轉欲生雲  
歸途留戀君無笑薄暮流鸚樹杳聞

秋初泛舟至崔丈菊裳柳村

國朝詩的

卷之一

江南續編

五

一路秋容棹屢停蓼紅鷺白遍沙汀鳥喧密樹村將近  
犬臥疎籬戶不扃好景轉教勞刻畫重遊何事費叮嚀  
登舟已是如泥醉還遣奚童挈酒餅

美人垂釣

枚罷臨淵立芳心不在魚得時却珍重恐有寄來書

閩門當壚女

酒味似情濃酒香亦暗通少年他不飲故故勒花驄

女姓名不傳

熊維熊

偉男淮南人

晚行滁州山中

隔嶺穿簷觸亂烟與夫眼疾道如經月猶未晚痕無定  
山欲生雲體乍連飛鳥急鳴烟裡去明星先自水邊懸  
醉翁已醉無消息慙愧空山咽暮泉

金山月夜同吳子方言家季亮武登黃鶴飛來處  
隨月上高臺江流半夜迴一峰青欲歇何處笛頻催黃  
鶴遶孤塔白雲橫古苔不堪久佇立疑有列仙來

馬書思 笏陳州城人

遊江西

乘興移舟訪北蘭寺門沙蹟接危湍林深日暮歸鴉亂  
亭靜風生老樹寒列岫翠烟當戶正

宋中丞舊額云此處看西山最正

國朝詩的 卷之一 江南續編

六

一江帆影極天寬泉香人醉秋光裏欲別狂歌更倚闌  
管憶屯廬百尺藤攀將天際洞雲凭清江浪得逢詩侶  
紅樹霜催送老僧颿遠逐烟神欲樹心齋比菊淡猶能  
拾松如掃峰頭石煮瀑還期共一登

峰頂有米襄陽石刻拾松枝煮瀑布

六

馬星 高陵江都人

午日識集讀書堂

長將口腹累吾曹午節重來復老饕但使炎氣能自遠  
何妨冷眼向人高千春甕裏身無碍一枕山中世可逃  
記得去年當此日冰鵝雪酒費錢刀

吳煊 星濟新安人

雀飛多

雀飛多飛飛求稻梁朝出畏鷹鷂暮宿愁風霜天寒草  
枯難充腸彼戈者兮網羅高張面面上下與四旁嗟汝  
雀兮將焉翔雀飛多飛飛相顧泣顧我謀食不得食爾  
民網羅何太密區區一身僅皮骨

驛柳

惜別勞相贈牽愁奈汝何鳴蟬憎客夢飛絮冷漁簑畫  
角春風靜寒烟野戍多依依同往路青眼送摩娑

潮州

國朝詩的 卷之一 江南續編

七

威鳳金城不再遊相思樹老子規愁一溪虹落鯨魚背  
百尺人高鐵漢樓馬跡馳驅千嶺雪鏡花搖漾兩湖秋  
靈山昔日留衣處客去空亭碧草浮

友人招飲寄圃

酒事花期及好天招邀緩步訪林泉芙蓉半榻花三面  
芍藥方臺石一拳清堦當窓高得樹綠波繞檻亂鳴絃  
主人別業原如寄一任狂歌醉輞川

女兒巷

小港通幽處蛾眉綠一灣女兒學針線終日對鞋山

聽春詞

展轉良宵碧篆殘繡幃珠箔耐春寒子規自有傷心事  
罵得東風去住難

汪應庚 雲谷新安人

登樓口占

樓北落銀河一望烟如掃雙雁渡長江孤峰秋自老

偶占

溪上聞人聲山陰看古樹幾峰瘦削成正在層樓處

浚秋梧葉尚在偶賦

秋風颯颯亂衣裳小閣寒侵一院霜不是新詩敲夜月  
那能梧葉不疎黃

國朝詩的 卷之一 江南續編

八

春宵夜話

雨積東臯月不晴黃鸝睡穩夜無聲奚童烹得新茶熟  
野寺鐘聲正一更

袁爾職 肩山泰州人

落燈後同人歸自都門小集兼懷田右君候補輦

下

紅燈竟夕醉餘輝談笑烟花二載違且共聳肩春蹇暖  
漫嗟點額禹門歸村畦剪韭金芽嫩江市尋魚玉乳肥  
爲問傳柑朱邸客梅邊鄉夢幾依依

宮懋教 念劬泰州人

春感

舊擬青雲可致身而今疲苶不能仁樹憐薄土枝難茂  
見到成人父已泯髮髮似星當半夜愁心如草遇三春  
欲將蹤跡同支遁未許靈山淨六塵

朱夢漣 飲江廣陵人

殘梅

巡簷索笑費清思春老江城又此時瘦影催殘和月冷  
暗香銷盡少人知窓間嘈雜禽聲亂樹底荒唐客夢癡  
悵惱東風何太速關門惟有睡相宜

魏嘉琬 篁中江都人

國朝詩的 卷之一 江南續編

九

留浮玉山僧精壁

怪雲凝不流鐘寒霜意警昨夜隔江船吹落浮玉嶺安  
得折荻遊勞生悲汎梗溝沅乘風濤還指鉢中影

秋感五首 選一

鷄鳴分又鳴衆芳悄已歇采采霜菊花秋雲勝翦揭薄  
吹千里心遠遊涼風發將歸託何所我憂良忽忽澹日  
屏山熒檐光對睇髮

古詞

虛門掩夢夜光悄雕玉籠燈青焰小龍頭鳴水天上來  
銅鞮鄰去聲杳錦簇機絲錯斷文畫雉繡鸞朋井淚



裂管不吹絃破柱高樓明月非君心三尺冰銷潭花冷  
霜鴻峭落芙蓉燼百年香骨馬蹄塵勞君一照輞轡影

奉寄家叔中峰先生

無人度漳海有吏叩陳詢荔子幾時熟梅花非一春炎  
方未荒檄舊島解嚴屯宵報滄浪水茫茫正失垠

彤雲閣

秋旻空一碧傑閣俯危川落日淡留樹孤茅寒破烟聞  
鐘疑上界捫栢記長年更有澄江外獻舟弄笛還

多景樓夕望

足知娛我是江南吹笛登樓興亦耽落水有聲皆到壁

國朝詩的 卷之一 江南續編

暮山何尾不拖嵐帶波飛日鳥來去汲水擔樵僧兩三  
爲是景多思待夜月中螺點看橫髮

雨餘閑步江上看潮

石路秋淋雨過漫出門雲脚且吹殘溼含錦樹楓如濯  
響亂冰車雪是湍孤鷺疾翻愁羽薄峭帆斜落背江寒  
山鳴海湧龍吟外如此風波有釣竿

吳園春集

東風池上漸波瀾閣閣鷗聲聽浴湍雪未全消留印展  
芹纔小摘試登盤斷紅人帶春遊色陣墨鷗衝烟破翰  
今日夜城簫鼓溢肯分燈火耀歸鞍

朱廷鉉 玉汝近菴江陰人

雨中登妙光閣

餘興憑高欄微雨亦未歇夕景阻遐矚沉陰遠山沒風  
花冷空簷烟柳隱雙闕淑景驚暗移霜華漸盈髮惆悵  
夕歸禽所思共超忽

早春送洪昉思之燕京

相逢復相別執手重沉吟已慰十年想難爲此日心江  
梅行處發燕草到時淡不及春風好隨君過上林

保培源 岷江藝園通州人

紅梅

國朝詩的 卷之一 江南續編

排賜東皇早絕倫靈犀兼與辟纖塵冰霜煅鍊心偏赤  
粉墨尋常貌不真空結歲寒爲艷友直將春色贈幽人  
獨醒翻使花成惱未補離騷亦有因

保疆 繡峰通州人

送翁朗夫之大梁

快從雒水識清儀猶記登車指別時久缺十三山裏信  
曾驚百五扇頭詩江干此客來真少牖下逢君喜不支  
見說擔簦西入魏遙情直結到蓬池

朱學浚 梓章清江如皋人

清夜聞蛩

旅夢今宵覺空堦蟋蟀聲乍從庭外起如向枕邊生就  
楊三更盡披衣百感縈悲秋同此意遊子獨無情

晚晴渡江

雨過芙蓉渡新秋掛布帆豈能彈短缺只合賦長饒水  
面晴光迴山頭暮景脚里門遙在望從此脫征衫

歸舟復泊蘭溪枕上口占

伊昔沙邊話道樓歸舟又泊此蘭溪紅窓依舊憑城敞  
白浪從新與岸齊客枕半欹隨夜月豆棚一片响莎鷄  
今宵鄉夢渾無賴直渡錢塘向浙西

滄浪亭

國朝詩的 卷之一 江南續編

三

背亭梅柳綠陰賒水畔芙蓉面面花倚徧石關天欲暮

亂雲都化赤城霞

沈

珍 嵇園長洲人

半村齋卽事

幽居少塵事瀟洒豁煩襟山近浮青靄窓虛散綠陰風  
前庭鶴唳露下晚蟬吟山郭還相訪蒹葭秋水深

溪上

雲歸蒼松陰水激空山響幽鳥下春風銜花古溪上

晚晴

簾纖餘雨過城東鶯燕穿花語晚風天外濕雲歸欲盡

青山依舊夕陽紅

蔣弘度 子顯南陵人

寄懷家柏山師

一別經年祇自傷魚書何處問行藏西河良友徒離索  
宛水伊人慣阻長座暖漸看窓草綠壇高遙憶杏花香  
何時載酒昭亭路重坐春風舊講堂

許錫齡 鶴坪江都人

晚渡漢江

霧消纔見日風定恰移舟波影連三楚人烟劃二州亂  
山臨岬斷瀧水隔江稠回首陽邏地蒼茫正拍浮

國朝詩的 卷之一 江南續編

三

臨臯亭

何處臨臯亭江干對杳冥遙山橫霧白小艇破烟青應  
比丘遲宅真依柳惲汀遷居會有句鴻雪幾年經

解鼎基 陽山興化人

喜徐維寧病起

一冬耽靜臥春日喜能蘇天意留狂客人間得酒徒良  
宵仍坐月高興促提壺指顧山樓畔江梅萬朵芽

渡錢塘江

錢塘舟一葉飛渡客驚心王業自興廢潮聲無古今荒  
烟層樹斷黑雨亂山沉欲訪錢鏐廟江干半夕陰

懷陳荀叟暨令姪爾唯

經旬不共故人遊短褐誰憐臥一丘隔岸水雲將放夢  
荒村烟雨結新愁呼群最美沙頭鳥扣角惟親隴上牛  
回憶舊時歌嘯處林間二阮最風流

題楊妃春睡圖

海棠未起睡朦朧紗帳垂垂隔曉風夢裏只來隨玉輦  
看花不到壽王宮

杏園訪浮村上人不遇

芒鞋爛路市中塵乘興尋幽古寺頻樹隱山堂僧不見  
風吹黃葉亂迎人

國朝詩的

卷之一

江南續編

四

戴元慧

九思宜興人

再登大別山

昔我登此山白日已西匿眺望不移時歸途就昏黑三  
年再來遊擬窮全日力平明戒童子晨炊應早食飯罷  
步出門會須續登陟翹首睇高天天清淨如拭貫耳鮮  
風聲環山好日色風日既融和緩行無事急路踏舉足  
舒不用將扶得一逕上層巔瞻曠杳不極樓閣插東西  
江漢伏腋肋鳳皇山隔江相望恍可即吳頭與楚尾上  
下帆如織漢口百萬家廬舍敵小國轉盼郎官湖溶溶  
倚其側惜哉歲月湮香林不修餘殘碑委道傍字跡半

蟲蝕獨有上清宮猶與層霄逼攝齊拾級升坐久喘乃

息素壁好題詩僧寮少筆墨更乏同志偕携尊展胸臆

聊尋舊徑歸下山日未昃

江元琦

亦韓載亭歙縣人

聖符記酒

吳子真高興呼童送酒來一時清意愜盡日雨風催  
冷堦前草蕭疎檻外梅傾壺頻以爲頭覺好春回

楊幹

豫章恒夫蕪湖人

送吳書永之楚

丹楓江上望無涯破浪長空去路賒萬卷圖書藏海嶽

國朝詩的

卷之一

江南續編

五

半船行李載烟霞探幽赤壁題詩句投宿青村近酒家  
若晤季方應見問衰顏終日醉黃花

汪修文

字治歙縣人

仲冬初雪

不謂朔風起青山頭白時素心天地老清韻竹梅知側  
徑新成砥寒鴉失舊棲呼童牢鍵戶卧雪且題詩

陸鏞

在東吳門人

寶墨亭碑襲偽已久今觀真迹骨力姿致迥非近

觀喜寶物之復還益嘆好古者有真博雅也

寶墨亭上碑何豐慶足亂真強愚蒙上皇諸仙屈欲死

造物恁恩來陳公陳公識賞卓千古慕得壯夫力如虎  
縱出重淵反舊觀幾綴無痕驚鬼斧丹楹碧栢焦祠邊  
十日卧看往復旋神理不隨海瀉去晨星散落猶蟬聯  
書疑龍爪勁靡比醉素顛張兒戲耳坐對奕奕開襟懷  
重見文明照江水蛟宮貝闕不得藏山靈今得增輝光  
龍跳虎臥非一勢直與岫嶠石鼓前後相頡頏

江樓餞春

長風獵獵運青黃飛絮游絲攪作塵暝色連江昏似夢  
山光堆滿檐檐于人鶯花過眼都成恨櫻筍行厨又餞春  
若使魯戈能挽日願教青帝駐駸輪

國朝詩的卷之一 江南續編

天

題枯木竹石

木落春復榮石逸自長久咫尺亦山林造物在其手

黃正超 非欽古篆人

雨聲

楊柳淒迷入夜清菰蒲歷亂到江橫頻敲孤館三更夢  
慣惹扁舟萬里情黃篴新篳酒甕白泥矮甌沸茶鎗  
幽人別有關心處滌硯濡毫倚韻成

伍起 隸扶真州人

金陵舟中

畫樓人倚晚風前萬里江流侵碧天翠岫依微烟樹裏

片帆搖曳夕陽邊一聲玉笛和梅落數點漁燈伴柳眠  
獨有黃昏無賴客離情欲話轉淒然

米桑

去年娘采桑蠶與桑葉老今年採桑娘須向桑間早

江村茶社次劉荻江韻

竹籬茅舍水雲間茗椀茶鎗愛日閒坐對忘機數鷗鳥  
風帆吹送隔江山

張元進 隸登真州人

賦得草色過看近却無

芳草經春初弄色迷離豈是望中昏但看陰翳碧盈野

國朝詩的卷之一 江南續編

二

不見紛紛綠到門鷹眼抹時應有迹馬蹄踏處迥無痕  
幾回移識王孫面携杖追尋又一村

題秋柳夜蟬圖

趨炎爭噪最高枝暮地驚秋到柳絲今夜月明深結舌  
也應勝似轉丸時

題畫墨菊

盡愛東籬菊似金惜花終是惜金心而今淡把秋容寫  
俗眼從何托賞音

程光奎 隸未欽署人

南樓秋夜

緩步上南樓金波流欲下興不讓庾公懶猶同叔夜征  
鴻橫碧霄冷露凝風樹何必復悲秋良宵天所假

江鑑鏡齋儀真人

郊行小飲

山杏紅初吐堤楊綠未齊遊人煙際小古塚路旁低竹  
密喧禽語沙平急馬蹄杖頭錢欲解酒旆板橋西

小雨

黯黯浮雲過簾纖細雨飛喜來幽鳥浴乍出老僧歸著  
草微添翠沾梅驟欲肥小窓書一卷清晝掩柴扉

李聚五 脚古江都人

國朝詩的卷之一 江南續編

八

壁社湖

何人寫得輞川圖一片空明鏡社湖網掛斜陽漁舍密  
山凝暮靄客帆孤不將身世爭蠻觸底事春秋問蠅蛄  
華老歌吟歸去後誰從此地拾明珠

聊城

青女霜飛遍地秋我來弔古意悠悠魯連意氣今猶在  
燕將功名老却休詩思漸同楓葉冷游踪頗爲菊花留  
更須沽酒垂楊岸魚浦殘陽正欲收

楊政極 建其江都人

立秋夜月望

好看秋意動雲漫恰見溶溶珠滿胎一片清光呈好夜  
無邊爽氣入高臺樓頭寄興人初到嶺上吹笙鶴正來  
好向梧桐飛葉處終宵且自樂銜杯

史秉中 薪傳高郵人

賦得十月先開嶺上梅

立馬瞻高嶺梅花應小春非關節候番偏觀物華新南  
北枝雖別參差藥正勻萼舒清似雪風起白於銀自晒  
塵中客何如山裏人徘徊疎影下草莽作王臣

吳弘紳 笏安廣巷江都人

秋夕偶成

國朝詩的卷之一 江南續編

九

輕雲黯淡歛還開時引微涼到小臺蟬響間從風響過  
蛩聲遙雜雨聲來幾家長笛當樓發一帶寒砧接戶催  
秋思又添今日興莫辭好景酌金壺

許建華 懋若江都人

廿四橋

地引隋堤路橋成大業年名經荒主定事付野人傳亂  
水低搖月殘陽冷掛烟莫將簫度曲聞此倍凄然

胥浦觀潮

野浦猶傳伍相名江流日夜送潮聲雨添楊子看偏濶  
月映金山聽亦清奔馬未酬圖越志浮鷗空抱霸吳情

滔滔千古留遺恨卧穩漁翁舟自橫

雁來紅

婀娜風前向客斜只疑吹落赤城霞芙蓉已盡江梅早

一院嫣紅葉作花

魏蕃 其年蘭田武進人

長相思

長相思落梧桐秋碧天如洗銀雲流月尖當檻懸簾鉤  
美人千里何悠悠涼宵輾轉耿不寐長笛一聲何處樓

睡起

睡起得閒趣松風自沸茶雀爭堦下米蜂響硯頭花一

明詩的 卷之一 江南續編

二千

世夢無了百年生有涯借來書未讀回首日將斜

孫西琳 瑤文鹿田武進人

九日懷古

桑苧翁真第一流晴窓白雪洗殘甌龍團小鬪三時雨  
蟬翼輕拈幾片秋別有肺腸人不識更無塵世客相投  
玉川亦是清名好爲惜身從相國遊

孫西瀚 漢文武進人

採蓮曲

采采向江頭花多葉更稠殷勤露纖手蕩漾任輕舟翠  
蓋堪擎雨紅衣可耐秋鴛鴦飛一對美爾只同遊

江村卽景

地僻自幽靜無人獨往來日晴山鳥語風細野棠開僧  
舍依松徑魚罾落水隈隨時恣行樂乘興亦悠哉

閑居生野興策杖綠陰濃漁舍清溪上人家古木中放  
懷歌白石小倦倚青松去去知何盡臨風聽晚鐘

宮懋德 嵩嵐秦州人

雜詩

清秋好風日虛隱無雜塵蕭洒開竒懷長吟暢開身時  
復弄葉書轉于幽獨親既適目前興喜與先哲鄰天地  
真悠然假我以良辰忘言意自得庶幾無悶人

國朝詩的 卷之一 江南續編

三

我思天之南望望衡山嶺旅雁鳴秋空瀟湘有聲景悠  
悠江水長颯颯西風冷何處覓鯉魚空懷落彌承獨立  
蒼茫中高曼淡雲影俯仰情自深盛年恐虛騁寄言遠  
遊客達人貴清靜

吳世尚 六書貴池人

愛秋

山居宜墊性秋景足詩思木落無風葉波平有月池閒  
花留素壁新酒泛空卮不盡重陽雨悠悠作碎絲

卽事

巍巍西北崑崙直浩浩東南滄海灣經緯縱橫幾萬里

流通呼吸霎時間明月在山還在海長風吹海復吹山  
可知此物無關隔鳥得無人共往還

葉振玉 非頑宣城人

過寶林菴

黃葉響空山僧扉晝不關孤雲隨去住倦鳥自飛還竹  
翠通禪悟溪流愛客閒得聆清淨理散髮任疎頑

七夕過栖霞遇富申之話舊

參差樓閣近諸天翠竹蒼松曲徑連黃葉任隨飛鳥下  
白雲常共老僧眠江流嶺外無今古時序山中有變遷  
夜話月明良不寐數聲清磬隔林泉

國朝詩的 卷之一 江南續編

徐璞 牛石上元人

守道

守道栖窮巷甘貧笑索居草香迷徑曲花影落庭除妻  
病愁賒藥兒嬌懶讀書自慙生計拙真欲學樵漁

新柳

臨風幾樹最婀娜漢苑隋堤思若何細糝麴塵黃瑟瑟  
輕勻石黛翠羅羅遮將水驛烟猶淺占得山樓月未多  
却憶昨秋湖上過亂飛殘葉洒漁簑

廬山瀑布

晴空飛瀑布百丈挂廬峯舞雪翻疑鶴奔濤宛若龍清

冷穿石筍噴薄洒巖松閒夜僧欹枕新秋客挂筇和烟  
垂匹練雜雨亂疎鐘不到開先寺幽奇豈易逢

劉夢芳 春池江寧人

宿栖霞寺

巖窓霄漢邊松檜幾千年秋夜寒如此空山月未圓天  
風聞遠磬爐火沸清泉短榻披衣坐黃花瘦可憐

過蘆渡橋舊居

自昔寒塘在今無舊板橋柴門仍向水林木已干霄地  
迴人難到亭空鶴易招眼邊多故物往事憶非遥

葛天民 秋堂江寧人

國朝詩的 卷之一 江南續編

登石頭城

偷閒聊縱目懷古一登城萬里秋光好千山雨氣橫濃  
雲平野暗斜日大江明故壘多蕭瑟西風無限情

朔日雪

一夜北風急開門雪已深共當搖落後獨抱歲寒心折  
竹覆荒徑飢鳥啼遠林蕭然窮巷裡烟火欲銷沉

金澤茂 述周全椒人

滁州遣悶六首 選一

林壑西南美高臺夏愈妍泉飛幽澗石山吐綠雲天鳥  
宿依鐘寂僧歸趁月圓鄉思無限意到此欲忘捐

春日書懷寄家姪弱侯

整日閉門客青山好作鄰浮生窺底事花圃辦閒身  
誰北家如夢江南草又春阿咸頭共白想亦厭風塵

園林晚秋

三秋欲盡奈秋何喜見園林夕照多雀閑風晴爭落果  
魚嫌水淺觸殘荷半庭烟罩山頭月一夜霜清湖上莎  
莫嘆六朝無剩景謝公墩畔雁還過

五柳園冬日卽事五首 選一

生憎塵市愛烟霞得好園林便是家已喜宜冬復宜夏  
更難多酒又多花低栽水綠三眠柳團圓黃霜黃五色瓜

國朝詩的

卷之一

江南續編

五

夢裡逢人誇道好小池歲莫盛魚蝦

夜閣

夜閣春沉簾幕通倚欄不寐悼花窮纔過寒食幾翻雨  
又度清明無數風牧笛杏村山曉淡酒旗桃塢水流紅  
年年歌板花枝下斷送芳資惆悵中

莫愁湖口號入首 選一

綠羅紅粉已成灰隔岸菰蒲兩葉來一片溫柔烟雨地  
可憐都是打魚回

柳岸誰家起畫樓無邊天地一簾秋盧家少婦慙慙意  
特勸人間莫浪愁

下占五 殿雲江都人

痊霍銘真蹟碑亭成呈陳滄洲先生

霹靂巖邊一片石何年真逸留遺跡元黃局處已難尋  
此字獨存天所惜陽侯亦似解珍藏洪波護入鼇鼉宅  
茫茫浩劫歷千載歎息沉沙同折戟到底魚龍不敢侵  
往來洗蕩空潮汐探奇浮玉訪仙踪眼看鯨波惟舌咤  
蘇黃當日摠人豪未聞能入鮫宮索六一尤誇得字多  
不向瀕溶設奇策非常物待非常人蘇州太守京江客  
曠世相感亦何心力挽神奇出諸厄拔犀特爲鑿堪巖  
犯險還教破崩 天吳走散蛟螭奔一朝飛上金鰲脊  
國朝詩的 卷之一 江南續編 三五

燕子磯

峭壁臨江峙金陵此扼吭山連京口去潮接海門長自  
古橫天塹何年破混茫六朝多少事閱盡幾斜陽

蟬聲

綠水陽春事久空何期齊女調相同聲清自可邀金縷  
響逸虛疑出麋桐午夢欲回楊柳外晚涼正好夕陽中  
獨將一曲南薰譜細奏虞絃上古風



柳槐 位三江都人

秋水

一泓漠漠接長天風亂蘆花絕可憐最愛晚烟初起後  
隔溪幾處釣絲懸

秋風

梧桐初落覺微生何處蕁鱗繫客情吹入簾櫳最深处  
人家漸急揭衣聲

秋雲

淡生河漢逐風輕薄透遙山幾點清莫更高唐擬神女  
落霞斷處見縱橫

國朝詩的 卷之一

江南續編

三六

江棟 伯山江都人

客真州寄柳味山

春暮江城絮已飛計程百里客難歸憐君携酒懷人處  
盡日平山對翠微

過汪處士故居

堂上依然絕點塵花開猶似昔年春獨憐燕子歸朱戶  
只訪雕梁不認人

楊九霞 梅江貴應人

春盡日登狼山絕頂次徐湘陰韻

偶來絕頂見鄉關四望烟波遠市寰宿霧乍收千樹雨

曉雲初散一江山鶯藏新綠留歌譜燕掠殘紅帶酒顏  
便欲凌風飛大海好從天外趁春還

杏花

碧桃含萼柳初齊碎錦花開又隔溪  
嬌軟牆外好詩題一村紅雨飄牛背十里香風戀馬蹄  
爲愛芳情歸路晚牧童吹笛畫橋西

于璠 咸受江都人

折楊柳

綺閣春歸早黃金發舊條絮飛遼海雪影亂楚宮腰看  
去風光易攀來道路遙懸知書到日隴水正冰消

國朝詩的 卷之一

江南續編

三七

送費厚蕃之楚

疎蟬噪流火之子獨南征殘月天涯夢孤舟江上情楚  
雲斷吳岫巴水接方城待得停橈日秋風正落英

汪起 冲菴天都人

人日同趙真貽暨諸同人小集

年年雅集訂芳辰坐擁名賢盡折巾酒到微酣皆悞曲  
燭當雙照各分身隔牕露下猶欺煖過樹風來漸可親  
共說春歸方七日長林好覓剪花人

題畫贈別

舟橫高下坼人在短長亭却解秋風意寒山不肖青

吳山玉 懷朗歙州人

和家賓洛叔對月原韻

晤對今宵月清光迥絕奇庭隅顧若此域外應如斯顯  
晦無差忒盈虧信有期飛鳥驚不定欲宿且遲遲

胥浦

伍大夫仗劍渡江處

去楚歸吳氣槩雄君親大義有殊同潛行仗劍情何偉  
定霸宣威業自隆津水茫茫依舊綠桃花冉冉放新紅  
籃輿過此深憑弔恨少狂流勇退功

焦山

夙聞名勝著茲山乘興來遊一仰攀巖石猶存高士跡

國朝詩的

卷之一 江南續編

天

烟霞每映旅人顏潮來東海魚龍震雲起南徐檣柁間  
登陟不嫌苔徑滑風塵蕩滌叩禪關

賞桂

桂蕊纍纍盛婆娑一院香鄰園多種植不及此芬芳

鑒江舟中見桃花十里

春江一葦泛中流日麗風和水碧油灼灼桃花紅十里  
幾疑身入武陵遊

僧轍菊

好事金風巧剪裁幻成禪履作花開天衣無縫堪相稱  
不踏人間半點埃

郎 送趙客池州人

送競菴周太守歸西湖

當代循良吏如何拂袖還不爭爲政好却愛解官閒宦  
況同流水幽情屬舊山西湖明月夜詩酒一開顏

曹歙州王蟠渢先後遠歸移樽齊山卽席限韻

石骨寒流瀉碧灣懸巖絕崕倚蘿攀尋僧煮茗焚香對  
欸客開尊盡醉還回首翠微亭迷望眼照人清冷石逼  
塵顏招邀白髮同扶杖老健童心却未刪

石墨驛懷古

埜曠山開帶夕陽飽餐麥飯葉家莊周益公乾道壬辰四月經池州過鉄

國朝詩的

卷之一 江南續編

完

券路口飯  
葉氏旅店

元皇駐蹕知何處隨驛題詩客興長元文宗  
南幸會

于此

李夢熊 補村祁門人

野鷄

遠勝藏子窟酣眠任釣翁既無憂夜月仍可待長風漁  
唱滄洲晚雁排秋漢空眼前今古意只見暮霞紅

饒笑軒

辟地疏芳徑徐行得自由綠槐陰作蓋亂石疊成丘路  
曲隨籬轉花淡夾砌幽凭軒時小坐爽氣更凝眸

汪 崑 東曙海陵人

探花樓坐兩同朱東谿兄書圖作兼柬翁霽堂黃

友臯朱飲江

苦雨連朝暮潮聲湧澎湃流暑消忘六月涼近逼三秋縱

可新園樹其如滯客舟地無容足處脫屣坐高樓

新綠

海棠開後雨冥冥曉夢初回酒半醒愛煞枝頭新葉好

濃陰一片入簾青

殷

嶧桐高高郵人

湖村曉月

野月白于水柴門溪上開終宵對清冷不寐起徘徊忽

聞朝詩的卷之一 江南續編

三

聽雁聲過遠看人影來驅牛犯霜露農力最堪哀

南陽湖

官柳何年植濃陰綠一川遠山疎樹外孤艇夕陽邊菱

茨香堪摘魚鱗白可憐江南風味好旅況不悵然

春郊

芒屨尋春去雙溪夾路斜屋陰蠶葉吐木末酒旗叉水

氣碧楊柳野風香菜花肯教衰白老容易擲年華

尤世求

德字長洲人

出遊

城南一帶有林丘風日佳時偶出遊鑡矢誰能加海燕

雕籠幾見閉沙鷗草深廢院孤花在雲散空亭野水流

自是中懷多感觸不因搖落獨悲秋

憶葑溪菜花

朝朝皎得菜根香尚憶花開說故鄉澹蕩風吹芳草綠

陽和日暖照田黃歌聲每愛流鶯囀舞影還憐粉蝶忙

南陌東阡來往近時邀鄰曲醉壺觴

楊大綸

右丞無錫人

寄故園諸子

一牀書卷羨幽居綠映簾櫳草不除雨洗遠山看翠落

花開白蔓惜香餘臨風把酒傷春老隔葉聞鶯入夏初

國朝詩的卷之一 江南續編

三

寄語故園鴈詠客興來可憶病相如

國朝詩的江西目錄

卷之一

熊文舉三十三首 湯開先六首 黎祖功十六首

熊悅三首 余正垣二十一首 湯來賀二首

謝文淳一首 羅萬象四首 李天爵四首

李元鼎十二首 劉元釗三首 徐大酉一首

張自烈三首 萬時華十二首 毛乾乾三首

伍柳一首 吳雲一首 熊釗一首

楊惟休三首 鄭日奎一首 袁衡一首

劉斯寅二首 趙希階一首 吳甘來一首

國朝詩的江西目錄

魏禮三首 李振裕三首 林時益一首

彭士望八首 丘維屏一首 曾燦六首

甘京三首 魏際瑞二首 魏禧五首

魏禮四首 李振裕四首 熊一蕭一首

魏世傑二首 梅之珩二首 魏世倣一首

曾必光二首 陳弘緒二首 白鹿岩二首

陳志紀二首 陳志謙一首 陳瓊僊二首

周璿三首 羅牧六首 徐芳二首

宋佚一首 八大山人三首 汪洙一首

王驥二首 劉廷獻四首 梁份一首

趙疑二首 彭厚德一首 蔡受二首

國朝詩的卷之一

長沙陶 煊奉長選

同里張 琛豈石同輯

江西

熊文舉 雪堂南昌人

感遇

高樓有佳人自理鳴箏曲  
月色映湘簾流光斷復續  
迢迢歲序淹黯黯韶華促  
蕩子不歸來秋風驚落木  
所志詎封侯功名羞訕辱  
維古嚴節士稻粱恥雞鶩  
感歎罷爭聲西窓看修竹

國朝詩的卷之一

江西

田家和陶

我屋如雞棲巷曲不舒肘  
我業但犁鋤飄泊委南畝  
鄰翁載醕過夜雨剪新韭  
豈不慕良朋軒裳非我友  
醉後枕書眠清風來北牖

再用唐人韻

獨坐耿懷人渺焉河與漢  
雨雪逼春初空齋發長歎  
何處燦華缸徘徊傷夜半  
竚立望佳人蕭騷雲鬢亂  
我欲贈瑤篇行旅心緒散  
風起夢歸遲江雲迷斷岸

送張蕙棠觀察歸山右

秋風振林杪皓日照庭宇  
歎息遠行人似刷高空羽  
三

年龍性馴萬里鵬飛怒何處寄遙懷  
臨江留閣古且復  
灑淪淪因之題繡柱  
薇垣昨夢醒蔡館餘光嫵  
九子秀可餐五老蒼堪俯  
君胸號雪困一笑中原腐  
塞舟盼碧波睡草留香雨

夜宴曲

芙蓉衣桁立蜻蜓碧漢紅  
漏映畫屏伐鼓承筐主人意  
金壘傾如建瓴流連况值芳  
春節淡院梨花舞香雪  
樺燭今宵照客顏  
灞陵明日傷離別  
霏微楊柳惜春殘  
綠盡平蕪艸色寒  
鳳閣龍門等飛絮  
空江垂老舊漁竿  
南朝傷心後庭曲  
結綺流風泛醺醺  
逝水與波枉送人

國朝詩的卷之一

江西

二

佯臣不入青山目

錦城曲

蜀雲如黛凝香雪  
蜀水如羅熨波折  
只有花枝不耐春  
寒梢盡染啼鵲血  
蘼蕪香隋注芳叢  
烟鎖猿聲峽月中  
臥病相如懷故土  
依稀夢濕錦江紅  
共道譙周能老死  
黃鸝碧艸悲吾子  
橋南倘有問津人  
自此東吳真萬里

戲馬臺

荒臺砌沒餘衰草  
夕陽古道人爭笑  
想得當年戲馬時  
平吞八極猶嫌小  
一夜西風老楚譟  
烏騅不逝可如何  
惟有香魂虞氏女  
恨隨明月舞春蘿

驪山歌

驪山之高何亭亭驪山崇黛何青青我來驪山下雨初過  
欲往從之路杳冥我看此山真窮窅雲霞炳燭藏奇妙  
烽火臺空不記年西周直得人微笑天寶年間事更荒  
六龍飛馭幾翱翔春風愴宕人如玉夜月霏微瓦似霜  
漁陽鼙鼓何爲者萬事傷心烟雨下空聞南內鎖淒涼  
不見朝元留艷冶一從歌管怨清波御路迢迢鳥不過  
秋墳鬼唱誰家曲真似香山長恨歌吁嗟聖王誠有道  
山水因之顏面好若云亡國獨驪山君不見清溪玉樹  
弔風流結綺臨春總荒艸

國朝詩的 卷之一 江西

三

無題和韻

香雪霏霏沉露井花光不動雲移影隔簾風雨未分明  
睡鴨金消銀甲冷紅輪欲上天鷄曉一曲屏山眉翠小  
隣家姊妹約春游好著鸞靴試芳艸

武侯祠堂古柏

千古懷人地停鞭肅古柯風雲龍骨秀雨露鳥聲和六  
出枝孤上三分幹不苛西陵臺在否哀艸漫漳河

憶舊

江水流無異繁愁次第生斷烟迷落木殘月下孤城  
曲翻新製香膏憶舊盟何人腸斷盡怕聽玉簫聲

不覺

不覺填膺恨紛紛欲曉天頗疑蛩瑣屑猶耐月嬾娟  
斷孤燈碧鐘催短髮立誰家歌吹罷看枕翠鈿眠

江上雁

蕭蕭鳴蘆葦紛飛下淺洲驚弦千里遠寫字一行愁  
夢斷青烽信心傷紫塞秋羨誰幽雪窖旄節未輕投

臨汝舟中雜咏

自昔耽佳句春江美碧波請君量別恨較水孰爭多  
蕩子從軍賦幽人扣角歌可能西塞下沽酒臥漁簑  
不覺烟林暝寒河任逞還客懷因世亂僧夢與燈殘

國朝詩的 卷之一 江西

四

喜干戈息因憐鐘磬閒孤舟茶敘罷相對侶空山

懷山用唐人許棠韻

只覺還家好青山復翠微雨中春艸長雲外晚樵歸  
坐次紅催酒閒行綠染衣風光猶楚楚看取舊柴扉

遣懷

烽火經年路雲高雁不過寄書千里隔憂亂一身多  
伴月揮長劍臨風憶短簑繁愁成底事尚寐欲無吡

仰天坪

至此天無上孤高佛更尊可忙諸長老幾廢舊山門  
雲白歸何處燈青夢不昏何能生羽翮一笑狎乾坤

訪漳海先生西林用舒魯直年兄韻寄懷

三年錢浪駕罡風萬死孤臣識所從苦憶君恩同放鶴  
須知吾道本猶龍心懸紫極凋雙鬢夢托青藜照五峰  
誰在山陰空泛雪斷腸蕭寺聽晨鐘

和韓襄毅西江第一詩

儘把壺觴滌俗氛中丞授簡覓高文應知地接衡廬勝  
不枉星臨軫翼分當代幾人歌白雪一時多士附青雲  
堪憐旄鉞虛榮者碌碌蟬蛸得似君

虔江南下鬱孤臺直接章門亦壯哉地勢不隨滄海變  
天風曾迓片帆來空餘歌舞悲前代竟覺神仙愛異才

國朝詩的 卷之一

江西

五

欲把詩篇賽黃鶴會須紅袖拂塵埃

晴嵐飛列畫屏西勝蹟名區擬共躋帝子綠餘烟點點  
王孫青逐草萋萋孤懷野寺疎鐘動大漠浮雲落日低  
獨恨陳篇無好句等閒依韻續前題

東湖感懷

猶憶當年結屋初嵐光黛色照清湖官不忍隨朝士  
辟世何須混酒徒細數交遊知客散重尋亭榭半椽無  
經過芳艸斜陽處只有沙鷗識老夫

偶感

南北睽違已數年封魚寄雁兩茫然不聞芳草催歸屐

尚憶飛花舞別筵小弟寄兄常闕筆老親念子祝加綿  
可憐風雨蕭蕭夢恒在開河黯淡邊

無題

歲華此去是花開簾捲春風認遠山鸚鵡熟眠金作鎖  
鴛鴦新畫玉爲環年前有約看燈盞月下相思見竹斑  
羨殺採蓮歌曲曲雙扶蘭槳下溪灣

分得

分得蟬聲到艸堂蕭閒偏愛睡爲鄉誰云熱血丹成碧  
已覺浮雲白變蒼世事清流歸曲澗餘生殘夢對斜陽  
兒童牛背渾無恙又唱漁歌過柳浪

國朝詩的 卷之一

江西

太

客詢西峰柳源龍丘之遊述答

身世相因薄海愁天風鼓浪又重遊花如畏客烟籠媚  
樹若驚人石領幽縱有筇扶頻失足若逢雲起又回頭  
何須跨鶴誇蓬閣離却塵凡卽十洲

登嶽詩

拍手芙蓉碎綠烟看予拄杖上青天山如陣馬千行整  
人似風鳶一線牽是物精靈歸奧府憑誰迂拙話桑田  
他年若寫神仙傳坐我峰頭太乙蓮

九奇峰悵望有懷匡雲老宿

歷歷峰嵐燦列星石如鷗鷺宿沙汀雕鏤象物分奇正

點綴從僧辨古今萬斛水雲環艸榻百年風雨土茅亭  
憑高怯險還同展相信相依道者心

和前賢韻撥悶

十年江水上平步采芙蓉愛對初弦月欣聞古寺鐘  
玄甘寂寞化碧恨從容獨往林間鶴高標嶺上松雖無  
佳客共猶有老僧從治國風光燦遙岑烟霧濃和章會  
閣筆攬勝亦扶筇路遠煩舟涉溪聲辨確春漁梁閑可  
坐樵徑絕相逢病久懷醫舍愁多謝酒儂微書無計辟  
桑梓有情恭漫把苔紋掃花飛又幾重

有懷田舍用李于鱗開元寺韻

國朝詩的

卷之一

江西

落日下漁村寒風起樵谷幽翳少人知槩阿惟子獨蕭  
蕭竹掩溪悄悄花蒙屋野景尚真淳生涯祇耕牧山空  
鳥語深樹老鴉棲禿陳跡動關心高原時極目年光賀  
燕新歲月馳駒速病不廢詩篇愁猶疏簡牘東隣炫美  
車西舍裝奇服軒傾穩步難駑駘危機伏芳艸媚洲汀  
薇香秀林麓思君歸去來爲展姜余宿

偶書

欹枕閒眠午夢新拋書清坐暗傷神東風釀得愁如海  
多少凭欄倦繡人

宋景濂云濂遊莆陽仙華山問吳思齋舊遊處見

其石壁題名尚隱隱可辨故老云思齋方鳳舉

謝翺無月不遊遊輒連日夜或酒酣氣鬱肯每

扶携望天末慟哭至失聲然後返

不因典午戀柴桑厓海燕臺別一方何事仙華留慟哭  
春風飛淚過錢塘

湯開先

季雲臨川人

春霽李太史園喜報作

園旭不難明園陰苦易暗暄氣轉光風水木含清湛陽  
林無隱物魚鳥思出瞰農賈知天時出門各荷擔君無  
汲汲志退耕甘食淡我爲蒼生謀未免抱茲憾除目壯

國朝詩的

卷之一

江西

新聞親串皆來探倒屣入春泥不覺齒微陷屢齒不足  
惜喜爲故人暫泛在衆推中聖衷有獨鑒太平望公等  
家食余叨濫

二水環城

宜川十景選二

周遭如鏡裏照出衆樓齊二水分流合孤帆落照低船  
綵郭門上鳥在女牆啼不用談疏鑿天然此畫圖

卷雪樵歌

卷雪亭名  
今圯存橋

積草荒亭子斷橋尚有人鹿禽向山路樵採接城闌雲  
白無三里烟青幾四隣行歌猶太古雪上見遺薪

同羅繡仲宿李太史太虛先生園



大小園中樹春來放客尋自然成水曲不必入山深酒  
共故人滿詩分新歲吟石堂拋未得芳草候車音

賦得春星帶艸堂

星夜不能月艸堂猶未局深光來小座幾個落疎櫺花  
木相縈帶亭臺暗歷經徘徊參與斗戀我在中庭

雨中爲友人感贈

荒歲那堪問君才尚苦饑運窮星漸轉日出雨偏欺客  
汝招難致家盱歎屢辭麻姑能撒米不解作人糜

黎祖功 青南南州人

七月十日七首 選四

謝奇 卷之一 江西

九

我氏泣我別弟妹牽我衣我行艸樹秋東風與雁歸  
短衣不肯錦長足胡夜行荒雞忽亂叫慘澹故里情  
秋清入連骨潛之在淺澤多端躑躅花山頭好顏色  
馬不可使耕牛不可使馳小人不自立丈夫故有宜

歷閏

庭下有木奴枝葉不苟同枳柑限一淮君子勵厥工留  
侯椎博浪續敗名無窮李斯頌秦德五刑何冤忠所學  
審所擇清塵播蒼穹

蕭蕭白楊道古墓逕乾坤云是昔王骨千載王茲村田  
橫詎北面左右客嚴魂幸鮮犁且耕長歎豈勝言征西

非本心裹革將無冤

古懷

驚鷺遊水中翡翠棲木上惟有彼大鵬風雲爲吾黨所  
悲時不來心乎猶遐想物無舉身能神龍在羅網  
乾鵲噪我屋三年絕人迹竭來有車馬千里勞所適茂  
木鳥斯親枯池耐獨迫日光及菰褐自顧少華澤如何  
滿中懷高賢歎古昔清芬自不昧外物何損益

入城

彼妹者誰子目我謂我好我爲海上仙雲霧蓬萊島金  
母不我知奪我不死草拂衣人間去騎鶴豫章道風塵

謝朝詩 卷之一 江西

十

留容顏天地失懷抱美人能相憐粲然慰心稿鳴琴如  
我諸攜手與子老不貧冠玉人大笑曲逆嫂

洞庭行

洞庭水闊風怒號水中老螭鬚如刀有龍爲臣蛇爲帝  
螭謂龍昆謂蛇弟何爲起陸天發機龍戰不勝蛇戰肥  
老螭大怒有是非中國男子黎耆爾攀龍無鱗飛不起  
一劍銛于澹臺氏蛟似注長明其耳拔劍大澤斬巨蛇  
與龍當角螭當牙洞庭波平可以閒魚蝦

贈熊友

惟有能文者偏憐失路人示余顏色古識子性情真隴

上龍高卧階前鶴自親相看慚靖節漉酒各無巾

春日卽事

沉酒銷他日開春讀我書敷天安短髮何地曳長裾魂返疑兵艸情深過雨疏勒勒猶有意調舌在山砧

五日

寂寞三年壘優游五日尊魚龍猶故事艸樹自空村好續燒殘命無招魂死魂南方雖缺陷乾淨復誰論

讀賢書二首 選一

白日閑羈旅青雲點友朋千金新得驥六翮老如鷹天地雪霜笠江湖風雨燈蕭條君不問潦倒我猶能

國朝詩的 卷之一

江西

七

辛卯元日試筆

黃冠欲老故鄉人青艸爭遲大谷春遂有古今吾日出若爲南北轉風輪愁深嶺上梅花弄感繫年時柏葉巡招隱不來誰氏子居然五柳負前身

僕有鳩茲之役正秋師贈以言次韻奉和

無騶京兆再來黎畫似張郎爲彼其蘿女施于書帶艸槎仙流到影娥池若爲行雨重陽近詎有悲秋此夜時不已雞催欲曙翦殘膏燭試牽帷

悲悅 正秋南州人

辛卯元日二首

運會入三宮餘氛轉庶風座星高極北斗象緩行東茂

月威儀別江山曙色同椒囊空四字寧我獨詩窮

卿華歌復旦帝念釋雖休麗日徒雞犬長風及馬牛辛盤供嶺海甲令賦瓜瓞運會年光共飄飄度十洲

慶耆爾秋赴蕪湖嘉禮

霏霏艸綠藉懸黎吉席遙瞻世濟其巷口衣聯烏鵲清樓頭管入鳳凰池月窺談詠登牀處花報芙蓉對鏡時京兆早看經術亂房中博義傍星帷

余正垣 小星南州人

去吉州錄別 選一

國朝詩的 卷之一

江西

七

昔我二十餘落落安鄉土顧盼出門歡登途氣爲鼓及此倦遊時方識別離苦借問苦者誰傷心難悉數憶昨去京國慈母牽我衣堂上三四語修程不能違今年送我者老父獨倚扉欲言還掩淚汝行或恐非母逝日以遠子去何所歸仰視浮雲變俯看階草肥日月不我處老去更誰依知汝衣食計一心兩端持貧賤若汝棄別我亦何爲稍聞南頓地羣盜未全廢憂來無斷續相見以爲期

古別離五首 選二

春至各爲歡衆鳥方偃息聞君今日去賤妾腸如織感

君離別意四顧無顏色使妾媚君言欲語忽已結斗酒  
化為醺燈火化為涅君去日以遠那能不悲咽

願言少佇立何物當君悅展妾囊中琴為君歌一闕昔  
人重古調今日新聲列未彈意先塞手爪不能揚高山  
何巽哉流水何洋洋念子知音者乃在天一方

清明後一日郊遊二首

為惜清明過因之出郭行柳殘鶯有恨風暖燕無聲水

抱孤城曲雲橫遠岫平非關疏酒伴正苦昨宵醒

十里如鋪錦深黃菜著花偶經樵子徑却羨野人家小  
場還飛鳥陂塘正產蛙輕烟應弛禁細細出村斜

期詩約卷之一

江西

三

客夜王幼房過訪共賦得歡字二首

客攜秋色至天向雁邊寒露濕花香瘦波澄月影單螢

飛穿徑險蟬叫坐風難病減茱萸帶凌霜卜夜歡

又是清秋節同君坐暮寒疎林翮月亂殘葉下風單作

客新愁易論交古道難車塵空滿目對字幾人歡

武林送朱道微下第歸弋陽

故國無期到他鄉又送君亂雲春色暗殘月夜初分綠

鬢江花映青衫嘶草薰燕臺回首處吾緒更紛紛

舟中對雪二首

孤客多愁思空江夜月時却知晴可愛未是凍難支峰

冷離青易波虛受白遲藏舟風似穩幽意託艱危

鳥聲虛野畔人影覺依微犯萼增梅瘦留花與木肥風  
流孤繡帳浪跡婉征衣鄉思重重晚寒凝隔夢歸

晚泊

慢櫓迎高舂橫舟帶遠山所經淒惻并到處別離關鳥  
下如人倦雲殘欲自刪頻年成慣客晚泊度危艱

十五夜舟中月

月圓波更靜人在洞庭船薄露遙臨水微雲不駐天簾  
輝春避曉花照日間妍翻引嫦娥笑孤舟見汝偏

十六夜舟中月

期詩約卷之一

江西

四

三月春之暮孤舟月又殘光寧昨夜減人向此宵看解

照紅花瘦能增綠水寒清輝飛動處宿鳥未曾安

晴江舟晚

水氣侵霞影殘陽古樹稍人家圍暮景野色自春郊鷺

立如遲月鴉飛欲受巢危橋容望處荒忽晚烟交

辛巳中秋

半醉揮杯後離唾壺缺盡月應知憑將涕淚關山滿

杳若星河尺素遲兎影生憎篩葉亂龍淵直欲剖雲凝

請看皎潔瑤臺上照徹人天皓樂哉

潮州逢趙子玉

蕭蕭行李各青萍十載難棲可具陳熱惱定知嘲熱客  
炎方猶有避炎人悲緣龍性馴應苦怨託蛾眉黛懶勻  
我欲問天歌楚澤連城自昔趙家珍

煨芋口號

煨芋何妨且樂饑皮毛剝伐自冰肌香傳火候聊蘇肺  
穎落盤中試朵頤白日難書茶竈沸清宵看竹酒卮遲  
猶聞故里方炊玉那得蹲鴟十斛遺

艷曲

花氣和香煖風絲伴帶長凭欄呼小婢莫去繡鴛鴦

過孟嘗君養士處口號

國朝詩史卷之一

江西

五

莫言能好士好士不知貧薛國彈丸耳食客三千人

撥悶二首

曉來無事笑春忙又看梨花滿地霜不遣閒愁絲雨似  
朝朝暮暮織柔腸

下階隨意折閒花愛殺和風拂樹斜但使春光常在眼  
漫言客舍不如家

湯來賀

湯菴南豐人

過舊寺次拙菴韵

將鬢辨羣峰微雲在孤嶺蘭若隱其間潭泉心共冷衆  
卉含新色頽垣延古影靈域世情稀懷抱春日永清淵

濯吾足崇岡振吾領迢遞見匡廬懋寂觀幽境我心多  
憧憧茲焉安可靜

懷孔登小卓左車龍文許師六

動息無所營蕭然似孤鶴質質砥頽瀾高卧閉山閣幽  
棲疑踟躕瞻懷仍廓落世人無是非吾心自哀樂溪林  
濯微雨寒泉鳴澗壑洗耳謝浮名于焉安耕鑿

謝文淳

秋水南豐人

元日夜坐

生年四十餘所閱亦已悉險夷并冷暖况味殊不一默  
思少壯時自許頗挺出忽忽遂至今回首難自詰忍視

國朝詩史卷之一

江西

六

黎元憂患比同室終抱懦夫慚未能操一擲四壁徒  
爾爾項何嗟及淩落寄荒園饑寒守舊帙竹柏共嚴  
枯飄蕭猶暮色愁至上西樓搔首汀烟白

羅萬象

光太初菴南昌人

夕發

啟曙聞清磬番風開蚤船高低禾黍熟遠近藕花連一  
楊秋猶暑千村午正烟紛紛湖上客幾見璧珠圓

宿文殊菴值雨

一經藏舟小風雷儼帝威佛龕燈影亂蟲砌雨聲圍世  
道留餘拙臺心悟昨非已教雙鬢禿莫更負初衣

秋興

爲愛濤聲一葉遊繁華應說古揚州興亡事業滄桑換  
今古文章筆墨留人以亂餘爭避地客當倦後易悲秋  
仲宣樓上頻登眺遠水閒雲杜韋洲

禪齋社集同蘇青庭姜如農曹惕咸孫大宣

高秋梧葉下長天客裏相逢意愴然家國風烟頻在感  
雲霄氣象倍生妍匡時手寫三千牘取醉腰空十萬纏  
不是佳人能比玉那看瓔珞照華筵先夜大宣座上有小喬

李天爵 二九鬚麓吉水人

問藏雲寺路

國朝詩印 卷之一 江西

翠屏何處路回指嶺頭分樹老零丹葉山頑剩白雲烟  
溪泉不見松響磬無聞到寺僧纔出幽尋過日曛

游青山太白祠

未必甘心此其如境遇何名流不得意是處且悲歌遠  
水碧無際前山青不磨高風連畢謝龍山有畢世茂墓青山有謝玄暉宅  
酣詠藉同過

元夕風雨

大地魚龍莫認真惟憑妝點太平春千門燈火忽成歎  
幾處笙歌未見人佻達空饒今夕眼風流闕此時身  
多情還藉深宵雨伴醉催吟不厭頻

過版子磯弔古

當年曾此陣雲屯草木猶棲舊日魂逝水無情江燕去  
空遺明月照黃昏

李元鼎 梅公吉水人

仲夏章門苦雨余以足病偃臥偶和皮陸郊居倡

和詩

高樓宜聽雨大浸已稽天夢斷依蕉鹿寒餘抱葉蟬無  
奇堪問字有客或談玄何日携琴去匡峰訪谷泉  
簡點平生事年來百不能應憐湖海氣漸免鶴猿憎花  
落千山曉書閉十道微相期尋野老高卧枕松肱

國朝詩印 卷之一 江西

錢塘曉發

又作西湖別帆開水國遙魚龍驕夜雨鸛鶴吼晴潮江  
自成三浙人還記六橋雲山纔極目一棹進岩堯

聞鳩

剩有烟花好言尋草樹無雁歸春事劇鳩喚客情孤海  
國鏡魚婢山居想木奴扁舟何日去閒挑獨躊躇

古寺

古寺倚巔屹秋空迥露寒經淡來客少僧老得禪安乞  
米朝烟斷轍經夜月殘山林應有癖欲去且盤桓

寒食

荒城草色動寒烟  
片片花飛綴紫錢  
赤羽連年驚霹靂  
綠楊何處影鞦韆  
龍蛇氣冷蔽山  
水題題聲發細雨  
天爲愛客總紅杏  
美閒携春酒小樓前

舟行晚眺和內人韻

生涯寧復問窮通  
曲圻舟移面面風  
宿暑含烟籠野水  
微涼卧月信孤蓬  
平疇雨過全浮碧  
遠樹霞生半隱紅  
贏得家山歸萬里  
客懷搖曳櫂聲中

人日

屋角晴生鳥乍鳴  
又逢人日客懷清  
登高事欲尋舊歲  
古人舊以剪勝風  
傳自楚荆喜趁盤  
辛暹對酒開挑菜  
人日登高剪勝風  
傳自楚荆喜趁盤  
辛暹對酒開挑菜

甲且炊羹良朋漸有探春約  
疎影斜烟已亂橫

七夕立秋飲素臣園亭分六麻

橫流清淺泛胡麻  
赶到秋風拂露珈  
橋渡彩鸞新荻影  
葉辭么鳳小桐花  
關河夢斷機絲歇  
絡緯啼殘漢渚斜  
爲愛水亭纖月在  
相從斗酒問靈槎

送王鐵山少司空南歸

夏木初森鳥亂啼  
櫂歌聲度野雲低  
一尊夜對滄江晚  
二水晴分草樹迷  
歸去高風推甕社  
由來往事話隋堤  
照人祇有三江月  
爲寄愁心過竹西  
何事東歸寄未成  
纔聞擊楫旅魂驚  
風生戍鼓千戈滿

棹入淮河枕簟清  
棋局每能敲夜月  
酒兵時與破愁城  
離懷別有關心處  
極目烟波去住情

留君無奈妬君還  
沙暗河橋水一灣  
身世漫憐雙鬢短  
江湖寧得幾人閒  
登樓有賦宜招隱  
卜築無錢寄買山  
爲愛醉鄉深處好  
秋風應待掃柴關

劉元釗 遠公南州人

哭黎爾耆偕四首 選二

蒼莽魂何處應來  
設位前迴腸觸往事  
啼眼檢新篇  
離人忌疎狂謝世  
緣終軍年正少遂已  
杳重泉

中國奇男子留傳不  
已詩曠懷能玩世力  
學豈于時痛

國朝詩的 卷之一 江西 干

飲逃名遠耽書對客  
披立言雖不朽回思  
轉深悲

送黎爾耆偕歸和留別韻

才名到處有逢迎  
老我飄搖得締盟  
灑酒殷勤傳別賦  
假裝徙倚動歸情  
听梅欲放人同遠  
江雪初融夢亦清  
舉目河山空悵望  
難銷詠史扣舷聲

徐大酉 次山南昌人

雜詩

飛鴻遲遲來棹入  
青烟路遺音落風中  
適與歌聲遇初  
曲相和鳴終曲託心  
素幽期竟何如萬古  
此朝暮  
張自烈 爾公袁州人

懷夏姦仲

今夕何所思思君君已去不恨道路長恨君別我速假寐忽逢君蒼忙與君語未知君夢中相逢竟何如

酬嚴子軒

我從山陰來不見幽人廬與子長相思遺我夢中書書辭四五行情好與之俱爲歎白頭人古道何榛蕪

南燕暮春卽事

數年襍被客他鄉又見流光過短牆草睡不思春老大林有睡艸見之則令人睡見述異志花酣應憶日初長白雲到眼魂千里青史隨身影半牀人事夢涼腸欲斷

南朝詩的

卷之一

江西

主

狂歌何處濯滄浪

萬時華

茂先豫章人

飛花

落花亦解愁不逐春風起春風故撩入亂送深閨裏花從門外飛女向樓中泣樓高下翠簾莫使花飛入去年春風緩昨夜春風急含愁拾花片花減益盈滿

歲暮田居

選二

負疴中田歲聿云莫時謝賓遊以親妙藥安視四壁忽忽意動吟咏遂生積五日得二十首詩不云乎獨寐寤言余之謂矣

弊廬守窮歲霜風吹敗裘閑居自言樂或以增繁憂多語欲衝耻與僮僕謀偃仰會天命冉冉室中愁松柏植高幹冰霜互綢繆根株豈不遠安能離故丘聊用愛我拙巧將何所求

張廬隱深竹仲蔚樂長蒿風塵昧至性幽翳良自逃宅東有高畝負甕聊周遭左渠帶長川蒼然山氣遙卜築暫云始綺季徐可招榆柳前後列蔬蔓縱橫交長揖謂園叟開春護新條小人學爲圃飛鳥營其巢

中秋夜山中對月

松雲千萬叠到夕野光團湖濶烟無盡山空月自寒砧

南朝詩的

卷之一

江西

主

餘鴻影度露下葉聲乾應有高樓婦羅衣畏獨有

月夜滕王閣別鄭謙止太史韻

出城因愛客尊酒酌滕王檻覺雲來靜江看月去長沙遙微見白山杳競爲蒼共惜朱簾地高歌夜未央

南康夜泊

匡廬峰下月何意入船窓水氣星兼動山形夜自降帆檣歸暮鵲燈火吹村厖坐久侵涼露天河半在江

七月初六園夜

物象觀流火羣心晚倍清院涼添野色林曲動秋聲斜月難成照孤雲未肯行燈搖林外影深淺較疎螢



蝶磯

江外龍龕拜古妃，午雲粘綠上蝶磯。  
廟生涼雨蜻蜓出，旗滿靈風燕子飛。  
草氣無名侵野渡，鑪香不盡著人衣。  
富明橋畔初來客，遙祝鄉園一當歸。

林居得巨源同等公湖上詩，因憶春齋訪等公，奉

定寺便過龍沙問海公，病遂有此作。

尋師策杖踏春泥，門外羣峰亂綠西。  
定水沙邊分鳥跡，維摩榻畔聽鶯啼。  
禪心奈後依獅子，幽夢燈前過虎谿。  
妒殺榆墩狂客伴，落花風動草香齊。

穀日同子強子美士業吉人伯甘過僕家樓便趨

國朝詩 卷之一 江西

三

龍沙水操亭餞延閣暮歸

尋春江畔醉春回，雲濕高沙竝雨來。  
兵氣漸銷新月月，城陰欲變舊蒿萊。  
千村綠樹分行袖，百里青山上野臺。  
歸興忽隨鴉陣起，小樓詩思晚相催。

落花

花狂不解惜亂舞，小庭中呼童莫輕掃。  
片片是春風。

觀別

芙蓉無態颭寒波，只爲空江別怨多。  
欲識滿汀離別意，亂烟絲雨奈卿何。

毛乾乾 用九心易九江人

歸自洪州移菊贈匡山諸友

客歸何所有，奚囊飽載菊。持贈素心人，結契在空谷。  
我愛菊情閒，不共春華逐。莫言終隱淪，凌霜始馥郁。  
嘉種好栽培，休向瑤階畜。

過白石菴

即李公擇藏書處

貝葉當軒亂谿雲，入檻孤撩人。惟白石誦讀竟誰徒。

答用旂嘲反舌

鳴鳳已辭郊，云胡不自默。來春復好音，此日姑藏舌。

伍柳菊偶安福人

題永昌蕭寺僧房

國朝詩 卷之一 江西

詩

偶如醉後喜逃禪，凝碧池間奏管絃。  
魚貫無人行白帝，蠶叢有路上青天。  
鶯聲猶未驚鼉鼓，雁字何由過錦川。  
攜得一琴歸去日，芒鞋幾兩踏湘烟。

吳雲 勸翁安福人

答示伯子蘭仲子萱原韻

老來情性頗閒和，引得相逢笑處多。  
或向花前同對酒，時來月下且高歌。  
莫愁白髮今如鶴，尚有黃庭可換鵝。  
名姓何妨人記熟，江湖許大任漁蓑。

熊劍 勉茲豐城人

秋曰登豬山絕頂

路三



三角峰峰秀登臨步履躑躅雲霞澤若接天地乍疑寬古  
寺層崖翠秋風絕壁寒墨池猶有蹟嶺上有徐子墨池今昔自  
殊觀

楊惟休 叔度豐城人

彭澤詠懷兼懷彭澤

浮雲隨風翔忽焉離故山故山一以遠去去不復還乘  
流汎江波江波何潺潺瞻言思遠道遠道阻重關遠道  
不可思惛焉摧我顏達人希高蹤冥冥不可攀

秋日御苑紀勝

離宮嫋嫋入秋風輦道依微一徑通簾捲烟霞來爽氣

國朝詩印 卷之一 江西

波搖金碧上虛空啼殘嬌鳥傳天樂開出新花學粉紅  
賦罷甘泉多勝事彩毫時帶白雲籠

虎園一帶繞長廊雲錦千羣下鹿場盡道玉花稱上駟  
還傳朱鬣賜中郎風迴勁勒蒲梢影露灑新芻首荷香  
樂府久知稀駿馭徵歌無復詠飛黃

鄭日奎 次公靜菴貴溪人

中航渡

飽飲雲水趣未覺歸來遲回首山徑黑暮靄何紛霏嚴  
城譙鼓動行人已稀艇子候渡口燈火明江涯辭輿  
登畫艦鼓棹凌清漪灘聲亂人語不知舟暗移魚龍潛

不動水鳥驚忽飛下視碧潭底星河影倒垂顏色帶遠  
郭烟樹相迷離涼風颭以至零露沾我衣夷猶歸路晚  
此景還堪怡

袁 衡 帝簡豐城人

秋夜對月

葉落空庭露氣清月光如水鳥頻驚鳥衣喜對霓裳曲  
白髮愁聞玉杵聲簾捲竹風親几杖籬開菊蕊閉柴荆  
嗷嗷忽聽天南雁叫動鄉心淚更盈

劉斯寅 公寅素菴南昌人

樹陰

國朝詩印 卷之一 江西

閒庭多古木夏日結層陰偃息分蕭爽閒觀得淺深莫  
教千葉漏但許一蟬吟燕市悲歌客躊躇生隱心

過楊西雲先生署齋

吏隱清河有所思草玄纔罷又臨池肩輿襍被經過處  
正是冰壺鶴叫時

趙希階 方石南豐人

失題

春光明媚正書雲遙望西山翠靄分鐘磬梵宮無靜地  
與先生同寓僧舍笙歌鄰院每斜曛茗爐坐對晴兼雨意氣縱  
橫我共君獨羨詞壇舊山斗才名此去更空羣

吳甘來 節之新昌人

望匡廬

一抹丹霄外尤憐薄霧迷澗垂疑雪拂嶂絕悟天低世  
眼禪能寂遊霞雁代題湖舟吹夕照何處問萍栖

魏禮 和公寧部人

對客

萬樹深松半畝天晚春相對坐悠然繁花亂落一庭雨  
急水爭流滿澗烟我愛清風生竹嘯君能古調寫禽言  
山中茶笋兼薇蕨帶露烹來色色鮮

懷人

明詩約 卷之一

江西

毛

蓮花亭子梧桐徑葉葉交陰正午涼冰簟綠烟秋水細  
美人紅玉藕絲香風吹畫影搖庭竹日冷題詩到粉牆  
爲念陸生今萬里炎天瘴雨在文昌

山居

拔地孤峰逼太虛青松黃竹內吾廬爲貪魚鳥常閒坐  
仍有親朋不索居三徑露葵千日酒萬重雲岫四圍書  
時人每比神仙樂疑是神仙樂不如

李振裕 龍饒吉水人

早起

連朝衝曉霧倦枕怯鳴雞冷淡空齋菊拋閒小閣梯披

衣霜正白歸馬日平西借問同朝士何人夢改霜

偶慨

漸寒仍暖薄霜晨初試輕裘十月春小閣看山原不俗  
太倉分米敢言貧眼中未可輸心語世上誰爲解事人  
一味避喧成獨坐兩鳩聒耳最嫌頻

雪中作

欲落不落雪滿天將開未開花冷然枴櫓燒殘席未煖  
檐牙凍合人高眠喧囂綺陌月三五爛熳華燈酒十千  
何似短檠依永夜閒烹紫筍理芸編

林時益 長盛確齋贛州人

明朝詩約 卷之一

江西

文

正月十二日同李咸齋彭躬菴曾止山自東巖取  
道圓通將登翠微峰訪魏東房冰叔和公伯仲  
金精遇王老與談感賦王老號辛研建昌某所  
旗較

東巖入翠微夷險路不一真路乃在險欣憚互爭執于  
日憚何其披榛越次入壁仄水無梁屢涉復屢涉相對  
歎阻艱廢然幾回展歛忽抵金精解衣聊坐息野老解  
茶事儒采遂論直喋喋自薦能令人疑失實未言與淚  
俱悉我南來迹惟以日月虧備令諸艱集我家昔世官  
衰年五十七只今悲短髮懷此向誰述嗟聞老者言我

心頓如棘

彭士望 躬菴寧都人

玉簾泉

平波冰最文胡然此直下風霆散烟霜懸空偏飛灑小  
墜疑噴沫大鳴輒震瓦掩映蒼崖間蜿蜒白龍下牙爪  
勢翻騰鱗甲光閃射中更裊遊綵石隙數行瀉玉簾古  
所名杼軸何人者

玉川門

五老好奇不肯住奔溢餘波向東去下爲千丈龍盤渦  
上施百丈鐵圍柱巨獸撐呀谿谷間如戰昆陽風雨遇

國朝詩的 卷之一

江西

三

浸玉寒澄萬古秋朗月碧潭風靜處其他大石散林莽  
似掌如茵眠坐具蘚繡雲痕錦不如高下宜人誰所置  
隨步蒼巖翠壁幽一曲一轉皆新異我宿僧堂月上初  
夜寂千雷聲震厲屋瓦俱搖地若浮海水能飛夢猶悻

同祝仲立瀟湖泛月

十載江湖秋夢多月明誰共話烟波憂來只與青山近  
老去其如白髮何芳草同舟公子思落花空谷美人歌  
紛紛本欲辭前渚獨有西風戀黍禾

江樓聞笛有懷易堂諸子

歸路饑驅去路兵無家落魄半鄉城一身長向秋風老

百感多從夜氣生湖海樓頭猶舊客關山笛裏自新聲  
前津欲問梅川水不盡烟波寄別情

乙未夏五朔惶恐灘作

惶恐灘聲五月寒舟程出石報平安英雄此路老俱盡  
天地到今愁未寬白日下照水流疾蒼松高鬱雲孤盤  
江村漸急求湘鼓野客初聞涕獨酸

題三峴彭中叔青壁堂

青壁靚面幾千尺細看雲烟生石根須教日脚冬回谷  
獨許泉聲夜到門客子過談雜醒醉主人宴坐隨朝昏  
芙蓉翠竹秋窓冷愁絕中原萬里村

國朝詩的 卷之一

江西

三

雨漲

春雨連江漲百川蛟龍夜起未安眠平欺綠草全吞岬  
不讓青峰直到天傍險盡逢騎馬客乘流時有釣魚船  
吾生徙倚將何適空對芳洲獨樹前

聽舊宮人彈箏

銀甲斜拋雁柱飛玉熙宮裏尚依稀不須彈到回波曲  
說着當年淚滿衣

丘維屏

邦士寧都人

贈南豐張曲江明府

張公大是好男兒見聞裂紀千條紙秦邊燕市四十年

南豐一載徒戲耳手拋雙文篆與人吳鈞獨看思紛紛  
相逢但是五陵子且與遊獵江南春君不見南人水嬉  
張連弩潮生月白起擊鼓何須定住南山邊射得大魚  
如射虎

曾 燦 青藜寧都人

春歸曲

雨漬落花紅熠熠青膚曉蹙胭脂濕倚遍闌干香霧濃  
藍蔞柳色鶯聲入二月雙江雙尾春江頭新漲斷行人  
有客蕭條不得去馬如蒼狗衣如鶉去年今日螺川道  
今年除盡東園柳年年春光見故人不見春來顏色好

國朝詩印 卷之一 江西

三

春來遊子嘆無家春去東風燕子斜攀條無計畱春住  
坐向階前惜落花

日暮

北風吹落日游子發深思一鳥入雲沒孤舟信岸移但  
看芳艸處不與昔年齊坐久向流水感君無已時

九奇峯訪老僧匡雲

一折復一折乃知山路長崖隨藤作杖門以石爲梁遠  
壑故多色野花殊亂香老僧惟好睡不問客何方

過淵明先生墓道

莫謂南山在能逃亂世名江河消酒力天地感鐘聲彭

澤官三月柴桑老一生爲傷孤竹子何以不躬耕

恭謁金龍王廟

王姓謝名緒宋末以諸生死難誓  
日黃河倒流即吾報仇之日

下拜遺宮此布袍觚稜斜日動旌旄山川何事多新壘  
舟楫依然轉舊漕萬里魚龍南去盡初秋星斗北來高  
茫茫千尺黃河水不見當年起怒濤

初入梧州無可大師將南歸賦呈拜別

幾年客向猿蠻住消息難真欲問誰白帽風前歸去日  
緇衣春盡老來時久傳鸚鵡啞黃鸝獨感龍蛇吊介推  
此別蘆笙吹斷少知君還有越鄉思

甘 京 健齋商賈人

國朝詩印 卷之一 江西

三

魏和公吾廬詩

翠微拔地數千尺水閣峻峭鑿山石季子結廬據石巔  
萬壑千峯列几席有時雙手摩青天問天何處有虞淵  
南之瓊海北燕市空走人間路萬里歸來築室曰吾廬  
丈夫丘壑豈得已

舟中遇任道援云凝叔已過此赴黎川矣悵然有  
作兼懷遠遊諸子

逢人岸北臨開棹傳子前宵已過車契闊不能謀信宿  
壯懷如此作馳驅江天風雨孤蓬暗道路兵戈野店虛  
異縣往來成阻隔天涯消息更何如

采石

聞是上游形勝地石磯橫截與江分危松影動魚龍窟  
敗葦風吹雁鷺羣宋室連營傳太傅常家奮武出將軍  
江南昨日何曾戰炮火空臺築水漬

魏際瑞 善伯寧都人

秋山

山如畫出風色隔林明已欲虛無沒還因蒼翠生水  
春千澗靜茅屋一溪平坐卧南窓內秋心日日清

采石磯

萬里江心百尺磯開平曾此戮鯨鯢至今天變風濤怒

國朝詩集 卷之一 江西

重

猶有嚴聲動鼓聲雙燕似悲秋社早片帆斜出夕陽低  
高皇夜宿留詩處草莽微臣不敢題

魏 禧 叔子水叔寧都人

金精行

長沙錢甲屯運口素帶花旌動楊柳玉驄斜駕七香車  
路上行人盡回首麗英家住此邨落不愛鴛鴦愛猿鶴  
石苔爲髮蘿爲裳日采松枝煮丹藥烏飛月落洞門開  
平明車馬爭入來冉冉披髮出峯頂三軍悵立百花臺  
臺上日日雲波屬臺下年年春草綠風雨夜深山洞冥  
錢鑿餘聲出空谷

灌瓦研詩爲李少卿作

劉呂爭存亡齊兵如雲擾賢哉灌將軍連和不中撓將  
相倖機會左袒殊草草安劉第一功平勃那足道因恨  
魏元忠敬業反誅討惡人及葺餘愛人烏亦好至今屋  
上瓦君子以爲寶

獨行山閣見落梅歸命筆墨卽樹下賦

蕭蕭蒼壁上一片落寒枝冬日佳無極山中清若茲羣  
蜂分逐艸孤鳥自銜池相對籬東菊衰榮感異姿

病卧聞月想湘上作

曾聞湖水夜月色涵秋清欲駕烟中艇直來湖上行數

國朝詩集 卷之一 江西

語

峯生杳靄一片沒空明何意仍衾枕殘燈暈已生

辛丑五月寓新城塔下寺奉懷沈仲連先生在肝

貽

鬱孤誰望舊時春 先生有鬱孤臺春望詩 短屋寒燈對石門一自

故人爲遠客纔知夫子正長貧新城樹色全消雨古寺  
鐘聲半入雲欲到麻姑山下問蓮花幕府隔江清

春日卽事

棕鞋茶杖笋皮冠落日春風生暮寒竹裏桃花花外柳  
一池新水浸闌干

魏 禧 再見

上元夜友人見過分韻

他鄉爲令節花信早知春靜夜來高士深燈存故人剝柑耽味好對酒愛情真卻憶明朝別居然海外身

西行道上

河南紆道至再渡及關門雨打韓王國烏啼張相墳白楊風自戰古廟日多昏秦楚讐皆報何妨廢作村馬蹄生白日人影過橫塘彷彿宵征處棲遲夜色荒風林飛宿鳥露草咽寒蟬西隴閒鸚鵡誰來問上皇

海淀  
李氏舊園

但剩頽垣在猶聞繞徑香藕花知舊恨菱草滿橫塘石

蘭朝詩  
卷之一 江西

三

洛洞門閉畦寬稻葉長紛紛歌舞日種得此淒涼

李振裕  
再見

雨甚諸同人散去施愚山高阮懷止宿齋中

高會連吳越清秋雜管絃遙開桑落酒人聚菊花天夜雨淹留得新詩次第傳諸公延勝賞慎莫問歸船

雪

草閣明寒夜荒村不掩關巡簷驚白首捲幔失青山微調何時歇軍書此地閒撥醅煨芋火稚子有歡顏

授館職紀遇

六年草土思親淚兩載兵戈戀關心多難敢云臣節苦

不才轉覺主恩深身還紫禁依新雨夢入青山憶舊林苑裏花間容嘯傲有時翹首一長吟

十六日復雨

經年踪跡類飛蓬獨樹花繁憶舊叢殘雪未消千嶂白深燈重對一樽紅地非巫峽常多雨船泊瀧江好挂風敢戀岩棲忘出處簷楹徙倚暮愁中

熊一瀟  
蔚懷若閩南昌人

登小孤山次梁相國壁問原韻却寄

突兀疑填石荒唐紀斷鼉誰移華頂消偏障海門高吳楚千帆月江湖五夜濤滔滔任來去一葉穩漁舸

蘭朝詩  
卷之一 江西

三

魏世傑  
興士寧都人

山閣贈徐雲石

直到翠微住山樓日日陰桃花天半落春樹雨中深兩夜分寒榻三年共此心與君還幾日攜手下高岑

時將石同過新城

偶興

山鳥如相識巖花已不言歸來懸木榻小月滿前川梅之珩

衡山道中望嶽

一路經行處春田早事農垂垂官道柳浙浙澗邊松壁

舞泉爲帶山深雲作壙望中疑九曲只向祝融峯

登嶽

誰鑿丹梯傍斗斜盤空有路到仙家  
筇輿輕度如張翊錦纜牽行似泛槎  
瀑響忽驚何處雨雲開時見嶺頭花  
山川氣象紛難定又聽鐘聲落紫霞

魏世倣 寧都人

與自牧上人同寓雙江僧舍書贈

老僧閒木榻因得此淹留  
好客同晨夕清樽共唱酬  
夜

關山色近月白竹光浮  
萬籟渾寥寂風聲帶水流

曾必光 一甫金谿人

園朝詩的 卷之一 江西

五

同魏山公游符采閣次韻

野航人恰受看竹夕陽時  
古木留僧住秋聲與客期  
霞翻灘水濶帆帶嶺雲移  
不盡登臨興江風吹別離

山林

古木離奇澹夕烟幽窓時檢白雲篇  
更無人過茅簷外

一片秋聲響到泉

陳弘緒 士業新建人

舟中雜詩

積翠浮烟雲山川漭迴互  
晨飈漾縠紋柔艣驚鷗鷺  
層巒俯長隄微見採樵路  
或有遊秦人遙隔桃花渡  
冉冉

勞征途搔首空竚幕

題東坡畫像

疎髯離離日光爛垂綫斜中立危岸  
蠻風颯雨驅潮來先生醉眼摩霄漢  
平生所欠惟一死胸中浩氣吞海水  
枕柳林邊墨萬行下視蔡章真犬豕  
五星散盡奎無芒帝傍不復降鄒陽  
當時中國無容處此日何人不酒漿

白鹿岩 天經南州人

秋晨

乍離香閣夢笑與百花迎  
暑退雲方霽涼歸路更清扶  
桑浮曉影桐葉落新聲  
掃石攜琴坐松窓已向榮

園朝詩的 卷之一 江西

五

秋雲

聚散原無定浮沉亦幻粧  
晴空天既白秋老地多黃  
隱岫蒼茫遠連波激灑長  
捲懷舒意象吞吐向何方

陳志紀 雁羣慈誦吉水人

寧古春日雜興

謫居關塞遠忽忽又春深  
雪氣猶千嶂花光失故林  
從人方學獵驅馬試長吟  
宣室無由見虛懸待漏心  
罪比丘山重恩同覆載寬  
一行來絕域萬里見春寒  
邊草青難發關雲晚故看  
琵琶誰更奏暗引淚珠彈

陳志謹 君三吉水人

冬杪送蔣曠生歸吳門

年來蔣爾徑蕭條每買金山渡口舸相見共揮邊塞涕  
閒游忍聽廣陵蕭天寒日落丹陽樹雪罷船歸子夜潮  
爲報吳陵春釀熟早期沉醉過花朝

陳瓊僊 蕊宮臨川人

雨後過方雪晴郭升旸旅寓適升旸南行畱示雪

晴

草屋泥封半薛痕幽人研北據黃昏螺峯客去初逢雨  
藥市人稀早閉門詩律老來苛殿最友朋世外暑寒溫  
相遇擬訂秋林約剩有丹黃未了村

國朝詩印 卷之一 江西

亨

虞城范動吉世叔招飲話舊因出共司馬公疏草

相示有屬先大人手筆者感賦

邊城功罪著絲綸三載危疆歷苦辛閭外金錢猶召謗  
胸中兵甲不防身功名寂寞關時代疏草淪亡委劫塵  
簡點尙餘先子筆吞聲讀罷一沾巾

周 璿 天則吉水人

兵燹歸葺舊廬感賦

刀狙餘生一夢中歸來村落已成空當年文物今何在  
此日山川渾不同荒老田園戎馬跡傾歌棟宇薜蘿封  
蕭條滿目江天暮遮莫啼鵲帶血紅

撩雲松

孤松挺挺上雲霄傲雪凌霜獨後凋呼爾大夫應不愧  
風前慣作廣陵潮

罷釣

八十滄浪一老翁蘆花江水碧連空何人共話興亡事  
薄暮月明收釣筒

羅 牧 飯牛南昌人

雪意

終日蘆花洲無意青雲表身白頭亦白蒼然非關老獨  
立飲清流襟懷共皎皎

國朝詩印 卷之一 江西

早

題畫五絕

花萼樓頭倚太真水晶盤裏供鮮新尖尖玉指輕拈處  
此果端宜配此人

閨罷樓頭策馬歸人家雙掩夕陽扉自知不是忘機者  
敢怪沙鷗見卽飛

臨池不解着思爲此幅居狀類大痴望去千山秋色好  
閒腮風雨懶相思

青峯兩岸畫天然中許沙鷗自在眠愛殺溪光明似鑑  
欲支清俸買魚船

白雲一片斷山腰微見村深隔小橋但覺年光忘世味



此中咍咍日逍遙

徐芳 仲光南城人

單懷道上早發

立馬宵何處千峯迢若齊地過河濟大天入太行低急  
雨龍爭挂長烟烏亂啼案圖不忍別是崔久凄迷

維舟

一泊本尋常相親情亦半暗裏識鄉聲移篙不用喚

宋佚 未有原名之盛星子人

答友

世風輕薄甚所重有黃金古道誰相許與君結此心書

國朝詩的 卷之一 江西

字

傳邊塞少情共棧雲深萬里孤踪客懷人費苦吟

八大山人 南昌人

七夕

但見上弦月無有下弦時只今蟬與笑信得兩蛾眉

題畫

郭家被法雲頭小董老麻皮樹上多想見時人解圖畫

一峯還寫宋山河

荷花

東畔荷花高出頭西家荷葉比輕舟妾心如葉花如貌

怪底銀河不肯流

汪洙 玉生浮梁人

懷鄭繼之

爲念蕭騷客路難與君相慰各加餐豪於筆墨名偏著  
老在鬚眉興未闌莫訝窮途端困阮須知萬戶不欺韓  
殷勤重惜南樓月今昔清輝一樣看

王驥 安成人

再集荷亭疊前韻

重向荷亭選勝來羣賢聚處好傳盃人因知己當筵醉花  
爲多情特地開水色山光堪再賞狂飈風雨不須催風  
流仙令歡畱客直待斜陽並馬回

國朝詩的 卷之一 江西

三

劉廷獻 元叔南昌人

題彭大采負米圖

丈夫出處非容易功名志行難兼遂幾人持祿賦尸饔  
回首君親兩茫昧醉侯名重神放愁功曹檄至姜岐避  
非持精鑑誠深衷或晒茅容爲鄙士今見平陵叔子賢  
將母辭榮心不二縹帙千編挂胃腸布囊三尺橫肩臂  
晨夕何人敢自殊半菽明心須力致負米辛勤寫作圖  
東村敘事南豐記妙手傳神健筆摹刼灰那許銷其意  
昔甫垂髫對鯉庭卽而條酒桐鄉淚泣捧遺經風木號  
勤依積火編摩悴落筆珠璣帶疊飛乞文筐篚綠頻餽

傳稱萬口到王公招邀百驛來書幣甘旨初心願不違  
焚爾升車嘗四出雪乳香緘顧渚茶永肌鮮致炎交荔  
幾備焦餽候車馳或送甘泉煩水遞蜀筠吳萼海船龜  
一一封題充醬饋時復歸承慈母歡物猶將疑不備  
一朝負米百年心孟水鼎鐘同一視我亦章江村裏人  
北堂華髮霜浮髮穿綻行膝蹠沒泥乞米長饑成左計  
才薄交疎敢孰懟所傷供闕間空倚題詩此汗對君慙  
捲圖擲筆增長喟

元日二首 選一

一方曆本又從頭辦送冬綈餞夏裘老屋羞仍邀旅燕  
國朝詩印 卷之一 江西 璧

新禽惜未叱咤牛眠餐那得梅長伴筋骨難如柳再柔  
已悟駐顏稀妙訣得無愁便是神州

都門午日同人小集分韻

寰海英流聚析津醯雞鼓翼溷緇塵卜居話恐驚詹尹  
許友身還屬老親巧續絲絲知有命名爭競渡浩無濱  
舢船不忍辭知已抱瓮軒聲撼四隣

磁石投針劍躍津朋簪自爾盍風塵飯牛有骨終須貴  
屠狗雖雄未敢親芒屨已穿悲客路茅堂將構卧江濱  
風簾雨笠如相訪掃榻頻呼酒過鄰

梁份 質人南豐人

送友人還吳

帝京春萬樹先遣柳條青君向吳山去花飛滿洞庭紅  
塵南北路芳草短長亭望裏征袍遠愁心極杳冥

趙 疑 國子廬陵人

中條道上

太華餘青靄中條互紫烟關河渾不斷秦晉勢相縣隴  
首王官谷岩邊傳說泉秋聲蕭瑟裏獨想聖人絃

辛酉中秋同嚴平子吳既閑萬師二陶五嶽高處

厚毛子霞蔣玉淵游雲子九老同登黃鶴樓

九人高會楚天秋今夕偏宜黃鶴樓空盡白雲寬放眼  
國朝詩印 卷之一 江西 昌

獨來明月漸當頭茫茫水勢將何極澹澹山光不逐流

亘古乾坤吾輩在詩成舉盞賀長留

彭厚德 子載寧都人

雲龍謠壽周崑來太母七十

我聞張公齊賢壽母幣充前人不能行母欣然乃今周  
子有母肆壽筵但向艸野窮交乞詩箋曰母貞順無奇  
妍請無辭溢隱真詮粵自來相君家尊蚤夜壘鹽井曰  
勞獨肩饁豐課子敬且嚴饒嚼茶味如飴甜忽忽遂已  
七十年兒亦二毛盈其賴思之何以承歡顏語猶未既  
聲哽咽我觀周子半生寸管雙手胼雲龍上下周遭布

渡蟠連卷水墨漬汁無有痕單條巨軸高而平十旬三  
朝千筆萬筆不能竣隙闕目之電掣雨驟眩欲眠儼如  
濤飛山立鎮摧翻無事疑南湫宮求蜿蜒湯旱永不煩  
憂剪卽今大官月俸恒百千何如以此負米代力宣養  
母壽母曆算侔星躔是母是子前無賢我歌且謠附流傳  
蔡受白禾亭都人

坐靜齋寓中有感

書城原是一愁城到處蕭條眼倦清入局不聞棋勝負  
畫山銷過日浮生人中龍鳳何曾見鏡裏鬚眉合動情  
近覺學仙終要骨妒他王子解吹笙

國朝詩歸卷之十一 江兩

望

哭亡子紅兒十二首 選一

多病所須日不然吾兒如藥竄堪憐三更天看字詩畫  
一榻地同行坐眠命竄福輕終似紙年豐玉重漫成烟  
而今搖落淒涼盡秋未深時客已先

國朝詩的江西目錄

卷之二

王猷定 十六首 毛 達 五首 齊思亮 二首

馬 驤 四首 饒宇朴 一首 喻 指 二首

羅光忻 二首 吳學炯 五首 趙 島 二首

楊嗣漢 一首 卓汝立 一首 趙 島 二首 再見

劉首拔 二首 王孫茂 五首 熊 侯 一首

吳于縝 六首 唐 佐 一首 李開熙 三首

劉覽鉉 一首 陳允衡 十二首 謝 適 十一首

康若生 一首 王維藩 一首 丁弘誨 一首

國朝詩的江西目錄

劉 肅 一首 周必勃 一首 黎維翰 一首

趙燮夏 一首 朱 徽 一首 徐世溥 一首

黎元寬 一首 吳 雲 三首 再見 湯永寬 二首

彭廷佐 一首 彭廷訓 一首 彭廷謨 二首

彭廷典 二首 湯 倓 一首 周 京 二首

劉雲鋒 三首 揭人蓐 二首 樂 楓 四首

蔡景定 一首 喻全易 一首 鄒隆遠 八首

李得梁 二首 符夢駒 二首 鄒 奇 一首

徐日章 二首 涂士任 一首 裘應時 二首

傅 涵 二首 劉景曾 一首 萬承蒼 二首

楊技遠 五首

熊肅鎮 二首

張 蘭 三首 徐世溥 三首 再見

陳 舜 二首

國朝詩的卷之二

長沙陶 煊奉長選

同里張 瓌豈石同輯

江西

王欽定 子一南昌人

貞婦行

誰焚大林揚灰九州有宋之子夫何尤吁嗟乎仰天雲

流俯地河流莫知其由解一易日月冬爲夏挈涕洟晝

夜鬼急人蜀岡下解二鼓鼙變官軍噓城市語各模糊魂

魄不得少踟躕呱呱汝雛解三崇墉隄只蛇豕奔只黃泉

國朝詩的 卷之二 江西

日月下照中只義不可辱兮奈何夫子解四兩滛滛水深

深弓刀鳴烏鵲瘖萬瓦飛一寸心扶夫臂結黃金投兒

去不復生解五

晚步劍山至朝陽崖復還若公蘭若

策杖脩東往沿江復高阜盤蹕下層崖波濤喧肘後上

有雙人峰積石蒼苔厚窮崖一戶開居然見縑叟指點

渡頭山山山落吾手歸塗穿日脚月出斷山口下看捕

魚人乘潮若飛鳥咫尺寺門深海氣到林數默坐觀此

心鐘磬亦何有

螺舟招集北園小閣漫興同方朔圭山菊賞天目香令同叔汝受學臣

遠風似潮來湧洞到群木小閣如乘潮開窓恣遙矚一  
鳥鳴前林衆鳥相與續林外紛笑語聞喧轉幽獨俯看  
池上波羣陰走大經彷彿上鬚眉漸見斜陽綠主人羅  
盤餐兀坐意已足靜密聽無聲高堂閱修竹

軍山看日出

天鷄叫罷海水黑萬里扶桑絕消息長鯨鼓浪吼天門  
北斗微垣辨不得有客通宵坐石林寒風三月吹人心  
以袖蒙頭臨絕壁樹外倒看天沉沉須臾東際生微白  
碎剪波光亂天碧丹霞氣氤氳尚氤氳已有金蛇兼電掣  
可憐久雨廢耕種萬戶愁雲方入夢頭白書生愁更深

國朝詩的 卷之二 江西

眼見陽回心轉動那知聖人出深宮九霄步步光玲瓏

橫空作勢屢興沒義和攬轡何從容剗然半壁紅輪起

砍斷蛟龍四海水三湧飛光上碧空回看一寺桃花裏

亂石灘看落日

秦皇渡海觀日出何神能驅下海石海日可似秦皇時

此石今猶着鞭迹小石累繫到海沉大石不動守高岑

我愛此石坐石脊以手撫之聽海音海音颯颯從東起

浪湧孤光勢不止半天紅紫落千林轉盼扶桑已西徙

阻雨望真州不得到

口外黃天蕩人家太子洲只飛千騎甲不渡一人舟戰

地江門苦遊魂荻岸愁斜陽兼雨看親切此山浮

泊舟揚子橋

蘇軾風濤外閒心寄沈寥馬嘶黃艸岸人急暮江潮塔影眠寒水谿聲走斷橋夢中敲古缶長憶廣陵簫

返揚州喜晤孫無言

却訝秋還在蕭條滿目非江山千騎暗城郭一人歸見子南冠淚猶驚楚客衣庭花何爛熳寂寞伴伊威

立秋口占

颺颺聲成後明明百草頭紛紜何日夢斟酌此時愁樹外風難定門前水不休道人鬚髮上新着幾莖秋

同朝詩句

卷之二

江西

秋夜同杜于皇訪黃坤五先生于興教寺時先生

出玉杯共賞

太史仍留滯相逢一寫心菊情娛客晚玉氣醉人深崔氏莊何處鄜州月正臨招提人鏡裏親切畏寒砧

雪夜同家弟子展宿天興寺

廿年布被擁荒城古寺驚心修二更排闥冷風窺鼠竄高天鴻雪下鐘聲弟兄話少衫多淚老病眠無牖對明汝去戰場誰作伴康郎山下又移兵

清明後一日登文游臺雨眺

目斷長湖三十春千帆暮雨海東塵梨花白髮臺前客

麥飯黃冠夢裏人猛士歌風長憶沛泰山封石耻言秦荒荒日月過天地鐘鼓樓邊照幾巡

送龔芝麓太常北上

辛夷花下幾盈觴折柳重看送遠航禮樂暫因風雅緩管絃偏向別離忙春風紫燕時何促夏日黃河水正長此去樓桑天萬里一聲庭樹是雷塘

重陽

十載重陽兩白門同君舊話黯銷魂卧龍岡上秋千里戲馬臺前酒一樽作宦幾人尋草廛論詩深處有苔痕橋西不減南郊興日暮蕭蕭楊柳村

同朝詩句

卷之二

江西

涇上有感兼懷梁公狄

澹烟寒水遶吾廬採菊何心賦揭車牛背眼光滄海外鶯啼詩興白田初忘情草木慵觀曆錯認羲皇慎續書莫道花源春色好弓刀也自備樵漁

中元前一夕泊石門門上作浮屠事泣然有感

石門陌巷柳青青舊日鏡聲此夜聽枕上有魂招不得秋風腸斷語兒亭

毛遠

錦來新昌人

巴陵登岳陽樓

湘澧朝宗入漢流滌洞五渚下巴州瞰湖雉堞危臨浦

浴水君山靜對樓出沒魚龍常晝夜浮沉日月一滄洲  
仙翁去後誰杯酒重解烽烟閣上愁

楊廷麟 伯祥機部清江人

正月十五夜燈下見李花

江邊明月老漁烟穠李繁鐘異昔年舊國流連寒水外  
故人珍重落花前共看火樹椒觴夜獨醉春風荔子天  
諸將只今誰轉戰不堪烽燧滿山川

中秋夜坐章貢臺

橫簾中宵動客星一聲勞雁出沙汀瓦燈未免聊同俗  
匏酌何須怨默醒萬戶笙歌同夜戍百年風雨此秋亭

國朝詩的 卷之一 江西

五

諸公已草陳琳檄誰倚金戈出塞期

年年誰見菊化開十度悲秋上楚臺半嶺殘陽柳樹落  
一行新雁向人來行雲永絕襄王夢野水偏生宋玉哀  
綠管剛珊賓客盡黃昏獨自咏詩迴

谷彭丈見懷

武山康水自憐才偶爾夷門杖策來健鳥秋風鳴獨柳  
勞魚夜雨上條枚芭田寂寂新軍靜盤道淡淡舊鬼哀  
同是洲邊白鷺月何時重浣菊花杯

齊思亮 玆卿元老南昌人

野寺

野寺建雞壇門前卸玉鞍楊客雲共臥書許鳥分看幢  
影勞風鐘聲苦月寒江郎充彩筆花色滿欄干

同湯謀升爾共金禹長吳禹言呂臣素湖泛

大火西流白日寒幽人載酒水雲寬清絃不惜鄰舟聽  
翠袖應羞老眼看一片江聲蓮葉渚十分秋色蓼花灘  
畫船撐過疎林畔黃葉風吹遍石欄

馬驤 曾士進賢人

贈樊書山

咄哉千里馬一飽粟一石迺與驚駘俱庸衆不能識伯  
樂忽顧盼朱轡生殊色圉臣相與言驍悍非疇昔被以

國朝詩的 卷之一 江西

六

白玉鞍加以黃金勒櫪下悲鳴時良云負雄特以茲發  
深感每爲天生惜願空冀北群庶幾謝儔匹傷心復傷  
心道路多荆棘

秋懷

林落朝如拭秋深獨掩扉萬山隨霧失一雁入雲飛  
北幾爲客江南猶未歸西風正蕭颯愁絕典寒衣

曉發

碧落星如月行行路不迷絕無秋雁至只有夜猿啼  
女前村火農家隔岬鷄板橋霜欲盡回首曙雲低

暮雨感懷

秦關托跡已經年暮雨何當又滿天  
着意過從鴈啄外  
送愁常到客窓前浮雲欲暗千林樹  
絕壑驚飛百道泉  
塞雁江魚鄉信杳故園何處不烽烟

饒宇朴  
蔚宗進賢人

漢口夜泊

蕭蕭孤棹客裝輕乘興維舟漢水明  
地勝高樓留夜月  
江空細浪作秋聲平鋪草色鳬鷗集  
亂織烟光舴艋橫  
把酒總添鄉思切春風回首灌嬰城

喻指  
非指南昌人

登岱

國朝詩  
卷之二 江西

七

五嶽一生志三春兩日閑  
帝鄉能有路人世更無山便  
欲探金策何能駐玉顏  
待期婚嫁畢投老白雲間

白門偶呈林茂之徵君

澤國烽烟一敝貂  
秣陵人事更蕭條  
山頭牧馬無春草  
城下東風有暮潮  
白髮逢君疑再世  
清尊爲我說前朝  
天涯便欲相依隱  
何處能容釣與樵

羅光忻  
庚齋南昌人

遙和文玉公攝山千佛嶺坐月

丹崖蒼壁斷江天  
寒影清光淡欲連  
傍晚烟蘿千葉亂  
最高鐘磬一絲懸  
石依絕巘皆成佛  
月到空林總是禪

不惜秋山自憔悴  
澄流無計問年年

林花將落

三月園林日夜殊  
枝枝堪畏曉風驅  
餘香尚挽春光住  
半醉全憑蝶影扶  
出塞明君空縷絕  
倚欄妃子獨踟躕  
狹斜游女魂飛盡  
猶自停車照九衢

吳學炯  
星若南城人

拈欄寺次黃朗伯韻

拈欄秋色早綠水  
抱松門鶴步斜侵  
徑鷄聲靜到村雨  
花飛白晝鐘磬落  
黃昏安得常移榻  
披襟對爾言

春遊終滙白中丞  
僻園次宋荔裳觀察韻

國朝詩  
卷之二 江西

人

轉向長亭上簫聲  
小院西燕飛花裏  
濕鶯度柳邊迷一  
徑依池曲千峰入  
戶齊山川鳴得意  
琴酒亦堪携  
酒設花棚下山廚  
次第營遠山雲裏  
暗芳艸日邊明密  
塢留春色飛濤作  
雨聲先生能醉客  
歌管屢相更

耕

心力徒勞阡陌邊  
幾經寒暑向誰憐  
翻開數畝千山月  
耕斷三春一頃烟  
稅急莫輸防白簡  
役煩難赴怨青錢  
當年縱不懸金印  
寧祝羔豚負郭田

金閭夜泊

沉沉暮色客停橈  
徙倚無人話寂寥  
風定鐘聲來北寺



月移河影度西橋高樓笛起三更酒淺渚歸舟一夜潮  
吳越興亡成一夢青燐野戍自溪宵

趙島浪仙雪餘南昌人

殘梅

抱寒真不淺避煖獨教先落落還堪對垂垂越可憐千  
峰殘驛雨一水斷橋烟直作蕭條計群芳肯覓緣

和陳涉江侍御梅花韻

殘流咽咽板橋橫負杖歸來帶月行家近寒塘籬犬吠

山園敗寺野狐鳴老甘遺世君應獨冷不宜人我欲并

二十四番風壓斷杜陵閑客最關情

國朝詩

卷之二

江西

九

楊嗣漢部山安福人

張南邨先生自天津解纜南歸行之前一夕燈下

同賦時余亦有都門之行

還聚津門一夜秋翻忘執手送君遊酒杯不異青山路  
詩卷欣存北海樓冷鶴一聲人未渺雪鴻千里夢長留  
此行願逐南天釣駒隙休嗟似水流

卓汝立入齋瑞安人

藍田送友歸漢陽

鸚鵡洲邊艸漢陽江上樹春風吹復青青色貯蓬戶歲  
暮單車還到家看春山今日潼關道白雪正漫漫

趙島再見

題桃源圖

秦復何難避人徒不避秦閉門高枕日酌酒萬山春點  
綴勞君手棲遲借我身桃花看處是漁者自迷津

懷高雲客

客裏逢迎盡相看獨至情三冬榕不雪一刻鳥無聲海  
國風愁定江城月苦明遺安堂上酒容易與誰傾

劉首拔坦菴廬陵人

水閣

高閣涼無夏隱虛敞更幽遠山青翠入古樹綠陰留花

國朝詩

卷之二

江西

十

柳香三徑湖天浸一樓此中饒自得老我足優游

江行

東風吹雨送行舟雨過舟行江自流遙望白雲天際遠

飛鴻落處一聲秋

王孫茂漢卓南昌人

夔門書懷兼寄成都堵羽三

憶余入蜀時桃花放江淺今來橙柳凋青霜變崖路日  
月曾幾何山川倏非故游子戚不怡踟躕事中路好鳥  
潛幽林文魚暢淵聚物性遂所欣吾生獨如鷺巖谷寂  
無聲寒猿夜來呼蚤發伺明星遙征廢朝晡魚龍鼓浪

來鐵石窘其步志激成崩雷碎旬股蓬戶噴沫高于人  
屏淚落飛雨舟子觸風濤歎帆赴奔注一逞有餘鋒秋  
毫疲思慮感此意悽惻徘徊發長吁明日下巴渝漸見  
荆門樹巫峽氣蕭森丹楓足幽趣言念素心人蒼茫阻  
雲霧顧貽雙鯉魚艱難慎行路

峽船行

峽船一葉如行軍步伐進止纖毫明江水西來飛電疾  
新灘扼吭爲鯢鯨舟人至此色先沮耳邊湏洞聞天鼓  
晝夜雷號萬馬奔雪浪排空似蛟舞勢如白水戰昆陽  
犀象咆哮驟風雨長年技巧未易施弄丸手敏心神苦

國朝詩印

卷之二

江西

二

須臾揚地騰隼發百丈危崖突超越十輩爲群飛獵騰  
攀蘿捫葛穿林樾一縷遙空逆浪爭數武機宜金鼓節  
臂隨手使無不宜但見船頭隨晴雪縱橫擣奇正生  
激激吐吞形主客一瞬難容累黍差弗爾頓人蛟螭穴  
合選奔騰久酣戰鴻溝未割寧安晏人生慣習似天成  
隨機事出尋嘗見頃刻謹呼鋒鏑摧死生甫脫鮫人壘  
吁嗟蜀道險如天峽裏長年劇可憐崢嶸鳥道何時畢  
過盡猿灘髮已宣

登萬壽閣望西嶽

突兀是三峰青霞暗幾重山腰雲乍歛仙掌色長封萬

經爭迴合群巒盡附庸烟蘿足高臥遐想昔人蹤

白帝城懷古

崑崙白帝枕雲根萬壑交流一綫存客至亂山啣落日  
雨昏深谷補殘村遠帆如箭飛羅峽哀猿無人嘯石門  
此地幾成王霸業江聲猶作怒猊奔

賀蘭山

葱蔥山色儼龍蟠馬倦長途見賀蘭地界要荒分鎖鑰  
天從沙漠起峰巒烟消河曲羌歌出日落風來塞草寒  
自古防秋連鳥道邊芝今喜遍噴旻

熊

侯匪義縣江人

國朝詩印

卷之二

江西

五

過柯舫借鄧孝威王什園高治安夜集限韻

剪燭恣西拂素箋牙籤萬軸插芸編桐張綠野晴光曙  
月映更流夜色妍啼鳥落花堪共侶怡雲醉石讓誰先  
唱酬木忍輕相擲期閨寒更作小年

吳子綸

續嚴新建人

初晴

西風吹夜半收雨過江東沾濕晨炊白纖陰返照紅洲  
平騰水氣雲淨見秋空飛動平生意悠然一望中

潤州鐵柱行宮偶成

江城五月雨草閣自生寒浪白連山捲雲青帶樹團身

輕諸俗少金盡訂交難十載微名誤何時把釣竿

秋日旅懷

不盡江聲雜雨聲層樓獨坐愧知名秦風豪狹青萍色  
楚客悲歌白水盟遠近潮頭臨岬澗參差樹影帶雲平  
幾番欲買山陰棹極目烟波處處生

同門房慎菴樵使再飲識舟亭同鄒楚賓年丈家

天木兄二首 選一

又隨車馬過城隈買得春風第幾迴客愛此山行且止  
官閑如鶴去還來窗斜照窺人面檻著輕烟護壁苔  
勝會不須悲往事歌聲遠度且傾杯

國朝詩的 卷之二 江西

方沂夢見惠詩扇原韻次答

偶從城市構茆堂病骨蛟嶸只臥牀雁過屢驚鄉信杳  
秋殘不敵世情涼薜蘿霜老懸危閣簫管風迴度短牆  
一水盈盈千里外兼葭何處溯蒼蒼

敬亭

名勝由來數敬亭登臨客思惻飄零一樓峰合千尋碧  
雙塔烟浮四望青花事春殘虛磴落僧歸夜半遠鐘冥  
憑欄幾度尋佳句爲憶仙才古謫星

唐 佐 五達致中南昌人

九日有懷

落葉欲驚鴉鴉疎籬覆野花林酣千嶂霧雁寫一天霞登

閣懷王粲持螯憶孟嘉微霜侵薄袂秋水亂蒹葭

李開熙 穀園廬陵人

釣魚灣

一灣釣魚溪片片桃花亂好鳥啖落花隨風裏散遊  
女踏青回倦坐垂楊岬

江晚

風外碧空靜汀前雁陣寒園紅霜柿老江赭晚霞殘夢  
劇河山近情殷詩酒寬鐘聲來岬北禪定付微瀾

秋山

國朝詩的 卷之二 江西

幾片丹楓落照寒一行征雁過層巒蛾眉淡淡雲中出  
螺髻青青雨後看遠掛輕烟聯樹杪倒移歸鳥下江干  
千尋瀑布懸銀漢指點西風入畫闌

劉覽鉉 觀歌彭澤人

訪江武子

居近層峰靜若村偶隨林鳥過前軒冰霜清到詩中韻  
風雨狂生酒後言懷古只宜爲古處藏名愈覺有名存  
相期莫負千秋事閱盡寒暄此道尊

陳允衡 伯璣南昌人

得施肥雲比部書及黃山集將赴會以詩代意

在昔白雲司才子耽清秩城上出數峰署中寒落日下

有數峰城上出李王既代典徐梁乃遙集當時盧謝輩

名亦稱其實騷雅自嚴廊豪華到隱逸斌斌嘉隆間直

欲過大曆鼎移百年內此地荆棘池館塵風吹粉墨

土土蝕陳跡感前人王風或幾熄施侯起宣城曹閔半

家食要津不可縻蕭疎寄翰墨虎視楊馬間七子有餘

力殺水映清姿亭雲追健筆嚮者里中賢誰視兼作述

深心入文史應手發聲律高才而下人永契似膠漆在

遠寄素書乘軒過蓬室追隨得所歡間濶若相失豈如

李謝交翻覆成傾刻君寧官獨冷我苦客相逼行當覽

國朝詩的卷之二 江西 五

德輝庶往附鳳翼同舍吳與方雪邵久樹詞場幟荷

能復元古勝事不空憶吟罷將見君春山有佳色

荅熊奉常

客心傷歲晚倚欄聞歌聲歌聲一以歇谷響寒潭清孤

舟不能發古調感中情曾是滄蕩人忽爲塵網罟嚴鄭

長遁跡張邵甘辭榮豈無好爵廢千載高其名丘園可

棲遲文史足經營俛首徇世務無乃負此生君言良非

誇吾願亦易盈行當携妻孥白首從耦耕

送陳秉文歸青蘿山

旅懷細閱星霜變歲往客歸相戀戀驛亭草衰嘶馬嘶

平原葉脫飄人面山中日月較世長君爲世長鎮山莊

紛紛柔翰未足貴驅人也似從戎行拂衣歸去山中好

青蘿白石山二春光早下馬開尊已破顏看到梅花萬慮

稿余曾卜隱山之陰饑來促迫出雲林市廛中夜耿不

寐願君買隣向最深取足一牀兼一席與君還往通晨

夕君家可借數乘書讀盡方知塵世隔

午日同蛻斯先生章民文學集夏林呈彭葵若孝

廉

地僻宜銷夏科頭坐卧閑竹聲時作雨樹色欲成山楚

俗今朝怨吳音幾歲嫻他鄉同節序把酒且開顏

國朝詩的卷之二 江西 十六

舟中書所見却寄邵公博士

孤舟一乘輿白晝歎飄零野草截湖綠遙山帶水青斷

雲行處暗急雨過時腥道路非吾意羞稱是客星

初春訪張來初先生園居

春泥三月深於尺獨有幽居穩閉門籬外蔬香供饌摘

齋前蕉綠待書翻幼安木榻心原苦仲蔚蓬蒿道自尊

爲問市朝車馬塞何如羅雀靜晨昏

道經褐塞軒帳魯直孝廉遺稿不可得

故友誰是定君文腹痛車聲路不分豈似茂陵求禪草

竟同俠骨喪燕雲銘旌好寫生前筆掛劍難尋死後墳

李杜曹劉俱寂寞應無遺恨到從軍李廣沒于上谷車中

過黃池寄劉興父兼期吳山賓戴無忝良晤

世事相看汝我疎秋來浪跡怨離居鄉心轉逐他鄉路

客夢都經過客處繞石尚憐辭氣拙會從興父乞米孤琴難奏

淚痕餘君也江阜可便因雙槳把手年光又逼除

歲暮展張與京手札兼懷石初與瞻

坐憶街哀骨立時書來苦次尚相思撫琴應絕人間響

拭劍難酬地下知別路江潭秋水濶歸期冰雪嶺梅遲

阮家門巷長依泊慘澹難尋春社詩

寄和秦吉生駕部東寺楸樹詩

國朝詩鈔卷之二十一 江西

三

吟詩盡日掩禪扉種樹何年已十圍影帶慈雲朝映戶

聲兼法雨夜侵幃庭空葉落驚僧寂院靜花香悟客微

不比長松與細柳獨留生意待春歸

東湖湖上亭歸然獨存安公能言圍城中事索題

一詩

劫度三回一笠存經行不改舊朝昏禪燈自照亭前水

春草全生橋外邨欲辟黃塵依淨友休談白骨動驚魂

賦詩已遍公茅屋却損茶瓜應接繁

黎先生草草廬中酬別喻亭孺劉開生熊正秋

草草爲廬水竹間往來二仲稍相關日移矜上容人懶

霜壓尊前儘夜閒誰信我歸如逆旅獨從君隱卽深山

殷勤更與聯吟榻一別柴門不可攀

謝適怡古瑞金人

尋泉

偃息臥招提默塞洞懷抱居乏水石趣神宇自枯稿曉

望孤峰氣如絲騰瀨瀨下無異物藏胡然晴嵐繞捫蘿

先僧侶側身入窈窕嘉樹蔭泉根蕉葉涵空藻一窺見

高寒滌滯轉清妙微脉注無痕冷潔潤衣縞山川非不

奇俟人領其要仰首看碧流好事自嘲笑

北寺閣

國朝詩鈔卷之二十二 江西

太

鱸灰曳暮青虛牖吸風緊滌慮乍調衣冷逼蟲響窘岫

開容月過江勢綠天盡遠林鷺驚飛水田隋孤影

世紛紛復萌人境喧閉半濁醪浸愁根苦吟銷夕旦夢

還殘月追耳懶饑禽喚晏止永能從翅垂非所歎

影泉次位師韻

脉達涵光細山深品自幽氣收花上露冷助石邊秋爲

雨全無韻因風反不流惟甘寂寞月落夜相求

村月對酒有懷文信子

嫋嫋悲風至林間樹響頻竹陰當戶出池影入秋勻對

月添新恨卽卮憶故人不眠山夜靜峰色看無垠

山菴坐雨

尋壑忽經丘林環空翠幽到門雲在屋對竹霧侵樓榻  
繞茶烟濕泉移峰石浮身羈巾履滑素食媿淹留

丙戌仲秋邑令方蘊羞使君以新詩見貽次韻奉

答

荷錢泣露引秋思愁緒搖搖何所之絕調廣陵中散淚  
萬方多難少陵詩桃源欲去尋孤舫蓮社空招感兩眉  
本是恨人當恨事不知惆悵果何爲

木榻霜余一室空稜稜弱骨敵秋風家遭兵寇南移北  
身共雲霞西復東峻嶒半皆留免窟寒波猶可立漁翁

園南詩的

卷之二

江西

登樓一望烟瀾急萬國河山衰草中

茶蘼

辭辭歲歲綠園多胎香豈減在山阿不須入室分蘭茝  
漫倚喬松作烏蘿簪爾獨抽絲自哀設且雖密雀難羅  
亂頭粗服真俱好時醉東風蘸水拖

次周櫟園先生元韻

先生真爲我情移私叔子能歎獨遲碑下便當三日臥  
句中每作十年思山川雖遠寧相隔筆墨之間亦互窺  
盥手開吟還細繹嶺雲江月滿相思

長汀衙齋望朝斗巖井東黎孝直

常經山色見猶憐况值遙情照戶椽經有群巖皆山霧

松無半樹不留烟全身現出諸峰秀一面難期我有緣

閒想矜秋亭上夜此懷應亦有同然

矜秋亭正與巖對李直第此

康若生

上若安福人

哀流民

流民自北來相將餉去問南去何處言亦不知處日暮

荒祠淚下如雨

解一

饑食草根草根春不生單衣曝背雨

雲少晴

解二

老穉庭廡喘不及隊壯男腹雖饑尚堪負戴

早春糧夕收馬姬幸哀憐許宿茅簷下

解三

主人自外至長鞭驅走東家誤留在逃人殺戮流亡禍及鷄狗日妻

園南詩的

卷之二

江西

三

妻風破肘流民掩泣主人揺手

解四

王維藩

价人奉新人

丁酉元夕馭鹿過飲涉園次韻

越水吳山千里東溯游茲得慰相從漫移南國春山興  
共坐西園夜月中世道滄桑交日變人情樽酒話雷同  
莫將此夕如他夕願取孤懷託惠風

丁弘誨

景呂南昌人

就亭

澹靜常得閒公餘發清嘯宦游落異鄉賓從况同調編  
竹幾數楹曠觀已居要雉影疊風帆蜃光散雲嶠木葉

下微霜江流共奔峭登亭讀新詩幽篁寒月照好句易  
驚人宣城今謝朓

劉 翥 渭生南昌人

畱別周震夫

海罷吹三疊將離那勝情挑燈添語絮不寐引心旌梅  
熟人歸棹春繁鳥并嚶相思知後夜江瀨有琴聲

周必勃 安劉處陵人

咏荔枝

暑雨初過新浴罷蕭森林外有天香月明不用採蟾窟  
急洗瓷罍帶露嘗

國朝詩

卷之二 江西

三

黎維翰

大宗臨川人

述懷

兀坐只書空牀頭吼鐵龍詩能通客况文不送人窮斜  
月移窗白挑燈發几紅此中方寸許一夕繞千峰

趙燮夏

孝先廬陵人

曉起望炎陵

耕鑿鄉人地逡巡天子墳山腰仍宿雨谷口尚屯雲佐  
燕江飛去游魚岸結羣穆然思上古後代事紛紜

朱 徽

送初進賢人

松坪

夜從孤峰下蒼茫斷歸路遙聞人語聲正在松深處

徐世溥 巨源南昌人

落葉

暫隨白露泛青波來歲依然滿舊柯苔徑只添閒帚事  
板橋無那曉車何有時投閑蒙蛛救遮莫排空撲雁過  
漸喜酒旗容易見當爐却願綠陰多

黎元寬 博菴南昌人

山居

五柳門前未學陶避秦爲漢等空勞眼中豈可畱金屑  
手裏何妨指布毛地僻雨催飢鳥叫秋深風助怒蟬號

國朝詩

卷之二 江西

三

從來萬事猶棋局下著何如不下高

吳 雲

舫翁安成人

易簣詩

我在人間八十年南遊輕馬北輕船金絲鐵甕靈光殿  
玉振金聲長史邊頗怪申韓侵帝化復容仙佛亂人間  
于今若問升霄事象簡霓裳上紫天

虛名盲起十三州自歎心思負魯鄒釣水觀魚辭主帶  
尋山聽鳥賦銀甌雖無廿一書成卷尚有二千字可畱  
著述兒孫須護守西山石室謹藏收

兒孫聽我叮嚀語量大心慈氣勿浮蔡宋匡陳俱是忍



唐虞文武有何憂道通天地無邊大物是毫毛弗用求  
我在青霄樂不盡雲天海岳意悠悠

湯永寬 碩人南豐人

### 懷虹詩

人生悲失路天意斷通津何處仙梁在當時異跡湮雲  
封偏似夜雨暗不逢春利涉誰援手茫茫望眼頻

### 仙掌峯

神斧磨開寶色蒼女媧鍊就鎮殊方天懸青壁空諸有  
人望丹崖俯八荒彷彿手痕仙豈是徘徊心事我何常  
蒼梧雲散虹橋斷承露空滋泪眼長

蘭朝詩的 卷之二 江西

三

彭廷佐 校望南州人

### 送蔣謂公還虞山

燕子雙雙引客船離時不盡話纏綿蓮舟唱冷堤前月  
蕉葉杯喧案上絃共擬放懷吟白雪不妨狂嘯破蒼烟  
石頭城外頻催棹江鳥江花漾夕妍

彭廷訓 尹作南昌人

### 丙子春中喜晤寶崖卽次其見懷元韻以贈

百年若駒隙曾着屐幾兩有無身後名是非詎不爽但  
懷平生親願擇君子黨名言開夙晤大業足循仿君今  
壇坫雄赤標建十丈鍼砭愧時流梳節關痛癢良晤接

清談叩法版龍象獨恨相見遲中心猶養養自慚五技  
窮何足當識賞先荷珠璣投紛紛落吾掌

彭廷謨 夏廣南昌人

### 題羅飯牛小照

隱矣更何求君今真白頭行蹤畱幻影心事付浮漚落  
日川原外清風禾黍秋匆匆應自咲去去與誰謀

和劉觀察六首 選一

江西理學憶先儒鹿洞鵝湖自昔俱公望淵源能遠溯  
士前學殖總新蕪几筵若个聞絲竹博雅何嘗辨鼓壺  
道在咎繇惟種德申韓奚必問夫夫

蘭朝詩的 卷之二 江西

詩

彭廷典 漢桓南昌人

### 苦雨

梨花洲上徹夜雨雷礮雲車闐不平大點小點瓦礫擊  
舍前舍後鼉鼉生桃花一任委泥濘客頭不眠費注襟  
尋思欲將胸次豁安得蟾蜍萬里明

### 北蘭寺觀漲

北蘭寺外波濤洶噴艸吞沙岸欲摧奔注駛驚城下馬  
喧歷亂詫金鳴雷屋浮水面雙扉閣樹漫山腰一鳥狙  
黑鬬蛟龍風雨疾看來鎮日坐層臺

湯俠 以庵建昌人



失題

沈寥巖穴正當空  
雨灑晴明日夕通  
苔濕曾開玉洞月  
雲低偏送石樓風  
探幽曲折行難遍  
酌水清冷聽不窮  
聞道古鑪多勝迹  
桃花深處想應同

周京

建侯王峽人

登望湖亭

昨離南浦驛  
今上望湖亭  
野水連天白  
遙峯帶雨青  
去憑三尺劍  
坐守一編經  
北道誰爲主  
此身倚巨靈

廬山瀑布

不與江同下  
上流得勢多  
半空飄素練  
絕頂瀉黃河  
日

國朝詩的

卷之二 江西

望

照松鋪錦風  
來石湧波謾  
言涓滴少達  
海自盈科

劉雲鋒

秋冷南昌人

山居詠懷

幾歎南山豹  
文潛隱霧豐  
好傾春甕酒  
閒煮晚園菘  
乘化觀元寂  
歸虛息衆  
衆江鵲冠游  
物外不惠不莊蒙

青山橫古樹  
倚枕日高春  
空小龍藏蛻  
霜深鹿長茸  
分燈資夜紡  
罷杵盥朝餐  
一畝蕭蕭屋  
垂楊覆短牆

長夜感懷和吳湛若韻

潦倒年來客楚邦  
羞將短髮對明缸  
閒挑筆墨驚詩敵  
旋築糟丘受酒降  
入夜雨聲衝急雁  
隔牆人語吹寒彤

幾回夢破愁無寐  
怕聽顛風打竹窗

揭人蓀

韓公甫豐人

暮春溪行

山接紅霞落照曛  
青蔥竹裏帶溪行  
漁舟纔下參差網  
牧笛爭吹長短聲  
細細波翻難欲碎  
微微烟繞岸初平  
前村試買新篘酒  
薄醉遙聽萬籟鳴

刪艸

艸滿窓前故不刪  
無邊生意自幽閒  
沿階但着隨時雨  
惹翠長留照老顏

樂風

塊然東鄉人

國朝詩的

卷之二 江西

三六

西樵晚泊

聞說西樵隱  
千秋去不還  
偶停今夜棹  
同看舊時山  
鳥宿烟霞老  
花開日月閒  
仙丹休問世  
杯酒轉童顏

九日步陶逵吉韻

何須龍脊刻雲梯  
千仞岡巒手共携  
坐卧黃花風似晉  
飄搖紅葉火沉西  
愁偏戀我三秋久  
步不由人六合低  
五穀莫同鷄犬競  
秦廷未洗賤于泥

碧雲寺

樹老將爲叟  
山深半是雲  
長歌人不見  
麋鹿自成羣

岸堂瓊花

限韻

夜夜花香勞夢覓岸堂猶有一枝存孤風如此難宜俗  
地老天荒好閉門

蔡景定 翻子新建人

訪史白也

儘日對梅花城西處士家抗談前古事酌酒夕陽斜天  
地青春在園林綠竹賒明朝還約過未忍各天涯

喻全易 可敬南昌人

再登焦山

十載重經此猶然礪壑存山空僧話寂樹密鳥聲繁風  
定雲依石潮生月到門欲歸尋舊渡江閣已黃昏

國朝詩的 卷之二 江西

鄒隆遠 超然奉新人

擬古二首

上山採靡蕪靡蕪花正開採此欲遺誰遙見軒車來車  
中坐故入初意猶相猜竊恐異時苦欲近且徘徊雲泥  
雖迥別或念陳與雷感子故意在下車陟崔嵬執手淚  
盈把情欸不自裁去去復相別贈子嶺上梅歲寒有真  
操母爲霜雪摧

四座且莫諠聽此獨鳴琴經經奮逸響聲聲留古音借  
問彈者誰疑是孤山林明月入我懷香風振我襟因風  
通素抱借月寫幽忱常恐鏡吹來希聲何處尋

吳中曲

水上人家樓上棲翠籠嬌鳥晚猶啼樓中刺綉姑蘿女  
隔簾遙遞些些語迴針綉到兩鴛鴦不知淚落如紅雨  
春晚

江城春漸莫晴雪捲簾飛花落補苔空草抽破地衣日  
暄鶯語滑香暖燕泥肥芳意等閒遠東風何處歸

和友人過船田庵原韻

三過船田野寺西層樓十二鎖雙溪花宮仙梵微微出  
玉宇寒烟片片迷日落歸鴻雲外度霜清古木貼天齊  
風塵碌碌誰家子那似高僧菜一畦

國朝詩的 卷之二 江西

天上謠

蓬萊有古仙曉日騎黃鶴笑指滄海東琪花開又落

野老歌

東村有野老日旦抱孫出不解市中語白雲長護室

春莫

晴樹梢頭幾片霞五陵油壁七香車天涯芳草牽人意  
懶逐東風問落花

李得梁 湘橋叅雲會昌人

秋夜自維揚泛舟回署

放舟秋水夜螢火亂清波斷岸雙鳬隱遙天一雁過樹

深煙氣薄江闊月明多何處吹簫侶聲聲諸怨歌

過武平晤宋明府

朱霞天半繞氤氳新雨頻蒸岳岳雲十部農歌花外唱  
七絃秋水月中聞照人冰玉清如許醉我金樽意更慙  
青史自來多古像共知投筆舊能文

符夢駒 龍友新建人

山居

酒解牢騷詩解愁優游把釣坐溪頭雲深靜止松間鶴  
野闊徘徊水上鷗幽草閒花頻自放清風明月傍山謳  
幾年未踏前村路不識人間老少姪

朝詩 卷之二 江西

元

寄懷奉新襟丈鄒德子

老得烟霞百事宜醉來窗下檢殘詩青雲久謝人情淡  
白髮應甘世擯遺閑戶不停花徑掃栽松頻向野山移  
故園兒女長相念何日輕帆過水湄

鄒 奇 正之一齋奉新人

南溪山房

山居多韻事鎖日對鳴湍幽草沿堦發香風入座闌孤  
雲同石冷片月照窗寒忘却邯鄲道心清夢自安

涂日章 大章奉新人

宮怨

水殿深深六月涼冰壺斜映簾紋光相思端的無人見  
惟有宮鶯立短牆

片片輕瓊點壽陽強將花面學梅粧君王一夜憐香雪  
猶恐羅浮是夢鄉

涂士任 宗尹奉新人

送鄒超然遊金陵

金陵勝蹟我曾遊君去長江正好秋牛首晴嵐分遠翠  
秦淮夜月泛輕舟登樓景物三吳盡攬筆文章六代收  
見說南都春信早梅花肯寄碧溪頭

袁應時 春及新建人

朝詩 卷之二 江西

辛

山齋秋雨寄懷周震夫

滴瀝連宵覺有情芭蕉葉上送秋聲杜陵莫便傷今雨  
坡老何妨待曉晴畫裏江城昨子遠窗前瀑布耳根清  
遙思暮色東湖畔蘓圃徐亭阮步兵 結句蓋云前月湖  
上遇雨踉蹌而歸  
同人懷  
恨欲哭

平時新漲欲襄陵岑寂山齋卧病僧苗苗晚涼差不惡  
梧桐秋意已難勝新蕉覆鹿千年夢 夜夢人吟淺水洗  
在尊集 成竹籠鵝六月水 偶與友人談擬上江船封蠟  
鵝籠書生事

傅 涵 聖涯臨川人

由維揚之姑蘇道中晚晴

南國春無際東風暖漸生屋多籠雨亂山遠積雲平水  
驛垂楊暗村菴細草明櫓聲催落照偏動故鄉情

鳳岡道中訪藍二長青

早稻連田眼爲青白沙映水滿潭星三杯濁酒斜陽店  
一渡輕僂細雨亭路過攀鱗名地方漸至軒臨倒影似曾  
經良朋每恨山川阻欲見無難去不停

劉景曾 月洲廬陵人

贈刁去遇

大海誰云闊浮萍會相聚人生出鄉井何者爲親故自  
國朝詩的 卷之二 江西 三

有道義字握手若平素君今千里來所遇有文賦才足  
八斗餘令我欣一遇因之過小軒遂得留長句詞藻燦  
雲霞氣象迥風雨直使匠人巧意無由妒可知巨手  
力庸腕非所措又如千里駒豈是尋常步邇年蹟文場  
天心未必誤稍欲涉艱難更令淡世務不然方少年彼  
美將何度梁柱論楨幹石礎論堅固君蓋柱石材應逢  
匠石顧天路雖嗟我到老自屢屢願一策高足健以雙  
飛羽頃月天正寒今日却明煦綠繞薰爐烟爛翻烹茶  
霧此地舊名勝向滿昔賢屢插天九子峯映水杏花樹  
是景未嘗陳芳躅重可邇儻竟許同游僕備蘭亭數

萬承蒼 字兆南 昌人

都門送周震夫還池州二首

京國同人少相逢易激昂俱非得意日况復少年場敵  
手看暮局關心到藥方夏月屢遇兄園基時予久病方愈兄念之不置如何秋  
月滿一夜促歸裝

身閒任來往歸興菊花前舊宅鄰秋浦長途入曉烟涼  
衫禁酒力虛豪助詩篇幾月迴塵躋黃壚共醉眠

楊枝遠 季重瑞金人

白鷺江田家二首 選二

雲外有高人幽居鷺江曲白日叩柴荆鳥雀喧深木童  
國朝詩的 卷之二 江西 三

子出應門指言方入谷入谷亦何爲荷鋤采芝仍依依  
桑柘烟午炊香稻熟悵望山之幽中車不歸屋  
松陰何冉冉松子落石牀白雲無處所幽人在竹方門  
前南流水入澗聲浪浪灑然坐濯足黃鳥鳴我旁山風  
何處來拂面聞空香浩歌出南澗采采有山棠

惆悵詞

楚腰玉瘦春無力嬌眸斜剪剪秋波色紅闌十二是星河  
白日相當暗相憶夜來繡簾長不垂有心待汝楊花飛  
欲托楊花却羞沮金籠饒舌防鸚鵡

靈山夜集卽事兼呈燈上人

對僧如對鶴靜裏兩忘機置酒兼深夜論禪到極微寒  
燈傳佛火圓月上珠衣祇覺聲聞寂松花空自飛

晚春口占

欲眠無奈子規啼喚我尋春入翠微樽及滿時須痛飲  
春纔好處又言歸林間酸雨肥梅豆花底香風冷燕衣  
物態變遷原瞬息勸君相賞莫相違

吳蘭 稿亭豫章人

明史吟

建文五十首選三

滇南永嘉寺 永樂元年正月十三日至遂居焉

一瓢一笠掛禪堂往事回思欲斷腸仍似棲身皇覺寺

國朝詩的 卷之二 江西

重

太祖幼年為敢歸舊里太平鄉 太祖祖父舊居野胎 孝  
皇覺寺僧

陵風雨驚殘夢 高帝陵 故國山河滿夕陽神樂諸人消

息斷不知何地急行裝

遣馮淮往襄陽廖平家止諸臣往來無煩因舊

約也

一年一度笑拈花無復痴心戀翠華聊借蠶叢馮淮路

無煩匏繫廖平家風晨月夕人何處地北天南夢有涯

藻米山龍都是幻空王不是舊袈裟 馮淮刑部司務黃  
嚴人時稱塞馬先

生又稱  
馬二子

哭史彬

野店相逢耳語真心心相印酒三巡黃溪水月追前事  
白髮關山哭舊人蜀道芒鞋從此斷吳宮烟草向來頻  
從今別却寒山寺老我山中草木身

張潛 仔昭果園南門人

野步

野步上高原檀欒復層疊側睹牧牛人微吟隔花葉日  
夕過前村橫簫弄山月

公子

樺口桃封楊葉箭七寶弓衣纏白練青絲玉鞵紫駟肥  
春城細雨踏花飛落紅滿地無行跡下馬狂歌返空碧

國朝詩的 卷之二 江西

詩

羅幌半捲彩霞生十二樓前月影橫

夜夜曲

天風颯颯吹凍雨城上白鳥寒不起梁王寶馬嘶成烟

桂花落盡芙蓉死夢破楚天鬼夜語屋角星光酸眸子

老女捲葉吹不住火燒野殿宿寒兔

廣陵驛

古驛枕通津千帆次水濱欲知南渡客細數北來人日  
瞋看餘景花飛識晚春紛紛移小艇飄泊此饑民

二十四橋

春色遍郊坵籃輿度翠微傍巖幽竹細近郭早苗肥處

士樓欄帽山翁薜荔衣吹簫人不見橋畔立餘暉

簡劉子極

鐵港春潮湧幽人結屋偏剪花嫌礙月菱竹恐妨烟茶  
爲供僧葺籬因養鶴編倘容藜杖過爲賦采芝篇

過冠瑤集山村

溝水環城遠山橋礙石斜片帆懸夕照一鳥立晴沙遊  
客投蘿徑居人隔葦花只緣風味古疑是戴顒家

野圃秋光滿村樓曙色暝林銜出海日山吐隔江雲衆  
木森秋氣孤琴剩斷文天風動泉壑紅葉下紛紛

哭費燕峯夫子

國朝詩

卷之二 江西

七

卜宅東陵上飄然作隱淪霜毫徵逸事青髮見遺民風  
雨孤村夜鶯花故國春傷心淮水側千古未歸人

端午前二日紅橋讌集

菖蒲近節綠葦蕤預設華筵縱酒卮畫舸駕龍爭渡急  
金簫引鳳和歌遲青雲夢斷名何在白髮寒侵病自知  
故態顛狂人莫笑尙能拍箸醉吟詩

和趙念昔環莊詩

白社粉榆散綠錢依稀點染翠微天尋花入寺雲生屐  
采藥還家月滿船雙燕復來如有約羣鷗共處豈無緣  
聞君爛讀參同契長學蒙莊志不遷

踏徧寰區恨莫容衡門歸老日高春自搖黃髮惟餐菊

無復青年可夢松梅福休官甘作役管寧避世信爲農

故人若問桃源路祇隔君山八九重

亂後林園久不存旋依南浦別成村小橋畧約蘭爲徑

野圃參差柳作門自愛步兵能嗜酒休誇博望善尋源

閒來揮塵田塍上獨立看雲倚石根

秋感

步出廣陵城濤聲清入耳長歌生遠情葉落秋山紫  
城上夜烏啼樓頭更鼓歇草堂人未眠花影碎殘月

憶江梅

國朝詩

卷之二 江西

七

千本迢迢何日李一枝空放秣陵山多情最有春宵月  
偷向江頭照玉顏

長千小圃舊繁華留得殘香伴酒家宮女春魂化爲燕

可憐辜負隔牆花

烟輕日嫩影參差隔岸風光繫客思天若不教何遜老

春來長賦耐寒枝

徐世溥

再見

居憂感述擬古

初月何所似蛾眉與吳鉤蕩子不遊俠無爲貴風流所  
以古公子擊劍挾筌篚屠狗平康里脫帽酌青樓伴酣

接細腰既醉思報仇日日坐談兵如今將白頭

詠懷

失意多好色亦或思求僊人爵尚汝靳玉容寧見憐劉  
毅一擲貲幾當買卜錢問君寧有此積漸使至然

示家弟永叔

漸老惟看弟初貧懶住家癡狂矜謝草孤注誤江花生  
計彌相逼文心亦有涯再蘇言乃此前路渺方賒

熊蕭鎮 玉峰南州人

山程遇雨

歸路逢寒雨千山足馬迷唯隨雲上下不辨日東西野

歸路詩的 卷之三

江西

三

水穿橋急巖花落澗低蒼茫村舍遠何處可羈

月下漁父

泛泛漁人信宿浮月隨艇子下江頭橫洲荻影一層出

到網波光一片收孤槳棹翻鴻雁陣長歌響落台蘋秋

夜深舟傍澄潭岸還數沙汀點點鷗

陳舜 耕夫南州人

舟中不寐

月亦何如我三更照客明水流侵夢短蛩語怨秋清心

欲同灰死思偏學草生南來無一雁北去動人驚

同張觀成宿上方寺限韻

山僧真許我王公身外無閒天地空誰何閒把夢摸赤  
酒杯偶引醉江東西涵夜月冰生白仄潑寒蟾紫結紅  
塵網漸輪能擺脫何須倚枕聽秋聲

國朝詩的浙江目錄

卷之一

王恩任	七首	譚貞默	一首	金堡	六首
陸世楷	二首	陸圻	二首	胡介	四首
柴紹炳	二首	余國賢	二首	沈淑竣	四首
潘問奇	六首	徐介	一首	韋人鳳	二首
孫治	一首	卓發之	四首	余增遠	一首
陸繁昭	四首	錢得震	二首	陳表	三首
倪粲	三首	王庭	四首	史大成	二首
洪圖光	三首	陳作明	二首	高佑紀	二首
何嘉迪	五首	蔣之翹	二首	彭孫貽	一首
徐善	一首	茅兆儒	三首	高天佑	一首
劉小雅	一首	陳之遴	三首	高道素	四首
金鎮	七首	何天寵	三首	王錫珪	二首
李煒	四首	韓純玉	二首	姜垚	三首
項景襄	二首	高承埏	一首	何嘉頤	二首
張壇	一首	譚宗	二首	何嘉琳	三首
張德盛	一首	楊維建	二首		

國朝詩的卷之一

長沙陶 煊奉長選

同里張 璨豈石同輯

浙江

王恩任 季重 山陰人

衢江道中

百里皆盧橘三家亦水湄溪喧春自按屋險樹交支鳥語溪林碎魚行淺瀨遲遊山不及老靈運許心知

訪虎跑泉

卜日訪泉來山花特地開僧投黃葉寺鐘遠白雲隈一

國朝詩

卷之一

浙江

嶺通江細千峯抱佛回泉聲懸樹杪漸入道人盃

贈梁懸黎兵使

稜嶒鶴骨照冰壺幾鎮回翔起壯圖特借豫章求棟柱

暫移廊廟駐江湖庾樓月靜人三楚廬嶽雲溪鳥二孤

王粲雖貧仍有賦應分鱗鮓醉春酤

遊慈雲寺贈僧

寒光染墨凍溪冰溪路穿岡不記層虎過新泥樵語澁

鴉窺古澗鹿苔凝千山殘葉飄孤磬一樹梅花伴冷僧

人外偶來如隔世雪風壓處綠雲崩

方正學先生墓



當年大節未能稱此日荒堆價豈增十族有魂依碧月  
九原無媿付青燈江流過葉俱成淚野鳥攀松盡化藤  
皓魄萬年應不散朝朝暮暮對鍾陵

浣沙石

有色酬知己無顏落姓名如何一片石癡絕想江聲

宿石氏山樓

桃花正欲然春鳥先鷄起瓊瑤酒眠人醒來聽山雨

譚貞默 衆生坊菴嘉興人

謁武夷君

武夷山上主人翁舊記真仙劉少公漢祀鼎壇藉薜蘿

國朝詩集 卷之一 浙江

唐地寶碣射波紅幔亭不斷宿雲曲鐵笛還餘控鶴風

世外玄踪隨示觀詎將名字畫虛空

金堡 道隱嘉興人

雜詩

浮雲辭溪巖聚散難自主出巖復入巖宛轉無一語遊

子悲浮雲世界隨風翻天若不生山雲生亦無根我生

有父母我死無兒孫何時死路岐不望啼空村

相逢行

人生莫相逢相逢莫相知與其忽相疑不如長相思握  
手狹路語刺刺不得離剖心出口中熱血隨人飛君心

不可得君口不可絕寧受君之冷不受君之熱

棄婦詞

結髮知情長聞君相棄捐欲致出門詞痛語無由宣誰  
當訴旁人脚躑念蒼天妾意定不爾君心何爲然妾如  
山上草君如山下泉流水無昨日枯根仍去年面君不  
忍默背君不忍言新懽各乘時努力終良緣苦心自相  
抱柔心自相牽與君本一體勿使他人憐

前從軍行

四海之內皆戰場野鼠食肉如肥羊丈夫中夜拔劍起  
安得坐視乾坤荒閨中少婦攬衣泣身上吳鉤心上血

國朝詩集 卷之一 浙江

出門轉眼不可期寧爲死別休生離我行不念閨中人

閨中念我亡以爲

熱

岸阻檣連不受風鬱蒸無計倚梧桐青蠅何處飛難盡  
白羽誰麾賦未工春雨卻思天浩蕩秋宵總擬月春容  
可憐半榻偏相守微幸清涼入夢中

四月十三夜見月

日落微風暮氣清孤光照膝客心輕遽忘往事身兼病  
却歎今宵月獨明半榻低徊書且置隣舟瀟灑篷初橫  
自憐無力延新賞臥對江天乞此生

陸世楷 孝山平湖人

珠江午日歌

庚子之歲夏五月我來正值天中節晴江十里曉烟收  
微風明浪光圓折切蒲稊黍逐嬉遊彩鷁飛鳬湧碧流  
榴花照席珠還吐荔子堆筵玉正浮霹靂一聲吼鼉鼓  
千人萬人聚江滸銀甲開時水馬騰錦標動處雕龍舞  
蠻部諸兒結束新吉花簪帽腰紅巾就中擊奏能按節  
拍歌踏浪如飛輪衝波急棹鼓將闕鼓聲人聲何闕噓  
須臾鼓罷棹亦迴曼聲忽起歸雲過仙城少年意氣豪  
玉簫金管恣遊遨蔗漿爲醴虬作脯與酣直欲凌飛濤  
國朝詩鈔 卷之一 浙江 四

船頭張錦旗船尾圍繡繡繡樓亭巧製成輕燒茶漿  
隨波轉隨波傍岸入前溪綺戶朱簾望欲迷桃花照水  
亭亭倩燕語臨風故故低溪上鷺花最繚繞綠陰未老  
梅還小隣舟三五正盈盈素馨滿髻香風嫋香氣吹來  
晚袂涼涼絲急管亂人腸不知越水同吳水翻覺他鄉  
勝故鄉是時嶺表方全定東西二府侈華競尙父功成  
歌舞多西平年少威名盛海島諸夷重譯通五都三市  
咸殷充王家步障千尋紫石氏珊瑚四尺紅每逢令節  
開嘉宴甘瓜朱李水盤薦避暑初傳河朔杯競舟兼習  
昆明戰妙選新聲自廣陵梨園小部仿秦青已聽歌鐘

傳內府更聞鼓瑟按江亭內府歌鐘日酺噉江亭亦自  
娛觴酌習棹迎神處處同閭閻似此果和樂雄師移鎮  
越王山百萬輜裝轉徙艱樓船自駐甘棠港珠舶誰來  
黃木灣從此東南民力竭萬井笙歌半銷歇麋鹿朝銜  
苑裏花杜鵑夜叫橋邊月昨歲來羊城画舫猶晨星今  
年遊珠海滿目徒烽壘鰭魚可賣梅可羹自邀親串醉  
杯觥清波泛泛逐鷗鷺孤舟盡日無逢迎棹舟更入前  
溪去竹扉盡掩人何處塚畔開殘雨後花堤頭落盡風  
中絮惆悵歸來落日催酒酣携手上高臺高臺向晚轉  
蕭瑟海天一望橫氛埃老兵從旁爲予說去秋此地曾  
國朝詩鈔 卷之一 浙江 五

流血中宵風火逼江城巨艦連檣盡灰滅海濱民物本  
晏然於今蕩析無人煙長鯨曳尾不受餌網魚蹙蹙誰  
爲憐盧餘嘯黨揭竿起詔旨三遷仍不已橫海將軍去  
未還射潮壯士身先死我聞聖德昭海隅一夫不獲猶  
咨吁吞舟雖大力可制闢國何乃無良圖廟堂勝算豈  
易測但對佳辰心愴惻人生何必閱滄桑五年變態曾  
無極鶴去西山雲影稠菖蒲凋低碧悠悠穗城佳氣有  
時聚再見龍圖出大州

同融谷宿雞籠灘

泛泛身如葉輕舟信處安豈知今夜月得與故人看明

滅沙中火高低雨後灘溪聞空有夢不識到江干

午日遊海珠寺和壁間韻

玉簫金管任遨遊乘興還登海上洲遠客偶來張樂地  
故鄉曾有弄珠樓佛廊翠碧當年遠戍壘雲烟此日浮  
可惜鏡臺明月好淒涼竟夕析聲秋

陸

圻 景宣麗京錢塘人

望遠曲

東鄰艷質早知名到得藍橋近玉京天上白蜃看竊藥  
人間紅豆已傳情胡姬獨有壚堪傍名士慙無國與傾  
好待三春花月夜渡頭桃葉隔江迎

國朝詩

卷之一

浙江

六

與歌者陳郎

落日橫江老白蘋同鄉停問一相親未嫌李尉翻新曲  
偏喜何戡是舊人玉管漫吹秋月白紅牙曾對綺筵新  
坐中恐有傷心客莫按伊涼水調頻

胡介 彥遠錢塘人

贈孫豹人

十年兩見孫隼獲頭鬢蕭騷似飛蓬留得雙瞳炯炯青  
終日仰天望寥廓總角盤頭便有名吐詞屬對座客驚  
謂當三十取卿相誰令四十無所成華嶽有家歸不得  
一身落魄揚州城揚州自昔稱佳麗捲起珠簾擁高髻

癸築風吹血滿城駱駝如山負屨細梅花原上刺衣冠

當日英靈去不還我曹安忍不貪賤朱顏綠華常饑寒  
我年四十七忍耻人間覓衣食汝家三十口日日市上  
糴升斗自矜敏捷千首詩換得飄零一杯酒爲我語焦  
獲得酒母勞更作詩李白杜甫世所強

寄龔野遺

一葉落高木草堂秋自生故人已千里明月欲三更憂  
患存終古饑寒見老成霜清憐永夜回首望蕪城

訪陸冰修不遇宿接濟寺明日題壁而去

鹿門人還枉招等還宿谿南祗樹林暫與僧閒初定夜

國朝詩

卷之一

浙江

七

自傷我負舊來心長河日落魚龍晚古殿燈昏風雨深  
雞唱可憐衝曉去參橫月沒一長吟

建州酬龔芝麓

薄遊戰地歸何晚此日初還建州雨外孤帆傷久客  
月中雙笛憶前遊浮沉雅合金門隱偃息偏逢鋏甕秋  
傳得新詩盈瘴海一時風雅盛曹劉

柴紹炳

虎臣仁和人

卓烈婦

指揮卓煥妻錢宜人

廣陵花月擁高樓樓上珠簾珊瑚鈎只道羅綺鋪繡陌  
誰知烽火逼江頭旌旗萬隊城邊將黑雲如疑矢如注

爭鎖妖燒歸帳來亂捲啼聲隨馬去卓婦錢女丈夫  
勇能截鐵智盤珠策從張許圖中央氣自聶荆劍底紆  
登堂破壁陳原委存身何似潔身美母爲妾進箸頭餐  
妾爲母蹈池中水清瀾碧漪翠漣漣珠墜滄浪水耀天  
懷兒驚碎萍心月帶威悲殘樹抄烟烈烈幾會居嫋嫋  
求仁得仁真自樂揚子何如池水香瀨水娥江相繼作  
兩地參天此一身偷生隱忍可憐人卓家有婦邗江畔  
千秋生氣豈沉淪前朝騎馬昨朝死紛紛多見誰及此  
二十年前余有言大都女人勝男子

吳山春望和張岱音作

國朝詩集卷之一 浙江

人

及爾吳山攬落暉江南風景自依依雪消春色江湖潤  
樹隱晴烟島嶼稀故苑草生麋鹿上高臺花滿鷗鵲飛  
誰知日送年華好腸斷登臨淚濕衣

余國賢 頴齋山陰人

與史文茲飲月下

砌菊凌霜淨庭柯照月空一杯紅玉灑佳夕素心同鴈  
度浮烟外蛩吟敗草中物情猶惜晚吾鬢已成翁

歸來

銷盡雄心卸鐵衣扁舟江濤澹然歸解條鴈隼秋天曠  
脫馬蹕驕夜牧肥荒園一區行灌畝遺書幾卷坐忘機

擬尋芝草隨商皓翻惜當年賦采薇

沈淑媛 宋度錢塘人

湖上

垂柳垂楊烟朦朧游絲飛絮飄晴空珠勒香車迷曉霧  
嬌鶯乳燕啼春風憶昔笙歌催日暮花開花落西陵渡  
彩雲片片撲人衣猶是蕭娘松柏路夜深走馬斷橋頭  
鬼啼月黑聲啾啾

遣懷與徐孝先許大辛欲爾

沙鳥飛飛過遠洲故園多病強登樓千山梅蕊寒爭落  
十月河漸凍不流誰道丹砂能却疾那知白墮未消憂

國朝詩集卷之一 浙江

九

相逢莫問升沉事楓葉蕭蕭起暮愁

相思書

憐儂一夢路千重郎在他鄉復夢儂郎夢來時儂夢去  
相思依舊不相逢

旅夜

江南花草正初冬遙憶秦樓十二重覺後忽驚身在客  
生憎夢裏五更鐘

潘問奇 雪航錢塘人

夾山寺

窈窕來深谷千峯繞寺平墓田耕石骨樵徑入松聲地

古春難到山寒水自生上方茶枕罷塵夢此時醒

自磁州趨邯鄲途中卽事

中宵聞鶯發日出走黃沙風力能飛石河水不陷車郊

寒勝俊鵲樹老立飢鴉傍午停征轡炊烟得幾家

肅寧

縣有故耆魏忠賢第宅遺址尙存

肅寧池館舊連阡過客追思鹿馬年齊國豎刁呼尙父

漢朝名士拜中涓北司計就書難上元祐碑成事可憐

獨喜春來吳楚地左楊祠火正喧闐

送靈似上人之嶺南

杖入羅浮可乞靈軍持此去濯滄溟鬚逢木客形偏古

國朝詩集

卷之一 浙江

十

山愛詩僧色倍青蜜戶釀花風自醉蛇身留毒碯長腥

日南風俗從來異椎髻黎人看講經

春晴

柳欲成綿氣已和芳辰誰爲采蘭過江橋驗水隨春長

野菜連筐過社多藏竹雉媒迷淺草近村牛路少青莎

溪翁又報清明過好學銅鞮去踏歌

劍

彩膩桃花血尙新匣橫秋水不生塵携歸葬在豐城獄

濁世今無可贈人

徐

介 孝先錢塘人

山中漫興

尋山不期溪入山不期返願作山中人白雲時近遠

韋人鳳

六象武康人

南山

家住南山下荒村只做廬春風三徑草夜雨半牀書石

戶藤花合茅簷竹影疎溪邊堪泛棹欲傍五湖漁

過太白亭弔孫山人墓

坐看萬嶺對斜曛策杖還尋處士墳一代詩人今尙在

千秋絕唱定誰聞荆榛斷壑流殘雪松杪空亭捲暮雲

莫謂高峯長寂寞摩碑猶自重遺文

國朝詩集

卷之一 浙江

十一

孫

治 字台錢塘人

吳岱觀歸里

挂冠何處閉烟蘿乍會猶如夢裏過越水秦山無處所

長鏡短髮奈愁何十年未遂江南樂七詠真成同谷歌

岱觀爲成縣令兄弟白頭相會少那能交手卽關河

卓發之 蓮甸左車仁和人

中元遊三潭同王孝先去賢賦

不知三塔裏此夜月偏明淺草水同色微雲山更清孤

舟搖綠雪遠語亂春鶯似是烟波外猶餘歌吹聲

月下江行有懷葉潛之吳遺民潘次魯諸同社

遡水尋還契江聲莫向東禽哀孤樹綠帆冷一燈紅霜  
葉微于影寒流澹若空朝華非所擬遇對月明中

別蕭伯良宜生

窮愁偏合任他鄉無那閒庭竹影涼酒興到今渾欲減  
人生如此亦堪傷山間宿雨春難醒江上寒雲夜有香  
最是客心無可托中流又聽棹相將

秦淮竹枝詞

楚歌湘曲未須哀遙見燈船趁月開長笛叫雲簫咽水  
百千神女弄歌來

余增遠

日新山陰人

國朝詩的

卷之一

浙江

三

雪夜呂半隱太常談蜀中遺事

雪壓譙樓濕鼓聲聽談遺事淚縱橫蔓延誰釀黃巾賊  
烏合人空白帝城莫謂彈丸拋黑子且將孤注擲神京  
從來朋黨能貽禍恨殺羣儒欲倒行

陸繁昭

非石錢塘人

短歌行

少年不得意馳騁燕山月五月悲風號馬蹄清夜發關  
頭美酒清且多君一飲朱顏酡行逢故人暫傾倒日  
夜相思可奈何執君手淚霑臆遠遊何用長相憶平生  
有仇會欲報腰下寶刀脫未得

金沙灘

步履金沙波朝陽出翠微鹿眠芳草石人上釣魚磯松  
子山僧飯蓮花處士衣林泉雖可樂吾意敢忘機

南屏雜詩

選二

昔人蒙難後而我亦餘生不爲浮名誤焉知出世情晴  
嵐開曉色寒鳥變春聲若許陶潛醉相隨入化城  
月冷宮人墓雲橫太子灣可憐興廢跡都在有無間遣  
悶惟耽酒高吟復看山荒原嘶牧馬一聽淚潺湲

錢德震

武子海鹽人

夜宿大梁有感

國朝詩的

卷之一

浙江

三

大梁城北俯黃河寇盜當年擁白波霖雨未聞投壁馬  
陸沉終已誤干戈九秋沙溢夷門路萬戶人愁瓠子歌  
最是王孫飄泊盡故宮烟草不勝多

暮秋登慈仁寺閣

珠林峻閣倚雲霄檻外層陰縱目遙北去關山眞歷歷  
南飛鴻鴈轉蕭蕭甘泉霜氣侵宮樹碣石秋聲落海潮  
莫放朔風吹劍佩五陵遊俠總難招

陳表

殷殿嘉興人

玉峯感舊

潦倒風塵不記年重遊舊地倍堪憐名山未了須還債

往事難尋浪說緣父老歡迎情似昨兒童笑指客猶顛  
莫嫌折節無叩令負弩當時亦偶然

堯城橋畔思悠悠恰似星河已度秋雲不巫山難入夢  
佩非漢渚莫教投尚餘香粉凝粧閣無事珠喉咽畫樓  
記得柳陰停策慣青驄來往亦遲留

心情擬與世相違又嘆秋風襲客衣白馬半逢新口口  
青山還繞舊魚磯謾愁客路人無識遙憶家園草不肥  
忽聽笛聲林外度旅魂暗逐楚雲飛

倪 案 聞公錢塘人

過池州懷吳山賓

國朝詩句 卷之一

浙江

十四

欲上吳山岑因過秋浦路高人隱木杪游子風雪暮緣  
延江上舟迴互谿中樹相望不可攀孤懷誰與訴

內院卽景

晴光初動玉泉邊弱柳高風縷萬千太液波翻疑噴雪  
建章鸞囀欲調絃金鰲影狎魚龍戲玉勒嘶高虎豹眠  
自是禁城春色好渭流指入御溝鮮

春日同友報國寺看海棠隨移席於松下

爲愛禪房花木深相邀載酒共登臨翠濤瀉影流脂雨  
紅艷飄香綴綠陰春睡未醒妃子態歲寒不改大天心  
遙知勝賞應難再潦倒清樽費短吟

王 庭 言遠嘉興人

潼關

關門高鎖處飛鳥不能過雉堞連羣嶂風烟俯大河代  
更千戰少勢在一夫多入夜聞刁斗軍聲壯若何

初就粵西道

遠去何堪惜高堂念有親艱難家食事慚媿宦遊人嶺  
外梅花舊江邊桂樹新寄書愁萬里歸鴈待三春

臨洛道中

征衣薄盡曉寒增十日東風暖未能茅屋人間千畝雪  
板橋行蹟一溪冰春迷旅舍來仙枕晝靜禪扉出佛燈

國朝詩句 卷之一

浙江

十五

曠遠不須頻策馬關門高處客常凭

答和趙韞退大參端州見寄

昨說南山遠帝鄉端州回望路偏長曾將片石留官供  
可有千金助客裝城郭雨連山氣白旌旗日上海雲黃  
竹窓公暇懷人處北鴈初飛一夜霜

史大成 及趙立菴鄞縣人

讀史

秦穆殉三良黃鳥哀何已疇識三良隱樂爲知已死豈  
乏後宮人亮懷惟君子國士恩難酬捐軀固其理讀史  
痛三仁三良猶有以



和洪暉吉元夜微月觀軍中烟火之作

倘是天心示太平沈沈雨後放新晴不因亂世星橋寂  
爲有軍中羯鼓鳴鰲焰一時連北極馬蹄此夜滿春城  
還愁風鶴人驚慣誤看東方燧火明

洪圖光 暉吉月槎郵縣人

西濠漁筏

西郭雨初急低塘潮暗生水邊漁火亂雲裏野人行海  
市鮫皮估舂鮮馬甲羹但思垂釣好竹筏已新成

留隍夜泊

留隍城上晚啼鴉遊子傷心二月槎山店釀成蕙苒酒  
國朝詩的 卷之一 浙江 六

清明開亂木棉花思歸南岳陶潛宅欲訪西湖賀監家  
最是春風嶺外蚤片帆吹度海天遐

寄嘯公

幾載遙瞻太白峯海東空翠插芙蓉誰擎一柱將文補  
兼墜千花作雨封眼底乾坤歸几席法中龍象護玲瓏  
不期夏月翻經日忽阻松關聽午鐘

舟次期友人不至

韓江風雨放舟齊夜泊潭頭路各迷昨到三河沽惠酒  
人傳君已渡松溪

陳作明 應情仁和人

醉後行

客遊多寂寞吾醉本蕭疎紫蟹如鄉國黃花咲索居賓  
朋誰古道兄弟少來書日暮傷孤獨天涯憶敝廬

送曹秋嶽少司農分藩粵東

材大容何易官遷遠未妨聲名留北闕瘴癘且南荒雨  
濕枕柳暗山空薜荔香倘能懷五柳松菊故蒼蒼

高佑鉉 念祖秀水人

從海螺巖歷晚秀雪巖水簾諸勝

青霞倒景落芙蓉中有丹樓十二重古樹千章迷鳥道  
奇雲百折上螺峯觀空身世情先澹力盡登臨興轉濃  
國朝詩的 卷之一 浙江 七

楚閣香臺塵外望半天風送一聲鐘

下丹霞山里許從夢覺關至錦石巖

下嶺東尋小徑斜却從錦石望丹霞雙巖窈窕留青靄  
衆壑潺湲響白沙日落鳥翻寒樹影年深蟲蝕古苔花  
五丁費盡當時力收拾名山在一家

何嘉迪 惠開耀真山陰人

寄奕美弟

兄弟相看只兩人艱難長共鏡湖春風塵一別身先老  
門巷三年汝益貧嶽雪初飛吹角暮河水欲合望家頻  
鄉心日日催南鴈羞見寒花苦問津



仗汝高堂奉老親莫憐孤客駐風塵春前藥裹休忘病  
亂後詩書好耐貧喬木龍蛇看夜雨短牆雞犬聽西隣  
歸來對酌梅花下只有東風消息真

留別素園諸子

草堂地勝最悠然細竹新梧三徑連幾月壺觴吳市酒  
一朝風雨鏡湖船辭家病客飛花後別路懷人芳草前  
何日山陰尋賀監好將攜手白雲邊

揚州紀事

韓歐勝賞昔如何藥圃簪花妓折荷在代到今詞客少  
斜陽自古戰場多枚生賦後濤猶壯董相祠前碑盡磨  
國朝詩的 卷之一 浙江 六

三十餘年烽火恨怕聞玉樹隔江歌

我來官閣咏梅花又聽征鼙雜戍笳到耳管絃驚水調  
關心烽火望天涯平山刻石留丹嶽古寺題詩待碧紗  
幾許廢興都不管綠楊城郭只啼鴉

蔣之翹 石林秀水人

始春日送陸韋公之淮西

乍逢旋別正初春冷落梅花解笑人千里江關謀食計  
十年烽火醉吟身交當岐路尤堪重文至窮時自有神  
漫爾離樽何所指黃雲甲馬故酸辛

陸宣公祠

唐相祠堂舊楷模蕭蕭梧竹接城隅當年賈誼此其輩  
何代能無絳灌徒四壁雲雷餘氣盡中天日月傍檐孤  
經行爲灑英雄淚竟使遺文畢壯圖

彭孫貽 仲謀海鹽人

螺川晤黃交侯共談家難感憤書懷

干戈滿地接山城所在流亡苦甲兵遊子那堪天北望  
孤舟應共鴈南征俱傳樂布收彭越相對黃公哭阮生  
惆悵莫須論往事嶺猿已過第三聲

徐善 敬可嘉興人

寄曹秋岳司農

國朝詩的 卷之一 浙江 元

使節臨荒外旌門未可攀駒駟輸互市鴻鴈欵重關百  
戰瘡痍在千家涕淚斑更堪頻水旱甌脫繞蘭山  
茅兆儒 雪鴻錢塘人

自桃花源至白龍潭

蓮公善導客策杖入林莽發足始桃源層陰蔽天朗爭  
穿水石行跳躍氣逾爽幽崖置危亭林影忽軒敞奔泉  
注空潭潭石如孟仰首夏驚雪飛雪更作雷響山川至  
此奇塵氛已霄壤何處問仙源凌虛發遐想

向松門過老人峯歷小心坡一線天斷凡橋

百折上松門浹背幾流汗崎嶇十五里至此始及半爽

然心目怡猶喜足力健頻躍興逾岐屢息氣稍換紆迴  
更千盤窄路忽已斷盤級僅容趾捫壁定貼面雖余最  
胆粗亦自覺股戰橫雲石色別沙砭松態變過此境益  
奇千仞通一線漸入如蟻封聯行必魚貫縮項還側肩  
偃背且屈肱豈知箭筈中磴級復無算級盡接以梯梯  
窮壁重見渾疑石動搖不覺神瞋眩平生丘壑懷于此  
乃驚歎石上睹仙踪遊懷竟忘倦

從後海下皮篷

原名批率巷因以杉皮代瓦人號皮篷

忽得山下路步步如凌空陡峻二十里直下無停踪還  
援後海勝隱秀稱皮篷苔蘚映嵐碧野藥侵崖紅仰望

國朝詩的

卷之一

浙江

三

天都趾猶被雲霞封奇葩列洞口惟有猿猱通暗泉不  
知處流響聲淙淙幽巖與絕壑佇想真何窮

高天佑

書量斧萊嘉興人

焦偃道中

飄泊誰憐一劍孤客程不敢怨長途石添水勢灘高下  
雨合雲容嶂有無斷岸着花啼蜀魄老藤懸壁落魑魍  
儘多詩思還憑酒樹杪邨帘未得沽

劉小雅

无涯山陰人

早望君山

遶峩如髻在波濤十二峯巒觸水號鐘發湖心山寺曉

應摩天半建瓴高江連吳會千櫓逝地接衡陽一葉操  
亭畔酒香當痛飲無緣得到祇牢騷

陳之遴

彥升素庵海寧人

白頭宮女行

白頭宮女自何至緇衣襤褸不曳地合掌長持淨土經  
傷心尙憶前朝事前朝當日選嬌娃涕隨阿監入西華  
黛冷修蛾難奉輦琴操別鵲苦思家思家在萼韶年度  
自憐長在雲霄住蘭殿千重不記名桂宮九品寧知數  
桂宮蘭殿倚天開玉柱琅璈徹夜摧粧鏡未收紅粉艷  
羽書忽報赤眉來赤眉攘攘天初曙十萬貔貅不知處

國朝詩的

卷之一

浙江

三

長安市上虎羣遊玄武岡頭龍獨去珠沉翠死滿瑤階  
何幸昭儀玉蚤埋鴛鴦合殿旌旗亂落若珍臺劍戟排  
劍戟叢中身偶脫香奩寶鈿人爭奪梓里凋殘何處歸  
花宮寂寞無聊活蕭蕭白髮竟誰依魂夢時時到禁闈  
請看錦綺袈裟片猶是椒房舊賜衣

自杏山至塔山

塔山紅杏亂烽烟一戰精兵盡九邊黔首豈堪頻竭澤  
赤眉從此遂滔天旌麾北寺專征日羅網東京黨錮年  
極日霜風殘照裏可憐錯繡舊山川

登北固山

危磴侵雲策杖遙琳宮積翠擁蒼巖烟開鐵甕生殘照  
風起金魚急暮潮飲馬幾迴虛割據卧龍從古混漁樵  
六朝佳麗依稀在花月春江響玉簫

高道素 五期嘉興人

衡陽陳通政祿生招遊來鴈塔曲江樓卽事

香臺平楚外雲嶠九秋天興爲龍山續名因鴈塔傳樓  
登懷土日宴想曲江年夕照明遙甸涼颺度綺筵鐘聲  
衡嶽樹帆影洞庭船卿月丹青近郎星碧落懸清音間  
絲竹妙賞愜林泉羽檄愁金筑戈鋌滿蜀川幾增軍士  
寵更給水衡錢使者空持節蒼生未息肩撫時驚歲月

國朝詩的 卷之一 浙江

三

端坐愧烽烟不識歡遊地停杯思惘然

龍井

湖開明鏡曉城逼亂山陰廢井龍長蟄高巖鳥自吟亭  
中拾瑤草天外結珠林坐聽齋鐘發彌清靜者心

湘江旅懷

北渚初涼夕蕭條兩岬風烟波連漢口雲樹出湘中碧  
草王孫路黃陵帝子宮此時愁欲絕不待暮潮東

舟泊桃源

桃源何處覓桃花使者觀風夜泛槎楚國山川周甲子  
秦人鷄犬漢桑麻辰搖沅水多兵氣天入湘湖少物華

孟博湛清情不淺停橈未許問丹砂

金鎮 又鎮長真山陰人

過信陵君奪晉鄙軍處

人臣無專擅所以明至尊胡爲魏公子竊符應平原讀  
史起疑情常欲吐一言秦圍趙乞師趙存六國存公子  
有早見設計解軍屯事跡則已僭內心猶可捫戰國主  
合從信陵爲發源會上魏王書勸與六國援指斥虎狼  
秦鳴咽輒聲吞古人逝水駛戰壘春草蕃智勇冠當代  
三君安足論昨從大梁來惆悵城東門

題漳水使院天琴亭

國朝詩的 卷之一 浙江

三

入耳泠泠辨淺深天然應拍似鳴琴鄴宮久斷歌鐘迹  
魯壁方同金石音何必水山勞想像不關絃指絕思尋  
鍾陵亦有琵琶路屐響松音十里岑 江寧靈谷寺前有琵琶街萬松溪處  
癸丑歸都門呈諸親舊

麾守多年滯遠疆南薰策馬始還鄉御河菡萏誇今盛  
輦路垂楊比昔長情話陶家偕故舊酒筍燕市薦新香  
倦遊已似歸雲嬾忍復馳驅役四方

渡江至京口作

伐鼓臨江放櫂行江雲黯黯欲相迎樓臺樹壓山平出  
蘆荻風迴潮漸生落日西津同作客新年北府又增兵

佳時無計聊舒嘯鷗鷺全能減宦情

都門題友人停帆館

低閣蘆簾碧樹邊清江何用伴鷗眠百年應悟虛舟義  
不似張融舫上船

軟塵十丈滿京華曲巷蕭疎處士家兩面蓬牕常受月  
只疑秋水隔蒹葭

燕子磯絕句

空亭憑眺極青蒼吳楚年來少客航獨有釣磯長不改  
夜濤明月下滄浪

何天寵

昭侯素園山陰人

國朝詩的

卷之一

浙江

詩

康郎山阻風

康山橫鎖彭湖曲古廟老槐蓋湖綠三十六侯碧血寒  
昔日披金今報玉此事于今三百載風聲濤聲怒不改  
謝公游屐戀東山八公草木兵安在劒佩森森滿烟霧  
昨夢將軍倚大樹告我莫悲游子暮贈我長風爲我渡

寒食登雲起樓分賦

春衣烟柳問山泉一路花香夾畫船石磴每經芳樹歇  
峰陰平眺太湖連行厨送酒銷寒食蠟屐登樓話昔年  
坐看千邨游興劇翠翹紅袖暮雲邊

淮安守東

長淮東接射陽湖千里鄉心寄舳艫豈道朔風催夜東  
難將蒿酒問當爐雲低沙舦魚龍寂日暮江帆鳬鴈孤  
強欲裁詩寒徹骨故人紅燭煖氍毹

王錫珪

玉叔永嘉人

重遊陽湖

愁來長日愛山行重到陽湖百感生水漾寒流猶樹影  
林昏落葉自松聲山中且躡康公屐石上還聞子晉笙  
俯仰便成今昔恨獨教明月落前楹

望湖亭

鷄鳴山上望湖光耿耿湖光入望長梁帝不歸城欲沒  
國朝詩的

卷之一

浙江

詩

誌公如在塔生涼遠山蘸水魚紋亂淡舦平沙鷺影翔  
爲問蒼生存幾許版圖麟集正堪傷

李煒

赤茂格齋嘉善人

雜興

豫子易姓名漸離混傭保奇志每不申流光何浩浩七  
尺報所天百年付蒼昊豈不長苦辛所欲非壽考人生  
憂患中稱心亦爲好無以松栢姿零落同腐草  
日余不師訓少小好奇計結交湖海賓抵掌天下事愁  
如縻縹緲矯若悲踠蹏外強而中乾理不足御氣懷思  
古至人神明獨無累彈琴蓬戶中緬然發高視龍蛇守

道真毀譽棄若屣寧能人世間懷憂獨長喟

北渚何渺渺秋風生洞庭夫君來夷猶芙蓉愁殺人寄  
顏雲霄間揮袂富層城曠矣思不接懷哉時載陰臨川  
望河鮪緬邈若飛沉登高遡歸鴻反聽豺狼吟同衾戀  
膠漆遠道怨商參側身隴阪長離懷誰能任

羲和正中天晚晚傾日車一馳濛汜間誰揮魯陽戈輕  
薄閒游子車馬紛相過秉燭夜常行及時酣且歌樽酒  
自言溫意氣自言多仰視北斗闌明發當奈何

韓純玉 子蓮歸安人

鄧尉山遇徐昭法卽別愴然有懷

國朝詩白 卷之一 浙江

三

吳趨間隔三百里離亂相兼十二年此日弟兄乃一面  
曩時師友半重泉同依慧日爲禪侶忽遣愁風送客還  
無限斷魂收不盡長松習習寺門前

登七十二峰閣

壯懷寂歷不勝秋同上湖濱百尺樓天與雲濤相近遠  
山隨魚鳥半沉浮扁舟何處英雄老巨浸無端日夜流  
悵望烟波三萬頃空留禹蹟在神州

姜垚

蒼崖山陰人

韓陵

片石留古寺名傳溫子昇每來千里客却對六朝僧字

蹟苔痕沒文章雲氣蒸經過聊記憶非敢效徐陵

汴梁懷古

山河襟帶兩京同極目層城雉堞雄赤壤猶傳周舊邑  
朱門無復宋遺宮飛沙晝暗聞嘶馬衰草春淺見落鴻  
一自梁王賓客散月華流照吹臺空

澶淵

突兀孤城散野烟路人遙指古澶淵白楊青草廻鑾地  
紫駱黃羊歎塞年郡縣已開新版籍風雲不改舊山川  
北門鎖鑰今誰是空紀前朝相國賢

項景襄 眉山錢塘人

國朝詩白 卷之一 浙江

三

賦得蒼茫歲暮天

一徑何蕭瑟沉雲晚色蒼還招仙客醉卽共世人忙洞  
口花連雪城南雁帶霜不憐歲事寂遶屋有清香

暮春同顯亭亂倩岱麓子長詣慈仁寺看海棠集

字爲詩遇健菴端士共飲花下再賦

琳宮棠樹又芳菲命侶乘閒此息機密萼競從今日放  
繁英稍逐午風飛酒頻酤我香醪有詩不如人好字稀  
况值高朋來不速從教酩酊未言歸

高承埏 寓公鴻一秀水人

烈皇帝御書歌

先皇睿智誠奕奕高文典冊同圭璧卽如書法邁鍾王  
能令觀者盡辟易一自龍髯去鼎湖累朝墨寶悲復籍  
刻藤塵封亦已久忽瞻吳門練光白委諸草莽人莫知  
如龍一爪鬚片翮孤臣捧視淚沾襟不違天顏猶咫尺  
何以薦之古錦囊敬收寶積敷重席

何嘉頤 亦民葛明山陰人

### 金陵懷古

斜日平蕪炤晚烟孤懸華表蔣山巔飛花輦道曾何處  
化石松根不計年天寶熊羆殘壘外茂陵風雨大江邊  
驚心莫問中宵月側耳聲聲泣杜鵑

國朝詩的

卷之一

浙江

三

絕壁岩堯百尺樓雲光忽散暮江秋爭看奏伎方停輦  
未見投鞭已斷流南斗夜懸開甲第西風潮落下扁舟  
祇餘幕府梅花曲驚起寒鴉噪石頭

張壇 步青錢塘人

### 銅塔歌

石梁寺前萬壑幽石梁寺側銅塔浮殘碑數行不可讀  
讀之使我雙淚流憶昔禎皇初御蹕魑魅光消日月出  
山中老僧祝聖人募造銅塔置此室銅塔嗟峨四面開  
面面臨風坐古佛招提寺裏鐘磬鳴勤政樓頭上壽畢  
豈知西風動地吼重關設險無人守一代山河闕賊橫

黃塵白日千官走坐見銅駝荆棘中何況此塔大如斗  
我來冬盡到天台雪霜凋落萬木哀朔氣凜凜日無色  
長空漠漠雪飛來玉霄蓬萊不可遇千秋萬古空塵埃  
瑤臺之頂看劫灰

譚宗 公子餘姚人

### 上北高峰

登山便不慵懣起北高峰曉塔眠雲鳥春泉養洞龍海  
風朝影殿天樂下疎松一自西陵別卽知此地逢

### 九日登龍山

傷心百歲半東流經歲關門補浪遊九日每合他席淚  
國朝詩的

卷之一

浙江

三

十年重見此山秋清江晚堞寒生月衰草黃雲莽入樓  
恨不披襟最高處同君散盡故園愁

何嘉琳 玉林山陰人

### 沽酒歌

越王城北日西斜越女吹蘆如鳴笳秦峰影落鑑湖水  
山人放歌歸若耶山人能歌復能飲十千沽酒傾好花  
花開我歌花落我嗟吳王築宮名館娃百年行樂一朝  
盡素蛾紅粉爲黃沙西江落月飛曉鴉

### 秋日偶作

吳宮爲越沼西子還食貧世且賤蛾眉尚乃效其顰寂

莫姑胥臺秀色何足陳扁舟歸五湖千載苧蘿春  
昔爲秦氏女今作王郎婦青青五月桑采采傷遲暮悠  
悠陌上歌秦箏感行路不上使君車蛾眉莫相妬

別友人

秣馬平原畫角哀秋風攜手越王臺辭君再涉西陵渡  
千里江帆一雁來

張德盛

玉書杭州人

登清流寺千佛閣和韻

閒來時復叩禪關極目凌霄締造艱送客帆檣春萬里  
動人鈴鐸月千山荒臺碣斷迷真蹟古壁苔侵鎖舊斑  
園朝詩的

卷之一

浙江

三

不是勝流重整葺至今龍象許誰攀

楊雍建

自西以齋海鹽人

吳江道中

錦纜風高繫晚秋客心流水共悠悠一江疎雨催殘葉  
數點輕鷗狎去舟得近遠公忘說法笑看漁父學垂鈎  
長橋虹亘遙如舊躑躅行人問渡頭

泊舟

停舟却在兩峰邊摘取輕芬最可憐正是多情還惹恨  
惜花人在隔簾船

國朝詩的浙江目錄

卷之二

曹溶十四首 方象瑗三首 姜梗三首

李紱嗣一首 吳鉏一首 戴易一首

王豐一首 曹蘭堪八首 柯聶二首

趙吉士四首 張纘孫一首 吳雯清二首

吳山濤八首 孫毓四首 蔣玉立一首

蔣玉章一首 魏允桷一首 沈雁汀九首

朱璆一首 姜圖南二首 范雲鴻二首

嚴訥五首 嚴曾集三首 彭孫適五首

國朝詩的卷之二 浙江

李昂技二首 周垣綜二首 季煌二首

吳震方二首 呂忞字三首 顧麟書一首

徐倬五首 姜臣在一首 仇兆鰲二首

吳卜雄五首 朱彝尊二十四首 金懋禧二首

國朝詩的卷之二

長沙陶煊奉長選

同里張燦豈石同輯

浙江

曹溶鑒別秋嶽秀水人

送李雲田還漢陽

稻梁非鳳且非麟古人結交都有神茫茫四海若烟霧  
貴脫凡俗求奇珍當年國家擅全盛旌竿畫掩銷荆榛  
大別山邊花照眼湘源直下清無垠文人崛起在此地  
中有李子尤絕倫逸氣橫當萬夫敵錦腸妙濯澄江春

國朝詩的卷之二 浙江

搖筆洲前芳草綠福公鸚鵡安能馴儒流細謹百不為

特與騷辨爭嶙峋吳頭楚尾道路惡波濤湧魚龍噴

交知洵關造化力余也乘傳章華濱片言相許奉肝膈

登堂置酒羅車裊藏珠握璧盡名士子之姻婭情最親

過曜瑜舞席爛明燭飲散往往稀星辰高談間止接薌

澤大雅自悅傾城人歡娛近等昨日事於今再作江湖

身座客排雲上閭闔余亦雙髮色過銀忽憶奔梭二十

載浮蹤萬變空酸辛庸奴執政太狠藉醞釀群盜來三

秦鉞鋒毒矢白日暗武昌樊口墮青燐故園雞犬太荒

忽讀書亭樹摧為薪雉尾重開三殿仗馬蹄不震通都



塵紛紛物態總非昔豈得子不嗟沈淪自嘆黃頭蕩雙  
槳長風動暑歎葛巾詞采爛斑喜無恙醉語髭髯窺東  
鄰蒼旻曷不豐羽翮獻書可以驚玉宸慷慨直寧留草茅  
槩莫惜忘諱忤要津一吐窮居不平志洗出聲造經綸  
新從此驅車徧燕趙不妨佳麗皆橫陳欲申此義三太  
息余方隕泣眠松筠沾泥夢斷戒杯勺老情不足充君  
賓何期念舊越度外將發虎阜還逡巡晴川碧柳望圓  
月洞庭千頃生秋萼西南形勢鬱葱甚心識吾子非長  
貧臨岐幸緩別離戚天道顯塞聊溪論

贈程穆倩

國朝詩鈔

卷之二

浙江

二

漢臺吹折仙人盤飼鳳無復青琅玕漳浦清江兩夫子  
姓名獨與烟霜寒執經進履邈難再舊遊乃在蓬蒿端  
壬癸之間釣黨急白靴校尉廷前揖檻車多載石渠英  
窈窕龍樓排不入盧溝被圍雪灑面玉堂學士出催戰  
長纓不遂翺相連請室無光夜雷電後先解網許南還  
襪被輕舟疾如箭紛紛交友爭避匿程子是日來相見  
傷懷促膝石頭城一絲氣運懸書生勞箋裂帛寫大義  
決背誓挽洪濤傾歙州兵散杜鵑叫鬱孤蔓草天無情  
屈指今存只程子忍饑盡室去鄉里飛塵塞戶瑤席敝  
手註蟲魚續蒼史秋來值我邦關下綠髮依然垂兩耳

問年六十餘二三搖筆放言哈不止獻壽聊抒禽鳥音  
蒙莊托喻包涵旨無錢且醉文君爐僊臥不爲時賢起  
眼底曾無夙昔人卽得佯狂不如此子也清江門下士  
漁忍殘齡稱後歿及見東都榜廚俊又向銅駝哭荆杞  
一從程子惜遺文讀之彷彿夢孤軍曠野無援萬馬蹄  
碧血數斗蟠愁雲羈旅勸君還自力古幹無爲梁棟得  
珍重平生金石心皎如明月光初拭

廣陵贈別袁籜菴

聯舫邦溝路雲濤興渺然柳無經歲別月似故山圓老  
淚霑歌板歸裝儉林田桓家寒具美一飽足高眠

國朝詩鈔

卷之二

浙江

三

支貧無善策長歎各征衣江上胸懷豁兵前喘息微健  
帆因我住古調向人非近註蒙莊了逍遙是德機  
曾見熊幡出章華弔故宮罷傾沙市酒閑挂廣陵篷六  
代鳴弓外三山拄頰中盛傳金縷曲吹徧柳條風

遊南華寺不果紀事

汎汎爭孤鶩攢山過萬重遊人疲應接僧飯約從容路  
僻宜香雨松涼出暮鐘微言娛老外親許見南宗

寄懷李雲田

憂國謀仍拙還山一病身始通荆楚問不覺涕洟新溪  
蓋愁時友孤花戰後春那堪重索處風雨各傷神

癸亥三月梅定九稱長攜酒寓中同汪扶晨分韻  
裹飯群相訪初迴旅竈貧閣斜分坐密雲黑送愁新篇  
翰餘真氣乾坤祇故人薄裝留且住鄉夢冷江蘋

九日芝麓總憲招讌慈仁寺卽席賦

遙天吹角鬢絲稀南望鄉心未拂衣象管銀筆今日好  
紫萸黃菊故都微眠依冷石孤吟起醉擘霜螯萬事非  
無力銷兵真浩歎冥鴻還傍五陵飛

相憐皂帽俯長松斜日蓬蒿古殿鐘層閣蕭條飛燕雀  
滿城蒼翠落芙蓉烽烟天濶凭高恨沙塞花寒對酒濃  
江表何年還倦羽此身終得伴孤筇

國朝詩約

卷之二

浙江

四

恭謁禹陵之一

名山環碧啟幽封祀典荒涼豈盡供落日殿庭圍篠蕩  
蒼崖風霧泣龜龍揚州貢篚應來享侯國冠裳儼欲從  
拜起獨思乘載苦合驅江海作朝宗

吳郡秋思

山外高樓俯夕曛五噫嗣咏正離群寒濤不見橫江鎖  
沙草時搖鎮海軍槎滿吳淞天畔落秋連鳬雁客邊聞  
長驚竹箭彫疎甚谷口何年盡白雲

語溪夜泊

春水西廻泊岬冰重裘不寄冷難勝心窮進退兵戈阻

行遍燕吳歲月增宿鳥迎人喧過燈烟巒作雨暗孤燈  
千年霸業今存否自向漁樵數廢興

袁實齋陳子莊過飲荒園

家有殘書萬軸寬范湖一曲寄魚竿齋居不厭憂生切  
衰髮常疑混沌俗難碧海雲埋獵虎士黃金春滿鵝鸕冠  
若非謝屐驚空谷舉世何人重歲寒

方象璜 雪岷遂安人

玉鉤斜

平楚橫奔蒼荒原氣蕭瑟野棠自榮落寒泉騰鳳沸云  
是隋宮人藥壘埋麗質一時豔歌舞化為荆與棘雲雨  
國朝詩約 卷之二 浙江 五  
歛已空風流寧再得

康山

蕭辰羣儔侶登高豁秋爽誰期闌闌間迴得恣幽賞亭  
臺出塵氛凌虛似仙掌古木勢槎枒寒菊枝偃仰憑軒  
俯雉堞迴環見滄泱歷歷江南山雲烟自還往偶然觸  
詠問頗覺耳目廣伊昔對山氏急友義無兩罷官泥估  
客落拓脫世網流風猶在茲令人結遐想

和繡巖韻

蕭爽風吹雨空濛水接天野橋多覆柳鄰舫半依蓮村  
舍浮陰詭漁歌帶暝烟酒闌回桂棹歸路共陶然

姜 梗 鐵夫會稽人

同友人登曹山途中寓目

晴雪停陰岡玄雲凝雨霰散步歷層冰携友陟危巖猿  
欬向路啼藤蘿閉深院白石照清溪寒色明空練古道  
架危屋椽題尚繪綢傾圯廢不理昔人寄歡宴遺碑摧  
爲石墓道衆人佃黃金築臺榭感人時節變槭槭華葉  
凋蕭蕭荒堂殿嗟嗟日行邁誰得固平善

登北城

寒雁碧天清晚登郡北城霜笳吹不斷白髮自然生海  
戍黃雲起津亭落日明新軍初戰罷日夜有啼聲

國朝詩集卷之二

浙江

六

過揚州次淮陰懷陶二楊董五旻

最憶春風舊酒徒高天風露逐征途王孫漂母空祠廟  
古栢蒼松聽鷓鴣日落潮生京口驛雲開月上射陽湖  
中流舛憤徘徊久酒滿江船興不孤

李鄴嗣 果堂鄞縣人

散懷詩

莫道當春春可憐初冬秋末亦能妍飄深紅栢東溪路  
餐過黃橙小雪天坐處微涼隣竹借朝來新霽寺鐘傳  
始知逸少高懷妙不獨蘭亭風日偏

右軍帖曰末秋初冬當快共爲集

吳 鉏 原名祖錫稽田嘉興人

重修信陵君墓

六國安危只繫君握符兩度抑秦軍函關此日幾亡雉  
芒碭從茲漸起雲未見特牛陳大狙楚將醇酒酹高墳  
可憐異代留毛薛徒倚夷門到夕曛

戴 易 南枝山陰人

釣臺

潮聲直達嚴灘夜山色橫連漢苑秋千載故人終作客  
一時諸將盡封侯郭南九世傳佳氣江畔雙臺控上游  
把釣耕田真樂事太平時節我何求

王 豐 遷祠山陰人

國朝詩集卷之二

浙江

七

次柴桑乞食和杜于皇

阮公哭途窮乞郡終去之處仲擊唾壺伏櫪有悽辭誰  
爲拄如意山色鷄籠來安得座上客恒滿無空杯數公  
磊塊士肯吟北門詩時運一以乖落落埋英才支離吾  
自慰終焉辟荔貽

曹爾堪 顧菴嘉善人

冬日重過遼后梳粧臺

亂石礫硯黑于鐵高臺欲傾水聲明宮中鳳輦昔曾過  
剩粉殘脂聽傳說地歷金元多廢壘更閱明朝三百載  
荷芰霜凋鸚鵡衣菰蒲雨暗鴛鴦彩轉眼繁華卽變遷

荒郊宿莽沒釵鈿珠歌翠舞香難問薜痕斑蝕寒烟  
下馬憑弔酸風苦盤龍辨髮誰家女玉螭橋邊烏夜啼  
喔喔如聞契丹語無情芳草莖燕支首戴嚮腰走狐狸  
祇餘臺畔垂楊柳猶似當年淡掃眉

廣陵懷古

何須故老話興亡兵後繁華事渺茫  
邗水曲流通汝漢蕪城衰草恨齊梁  
客尋芳棹驚歌斷馬過朱欄識酒香  
不盡淚痕傷往跡夜深紅雨濕雷塘

上已前一日集沈繹堂寓樓分賦

夜除已近尋春會新水盈堦花滿溪  
燭影漸生游舫外國朝詩的

卷之二

浙江

八

粉香長傍酒爐西青溪風雨期無準  
白氈暄寒候不齊公子能文偏愛客  
坐中鸚鵡問誰題

錢牧齋先生挽詞

入世雄心老漸灰昔年鈎黨競風雷  
俊厨何救東京沒刁頑還從北渡來  
天爲文章留末路人推碑版冠群材  
先朝實錄尤淹貫多少微辭紀定哀

衛源竹枝詞

舊藩宮殿已荒丘玉螭橋空水自流  
天際觚稜餘碧瓦行人遙見望京樓

玉杯金盃暗埋雲潞府人猶說舊聞  
石押衙同狐夜語

月中環佩內家墳

金陵竹枝詞

高館笙歌棹燭紅幾年飄泊各西東  
秦川公子黃金盡種菜猶棲舊院中

天棘條侵漢殿斜秋蟲交語野棠花  
射生獵盡銀牌鹿誰向鍾山采木瓜

柯 聳

素培嘶初嘉善人

姜定菴邀飲祖氏園亭遊客不至與余相對竟日  
歸途復過憫忠禪寺

國朝詩的

卷之二

浙江

九

蘭亭當日集群賢何意追尋典獨偏野鳥欲爭芳草席  
名花猶向暮春天空庭斷石疑殘碣飛閣垂楊繞暮烟  
歸路招提多古蹟同君再訪鉢池蓮

西谿小築

歸歟三徑已榛蕪小葺幽棲聊自娛  
庭外石峰堪作丈門前溪水亦名愚  
堂留雪滌各青山色閣望涵虛各入  
畫圖十丈紅塵高馬骨清風吹到艸廬無

趙吉士

天羽錢塘人

自南陵至新嶺凡三日余坐兜輿采臣策麻馬山  
川所歷是處成勝漫賦紀事時已亥冬陽月也

點點烟橫接大荒短簑牛背笛聲長  
隔林溪響千山雨

近墅梅開十畝霜何處高原封馬嶺幾人岐路泣羊腸  
行逢故友遊譙郡爲道當年舊酒狂

鄉關漸近不勝情愁思還因家累生夢趁寒鐘來舊榻  
泉經夜雨換新聲五更燈火催人去十里霜華伴客行  
曉發頻還邨店路一灣烟樹小橋橫

### 金山蘄土廟

古廟歸然控上游雲沈戰艦夕陽收江烟時帶魚龍氣  
潮水猶傳鼓角愁南渡衣冠空半壁中冷俎豆竟千秋  
可堪驢背投閑去長使崖山作帝州

### 桐江歌

國朝詩的

卷之二 浙江

一

行藏無定任西東茅店烟邨處處同一曲溪流山四面  
不知身在一舟中

張纘孫 宗緒錄唐火

### 上十八灘

西江江欲盡灘勢迥紆迴急浪天邊下孤帆石罅開山  
深埋虎豹樹老宿風雷自歎常飄泊蕭蕭白髮催

吳雯清 方連仁和人

### 石鐘山

昔讀梅翁記今登湖口山雙鐘排浪出五老叫雲還蒼  
閣僧棲穩懸崖鳥語閑欲尋鐘磬處歌枕聽潺湲

### 宿楊邨

高樓旅榻影徘徊聊放秋光入酒杯一水亂灘從枕過  
千山圍月到牕來閑聽木葉蕭蕭落細數蛩吟個個哀  
永夜孤邨人語悄幾聲荒寺遠鐘催

吳山濤

俗觀寒松仁和籍歙縣人

### 西塞詩 選入

金城峭壯壓長河浩莽邊一作風掠怒波樓櫓晴雲明  
粉雉林巒陰雨濕青螺生番貢馬循厝入活佛乘傳絕  
域過滿把葡萄澆盡醉伊涼新譜柘枝歌

江名豐水出諸羌疎勒王庭限女屠城聞曉鋪賓蜀市  
國朝詩的 卷之二 浙江 士

屬笳暮動渥洼場雲秋佳木充雕器天馬輕裘集白須  
留土火耕寒不實年年輸輓上河湟

叩焚雖開未偃兵高秋諸將領專征粟支州里殊難給

馬過關山亦緩行棄甲妄希燒棧道裏瓊潛已入陰平

釜魚籠鳥何須問隴蜀於今尚輟耕

寒衣關外隴山岑俯瞰秦川草木深灝氣半空凝即雪

飛泉百道散成霖人行絕壁求容足鳥隴危崖試險心

下坂羊腸垂及地天風魂魄尚森森

伊吾中道脩莊浪榆木參天有萬行苦水鋪邊人面黑  
烏梢嶺上日痕黃整午蔽野無耕犁乳虎憑關缺斧戕

共說西戎風朴悶年來聞得納逋亡

荒原寒吹夜猶紅都護旗門閉晚風哀曼數聲人度曲  
淒涼一點雁當空牛衣車上霜華重孤嶺城頭月色濛  
休道金微侯印易書生有幾習臨戎

河畔層冰聚若刀雪花如掌過臨洮嚴邊隱隱吹笳葉  
寒日輝輝上戰袍宿火稀微人隨指土銼崩塌屋空逃  
解衣欲換投林少看僕餐烟當濁醪

誰道春風不玉門磧間亦見柳成屯革裘午卸鳴沙暖  
羯鼓宵繁寒月昏土屋女兒拋綵索毬場壯士醉蘆根  
人情但說江南好多雨花時恐斷魂

國朝詩的

卷之二

浙江

主

孫 錄 古 陸嘉善人

送陸季冲之任鬱林

驩驩燦電本空群嶺外梅花正俟君地近蒼梧常帶雨  
天連勾漏半飛雲莫辭柳酒蠻中異更有蘆笙馬上聞  
此去不須愁薄宦故人還是沈休文

送王懷人歸漢陽寄張素先孟天友

芳郊碧草正萋萋落日河梁手重携詞客高吟青雀舫  
楚人齊唱白銅鞮城邊樹色連樊口江上花明滿大隄  
十載故交零落盡因君爲訪鹿門西

項玉筍 烟 雪 嘉善人

朱葵石招遊鶴洲與旅師茶話

載酒尋春色看梅到鶴洲雲深三過寺東坡訪文長老處雪映  
兩湖舟園居鴛湖之中喜客開芳徑延僧閉竹樓亂流趨渡處  
袖得小山幽

夜泊獨山

且罷烟中棹呼童拂酒甌夜情圓月滿客興獨山孤隔  
嶺歸麋鹿沿溪響鷓鴣此時無一語寂寞坐冰壺

蔣玉立 亭 嘉善人

題中州陳簡菴谿南草堂

辟疆舊墅水潏潏卜築谿南畫掩關授簡相如梁苑日

國朝詩的

卷之二

浙江

主

紀年元亮義熙間春郊月上提壺出曲徑花飛策蹇還

碧樹紅泉行處見拂衣何處不東山

蔣玉章 象 鴻 嘉善人

鹿城道中懷歸玄恭葉媚初

西鹿城邊傷客心新洋江畔搗衣碓陸機漫擬吳趨曲  
莊舄仍爲越下吟烟入戍樓啣暮色雲生驛樹結秋陰  
懷人此際堪乘興不得追遊到竹林

魏允枏 交 讓 嘉善人

暨陽

烽燧遙天接大荒高城憑眺曉蒼蒼薜蘿乍長新官舍

燄火宵明古戰場秋雨遠來江氣合夕陽斜隨解雲黃  
三吳事業殘碑在矯首雲臺思渺茫

沈

在汀鳥程人

錢肅王祠

蕭然祠宇對南屏吳越功全衛百靈萬弩射潮開樂土  
空拳破賊報王庭年深糟食荒碑綠日暮鴉啼古木青  
春色滿湖誰是主畫船歌舞自前汀

登吳山絕頂

渾疑天路此還通絕頂攀躋覽莫聖王六龍猶在望  
今上會仙人孤鶴已凌空山川遠接虛無外吳越平分  
駐驛國朝詩的卷之二浙江

指顧中不獨此山推第一由來名勝數江東

鄂王祠

豐碑茂草鄂王祠遺恨空追南渡時殺父何妨還殺子  
稱臣猶幸未稱兒陰旗夜展松楸冷石馬寒嘶風雨悲  
二帝已甘沙漠死路人莫漫痛班師  
自從閩外卸戎衣半壁河山永不歸未挈兩宮還陛下  
先加六字入閭扉偏安似屬君王便和議休論丞相非  
倚檻題詞空怒髮黃龍痛飲願終違

失題

四月幽尋扣竹扉園花開到野薔薇故人汎棹看山去

稚子攜衣采芡歸繞戶桑麻皆自足護雛鷄犬各相依  
林間黃鳥知求友亦自嬌啼向落暉

朱

廖達公錢塘人

別宮用北上

檢束奚囊覺別輕風林琴瑟撼秋聲難羈白馬霜天路  
空戀紅顏酒暈生意氣一身堪自許川原何處不關情  
庭前未了黃花約積裏隨看緩轡行

姜圖南

淮思真源仁和人

同祖望宿山寺次日登飛來峰

孤峰絕壁最高標把臂登臨翠色遙九里松篁沈暮靄  
國朝詩的卷之二浙江

三天樓閣傍烟霄猿聲出洞隨雲度樹杪飛泉落澗飄  
怪底夜來喧枕石海門爭湧浙江潮

夢繡虎

孤帷搖落歎離羣燭燭燈花忽夢君萬里關河雙眼合  
十年涕淚此宵分高齋月滿應同見曲巷鸚鵡竟獨聞  
展轉虛疑烟水濶桑乾草色似紛紛

范雲鴻

天關晴齋會稽人

冬夜偕內人天居步月思歸

皎皎山前月光分樹上鴉寒風吹敗籜薄露冷殘花步  
入空庭靜歸懷去路賒何時全所願重泛廣陵槎

仲春十四夜留友人小齋對月

纔過花朝兩日餘春光拂拂上衣裾門開有客過三徑  
月起留人照一廬適與手談忘舊語鍾情往事憶奇書  
夜深更覺天如水舉目蒼然望太虛

嚴 沆 于餐顯亭仁和人

春日漫興

補袞瞻天近斑衣愛日長生成看鸞雀戰伐剩豺狼紙  
筆兒誰好柴桑婦不忘閉門焚草畢歸夢五湖傍

送龔芝麓先生使粵東

直節爭傳亞相賢投閒上苑領林泉容棲蓮勺回中  
國朝詩的 卷之二 浙江 七

去問梅花庾嶺天金殿頻嘶仙仗馬增江正站武溪  
羅浮山色輶車迴却望長安北斗邊

折檻披鱗衆所知彈碁躡屐總吾師深松命酒招提晚  
垂柳揮鞭左掖遲八代文章誰氣象千秋吾道本艱危  
却過僊耳雲山遠曳履歸來捧玉墀

賀鄧玉書新婚

瀛洲仙史校書晨蕙帳重開貯玉人見說江城楊柳色  
移將雙闥下勝春

爲約朝雲下碧虛徐家與妹有傳書新嫌舊素知何似  
織就鴛鴦總不殊

嚴曾集 方貽杭州人

同吳天朗翁用公天街看月

酒罷風初起橋平月共看照人聯壁樹走馬並銀鞍街  
闌飛沙合河深瀉水寒夜闌分手去城角已吹殘

懷陸左城

三年不見平原令著就長楊賦幾篇解識酒同高士飲  
肯將玄借富人傳月明千里江南夢不落三秋劄北天  
遙想西陵柳樹下賓朋滿座菊花筵

侍家大人同項眉山年伯韋公祠看海棠命賦

古祠青甍起芳塵紫陌朱欄集廣輪雙樹久分仙掌露  
國朝詩的 卷之二 浙江 七

繁花猶發帝城春枝間接葉偏宜鳥殿外浮香欲送人  
奉命靈光爲賦拙將軍捧杖托荀陳

彭孫通 駿孫義門海鹽人

秦箏歌送顧翊南之鄜州

君不開秦箏聲最苦孤雁流哀生極浦擘絃促柱一再  
彈隴首征夫淚如雨關河迢遞三川道古峙蒼茫秦樹  
老萬里行人聽暮笳五原賓從空秋草故人擁傳向秦  
城杜甫山堂月正明曉參漸落箏聲歇不見秦城見明  
月

五十一司李竹亭



葢竹成孤亭蕭疎見高寄冷冷風露深日夕生寒吹中有微吟人披襟落空翠

無題和阮亭

玉壺滴罷夜眠遲華簾初冰擁被時霜色漸侵金鑿落月陰乍轉碧翠思重簾不啓鈎雙約小篆將殘慢四垂何事秋來長作客紅蘭白露減芳蕤

西風雙槳帝城遊憔悴茗華杜若洲幽夢細尋行雨路新眉長結晚山愁珠娘寂寞鮫人淚簫史淒涼鳳女樓小媛輕寒深院裏懊惱情思是三秋

香奩詩和西譙貽上

國朝詩的卷之二

浙江

大

少小風流絕世姿芳標頗解定情時靈芸針刺雙飛鳥錦水箋題十索詩趙后身輕思倚袂衛郎影好愛臨池蛾眉從古工詠詠君若相憐只自知

瑤臺雖好祇單棲雜糅靡蘅綴壁泥美疾難痊心自曉宿醒初起黛猶低人同楚峽來如夢地是隋樓到欲迷好掩椒園深下鎖悲秋宋玉在牆西

李昂技 霄樹嘉興人

州道中

萬戶浮雲外孤城落照間月生青雀舫人醉白狼山出郭原無事橫琴偶得閒一尊花下坐我欲問玄關

官閣梅花

何遜在揚州嘯咏梅花下案牘紛如雲定不甘聾啞畢竟才乃長所以得閑暇好花情頗真爲守良不假傷彼探梅人豪呼向田野官閣生悲風吹落前朝瓦

周垣綜 公魯吳菴海鹽人

邯鄲道中懷古

河北河南一望看誰云割地可求安冠來若不推孤注宋室依稀事契丹煞氣橫空天地黑鬼燐燒夜斗星寒隻輪不返謀偏沮便兆蒙塵二帝端

汴梁雜咏

國朝詩的卷之二

浙江

一九

中原極日思微茫官樹依微映夕陽舊日銅駝荆棘裏此時金谷黍禾傍夷門未必憐侯監博浪何須病子房曾爲洪波漂雉堞至今民物尚倉皇

季

煌 偉公錢塘人

過崔氏園亭

爲愛幽棲地乘閒試一過落梅殘雪盡新柳好風多臨水思垂釣留鶯欲聽歌平生遊俠意從此謝烟蘿

臨淄

太行千丈接虛空一點齊州落照中試馬昨纔辭冀北射鵰今又過山東村醪醉客霜花白野店留人土銍紅

廣武城邊重歎息可能今日又英雄

吳震方 青壇石門人

次子卿蚤發汪津韻

坐穩江流與自豪長年路熟此江皋春常晴夜官看斗  
水接滄溟好釣龍清露浥篷添客冷暗潮侵岼覺船高  
起來欲和新詩句爲飲鋒鋒怯孟勞

八月十五夜曲江對月

秋日江行好况當秋月圓涼生黃葉浦光滿碧雲天北  
關關河迥南州客思懸推篷看不厭坐待露華妍

呂黍字 山陰人

國朝詩的 卷之二

浙江

三

題九老會圖卷

九老乃毘陵毛子霞華容嚴平子寧鄉陶五徵孝感  
高處厚廬陵趙國子景陵吳旣閑黃岡萬師二沔陽  
游隱林武進蔣馭鹿

白傳遜仙班九老圖在世近愛隱逸流效之樂乃志辛  
酉秋鏘中楚天雨早霽斜陽嶺樹收團月江樓繫毛嚴  
高趙吳萬蔣陶游輩耆齡伯仲間蘭乳鳳投味邀約共  
登臨分題紀良會才筆竝縱橫奇正角勇智聲焰走風  
霆老辣信疊桂傾壘倒玉缸雨醉汝亦醉擊節斬新辭  
樓也幾樾碎轟誇作美談紙較金還貴圖畫安可無况

與古同意寒暑十六更客沒三之二存茲陶蔣游精神

龍馬銳碩果傲喬松劫火靈光歸展卷氣欲歎一一挺

秀麗焉知彼六君不把香山袂想像吟飲時令人動遙

企隱林七袞開手眼仍便利豈惟煩上毫兼肖神與致

四皓圖基圖龍眠席應避 李公麟有圖 屬我題其端是

合薰翁器雪片鷺毛颺腕僵墨且膩急進酒三甌儼勿

加點綴曩日倘置吾或薄助鼓吹寒責聊復云款段逐

騏驥

幼孜招上鳳山草亭燕賞紫牡丹

鳳凰欲飛故不飛茅亭貼翅漁簑披亭下新花爭綽約

國朝詩的 卷之二

浙江

三

誰家姊妹春遊迷似酣卯酒復顧舊溫柔無骨隨風欲  
姑射紅顚凍冰雪毛嬌粉膩凝脂凝蝶誤尋玫瑰嗅  
僂蜂也抱珊瑚疑東旁一本好莖梗無萑無蕾青猗猗  
至人云是朱砂種去秋纔植花應遲倘能努綻穀雨後  
重當置酒邀品題山桃兩柳拔二丈敷葩吐夢雪所釀  
斜侍亭牙弄曉寒密遮牆口防賜亢銅雀雖深鎖不牢  
胡天胡帝難名狀昨宵杜宇盡情啼堆疊啼痕叢葉上  
手杯擎處近闌干花色侵杯桑落漲忽歌苦調入檀槽  
青衫暗濕心悽愴何如天寶舊繁華春光此際空駘宕  
剛可歡娛偏惹愁雙眉鎖結憑誰放

滇南送春詞

五華寺上散斜暉怕向江頭看翠微多事莫如雙燕子  
遲啣春色故宮飛

顧麟書 玉書錢塘人

山行卽事

無愁官路倦還行行盡山程接水程啼鳥似歌難辨語  
野花如繡不知名風塵豈復憐人事景物無端感客情  
歸臥釣船吾願足柳橋春水一舟橫

徐倬 方虎德清人

崇禎皇帝御蹟歌

國朝詩略 卷之二 浙江

三

憶昔崇禎年間事盜賊縱橫數千里峭函天險失重關  
嵩少連雲逼寇壘湖湘以南多鼓鼙烽烟直接白銅隄  
漢家陵寢終難問龍種王孫當路啼可憐烽火甘泉喪  
天子沈吟下殿走麒麟高閣空嶙峋鐵馬金戈欲誰授  
武陵元相自登壇九重推轂萬人看腰帶文犀瑪瑙赤  
尚方寶劍雪霜寒此日軍容誰比數百萬羽林雄貔虎  
長麾大纛過龍樓親灑宸書壯威武比擬車攻六月篇  
翰墨淋漓走風雨旌旆悠颺渡漢來風淒野曠角聲哀  
十道將軍齊解甲六師金鼓駭奔雷前軍大星落空壁  
呼天仰藥復何恤魚龍已散習池雲鳥雀愁窺峴首水

其憐房琯敗陳陶還說朝廷倚安石黃沙磨壘長荆榛  
獨留御翰光輝赫人間流落舊烏絲塵埃堆積掩蛟螭  
竟同玉匣昭陵蹟誰道歌風壯士詩野人掩卷吞聲哭  
爲想明堂勤夢卜只今玉薤金箋書恍惚英靈聚尺幅  
安得珊瑚玳瑁裝拂拭寶軸懸高堂當年社稷存遺老  
得毋見此神彷彿

湖上贈夏兩均

青絲一騎出長安明聖湖頭把釣竿花柳坐催名士老  
湖山約與酒人看好憑酬唱東西屋莫妬聲名大小冠  
昨夜新詩欺白雪雪兒歌罷不勝寒

國朝詩略 卷之二 浙江

三

送吳岱觀之成縣

成州直在禹峰巔洞壑還通小有天黃獨雪深官馬瘦  
葡萄酒熟接離偏錦囊古道三千里綵筆摩崖十九泉  
安得短衣隨後乘誅茅種藥白雲邊

西湖曲

裏湖分屬五侯家白藕紅蓮一道斜軍令森嚴同細柳  
行人休去折荷花  
幕府新頒令似雷燒香士女盡教回鵝舠帳下胭脂婦  
爭抱琵琶入寺來

姜臣在 秀水人

雨泊潯陽

匡廬落翠影濛濛歸雁孤舟二月中芳草雪消春岼綠  
杏花雨歇酒旗紅去來征旅皆從北深淺江流只向東  
何似當時白司馬青衫偏濕泣途窮

仇兆鰲 滄柱甫上人

過昌平訪隱者不遇悵然有作

中峰名勝地陡絕遠追攀鳥道懸崖窄羊腸細路灣居  
庸西疊嶂天壽北連山千古滄桑事園陵一望間  
層巒雲際出曲水澗中來壁立高崖盡溪廻一線開探  
奇扳鉄鑲訪道破芒鞋不見幽人跡松陰滿綠苔

國朝詩的

卷之二

浙江

三四

吳卜雄 震一德清人

鶴鵲

每竝奚囊出微禽佐樂方依人聊託體妬敵即專場不  
少憐毛羽無多足稻梁掌中俱愛惜未忍遣相傷

蟋蟀

搜剔來巖穴花茵壁壘張築壇龍頤貴破陣虎牙強粒  
食平居事千金戰鬪場酬恩無漏刻不待楚真王

蠶

筠籠連野艇邨郭靜朝扉焙火初眠起柔桑四月肥尚  
方須補袞垂白恐無三不惜抽絲盡傾身織女機

家狸

竝虎稱周雅迎貓舊曲中何須仇鼠子但一佐田功辨  
尋知無悞昇仙偶不同若令徵故事有客擅江東

倭刀

萬里波濤外龍身百鍊輕光然陰火色吼或夜鼙聲詎  
自蛟人得翻過武庫精但教方物脩倒載不銷兵

朱葵尊 錫宅竹垞秀水人

雀飛多

雀飛多飲啄野田裏奈何卒逢黃鸝子誰其救者彈以  
丸何用報君雙玉環雙玉環如可不惜黃花與爾食

國朝詩的

卷之二

浙江

三五

樹萱篇

朱明四五月萱草滿中園花花連枝發葉葉從風翻

解一

移萱南湖濱樹萱北座側亮無同心人馨香詎相識二  
兔絲自有枝桃葉自有根黃花特小艸何用通慇懃三  
冶容無故權柔條曷顛倒本是忘憂花翻成斷腸艸四

采蓮曲

采蓮女兩漿橋頭去錦石清江日落時羅裙玉腕花深  
處采蓮童素舸游湖中江謳越吹歌未歇朱肩玉面來  
相逢共道江南可采蓮湖中蓮葉已田田攀花風動飄

香袂照水萍鈿開整翠翠鈿香袂逢人少回看蘭澤多  
芳艸青鳥飛來啄紫鱗白蘋斷處生紅蓼雲起暮流長  
花飛鏡裏香雙雙金翡翠一一錦鴛鴦鴛鴦翡翠飛無  
數蘭橈並著輕搖櫓素藕連根絲更柔紅蓮徹底心偏  
苦誰家年少垂楊下出入風姿獨妍雅岸上徘徊七寶  
鞭湖邊躑躅千金馬深江腸斷起歌聲惆悵方塘一望  
平水上輕衣吹下濕風中細語聽難明沙棠舟繫青絲  
絳相邀盡說江南樂白露初看翠蓋飄秋風漸見紅衣  
落橫塘燈火采蓮歸隔浦歌聲聽已稀雲間月出開烟  
樹惟見沙明白鷺飛

國朝詩

卷之二

浙江

三

雁門關

南登雁門道騁望勾注巔山岡鬱參錯石機紛鈎連度  
嶺風漸微入關寒未捐層冰如玉龍萬丈來蜿蜒飛光  
一相射我馬忽不前抗迹懷古人千載誠多賢郅都守  
長城烽火靜居延劉琨發廣莫吟嘯扶風篇偉哉廣與  
牧勇略天下傳時來英雄奮事去陵谷遷數千不可期  
勞歌爲誰宣嗷嗷中澤鴻聆我慷慨編

兕觥歌

龍爲許文穆公錢趙太史定宇物爲何夫卿賦

覆玉碗屏香螺徹銀鑿落金巨羅黃支之犀塵盡辟王  
人持觥客前席請看觥上銘爲君陳夙昔定陵冲年資

相臣元老奪情衆怒嗔朝陽一鳳午門伏折檻寧辭逆  
鱗觸歸時餞者滿都亭珍重臨岐許文穆神羊一角詎  
有雙流傳既久歸婁江張公以之遺弟子敢諫吾公趙  
公似更兼愛客無倦容平原十日恒過從朝衣典盡且  
不顧快意但寫鳬花濃我浮此觥亦已數尊前豈惜狂  
歌重吾公邇年徙卿寺西掖南牀誰鶚視漢殿今無白  
獸尊滿飲黃流莫輕寘

過吳太村居

泛舟經谷口迢遞入林端一徑野烟夕孤村返照寒榴  
花赤瑪瑙竹色青琅玕滿酌主人酒休歌行路難

國朝詩

卷之二

浙江

七

曉

暝投人外宿桑柘藹陰陰獨樹歸禽少平川隱霧深松  
篁初月上鐘磬夕陽沉漸覺微風起寥寥山水音

雨後卽事二首

選一

一雨平林外羣山倚杖前蛙聲浮岬岬鳥影度江天鳴  
磬上方寺揚帆何處船坐疑秋氣近蕭瑟感流年

同舍人五兄登觀山頂

杖策荒塗外憑高遠樹重微茫開積水縹緲見孤峰細  
雨春歸雁深山日暮鐘何年共招隱相伴入雲松

柯山

柯亭山下路修竹暮紛紛衆竊千尋暗雙崖一逕分沙  
光明艸樹日氣冷江雲更憶中郎笛寥寥不可聞

晚次崞縣

百戰樓煩地三春尚朔風雲飛寒食後城閉夕陽中行  
役身將老艱難歲不同流移嗟雁戶生計各西東

太原客舍同方三孝廉育盛話舊二首

遠戍崔亭伯還家管幼安千金裘馬盡十載道途寒華  
髮同雙鬢悲歌感萬端平生蕭瑟意長鍊爲誰彈

舊業東山下曾經賭墅過飄搖秋雨後零落戰場多避  
地從人問誅茅奈老何烏衣雙燕子留恨滿關河

國朝詩的卷之二

浙江

三

七夕立秋王方柏顯祚席上和毛會建

暑退林初暝尊開露漸滋客中憐夜集天上果秋期片  
葉辭風下長河捲幔垂莫教涼月盡同和謝莊詩

逢姜給事採

黃門先生官左掖力欲拔山氣辟易虎豹天關閉九重  
孤臣血肉徒狼籍東萊蜃市易沉淪南國相逢淚滿巾  
青鞵布襪江湖外誰念當時折檻人

吳山望浙江

一峰高出萬松寒磴道虛疑十八盤近海魚龍吹宿霧  
中天日月轉浮瀾風帆壓壓明珠舶仙樹花濃白石壇

舊是錦衣行樂地江山真作霸圖看

土木堡

平蕪一簣狼山下九月驅車白霧昏到眼關河成故跡  
傷心土木但空屯元戎苦戰翻迴蹕諸將論功首奪門  
早遣金綰和社稷祠官誰奉裕陵園

宣府鎮

高城西北控燕都吹角清秋落日孤尚憶武皇巡玉塞  
親從鎮國剖金符宮槐御柳今蕭瑟虎圈鷹房舊有無  
邊事百年虛想像誰誇天險塞飛狐

滹沱河

國朝詩的卷之二

浙江

三九

滹沱河上流漸急騎馬春冰滑可憐百尺浮橋空斷板  
孤城哀角動荒烟愁顏送老饑寒日絕塞因人雨雪邊  
轉憶江鄉多樂事花濃齊放五湖船

少年子

臂上黑彫弧腰間金僕姑笑騎五花馬射殺千年狐  
西巖

仙巖寺

朝聞谷口猿啼宿崖上月夜久天風吹西巖桂花發  
咫尺仙巖寺雲峰望轉親夕陽鐘磬發猶有未歸人  
出居庸關

居庸關上子規啼飲馬流泉落日低雨雪自飛千嶂外  
榆林祗隔數峰西

觀獵

白狼堆近雪嵯峨風卷黃雲入塞多盡道打圍春更好  
夕陽飛騎渡長河

金懋禧

受宣紹興人

同胡天仿宋份臣張虞山杜湘葦黃子心程次清  
諸前輩暨外舅蔣荆名舟集蕭湖遙望淮陰侯

釣臺

索居春又半芳菲遍南陌一葉穿城來隨風蕩遠澤弱

四朝詩約

卷之二 浙江

三

柳動春晴微波淨天碧風日怡中和放懷隨詩伯把酒  
向長堤遙憶垂綸客功業委未央側微寄勝蹟何處覓  
釣臺風塵留片石侵空苔蘚深夾听河流射王孫竟寂  
寞漂母更誰惜臨流感慨多流愁傾琥珀迴棹入止園  
黃墟悲久隔山靜鳥鵲喧亭虛蒼翠積返景照醉顏落  
霞流几席歡呼追八達淹留忘既夕歸來倒接離月散  
荒城白

夜泊

倉卒理歸舟真堪笑浪遊忽驚雲影暮愁聽雨聲秋  
路誰青眼江湖愧白鷗冥冥四野徧且泊蓼花洲

國朝詩的目錄浙江

卷之三

萬言四首 丁澎四首 丁澎一首

朱慎二首 胡介祉一首 宋李顥一首

姚東明二首 陳千知二首 董允明三首

徐旭齡一首 錢點一首 徐旭旦二首

潘徵一首 張邦伊二首 李訥一首

范廷謨二首 陸海三首 范用賓一首

羅坤一首 張鉅孫二首 徐緘一首

李漁三首 何元英一首 沈胤范一首

國朝詩的目錄浙江

諸九鼎二首 毛際可七首 張陞一首

張英一首 鍾淵映一首 查慎行七首

章黼十首 張綱孫四首 張賁孫二首

董道權三首 嚴胤肇一首 金鎮二首

方象瑛五首 王槩二首 錢受二首

傅仲辰八首 李振聲三首 王崇炳七首

杜秉琳三首 張劭四首 趙九鼎二首

國朝詩的卷之三

長沙陶 煊奉長選

同里張 琛豈石同輯

浙江

萬言貞一四明人

九日偕陳環村范衷素顧掄表登慈仁寺閣

客中極目畏登高勝日招邀為爾曹已分十年隨斷梗

不圖此地共持螯菊黃楓赤秋將老雲白山青首自搔

擾擾玄都看花者劉郎何處許題糕

自咎

國朝詩的卷之三

浙江

懷中刺刺擲何輕漫字於今服正平一輩科名驚腐鼠

十年世味閱殘杆挂錢牛乃當麟視覽德鸞寧向枳行

鍵戶悠然饒勝賞遺編日倚紙窓明

江邨

江邨魂夢樂蠶鹽七載何期京國淹圖去百方心似鹿

依人終歲口如鮎科條參錯徒增賄議論紛紜半類譴

削筆西窓初日下清芬一縷隔葦醺

周惟念遊嶺南次姜西溟韻送之

七載京華病莫興筆花墨繡對孤燈百年將半慙聞道

禿髮無多笑類僧秋入客窓憐短褐路經鄉苑美行滕



明知此別三時耳淚灑臨岐忍未能

丁 彭

飛鴻葑園錢塘人

劉將軍祠

嶺外荒祠抱夕陽歲時遺老獨蒸嘗  
霧旗夜閃秋河影石馬晨嘶冷露光  
莽莽野蒿翻凍瓦陰陰山鬼嘯虛廊  
愁雲滿地連沙草原是將軍古戰場

一東郊

城邊苜蓿近開遲寶祿彫弧異昔時  
片石塞雲迷獵騎萬花樓樹賽荒祠  
紫貂斜鞞燕支女白馬橫行隴上兒  
別部龜茲兼破陣都將雙管夜中吹

國朝詩的

卷之三

浙江

二

見燕

杏葉初齊拂野墻風吹小苑正飛忙  
場來定指過寒食乍見翻疑說故鄉  
弄影不教沾柳絮銜泥何惜點琴囊  
雙棲並翅真憐汝愁殺盧家春晝長

登光岳樓有懷施愚山學使

高閣飛甍接杳冥倚闌人在翠微屏  
天圍大陸烟光白地敞中原嶽色青  
百戰山河供極目千年雲樹抱空亭  
登樓不改輕裁賦早有留題舊客星

丁 滌

素涵仁和人

從征美人燈時和王玉映

不須脂粉自容輝東素腰身挂鐵衣  
豈是烏孫初款塞何來神女突重圍  
鳳尖紅映桃花色犀帶香吹柳葉飛  
悄竊銅符行海上鮫宮新捧夜珠歸

朱 慎

其恭武義人

豐城夜泊

征雁嘹嘹不可聞天涯有客悵離群  
二千里路看孤月三十年身送斷雲  
江上魚龍空寂寞人間裘馬自紛紛  
扁舟獨宿豐城夜牛斗誰能識劍文

九日梅花嶺登高

龍山勝會久成空千載追歡興亦同  
已許科頭寬禮數

國朝詩的

卷之三

浙江

三

不勞吹帽動秋風江濤響落層城外  
野樹寒生夕照中醉把黃花驚客眼  
幾回幽賞負籬東

胡介祉

智修山陰人

野宿同董偉男

小幕棲荒墅良朋喜共依雲封千障  
暗邨遠一燈微野曠饒孤跡天空騰  
雁飛遙聞吹畫角風雨正霏霏

朱李顥

武英順菴湖州人

雨泛西余

十畝溪雲共一舟裘披五月冷於秋  
青山帶雨烟中沒白浪兼天樹杪浮  
種秫人歸茅屋小賣魚船過板橋幽

滄洲此日堪乘興直使珊瑚拂釣鈎

姚東明 竹友秀水人

庭前小梅過鴈月尚未作花戲爲長句促之

酒罷陶籬便覆杯安排笑口待君開拓牕見月夜三起  
負手巡簷日百回有客抱琴閑徙倚何人橫笛弄清哀  
水姿不受東皇寵也要宜春帖子催

丙子除夕

十二年來客作家飄流隨處度年華喜無歲事纏兒女  
絕少身名挂齒牙短影漸悲蛇赴壑饑懷已誤飯蒸砂  
強排悶夜添鐙坐聽盡催春亂鼓過

國朝詩的 卷之三

新丁

四

陳子知 廣微甬上人

鑑湖歌

鑑湖渺渺丹山東日光蕩漾開鴻濛一水倒翻堤柳碧  
千尋斜映飛霞紅勝地十洲連三島虹橋跨水擬神工  
蒼江雄雉鎖雲嶼漁舟欵乃隨飄蓬浮屠遙映插香漢  
琉璃紺碧臚梵宮憶昔三唐有賀老謫仙把臂推詩雄  
黃冠歸隱髮已短拂衣東海歎真鴻天子勅賜鑑湖水  
嘯歌一絳亭今終親灑宸翰賦詩餞明良交賡光融融  
祠廟丹青未摧落鬚眉瀟灑儼儀容迄今唐運已迭嬗  
鑑湖千載留高風

郊居四首 選一

忽聽新篁解箨聲閑拋書卷悟沉冥柳絲不結春歸路  
空放長條拂水青

董允明 哲之甬上人

鸚鵡

誰云毛羽貴先已繫其身隻影無僭侶餘生托主人花  
前宜緘口堂下善通賓鳳鳥何時至雲霄共結隣

秋懷

不道蛩聲碎霜楓也醉紅山山含暝色樹樹落秋風改  
國來新月他鄉理舊桐伊人未可卽閑步小橋東

國朝詩的 卷之三

浙江

五

露重兼葭瑟懷人水一天羽騶憐去雁聲懶笑鳴蟬霜  
樹供秋色秋花作冷緣采菱歌未斷小醉夕陽邊

暮春積雨初霽

愁開轉覺韶光老雲破歡然欲杖藜花影一溪魚細暖  
松風十里鳥閑啼好山洗翠仍供酒怪石流香正可題  
帶醉歸來春袖暖半灣新月在棠梨

徐旭齡 敬菴錢塘人

赴任渡河有感

烟雨蒼涼九曲河十年宦迹屢經過壯懷長托中流楫  
離思愁聽欸乃歌北望燕山黃鶴少南憑楚水白雲多

丈夫不惜征塵苦破浪應乘萬里槎

錢點 鑒濟嘉善人

大華山遠望

屋井捫參入化城蒼茫四望亂山橫金沙江外人非漢  
鐵索橋東路漸平樹裏遠溪雙塔白雲中高結一峰晴  
青樓紫陌紛經眼是處春風鼓角清

徐旭旦 浴咸錢塘人

秋日登滕王閣

滕王高閣喜新晴况是秋來爽氣生遠樹烟開天影碧  
澄湖霜落水痕清樓臺劫後仍圖畫雉堞兵餘自太平

國朝詩的 卷之三 浙江 六

帝子風流雖不見空餘詩賦動人情

送黃雁文北歸

何事匆匆竟賦歸一尊相向各依依馬行上谷連雲起  
鳥度西山帶雪飛入幕已多庚杲檄到家還着老萊衣  
汪汪千頃如君少莫謂長安知已稀

潘徵 鏡如冰壺新昌人

自題西津菴壁上畫松 永康縣東郊有松  
化石其亭尚存

城東老松樹一朝化為石松高十丈餘石不盈三尺神  
龍多變化千古留奇跡我居越山東偶作桃溪客與石  
久周旋蒼苔尚深碧歸來洗破硯爲君寫神格頃之風

雨生竊恐壞人壁老僧薄暮歸稽首稱嘖嘖問我爲何  
時壬戌之七夕

張邦伊 台明甬上人

至茂嶼山房同仲玉小酌分韻

別墅依平麓來遊愜素思移松當曲逕登石面清池花  
落憐春暮林深得月遲嘯歌惟小阮莫問夜何其

訪李賓甫甬東艸堂

偶爾尋幽賞扁舟棹碧波野橋人跡少古樹夕陽多刻  
竹驚山鳥看花攬薜蘿沿村饒勝事倚劍一高歌

李訥 宗厚甬上人

國朝詩的 卷之三 浙江 七

春艸

芳艸年年綠春郊一望平翠連山色遠軟觀馬蹄輕帶  
露迎朝旭合烟媚晚晴王孫歸未得坐使客愁生

范廷謨 省巷四明人

至日至常山

向晚渡山城荒祠薦藻蘋如何長至日猶作未歸人物  
候今朝易鄉音此際親夕陽紅樹外斟酌莫辭頻

舟中漫興

近來結得靜中緣嘯傲輕舟寄興偏落日遠山蒼到底  
連雲秋水白無邊吟多舊雨聯新雨舟入吳天憶楚天

還擬乘風溯彭蠡匡廬絕頂夜談禪

陸海涵齋四明人

湘潭述懷和范省菴刺史韻

湘水經秋綠可探小舟今夜泊江潭  
依人每歎同飛鳥作客深慙類  
蘭蠶土俗因時聊自記世情歷盡始能諳  
使君留得甘棠在欲補風詩號楚南

舟中讀杜有喜

江湖不老風塵客別具心情觸目牽詩到  
淡來吟有味愁當濃處酒無權  
逃禪經歲難爲佛學劍多年未是仙  
安得乘風舊黃鵠凌霄直達五雲邊

國朝詩的

卷之三

浙江

人

夜泊

野岬烟始迷疎林日已夕孤舟坐釣翁飽看寒江色

范用賓觀光四明人

夜望湘東

翹首望湘東鄉心擬似蓬雲凝合宿雨帆急飽秋風  
夾岬楓林紫沿江漁火紅明朝分界處楚豫一山通

羅坤弘載山陰人

西施山一名土城山

前朝臺榭蔚蒼蒼風雨吹殘薜荔牆偏有子規啼  
舊檻更無蝴蝶上叙梁君臣五夜誰脂粉山水千年在斷腸

猶記美人歌舞地何勞江燕說興亡

張鉅孫苕伯山陰人

得四妹消息

攬鏡朝看髻欲絲不堪回首一相思貧窮已慣能消遣  
骨肉無多歎別離欹枕數勞鄉國夢讀書深負鵲鴿詩  
尋常片刻難拋却况復音書達遠時

因十弟有遠遊之意悵然有作

敢說孤高與世仇幾人投筆便封侯鑿開性分皆塵事  
辜負親恩是遠遊霜雪客中催短髮風波江上繫孤舟  
藏身最是田園好遯莫雄心未肯收

國朝詩的

卷之三

浙江

九

徐緘伯調山陰人

祁忠敏公十載諱辰飯僧寓山禪院余信宿共聞

雨泛有作

山雨平吞海縣田花宮鐘鼓客高眠池臺茂樹森千尺  
劍履中丞垂十年興廢乾坤清梵外艱難朋舊白鷗前  
中流放舸真天上隨意江湖錦纜牽

李漁笠翁湖上人

偶興

絕無登眺意忽到翠微間行事類如此求安未必閒湖  
平如有月雲起欲無山漸覺秋容好依稀涉醉顏

諸友携酒登佛印寺浮屠子獨後至

盛事何須計後先登臨真妙夕陽天白添萬絲秋來水  
綠起千家午後烟高塔僅齊狂客典低雲未及酒人眉  
歸途自有雙溪月莫爲黃昏盡罷傳

自常山抵開化道中卽事

病後雖無躋勝材扶筇偏喜陟崔嵬尋詩莫避山谿險  
好句多從險處來

何元英 樂音嘉興人

送楊武部奉使交趾

甲帳雲從象郡開日南驚喜使星來披誠自有珊瑚樹  
國朝詩印 卷之二 浙江

懷遠猶存馬援臺澤徧雕題蠻獠舞檄傳浪泊鼓鐘迴  
佇看萬里圖王會漢殿真需論蜀才

沈胤范 康臣肯齋山陰人

花朝遊馬山人園林

蜻蜓小艇畫樓西曲港尋來竹覆溪有酒不須紅袖勸  
櫻桃如豆鵲鳩啼

諸九鼎 駿男楊巷錢塘人

咸陽

萋萋芳草古咸陽自惜雄風憶始皇十二金人環殿闕  
三千秦女卷衣裳離宮跨渭南山下鞭石成橋大海傍

却恨沙丘車不返魚燈風冷路茫茫

往事

往事蒼茫歎劫灰風前獨立自徘徊嵩山剩有登封蹟  
許下徒留受禪臺羅綺西陵空鼓吹干戈南渡半蒿萊  
道人解得塵區事笑對梅花濁酒杯

毛際可 會侯鶴舫遂安人

廣武山

崇岡何逶迤云是昔廣武楚漢共相持壁壘互撐拄戰  
血灑平臯青燐襟陰雨祠宗散髮遊儼然弔千古監子  
竟相呼英雄更誰許曠士小天地俯仰等逆旅何況戰

國朝詩印 卷之三 浙江

士

爭場紛紛豈足數其言雖猖狂胸中或有王蘇門高隱  
者相視不得語

仙人沉香船歌 瀟溪山頂

仙人鼓棹空中舉飛上重巖斟桂醕夜深沉醉隋巖前  
忘却仙舟在何處七尺寒玉凝紫脂沉香之號恐傳疑  
波間似有蛟龍護月落澄潭霧起時至今陳跡已千載  
苔紋蘚繡生幽彩行人日日見仙舟仙舟日見行人改  
吁嗟乎化工奇譎何所無儒生渺見徒驚呼君不見昔  
人鑿井逢篙楫年月猶書吳赤烏

遊憑虛洞

憑虛之洞幽靈集百尺穹窿覆圓笠颺颺陰凝生寒風  
疑與元化相噓吸呀然絕罅透空青女媧未補天漿濕  
群飛夏雲接地垂倒翻海藏撐波立捲舒牙鼻象欲奔  
攫拏鱗爪蛟猶蜚蜂房菌室何離奇刻鏤鴻濛鬼母泣  
復聞丹峽玉爲舟應藏寶笥與雲笈絕書舉烟古何人  
蹙蹙芒屨難更入我昔奴視夜郎山狂言欲秘嗟無及  
對此肅穆愧心顏謝過巖前自長揖貴筑山水之奇經  
楊舫描寫盡致應

慈盧溝橋奇洪昉思

九衢車馬地獨向此間行簿領年來事漁樵物外情微  
國朝詩的卷之三 浙江 三

雲浮遠闊曉漏度層城不信清霜苦君聽朔雁聲

淖沱河懷古

淖沱雨後曉烟濃拂拭殘碑問舊踪策騎河冰千丈合  
燎衣竈火幾人從當年歸附憐銅馬異代齊驅笑季龍  
成敗天心應可識何煩赤伏勸登庸

盧溝橋述懷

匹馬征途旭日昇西山晴翠曉方凝長橋鞭石神人幻  
古寺鐫碑鬼物憑寺各  
永昌城市幾時回俗駕幽燕九月見  
層冰狗屠舊侶如相問痛飲悲歌我尚能

楓岫曉行

嵐光澹澹曉烟封秋色楓林一夜濃尚有數峰遮不盡  
隔谿高削翠芙蓉

張 陞 登子山陰人

春日和淡歸師原贈韻

美君高隱雪山岑靜坐蒲團道益深力諫當年呈寶鑑  
法音今日布黃金乾坤不改山河影歲月常懸箕尾心  
步屨空林聊問法願依獅象聽龍吟

張 英 仲張海寧人

卽事

異代還祠廟殘僧哭墓門未銷春陣血不死夜歸魂落  
國朝詩的卷之三 浙江 三

日寒鴟亂陰風石獸踰椒漿遙一奠往事總難論

鍾淵映 廣漢嘉興人

冷協律祠

猶憶先朝協律郎曾將樂府事高皇幾時玉洞成仙隱  
不向金門隸太常琪樹春深丹竈冷瑤笙夜靜碧雲長  
城門華表千年在化鶴還應返故鄉

查慎行 夏重嘉興人

春夜飲會濟蒼宅同徐淮江

春波門外如鉤月六里長街未上燈花遲已除三尺雪  
雅人相對一壺冰窮愁老境猶貪酒樂事新年在得朋

從此兩湖添地主每逢高會約徐陵

再題弄珠樓壁

滿湖新漲綠如油五度憑欄記此樓粉壁有詩僧代掃  
青山無恙客重遊花邊舊事閒相觸醉裏風情老漸休  
多謝柳條長短意尚含烟雨拂孤舟

瞿相國春暉園感事

不知顏廢自何年一片傷心到目前戰後河山非故國  
記中草木尚平泉烟埋淺碧迷芳草血染春紅化杜鵑  
狼籍南雲憑檻外愁看白日下虞淵

移楊郊園雨後納涼同賓君作

園朝詩的 卷之三 浙江

古

水轉橋迴路幾層此中真可避炎蒸陰成老屋三間樹  
光吐疎籬半夜燈明月忽隨殘雨到微風已作早涼徵  
野人慣領田園趣歸興翻從借榻增

謁三閭祠

平遠江山極目迴古祠漠漠背城開莫嫌舉世無知己  
未有庸人不忌才放逐肯消亡國恨歲時猶動楚人哀  
湘蘭沅芷年年綠想見吟魂自去來

銅城書懷寄德尹潤木兩弟

軍角高原樹大旗楚歌淒斷一沾衣月斜饑虎巡城去  
風定棲鳥匝樹歸超石諸營兒作戲射生列帳妓成圍

封侯何與書生事隻影天南已倦飛

秋懷詩

蠻城秋早風雨淒其懷遠思鄉一時併集次第  
有作得詩十八章江湖浩蕩分寄無由異日捧  
几杖於先生寫心期于同好當一一出以相質  
用博和章焉 選三

黃浦花深護竹扉隔江城郭鶴初歸風生故壘餘蘆荻  
天遣西山長蕨薇註易十年留小草憂時一涕肯輕揮  
老裝來往錢塘路藥裏丹爐計未違

青山無恙罷登臨誰遣神州竟陸沉快馬短裘他夜夢

園朝詩的 卷之三 浙江

五

荒亭野史故交心愁侵衰鬢絲何極老傍窮途感易深  
一片樓臺吹角外秦淮烟柳變秋陰

酒幔河橋柳拂絲故人欲折並依依篋中行卷春留別  
畫裏孤帆客憶歸蠻郡秋聲迴鼓角戰場風力展旌旗  
飛書手健堪提劍不礙從軍一布衣

章 黯 二 儒 會 稽 人

春草十首

踏遍天涯滿路塵風光何處不愁人試看紅落桃花後  
饒有青歸芳草新策杖緩行香印屐提壺小坐軟如茵  
客情只是思家切三逕全荒故國春

殘燒平原綠漸侵忽經老眼便關心生憎逐隊遊驄馬  
最愛低飛掠翠禽楊柳橋頭春翼翼鞦韆塢外冷陰陰  
鄭家書館錢塘路書帶裙腰一樣深

濛濛烟霧總模糊霧散烟銷似有無蛺蝶飛來春滿地  
鷓鴣啼處水平湖嫩生田畔連阡陌秀觀苔痕入畫圖  
近日人情同曉露上山不用采藤蕪

欽段閑從郭外行好花開盡到清明村中小犢當門臥  
河畔孤舟貼岸橫美女踏來如有跡香車過後竟無聲  
荒園廢圃都生遍直是東風不世情

偶來不覺淹留久每上平山一望賒沙暗沙明閑立鷺  
國朝詩的 卷之三 浙江 夫

水深木淺自鳴蛙田間板渚猶堪吊路入雷塘更可嗟  
白骨翠鈿銷化盡那從人問玉鈎斜

隱約山光翠亦微花村酒市總依依細如柳線風前亂  
短似秧針雨後肥點水蜻蜓時獨立銜泥燕子自雙飛  
勞勞亭外春無主怪得王孫去不歸

離離卽卽杳無窮禁得偏生客路中朝雨細侵多染碧  
晚霞遙映盡成紅地經歌舞春如舊夢到池塘句亦工  
最是詩家能感慨古人會咏白頭翁

李太白詩有如何  
青草內亦有白頭

莫道曾經霜雪苦東風還釀舊根芽夕陽影裏迷幽徑

流水聲中胃落花情種無端歸我輩春光有意屬誰家  
竹西遙接紅橋路十里青青一抹斜

歲月勞人未肯停眼前春已遍郊垌探幽莫辨東西路  
望遠難分長短亭蹴踘有時堪作戲關山無處不曾經  
獨憐舊日明妃塚盡向南生一片青

吳宮梁苑久蕭條惟有春還似六朝幕府牛羊歸落日  
臺城風雨動連朝心雖枯盡生猶發根到深時死不銷  
看取布袍無恙在山中容我且爲樵

張綱系 祖望錢塘人

登天門寺

國朝詩的 卷之三 浙江

夫

百丈天門寺千盤竹徑幽危松高竝檻仄石墮依樓古  
佛層崖立飛雲絕壁留禪房習靜處鐘磬正悠悠

望廬山瀑布

匡廬不易到瀑布出雲蹤灑落千層嶂奔流百丈松青  
天疑吐蜃白晝掛飛龍何日還携屐登看五老峰

夜泊彭澤縣

晚棹潯陽泊秋雲彭澤開潛鼉崩岸動鳴鶴大江來月  
滿光全溼蘆荒響易哀陶公不可作何處菊花杯

出塞曲

塞外蕭條萬里平龍沙漠漠少人行不知何處春風轉



四月遼陽青草生

張賁孫 祖明錢唐人

送吳次公之河北訪興公

我歎無家任飄泊，憐君千里尚尋兄。異鄉離別真堪哭，故國兵戈未肯平。野外饑烏愁落日，天邊一騎遶孤城。行行前去臨肥水，爲問黃河幾度清。

登雲龍山懋黃茅岡

黃茅岡上雪初晴，極目關河感慨生。九里風沙迷漢壘，幾家烟火暗彭城。龍成雲氣人安在，鶴老山空水自清。千載雄圖蕭瑟甚，漫因醇酒一題名。

園朝詩的

卷之三 浙江

文

董道權 泰雄吳子鄞縣人

雪中答李杲堂

鄢陵孝廉重然諾，約我今秋醉桑落。先人有友官并州，我欲從之客雁丘。高堂有母缺甘旨，負米何辭數千里。杲堂李子憂我閉門饑，欲死告以遠行爲色喜。酌我黃金壘，贈我青銅錢。低徊不忍別，此別須經年。袖君之錢，醉君酒。城東城北頻回首，歸來兒女候柴門。笑指瓶中，不盈斗。牽衣問我欲何之，今年豐熟仍苦饑。爺未出門，共爺語。爺旣出門，啼向誰。示兒袖中錢，故人佐行李。移與易米薪，且以救妻子。量米數薪堪作數，日食買舟無

資行不得他日，仍登李子堂。李子爲我作歌聲，蒼涼曳履依然守蓬華。得酒且與傾壺觴，昨夜雪花如掌大。草閣嚴寒只僵臥，午餘日色照西窓。起把君詩讀幾過，窓前冰雪消有時。惟有故人顏色長相思。

遣興

一雨經旬塌短垣，秋風容易入荒園。干戈未息詩書賤，薪米方艱口腹尊。近少力奴供芋栗，更無餘粒飽鷄豚。肥鮮不得加親飯，玉搥香秬劇菜根。

台行雜詠十首 選二

未須扶杖且攀躋，數卷殘書一僕携。山自連宵經驟雨，

園朝詩的

卷之三 浙江

文

水侵官道落荒谿，頗憎伏堆驚人起。最愛流鶯夾路啼，冉冉烟雲催晚色。三家獨樹指橋西，

赤城霞見早嵐收。望到城東烟火稠，有約故携荆管至。此來兼爲石梁遊，青苔官冷方宜暑。紅葉山深易及秋，

預擬爲文驅賈相。石梁壘花亭至今猶供賈，似道像更乘餘興訪問丘。嚴胤肇 修人歸安人

泊富春驛

急雨吞江水，拍天停橈。又見夕陽偏，兩峰雲氣浮僧舍。七里灘聲到客船，世外漁樵堪寄跡。山中樓閣夢遊仙，孤舟明日嚴陵瀨。好訊荒臺十九泉。

金鎮又鎮長真山陰人再見

初至汝南

攬衣謝郎署驅車出上都昔忝宰巖邑今茲領郡符心  
知司牧艱親民分所居汝南久彫瘵空城多榛蕪當時  
百萬戶戰沒無復餘悲風起滕隴流亡曠耕鋤鳥雀時  
飛鳴桑柘全彫疎莽莽川塗異悠悠年運徂曰余膺命  
來屯勉理廢墟阜俗在廉靜休養解饑飭引義未辭難  
名譽非我須鉛刀愧一割庶幾奮薄軀

寄答紀伯紫客燕

汝濱鎮日掩雙扉懸瓠樓前詞客稀勸爾吟成須早寄  
國朝詩印卷之三 浙江

玉關秋雁盡南飛

方象瑛渭仁遂安人

柴關嶺

野店鴛篁中山深更漏悄門喧車馬聲王程起獨早行  
行度柴關積雨苦不了雲埋大嶺陰霧沒衆山少怪石  
紛道周哈呀勢盤繞仰視不見人真深有飛鳥是時秦  
軍來更戍長安道相值狹路間各自趨林篠霽行苦並  
驅風雨寧草草躑躅望炊烟人家蕩如掃就舍試煖衣  
悵然逆懷抱

入棧四首選一

秦蜀分天險當年有舊屯危崖千尺路落日幾家村瀑  
急風霆怒林深虎豹蹲停車尋驛舍燈火向黃昏

魚復城赤甲山上

何年魚復國赤甲倚天根恍憶蠶叢舊誰招杜宇冤山  
川雷蜀微風雨隔夔門興廢都如此滄桑總莫論

曉渡楊子江

片帆無恙逐輕橈宿霧蒼茫雪浪消十里江聲浮日月  
中流曙色辨金焦雲橫古戍連長塹風颭晴波蕩早潮  
夾岸餘艘規製壯東南飛輓不知遙

楊令公祠

在古北口業為代州刺史  
戰死陳家谷此其行祠也

國朝詩印卷之三 浙江

王

寶朔城邊殺氣豪行祠猶拜舊旌旄黃沙白草三閭壯  
鐵馬銀戈百戰勞報國自知非力屈捐軀終不掩功高  
魂來何處楊無敵遺憾當年濺血袍

王槩安節秀水人

石柱衝看梅詩

王申上元後二日余與谷口允文  
先至花下有菴雁堂廷對三大令

暨立三錢子欣然衝雨時豫菴會憲舟次栲栳  
山樹人極口花盛步屨田野相遇泥食鎮日別  
去遂與谷口允文止宿草  
菴遲樹懸燈度曲載約

襖被相期盡風興竹兜中挈日南藤但衝風雨皆奇客  
不避杯盤亦韻僧坐共載帛王宗雲辨  
書果四上人咬蔬薺片片撲衣綠擊  
鼓枝枝垂穗待憑鈴川光早是明於月照徹林繚白幾

層

慢亭愛向露華張在野何辭春夜涼人對江山開卷袖  
中有排若雁齒而枝幹橫天垂星斗入香光探奇元墓  
拖作舞態者日梅花手卷隔煙露迹夢龍城涉渺茫  
爭似小丘鄰栲栳陸容車騎水餘腥

錢受可大嘉興人

道出南通州喜晤儒山馬使君

投壺散帙意閒閒五馬風流未易攀海國從今應得氣  
故人來此一開顏千年棠樹千霄日萬里滄波靜鎮閒  
好看樂郊歌擊壤民情盡欲起冥頑

國朝詩印卷之三 浙江

三

贈林鶴田

藝如夫子復何求古法偏能重五侯金印未銷新鐵畫  
銅符不改舊銀鈎斬犀分水秋逾健斲玉崑山老不休  
莫是南朝林罕裔重修旁訓到揚州

罕工篆刻著  
偏旁小說

傅仲辰 蒼野心齋山陰人

有友官西粵者枉道問予飲以告之

有客有客來江干花間置酒陳雕盤問余西粵程險易  
停杯欲告先眉攢憶昔攜琴度庾嶺素馨花發荔子丹  
片帆直上羊城道遙望蒼梧路轉難上有絕壁萬仞之  
連山下有衝波百折之危灘猩猩嘯月白子規泣露漣

孤燈半明滅獨坐摧心肝蠻烟浮似墨瘴氣馥於蘭

謂瘴氣來  
作木蘭香

陶彭澤三句九食衣不完一朝明高蹈五斗決計拚聞  
君居陋巷容膝亦易安况有南山田饘粥差足餐胡爲  
千金軀而乃博一官高堂明鏡催白髮紛紛世事疾雙  
九伏波勲業今安在何况吾輩真寒酸異地相思覓飛  
苦故園高卧夢常安妻孥環顧樂松竹任盤桓石帆委  
宛尋仙跡他日與君驂紫鸞

古鏡歌上侍御張公

霍霍菱花飛列缺或云得自秦時穴神冶煉形奪化工

國朝詩印卷之三 浙江

三

良師瑩質無纖涅背鏤水族銘回環石含土孕銅花結  
綠勝春巖點翠苔紅分桃瓣鮮於血殷勤拂拭生光輝  
鮫珠照乘初泣別老兔橫天刮露寒萬里烟空秋水接  
提向山頭魑魅驚嗷嗷夜哭潛深窟只愁五夜暗中懸  
形影不見同片鐵堂堂白日映空明神光借此乃發越

官柳

不盡長堤柳終朝贈遠行絲絲牽別恨樹樹譜離情  
憔悴星霜色飄零風雨聲樓頭年少婦對此百愁生

楊州夜泊

暮雨垂楊細春風廿四橋人投江市火帆落海門潮舊

業餘長欽新詩寄一瓢何人吹玉笛腸斷故山遙

儀真天池謁文丞相祠

浮海孤臣此地經真州遺事忍重聽丹心有恨分南北  
正氣無慚炳日星一代文章埋血碧六陵風雨哭冬青  
至今衢路還私祭嗚咽寒潮沒舊汀

荒江

荒江何事一身孤豈效投閒乞鏡湖市上屠沽今屏迹  
人前牛馬久從呼空庭雨過來鳩婦破壁潮生上蟹奴  
俯仰不須成獨醒離騷一卷醉村酤

姑蘇晚泊

國朝詩史 卷之三 浙江

三

飄渺笙歌聽有無停桡落日客心娛村餘花柳春如畫  
市賤魚蝦地入湖霸主寢丘空踞虎美人舞榭自啼烏  
多情惟有寒山月相伴騷人問酒壚

自真州肩輿之維揚有作

籃輿緩度得風輕放眼江村不辨名茅屋東西無面勢  
草亭長短有詩情雲歸遠樹橫山色水落平田帶雨聲  
欲訪瓊花消息斷空餘楊柳一堤明

李振聲 元公東陽人

晚步

清晨步前溪灘漲雨初歇蕭瑟沿堤樹天寒葉盡脫仰

見溪上峯岌業雲間出隔林烟磬鳴一鳥孤飛直鄰父  
荷鋤來相見話宿昔悠悠歲月逝鬢毛各已白田野多  
古心對之不能別

村居

數樹垂楊帶草亭溪邊坐俯白鷗汀窗閒疊嶂千重翠  
巖捲平蕪一片青灼爍花宜清曉看潺湲水愛夜深聽  
明朝有客尋芳過擬典春衣辦酒瓶

韞光庵

石徑盤旋落葉堆探奇身似到蓬萊居連閭闔低三丈  
門俯江湖小二孟滴瀝泉聲絲竹亂蒙蒙樹色四圍開

國朝詩史 卷之三 浙江

三

夕陽坐待疎鐘起遙看孤雲伴鶴回

王崇炳 虎文東陽人

題屈原漁父圖

子非三閭大夫與何故至於此鋪糟啜醢計不可人醉  
我醒亦徒爾江潭憔悴值漁父橫篙倨坐語情慄願借  
蕭湘半席風綠簑青笠從君去順流東下太湖船指我  
鴟夷垂釣處漁父刺船去不荅江水江蘼香無極九疑  
山下白烟深旦暮相期過七澤

梅雨謾興

剪盡青桑長又刪熟梅天氣水潺湲溪雲帶雨侵詩壁

曠色如烟失黛山風浦歸人寒不渡  
蕭師明火夜移灣  
家鄰草澤嫌卑濕得意僧樓半榻閒

奉李元公先生

偶從商雉見丰儀鬚髮飄然野鶴姿  
舊學孝標三世史  
新傳韋孟一家詩漁樵計穩成真隱  
桑海悲來任笑嗤  
風雨柴門常不啟綠簷山上斲靈芝

送高雪亭老師之官桐城

除書夕下九重城早發輕裝問去程  
水驛停橈逢候吏  
湖山載酒有門生榴花遠閣初行縣  
梅雨通渠好勸耕  
從此樅陽民俗厚訟庭深閉鳥啼清

園朝詩的

卷之三 浙江

三

首夏漫興

雨餘草色翠相招渡口新添水半腰  
拂露竹梢初解籜  
料風山稻正移苗何人沽酒歸僧社  
有客吟詩過石橋  
徙倚柴門看霽景臨溪烟舍雜漁樵

合浦

浪長灘喧晝日聞魚標插處有閒雲  
綠沉潭影諸峰合  
青突汀沙二水分樹暗小橋通巷陌  
人迷芳草到鷗羣  
是中大有濠梁興迢遞輕風散錦紋

題画

錦樹凝寒老更妍丹霞紫閣著神仙  
鍊成五色和雲母

補入秋江半壁烟

杜秉琳 雍王東陽人

西瓜

瓜熟秋風正及期野人摘獻潤詩脾  
味甘漫自誇崖蜜  
肺病何勞進荔枝翠實三離傳旨液  
青陵五色產奇姿  
蔗漿堪與同消渴休詠黃臺抱蔓詞

漁父辭

疑是前身張志和瓦甌蓬艇老烟波  
漁童汲水樵青煮  
一曲滄浪放短歌

百岸崩砂水亂流白蘋紅蓼半江秋  
烟沉殘照收魚網

園朝詩的

卷之三 浙江

三

數點漁燈落渡頭

張 劭 博三木咸嘉興人

游絲

活潑天機遍眼中誰量千尺最晴空  
常山陣勢懸微象  
獨繭文心出化工繞桺縈桃無氣力  
趁鶯逐蝶慣西東  
也知野馬拘攣少不與簷蛛結網同

白蝶

麴塵何處不參差羨爾輕衫未化緇  
雪已盡時還舞草  
梅纔開後忽粘枝間窗春暗來先見  
午枕風清去不知  
底事野花名濫竊野人籬下画胭脂

澹蕩風光何限情  
玉錢幾處簸無聲  
練裙織出新番樣  
象板歌來舊製名  
匝徧綠蕪偏皎潔  
戲臨珠箔最輕盈  
莫教舞入梨花去  
怕掩朱門不放行

紅指甲

不愁銀瓦著緋難  
借得秋花數點寒  
錦瑟鼓疑紅雨響  
玉笙吹愛火珠攢  
未彈血淚拈針嬾  
常弄丹麟掬水看  
何處托腮嬌入画  
海棠捧雪上闌干

趙充宗 鹿園秀水人

廊下作

日脚酣酣射天半  
歸鴉翻紅落霄漢  
紫驕赤驃嘶朔風  
圓明詩的 卷之三 浙江 三八

墮方耳削難伏  
按踰輝超光千里  
姿龍絡恒被鈴鐸  
段滇池水裏訪猶難  
襄陽地穴未易看  
外廊困人齷齪兒  
磨刀霍霍寸草斷  
霜棲芻秣意氣粗  
垂頭羈繫聽呼喚  
東吳陸郎非常客  
檢點雄心此閒玩  
歸房夢神神亦傷  
言披龍馬渤海冠  
圖形鑄象未遇時  
不信月底聽長嘆

送別

匹馬衝寒發郵程  
記短籤飢鷹貪上臂  
凍雀怕窺簾刺促  
江湖晚靄橫  
歲月淹何當  
並轡出揮霍  
問青帘  
論交垂廿載  
相對笑頭銜  
覓食如孤鷺  
浮波若聚蟻  
我才轅下服  
君賦嶺邊劄  
又作他鄉別  
因風好寄函

國朝詩的浙江目錄

卷之四

湯右曾 七首

金虞廷 七首

馮盛景 六首

徐天禧 四首

錢元昌 一首

袁鈞 六首

錢价人 九首

胡文學 三首

高士奇 一首

陳元 一首

陳殿桂 八首

嚴我斯 八首

章鐘 二首

項景行 一首

陶寅 二首

陳章 四首

金司農 二首

沈元滄 一首

沈豐亨 三首

楊知 二首

陳撰 三首

章本成 三首

沈用濟 九首

黃達 五首

茅士藻 二首

沈洪 一首

金璧 一首

毛奇齡 一首

溫睿臨 三首

夏惟敬 一首

王鏊 一首

趙信 三首

勵鶚 一首

符會 三首

徐逢吉 二首

朱之佐 三首

錢嘉徵 四首

國朝詩的卷之四

長沙陶 煊奉長選

同里張 璨豈石同輯

浙江

湯右曾 西崖仁和人

相見坡

清風生山巔微雨在山脚後山路始窮前山壁又削飛  
龍中忽斷奔馬勢旋却兩山鬱鬼竅一水相互絡洩雲  
天光漏入壁石氣錯俯逐飲澗猿仰睇投林雀高低總  
晚靄下上殊苦樂彼途復經此路邈如昨千里同一

國朝詩的 卷之四 浙江

瞬青冥倚寥廓

清浪灘寄查德尹

子昔談此如秋河杳湮撇旋險莫過中宵不寐念今日  
一葉果落千盤渦驚霆過耳電閃目乍勢急箭投飛梭  
雷洄清浪三十里虎牙石怒聲相磨灘師為言伏秋漲  
駕天白浪高鬼竅橫江大福不敢下袖手但聽漁郎歌  
只今天寒潦水縮香火尙乞神馮呵下灘波平水灩澦  
秀色諸嶺紛坡陀盛衰苦樂互更迭物理如此人誰何  
念君秋風不得意席帽尙沒黃塵窩種成不惜五石瓠  
網去已失千尋柯古來才大有時用四十未可悲蹉跎

既不能手把鋤又不能肩負戈免毫千尖掃皆禿文章  
小枝用則那人間之客盡偏仄與于安得辭風波繫纜  
水之清晚飯山之阿江天風月等閒有添個雨笠兼烟  
簑唾壺擊缺人不憐老驥誰秣瓊山禾勸君莫學王處  
仲須學神仙張志和

四月二十二日遊豐臺至文靖公花墅

十里豐臺路城南一徑斜綠楊開巷陌紅藥映人家接  
葉陰垂戶分泉曉灌花今朝騎馬地誰識是京華

辰龍關

東馬懸厓險關門鬱不開居然橫戟地會此掛弓回浩

國朝詩內

卷之四 浙江

二

蕩妖星落蒼芒野吹哀兵家爭間道爲語勒銘才王師破賊

從郭家淨  
小路人

江樓晚坐

渺渺危欄外泔泔暮雨來江山抱城郭燈火間樓臺濁  
浪浮槎遠崩濤觸石迴三川驚暴漲愁絕且當杯

公安城東門駕小舟沿陂湖入不繫禪院

散帶披襟村路東小橋流水曉烟中行穿徑窄家家竹  
喚得帆輕葉葉風但有僧皆堪入社况逢酒恰載連筒  
時舟子方以  
賣酒至邑

綠漪笑爾波三尺一任蛟龍萬仞宮

塵中無地避炎蒸濯足滄浪勝蹋水清梵依依烟寺出

奇峯歷歷火雲升百年着我真浮客一飯何人魏老僧  
菱葉荷花雙漿路他時聊記昔游曾

金虞廷

屬言會稽人

題徽宗畫鷹

軒楹欹見秋風起兀立愁胡健爪觜奇毛映雪雪不如  
寶絳光奪珊瑚紫花間怪石蟲槎枒攬身側望飛且止  
雄姿毅態不受羈會須展翅霜空裏誰其貌者神欲活  
依稀御押宣和璽道君皇帝萬幾閒萬歲山前覩玉几  
粉墨揮填珠玉塵畫作雖殊胡取爾蔡家太師童大王  
狐兒縱橫紛若此我欲呼鷹一奮擊風毛雨血天地喜  
國朝詩內

卷之四 浙江

三

神物枉從絹素看明聖可憐只畫史對此能無三歎吁  
畫間題有臣京字

出游

頗愜春游趣陰晴互一天溪聲添宿雨山色減新烟綠  
護前村屋青翻負郭田不知何處笛吹使客心懸

江村禱興次韻

斷青雲過嶺漲白雨沉沙望遠趣飛鳥行遲數落花無  
心成避世小住卽爲家笑彼勞勞者空羸兩鬢華

途次用阜城客店壁間韻

馬蹄得得踏輕沙小住村西賣酒家雨濕青翻千頃麥



晴烘香拆一籬花斷殘文字蠅成篆游戲功名蜂放衙  
醉臥竟忘身作客起看日影落簷牙

春遊卽事

戴得陶家漉酒巾溪頭山脚漫尋春  
瓶猶未罄先逃醉歌不成聲亦效顰  
予不善飲又久病瘖故用以自嘲野性自甘同鹿豕  
衰顏豈合畫麒麟拾來榆莢錢盈袖怪底先生不怨貧

月夜登鬱孤臺

亂山環水水環城十萬人家共月明  
攜得洞簫乘醉去鬱孤臺上散秋聲

送郁志叔

國朝詩的 卷之四 浙江

四

鄉夢隨君歸路遙樓頭烟雨憶吹簫  
懸知僂有扁舟興明月西湖第幾橋

馮 景山公錢塘人

栽石

栽得山石小膚寸曜靈下射搖晶光  
如火無性出陽燧照之白黑青紅黃  
又如五色爛卿商牟尼珠在淵吐芒  
此豈恒星不見夜實作璞瑤球琳琅  
琅疑支機迸一角內含雲錦天孫裳  
不然十二玉樓墜瓊玖天門蕩蕩飄  
西荒樵夫牧豎競拾取供人近玩圖  
書旁式是女媧鍊時勝龍星不耀開  
農祥忽然亭于大船北三旬春雨愁

無陽我欲持此補天漏高渺難覓丹梯長總然御風抵

清闕虎豹固拒關九閭飛廉豐隆雨師怒譙訶多事狂

夫狂蚤晚六龍馭義轡會瞻朝旭升扶桑爾時杲杲煥

光彩今且韜晦藏巾箱

盛 遠 宜山嘉興人

錫山中與倦圃先生話別

江城秋暮雨如絲相送旌旄遠道時  
蜀嶺山川原絕險楚天消息近偏疑  
深關社稷憂非細欲蒼昇平太莫辭  
一曲錢歌公手製由來橫槊有雄詞

張秋曉發

國朝詩的 卷之四 浙江

五

荒鷄喔喔叫天曙伐鼓坎坎張秋行  
篙師榜婦互相應大艦小舟聞櫓聲  
明星在河殘月吐寒江落葉曉露清  
羈人擁被起愁坐白髮千莖一夕生

剝豆

團圞促話竹間堂愛此青青豆莢香  
綠似烟篁初脫粉綻如秋葍乍離房  
競誇多寡傳盈握旋看參差擲滿筐  
不少鷄頭兼馬乳山家真味耐他長

西泠蕭九娘當鑪飛來峯畔得名三十年矣予今

春山遊雨阻飲其鑪下時九娘新寡風流非復當年

戲占四絕以貽好事 選二

春雨霏霏客袂寒玉壺煖酒爲君歡儂家少小當龍價  
不怕王孫駐馬看

雪作衣裳粉作腮酒帘剛對寺門開門前片石青如黛  
云是巫山飛得來

徐天稽 壽謀南皋秀水人

駿馬行

神騅西來自何年銀蹄追風走白烟旋毛在腹脊礪礪  
四時變色鋪連錢世間已失懸金購服鹽蹄踴悲常後  
晴閃空疑匹練翻骨稜直欲敲銅瘦筋蘭汗血人不知  
籠毛破花失意時絡腦無金腰無珂泛駕奔蹏安足嗤  
國朝詩的 卷之四 浙江 六

吁嗟羅襪誰人織桃花應待英雄識曉曉一去龍不來  
龍媒肯受庸兒勒

郊外晚行

西風雙槳勁薄暮一溪頭城郭埋蒼靄斜陽入亂流市  
喧知競利鬼聚識閒洲獨把吳鉤看空懷道阻修

秋日旅懷

情騰猶憶出門初兩載飄搖難所如宛轉却憐同泛梗  
浮沉爭似坐飛車吹篴吳市謀偏拙撾鼓漁陽計亦疎  
失意莫從人問訊直嫌負耒佳耕鋤

偶從磨鏡混人間差喜榮枯總不關但有輪軒防逸轍

何曾蓬萊怯登山心隨晴雨同舒慘身與雲霞類往還  
我欲令人雙眼放眼前歌哭一齊刪

錢元昌 朝采堂海鹽人

筆牀

書幌初開翠管排沉香小製佐摹指 異苑沙門文法存  
有八尺沉香牀  
欲催江令宵來梵疑入曹褒寢後懷 東觀漢記曹褒爲  
漢禮儀畫夜研精  
抱錦筆秘枕異書藏似寶新褰狂草折如釵博山一座  
會同給却許橫陳到小齋 東宮舊事給漆筆四  
枝銅博山筆牀一副  
袁 鈞 精亭慈谿人

送友人秦步宜江上侍御韻

國朝詩的 卷之四 浙江 七

驛路生春艸年年老未休山川新入眼書劍舊曾遊塞  
上黃雲滿關前紫氣收送人還極目萬里人邊愁

村居

地僻無車馬柴門晝尚關客來隨意坐人靜見心閒烟  
抹村中樹湖浮水面山籬邊堪採菊日暮不知還

小孤山

突兀江心立高峯峙一樓懸崖沉玉馬觸石吼金牛孤  
廟天風急千松夜雨愁短篷如夢裏遠火出漁舟

焦山

徘徊獨立早秋時處士真堪帝者師跌坐難分僧與客

狂歌不識我爲誰疑浮一葉來天上直插雙峯入海涯  
猶是當年江月在清光空使後人思

渡錢塘

憑陵萬馬撼天昏八月驚潮駕海門一葉直從天際下  
千山爭向岸前奔錢鏐射水雄圖在勾踐吞吳霸氣存  
莫鼓中流輕擊楫提戈直欲斬蛟龍

家書將發有感

夢逐瀟湘萬里天兵戈滿眼倍淒然弱妻河曲炊常斷  
老母家山歲屢遷貧賤但知雙眼開亂離敢望一身全  
緘書只報平安字莫遣深愁子舍邊

國朝詩的卷之四 浙江

八

錢价人 縣百吳興人

龜雖壽

神龜雖壽終身汚泥蒙恥全身壯夫弗爲猛虎嗜人不  
擇聖狂烈士椎擊不避帝王死生者命戚戚何迫懷忠  
蹈義我戰則克幸甚至哉歌以咏志

渡黃河中流宿下相縣項王祠下

黃河幾千里潏洞雲雷奔不復辨呂梁安能測龍門孤  
舟轉沙嶼杳霭歷空村小城聞畫角遙岫引清猿宵見  
項王祠秋風吹石根中流漫客與椒漿蕩心寬霸圖滅  
已久英雄誰與論我欲鼓洪濤遡流上崑崙笑把青芙

蓉邀遊琪樹園巨鰲戴三山培塿何足言

擬古

四節更變化霜降玄雲密嚴風割長帷薄寒中慘慄蟋  
蟀入庭戶蟲聲何唧唧秋空發遙響夜聽愁非一故人  
昔行遊言誓膠投漆高舉入雲中意氣日盈溢谷風刺  
安樂誰其念私暱天孫自縫裳姮娥寡儔匹周公不吐  
哺後世有何述

張秋行

老夫浮舟去京國中途劃見黃河決上自荆隆下張秋  
隄防奔突無時休千人縛蘆沉土牛一牛之大如高丘

國朝詩的卷之四 浙江

九

隨濤下溜不可留頃刻捷如蛟蜃遊役夫牽挽色戰慄  
咫尺失足委洪流千里常聞風雨至兩崖不辨牛馬浮  
夜中波濤黑老夫心悱惻猿聲啾啾鬼嘯啼投書招覓  
招不得中都業業呂梁乾陵寢龍蟠無消息憶昨獻寶  
朝河宗萬國梯航四海同累洽重熙三百載不聞負薪  
瓠子宮崩騰倒流豈天意崢嶸震怒非人工天荒地坼  
無歸處我欲乘潮蹈海東

送棲雲禪師遊天台

欲尋華頂去獨向石橋行拂徑飛紅葉深更度赤城天  
花坐處落海月定中生却歎紅塵客徘徊望玉京

隋堤秋泊同陳玉仍章雲李飲

海門秋色夾江城十里芙蓉堤上行繞岸笙歌聞白紵  
當筵意氣動青萍清笳落日黃塵起玉帳中宵鐵馬驚  
少小請纓懷北闕長年漂泊老諸生

酬山陰祁奕喜

公子高樓日欲曛自彈瑤瑟瀉清文獨慚上客笙歌夜  
却念空山麋鹿羣楊柳晴歸梅尉宅芴蘿秋轉鏡湖雲  
何時樽酒誚嘉唱白雪寥寥不可聞

登徑山凌霄峯

諸天足下浮大海巖前動雲出第幾峯嵐歸何處洞

附明詩的 卷之四 浙江

江中望廬山

風生綺縠雲千縷樹挾紅泉花百重但覺三江流箇  
不知五老落芙蓉

胡文學 道南雨東人

黃河

黃河望不極白晝亦黃昏勢欲中原折形翻華漢痕風  
烟生大漠木葉下崑崙爲問乘槎客支機石可捫

梅花 大坡公雪嶺

點綴枯林驚暮鴉每依村巷傍魚車空塘冷縮雲封幹  
幽壑寒嘶月吐花寺老晚鐘香入定橋橫殘瀑雪爲家

星沉雁杳三更夜暖屋何人問禿叉

贈別李昭武客廬江

君才于世旣不可此日而貧寧漫然欲識廬山真面目  
遙看栗里舊村烟鯉魚風拂江花蕪蘆葉洲藏釣笠船  
一醉驪駒千里色新詩莫惜數行傳

高士奇 江村平湖人

歲暮以乍浦秋鳥貽宋漫堂中丞中丞有詩用韻

奉和

海壖屏迹無束絡土俗鄉風閒領畧馬臯入夏壓網多  
當湖海捕有馬臯魚最美出重午前後不  
過半月家家世腊供一歲之用兼以寄遠 秋鳥交冬因  
附明詩的 卷之四 浙江

風落溫經近每絕羔烹 近年書經常累 盤饌惟茲稱大  
嚼歲寒懷友思餽將妄謂小物味珍錯鹽炙醬醬置雙

瓶不學邯鄲五彩縛 孔叢子邯鄲民以正月日 尺素還  
述土人云此鳥產處隔蓬弱平時飛息在三山飽食椒

苒與芷若冷冷戲作御風行翮倦爭栖望林壑乍浦東  
南灌木深脇翼羣投欣有託幸不化蛤入大海何辭登

俎供杯杓肌豐骨嫩饒腴滋色非丹翠羽戍削中曰花  
雞小鑽籬 土人云中者名花雞 山經埤雅堪恢廓廣平

肝腸雖鐵石亦賦梅花粲齒齟逼除却值公務閒官齋

脩潔止琴鶴不緣廬野鄙牛脣翻許吟詩美鹿藿長篇

偉句氣界兀遠走鮮卑慰寥寞朔千年新人事斷書來  
展讀快以樂枉比山中玉穆羹頓指筵前黃領腫病鴟  
雙鳥本尋常昌黎有詩高品格老髯妙詠我更妒好主  
嘉賓關奇作兼示子湘和詩想見張燈甲煎時來詩成席上揮  
毫精且博草堂歸後五逢春自守柴桑同尺蠖故人相  
信絕于請往往郵詩叩鈴閣才盡江淹布絮無勉強摘  
詞究貧薄樂府壁龕食博無所報詞

陳元許山餘姚人

### 紀夢行

甲午余奉命典試中州入關之後職事所呈

自月書夕來之月

十二

中度者十不得一每夜耿耿不寐如有隱憂中  
秋夜月色如水漏下三鼓子始就枕夢一神人  
偉然若仙指予曰子安福吳雲也公欲得真才  
天鑒之矣今贈公詩無忽遂去覺而知其爲夢  
二云憶子官吉安時耳熟先生名暨署安成意可  
請謁詎先生遂以是月觀化欲見無由寧知八  
年後與予相見於洛陽鎖院之夢中恍若夙好  
贈予十數韻次日止記其一句曰五夜秋懸鑑  
寸心冰在壺事竣還京適先生之長公蘭菴亭  
至都因錄此以貽之

鎮閣熾炬搖紅影魚鑰沈沈清漏永徐凝惡句洗銀河

劉惔險詞失彪炳思得高文人妙來手如捫參更歷井

梧桐月轉垂陰移一枕清風憂耿耿夢中有容神于于

恍若自天來造請曰余吉安之吳雲知公馳譽在臺省

帝遣雲來佐玉衡八代文章人精警冰壺空鑑臨清

秋雲衢天路新月炯語畢不知何處去起視南天星移

內憶予曾宦騰螺間仰止前型若斗山武功高卧懷梁

父青原講學入顏關探根躡窟尋消息弄月吟風自往

還以上述先生理學緯史經經羅二西掣電轟雷才八斗長歌

彷彿少陵詩文似昌黎驅鯉走以上述先生詩文有時艸聖街

國朝詩約卷之四浙江

杯酒墨汁淋漓心應手常恨二王無臣法顏筋柳骨未

堪偶以上述先生書法更步七十二峯頭餘不之采歸肺腑鴻

飛冥冥漸于遠擔荷斯文志復古上爲天地修文郎嶽

然來護聚星堂一片冰心同秋水先生爲我達穹蒼

陳殿桂岱清海寧人

秋葉吟

金井蒼苔敗梧葉蟬姑夕弔鈎欄月霜銅點點催華髮

秋雨秋風連夜發欲騎黃鶴摘白榆玉顏不緇變金骨

扶桑熒熒雞三號日復出今日復沒

端江秋集奉和沈止岳觀察

日落軍城迴風高祭戰秋洞簫憐玉斂銀燭冷羈愁暖  
借綈袍重光分琥珀浮西園絲竹夜特許故人遊是夜女優演劇達旦寒甚  
公解裘衣余

秦淮河觀燈船次職方唐梅臣先生韻庚午

星河流影暮潮通艷粉香絲此夜中蚌吐媚川珠不夜  
犀燃焰怪水吹紅沙棠萬艇邀明月芳苒千燈射彩虹  
把酒醉呼桃葉渡空餘鄂被繡芙蓉

穆陵關

崎嶇橐載度高原旅食蕭條夢不溫入路盤陀峯束馬  
幾家遺壘棘當門匪熊履表畱溜岱小白墳荒寄寢園  
國朝詩的卷之四浙江 南

烟火天邊愁日暮偶然雞犬便爲村

過澹如大兄河東書屋看菊賦贈

小橋流水地東偏屋滿鉛槧只數椽辟荔久成叢入幔  
柴桑何待頃爲田四圍烏柏經霜赤一逕黃花炤座妍  
送客草堂還拜母夕陽歸路接炊烟

遠村

岸繞滄浪屋遠田平林宵帶炊烟疎籬修竹誰三徑  
吠狗鳴雞自一天麥隴夜聞歸牧逐桃花時見釣魚船  
便思卜築爲鄰去與結牆東谷口緣

方楚卿孝廉往歲顧余石亭旅舍詩篇見投五年

矣久缺報章將歸賦此問之

珠水秋風萬丈濤賦成空伴左徒騷平分篝火東皇照  
獨破天荒夜鬼號已向沙中窺鳥迹先從海上識鳧毛  
豈緣忤市門前過不着沉香宮錦袍

琵琶

亂擁琵琶醉後聽鴟絃五十憶湘靈那能明月春風夜  
一曲彈餘草盡青

嚴我斯存庵君上人

河上居民采野蒿作食感賦

黃河無定流狂波激大陸邳宿當其衝瀾漫蕩川谷不  
國朝詩的卷之四浙江 圭

圭

見田與盧安望挿種陸高原棲魚鼈丁男化鳩鵲哀哀  
老弱餘伶仃一路哭青青原上蒿采采不盈匊井里絕  
炊烟人家斷榆粥上天仁愛人甯此充半菽奈何官長  
輦公然飽梁肉昨聞興大役下詔給口粟庶緩須臾  
死天心或可復又聞閭左兒三五逞馳逐不作溝洫寬  
漸滋蜂蠆毒咄嗟杞人憂中夜如轉轂紛紛下瀨船輓  
輸日已促民力困東南所憂在心腹安得事耕犁最哉  
良守牧

題蛟門百尺梧桐閣圖

寒風獵獵吹枯草嚴城月落邗江曉停棹爲訪故人居

登堂把袂開懷抱手持一卷文錦裝展卷對之神飛揚  
云是君家讀書閣扶疎老幹擎空蒼遠山如拳浮江浦  
江濤入夜驚風雨檣櫓萬個青琅玕密陰滿地日當午  
據梧主人腹便便隱囊紗帽坐逃禪有時俯讀仰更思  
舉杯邀月問蒼天讀書等身貴尚友今人古人俱不苟  
杜韓蘇陸相周旋蛟門有四家詩選快把殘編不離手憶昔同  
君長安居秋風門巷停巾車歸來五載憐同病我馬北  
向君在廬安得貌予置此圖詩筒酒觥時追呼不然我  
亦買山苕溪側掉頭歸去行亦得

梅花樓謠集詩次韻贈顧且菴同年

國朝詩的 卷之四 浙江

六

夙有園林好招尋逸興多年華雙步屨身世一狂歌勝  
事探花信清談試茗柯悠然陶永夕爛熳幾重過  
別墅梅花發披襟到草堂晴飛千樹雪風定一園香白  
眼看雲迴青尊愛日長巾車招我友高咏對行觴

老馬

舊是天閑種曾經百戰場花文消鐵甲汗血裏金創伏  
櫪歸來日哀鳴道路旁功成應棄置鳥啄臥斜陽

寄懷陶槎儔同年

時督河張秋

六載卧荒廬江湖憶別初客途輕歲月身計愧樵漁驛  
路桃花漲春帆細柳疎羨君官舍裏暇日奉巾車

已未八月地震後移居

匝月驚心苦未除巨鰲何意撼坤輿三間真羨盧仝屋  
四壁全無司馬居坐對妻孥如夢寐夜聽風雨更躊躇  
朝來一事差堪慰猶剩牀頭數卷書

月夜獨飲

長安幾見月華生月向滄洲分外明倦客難禁逢夜醉  
佳時易動故鄉情風前磬響秋偏急樹杪鐘來夢亦清  
明日陰晴渾未定揮杯聊復坐三更

章 鐘華甫舍人

李天山先生歸自都下過訪草堂

國朝詩的 卷之四 浙江

七

校徧華林七錄書飄然一葉賦歸與入山射虎心原壯  
對酒思鱸計未疎海內文章誰健者近來聲氣亦焚如  
挑燈漫話長安局爲問梅花可似初

落葉

憶昨蔥龍入望迷獨留老幹強支持漸經零露翻初色  
歛赴青風別故枝南陌拋殘秋嫋嫋孤燈照罷影差差  
可能陽谷春旋轉好看新芽嫩綠時

項景行

嘉興人

遊高旻寺

小艇容人少風來故故斜遠山如一髮流水有三義雪

白楊飄絮金黃菜吐花此名楊子渡曾不是吾家

陶寅虎侯會稽人

九日石城道中

惆悵登高日崎嶇遊子顏行行黃葉路去去白雲山絕  
壑斜陽盡深林倦鳥還臨風一悲嘯不敢視刀環

庚午九月日越王臺登高作

登高獨上越王臺颯颯西風天外來雙眼望隨飛鳥去  
寸心閒傍瘴雲開當時竊帝人何在今日空江潮自退  
慚愧浮生三十度年年潦倒菊花杯

陳章授衣杭州人

國朝詩印卷之四 浙江

驚脰湖

放艇過湖汊盤回望水鄉蒼淪翻落日合沓起鳴榔夜  
雨葦絲滑秋風菰米香此中堪避世無計買漁庄

舟中憂旱

火雲燥燥赤日奔虹霓望斷空朝昏土阜龜圻當渡卸  
水車鴉軋沿河翻高林村村吹白帶野廟處處颺玄幡  
田家木必免飢餓客心只是如煎燔

太湖

具區三萬六千頃浩淼晴波愛此湖戶戶共收漁釣利  
付村半納橋田租誰能放達如陶峴我欲淹留似賈胡

東執西艦緣底事紛紛得失競毫銖

真州

雲樹江波秋色好大銅山下日環回烏篷白舫喧歌伎  
紫鱗銀魚勸酒杯僧寺塔從城上出人家門在柳陰開  
笑子不得經旬住如此真州輕意來

金司農青門錢唐人

海仲授衣見過冬心齋余出漢唐金石拓本共觀  
空巷草根苦遭此秋雨屯離披一尺長那知中有人守  
窮如守盟向壁獨弔影書家得申韓二子欣造請聖唐  
與神漢文字古所敦吉金貞石志辨證蒐株源嗟嗟瞋

國朝詩印卷之四 浙江

色催客去倚江渚炊烟飢不生寒雞各上距

書宋遺民劉穆集後

我家櫛皮街南宋舊都市詞伯劉季雍古宅昔在此先  
生當關爭原上自牧豕著書目半背罵人口忽哆積勤  
兩紀餘其說擬鸞子不為太廟儀却聘誓焚軌一從造  
生曠文字視糠粃酒民時時尋風雨貌多毀葛巾與布  
袍淒涼話天水衰衰五百春消歇香蘭茝昨我爪步歸  
然燈檢行李四卷搜遺聞烟煤拂滿紙蠶髮發幽光足  
以振縵靡持問里中兒誰能舉姓氏

沈元滄麟洲杭州人



送周侶樵之徐州三首 選一

翰林唐塞父

建中

言語妙天下桐山方樸坡元詩篇凌鮑

謝東官莫二樵

文王

蘓陸堪方駕燈火每連牀招呼纔隔

舍笑談風雪晨跌宕花月夜昨者君來言征鞍行且踣

緇塵復何戀久悵素衣化惟此二三子交情如啖蔗一

朝揮手去難禁淚如瀉感君念友心知君真可藉人生

論久要豈在臂常把片言定杵曰一室分爨夏去矣無

畱連離尊爲君貴

沈豐亨

衡菴湖州人

詠懷十五首 選三

國朝詩的

卷之四 浙江

辛

未能避跡向牆東人世風波日不窮雲雨每因翻覆異

山川難問古今同六朝文物干戈裏兩漢賢豪黨禁中

自顧庸才無一得末流何處托冥鴻

涉世

巧速由來總不知自甘迂拙到衰遲楸枰未解爭先着

菊徑空憐獨後時投閣大夫曾識字織簾高士本無奇

悠悠此意何人會滿眼衰榮任所之

守拙

趁得東郊雨一犁試鋤堦塍去茅蕘歸來栗里情殊切

老向桃源路不迷壠上豈無鴻鵠志花間愁聽鷓鴣啼

輟耕自覺吾衰矣布穀聲中日漸西

鋤阪

楊

知誨仲錢塘人

寒食佛川寺遊覽

密竹隱諸天禪關竹裏邊何年開寶地過客愛清川幽

院櫻欄綠空山躑躅然寥寥幾村落未見出新烟

送李東里之官來賓

去程雖遠意須寬蠻邑鷄衣待好官獨客喜陪強半路

余方南歸

因依至浙全家穩過萬重灘霞明海日秋還熱雨暗山

城夏却寒莫使年年問消息歸帆江上倚風看

陳

楞山鄞縣人

秋曉

虛齋孤夢醒殘暑罷簾櫳門向閒花閉堦仍落葉封纖

國朝詩的

卷之四 浙江

三

雲浮曙色疎雨澹秋客坐起仍顛倒冷然何處鐘

晚

水暝溪烟白山寒野燒青夕陽連古樹宿鳥下空庭濁

酒幾回醉殘砧薄暮聽碧雲遙望合天際欲冥冥

曉起

一夜雨聲竟未絕起看迫漲水平陔蜻蜓似被涼勾引

側翅白荷花上來

章本成

大之會稽人

泛賀池

狂客栖尋處池寬水拍天四圍界樹色一艇到雲邊鳥

狎斜欺浪山遙易受烟陂塘如可築種柳此高眠

雨中飲花徑寺

烟午投僧舍雨昏失寺門山人來往慣隨意置清梅花氣諸天澹茶香妙理存龍孫未可劇王版與誰論

題十笏齋贈式林

枕流漱石一癯仙結構深深別有天素願已盟方丈室春風欲動孝廉船閒將湖海觀魚沼時見烟雲起硯田神物由來同尺蠖龍泉暫向匣中眠

沈用濟 方舟錢唐人

度虎牢

國朝詩的 卷之四 浙江

三

斷續餘殘堞天畱呂布城關門通鳥度飛樓踏空行河響兼水下松高帶雪晴一鞭斜照外指點說西京

大同

丁角 山名秋生簷簷哀馬頭豁達萬山開二邊已割中華險九堡空遮朔騎來紫塞月沉蘓武廟黃榆風掃李陵臺一軍辛苦屯寧武昨日關前大戰回 謂周將軍過古

山西二首 選一

天半三關控晉州特加旄鉞鎮偏頭 雁門寧武偏頭爲外三關偏頭逼近黃河尤屬險要明春光不入紅門隘殺氣長寒白草溝初特設大將守之東扼平型 關名封疊嶂北搜河套截洪流太原一臂連宣

大保障神京幾百秋

榆林二首 選一

榆林一鎮勢孤懸直達銀靈路二千誰使邊商停轉粟坐令軍壁減炊烟白城雪凍牙旗裂紅寺風高鐵甲穿解道魚河輪輓苦諸君何計復屯田

尋天下大師墓

當時遁迹入禪關身似浮雲到處閒解道龍蛇潛草野何年弓劍傍橋山緇衣那有中官識御馬誰迎老佛還一自櫻桃無薦處肯畱封樹在人間

建州城樓眺望

國朝詩的 卷之四 浙江

三

戍樓高枕響山巔尙憶中丞秉鉞年南極三城 臺灣赤嵌淡水臨盛市東封百越靜狼烟雄關疊鎖摩雲嶺窮島長開破浪船請語澎湖嚴守禦一軍海外是孤懸

洛下

黃河水合朔風鳴馬渡堅冰向洛城山鑿龍門畱砥柱雲開嵩嶽出西京詩名此日傳張載時事當年哭賈生莫問前朝舊陵寢北邙狐兔久縱橫

憶紅橋

二月紅橋聽管弦當歌不惜酒如泉曾將隋苑鴉黃柳一繫吳娘鴨背船

津門九日

何處登高把一尊  
晚來潮落見津門  
不知柏葉兼楓葉  
紅到江南第幾村

黃逵 儀通山陰人

中秋積雨初霽

客子畏明月  
况復秋聲哀  
中庭降霜露  
艸木多變衰  
夜靜攬清輝  
使我憂心摧  
迢天既陰雨  
十日雲不開  
蕭蕭響  
聽外入戶生  
細埃階除何  
空明積溜沈  
青苔中厨停  
酒漿乘燭期  
徘徊良宵一  
何美惜與嬋  
娟乖

金山八首 選二

國朝詩的 卷之四 浙江

青

殿閣立空明  
嵯峨一化城  
江山無此麗  
天地忽然輕  
萬象光凌亂  
終朝景變更  
檻前畱不住  
白浪捲雲行  
如此相衝激  
乾坤恐不牢  
登峯江忽細  
傍塔月仍高  
古墓森危石  
中冷隱濁濤  
仰天吾欲問  
首帶白雲搔

聽鶯

慣眉先置酒  
砭耳復聽鶯  
喬木欣相託  
伶官學不成  
莫遣饒舌怒  
難了惜春情  
隋苑無消息  
新聲代舊聲

上已同安東袁友鹿登泰州泰山岳武穆祠

岳王祠廟俯湖濱  
地是吳陵客旅人  
燕子欲增當日壘  
秦頭能壓幾時春  
潮來瓜步奔如浙  
艸長柴墟積有燐

朱熹武穆大敗金人 佳節采蘭渾不記 思鄉吊古兩傷神  
人離城三十里

遊祁公寓山有感 公名彪 佳年未四十 盡歸

碧沼朱樓交映明  
崇山峻嶺出檐楹  
參天修竹皆高節  
照水孤松似濯纓  
擔荷一身真有力  
澄平三百諱談兵  
更無宣室徵書及  
腸斷長驅失舊京

茅士藻 聚濟仙六仁和人

天台道中

飛瀑當空落孤雲  
掛夕峯尋烟遙識寺  
得境偶聞鐘一片  
寒山石千齡智者松  
桃花紅夾岸今古說  
仙踪

雲龍山

國朝詩的 卷之四 浙江

言

白石青苔艸樹新  
東坡曾與結西隣  
亭空不見歸來鶴  
花落全非昔日春  
獨羨王陵能有母  
堪嗟項羽竟無臣  
殘碑讀罷皆陳迹  
誰是山川舊主人

沈洪 芝岡歸安人

泰和道中

行子易時序  
但嗟江路難  
孤帆轉天際  
遙出青林端  
山影落空翠  
濤聲生夜寒  
鄉書猶未達  
雲海正漫漫

金璧 晴村山陰人

畱別白門同學

孤雲飄泊倩誰收  
竹帽蕉衫客二秋  
如此疎狂叨至愛

果然離別是真愁  
賁得返山陰  
棹把酒空來  
孫楚樓  
君與蔣山情不異  
青青相送暮江頭

毛奇齡  
西河蕭山人

明河篇

明河潔潔秋夜長  
草頭露白生微霜  
淮陰客子感秋節  
愁坐各言衣帶涼  
東山釣叟臥淮浦  
私喜涼秋及三五  
蹈海誰牽八月槎  
臨淮須伐三洲鼓  
三洲鐘鼓淮水濱  
八月乘槎好問津  
邀得江南流浪子  
迎將河朔冶遊人  
江南河朔兩相望  
河水星光兩搖漾  
西園冠蓋翔綠池  
東第笙簫啟華帳  
張家舊院倚水陂  
珠湖千頃漾琉璃

國朝詩約  
卷之四  
浙江

三

紅橋碧柳通油幕  
叢臺複樹繞金羈  
緋紗籠蠟安花裏  
綵幔懸毬似霞舉  
漢代名王久愛山  
曲江吏部今開墅  
初開湖墅接湖蓼  
重起烟樓布烟燎  
將立星竿火樹枝  
將貯三硝五花爆  
懸竿貯爆俟斜日  
列艇分燈畫如漆  
但畱幻舞到庭看  
待駕明河泛槎出  
斯時濯燕稱最輕  
此際投竿舊有名  
絙懸傀儡戲東郭  
鈎藏神祕來西京  
誰翻竹簡弄漁史  
誰聽皮靴拂絛子  
巾角彈碁四座驚  
花門蹋鞠三郎喜  
別有秦箏老朔客  
曼節長吟變促拍  
何事哀彈塞上聲  
使予翻動江南情  
江南一望欲起舞  
前亭又打關門鼓  
內部新刺史家明  
童盡出諸王府

晚風乍起烟滿湖  
月輪推湧湖中珠  
明雲薄霧繞河漢  
蘭橈画槳環孤蘆  
燈前紫幔開杯竿  
水面紅粧照綺疏  
紅粧紫幔兩相映  
水面燈前看不足  
明河將月蕩爲烟  
皓月連湖瀉成鏡  
明湖皓月乍流沒  
彷彿天星墮天末  
吹將星簫燎花生  
看到烟樓火竿發  
烟樓星簫繞槎轉  
甲燭鱗缸散珠遠  
祇因畫舫隔烟多  
翻使紅龍踏波緩  
香燭銀葉炭迸添  
箭下銅盆滴將滿  
別浦還營曼衍場  
重城已下葳蕤管  
大舸小艇歸不歸  
霜寒月白烟霏霏  
吳謳越唱本超絕  
靜對流波一聲徹  
繞屋驚翻桂樹烏  
滿船涼浸水壺月  
只有傷心小樊素  
看繫榴裙坐花路

國朝詩約  
卷之四  
浙江

七

不識初從何處來  
幡然忽入煙中去  
明河垂垂露華滋  
良會何時再能得  
賦就明河夜未闌  
噉噉東方又將白  
溫睿臨  
鄰翼烏程人

讀黃宗夏天壽布鞋漫賦八絕  
選三

守園人散暮鴉飛  
萬古空嗟出玉衣  
何似居庸關上路  
彩雲猶自護岩扉  
三百年來雨露恩  
興湖龍去蛻空存  
阿誰猶抱遺弓恨  
歎息珊瑚寶玦孫  
園官零落玉階塵  
寢殿全非昔日春  
猶有白頭宮監在  
爲言天寶淚沾巾

夏惟敬 恭安平湖人

遊趵突泉寄黃宗夏

與世浮沉各不才約歸同日出燕臺饒君馬上看山去  
輸我名泉漱口來

王 鏊 天柱紹興人

送黃子宗夏

作客天涯久逢君意氣輕聽談腔血冷覽句谷神明別  
淚畱知已離歌託死生前途休眷眷日月共人行

趙 信 辰垣錢塘人

雜詩

國朝詩的 卷之四 浙江

庚

小釵橫戴步珊珊亂綰青絲月色寒寂寂迴廊鸚鵡睡  
無衫搭在畫闌干

蜜犀斜插髻螺偏細眼迷迷向午眠燕子打簾門半掩  
一枝紈扇落牀前

自分綵線繡金身香格花壺左右陳教婢已梳修佛髻  
願兒莫作有情人

厲 鶚 太鴻錢塘人

游洞霄宮

大滌玄蓋洞天昔所慕時時飛夢凌屏顏茲辰奮足遂  
躋討芒屨豈憚山行艱初從南湖歷四井霜清日出羣

峯靜紆回路轉金線潭鑑奩不動澄嵐影偶逢擇子爲

指迷陡絕攢林棟壑得異境青山九瑣勢更殊千尋拔

地秀不孤松枯濕翠交撐扶石橋流水聲可娛道傍確

響雲母粉巖隙乳滴羊鬚珠傳聞舊有無骨箸可等羅

浮古蹟竹葉符帝畱瓊館此與區圓殿高峙凝塵無其

餘廊廡雖湮蕪蒼筤萬个爲笙竽寒風噫竅洗毛骨白

雲下上如飛鳧我思郭文舉無情木石相爾汝何時月

底騎虎歸冷冷澗上聞仙語我思鄧牧心黃冠遺世來

烟岑幽泉滌硯作山志俗士未許窺清襟宋室南渡一

百年祠官特設明裡虔提舉忠定及徽國栗主塑像永

國朝詩的 卷之四 浙江

庚

永無祧遷尙餘御筆觀虎臥 洞天福地額宋理宗書寂歷閒階少

人過真茶啜比換膏膏半日盤旋雜行坐天柱峯大滌

洞瑤房玉宇恍如夢太息天寒日短不得遊畱與他時

策杖尋清秋

符 曾 幼魯杭州人

雜詩

纔見梅花謝小瓶拂天高柳又垂汀春風自作一年別  
舊眼相看昔日青未便舞腰愁越越且畱疎月照吳艸

相思正遂風簷夢尙緩傷心到湖亭

木棉花落滿溪寒地隔長江會未難揚子橋通烟雨浦

苧蘿人到語兒灘，釵看鸞鳳多比翼。湖有鴛央注合懽，但得酒濃秋不覺。晴雲高曉鵲聲乾。

芳艸多情綠過橋，碧雲依舊隔迢迢。丁香枝上三更雨，梅子林中五月潮。窓暗殷懃焚小鴨，夜長辛苦待明朝。春羅空有同心字，不及雙鵲影共遙。

徐逢吉 紫山錢塘人

九日登河西橋太白酒樓

快值黃花節，言登太白樓。八窓含曉氣，一水寫晴秋。簷下長虹見，杯前衆壑浮。獨吟真可嘆，不共昔賢遊。

河梁喧晚渡，鐘鼓動高城。萬籟有時息，浮生何所營。鶴

園朝詩的 卷之四 浙江

投雙樹客僧泛一杯，輕吾亦橋東去。長溪碎月明

朱之佐 子襄龍威錢塘人

山居

數畝修筠手自栽，辟人深處且徘徊。一灣流水作山盡，幾片閑雲帶雨來。松節勁繇盤錯見，梅花香自雪霜胎。共憂長夜何時旦，豈悟重然即死灰。

閒心已被白雲留，獵水漁山何所求。水面芙蓉紅挾日，山頭巖桂老於秋。往來時縱孤飛鶴，坐臥嘗安一小樓。遭際時艱終野服，棲遲更不羨封侯。

生平自不慣圖安，豈肯糊塗妄用干。鏡上施顏塵已隔，

草間求活露須乾。天時勿假非容易，人理當從後起難。蟋蟀悲殘黃菊老，誰能知是夏蟲寒。

錢嘉徵 字子儒賓嘉興人

委鬼謠

赤劉之亡亡於十常侍，武蕃冤抑青蛇至。黨人六百同日誅，何怪黃巾滿天地。吁嗟委鬼亂闕庭，殲族刑猶輕。寄聲楊左六君子，堯堯從此生華平。

茄花紅

槐廳柏臺凜生風，茄花何來滿地紅。紅奪子規口吻血，化碧三年冤不滅。可憐白門鴉飛飛，啄花柳花變萍。

園明詩的 卷之四 浙江

葉大海還相遇茄花一腐爛，蹴踏成黃土。燒土尚帶野

狐腥，回頭歎羨松青青。神龜自在守茯苓，

與吳去非話舊

故人今好在，尊酒復何辭。惜別顏如玉，懷歸髻有絲。峙糧秋採菊，列陣夜圍棋。若問行藏事，鴻知雁不知。

舟過金閶晚步寒山寺

金閶亭北千行柳，葉葉臨風鬪舞腰。一片酒宿春蕩漾，二分烟水夢迢迢。不論黑白皆常豕，任從東西亦故梟。惆悵十年塵撲面，老禪負尔隔江招。

國朝詩的浙江目錄

卷之五

呂留良二十三首 沈胤范 一首 陳璜 二首

張辰樞 一首 錢光繡 一首 柳葵 二首 姚克家 一首

陸進 二首 王嗣槐 一首 王暉 二首

鍾淵映再見一首 周斯盛 二首 萬斯傳 二首

胡德邁 一首 唐賡堯 一首 金致敬 二首

張梧 一首 陳晉明 一首 諸葛麒 一首

傅奇 二首 徐旭旦再見一首 李文胤 四首

錢霍 二首 卓域 一首 董德偁 一首

國朝詩的朱之玉

金敬敷 二首 吳農祥 一首 林鴻 一首

周起辛 一首 來集之 一首 陸次雲 三首

陸嘉淑 一首 茅騭 一首 錢士馨 一首

鄭培 一首 俞森 二首 白顧俊 三首

周簣 一首 曹鑑章 一首 何林 三首

張竣 一首 汪文孫 一首 胡雲客 二首

魯超 三首 洪昇 一首 李符 一首

高以永 一首 毛騷 一首 陳祈明 一首

金鎮 二首 曹偉謨 四首 黃士瑋 二首

李文純 一首 吳振宗 二首 姚永昌 二首

朱鉞 一首 王余高 二首 李夏器 一首

姜廷梧 二首 沈寬 一首 吳允嘉 五首

張晉祺 一首 顧彝 一首 何需雲 一首

羅坤 四首 孫炯 四首 王菁 五首

尤貞恒 一首

國朝詩的卷之五

長沙陶 煊奉長選

同里張 聚豈石同輯

浙江

呂留良 曉村石門人

東莊雜感

微寒盡餘威園林納新意品類紛有名皆從上吉至我  
生與萬族衣食各自智鳳凰啄琅玕鳴鼠甘糞利當其  
經營中了不異人意苟爲異地謀兩兩相唾棄爵爵成  
都桑勞勞有深義自非天下才此事良不易常恐時數

國朝詩的

卷之五

浙江

來便令負斯志妻織兒勝鋤悠然足高睡

良晨登高閣重林向我開魚鳥各有歸生民安適哉黃  
農諒不作詩書成土灰孔父諱仁義期其萬一圓韓者  
自不與豈能廢神雷東海老腐儒歌哭出蒿萊其樂有  
餘樂其哀有餘哀

獨樹不求伴月輪浩孤行寥寥亘古今天地無柔情放  
步入廣野秋旻何崢嶸慘澹同一色微物安得爭羣蟻  
委衰通哀吟竟何成我轍尙可返我廬尙可營鷄犬識  
親疎俟我出柴荆自非淮南王誰使汝長生

田家女

桔槔鳴遠林啾啾散平楚田家惜人工踏車用寡女但  
愁苗葉乾豈問荒機杼天風剝骨寒尙有皮肉阻刀劍  
攢飢腸智勇不堪煮鄰里重婚姻遣媒相迎取寡女前  
致詞此事諒不舉生男馬前啼生女馬上語馬頭各東  
西那得儂與汝棄捐耳上環寧復作男使男死倚道傍  
女死不知所

劍客行

造劍華山巔淬劍蜀江水幼子精靈碧鞘中老妻粉黛  
紅爐裡利器有神人有術兩者無形煉成一關河往返  
來黃昏都市報施仍白日肝膽粗豪心計深唯嗔遲疑  
國朝詩的 卷之五 浙江

見釣者

老漁倚槩黃蘆根細看和餌絲作綸無避春水杳何處  
日暮烟生知有人持竿終日無所得白鷺啣魚隔江食  
風掃楊枝入釣船滿溪愁作桃花色我來行吟欲問之  
太息老漁不解詩我向君身覓佳句君坐詩中自不知

園林早秋



爽氣朝來迥西園景物清鷺翻黃荻影雁落碧梧聲輕  
薄葛衫見疎籬竹簾生尋常看節序不似此傷情  
面稿驚風厲意虛曉更吹霜禽號異域露葉泣非時遇  
物皆成歎爲心那不悲小樓深閉却莫遣早秋知

東莊閒居貽孫子度念恭兄

日月村中沒山河磧外遷一丘猶故物百歲亦殘年奴  
椅輪輕絹姑榆落小錢養生心計拙無賴向桑田

送子度遊吳門三首

選二

故園皆殊域他鄉豈遠行詩囊隨路拾粉本遶山成濃  
樹湖邊屋低帆柳外城漁榔與僧磬夜泊最關情

國朝詩鈔

卷之五

浙江

三

笠澤吾忘命苕溪君播遷天生種秫耦人欠買山錢詩  
書難論價州波小結緣歸來休問訊且復對床眠

登句曲毘盧閣

傑閣松聲滿四隣輕烟初散颺微塵孤城市罷門當閉  
古寺樓高山自親海內六年多難日江南千里未歸人  
同遊錯會凭闌意笑指三茅看揆春

春去與子度

倚樓猶着木棉衣蒲柳陰溪已合圍春自全身潛引去  
花殊強項不同歸醉來那記禽聲變行處旋驚草徑飛  
太息世間眞賞絕風光流轉莫相違

喜高虞尊事解過話

兩載羈囚出土扉一朝執手淚沾衣直疑魂向天邊返  
豈止身從塞外歸著作益工心血在形骸不改鬢毛非  
野田羅網何須密黃雀今知斂翼飛

巖傾幽桂鳳巢崩魚服橫波龍挂臂幾擬哭君江畔石  
豈期對我榻前燈飽看死法莫須有群怪生還得未曾  
多少才人無脊骨此中錯鑄放參僧

歸來破屋滿生春無食無衣也不貧舉世死爲青塚骨

輸君生入玉關人藏書散失沿門乞

有募書疏

家具無多聚

族輪白酒莫辭頻入手皇天留取不貲身

國朝詩鈔

卷之五

浙江

四

卽事

僮無人色婢倉皇底事懸愁到孟光甌要不全行莫顧  
簣如當易死何妨十年都爲汝曹誤今日方容老子狂  
便荷長鑣出東郭荳花新紫菜花黃

偶檢閱旦中近書志感卽用旦中韻

篋中亂紙書教焚珍重留看只數君重讀兄書猶咄咄  
徒存吾舌欲云云詩非好作因無寐夢不長來爲半醒  
捲了還開如夜話渾忘卧處是三分

後耦耕詩

雨後犁尖草更深無人共荷土花侵吾生鑄錯幾州鉄

世上銷柔百鍊金曉白天河星盡墮秋黃籬落果難尋  
凭簾轉死誰憐汝辜負提壺布穀心

枳色繩縛滋生苔曾許洲錢二妙來洗我瘦腸傾汝酒  
帶君飽眼看吾梅故交疎索尤相惜舊學孤危轉自哀  
白日肯從修竹老玉山終傍鐵崖開

剡溪字說甫東醫橫發前人未發枝腹貯好書無處寫  
老多奇計只輸饒烟蒸村屋支缸竈雨送吳船濕布衣  
若肯隨緣小休歇饒頭饒柄亦吾師

瀟酒風光瀉瓦盆崢嶸事業折秧門古人誰放一頭地  
老子自牢雙脚根月港吳歌相贈答風簾燕語與溫存

國朝詩

卷之三

浙江

五

便無真耦也歸去頂笠腰簾占晚村

題白虹硯

但有虹貫日竟無軻入秦可憐易水上愁殺白衣人

沈胤范 康臣肯齋山陰人

汪蛟門過飲京邸奉答

一冬幾度會同讌今日春風已吹面當頭烏兔疾如飛  
莫怪相逢苦留戀四海誰堪久要親恃君氣爲干城  
不憎祿位余卑賤何況酒食嫌清貧沽醪酌盡如酥白  
喚婦呼兒頻逼索醉倒不顧尙書期自歌不是屠門客  
聽君歌把君酒豪家美炙比山堆臘味春菹此何有知

君當筵欲罷難況有文章膾炙口愛君才調怕君醒傳  
杯弱筆憐雙手

陳璜 琪園臨海人

站馬行

火牌傳旗箭風雨過州縣下馬索口樞上馬去不見北  
馬行未回南馬歸復轉鞭撲諸馬夫血流血色不變惟云  
上令急流星逐奔電驛路久已疲枉道相作踐壽良僻  
小邑今乃成郵傳人馬力俱竭朝夕不得宴賦言敢告  
勞民勞須上眷

憫蝗

國朝詩

卷之三

浙江

六

雪溪斷蝗災古言今不信去年雪盈尺今年蝗成陣

張辰樞 石從錢塘人

龍江舟中與魏青城話別

幾度秋濤欲泛槎春溪猶自滯天涯祇緣逸興從山簡  
詎有詩篇比孟嘉累月風帆吹去鴈將離人意感啼鴉  
使君情較湘川永不惜濛濛道路賒

錢光緒 聖月郵縣人

硤山題壁

垂老扁舟怯鼓鼙梨花寒食轉淒迷重來此地留鴻爪  
懶向他鄉起馬蹄聞盡風波憐倚伏儘教炎冷判雲泥

明朝屈指河橋路黃鶴峯前落照西

柳葵 靖公杭州人

采茶行

桃花被風吹樹底飛紅雨向曉鳥聲多啾啾鳴翠羽殷  
雷地中發黃金芽漸吐婦女各携筐相將向山塢枝頭  
撥其英俯身猶偃微清晨露中立不敢更言苦二月已  
徵茶俱言進內府仙人掌幾何此鄉少寧宇竹編焙新  
成追呼竟如虎取携任所欲趨迎誰敢忤但恐色味薄  
還遭官長怒春和不解愁嘆息常閉戶

姚克家 秋瀑秀水人

國朝詩的 卷之五 浙江

金明寺懷范少伯

亂雲古寺傍城隅誰滴椒漿薦大夫石室君臣曾牧馬  
古祠風雨自啼烏功成不願鐘千粟身隱何妨客五湖  
回首會稽當日事空餘苜蓿久荒蕪

陸進 蓋思餘杭人

題宋石門畫壁

古壁怪底山水入烟嵐慘淡苔路澁望來冥冥瀑布飛  
祇恐蘿衣欲沾濕溪竹疎籬似有邨煖風時日散鷄豚  
此中定隱巢許輩令我常思宋石門

題宋高宗六字碑 佚書傳忠  
廣孝之寺

雲門野寺古禪關片石峩峩烟靄間一自翠華來勝地

常留宸翰紀名山丹文不變千年色碧鮮難侵六字斑  
堪嘆花宮稱廣孝君親當日幾曾還

王嗣槐 仲昭仁和人

浣花溪

苧蘿山下水涓涓越女西村劇可憐柳絮吹殘南浦夢  
鷓鴣啼盡夕陽天已知娃館秋風恨何處扁舟明月還  
滿樹桃花溪口發空留春思自年年

王暉 丹麓錢塘人

田家詩

國朝詩的 卷之五 浙江

溪谿映花葉晴暉照山麓原田錯綺繡春色汎新綠中  
有古墟里疎籬遠茅屋左右可數家力耕以自足桑樹  
飛鳴鳩水涯布修竹昔時巢父輩寤歌頽水曲俯仰殊  
不愧所願禾黍熟

六墓邨 宋時堊宮嬪  
六人于此

風流粉黛舊承恩往事于今不可論湮沒荒原都莫怨  
趙家陵寢幾人存

鍾淵映 廣漢嘉興人

送俞右吉游雲中

朔風從天來蕭蕭動百草高冠佩劔向我辭短衣怒馬

邯鄲道邯鄲西接居延川  
據鞍一望何茫然雲中自昔  
號雄郡祇今寥落爲窮邊  
長城摧頽亦已久霸氣消沉  
復何有盛樂宮前孤兔馳  
武靈臺下牛羊走知君意氣  
真慷慨醺酒經過古戰場  
不辭贈答如從事且喜登臨  
共侍耶代女如花年十五  
歌君新曲爲君舞轉弦起彈  
白翎雀鞍門月黑聞風雨  
客中聽此君莫愁人生適意  
寧多求余亦明年走關塞  
相從飲獵西山頭

周斯盛 記示鄆縣人

太白樓

飲酒尋常事茲樓足萬年  
登臨當落日懷抱對秋天  
城

鄆詩的

卷之五 浙江

九

郭帆橋下風烟草樹前  
無人獨吟嘯一鴈過長川

別楊秀才

燕薊雄風在傷心對古原  
金埋駿馬骨筑斷酒人魂  
雨色寒千里秋光壯九門  
蕭蕭易水路偏與客愁論

萬斯儔 允誠鄆縣人

城上

秋光射雉腹一望戍烟長  
鴈影侵雲漢波聲帶沙茫  
寒鯨吞埤堦落日隱餘皇  
故國方征戰愁看三徑荒

向夕

莫謂天長白陽鳥不再中  
景移高岸柳聲急落風風

色千林共歸心萬鳥同感時  
思自奮悲激意何終

胡德邁 卓人鹿亭鄆縣人

宿千億山房

新柳垂垂垂暑帶烟簫燈  
笑語草堂前低牆笋長肥  
過竹曲徑松高直逼天  
片月獨明雲裏屋諸山盡  
下峽中泉半酣欲就匡牀  
穩竟夕論詩聽不眠

唐廣堯 載歌寓菴山陰人

泗州

一州臨巨浸淮泗遶湯湯  
秋水今方落春田猶自荒  
與梁聯郡縣陵寢說滄桑  
隔岸山城壯前人區畫良

鄆詩的

卷之五 浙江

金敬致 正夏山陰人

贈王鶴洲教師

風俗知誰得意多爭誇  
幡綽與新磨蕭疎只有王  
曇首一曲開元兩鬢皤

擊劍登壇願未酬酒酣獨  
唱秣陵秋毋將裘馬輕頭白

少小交游盡五侯

張 栢 雜隱山陰人

無題詩和韻

記得驪歌咽渭城依依柳  
色太淒清傳聞青塚留長恨  
何用紅顏寄此生飛燕簷  
前偏有態遊蜂枝上豈無情

蒼梧龍馭何年返班竹猶堪作鳳笙

陳晉明 康侯錢塘人

贈姚總戎短歌

江東節士學劍成昂頭大馬項朱纓鳴弓笑入千人陣  
橫槊俄穿百雉城下馬爲文上馬戰古人有之今未見  
如君豈止熊羆臣當時擬畫麒麟殿少時棄爵遊五湖  
傳食會食供千夫未忘馬援據鞍喜且貌黃公採藥圖  
三山雲霧九疑暮丹丘何處神仙都語君莫決西山老  
他日旂常天子須

諸葛麒 走聖蘭溪人

馬朝詩的 卷之五 浙江

送鄭二鴻入蜀

閒從斜谷出街亭匹馬空山萬嶂青愁殺思鄉兩行淚  
夜來休聽雨淋鈴

傅奇 居平莊園仁和人

喜四明萬五公擇至同過施大幽居訪梅夜話

爲念幽居梅早開怡逢萬五渡江來相將買棹入河漕  
閒話溪山到水隈施子笑迎籬竹外拍手歌呼發天籟  
披襟露爽畧寒溫把盞花前稱佳會夜闌剪燭各論心  
古道矧顏情轉淡鹿洞鵲湖風味好箇中誰許浪追尋  
臥聽溪聲雜風雨渺渺予懷堪棄吐幽居詩思盡天機

忠告齊臺同萬五明朝放足西山隅山邊梅花盛也無  
洗眼看花識花面莫嫌醉倒黃公壇

飲徐氏梅樓步贊伯韻

此地曾過憶昔年重遊恰遇仲春天梅開千樹香浮閣  
岸隔西溪渡有船山雨欲來偏滴翠竹風吹去渺如烟  
主人愛客情殊厚滿酌何辭醉几前

徐旭旦 潯城錢塘人

泛洞庭

一帆巨浸老乾坤颯颯西風起白蘋浩蕩烟波吞九水  
平臨日月泊雙輪天低雲夢悲湘女水落君山怨楚臣

馬朝詩的 卷之五 浙江

砥柱中流還擊楫豈容破浪學垂綸

李文胤 鄞縣人

吳門懷古

胥臺黯黯下殘陽聞說臺高春夜長相景已銷頻曲路  
屢聲如在小斜廊曾尋故窟重來燕頗拾前溪舊種香  
淒斷越城橋上望不堪飄雨過橫塘

會稽懷古

承哉江頭憤未銷古城秋雨莽蕭蕭高天不斷純鉤氣  
重水仍驅犇馬潮草木幾聞橫闥虎風雲頻見厲鳴雕  
固陵渡口多舟楫新唱江南桃葉謠

王謝還東事絕倫風流遙賞獨霑巾右軍本切興亡計  
康樂從來江海人廢墅自生南國草舊山猶愛永和春  
莫論絲管當時妙俯仰平生跡幾陳

甬上秋望東鄧孝威

西來秋色散林垞此日登臨共客星遠水悅浮千鑑白  
浮圖如插一峯青夢餘臺榭迷烟嶼歌罷漁樵下雪汀  
賀監風流銷歇後只今誰擅細湖亭

錢 霍 去病荆山山陰人

始約張澹民徐謙吉同之山東既而二兄將發予

不及隨作歌送之并簡劉何實使君

朝詩的 卷之五 浙江

古

吾聞任城城上有酒樓知章昔與青蓮遊知章已去酒  
樓在濟水東來晝夜流一十代更九百秋傲吏又見東  
平劉鴻名歷倒華不注鳳聲飛出崑崙丘君向此中得  
超越奇文或與酒禱机大夫授簡賦清風小史唱歌嬌  
白月西園徐幹壯思飛東國張衡逸興發揮翰將令珠  
斗移舉杯直恐河流竭君之遊使我愁我之愁不得遊  
搖目四顧心浩然大鵬不起因風逆壯士無顏爲少錢  
意欲高飛無羽翼盼斷晴川生紫烟

卓 域 永瞻仁和人

集雲溪草堂和韻

竹林佳處構閒庭向晚招攜到遠垞斜月纔臨一水白  
微烟乍起衆山青銷人詩思惟銀蠟照眼花枝有玉餅  
明日還期重載酒雲溪祗恐路冥冥

董德偶 天鑑銘存鄞縣人

壬午夏日宿汶上

汶濟相脣齒誰溪瀾戶謀邨爲兵馬市寇作往來郵白  
骨新埋土青燐不斷愁猶餘古樹在無雨亦生秋

金敬敷 在五山陰人

別歌者二首

十日平原又遠征東門楊柳不勝情百壺美酒從君醉

朝詩的 卷之五 浙江

古

休聽離亭玉笛聲

僕馬催人怨曉征歌闌筵散客超程誰知殘夢離鞍背

猶記腸絃誤一聲

吳農祥 慶伯星妻仁和人

送白孟新還金陵

朱顏惜別送君行北雪河橋昨夜晴宛雒暗垂遊子淚  
京畿猶重黨人名危途久已憂離亂薄俗今方厭老成  
一榻高吟生計拙風烟戎馬遍空城

林 鴻 大文本姓徐錢塘人

無題

閉房寂寂可憐春三見天機映水濱  
瑤瑤雙柳愁少婦  
靡燕長跼問新人啼殘玉筍書難寄  
接到金釵卜未真  
却羨鄰春推轂老平頭三十不知聲

周起辛

大修蕭山人

夜至函谷舊關

烟淡日暮棲鴉處函谷關前古戍樓  
今夕何人來飲馬  
當年有客自騎牛寒燈小市填車軸  
畫角嚴城滿濁醪  
百二咽喉稱絕險舉看秦月照人愁

來集之

元成蕭山人

皖城春望

獨朝詩的

卷之五 浙江

五

冠墨盤巢舊兵營天柱高郊原開夜哭  
攘掠盡秋毫戰  
骨聚新土棲烏散古塚春風無棟擇敗屋吐櫻桃

陸次雲

雲士錢塘人

薤露歌

薤上露凝爲霜露華白霜葉黃葉黃漸萎孤墳左朽莖  
猶能化螢火

劉司戶祠

剴切批鱗逢比風不求苟得耻雷同  
文章傳世科名外  
膽識驚人殿陛中言聽可無甘露變策行當令北司空  
書生孤憤今猶在每見昌平起白虹

表忠觀

崛起東南具智仁州雄十四善交隣  
劍揮越壘鋒難敵  
潮落胥江箭有神燈下昔遊銀螭蜥殿前今卧石麒麟  
猶聞天錦村中樹歲歲花開艷早春

陸嘉淑

水修海寧人

飲華及堂中贈汪周士

纔停短屐便相期權燭空堂洗玉卮  
客寄詩篇新論定  
人傳詞賦喜同時增翻紅葉春應老座有青蓮醉不辭  
却怪吟成疑杜甫故鄉親聽鼓鼙悲

茅子磨

天石歸安人

獨朝詩的

卷之五 浙江

五

招顧樵水

我家仙人溪上住顧泰當時結茅處  
高皇神武殄遺賢  
幾度傳宣掉頭去棲棲今日我無家  
明月蘓潭老釣槎  
聞君素有滄洲興來看谿南蘆荻花

錢士登

稱拙平湖人

漫興

久識幽燕古帝基已研王氣颺靈旗  
北平典物完顏亮  
東海永冠高句麗鷄犬新豐通禁藥  
牛羊甌脫罷樊籬  
洗兵正喜魚龍夜萬里江山對奕棋

鄭培

文溪海鹽人

都門送柯翰舟遊匡廬

去年逢君邯鄲回朔風蕭蕭雨雪催今年逢君歸故里  
薊門花落紛如綺君家兄弟稱雄豪池塘新句夙所標  
牙籌逸興飛航外彩筆吟成明月高邀歡未幾別何早  
揮鞭復出燕京道攬勝將窺瀑布奇舊遊漫說嵩山好  
君不見廬山五老海江傍上有九疊屏風張香爐籠葱  
吐雲氣羣峯矯若驚龍翔揚帆迢迢從茲去離情渺渺  
三潭樹遙想陶潛種秫時還看靈運題詩處知君乘興  
到雲林回望鄴園鳥道深青牛谷口烟霞晚白鶴觀前  
松檜陰伊余夙慕巖泉久見說名山每回首空佩金箱  
關朝詩的 卷之五 浙江 一

廬山石

俞森 彙嘉仁和人

中秋過陳叔懷同陸子元集生玉壘坐月下

八月秋正中白露淒以繁皎皎天際月依依下前軒清  
夜群簾息空庭靜不喧晤對嵇阮侶嘯歌周孔言感節  
念佳會撫時懷飛翮濃霜漸淒冽逝水何潺湲悲哉簾  
中翻何日凌風騫

元宵偕周五生過張氏觀劇時五生將南歸

元宵今夕是華堂集友朋歌翻清夜月酒醉絳紗燈珠  
樹連三市瓊花耀九層河橋離思動佳節感彌增

白顧俊 秀升恩菴錢塘人

孝感中秋

楓丹橘老楚山秋巫峽湘江事事幽嘹亮笛聲沉石浦  
飄揚雲影散花洲最憐明月思千里只共清風聚樓  
閣說武陵溪不遠烟波何處覓漁舟

十八日江上觀潮

問水初登江上臺乍驚天地欲爲摧雷奔萬馬城邊過  
關朝詩的 卷之五 浙江 二

雪捲重山海外來隔岸高峯俱黯淡中流小艇獨徘徊  
始知宇內多奇異莫恨波瀾意不開

長安九日

萬里浮雲接塞陰西風吹冷入高林寂寥黃菊遲時賞  
搖落丹楓動客心鄉夢已隨征鴈度離歌偏逐野蟲吟  
登臨誰爲饒佳興雨霽霜添一夕砧

周質 青士簪谷嘉興人

吳門卽事

香溪莫問采蓮舟歌舞消沉歲月流春事乍過三日雨  
遊人還說百花洲溪閣螺黛張京兆列幃丹青顧虎頭



老作客遊豪氣在淳于不醉待何求

曹鑑章 達夫嘉善人

贈魏交讓

君有鸞鳳質超逸青雲中高蹈齊彭澤達識比林宗  
閉戶益著書草玄追遺蹤雄采振大雅高音存古風  
況乃崇明德參寥誰與同層岩松檜林幽谷蘭蕙叢根幹同  
山川弱植難自豐我懷景仰志師資良可通

何林 雲壑山陰人

感舊

襄陽大隄水出自漢中來上經麋子國下達沔陽隈合

國朝詩的 卷之五 浙江

尤

流爲江漢賸川在其埃大隄女兒全勝花中間合沓萬  
人家我年少壯會來此喪亂經過空歎嗟復聞江漢紀  
南荒昭丘弓劍徒埋藏楚王宮內纖腰女景屈公家多  
國良只今彌望東流水莫爲江魚厭武昌

常德卽事

星沙昨始發道入武陵谿仙洞迷龍跡官程認橋隄澤  
中菱芡美壠畔黍稌泥 自辰沅寶靖至常德  
田始兼水旱二地 空憶桃花  
好春寒路總迷

歲晚漫作

僻居五度雪來時一片羈心祇獨知歲暮却同人易老

花飛常與客俱遲長安驛景疑先到十載風光悔欲追  
零落棲遲空被酒緩歌長短不勝悲

張垞 效青錢塘人

同陸麗京諸子集雲居山樓

高齋落葉幾經秋散髮閒吟次第遊草樹常依寒雨徑  
江濤偏撼夕陽樓青尊晚動幽人興白雪群推大雅流  
遙憶文通還有賦平原一望使人愁

汪文孫 孝廉錢塘人

同錫山侯駿聲呂恂令飲黃鶴樓卽事

樽酒翻于客路開相從良友共徘徊江寒十月無梅放

國朝詩的 卷之五 浙江

三

日暮孤洲有鴈來黃鶴空留磯上跡白頭時覆掌中杯  
情添何忍輕歸去偏恨斜陽樹樹催

胡雲客 秋野德清人

謁蘇東坡學士遺像

雄文久已動楓宸何意投荒越海濱每惜奇才淹大用  
行逢勝地悟前身幾封慷慨危明主萬里飄零老逐臣  
直道不容今古恨風流誰接後車塵

遊西樵山

雲際依稀見翠微巖前古木綠成幃春深洞口寒蕪合  
日晚松梢倦鳥歸百丈丹梯穿石室九天玉露濕人衣

明朝雨過重來看瀑布千尋作勢飛

魯超 謙菴會稽人

重九登通判府雄關

高秋落日一登臺九月荒城菊未開古戍烟深荒草合  
殘垣風急野鳥來關門畫角聲猶壯山寺疎鐘晚欲催  
閒把茱萸尋往事牛山不用更生哀

惠州登陸

凝望豐湖意向遙那堪軟掌發星軺青山設色迎征蓋  
勞吏忘機混野樵碧樹垂垂臨水面白雲冉冉起山腰  
遠看快豎歸來晚古岸斜陽已寂寥

蘭朝詩的 卷之五 浙江

主

叠叠青巒四望遙雲林秋盡發輕輶草坡烟暖看牛哺  
布笠風清出女樵 越女每引隊登山樵採俱布笠腰簪數點浮雲衝鴈背  
一枝疎樹嵌山腰前驅莫漫驚田父喜聽農歌破沈寥

洪昇 昉思錢塘人

張睢陽墓

西風吹作陣雲秋歎息荒墳古宋州鼠雀至今窺殺氣  
夜滴不敢叫松楸

李符 分虎嘉興人

白門雪中送友人歸櫓李

金陵一載驗交情良友同時放櫓行萬里空江漁數點

滿天急雪鴈無聲維舟買酒孫權地歌枕聽簫秦伯城  
到日園梅剛夜發越娘纖手好調羹

高以永 子修嘉興人

九日謝友人送酒

陣陣秋原落木飛避人只自掩雙扉若論靜侶惟黃菊  
每到重陽望白衣籬外却攜柔落至盤中賸有鱖魚肥  
蕭然悵不同君飲此地賓朋聚首稀

毛駟 馳黃錢塘人

黃陵廟

楚天搖落渺愁予路入黃陵一駐車南國翠華原樹拱  
國朝詩的 卷之五 浙江

主

下泉金鴈土花疎君王千載垂衣後帝子三湘灑淚餘  
叢竹怨溪人不見月明空殿響瓊琚

陳祈明 鳳倩仁和人

宮中行樂詞

平明魚鑰九重開共待長楊夜獵迴馬後齊懸雙白鹿  
武皇元有射蛟材

金鎮 又鎮長真山陰人

過清流關

歷盡岡巒峻巖關吐白雲一行穿暮色萬里見斜曛地  
擁金陵壯山疑鐵馬聞重門今不開知已靖邊氛

馬上聞鶯

紅亭送別酒猶酣弄色黃鸝遠去驂何必戴顓篴俗耳  
如聞輔嗣共清譚長途暇耽留人聚野店綿蠻少客諳  
最是停鞭斜照裏汴河新柳綠鬢鬢

曹偉謨 次典嘉興人

秦淮竹枝詞

秦淮春水綠迢迢柳線千條更萬條每過珠簾停打槳  
惹他簾內罷吹簫

河房四面繞河濱桃葉笙歌夜夜春岸上美人相倚看  
畫船人望畫簾人

國朝詩的 卷之五 浙江

三

戲演魚龍夜不眠梨園牌號阮家編輕輕斷送南朝事  
一曲春燈燕子箋

莫問當年舊狹斜白頭老圃作生涯曾經紅粉香消地

萊甲嘗開指甲花

黃士瑋 西石山人

鄆城道上

不待鷄三唱征人已啟關燈青欺客倦路黑恕驢頭殘  
月微窺樹新雲半壓山行行村漸近一犬吠籬間

晚過大孤山

舟人頻致語今夜起風行佛火遙遙起漁燈點點明浮

屠帆上影欸乃夢中聲水宿憐孤雁淒涼報一更

李文純 一之戒菴歸縣人

晚山

風溪常易夕霜蚤覺寒侵乞火兒憎遠炊厨婦怨貧野  
禽疑噪虎山鬼似憑人歲歉兵難解荒邨半野磷

吳振宗 興公錢塘人

感懷

明月照羅帷中夜不遑安起步高臺上悵然懷所歡與  
君新結褵慷慨重一言東髮從嘉運會面良獨難匪憚  
早夜行猛獸當我前朝華豈不麗金石永無恆盛年多

國朝詩的 卷之五 浙江

三

感激新故不相捐廣路揚清塵濁水委泥蟠浮沈各異  
路何時借飛翻踈踈企平達終垂君子恩

傾囂匿朗曜頽晷光未舒繁星動曉夜行將焉如嗟

我同懷人執手共躊躇篇章美情欸披覽祇攬予屢空

謝弱操志學不願餘明發繁愁心曷哉寧爾居曰予遠

行役三陟疲登車飲挹清泉流息慙惡木樗驅犢而行

吟聊以遂我初歲暮行歸來所思在舊廬

姚永昌 茂華慈谿人

平越道中

繞喜人烟近荒城瞬息過萬山無一樹百里有千峯

路秋風早鬱方瘴氣多經年邈日月誰解嘆如梭

確山道中

曾擁旌旄事鼓鼙廿年重到汝陽西稻高紅葉驚人眼  
風勁黃沙蹴馬蹄孤野晝喧知逐虎荒城曉發不聞鷄  
朗陵春色歸何處瓦礫殘烟一望迷

朱 武

君爽柳堂鄞縣人

重九後二日同友人集歸來閣限韻

露重風嚴葉落潭共登高閣禮瞿曇宜人節候惟重九  
知已過從祇二三香爇小錢當硯北杯邀太白入窓南  
太白  
峯名黃花滿插皆云好短髮蕭疎不耐簪

國朝詩的

卷之五

浙江

三

王余高

自牧蕭山人

中條山

向聞中條山山上多靈境遠觀冒烟雲青空亦修瓊十  
里陟山椒行迴疊巖嶺微徑頗嶮峻斷續換阻梗傍澗  
溪萬尋壁立聳千仞出沒如波濤連峯去無盡草樹或  
榮枯崖石遞顯隱寒日黯積光陰風弔孤影嗟嗟此險  
隘車馬莫能騁奈何寇盜來長驅竟僥倖

偶題

楊對三松影寒廬晝亦寒久疎天下計莫作臥龍看

李夏器

不器烏程人

和東柯樵唱

細柳疎風拂曉鬟烟絲漠漠就苔斑一觴一咏何能已  
斯世斯人未可刪短髮有時終白帽長饒無恙幾青山  
十年舊夢江聲裏大石灣前小石灣

澄江有大石灣

姜廷梧

梧音山陰人

登白洋黨山望海

潮落平山島嶼青荻蘆岸下一舟停但看鼇背知神石  
不見帆檣返使星落日天晴人望遠登高風急酒微醒  
徘徊秋色波濤外木葉寒聲滿耳聽

澤國風霜值暮秋寒林野燒幾村稠天連白水浮城郭

國朝詩的

卷之五

浙江

三

草盡黃沙放馬牛萬里愁雲迷鳥路十年世事羨漁舟  
淹留不倦登臨目鵬鵬高飛在上頭

沈 寬

碩菴仁和人

讀吳梅村宮詹永和宮詞

群盜縱橫日深宮涕淚時千年亡國恨理筆近臣知  
吳允嘉

志上錢塘人

春日過露巖元墓看梅和牧仲先生韻

木瀆放船早人家翠曉嵐竹籬看野老山路問瞿雲湖  
水淨堪愛林花春正酣故宮多勝蹟一一試幽探  
一片琴臺石登臨懷古今美人空想像霸業已銷沈

繡長廊滑蛙鳴廢井溪獨留吳苑月夜夜照禪心

落日下山路鳴榔柳岸過月生光福寺香淡水雲倚野

店紅燈影橫橋白石坡凭闌一回坐隔港起漁歌

不緣愁不寐心戀此寒香帶露尋花徑聞鐘到佛場展

圖張淨几時中丞公携書卷展玩眺遠上迴岡指點漁洋近懷人

水一方

籃輿乘復下一逕入幽遐山鳥如迎蓋遊蜂也放衙樹

梢低刺眼仙露冷侵牙寂寞朝元閣蛸蟬網碧紗

張晉祺 稟宸錢塘人

賦得惟有梅花舊相識用中峯韻

關朝詩的 卷之五 浙江

三七

物物相交別有神無庸心處便爲眞此花開不希驚俗

每歲看如遇故人冷澹寧曾遭白眼孤高何自染緇塵

平生素愛知音者尤喜相逢值早春

顧 葵 名六西冷人

盆梅同本雙幹一枯一苑饒有古意

徑尺寒梅老更奇同生雙幹有參差感時自得冬春意

耐久從分南北枝官閣看花從半掩子山作賦未全知

眼前榮瘁渾閒事總是羅浮冰雪姿

何霽雲 今名錢塘人

同張任天曹雲澤李鄴仙沙元文僧建羽北郭觀

荷

千章夏木映波瀾半畝方池照酒壇花帶柳烟紅欲醉

葉侵竹色綠生寒江湖到岸蟬聲急僧侶爭幽心地寬

歸路不須愁夜寂滿城明月任君看

羅 坤 弘載會稽人

江村坐雨

薄雨江村晚牛羊浦外歸柴門臨野渡客舫傍漁磯炊

熟雕胡飯寒溪白苧衣行吟轉寂寂山鳥入林飛

七寶莊

雲壑當年勝曾傳舊時疆花陰迷畫閣樹影亂斜陽種

關朝詩的 卷之五 浙江

夫

藥山根暖烹泉石乳香長吟復長嘯欲製薜蘿裳

宿吼山書帶草堂

截葉神工洞壑奇藤蘿百尺結參差人行磴道鳥聲寂

日薄高臺雲影垂潭底魚龍忘歲劫巖前松栢老霜皮

我來塵夢多清戀曾恨愚公不可移

題關山寺

唵崎磴道入烟鬟立馬層霄度此關朱閣雨收僧乍出

石林人散鳥初還白雪蒼霧空濛接浮翠濃陰香霽間

更喜禪房花木靜一聲清磬隔塵寰

孫 价 奎章嘉善人

雨霽渡西湖

歷險空人眼言歸逸馬蹄到來湖上早已覺領頭低游  
微荒松徑樵蘇盡柳堤好山在都會不得遂幽栖

九子山追和王陽明先生韻四首

選二

太白祠荒何處問風華一散夢中花浮名自古埋塵土  
僊骨於今冷石霞雪後陰崖青柏子春來陽谷茁蘭芽  
老僧爲話滄桑事歷歷山巔與水涯

陟岵悲來幾度秋愁看溪谷又高丘縱開障眼千層霧  
不輒衝心萬壑流塵拂未能聞道妙風塵徒美任山幽  
栖遑欲盡登臨興留取他年作勝遊

國朝詩約

卷之五

浙江

三

白嶽追和錢牧齋先生韻四首

選一

太素宮之右有桃源洞天壁間有故揚州太守  
劉鐸訪張翥詩版

探竒更入洞中天丹井清流尙湛然蟬蛻早聞歸煉氣  
荷裳誰復繼遊仙愛看白版曾題句愧殺紅塵未了緣  
不信武陵迷道外肯留竒蹟向人傳

王著

伏草秀水人

梅花塢

無復當年樹猶興故老嗟松虛靈谷路棉占孝陵花春  
塢餘香雪晴嵐疑暮霞相看舊時燕那及白頭鴉

雨後殘杏

雨過風偏峭春泥路易乾前村乘晚步小飲就花看垂  
柳色猶殘夕陽紅已殘空林人影靜歸望暮煙寒

李東臯園桂花

雙樹接婆娑繁英簇老柯荒堦垂葉暗虛室受香多日  
久人何在清秋客每過豐碑存古墓感慨共銅駝

齊雲巖

白岳

溪回磴轉自重重洞府差巖秀所鐘峯立鼓鐘朝帝座  
泉分清濁見仙踪懸岩坐滴晴空雨絕逕行依跨礪松  
遙望黃山當面立雲光掩映翠芙蓉

舟泊菊江亭與胡山聽雨作

國朝詩約

卷之五

浙江

三

浪拍沙汀客繫槎落帆風急噪烏鴉城邊有路皆秋水  
江岸無人種菊花地遠難尋彭澤酒官清惟帶敬亭茶  
維舟聽雨增幽趣裏餅新嘗苦蔗芽

尤貞恒

耕年嘉興人

讀周震夫近藁賦贈

竹風吹北窓茶烟入高樹榻上閒書翻花前脫帽語之  
子下水船雅材一百五休平賦未成鑑曲詩堪侶行卷  
古兼今貪讀辰過午剩有味回芬不須酒把屢爭硯敢  
終焚驛驢偏愛伍何當拓朋箋晨夕共風雨

國朝詩的目錄浙江

卷之六

梅林一首 丁文衡一首 鄭鎬二首

吳亦堂一首 陳麟一首 馬振一首

陳羣二首 吳汝翼二首 沈中震一首

夏荀慈一首 葛大升一首 沈猷遠一首

鄭性一首 鄒錫昌二首 趙香營一首

張驤一首 程隆基一首 程正度一首

曾安世二首 杜庭珠三首 黃百穀二首

錢景朗六首 單廷言一首 王德普二首

國朝詩的目錄浙江

譚吉璉一首 徐天秋四首 陳廷煒五首

龔汝賓三首 顧恬九首 錢瑞徵二首

吳山一首 毛奇齡五首 費俊二首

陳元禮一首 高孝本四首 朱陶堂一首

錢庚二首 程繼朋二首 潘璉二首

湯姚璜一首 楊揆一首

國朝詩的卷之六

長沙陶 煊奉長選

同里張 琰豈石同輯

浙江

梅林 澹香德清人

客中重九

塞雁低飛落日斜登高南望思無涯却拋勝地常爲客  
又是佳時不在家霜葉晚風翻蜀錦秋江新月照菱花  
閨闔城外橫塘路十里銀燈簇岸譁

秋日

國朝詩的卷之六 浙江

獨坐秋窗下開簾逸興賒汝窻瓶色好閒插海棠花

丁文衡 錢塘人

仙靈寺訪慎五不值

古木清華湛流鶯促晚春海門寒欲雨水寺寂無人遠  
棹空齋憶畱詩秘篋珍 公訪僉上人不遇 踟躕君未返  
歸去一凝神 一律僕攜歸玩之

鄭鎬 子京嘉興人

長安旅感

長安遊轍奕棋多索米艱辛問若何蓬梗易畱唯酒債  
劍屨難斷最文魔守愚適足嗤迂腐悅世無如尚佞佗

客鬢星霜驚歲月陳編晷短恨蹉跎

乙未元旦賦得百年難遇歲朝春

百年難遇歲朝春暖占花風第一新  
艷思久消無可夢  
俠腸仍負尚餘嗔  
萍踪不定新遊展  
榻掃粗安舊日塵  
獻歲高軒多謝去  
焚香啜茗對詩人

謂吳子  
指史

吳亦堂

指史海鹽人

長安旅感

寒風透骨骨寒酸  
蕩子無家不耐寒  
重蠹詩書爲活計  
蟬聯車馬得頻看  
沿街打板新翻曲  
撲地揚鞭別樣歡  
京師土風此日阿儂無賴甚  
匆忙時撞五陵官

國朝詩的

卷之六 浙江

二

陳

麟 履仁海寧人

甲午重九晤宗夏于柳江帥幕出示雙松圖題咏

一冊屬補

泰山之巔有喬松  
數經劫灰猶未槁  
雙株移向黃山栽  
挺然風骨凌蒼蒼  
吳德門連理世爭看  
翠黛參天顏色好  
桑田滄海歲變更  
獨存一株長不老

馬

振 綠野錢塘人

贈黃宗夏

山水隔迢迢相逢在一朝  
聯吟秋夜月共駕木蘭桡  
意氣凌霄漢文情宕晚潮  
懸知他日晤詩酒許相邀

陳

羣 主敬棣邨嘉興人

中秋對月天津寓齋

清臆平分分外圓  
空堦獨立對嬋娟  
香凝鳳腦成千縷  
曲奏霓裳第二絃  
雲氣遠含銀漢水  
光寒裊露華鮮  
夜來儘有淒涼夢  
莫向瓊樓高處傳

重陽日雨李餘三侍御見招不赴賦謝

常時入座醉醇醪  
此日招尋折東勞  
舊植西齋移菡萏  
新香南貢賜蒲萄  
料無高士羞吹帽  
定有詩人得繡袍  
令節天公知護惜  
故應風雨灑城濠

吳汝翼

立三桐巢嘉興人

國朝詩的

卷之六

三

乙未四月送從弟可大歸浙

三年踏遍六街塵  
小陸才名已配荀  
芳草綠楊歸去路  
風光滿眼又重新

臨岐執手黯消魂  
伯也何堪滯國門  
約爾秋深黃葉候  
一燈風雨故鄉論

沈中震

雷臣烏程人

題錢夫人陳書畫鷹歌

披圖忽訝生長松  
立而望之如虬龍  
黑鷹兩兩立松上  
上枝下枝各相向  
一鷹張口整其翮  
欲飛不飛還佇立  
一鷹側目肅其羽  
若有所思思一擊  
此鷹來自東海隅



誰其畫者東海姝不画窗前綠鸚鵡不画山中斑鷓鴣  
画作千年老松樹更画蒼蒼好毛羽憶昨邊城霜葉落  
曾見此鷹入寥廓虎狼竟驚兔孤死何況山雞與山雀  
今日對此如神筆息太男子力不及令我拍案大叫絕  
夏荀慈 定夫歸安人

過門人劉貫九寓悵然有作

頻年不到此林泉草木清華更勝前  
薜荔延牆含宿雨蒲萄壓架蕩朝煙  
梁間舊燕辭巢去樹底新鷄出土鮮  
爲問同遊誰復在二難兄弟長齊肩

葛大升 九升海寧人

國朝詩的

卷之六 浙江

試茶

新汲昊天井旋烹顧渚茶  
袖遲在京邸風味宛山家  
石鼎龍頭縮餅筌蟹眼斜日長無個事  
七碗更思加酒徒何處覓茗戰頗相宜  
白雪甌中泛清風座上吹霏微  
流玉乳芳嫩展槍旗春色千山好  
今宵有夢知沈猷遠 辰徽范村秀水人

三過錢可大城南寓齋

風葉城南路芒鞋踏忘頻到門  
如爲竹居巷豈無人一水澹斜日  
雙橋喧要津夫君獨不見臨去重逡巡

鄭性 南谿慈谿人

夏日重過鄒山樵秋水閣

誰堪繫我客心牢秋水伊人寄托高  
一味吟詩甘共苦終朝飲酒痛還豪  
名流情興黃梅雨蕩子光陰綠野舫  
屋畔藤蘿滋蔓處勸君斬斷尚須刀

鄒錫昌 山樵秀水人

秋日病起同人招飲破愁山房卽事二首

蒲柳偏加日月長蘭枯玉折動人傷  
層受喘喘望俱稀俊才無繼天及  
洵教行樂須零碎且擺閒愁博健強  
聽雨幽肱辜短策披衣趺坐倦行觴  
衰情漸覺輸年少畢竟黃昏近夕陽

猛雨鳴簷勢轉豪晨曦那得弄今朝  
泥拖兩屐艱安步

國朝詩的

卷之六 浙江

五

風捲層沙阻戴桅先後未妨移酒約  
短長道意貯詩瓢王生美膳寧虛置  
好待同傾醉月宵

趙香營 餘村秀水人

庚申春暮送張木威之都門和韻

有客鳴鞭指上都喜逢驛使靜軍符  
一牀筆笛聲初戛三月鶯花路不蕪  
絲筆同人空自料春風滿眼豈須酤  
菱歌他日諧同調記取山中臥野夫

張驥 山子嘉興人

先君子鵲山少工樂府晚年授其學  
于姚子飯顙方謂廣陵之調可以不孤  
不意先子見背而慢

亭遂成絕響漫成四韻莫勝風木之悲云

斷壘零紉手澤荒孤兒風貌愧孫郎紅絲硯冷琉璃匣  
碧玉簫閒錦繡囊橫梨將軍誇漢魏簪花弟子競隋唐  
儂家舊占情偏雅三影工來本姓張

程隆基 培原錢塘人

機山 一名大陸山爲第六峯陸士衡生於此有平原都

黃耳千年去不歸青山猶自帶斜暉空餘村落傳前代  
並倚林巒敞舊扉雨過巖花疑白恰泥銜江燕認烏衣  
多情更有華亭鶴喚向平原未必違

崑山 二陸讀書處世稱崑山雙壁爲第九峯有酒洲大聖塔院中峯念佛道場

國朝詩的 卷之六 浙江

六

取歟翠峯號獨尊瓊田瑤圃傲西崑荒臺白雨溪聲駛  
古墓蒼烟日氣昏客過山橋沾翠影僧歸塔院隱雲根  
茫茫今古無窮思擊劍哀歌倒酒尊

程正度 儀山錢塘人

郊外雜感

羣木經霜後寒山轉翠時玄蟬無逸響蟋蟀斂餘悲  
風入江流駛雪歸月上遲淒涼吾道晚徙倚欲安之  
蕭瑟臨秋暮蒼涼坐野亭露沉江樹冷帆落越山青  
宿鳥頻翻月流螢莫混星可堪橫笛吹淒切近郊垌

曾安世 清蒼梅畹秀水人

瞿唐行 瞿石龍寶鼎石皆峽中險灘

黃牛峽晴巫雲罕漲痕隔宵石滿滿上流水生峽將封  
上瀨利風猶苦緩跳石幸過龍寶來鴻洞黑石驚奔雷  
瀉湍雪吼高數丈人力欲盡蒼天摧力窮日晚峽中泊  
欲暝又苦江雨作雨聲涓涓風生濤濕雲漸黑月已落  
篷窗對此愁無言旅人徹夜心煩冤有皇既患雨不止  
峽漲又恐翻高源沉憂展轉曉忽睡破浪聲喧擊寤寐  
白鹽赤甲相將迎夔門回首浮空翠新雲悠悠日影黃  
乘風容與非所望魚腹帆收驚既上灩澦之石已如象

空舸峽 亦曰通舸峽

國朝詩的 卷之六 浙江

七

雲根如鐵壁塗黃亦作枯藤恣廣長蒼樹倚天濃欲滴  
翠嵐承日遠浮光好峰巒客顏逾活怒水分犀角乍張  
十里空舸圖未得底收巫峽貯奚囊

臨卽七夕署樓雨望

山鬟低掠黛痕長沐雨如窺半面妝大有烟雲供水墨  
直教風物類瀟湘欹枝竹舞喧鳥鵲曲沼波澄待月光  
怊悵銀河經歲意小樓獨立自蒼茫

杜庭珠 怡谷采山秀水人

贈餘生和尚

數椽精舍倚山隅每向高陽喚酒徒花信逡巡三月後

雨絲零亂片帆孤不嫌白杜歸來晚却倚青筇手共扶  
破衲雲山成往事因緣猶記昔年無

春郊卽事

溪橋晴氣午初融一徑桑烟撲短篷鶯欲分原草綠  
蝶翎新染野桃紅粧成金翠窺雲幔幻盡魚龍似海宮  
臉際晚霞千里色幾絲香汗濕春風

久雨見新月有懷梅里諸君子

入郭青山出郭田一番新翠落窗前正當夏雨連綿後  
獨對寒檠漸瀝眠雲竇鳥過花有影松梢風定月初絃  
何人同作論文客却憶南塘舊酒船

國朝詩約

卷之六 浙江

八

黃百穀

釋登仁和人

題汪靜山比部黃山採藥圖

此翁風月襟復以冰雪濯當其採藥時意不在斧鋤應  
有無懷民心期共淳樸言逢山之阿一笑手已握試問  
採何爲是則等兎角

我聞千歲藥蟠根在空巖四序無榮枯常見花慘慘仙  
官所愛惜或命神物監陰風滿虎豹晴日眠麝麝至和  
物不迂磅礴揮長鏡

錢景昶

東陽月洲海鹽人

村居卽事

共處艱難地何情不可容團蔬從嫗摘土確許鄰春梅

畔尋何遜鷓鴣邊就戴顓微長忻有得淡盡世間濃

方池憐鱗鱗小羽慣雙雙香草迷芳徑狂花撲酒缸射

回常得兎客至不驚危每怪東風悄呼兒補紙窗

性拙合幽樞秋田趁濕犁愛甘食樹蔗疾惡痛鋤稗汀

畔看鷗浴花邊聽鳥啼晚來思小飲斗酒問山妻

東隣喧社鼓南陌集花茵柳放鵝黃嫩溪添島綠新芹

芽挑碧澗韭葉剪初春蔬食聊堪樂何須問海珍

蚊睫容高臥鷓鴣枝寄一椽卑身隨燕雀偷眼避鷹鷂凍

葉供茶竈春膏潤豆田年來筋力悴頻想北窓眠

國朝詩約

卷之六 浙江

九

禮法奈余何疎狂樂事多地寬無禁忌水窄少風波病

起花怡性愁來酒養和庭軒幽且潔只許野禽過

單廷言

聲山南鄉嘉興人

村居

曲逕滿蒿萊有門常不開攜竿尋急水和雨摘青梅雀

裏雲衣下僧分藥種來苦吟頭已白節候莫相催

王德普

長民竹史山陰人

梅

繞屋真堪喜林成三百株年多偏倔強花盛總清孤片

月水甕靜寒窗香夢迂誰家吹玉笛春恨起林逋

深村

不覺塵俱淨從教興自賒樹惟遮水面雲復護人家黃  
犬吠晴日幽禽叫落花植栖何所事直欲老桑麻

譚吉璉 舟石嘉興人

榆林禱詩四首

上將頻煩出何人是衛青恨無椎晉策空自哭秦庭羽  
檄傳雲朔官軍駐渭涇幾時三奏捷盼殺老城廳  
緩米真成棄河魚未得全履鋒無謝琰漏刃得黃權烈  
女悲斑竹冤冤赴紫烟蕭蕭愧忽水流恨過西川  
赤丸方滿眼金甲且防身孫武驛宮女淮陰用市人死  
國朝詩印 卷之六 浙江 一

東西井

深宮井底恨難消何意芳魂又下招紅泪滴殘泉脉脉  
露桃開後草蕭蕭夜深偏愛攜金枕風裏時聞倚玉簫  
記得生前寒食節長春門外紙錢燒

九龍池

九派龍池葑草平會臨帳殿展皇情屏開錦繡輕雲母  
波映蛟螭儼水晶翠袖還將珠箔捲紅樓時下玉階迎

只今龍去無消息悵望秋風臥石鯨

神木禱詩

師行六月賦羹羹競唱饒歌舞白題羽扇乍過園水白  
軍書早到定邊西

鳴鏑新羈縱復橫番旗亂插漢家營射鵬射殺防邊將  
不敢當前問姓名

連營吹角襍金笳千騎盤盤錦繡遮山後山前都一望  
旋開瓊館賜酥茶

金鑣玉勒馬翩翩王子風流最少年耳上鳴璫衣上錦  
琵琶一曲一回憐

國朝詩印 卷之六 浙江 二

柳弓葦箭盡投誠解甲都將白紙呈盡說降時多富貴  
讓他先去報頭名

紅白旗開似畫屏城南城北盡龍庭蘭臺令史從客在  
可許山頭勒石銘

徐天秩 安序西勝秀水人

暮春禱感

膩白嫣紅各自繁春光都入上林園一枝獨背東風立  
細雨空江最斷魂

誰言荷弱不勝梁一簇水絲萬縷長不道秋來心最苦  
西風吹破綠羅裳

江上秋田菽粟庾一生飲啄計全非霜毛玉羽都零落  
傳說山雞畫錦衣

湘箔輕明蕩碧流書欄十二冷於秋花間燕子無相識  
二月東風不上鉤

諸錦襄七秀水人

思賢五首

雲霧江天見典型關中寂寞抱殘經後生爭說衣冠偉  
誰識番番老伏生易亭楊夫子

易象春秋韻學深小毛公外罕知音鹿材不解吳材老  
妾下雌黃幾古今西河毛先生

國朝詩約卷之六 浙江

三

地脉紛紛析異同九皇六十四民中紫陽別有功名在  
天際還應拜下風百詩閣先生

海內文章祖鄭箋臨池亦復逮唐賢一官莫狎蕭夫子  
若道重逢五百年美門何先生

未墜風流國老能筌蹄都棄見華星人間煙火無些子  
坐對齋房芝九莖西隱徐先生

陳廷焯昭遠宜亭秀水人

過穀城山懷古同錢貽孫先生賦

驅車過濟北盡日走沙磧青嶂互迴合窈窕徑路僻層  
巒望石臺仙踪繙往昔子房功成後徘徊此山脊蕭條

雲鶴空石上拜虛碧真意了可悟相印遂輕擲身期赤  
松遊烟島終同籍或云隱君子避世此問宅書傳名欲  
晦聊假於黃石乃識至人心道不爲物役韓彭惜未遇  
終自遭誅磔嗟哉漢祚移時代已久隔落日照荒林澤  
雲停翠壁平蕪夕鳥沒猶想仙履迹

東平道中

石亂疑鳧起雲低作獸形暗泉流汨汨小雨落星星煙  
柳藏山寺風旗曳酒亭客途憐短髮不及麥鬢青

豆棚

支竹虛簷散交藤翠葉紛暗侵籬角樹濃掩屋頭雲曲

國朝詩約卷之六 浙江

五

蔓高低覆繁花紫白羣最宜野客坐側帽對秋漬

送春日飲烟雨樓

小榭湖南載酒遊韶光何計可勾留無山遮斷春歸路  
落日低徊客倚樓醉面半消風獵獵虛簷時動水悠悠  
停舟便擬堤邊宿明日鶯花也自愁

甲午初夏出都之建平留別諸同年暨同里親友

山城逕僻數南碕慵拙今看與地宜雙谷泉分紅委宛  
九華雲近碧參差一從經度書成簿便恐朋疎更作師  
惟有松亭涼月夢夜來京洛喜相隨

冀汝賓少白山陰人

龍山越望亭

臥龍亭上縱奇觀碧落澄清眼界寬  
八百西園霜鏡曉萬家烟火曙光寒  
雲拖香篆晴猶濕山挽螺青色未乾  
何處驚濤來座右四圍松影綠成團

西湖禱詠

烏桕烏鴉亂晚天小船橫泊寺門前  
屋角藤梢烟一縷山人正煮白沙泉

松枝拖地石根青汨汨泉聲枝底聽  
滿路白雲僧踏破杖頭挑得一函經

顧恬

巢民秀水人

國朝詩的

卷之六 浙江

西

村居漫興

茅簷不剪任參差猶勝巢居穴處時  
雅淡畫圖何足傲風流家業但存癡  
霜瓜帶葉懸牆角山豆牽藤上竹籬  
自掩荆扉畱好友碧松根上坐團茶

春日偶過紅雨亭小飲

花前把酒共盤桓須盡東山此日歡  
盆樹影移三徑晚金魚鬚占一泓寒  
爐名宜德燒鷄舌硯出端溪勝馬肝  
醉已如泥還未去斜陽猶在竹欄杆

田父

一生南畝復西疇幾日偷閑醉市樓  
曝日也知念天子

逢年足以傲王侯牛羊飽戀芳坡晚  
鳥雀低飛稻隴秋莫道荷鋤唯一事  
柳陰還鎖釣魚舟

柳絮

濛濛漠漠不勝春牽惹幽情過水濱  
滯雨飄零渾似客因風撩亂好愁人  
曾猜謝女窗前雪又逐章臺走馬塵  
更有離亭最無賴年年和淚共沾巾

病

門對寒塘烟樹深硯田病去廢耕耘  
貧居那得仙翁藥何日重吟嶺上雲  
窓下嬾成嵇叔夜鏡中瘦及沈休文  
寂寥何事堪消遣幽鳥數聲敲枕聞

國朝詩的

卷之六 浙江

五

雪

集霰跳珠預作媒又吹六出暗空來  
溪橋已擁難沽酒展齒時粘滯探梅  
亂洒曾凌蘇武節輕飄欲試謝家才  
千林頃刻花如發不似隋宮費剪裁

雪霽

砌下牆根積漸深重雪欲散更成陰  
兒童到處敲冰飭待向塔前賣玉簪

風定雲收日又催砌邊青漸露萼苔  
循簷試探梅花信東閣南枝開未開

公子

春朝挾彈上貂鞍多少行人駐足看休苦飢寒相逐去  
而今公子是泥丸

錢瑞徵 野雀翁公海鹽人

信安錄別十首之二

手栽花木四時春甲析俄看丈更伸事一無成空至老  
樹猶如此況於人悟因芻狗占時變狎到沙鷗識我真  
五斗折腰堪一笑故園松菊服重新

來何曾喜去何愁祖道紛紛好事不只當看山聊賃屋  
却同泛宅又移舟飽經波浪添般鑒圖就烟霞儘臥遊  
四世書聲問和答不妨迭唱迭爲酬

國朝詩的 卷之六 浙江

六

吳山 東山會稽人

同恪齋侯宗夏陟三柱笏堂守歲用杜韻

章門何處家把酒醉梅花歸夢尋飛蝶投林感暮鴉錦  
堂催景短絳蠟受風斜明歲韶光好吾生定有涯

毛奇齡 大可蕭山人  
再見

古薊門行

少年結束從邊遊腰懸寶帶金吳鉤新隨璽弩出懷衛  
躍馬欲行雙泪流青天銀鶻渡榆水昨日羽書來薊丘  
烽煙四起塞垣動朔風一夜開城秋燕兵索戰破紫嶺  
溪將近前踰白溝此去定追朱鬣馬臨行不換黑貂裘

但隨彊弩後何日大刀頭

答贈湯右曾長句

嵯峨閭閻平旦開馬蹄撲撲飛黃埃湯生年少好容髮  
與之相遇長安街雙瞳炯炯負意氣手挾干將甫磨礪  
鉅器知爲王儉才請纓未遂終軍志他鄉各恨相見遲  
贈子長句如哀絲酒徒慷慨和未已令我聽之心骨悲  
從來知己老彌寡擊鐘無聲且擊瓦感君任俠過季心  
空道文章似司馬宜秋門前霜葉黃解衣但醉當壚傍  
吳姬十五正年少新滴玉槽蘭木香

閉門行

國朝詩的 卷之六 浙江

七

湖南風生湖北涼買酒湖北吹酒香湖中女兒渡湖去  
船頭雙載黃竹箱前湖荷花蔽湖路誰唱蓮舟買荷度  
紅船看入荷葉中欲採荷花恨遲暮明朝伏日須閉門  
莫行荷路傷荷根

登太白酒樓

太白何如者夷然醉此樓千秋狂客去吾亦此中游碧  
柳當軒合青天入濟流金魚誰作佩來往往任悠悠

磨盤嶺

早隊驅長礮前行俯峻鞍纓槍移樹小鈴鐸隔坡寒雨  
隙分鴉路天低上蟻盤王陽時在險汨落不能乾

貴俊 鵲峰蒼南人

和沈侍御元夕獨酌韻

月明無伴夜蕭蕭對影成三舉酒杓入詠新聲畱絕唱  
一年好景在今宵清光欲下瑤臺鶴戩鬼應生碧海潮  
此意俗人傳不得只知按拍聽紅么

席散歸途仍用前韻

錦筵人散馬蕭蕭一路燈光燦斗杓百隊魚龍騰紫陌  
千家烟火闌清宵香遺翠珥釵頭鳳雪湧金波月裏潮  
夜半歸來重對酒依稀猶聽小紅么

夏夜過桃花嶺

國朝詩印 卷之六 浙江

丈

行遍巉巖十幾盤桃花嶺向月中看峰頭翠洗千山淨  
洞口風來六月寒謾說秦關天設險何論蜀道古稱難  
披襟更上層巔望海宇微茫一彈丸

陳元禮 儀三海鹽人

立夏後三日同王渥蒼張葭士沈莘埜過天壇道

觀看牡丹適江寧張偉玉攜尊小飲

塵境誰言洞府遙小亭坐愛竹風飄簾開曲院通花徑  
檻逼危峰礙石橋四壁琴書娛永晝百年松檜長新條  
登樓極目雲天渺似有瀛仙隔浦招

飛花和葭士韻

可惜闌珊紅滿枝也隨飛絮逐遊絲雕梁忙殺尋泥燕  
蹴取殘香過酒卮

高孝本 大立嘉興人

蓬萊閣

乘興應須看沃焦秦皇惜未石成橋身經銀漢槎初泛  
眼見桑田水乍消郭璞經中山渺渺木華賦裏路迢迢  
雷轟不是馮夷鼓天際青來一線潮

萊州東海廟

龍從碧殿映朝曦百谷朝宗望秩尊斗大一亭堪坐嘯  
鏡平萬里欲橫吞柏通靈怪枝偏動碑蝕龍蛇字易昏

國朝詩印 卷之六 浙江

元

門外層層蒼翠在幸臺漢篆可猶存

鮑山 叔牙所居于此  
白雪樓在此

叔牙去後二千春白雪樓開跡又陳寂寞冷烟衰草裏  
他年卜築復何人

郟城

園桑溪柳意欣欣春到郟城已十分村畔杏花都落盡

桃花萬樹卷紅雲

朱陶堂 負焉錢塘人

練江舟行

望望疑無路行行別有天水循山隕轉舟傍石根旋兩



岸紛黃葉千家起暮烟風帆能遠引咫尺會仙源

馬山卽事 在淳安

翠壁倚天峯列髻赤泉吹浪嶺生紋春耕犁潤花間雨  
夜嘯聲流閣外雲修竹風清來爽氣茂陵烟暖護餘燠  
飛觴醉卧槐潭月鐘老山庵曉自聞

錢 庚 懷白歸安人

潞河憶舊

昔年曾過此今日復重遊古道猶無恙寒林別有秋山  
河連易水城郭壯皇州不盡登臨意懷人思更悠

弁山黃龍洞

國朝詩的 卷之六 浙江

壬

涼風吹我上層巔呼吸能通帝座前萬頃湖光開寶鑑  
一林松籟奏鈞天扁舟人去朝雲散古洞龍飛暮雨綿  
石上題名半湮滅僅從金井識靈泉

程繼明 仲友烏程人

尋孫太初先生掛瓢堂

訪隱深山裏天然一鏡開古松依石立健鶴拂雲回地  
僻餘紅藥堂空長綠苔掛瓢人已往惟見野僧來

村莊

一帶垂楊樹村居四五家呼僮剪春韭放犢飲溪窪雨  
過蛛絲掛風來釣艇斜自嗟空碌碌直欲老桑麻

潘 璉 宗義慈湖山人

望九子峰

峭壁雲封瀉百川撥幽轉入興悠然松篁夾道橫青霏  
殿閣凌虛倚碧天片偈誦餘花是雨萬緣空盡舌生蓮  
此來九子登臨遍詞賦千秋媿謫仙

晤丁蓮若蕪關樵署並寄杏邨

花飛南國惜芳辰杜宇啼殘又送春湖海欣逢蓮幕客  
風流忽憶杏村人綠楊烟暖鶯聲碎畫棟泥香燕語頻  
官閑論文對尊酒與君道合雅相親

湯姚璜 舜陶南湖人

國朝詩的 卷之六 浙江

壬

中秋

半秋忽忽笑勞生愛此幽棲足放情不斷屐來喧竹冷  
未停鉢響聞詩清庭飄香粟花連幄門漾酒虛水一泓  
如許佳辰須盡醉肯教辜負玉輪明

楊 揆 文臣當湖人

九日築也足山居看芋村紅葉分韻

枕書厭聽說登高門外青峯繞夢勞紅樹忽催村裏展  
錦波新刺柳邊篙何妨得句重奈杜豈必簪花定擬陶  
此日昔賢猶着意滿天霜氣正蕭騷

也足軒名

楊廷鎮 兩山岷嶺紹興人

夏日同陳鶴山鄭若干偶集紅橋觀荷分得紅字  
旗亭臨曲沼荷氣赴池風人俯溪邊綠橋懸柳外紅清  
樽移謝墅山雨暗隋宮良會追河朔狂歌醉碧筒

朱 綵 以陶海鹽人

秋雨晚晴獨步至龍山觀祝比部公墓

松風滿壑氣森涼獨往尋幽興自長林鼠食殘秋橡實  
山鷄啼近古莓牆行窮曲磴嵐猶翠坐覺晴峰色轉蒼  
一片遺碑墓未竟數聲牧笛下斜陽

徐豫貞 德宜逃菴海鹽人

國朝詩苑 卷之六 浙江

夢步西湖堤上

湖冷霜空點次滲重來疑到第三橋蒼藤曳履山隨步  
古寺啣鐘月上潮烟外野篙收荇藻水邊寒鷺洗笙簫  
年來解作雲泉夢一夜千峰枕上遙

高士奇 再見 錢塘人

以龍井新茶餽宋漫堂中丞索同邵子湘賦之以

詩用韻奉荅

兩中石花長雲寶春牛明月生松巖 國史補石花浮鯊  
明月皆茶名  
不入將軍腹潔色長得詩人炊吳中開府季卿匹清事  
每許常陸兼 蘇林常伯熊因陸羽著茶論李季卿宜義  
慰江南召伯熊又有薦羽者兼召之

與秋片六安並開籠老翠浮晴簷西湖佳種數龍井火

前鴨嘴如排籤野夫摘香手自焙剪絹穿篋親包緘青  
猿急遣致鈴閣花陰畫靜蝦鬚簾石銚火活湯鼓浪竹  
廊風定烟凝嵐非獨雪煩且破睡嘔酸滯冷何勞砭  
詩神茶無賴空有名  
性滯偏工嘔酸冷 座間嘉客我未與案頭險韻公先  
探解人自謂獨知味君子由來不信讒 中丞詩云中郎  
何事相譏謔袁  
中郎言龍井品題堪破毀茶論音節如歌疎勒鹽何時  
茶時作神氣  
紫甌得共坐紅蓮幕下携蒼髯 謂子  
名搜文字五千卷  
玉川詩云三桮搜括  
腸惟有文字五千卷 滄浪亭際資清譚

新秋

國朝詩苑 卷之六 浙江

委巷高秋至新涼向晚歸蟾蜍光未缺蟋蟀語還微遠  
笛悲爲客隣砧促授衣坐來銀燭暗清露濕簾幃

宿退谷

日落潺湲響亂泉空堂高瞰綠蘿烟林間影靜樵初散  
竹外聲喧鳥自還一醉風前思枕簟十年客裏對山川  
夜凉天際生新月獨向虛窓照客眠

秋懷

垂虹千尺鎖洪波曾記盧溝匹馬過鹿澤荒烟迷石室  
鄭亭寒露泣銅駝北趨城闕風雲壯南去家園道路多  
燕趙古稱游侠地只今何處弔荆軻

登五華閣

晴日高侵薜荔牆孤岑古寺半荒涼到來山果逢初熟  
坐久巖花覺暗香遠眺宜人千樹曉平臨濯足一溪長  
披襟還訂秋深約引領天風入醉鄉

姜宸英 西溪慈谿人

卽事

開歲任閒放外事寂不聞日從爐頭飲有隙便訪君君  
才定何如太古秀而文顧當用武時哆口談淵雲牀前  
羅旌花江梅特芳芬玉質帶憔悴亦似傷離羣漢皇張  
捷伐揮劍六台分輪邊褒卽式請纓譚終軍將軍毳帳  
國朝詩的 卷之六 浙江 雷  
中彈箏夜微醺雪風捲牙旌戰氣騰氛氲人懷封侯志  
今我復何云陶然三壽酒醉書羊欣裙是中餘樂地何  
須燕山勲酒醒記此詩詩成日西曛

徐編修筵上觀洗象行

長安六月三伏始主人門對玉河水玉河流水聲潺潺  
卷簾香起風日閒是日都城觀洗象立馬萬蹄車千兩  
曼延蹴踘羅旂傍吹角鳴鉦沸川上滿堂賓客何從容  
局棋未了尊不空日隅報道象奴出 至尊朝罷明光  
宮魁形詭貌三十六一一騎就深潭浴雲起乍疑龍蛇  
蜿蜒迴更與人翻覆須臾小吏前推排帳底官起群象

同就中一象行踰躅齒毛脫落顏催頽長者謂余豈解  
事此物經今不知歲聞說前朝萬曆初貢車遠自扶南  
至中更四帝時太平一朝闕騎走神京忍死不食三升  
料每到早朝淚縱橫淪桑變換事倏忽勉強逐隊保殘  
生君看垂老意態殊衆中卽得知其情茫茫舊事且莫  
說會須飲盡杯中物

表忠寺松

不識表忠寺但看寺中松垂枝碧瓦外分影綠庭中  
庭靜漠漠松子向人落餌松吸清泉乘月下林薄

吳門留別鄧元昭翰林

國朝詩的 卷之六 浙江 雷  
夜雨聲中讀楚詞正逢搖落雁飛遲賦心欲問長卿壁  
古道重尋短簿祠江上芙蓉應有信山中桂樹豈無枝  
只愁攀折心難喻回首西風繫所思

汪志道 學先公松杭州人

送健菴夫子還朝

蜀纈袍明錦纔鮮登仙遙望木蘭船鸞臺草制推才子  
麟閣垂名重大賢師友桃花千尺水弟兄藜火九重天  
揚雲亭下侯巴在翹首青霄倍黯然

勞之辨 書升石門人

吳江

吳江楓落候處處好烟波傍水腴田密臨橋野寺多鱸  
魚寒結網笠澤晚披蓑開府清於玉連年政不苛

秋柳

猶是靈和舊日枝不堪搖落對涼颼香閨殘夢無鶯語  
玉笛新愁有雁知葉葉已隨春色去絲絲懶向露華滋  
風流張緒前身是還與東皇訂後期

吳統持 巨手秀水人

贈大西洋湯公若望

旅宦京華三十年西來拳髻已蕭然鄉心不入寰中夢  
國寶猶通島外船漫刺禰生偏好事吞針羅什獨談玄

國朝詩的 卷之六

浙江

美

委蛇自謂傳天學閱盡滄桑也可憐

陸寅 冠周錢塘人

秋日河渚述懷

矯矯雲中鶴眇彼淩霄姿一朝銕羽翮人乃玩弄之耳  
目既久習謂此有何奇鳳鳥杳不至麟傷亦沾衣養鶴  
令飛去鵲鵲安可追

寒蟬既絕響蟋蟀乃無聲感此節序改何用陶余情放  
艇入四野極目萬慮生鬱鬱蒲柳姿望秋乃先零寸陰  
古所戒徒令心自驚

東鄰女兒行

東鄰女兒顏如花三五二八無夫家宛轉啼鶯好春色  
珠簾欲捲曉無力綺窓乍起燕聲飛繡戶斜臨月光側

朱唇皓齒芙蓉面秋水明眸掩羅扇黛色天邊畫不成

蓮花地上開應偏雲綃霧縠下庭除蟬鬢飛來翼乍舒

繫將羅帶風吹動束得纖腰柳不如盈盈獨過花枝下

人面花光兩相射細步迴看蹴鞠場香風亂撲鞦韆架

清歌妙舞嬌無數瑤笙篴管空中度秦地重關百二城

能得雙睛幾迴顧朱樓寂寞怨芳時桃李芳菲蝶滿枝

繡出文魚能比目拋來紅豆是相思花枝搖蕩春風裏

無情亦解銷魂死綠綺輕彈別有神臨印從此身相倚

國朝詩的 卷之六

浙江

圭

步障重重金作屋寡鶴單鳬笑孤獨潘氏輕呼作玉

兒石家許誇金谷夜闌寶篆餘烟颺明滅蘭膏漸鷄唱

柔腸彷彿八蠶綿雲氣氤氲九華帳一朝相贈白頭吟

長門賦成生異心携來團扇羞明月採得蘼蕪望葉碁

莫道新人工織素總爲君心不憐故寒鴉枯樹短長亭

蒼茫記得來時路西陵老女厭繁華庭戶無聲掃落花

亦知薄命惜春去不向江頭學浣沙

王泰徵 文開甬上人

灌門望海

百谷長東注南溟望獨尊氣能蒸日月勢欲混乾坤幸

藉狂瀾柱交扇薄海門澄清曾有志舟楫竟安存

楊賓可師山陰人

荳州蛺蝶圖

叢竹無端綠幽花特地妍飛來雙蛺蝶相對意悠然

秋山行李圖

老樹葉先雨浮嵐翠欲流西風驢背客吟斷野橋秋

黃葵祠

仙掌薛金衣朝陽風露晞可憐蜂與蝶祇解弄春暉

太白酒樓圖

蕭灑稽山道風流賀季真相思不相見愁殺謫仙人

國朝詩的大卷之六

浙江

天

查昇寧山漢中寧寧人

天台道上

時遇方邨

海門山逐大江隈玉闕瓊樓次第開山氣橫空當面起

江聲一線逼雲來清秋風雨生蘆荻千古英雄出草萊

福地豈知行客到沈吟我欲賦天台

尹侍讀以閩蘭見惠賦此誌謝

梅霖初霽展幽懷最喜名花到小齋折取一枝香未散

分來九畹種尤佳露痕細裊青衫淚雲影斜侵綠玉斂

紉佩芳馨消永晝竟忘客思在天涯


胡兆龍予袁宛委山陰人

過內閣登遼后妝樓觀新建白塔

春水初融太液池芙蓉紫苑漾流澌林烟翠幌疑簪黛  
花露金溝學口脂異代青霄多寶漏歸魂白月散香遲  
恩深待放三千女不唱同心別院詞

謁景泰帝陵

空山高塚半紅牆松栝蕭條對夕陽寢園不似諸陵肅  
天順年間葬景皇



國朝詩的目錄浙江

卷之七

錢爾復 三首 錢鏐 一首 錢樟 五首

許欽堯 二首 金鉉度 一首 盧光許 二首

趙忠春 一首 趙衍 一首 李鳳鄒 五首

金懋乘 二首 趙正鏞 一首 韋德浩 一首

趙雲蟠 一首 楊崑 三首 徐嶼 二首

司馬斌 二首 鄭梁 二首 屠廷楫 一首

吳人寶 二首 張日近 一首 朱丕戴 五首

王蘭谷 三首 汪為熹 二首 徐國章 二首

國朝詩的目錄浙江

陸榮 一首 錢建松 一首 俞錫齡 一首

倪洽情 一首 馮王琰 二首 婁賦會 一首

楊廷璧 二首 沈函 三首 高攀桂 一首

何弘仁 二首 汪森 四首 汪紹焯 二首

沈育 二首 洪昇 二首 汪志仁 一首

陸圻 二首 曹鑑平 二首 柯崇樸 二首

魏學渠 二首 汪錫孫 二首 孫在豐 十一首

潘尚仁 十四首 尹延英 二首 鄭元慶 一首

國朝詩的卷之七

長沙陶 煊奉長選

同里張 琛豈石同輯

浙江

錢爾復 仍始自齊海鹽人

與昭度弟談近事有感

已見花苗簇簇齊竹萌猶恨未抽泥逢時伎倆原非慣

自辨鬚眉豈有低狂促老兵爲坐客間呼法喜是山妻

此生何物堪畱戀惟有詩箋到卽題

述懷六首之二

國朝詩的目錄浙江

勞生碌碌是耶非五柳中間一釣磯過眼侯王俱是夢

傷人魚鳥得相依貧驅兒輩皆遊學老讓吾儕獨見幾

聞說近郊多虎患閉門原不蹈危機

偶然假寐得蓬蓬老作人間一蠹魚設在仙家難禁酒

倘經仕宦早懸車率情嬾擬雙鈞帖遣倦時看夾註書

莫道世途榮卓鄭茂陵終自愛相如

錢標 公卓警庵海鹽人

豆棚

引繩兼架竹商畧只蒼頭陰接簷添屋藤穿樹作樓未

秋思小摘避雨暫勾畱野酌饒風味難爲肉食謀

錢樟尋千魚山海鹽人

泛舟碧浪湖至青山看四十里紅葉用霜葉紅於二月花句爲韻選二

膠膠鷄始動解纜沂迴塘澄波釀寒綠浦激凝微霜人家漸啟扉旭日昇扶桑物態各變化菁莪翳蒼茫苔山雖慣覲茲遊何能忘

晴林圖畫張好景來稠疊高低露皴染左右勞應接軟沙臥鳥雛柔渚漾魚妾山梁水淙淙巖樹風颯颯入眼光陸離聯綿對紅葉

歸來三日雨窓漫興兼東廉江叔

歸來三日雨窓漫興兼東廉江叔

二

百日栖苔病不勝歸來暫爾興飛騰黃雲被隴將收麥碧水當門已種菱戀樹鶯兒聲漸老採花蜂子戶新增閒中聽雨多吟趣唱和應知叔自能

久雨乍晴諸君入山祝轉庵上人五十臘子不及偕往賦此

藕生竭角几生苔抱悶襟懷一旦開辭雨花如沉疾愈射窗日似故人來青山不老維摩算白社難禁元亮盃風浪打船行未得春浮樹底定徘徊是日風曉狂春浮樹佛地所生也

湖上有感作

無限秋光入窅茫西冷往事已全荒收荷衰柳今風物

剩水殘山古戰場三竺漸看遊騎少兩峯遙聽晚鐘長只餘父老鷄豚會歲歲香燈賽鄂王

許欽堯君典東陽人

山居咏懷

閉戶稀行跡園居長綠蘿種花偏窈窕疊石自嵯峨地僻琴書靜人閒鳥雀過庭前微雨後香度一溪荷

春暮湖亭

臨湖偶結小浮槎四面湖光入望賒竹裏小橋通酒肆水邊垂柳隔漁家春來野鳥啼深樹雨過溪流泛落花丘壑閒情猶不減且隨農圃寄生涯

全鉉度許若東陽人

紀築

閒杖城西路春風卜築初一椽邀水濶三徑帶烟鋤種石雲根靜栽梅月影疎清幽堪嘯詠誰擬草玄廬

盧光許蓋臣東陽人

登南山

喬木催爲薪野芳結成子夏驥逐驚駘韞玉迷都市可憐天地心萬物類如此病餘無塵襪置身清淨裏策杖南山陞數峰隨止止渺然臥天雲萬象任所指孤洲空翠閒落花紛如雨願言托敝屣掩關終沒齒

征馬

日來驅瘦骨霜雪遍天涯斟酌酬知己艱難報國家風  
吹關塞遠草斷夕陽斜獨此承恩去過過莫怨嗟

趙忠春 著卿東陽人

澈城登趙相國龍章閣遠眺蘭江

高閣無人夕照空閒園深草徑微通顏垣過雨苔將沒  
古壁畱詩字已蒙簷索斜懸倉瓦鐵窗環荒鎖暮屏銅  
簾前粉堞高低時檻下炊烟遠近同岸柳自搖鷗夢綠  
江花猶點鷓汀紅山光竟日清無屬竹鵲移時半未  
鳥影參差歸極浦雲痕縹緲信輕風遙看千頃平如掌

趙忠春 著卿東陽人

幾片漁帆落鏡中

趙衍 心遠東陽人

襟感

日歸席未安羣嘯勢已逼妖鼓當晝鳴嚴城磨剝蝕白  
日爲昏翳翔禽無止翼時當困踣餘寄身寒荆棘九坂  
異屢憩三時乃一食明發畏豺虎途窮憶帝力誰能砥  
狂波回首還太息

李鳳雛 紫翔東陽人

送張南溟少宰假歸還葬

青門欲曙城烏飛驪駒錦幃臨路岐山公啟事 天子

如何使賦歸田詩紅日自傾葵藿向秋風匪爲尊鱸思

自言臣少失怙恃子立特荷王父慈報劉生痛李令伯

誓墓沒咸王義之蹉跎宦遊三十載雨露恩受高天施

故山丘隴沒荒草側身南望空漣沔水亦有源木有本

烏鳥未敢鳴其私唐虞聖德邁千古孝治天下逢熙時

臣拜稽首昧死言詔許乘傳還茅茨歸莫松楸營馬鬣

出辭鴛鴦違龍輝賢哉大夫仁且孝泣數行下人嗟咨

不將至性易圭組豈待榮進登衮司東門流連疏傳悵

瀧岡宰擇歐公碑京口片帆夕陽挂歸裝兩袖春風吹

應知一日陳情表長作陶潛歸去辭

吳門謁彭訪濂先生卽席十首之一

寄邑中同學

瀟灑談經宅江天秋正高雁羣飄篆字蟲響續離騷酒  
券無須貰文通未得逃坐來清興發賭墅命吾曹

軟紅十丈滯輕埃

宣武門前日幾回擊筑頻從游俠飲  
騎驢時避熱官來身飄蘄北同霜葉春到江南憶隴梅  
一出自慚成小草諸君好鬱豫章材

謁萊陽二姜先生祠

虎丘祠下拜英靈讀罷殘碑淚滿纓九死雷霆餘白骨  
孤忠神鬼泣丹誠誰言吳地雙屬客自署宣州一老兵



回首敬亭埋血處千年化碧草叢生

投許時庵太史

使星昔度錦官城城外秋江濯錦明見說西川名下士  
一時都入汝南評

金懸乘 星浮東陽人

新秋

雨霽殘虹外涼生夕照中竹窗斜受月蓮沼靜涵風花  
氣侵衣薄蟬聲逼暮空翛然江上望此意竟誰同

題蟠谷菴

曲曲薊蕘徑山門薜荔懸淺溪吞落日孤嶼愛朝烟竹

蘭亭詩 卷之七 浙江

密聞啼鳥桐陰漏小天相逢僧話舊殘碣永和年

金山第一泉

獨上孤峰最上巔虛亭當暑靜生烟山僧評入中冷水  
天下名高極品泉夜汲銅瓶波蕩漾晨烹紫筍興踰躑  
何時得遂浮家願明月江心一枕眠

趙正鏞 鳴仲東陽人

步韻弼王虎文九日見寄

霜落寒皋木葉斑倦遊歸思各清閒技推名士兼三絕  
詞爲文人鍊九還點帽雨花星鬢外吹蓬風色酒盃閒  
晚秋溪上堪乘興一舸攜君綠玉灣

韋德浩 浩然東陽人

春社

轟雷纔發祀勾龍榆里家家宴結宗風俗半沿荆楚記  
川原猶是漢唐封人遺社肉歸鄉老鼓賽春田傍澤農  
還憶鵲鴝迎候至郊媒紅遍鳳鞋踪

趙雲蟠 巖夫東陽人

九日秣陵舟中

秣陵逢九日盃酒強爲歡客久裘將敝秋深楓自丹扁  
舟千里隔蓑雨一江寒兄弟登高處茱萸不耐看

楊崑 近仁海鹽人

蘭亭詩 卷之七 浙江

九黃門

萬浪浮天白雙崖東海青騰雲噓蜃氣驟雨逼龍腥石  
脚危成塹金堤斷作屏 鹽邑石塘自山北起以南賴此山爲屏障篙師驚險  
惡不敢近揚舲

觀潮

一望滄溟萬里寬青螺歷歷釘銀盤寰中已到垂窮處  
天下應無此大觀氣合蜃樓當午現風高鯨浪入秋寒  
他年終作任公釣聊寄雄心百尺竿

小桃園

重岡疊嶺蟲哈呀路遶雲根曲曲斜一水遙從諸澗落

孤村全受亂峰遮桑麻按界羣分闢犬隨呼各認家  
畱得桃園名甚好卜隣或可老烟霞

徐嶼 與舟蘭苑人

江行書興

何幸新晴晚照開坐餘明秀可徘徊崔嵬怪石山根起  
散亂飛雲岩半來高崑盤紆思買地深波澹蕩想浮杯  
舟人漫自揚帆去遙指前頭是釣臺

斷雲零岫旭停峰臥起篷窗過曉風草濕露濃連袂綠  
天寒霞落映江紅山頭樵徑依微際樹杪人烟縹緲中  
最是客途堪愛者幾林蘆葉幾征鴻

蘭亭詩

卷之七

浙江

司馬斌 梅雲錢塘人

飲塔山小閣

豫作登高興山樓趣轉加江城銜落日秋水入明霞香  
摘孩兒菊泉烹仙掌茶西風催晚節醉裏聽鳴笳

秋晚過雲泉寺

路入雲泉秋色闌西風搖落桂香殘懸巖瀑濺晴窗雨  
夾道松陰日午寒老衲安禪心寂靜塔除適意鳥盤桓  
丹楓翠岫天然画強自登臨洗眼看

鄭梁 禹梅寒村慈谿人

十月九日獨坐蓮花菴施長六高霖公彭上虎顏

學山亦至同赴建安師席

自憐偷得好風光何幸朋來聚此堂藤葉經霜多變紫  
草花過雨尚舒黃從容影度三磚日倏忽烟消一炷香  
同往師門應痛飲明朝又各爲官忙

作五柳圖自題

如此湖天亦甚佳底無人有一浮家夕陽衰柳淒清味

論與歸飛兩兩鴉

屠廷樺 爾濟東家嘉興人

同諸友泛篇湖過龍淵還飲南雅堂

西郊曠曠惜春徂吳榜招招待一呼金碧插雲三雁塔

蘭亭詩

卷之七

浙江

九

琉璃夾鏡雨驚湖喜無俗物侵佳賞但寄閒身入画圖  
歸去山齋歌有興不煩花裏問黃壚

吳人寶 若仁順翁嘉興人

秋夜集山樵齋中

門柳蕭疎後寒鴉噪晚春水烟迷薜荔秋色冷芙蓉地  
接東籬近尊浮北海濃挑燈話長夜消得幾聲鐘

漁樵原我志觴詠見君情已悟邯鄲枕無勞蠻觸爭鹿  
莊鄰虎落蟹舍狎鷗盟此夜無窮意尊前未易傾

張日近 子昂松逸海鹽人

藕

皓骨冰肌照眼明，削來常暑有涼生。儘誇風味無如爽，  
縱出汗泥不礙清。直節未拋畱有用，柔絲難斷老多情。  
我曹別自憐高潔，玉腕西家浪得名。

朱丕戴 懷仲菊 歷秀水人

洞庭湖櫂歌百首之五

軒轅張樂舞蛟螭，無數遊魚出聽時。鐸出臺荒丹竈冷，  
路人猶想奏咸池。

終朝霧露未曾開，迷斷行津前後猜。混沌無分鷄卵色，

靈槎乘此上天來。

種蘭九畹下成畦，杜若香飄葉葉齊。結就三間翠茅屋，

朝朝奇句 卷之七 浙江

十

半邊晒網半邊棲

湖外有湖湖有磯，山上有山即不歸。白日青春經度口，

蜻蜓蛺蝶盡雙飛。

來往湖湘杜拾遺，江心不載少陵詩。至今蛟室闢青草，

不是沿翁那得知。

王蘭谷 楚香秀水人

苔痕

幽堦存雨跡蒼翠，一層層趾印知窺鳥。鞋踪驗過僧侵

碑，虫篆襍粘壁。月光凝珂馬，朝天客庭中見未曾。

剩紅葉

殘影抱枯桮，猶然弄日華。不同飛絮盡，終類過時花。溝  
畔人還待，車中客尚誇。幾多先落者，顏色褪泥沙。

新晴

一穗花明昨夜燈，小窗虛朗起閒憑。妖霖罷比除食吏，  
旭日來如見舊朋。芳草得先扶臥菊，補籬隨便拾枯藤。  
喜多資益梅林水，望斷茶山易未僧。

汪為嘉 若水紫山桐鄉人

春日憶清茗

桑柘濃於染，春山碧若螺。柳柔初放帛，蒲短未藏鵝。蠶  
籬穿菊田，田田貼荷赤。欄通舴艋三，載阻經過。

朝朝奇句 卷之七 浙江

十

題溪南小築

孰知城郭裏，一徑草堂偏。室小能容榻，橋低不礙船。涼  
生別圃竹，香度隔陂蓮。好障西窗日，予來跂脚眠。

徐國章 文匯西安人

梅花禁體

月靜花光動，枝橫筆意疎。香中存淡漠，瘦裏識清腴。對  
此人俱韻，啼來鳥亦孤。只因矜貴甚，無葉敢相扶。

荷錢

亭亭曼睪爲誰妍，小立寒塘自可憐。岸曲亂飛榆莢雨，  
綺文散作碧羅天。班姬詠月低團扇，姑射凌空落翠鈿。

買斷春風香未足從教浪費水衡錢

陸 葵 雅坪平湖人

平漢凱歌

鳴珂幾載鳳池頭曾爲西征賦壯猷頗收輻鈴誰得並  
班楊筆札未能爾九霄雪後春風轉萬國陽回戰氣收  
清晏漫書封禪頌好憑勒石紀鴻庥

錢建松 龍雲嘉興人

阻雨書畫樓同主敬主靜主恒諸弟漫成

藉此連牀話因憐課讀功鄉心花影外農事雨聲中物  
候青蒲葉牆陰翠竹叢竟然扶蠟展恰好過溪東

蘭朝詩角 卷之七 浙江

三

乘漲思歸去西疇慮曠功豚蹄青笠底秧馬綠針中犁  
影拖雲脚疏香滴雨叢扁舟終不得覓徧小村東

俞錫齡 泰階聖塘平湖人

久雨

窄窄柴門傍短籬水邊垂柳正離披忽聞稚子分秧出  
坐看陰雲帶日移草長半塘渾睡鳥樹深五月不聞鵲  
邨中老圃閒於我來賭輸贏一局棋

倪洽情 聖田平湖人

夜臥

秋風秋雨一簾寒布被高眠夢已殘起看螢光千萬點

却疑星墮玉闌干

馮王琰 禮南平湖人

田家

日出務力作薄暮歸田廬澡身坐柳下清風來徐徐  
唐之風 武曾迂樵烏程人

茂陵

茂陵好道夜朝真方朔金門作侍臣覓得返覓三島藥  
不曾賜與李夫人

婁賦會 師豹松垞山陰人

羅漢豆

蘭朝詩角 卷之七 浙江

三

歲歲種方田農家風味便雙珠凝綠眼一甲盞青顙孕  
裏三辰氣神苞五字禪東方藝豆蔻香脆有餘鮮

楊廷璧 聯臣玉山秀水人

秋興

莫莫江天老秋臨葉自翔月斜穿石眼嵐起瘞松毛夜  
靜思無著山空響不勞行行還止止策杖上東皋  
讀史十首之一

拔山氣槩一時休且喜蛾眉挂馬頭落日淡黃秋草碧

更無人作辟陽侯

沈 涌 度汪歸安人

東陽禪興詞

高樓四面屋如城  
屢事前頭茉莉榮  
客到烹茶油似蜜  
滿盃瓜菓浸香餠

梅花屈曲映紗窗  
不種堦墀種瓦缸  
一日公差三四至  
大官飛檄要梅椿

黃葉村中猛虎多  
少年徒手入山窩  
大虎奔藏小虎獲  
明朝解送縣前過

高攀桂 丹植錢塘人

同友人遊水竹塢

寺藏青嶂裏僧住白雲隈  
徑折泉逾沸巖幽花自開  
萌

國朝詩句 卷之七 浙江

西

茶生細雨新筍透  
輕雷此地堪怡悅  
何人數往還

何弘仁 仲洞山陰人

月夜聽李景定彈琴

我雖不善琴頗識操縵理  
清節聳秋山和神漾春水  
悠然者戶庭而聲滿流時  
永漏碧沉沉寒空洗天耳  
信指諧金玉匠心出宮徵  
螳怒一以平鳳語良足喜  
令我蕩背胸笑抵老泉几  
新聲與古聲彈月長如此  
好爲畱樂桐引焦聽知已

登大士閣

枕雉流蜃享百靈  
山雲溪雨護簷楹  
閣從彌勒指中見

人在毘盧頂上行  
叶夢紫芝長隱約  
微機翠竹却分明  
爰知極樂非西土  
徧界參差一望平

汪 晉賢碧果桐鄉人  
原籍歙縣

廣洗燕泥詩寄宗定九

江南二月天飛飛多燕子  
年年社日歸各自尋故壘  
養雛成羽毛種別白與紫  
阿閭有佳人明眸似秋水  
良人久不還棄置深閨裏  
見此雙燕巢幽情白靡靡  
爲洗書梁泥寸心不能已

田家禪興四首之一

春風來何時原野倏已綠  
農家四體勤衣食猶未足  
布

國朝詩句 卷之七 浙江

五

穀昨夜鳴隣比相戒  
勗秉耒出東臬  
叱牛傍晨旭竊抱水涼虞未敢辭暑溽  
庶幾官長賢薄稅從所欲

重陽後一日曹秋岳先生枉過畱飲齋中別後有

作

西冷一別數年餘  
白舫今朝次水居  
勸酒不辭金鑒落揮毫勞贈玉蟾蜍  
菊花香徑遙尋路  
桐葉疎齋暫檢書月滿荒城人語寂  
漫教分袂更躊躇

卽事

一片閒情話此宵  
春江西上趁歸潮  
却嫌小飲逢灰酒未敵輕寒醉已消

亂石奔湍曲磴分荒村籬落見鷄羣春來殘凍寒猶在  
雪裏梅花半護雲

汪紹焯 熾南秀水人

松濤

怒濤挈攫奮空中獵獵翻翻翠百重綠雪舞風嘶陣馬  
青山扶海戰飢龍亂流欲探天河窟酣聽如吞雲夢宵  
十八公真非近玩收聲又被白雲封

題小虎丘

陶士拔寄家于此

曲檻迴廊水竹間好因河朔共追攀無邊風月隨人住  
不斷烟雲竟日閒自有清涼生碧簟可容炎暑到柴關  
國朝詩歸卷之七 浙江 未

沈育

滄亭浙西人

燈花和韻

輝輝鶴燄夜窗紅開落何曾爲雨風火樹含丹辭宿蝶  
蘭心暈綠斷飛蟲照他錦字傳芳訊驗取刀銀換笑容  
靈鷲若能知此意并將好語報樓東

與確齋共食苡米山藥漫賦

旅食何心羨鼎烹盤餐分減愧深情匙抄的皪珍珠顆  
甌泛清芬玉糝羹最愛苗香春可種不勞車載論難成  
從今學得休糧法欲伴高人採藥行

洪昇

助思錢塘人再見

寄沈御冷

蕭然千畝外桑者自開閒流水去不息白雲時在山狎  
鷗坐沙上聽鶴臥松間何事離羣久風塵獨未還

送吳位三歸宣城

宋家丞相後喬木到如今之子獨古處時人無此心偶  
來京洛道旋及敬亭陰芳草白雲外春山深復深

汪志仁

含齋錢塘人

臘梅

雪霽風高鶴唳長尚遲春信到東牆蜂攢古樹迷疎影  
國朝詩歸卷之七 浙江 未

額點深宮拂暗香班竹有情憐夜月綠衣何日侍寒霜  
只緣磬口人難識輸與江南索笑忙

陸圻 再見

雜詩

前癸未稿

南衙氣勢本西頭寶帶緋衣識貴侯執戟盡歸中謁者  
與兵兼拜大長秋輶車金彈飛新苑露井桐花響御溝  
交結黃巾多子弟漳臺鄴下使人愁  
教坊十部紫羅衫楚潤風流自不凡金鴨香隨雲母散  
燭龍燒盡火珠銜風箏叩戶驚巫女月檻移花弄阮咸  
飲罷曲江春事好畫簾小燕正呢喃

曹鑑平 字公嘉善人

春月辭家出津門入夏過從知燕市近還見海雲多萬  
堞臨高阜千帆蕩濁河幾回哀雁度鄉思更如何舟次天津

送季冲之任鬱林

稽惟百粵擁鳴騶四十專城是壯遊驛路梅花初破臘  
炎方木葉少逢秋山繁峻嶺千盤出水落滄江萬里流  
此去日南天欲盡春風先到鬱林州

柯崇樸 寓宛嘉善人

自雲門步至平陽作

昨夜宿雲門晨興事清盥縈紆出松徑猶見明星爛頃

關朝詩的 卷之七

浙江

十八

時嵐霧收旭日乃始旦巖巖迫迴合蒼翠正凌亂前瞻  
化鹿峰隱約釣臺畔溪明魚自躍篠密猿相喚谷口聞  
鳴鐘林端辨烟幾今爲祇樹林舊是平陽觀盛衰固有  
由興廢何足歎

邯鄲懷古

驅馬入邯鄲風景何蕭瑟日落遠沙明柳暗孤城失憶  
昔七雄龍關時雄都壯麗環曲池三千珠履平原客十  
萬雕弓主父師全盛須臾卽不再山川寥落長千載歌  
舞叢臺何處存只今城上荒樓在烟蕪霜柳重躊躇曾  
是殘碑勲業餘君不見迴車巷口行人度至今猶說趙

相如

魏學渠

子存嘉善人

春日雜詩

駕言往東臯芬薌滿懷抱瞻途法縱橫遶士欣幽討桃  
李遍郊原所思在香艸豈不樂芳菲銷歇難自保采采  
携蘭芝貽子平生好

燕臺感舊

官闕岩堯夕照開登臨是處重徘徊一行雁影南天落  
萬里龍媒北極來芳草凄迷埋石鼓寒風蕭瑟上金臺  
因逢燕石悲歌客貴酒還聽畫角哀

關朝詩的 卷之七

浙江

十九

汪鶴孫 雲遠梅坡錢塘人

秋感

病起獨登臺秋風白雁來銜杯愁不斷看劍老相催宿  
霧疑藏日空潭忽起雷遐方誌災異身愧救時才

友人園亭聽吳伶蔣叔韜度曲

曲爲洪昉  
思新製

嫩竹疎花媚錦茵閑敲槽板覆杯頻吳伶亦解陽春調  
數問誰家製曲人

孫在豐

地瞻歸安人

次韵奉酬陳心簡

小桃紅花各  
奉天有此種

小桃紅已放愛倚玉牕看春向榆關度天回潘水寒相

門龍骨在儒術鳳巢寬莫道遼東客長留管幼安

瀛臺口占

曉曉簫聲色五雲東北闕  
逶迤西苑通烏鵲橋低銀漢上  
鳳凰樓在碧霄中  
林間翠滴猶疑雨樹裏涼生不信風  
繫馬長楊多且庶來歌應是詠梧桐

存菴前輩見示三月三十日漫興詩依韵奉和

一春零泪已停詩無計催春去  
遲九十日銷天夢夢  
二三莖白鬢絲絲空梁燕子翻新語  
長簾龍鬚憶舊時  
不是傷春與傷別王孫芳草未應知

刻意傷春杜牧詩掃花長恨惜花遲  
遙山雨疊千重翠

朝詩的卷之七

浙江

三

繞樹晴飛百丈絲  
杜宇鳥歸何處所刺桐花落未移時  
南園春色成追憶竹裏登樓有夢知

蘋洲春泛憶題詩乳燕鳴鳩日正遲  
夾岸柳風牽杜若

一篙烟雨種菱絲已教夢去三千里  
何惜春歸十二時

閑殺仙源好風景碧桃花落定誰知

應憐島瘦苦吟詩別我風光不肯遲  
越女溪頭爭雪亭

吳姬竹裏聽縹緲綠黃蜂粉蝶俱無賴  
綠暗紅稀竟有時

還與明年春色好東皇著意耐人知

送吳赤一南歸

歸卧南邨十畝陰  
綸竿長拂一溪深  
還應爾我容三徑

猶許文章得寸心便欲攜家同泛艇  
卽時報國待投簪  
憑君掃跡蒼山去留與松雲在遠岑

中秋前三日舟次蛟門東川携酒小園招存菴健

菴果亭同拈亭字

杜曲無家頓有亭座中人到客中  
星肯携聖酒來山簡  
將事仙槎問海經明月欲流莖露白  
碧蘿猶蔓荔枝青  
合歡計日重高會一再花開香滿庭

桃花時節水泠泠汪五貽詩送客亭  
自我三春歸羽騎  
于今八月聚秋螢更無休暇孤明月  
最有風情對醪醑  
况是素娥方耐冷可能無醉醉能醒

朝詩的卷之七

浙江

三

喜舍弟至京邸用少陵韵

柳暗金溝綠正濃春歸况復旅愁侵  
雙將綵袖娛親老  
一剪青燈話客心朝市隱爲方朔侶  
池塘興與惠連吟  
同傾下若三升醞更覓香醪醉不禁

大凌河

一碧清流飲馬過沙明水白大凌河  
千年泣血張兵備  
風起猶聞不二歌

張名春有不二歌

潘尙仁似山鳥程人

秋懷



少年志意素功勳在竹帛脈脈黃金臺悠悠抱奇策非  
無同門友高舉聲靈赫枯榮與海水相喻不相惜展轉  
宣房間牽菱沉美壁論功表作郎擢用循成格四海風  
清息廊廟閒碩畫焉知枳棘顛還戢鸞鳳翻四十直泥  
塗青雲髮垂白念茲心感傷淚落濕瑤席秋聲散庭除  
朱素暗相易元蟬鳴高槐寒蛩咽亂石人生驚電發豈  
但駒過隙蹉跎不願餘翰墨永朝夕青山如或存墨綬  
且須擲

浮香亭 有序

州乘謂亭在藕花洲後而州牧武柱國於堂之

南明詩 卷之七 浙江

三

西偏葺草表之曰浮香雖未必得其故址然亦  
喜風雅之未墜也遂依古人之韻作是詩以誌

云

團團丹木青不稿空亭欹側欲傾倒橫枝古幹難重尋  
俯仰徒令懷抱惱襄平才子實崢嶸修墜舉廢偏及早  
鳩工庀材丹雘新結構森森覺初好六百年來題咏多  
不當人意應除掃就中四子詩數篇與致猶餘風格老  
我一見之生心喜幾回詩就不敢草若逢高會盡壺觴  
想像幽清向晴昊

夏日

官小衙無事閑堂意若何竹深客鳥衆樹大受風多海  
氣連雲上潮聲共雨和棟梁雖未足何乃漫蹉跎

雨後

陽鳥雖未露乾鵲已先知煙歛雨初歇風微雪散遲江  
梅殘幾許岸柳綠如斯莫漫迴雙棹邇溝雨漲時

前海陵武刺史招同常司馬遊存園

小橋紅板窄曲折可人通白散梅爲雨青搖竹過風亭  
臺香氣遠徑路樹陰籠同步莫相失幽深未易逢

再遊存園赴張吉友約

不惜如泥醉淡杯可奈何草間相籍坐樹底漫高歌帝

南明詩 卷之七 浙江

三

鳥聞如昨殘梅落更多主人情意好更慙此重過

新綠

衙齋饒卉木四面密如圍一片花都盡千枝葉乍肥雨  
餘光欲滴晴罷潤將飛漸喜軒窓外陰陰日色微

同諸公登望海樓分賦得江字

高樓臨粉堞縱目此無雙細樹低迷海橫山遠隔江雲  
飛依靜檻鳥過拂晴窓何處梅花落西風笛滿腔

李若木招同諸友夜識軒賞牡丹卽席分賦得來

字

一騎探春未肯回誰家設宴畫堂開座無俗客清風遠

院有花名花細雨來緣徑微衡求仲跡飛鴈頗類永和杯  
欲爲長句酬斯會久遜江東羅隱才

賦得陰陰夏日轉黃鸝

永日衙齋學閉關一林好鳥似居山遙分碧澗軒窗外  
滿覆清陰院落開朝霞漫飛渾欲住暮雲相倚不知還  
雙柑斗酒何須去不斷綿蠻在此間

書齋落成偶題

萬竹園中壓水濱郊城風景氣氤氲北來山勢和雲斷  
東去溪流帶石分事簡能藏爲吏拙官閒不礙讀書勤  
爲謀弄月吟風地築破蒼苔一段紋

國朝詩的卷之七 浙江

五

碧瓦初齊白粉牆冬宜煦暖夏宜涼寬留北牖通山色  
高結南榮受月光三徑烟開僧曳履一軒雨掛客登牀  
更添多少閒消遣蜂打窻櫺燕覩梁

芙蓉閣遺基漫興四首 選二

一水週遭絕路通偶從洲畔得枯桐呼童共作浮查上  
桑樹陰陰納好風

畧遣分功賣菜傭數畦烟雨屬家僮春初未許閒裁韭  
祇擬秋來得晚松

尹延英 樹百秀水人

宵寒雜感

惻惻成寐宵寒近旅牀亂聲官舍鼓虛白夜林霜小  
得忘機趣真愁不住鄉子昇溫律到先信雁鴻翔

福州人日同鄭雪堂賦

旅逢人日又題詩一曲驪歌將及之去客興如來社燕  
羈人懶似裊風絲含桃逐暖先春綻清語無多下酒遲  
但喜明晨祈穀穩稻梁聊慰雁鴻私

鄭元慶 芷畦小谷口湖州人

同人集小口分賦

清風舉座盡詩人花發偏宜雅集頻天上鏡開光似畫  
池邊雨過翠如茵書仍衆說非云著酒在鄰家幸不貧  
且喜羣公題句滿曉堂錯落彩雲新

國朝詩的卷之七 浙江

五

國朝詩的目錄浙江

卷之八

錢鎬三首 錢輝祖一首 趙淳五首

趙筠三首 葉自合一首 沈進二首

沈翼一首 杜致遠四首 李肇亨二首

李琪枝一首 李含潛一首 楊玉殿一首

張時泰二首 錢思初三首 鄭學海一首

劉大甲三首 劉大臨三首 劉世貴二首

劉大任二首 商盤三首 劉正誼四首

項奎一首 項以淳一首 陸琰卓一首

潘顯圻一首 陳佑一首 吳洽一首

張汝霖一首 項玠一首 徐誠一首

金登二首 張鑒一首 吳芳三首

姚球一首 沈岳一首 吳瑛二首

許修來一首 王國陞二首 董肇勳一首

丁弘一首 章大來三首 周宸蓀二首

周蘭森二首 張弘保一首 徐令二首

顏張翼一首 徐觀二首 朱德滋一首

陳淪瑄一首 顧銓一首 屠愷一首

倪炳一首 鄒濂一首 沈忻如一首

鄭世元一首 韓雲一首 來集之一首

陳祖法一首 沈廣輿一首 潘西鳳一首

閔南仲一首 潘世球五首 鄭三晉三首

國朝詩的卷之八

長沙陶 煊奉長選

同里張 璫登石同輯

浙江

錢 鎬 漏題偶莊海鹽人

歲寒和韻

萬山蕭瑟翠烟微一片殘蘆拂渚磯天地氣藏時晷短  
江湖水涸雁鴻稀庭柯風掃中樓葉嶠角寒催荔補衣  
遙想平城人隋指六龍飛幸未遑歸

二

國朝詩的 卷之八 浙江

木脫平皋野路清負暄愛趁日崢嶸千層墨浪彤雲密  
一夜青山白髮生待補屋茅綯夜索預營春酒釀初成  
柴門喜少催科吏芋栗晨炊折脚鐙

與廉江姪夜話

買整沽酒話家常燈炮頻挑夜未央牆脚露寒虫入室  
雁頭霜降葛生涼自能作古知文老不敢驕人閱世長  
何日魚龍同聚首謂魚山龍雲淋漓醉闌墨痕香

錢輝祖 火傳墓莊海鹽人

書籤

傳家幸有舊青箱高下看題取次詳任爾縱橫插滿架

憑他甲乙綴連牀檢書但遣康成婢購篋何煩漢帝郎  
風動縹緗流五色百城日日幟飛揚

趙 淳 元朔舊籍人

生生庵

閩海山多峭如茲峭更幽洞能通絕壁潭每噴寒流春  
寺雲迷逕芳林石倚樓支公清磬後微月出山頭

立秋歸聚遠庵將作圖

却暑全無術支筇入徑幽與雲爭臥石候雨急看流林  
色將生夜風聲又到秋閒余潭水上洗硯画漁舟

秋葉

國朝詩的 卷之八 浙江

木葉經秋影漸單那堪孤坐對凋殘亂山堆處聲仍驟  
曲澗浮來色較寒深淺光輝籠野逕參差蕭瑟下空闌  
憐他萬籟人烟外虛擲年華孰與看

同郭時彥尋方潭晴雨岩諸勝

度磴穿林訪石潭一筇雙屐幾雲灣泉聲高下晴疑雨  
聲勢中分斷若關深翠濕衣香淺淡枯藤篆字影迴環  
最憐設設松風外苔徑秋芳次第斑

大慈岩

塢轉風輕命屐幽蒼松百尺翠交流露涵旭照岩光濕  
雲破層峰鳥道悠崖想暗隨空外去詩情曲爲石邊留

共舒絕頂無窮眼隱約柯城一線浮

趙筠 雲參末軒蘭客入

詠松化石

小年不及大榮瘁久歷朝菌迷晦朔變滅在晨夕歲  
寒孰後凋無如松與柏桃溪十里松應非凡手植馬仙  
號自然嘗采松花食道成既狎東林木亦換骨此龍挾  
風雷俄頃化為石此事未經見稱奇猶噴噴我行松石  
山迨尋無處覓松亭有蟠根其深莫可測隱隱若吟乳  
斂鋤靡敢入碎者亦無餘積歲多散失從人一丐觀珍  
藏加什襲半潤間襟枯瑣爛增古色枯者褪皮節螻蟻

國朝詩約 卷之八 浙江

三

穴其隙潤者溢赤脂堅凝成琥珀濁淖毋得發撫摩如  
拱壁護謖來清風仙氣餘呼吸觀之增感歎善價沽不  
得千秋閱歷多賞鑑罕卓識移之寶晉齋還當命袍笏  
邵元介買得紙鸞鵲兩架 其一雪衣類其一綠衣使者懸之花間

彷彿花間寄一柯白衣如雪綠如莎能言不試嬌音巧  
絕粒無貪香稻多未許稱呼離色相豈愁飛舉觸罍羅  
羽毛裁剪憑刀尺賦就禍衡費揣摩

鹿田聽雨

空山寂寂夜遲遲排闥穿簾過雨時况是羈愁人聽得  
聲中細辨一絲絲

葉自合 永和夢庵蘭客入

造興

曉色瞳瞳露尚零風輕麥壠送秋聲欲尋隔水村多僻  
正好啼禽杖且停綠樹漸濃陰數畝小溪新漲失前汀  
主人別我姑蘇去門掩苔痕一徑青

沈進 山子嘉興人

早春橫山寓舍懷朱十

蘭若雙峯近懷人禮磬聲梅花高館落春草斷垣生苦  
愛江南賦時借谷口耕知君甘寂寞棄世學君平

范少伯祠

國朝詩約 卷之八 浙江

四

鴟尾祠屋枕荒城雲物參差蔓草平謀士功成虛霸業  
浮家身去竟高名空池露白芙蓉老傑閣天寒烏雀清  
燈火絳帷秋颯颯愁看越女尚含情 祠有西子塑像

沈翼 寅中嘉興人

釣臺

怪石雙崖碧蘚封嚴陵曾此寄高蹤荒祠誰薦渚溪藻  
遺像依然水雪容灘響逆流漁浦遠嵐光迴合翠微重  
江山信美客歸去愁對青青萬壑松

杜致遠 寧田秀水人

秋蚤

牆角蛛絲繞潛身托戶庭迎涼聲乍引撲葉響初停砌  
隱三更月苔粘一點螢短長花底度應有隔窗聽

秋山

木落天高曠環郊隱蔽巖岡連千疊翠峰遠一痕眉露  
骨巉崑迴興雲秀嶂宜平生丘壑志杖策往來期

秋柳

當時搖曳態金縷漸吹殘鴉散斜陽薄舟移渡口寒纖  
腰虛欲舞青眼倦猶看無限離亭意西風上玉鞍

秋鷹

渡海東青遠凌雲勢可呼橫秋盤紫塞絕頂掠浮圖王

國朝詩的 卷之八 浙江

五

爪風霜健金眸志氣孤還將霄漢意萬里躍天衢

李肇亨 會嘉珂雪嘉興人

擬古

郭外正芳菲東風轉花塢乳鶯啼數聲不知春已暮綠  
樹臥村烟蒼蘚積山路曲折入幽深高人局巖戶雲霞  
填石潭鳥雀入簾幙登門一徘徊衣裳濕松露下視桃  
花源茫茫起烟霧

題易庵西蕉

羅羅未教垂綠幕翻翻先覺展青幢昨宵過雨驚殘夢  
幾葉秋聲過小窓

李琪枝 雲連奇峰嘉興人

題竹亭故址

窈窕亭臺竹樹叢尋幽選勝逐兒童香消燕子樓何處  
事敗孫弘閣亦空 主人與宜 與相交好 白首覓迷三徑雨青蘿

斷五湖風兔葵滿地搖春色無限東家落照中

李含潛 東涯嘉興人

訪盛宜山不遇

矮屋頽垣托水村漫隨春色坐松根芒鞋竹杖人何處

滿院桃花獨閉門

楊玉殿 宸傳錢塘人

國朝詩的 卷之八 浙江

木

賦得門聽浙江潮

徙倚琳宮外行吟驚嶺邊嵐光蒸海氣樹影鎖江烟  
岫風初捲龕山水忽懸初疑鋪素練旋駭掛飛泉激水  
來三浙奔瀾瀉百川怒雷騰矢石驚電舞戈鋌鵝鵲喧  
尤勁魚龍戰益堅雲迴旗奕奕聲震鼓闕闕法雨長飄  
後天花夜散前浮杯輕渡險折葦寂依禪夕驗牛毛豎  
盈占兔腦圓才誇盧肇句賦羨廣陵篇漂泊迷沙渚蒼  
茫認海田忽聞征雁過鐘動上方顛

張時泰 平山嘉興人

杜鵑

遊子當春憶故園啼鵲徹夜怨荒村驚回絕塞三更夢  
悽斷空山萬里寬翠竹叢深殘月暗綠楊陰密野烟昏  
愁催客鬢垂絲久莫怪征衫滿淚痕

吹出東風旅恨多不如歸去已蹉跎江天暮雨孤舟泊  
驛路斜陽匹馬過花映高樓凝遠望酒闌虛館助悲歌  
誰人不識還家好萍梗年年奈爾何

錢思初 公雅適庵海鹽人

客中上已

便門斜去禁城南勝地來尋三月三絕似生公臺上望  
一灣眉黛鎖烟嵐

國朝詩的 卷之八 浙江

一渠春水碧粼粼芳草平鋪軟似茵要倩宣和寫生手

水邊添個綺羅人

山桃如綺柳如絲却話江南三月時綠酒紅裙青雀舫

桐橋灣到宋公祠

鄭學海 丹書秀水人

秋興

秋水涵天碧落霞弄遠晴林深青嶂疊雁帶白雲輕清  
磬浮山寺疎砧徹暮城採菱湖上女款乃襍歌聲

劉大甲 來嶽山陰人

聞猿

千山深不極隱隱有猿啼遙夜雪初下空林枝漸低掛  
藤愁未穩擇木畏終迷我亦悲岐路聞聲自慘悽

晚鐘

薄暮僧歸寺鐘聲動梵林高樓纖月上古木亂雲深自  
出幽人室彌清靜者心先生猶未睡憑打重輕音

和巖雨南湖秋泛之作

偶乘艇子出湖隈萬頃玻璃倦眼開尋菊人從梅市去  
採菱舟自画橋來霜收寒色歸林葉水記枯痕在石臺  
柔櫓一枝秋月裏兒童新學棹歌回

劉大臨 巖雨山陰人

國朝詩的 卷之八 浙江

溪行

偶行溪水上路轉豁雙眸石繡苔痕古松繁雀夢幽薄  
雲低碧落斜日冷清流不覺歸來晚鐘聲出寺樓

秋山

林疎平野淨天曠亂峯奇白雲歸後青看雨歇時遙  
知幽谷冷應有斷猿悲閒却聞人手高寒不入簷

閒興次鹿池韻

入冬猶未改秋光閒上南樓數雁行牆角木奴隨意摘  
石根博帶共人嘗違時便可呼狂客適興何妨作漫郎  
世事渾同棋一局任他爭賭紫羅囊

劉世貴 芸文山陰人

秋郊晚眺

斷岸連衰草平疇入暮天負鋤歸野叟吹火泊江船獨  
鳥衝烟沒孤星向樹懸漁歌聲動處隱約蓼花邊

偶興

桑柘陰陰翠影稠閒身只合卧林丘坐來深竹不知暑  
聽去疎蟬欲帶秋風定輕烟籠野寺雨餘殘照入江樓  
十年塵夢今初覺愛殺南村景物幽

劉大任 伊重山陰人

和吳好山移居南澗之作

國朝詩歸 卷之八 浙江

九

吳子卜居處幽禽喧薜蘿一溪當戶冷千嶂入樓多几  
席容疎放琴書足嘯歌菊花開滿日載酒許相過

常山曉行

秋風颯颯捲黃埃楓柏蕭疎夾道栽殘月落時雙雁度  
曉烟起處一村來打頭寒葉蒼茫下照眼前山次第開  
回首高堂愁欲絕非關谷口亂猿哀

商 盤 蒼雨會稽人

蓮浦謠

采蓮女兒弄輕碧露溼芙蓉秋欲滴鴛鴦飛去太匆匆  
盡舫綺羅無消息萬古西江日夜流綠波倒影入江樓

重來已覺成前度白馬金鞭勸小留

夜宴曲

朱門夜駐黃金車當筵火鳳盤流霞蘭膏墮粉膩紅玉  
欲飲不飲秋波斜似曾省識芙蓉面鉤釵重醉華堂宴  
藏鈎隔座費猜疑兩點幽情各留戀

寄橋李同學范既亭

不上吳姬載酒船多時冷落浣花箋秦樓生負春前夢  
芸閣新參病後禪殘月半規天似水相思千里夜如年  
鴛鴦湖畔開情處寒食東風聽杜鵑

劉正誼 戒謀山陰人

國朝詩歸 卷之八 浙江

一

晚秋

殘菊有餘妍澹香生晚圃采掇出疏畦蟋蟀籬根聚選  
石坐林間橫琴時一撫天長去雁遙山斷歸雲補瑟  
起涼颼落葉多於雨

錢塘曲做溫飛卿

春風吹花如剪綺淺碧深紅低照水草香蚊蟻去還來  
沙暖鴛鴦眠不起落日滿江潮正平盡樓倚岸調銀箏  
餘杭酒好莫辭醉燭艷尊濃無限情

人日

簾隙晨光入欣逢人日晴草痕銷雪色鳥語變春聲野



水寒膠岸江雲暖傍城東風報花信梅放一枝橫

閒居雜興

徑僻稀塵轍衙門竟日開籬疎移竹補庭空去聲乞花栽  
坐月閒翻帙看雲數舉杯烏衣情不薄還認舊巢來

項奎 東升嘉興人

九日吳曠翁載酒招集同人和鄒山樵韻

清川移畫舫秋曉入烟村屋角嫌山少籬根愛菊存水  
雲含雨細絲管擲燈昏不待風吹帽料頭弄酒尊

項以淳 古村嘉興人

過倦園敬勝留飲感賦二首

園朝詩 卷之八 浙江

七

紗巾野服自城東吹面猶嫌料峭風欲採早梅來竹裡  
因隨流水到園中隔牆已覺疎香動遶屋還憐嫩蕊紅  
花底知君詩思好清吟應許酒人同

昨夢尋花到水東果然千樹倚輕風春生野客孤筇底  
香入蠻箋冷句中醇酒不辭當晝飲衰顏聊借一時紅  
憑誰喚起孤山老爲話當年興趣同

陸琰卓 類石平湖人

棲賢探梅

廿里棲賢路不遙輕帆頃刻到門橋皚皚一帶山均白  
錯認初春雪未消

潘顯圻 禹岩嘉興人

棲賢探梅四首之一

濕盡羅裳興轉痴歸橈欲放故遲遲遙憐沁骨真香味  
更在霜高月上時

陳佑 自曾秀水人

敦古堂讌集

秋光送黃節陰晴互幽敞親串來城南相約展幾兩携  
佳任剥啄孝章吾所仰三五巾裾連坐次遠塵藹樹老  
發簷端香濃氣蕭爽晚影披寒颺露華墮細響良宵恣  
談諧朗吟更歡賞攪衣起庭除飛鴻結遐想

園朝詩 卷之八 浙江

主

柴園看菊

年年九日風信作菊花將開桂花落今年九日桂始花  
人間花事寧乖錯凌晨乃有魯望偕扁舟共訪柴園佳  
香氣氤氳瞰月窟樹形偃蓋飛松釵坐久不知日欲夕  
坐遍叢陰數標格看桂都無問主人行厨儘可經香積  
蟾光轉瞬又沉浮引我向晚凌滄洲秋容莫道重陽少  
好被看花醉墨收

吳洽 在陽嘉興人

湖樓看月

涼風引我傍苔磯螢火星星水面飛且就湖中看月色

不知清露濕絺衣

張汝霖 雨村秀水人

南湖秋月

曲曲湖堤半柳陰  
畫廊涼月漾盃深  
草根螢亦知秋近  
故向堦前斷續吟

項玠 美斯嘉興人

湖樓望月

對岸墟前隔浦河  
登樓晚睡意如何  
水輪更照閒人飲  
領受風光湖上多

徐誠 予調嘉興人

圍朝詩集 卷之八 浙江

破硯

一片端溪石磨來  
敝匣中半留疎眼  
活猶認斷絲紅玉  
碎還堪惜心堅尙可攻  
誰憐焚未盡棄置落花叢

金登 禾箱秀水人

舊劍

麗殿塵還挂龍韜  
三尺精從離俠客  
手難問冶人名金  
必風雷起彈休感慨生  
壯心看未已拂拭待橫行

乙未八月八日集金明精舍次壁間韻

蠡湖烟水澈城均  
雲掩禪關賈客敲不夜  
一龕僧定定  
經秋雙樹鳥交交  
撞鐘句好吟黃葉  
傍寺新園喜碧巢

鼻孔有香君識否  
木樨開已過牆梢

張鑒 新傳嘉興人

乙未八月八日集金明精舍次壁間韻

閒上高樓俯碧均  
遠樓風竹自相敲  
飛甍直與湖天接  
虛牖還從海月交  
五色螺光朝出水  
一聲鳥語暮歸巢  
悠然回首斜陽裡  
幾縷疎烟罨樹梢

吳芳 若愚嘉興人

廢柴

照讀無全具九枝  
今半撐豈宜張錦  
幃聊復伴昏更零  
落光還射歌斜膏  
易傾鄰翁應絕倒  
鑿壁看分明

圍朝詩集 卷之八 浙江

乙未八月八日集金明精舍次壁間韻

古剎脩然枕水均  
一醒諸夢冷鐘敲  
閒尋鷗結忘機伴  
毋撫松呼耐久交  
許我嘯歌入社由  
他燕雀自爭巢  
歸途雖隔孤城小  
海月高仍出柳梢

禪棲深擬托山均  
雙板長關手自敲  
姓隱碧湖無霸佐  
名傳萬葉有詩交  
疎籬接屋嫌蛛網  
老樹摩空見雀巢  
我欲携書來共讀  
一絲塵不到眉梢

姚球 東玉秀水人

津梁庵避暑

棕衫箬笠且同遊  
物外從來足易投  
自喜清陰涼滿座

却疑炎景換新秋，鐘聲拂水雲初破。夜色盈窓月漸浮，記否與師曾塵論。覓閒人果最高流。

沈岳 曉山嘉興人

八月八日集金明精舍次壁閒韻

香積幽深一水均，破來殘夢夜魚敲。擬將海月參蓮座，無碍湖天狎鷺交。地冷不逢飛錫下，閣虛長得野雲巢。凭欄小放紅秋日，風起涼生樹樹梢。

吳瑛 子白蘭谿人

沈奕和明府遷任湖郡詩以志別

廿年潦倒始還鶯，吏隱高懷最足輕。最喜丹山毛羽長。

國朝詩 卷之八 浙江

悟庭初試鳳皇聲 時值令子采芹

別離只在湖東西，况近師門路不迷。我欲浮家問釣叟。

烟波上下溯苕溪。

許修來 務敏東陽人

寒起

短夢寒初覺披衣，就早陽高峯先得日。陰瓦尚餘霜砌曲，金鈎色簷稍玉。竚光蕭蕭春意動，梅蕊逗微香。

王國陞 德載東陽人

田蚕辭

東家西家春釀熟，戴勝低飛蚕滿屋。女兒携得桑葉歸。

箔上蚕行半登簇，蚕初登簇麥初齊。綠水平秧布穀啼，兒童騎犢隴邊語。滿笠春風一犁雨。

關山月

月色秋來白蒼茫，煙霧橫塞鴻與流水都作別離聲。瀚海波光暗陰山，積雪明晴空千萬里。照見白登城，董肇勲 幼待會稽人

偶題齋署

耿耿疎星屋角明，安居轉覺此心驚。陶潛黃菊籬何在，謝朓青山宅未成。無地可容雖自立，有巢常笑鵲空營。牽舟上岸差相似，却羨張融身後名。

國朝詩 卷之八 浙江

丁弘 惺齋山陰人

登菟山歸示同遊諸子

辜負山靈約，炎蒸力不勝。好携吟屐返，自愛酒盃仍。禮豈爲君設，狂應獨我能。明朝晨氣爽，還上最高層。章大來 太穎會稽人

寄懷金海查進士

新雨過西郊，流風吹江岸。采采芙蓉花，持贈同心玩。欲往重徘徊，路遠香恐散。惆悵海查人，遙遙望天漢。

荅陳見山都梁并訊同學李岱雲

客館新詩午夢裁，雁啣書札墮城隈。故人時着青山屐。

老我長禁濁酒杯天馬獨行追日月土龍何術致風雷  
江東李白如相見報道寒梅凍未開

來詩云雷門  
暫息曉龍躍

王素堂復招飲樊川

折得梅花不忍簪欲調生菜佐羹含風流直被王郎占  
品格應教奉倩慚九列功成遊綠野三升酒熱壯清譚  
逍遙齊物忘人我肯使劉伶獨宴酣

周宸藻

質菴嘉善人

西湖晚眺

西湖勝事近如何日日遊人載酒過一到湖心歸去後  
月明空對遠山多

國朝詩

卷之八 浙江

三

錢塘門外滿荷香十里長隄帶夕陽何處採蓮人不見  
花間穩穩卧鴛鴦

周蘭森

韻佩香山嘉興人

中秋前三日集秋水閣咏豆棚拈韻

傍郭林成圃閒門閉即山籬低客帽壓莢近女牆攀服  
食偏宜老家常不易刪亂蛩鳴落葉幽入薜蘿間  
寒雲密葉煙水遠柴荆實茂垂還結花繁落更生農  
嘗秋圃熟客供野蔬成掇拾隨時足蕭然世味輕

張弘保

止和石村海寧人

賦得十月先開嶺上梅

薄霜初試落羣材獨有天南放早梅欲寄故人先有信  
好頻驛使不須催鶴歸冷月光凝素蝶抱寒香色占魁  
若待江城消息到嶺頭冰玉又成胎

徐令

堅仲序什鹽官人

咏豆棚

斫竹爲綱後索綯布目初蔓滋青蜿蜒葉長碧扶疎清  
陰憑揮塵微涼就枕書母煩羨幽絕曾費雨中鋤  
擷芳誰共此野趣味偏勝供給休烹藿嘗新競剝菱芽  
簷長撲翠花徑肆憑陵秋爽繁青實盈枝裏露澄

顏張翼

飛雲桐鄉人

國朝詩

卷之八 浙江

六

賦得十月先開嶺上梅

大庾嶺上皆炎熱雪片何曾點客驂驛路可傳香信早  
贈人聊借一枝南紅於霜葉遙相憶鞠有黃華此後探  
遺却水曹詩興好至今東閣動清談

徐觀

朗謙東溟秀水人

秋水閣豆棚

障暑能無幄當階借綠雲結根憑種子延蔓自成紋熱  
少花初放涼深實漸黃不須甘至

出三  
都賦

日葉底慣爲羣

半似繁花架全殊伺雀羅迎來南浦雨遮住北山柯風  
曉臆能豁露宵頭可科翠煙輕罩處秋色任相過

朱德滋 樹華秀水人

賦得十月先開嶺上梅

同是霜葩偏早發，裁從高處自凌寒。  
謾嫌蕊底同春小，儘好山頭放眼看。  
彭澤半消叢菊艷，吳江難駐曉楓丹。  
關門驛路花如許，次第香浮正未闌。

陳淪瑄 虹升與石秀水人

豆棚

園植秋蔬美綿延，引蔓遲葉稠。  
篩日細露冷，織蟲悲煙閣。  
憑垂釣雲亭，坐詠詩未能如老圃。  
閒適且隨時。

顧銓 書掌指庵秀水人

國朝詩 卷之八 浙江

一九

賦得十月先開嶺上梅

橫斜高下拂嶙峋，花事爭看占小春。  
幽賞不隨凡卉艷，孤芳早逗一枝新。  
霜酣楓葉紅相間，露冷金波淡更勻。  
玉骨冰肌堪寄咏，好留詩句見天真。

屠愷 用修秋嶼嘉興人

豆棚

不必迎涼草重陰，冷逼簷露溥。  
蒙溼屬句得快，掀髯小摘齋槃佐行廚。  
風味添山家清淨，供翻怪點吳鹽。

倪炳 簡成曙霞嘉興人

秋水閣豆棚

結實垂堪摘，槃餐儘足謀。  
午眠涼簟枕，宵坐嚴林丘。  
月落滿庭碎，蟲號四壁秋。  
石家開錦障，留得至今不。

鄒謙 讀來竹君嘉興人

惟有多情一枝菊

吳楓初冷落，秋圃近蕭騷。  
雅似羅含宅，孤標靖節操。  
月留相伴影，客至快分曹。  
博得吟腰瘦，寧煩采袖勞。  
雙螯持隻手，終日泥香醪。  
愛此勤教護，還憐沒野蒿。

沈忻如 聊裏和鄉人

賦得十月先開嶺上梅

刻圭畫角日光暹，瘦脫寒山石更巖。  
玉骨高標雖寂寞，

國朝詩 卷之八 浙江

三

冰姿一笑轉莊嚴，霜嶺好把芳心護。  
凍鵲休將嫩蕊點，只合清香來沁肺。  
不須橙橘點紅鹽。

鄭世元 亦亭山陰人

秋水閣次韻

卧疴衡門下行與交親疎，側聞陳與沈來惠。  
鄒子居盈盈念秋水，起坐意不舒。  
心如黃鵠舉神與故人俱奮飛，在君屋旋反仍敝廬。  
君當歡會際可亦少踟躕，嚶嚶草根蟲灼灼水上藻。  
人生有聚散何以結相於。

韓雲 自爲鳥程人

庚子秋杪擬遊白下用謝吏部京路夜發韻

秋露心亦開微風動五兩悠悠出門去前途正渺濤殘  
月伴孤清隱隱隨人上木落天地寬雲散川原廣兩岬  
閒無人佳景自相賞野鶴任高鶩白鷗亦淡蕩如何山  
中人復來向塵鞅

夜入弁峰口占

野夫畏人不畏虎燃竹宵分入淡塢邨烟高接半嶺雲  
瘴氣低蒸一天雨帶雨衝烟叩寺門老僧謂我何自苦  
虎跡滿山人跡稀世間難得無人所

菱湖晚歸

湖面平如掌扁舟薄暮還一番新雨後萬狀夕陽山茆  
國朝詩人卷之八 浙江 主

屋秋無恙荒城夜不關白鷗輸我懶歸去亦閉門

哭三弟碧城

相隔九泉路清音杳不聞可憐兒女累竟作死生分獨  
樹搖虛幌孤鴻叫斷雲那堪垂老日一弟復離羣

巾子山兜率閣相傳仙人脫巾於此

天風吹落仙人幘化作凌空碧玉幢四壁盤螺雲疊疊  
雨峰椎髻塔雙雙江湖有信時通郭越嶠無山不到窓  
直置此身幾率上倒聽下界暮鐘撞

且住

幾日護花陰一陣催花雨主人央天公留花且小住

來集之再見

明妃夢還楚宮

陰山雪滿風吹地葡萄桃夜飲羣奴醉瓊璫薄惡凍香魂  
飛入秦關原是睡昔時鳳管積塵溫安有琵琶新淚痕  
紗籠銀燭沉沉向翠恩影動鸚哥唱一半班行認不真  
紫衣小隊非前樣雲鬢歲疑响步搖山重君恩玉不銷  
千里歸來明月迎從前錯認漢宮遙未央十載人如夢  
夢對未央鐘已動夢裏分明漢草青他年留發相思塚  
陳祖法 湘陰餘姚人

到古南贈休菴禪師

國朝詩人卷之八 浙江 三

兀坐青山第幾峰須知大道有歸宗興閒魚鳥時來往  
境寂松風若舊逢柏子香燒千樹月桃花影靜一聲鐘  
試觀今日鬚眉露隨處臨機動古容

沈廣興職士烏程人

秋日旅興

流寓吳興十載餘天涯牢落欲愁余扁舟歸去江鄉遠  
短褐行吟心事疎世亂豈無豪傑淚家貧徒有治安書  
郊原極目旌旗遍慚媿年來尚卜居

潘西鳳桐岡山陰人

年大力餉橘走筆賦謝

嘉果來南國分甘到客筵品超淮椒重味奪楚萍鮮飽  
飲馨香德難忘吐握賢何緣如陸續把玩一潸然

閩南神 潮人石漁島城人

古詩

高聲振六翻聲響如秋商志士中夜聽披衣起徬徨  
一片月磊落白日光晨起步前除百草墮繁霜百草  
胡足哀孤桐良獨傷本是古葉姿中道遭摧藏身死名  
復滅雅意安可量亦有荒晏人委身沉醉鄉抱璞稱楚  
玉嫁女稱齊姜龍蛇不見血本質何由彰

鑒池

鳳有江海心疏泉蓄空翠微雨颯然來清風動環佩淨  
南烟水地鱗羽羅衆類藉此一掬波溥作鳶魚會輕儻  
初出水弱燕時矜袂俯仰慰沉浮參差辨莊惠晚荷故  
清越秋柳特淒嫻獨坐看停欄無端發淡喟

蟋蟀行兼簡友聲

秋風蕭蕭聲瑟瑟蟋蟀墻東暗催織不教嬾婦夜思驚  
翻令蕩子秋心逸壞垣淺土潛踪好躡影爭音恣搜討  
雨點沾衣莫不歸露珠侵襪來何早香色肩鈴衆爭見  
黃麻青金人所羨燈籠錦艷競招搖更誇齊魯梅花片  
携來相妬復相憐不辭金屋貯嬋娟澄泥盆子青磁匣

班管雕籠瑋瑋樣幽室明窗真戰地間巷嘈觀走精銳  
先鳴盡道能賈勇後起誰知還藉勢百勝爭衡心未老  
一蹶平生幾喪寶野夫蓄意盡沉雄不鳴不躍非枯槁  
夜讀兵書雨灑燈輕衫年少氣憑陵他時醉掃防秋疏  
快踏交河萬里水

九日蓮溪飲散同丁天生途中分袂天生有詩見  
寄因次韻奉答

龍山高會罷歸路暫相同我愛丁儀韻誰憐阮藉窮詩  
心飄落後蛋語酒醒中分袂詢蓬華阜橋水店東

初至唐園訪茅子建留飲

夙美名園勝今爲高士處亭閒憐鳥語石瘦覺雲疎向  
背峯巒異登臨位置殊酒闌言曩昔身世似秦餘

廣陵雜興

廿四橋邊廿四年白頭重上渡江船紅樓翠袖非前度  
寶馬鈿車似昔緣瓊樹歌中遺夢寐玉鈞斜畔泣嬋娟  
誰知孤客心情別不聽流鶯聽杜鵑

又

江海飄零易慘悽况逢寒食夕陽低蓄釐觀冷瓊花失  
后土祠荒玉佩迷烏爲多情偏婉婉草綠無恨故萋萋  
祥符相國衣冠墓三尺殘碑秀麥西

春別

一杯別酒百花前滿耳笙歌蜀國絃大散關頭高骨馬  
小孤山下短篷船良朋雙照英雄淚愛子單調枝水筵  
半世萍蓬成底事更堪燕麥夕陽天

玉隆宮謁許祖

拔宅千年片刻遙龍沙嘉會又相招尙餘古觀壇前栢  
冷翠寒烟記六朝

辛酉春仲從芝翁夫子自米潭至玉隆道中之作

亂雲如夢未全醒寒衾凌兢不肯行誰道春陰開夕照  
松梢斜露遠山青

國朝詩卷之八

潘世球 鳴詔鳥程人

效子夜體

並駕採蓮舟鼓枻河之曲一往不勝情悠悠江水綠  
蕩舟入蓮叢香風吹日午殷勤采蓮子爲他心最苦  
浴罷試生綃皓質風前倚密葉映疎花深深見紅蕖

寄王翻如

契濶情何限愁思不自禁每因魚雁便用慰別離心烟  
樹千重合雲山萬疊深西南風正好常得惠佳音

憶湖州

生平絕愛佳山水每憶吳興景不凡白雀遠尋雲外寺

黃龍高躋霧中巖波平湖面天爲鏡風細漁舟網作帆  
追念昔遊成悵望酒痕猶在舊青衫

遊春詩

古錦爲囊挈小奚閑行展齒印春泥坐來帶草埋花徑  
吟罷隨風到柳堤傍水人家橋上路沿山茅屋石間溪  
源頭不敢深尋入怕似當年漁父迷

城市家家柳插門江南紅雨杏枝繁清明散火百六日  
風信吹花廿四番桑葉漸稀蚕欲老溪流深漲水初渾  
人歸郭外鷄棲樹芳思悠然日暮村

鄭三晉

金華人

國朝詩卷之八

冬日漫興四首 選三

深林薄暮鳥啾啾積棘叢中久滯留風助嚴威全仗酒  
雪凝寒色更宜裘蕭疎四壁依琴老淹蹇三冬對馬牛  
已把空青成白石篋中何事響吳鉤

斷續繩床不可棲層冰凍合亂鳥啼寒聲夜走溪邊樹  
野徑冬深雪後泥天際流音傳過雁中宵高興起聞雞  
年來清夢從何着直欲平飛太嶽西

雪滿前溪掩面窗雀羅門外酒朋無莫將白眼觀羣鵲  
還把青樽對月孤屈指年華如敝屣側身天地是窮途  
遙思昆弟發長嘯驚起哀鴻夜夜呼



國朝詩的福建目錄

卷之二

曹學佺 六首

林古度 四首

曾異撰 五首

林奎 十首

陳常夏 二首

李贊元 十八首

黃而輝 三首

林佳璣 一首

林勉 二首

王國璽 二首

林瑞客 二首

林徵材 二首

林宸書 一首

郭登龍 二首

林昇 五首

鄭燦新 一首

陳秉樞 二首

余蘭碩 一首

莊振徽 三首

林鼎復 二首

李孚良 一首

傅為霖 二首

余儀會 一首

謝天樞 三首

國朝詩的福建目錄

徐勳 四首

陳肇曾 四首

許珙 一首

黎士弘 十首

高兆 三首

魏憲 二首

余懷 十七首

李世熊 一首

林應璋 二首

宋珏 二首

王碩 二首

葉紹芳 六首

國朝詩的卷之一

長沙陶 煊奉長選

同里張 璨豈石同輯

福建

曹學佺 能始侯官人

署中對月

客邸當良夜觀空在一庭月為片水白雲作斷崖青砌

合巖邊露牆過竹裏螢北窓時偃臥風起自冷冷

送陳民部出守思州

言辭粉署重淒淒道路時聞征馬嘶日照夢懸鄉樹外

國朝詩的福建目錄

夜郎吟向郡樓西竹鷄羣裏登我領銅鼓聲中出朗溪

我欲白門攀柳送相思此夜有烏啼

四祠詩

清風寂寂嘆誰如客到荒林問所居白屋尙聞新法苦

青山寧與故人疎石頭雨濕孤城暮寺口江寒落月初

今日正逢明盛世因君翻為一躊躇

岡頭古冢自纍纍魂氣微茫何所之清露不曾沾宿草

白雲長自護南枝越城跡廢江流外杜宇聲哀春暮時

幾度遊人歌舞散獨將雙淚弔荒祠

燕歌聞變隔江聲赴難王師尙幾程故國河山空下淚

孤舟風雨忽收兵城崩不待梁妻哭家廢寧傳蔡女名  
日暮淮流遺廟在行人感激爲誰情

右黃侍中先生

一片東湖望裏分樵夫日日下斜曛時人未必知名姓  
孤影惟堪傍水雲屈子歌兮終自溺之推隱矣不須文  
却憐麋鹿山中侶猶愧麒麟閣上勳

右東湖樵夫

林古度 茂之那子福清人

登岱

人生妙登臨五嶽稱爲最岱則首厥名居東峙安泰凡  
山必有林秦松與孔檜日月爲蔽虧河海以中外落落  
具威儀諸靈悉來會人民既祚生邦國實攸賴怵惕事

國朝詩的 卷之一 福建

二

遊觀巖泉紛映帶暄涼備四氣何物更重大吁嗟天地  
功于焉見函蓋

新柳篇

東風吹動楊柳時初縈霧縷綰烟絲沿河間陌方榮樹  
離雪辭霜始放枝枝頭樹底看仍舊淑氣纔融春乍透  
濃淡輕黃尙未勻參差淺碧猶難驟輕黃淺碧露郊墟  
借草分蒲嫩有餘最裊亭亭嬌且怯纖梢短綫非一葉  
王恭張緒漫爭論旅舍邊營正愴魂可堪繫馬章臺畔  
漸許藏鳥向白門白門紫塞那堪比逗暖凝寒異生死  
楚澤拂應齊漢宮眠未起舞出腰肢鬬並柔畫來眉黛

纖能擬此時苑彼欲成行此時攀折待條長翠樓忽使  
佳人悔驛路將令遊子傷曳雨搖烟日猶冷艷李穠桃  
色俱醒玉關羌笛動遙聲灞水隋堤弄微影聲聲影影  
總愁人軟媚飄揚詎可陳渤海高叢爭擬貴金城重見  
易傷神多少髣髴銷歇盡會如楊柳故還新

新燕篇

新燕至語呢喃連翩辭海上迢遞到江南去秋相別年  
應雨今歲重逢月又三三月晴光啼百鳥爭羣逐隊齊  
飛繞若似雙棲畫棟春誰如並翬珠簾曉珠簾翠幕屢  
疑猜畫棟雕梁認幾回寂寞舊巢仍自覓殷勤遠道爲

國朝詩的 卷之一 福建

三

誰來來尋故壘添辛苦多少新人更舊主數數身輕楊  
柳風低低翅濕梨花雨花邊柳外舞差池掠水銜泥無  
暇時忽向歌臺拂經管乍臨妝閣礙游絲一朝復一日  
朝出暮還入繫縷事猶存司分期已及王謝豪華久已  
非至今古巷問烏衣莫教侶失情空斷待得雛成秋共  
歸

泛舟青溪與友夏言別

新晴期早戒共泛向華林宿雨浴山翠一溪閒柳陰屢  
烟橋欲失乍月水疑深好泊留儂處聊遲行者心

曾異撰 弟人侯官人

放歌爲林守一丁丑初度

巫祝無加于人壽九如之頌猶罵詛仙佛長生存者誰  
朝菌亦生椿亦死多男多壽富且貴人之所欲彼不與  
惟有不朽之文章人不授之天子不胎之父滄桑不能  
變文心大力難負隻字徒裸跣乾坤我爲冕黼毛血烝  
黎我爲鼓鹵原玉高呼賈馬邢許曹鏞陶肉陵旗武鼓  
白笑孟呻李棟杜礎千載二韓前非後愈千載二姬固  
妹邕女黃金梨竹我分身名山大川我臙腑莊周持籌  
海屋中東方偷兒夜窺戶彭鏗浪有八百年至今不見  
留一語青牛不授言五千雖曰猶龍亦死鼠河洛神龜

國朝詩的

卷之一 福建

四

背無盡閑氣支牀等鰕鱖區區少壯穉老間一身前後  
劃今古雄長鷄欄倪競粒附庸螻邦賧分土雖以千歲  
爲春秋稱觴亦如行出祖慶矣哉林生百年未半辰向  
午壽矣哉林生天地爲客爾爲主百代作者誰不祧爾  
今置身何處所何人不視不如左瞽何男不陽不如遷  
腐百獸毳毳蔚者惟虎千秋墨墨前燧後炬長歌把盞  
捋君鬚生也長年執過此林生更酌牽襦襦曰軼與轍  
見二子

至後過法海寺爾和禪房同慵和尚次韵

入寺冬新霽寒輕似早春百年天下士此日佛前人閒

失忙中我病分僧半身不辭來往數家只在西隣

題鐵佛殿

烈火坑中湧白蓮屠刀銷現雪山禪早知頑石能成佛  
錯點黃金僅得仙浪說脫胎良冶手未須依樣熾爐邊  
伊誰立地凡身換丈六如來在目前

古愚和尚自建溪來訪賦贈

剃髮人貪頭責輕脊梁獨豎頂天行澄潭有月空嫌滓  
漲海無齒大不成上座野狐提傀儡處禪汗黢笑公卿  
煌煌怪爾雙巖電何故來看老病生

門士重德溫從民部兄於燕書寄之

國朝詩的

卷之一 福建

五

相去未云久懷人歲易過帝京君已見天下事如何瘠  
國知醫苦病坊試藥多倘聞商足食爲語緩催科故土  
甘煩賦民生省荷戈稍驚隣舉燧時江右有警猶勝海湯波  
我種新居竹尚餘舊逕莎貧能勝小飲病不廢狂歌牛  
關如聞蟻鴉塗亦換鷺苔毛桑耐屐樓髮老堪蓑句問  
樂天婢談尋春夢婆坐眠床在几簷潦榭疑槎善戰若  
無敵寧輸奕背和隣嬰喧比劇俗客逐如讎閱世今非  
昔觀書我是他時文限字窘鄉語壓詩訛犬馬身多疾  
獲龍鬚已皤故人交半合門士好相阿鷄笑誹爲譽蠅  
聲頌抵詞隱鱗隨蛤蟆矜尾晒鵬拖屠狗刀從缺斬蛟

劍廢磨髀消怠感慨鏡醜畏摩挲短步終憐崔霜眉不  
妬蛾匆匆聊草草咄咄等呵呵爾壯蹄思北吾衰羽戀  
窠莫言歸馬疾客路易蹉跎

林 塗 子瑩耻齋福清人

舟中懷人

雨餘山自好適在放舟先古木溪虛壑孤邨靜遠烟懷  
人落日後搔首數峯前秋葉紛思亂推篷未可眠

送蔡元白謁選

每向伊人夢易疑何當相見亦分岐一天月好人方去  
滿地秋深感可知無語別君雙執酒每當思我數看詩

國朝詩的 卷之一 福建

六

柴門此後仍須閉寂寂黃花上短籬

山居

籬成未別隔溪峯一意低斜逐亂松竹密偏隨童子手  
晴明莫引客行蹤許僧石上呼看月近寺風前便聽鐘  
記插槿苗無數本朝朝留取野雲封

曾聞太古知何色日白山空別有光花帶夕陽紅照屋  
松同流水碧纏床樵夫語罷忘留姓野老琴終便過岡  
若爲道人求作字新詩吹去滿城忙

塵羅真可繫遊龍城市居然興味濃睡起獨看深夜月  
坐來孤對隔江峯巖頭是處勞遙望谷口逢人訊近蹤

拄杖斜陽歸去晚籬門剛到已聞鐘

興言往事卽傷今觀世情深待入林永夜有懷長掩卷  
一春無思未開琴潭邊閑取吳鈞照夢裡呻多梁父吟  
自笑機心刪欲盡臨棋法復似淮陰

北山看梅次韵

霜天日暮好登臺烟暝空林早月來淡思唯應不語看  
寒花未有盡情開較量風力深香處珍重詩人好句催  
僧磬無聲歸去嬾立閒雙鶴夢初回

登延津明翠閣

載得乾坤不了愁移舟剛壓老龍頭古今有語呼雙劍  
國朝詩的 卷之一 福建

七

風雨無端來一樓此日深思湖海客他年青學平津侯  
君難出水吾歸也且作人間冷鐵休

欲隱

欲隱無錢足買山竹林石榻夢魂閒兵荒入眼何時去  
家國關心那夜閒友是死生方可拜史非忠孝總宜刪  
從來不羨浮雲事上帝頻頻亦好還

歸到石倉同兒輩坐釣磯

自爲人爭笑計疎近來貧得復何如不羞簡淡能留客  
耐有愚頑喜讀書從此死心依畎畝更無雜夢到山居  
閒身領率兒曹去綠水磯邊學釣魚

陳常夏 鐵山開縣人

次日還江園述意中事

久向漁家弄小舟不知澤國有王侯  
風吹遊子長安道雨壓溪翁鶴筆裘  
送客同寒三尺劍避人更上一層樓  
自疑心眼蒼茫甚許大乾坤盡種愁

園居詩

皤然便是老溪翁一歲生涯任好風  
常買村醪圖醉臥不知身在亂流中

李贊元 匡侯素園龍溪人

古意

國朝詩的 卷之一 福建

八

千金買駿驄價重如連城一旦駕鹽車  
逐隊嶺上行逡巡氣凋喪幾爲驚馬輕  
鞭策馳遠道騏驎乃長鳴驂息千里至  
追電寂無聲斯時羣馬伏俯首不敢爭  
御馬貴有道如何違其情造父沒已久  
嘆息淚縱橫

遊靈隱寺遂登北高峰至半山而止

紺殿觀已止形神尚未瘳移步過東偏  
鐘樓亦微麗登樓縱遐覽愜我遊山意  
瀟瀟瀟湖水波如在堦除際尙恨湖外江  
微茫半昏翳僧云寺後山北峯特峻異  
烟雲抱禪宮吳越入胸次了無禽鳥聲  
但識天香氣看山必搜奇聞言忻欲至  
捫蘿勉躋攀遲計及顛躓拄杖聊睇觀

巖岫何迢遞蒼翠紛糾纏磴路杳然細  
逡巡至山腰力疲暫一憩巖風自北來  
松花忽滿地猶幸山氣佳雲日見清霽  
仰望北高峰髣髴天目勢岡巒鬱蹙衆  
山亦疣贅俯觀江與湖朗朗無障蔽烟  
火千萬家歷歷可數計徘徊再欲登魂  
魄已崩隆祇因根器微歎寄遠莫致何  
由陟層巔祛彼下界累

閒居卽事

本自愛長林朱紱非所樂又况蒲柳姿  
積勞疾屢作曠官恐負愆乞休入林壑  
尙媿筋力微未能任耕鑿展卷思良友  
疑義共討索典來尊欲傾却醪不厭薄  
長笑陟國朝詩的 卷之一 福建

九

高原眺望殊寥廓偶然得佳句解衣自  
盤礴曉彼遊宦人車馬何錯落而我胡  
爲者衡門飽藜藿丘園于素心不敢負  
前諾

幸遂初服意結廬山水鄉柴門臨曲澗  
辟蕩覆我牆呼僮治小圃課督循其嘗  
禾黍旣蔽野葵藿亦成行春來好風至  
百草皆芬芳登高縱四望陵谷互低昂  
長林多榆柳伏月生微涼偶逢林下叟  
把臂共揮觴談笑無多事抵掌話羲皇  
聽人坐忘倦山翠欲沾裳歸臥北窓下  
仰視明月光傷哉干戈地白骨浩茫茫

春日招杜于皇鄧孝威遊長千里用杜少陵樂遊

園韵

長干自昔號蕭爽春風披拂百花長木末亭頭眺遠空  
鍾陵峯巒列如掌錦馬香車無盡期名園翠壑恣歡賞  
可憐六季紛闌爭烽火燒散端門仗猶存巍煥祇園宮  
朱牆畫棟黃金榜乘興揮觴花柳前酒酣且向層臺上  
憶昔遯疆鋒鏑時四郊枯骨亦堪悲幸全餘生丘壑下  
藜杖芒鞋安足辭宴遊原因 聖主賜白髮亦屬九天  
慈春光此日難相負握手分題共賦詩

錫山晚泊

片艇尋幽勝溪行幾曲灣夕陽微照水雲影盡歸山汀  
國朝詩的 卷之一 福建

鷺沙邊去漁舟浦外還旗亭何處問樹下綠陰間  
看山日放棹向晚暫停橈初月升東嶺微風靜暮潮泉  
聲入寺滿峯影到溪遙長笑清波畔愁懷一夜消

舟過金山

一柱空中起孤峯迥獨尊風濤無旦暮浩蕩此乾坤勢  
作江天鎮流通滄海門潮聲催棹急乍聽一銷魂

春日江村雜興

風輕宿霧收春色滿平疇野樹多穿屋溪花不礙舟雨  
餘山疊翠雪後水添流何事江橋鶴翔翔遍十洲  
溪水自潺湲春來不閉關空江月出早靜樹鳥歸閒潮

到將吞岸雲飛欲動山悠然頻眺望長嘯不知還

燕子磯

危石參差斷復連翠屏壁立湧江邊地形長作開城鎮  
山勢不隨陵谷遷數疊樓臺浮島外萬家圖畫入峰前  
傷心六代興亡事楊柳灘頭起暮煙

端午秦淮

金陵佳氣入江春兩岸芳華動翠蘋白下湖山千載舊  
天中風月一朝新碧潭倒照青樓影錦瑟空愁白髮人  
王謝風流今已去倚欄悵望獨傷神

汴梁懷古

國朝詩的 卷之一 福建

十一

汴水東流日夜奔紛紛宋魏幾家存鴉啼斷塚玉魚出  
雲壓沙塲海日昏蔓草橫丘埋戰壘秋風何處弔葵門  
信陵賓客今安在憐影蜚聲欲斷魂

漁舟

數葉輕航江上過閒將短楫漾清波魚梁水落驚秋夢  
烟雨舟迴起棹歌晚簾只堪明月到早帆惟掛白雲多  
群鷗日夕沙邊宿增繖來時奈若何

過烏衣巷故里

徘徊往事欲傷神閭閻銷沉淮水濱屋有夜烏啼樹冷  
梁無舊燕落泥新空聞江左衣冠地不見風流王謝人

寄語行人休嘆息晉家陵寢亦灰塵

廣陵道中逢友人黃君竹以倦遊歸隱賦此贈別

从客顏顏懶問津蕭蕭衣帶畏逢人桐溪錦釣長辭漢  
楚水桃花亦避秦雲到江頭帆影濕雨過嶺上馬蹄新  
風烟欲斷關河路莫怨空山草木貧

鷓鴣啼

寒牀寂無語鷓鴣啼向曙如何不早啼郎已出門去

長門怨

久隔上林路無意對花開東風不解事吹送苑花來

黃而輝 近之同安人

國朝詩的 卷之一 福建

七

春日山行遇雨

春來好招遊常躡看山最尋僧扣巖扉泉石恣所適紅  
桃發短牆人家一水隔依稀舊園林風影懷風昔青山  
放暮烟倏忽失川澤負耒老農夫田頭被襖襖蒼茫歸  
北堂風雨落花夕

懷柳堤草堂

買鶴當年伴草堂又逢春釀注糟牀三更笑語花難寤  
一部笙歌月有香水榭分題邀妓和藕船鬪酒任僧狂  
祇今事過渾無跡獨掩雙扉對夕陽

題畫

澹澹清溪水不流魚鱗鳧網繫船頭殘陽樹色柴門外

坐對寒山兩岸秋

林佳璣 衡者莆田人

青麥嘆

烏啼啞啞日未曙擎弓彈烏鳥飛遽僞男弱女抱衾裯  
愁眉屏息易麥去衣不可餐何論錢抱麥好與健兒語  
叩首路傍不敢啼平時門戶何敢著滿目蒼黃色酸楚  
此生應讓太倉鼠

林勉 伯奮閩縣人

坐山樓用坡公韵

國朝詩的 卷之一 福建

七

野逕人跡稀寒烟入小寺山僧不坐禪秋雲集敝後檻  
外有江聲潮來復潮去

寄陳黃門

來同石畔影蝶夢渺江濤蟲作方秋語鳳鳴太古音杖  
藜心事短霜露國恩深不爲寒雲瘦何緣日苦吟

王國璽 海印侯官人

挽董太僕母殉節辭

我緇古烈傳奇節何咄咄能使已亡人令名永不沒臂  
可斷耳可截髮可封目可剔而今乃有最奇者董氏之  
母別尋一死法笑彼西山兩男子欲死不死戀微厥直

將一餓報夫君十有二日啼不歇嗚呼哀哉直指封章  
奏宮闕太僕之母孝廉妻勅賜坊表棹雙楫母心直欲  
爭萬年肯使風塵掩香骨何人辛苦爲招魂夜夜驂鸞  
弄明月

同吳中立來韞生紫垣登泰山絕頂

泰岱千盤上青霄有路通垂天雲似翼浴日海如虹孔  
子登臨處吳門匹練中曾傳七十代於此告成功

林璫客

元之草亭園縣人

宛陵道上遇雪

空濛天地氣離離荒樹叢山欲暮時擊劍側看驢背雪

國朝詩的

卷之一 福建

十四

吹簫獨和宛陵詩寒浮竹葉魂應瘦香傍梅花夢到遲  
我有素心人不見敢忘白首相期

過雨花臺弔方正學先生祠墓

不數文皇以後君荒荒天地若爲群六朝烟樹孤臺月  
都作當年風雨聞

林徵材

曾生連江人

過山公園

門巷春深碧草齊花枝大半委黃泥林鶯認得尊前客  
依舊飛來恰恰啼

觀妓

點玉明金相映暉斜紅殘黛六銖衣桃花扇底聲初度  
樓外青雲澹不飛

林宸書

千璧號杏洲莆田人

全張日季和坐雨試茗

送愁何處雨况復是天涯簾外孤峯秀堦前一水斜行  
吟探晚菊乘醉試新茶悵望秋郊迥花間駐小車

郭登龍

御六福清人

中秋舟次

江明霞白燭身單誰轉冰輪上碧巒夜色捲簾當水淨  
清光入榻一天寒灘頭魚戲風初偃樹杪鳥飛葉正殘

國朝詩的

卷之一 福建

十五

把酒他鄉醉我獨臨流徙倚醉中看

白門送吳果若之大梁兼東魏惟度

江楓欲落雁將來有客驅車出鳳臺花鳥山中隨眼呀  
詩詞海內適情裁秋風匹馬夷門路夜月孤舟汴水隈  
莫道騷壇無砥柱梁園今更見鄒枚

林昇

洪山莆田人

二杜行

春墅閒居得二杜一曰杜康一杜甫甫也亦是康子孫  
騷壇趙社稱老祖虞廷歌咏安在哉曰君曰相同胚胎  
風雅刪正三百什聖人妙旨向蒿萊猗嗟降及大曆開



元之詩杜爲首往往邀名托杯酒三禮賦成獻至尊赫  
奕聲華豈俳耦車轡馬跡遍九州埋頭曳履窮二酉問  
關行在作孤臣滿腔忠憤值陽九可憐無人拔此抑塞  
磊落才拾遺諫草傳亦久晉雲楚水浣花谿川烏江蘋  
驛亭柳滔滔不竭萬餘言興酣落筆雲霞走君不見壁  
經義易大文章秦火難焚真不朽

省齋獨坐

小憩省齋靜松陰覆地涼天仁無酷暑官拙久他鄉鳥  
影穿花過蟬聲落樹長夏門雄更險回首意難忘

二十里舖和壁間冶仙韻

國朝詩的 卷之一 福建

去

停驂廿里日方斜信宿西村賣酒家恨別此時驚草策  
含羞何處泣琵琶癡情未敢歌桃葉浪迹無端逐柳花  
滿架茶蘼春不管乳鶯啣過碧窓紗

坐雨

濤聲急作海天秋大雨連朝未肯收歸鳥不知何處宿  
亂雲直欲傍人流安貧吏豈無經濟熟睡僧應懶唱酬  
忽聽西風天外起窮檐誰爲稻梁謀

宿紅花埠

車碾紅花暑氣空曾題詩句別山翁停車又宿紅花埠  
多少離愁細雨中

鄭燦新 鞠思閣齊閩縣人

重陽前一日同金長真郡伯登南湖大士閣

殘荷冉冉蕩湖光遠塞孤鴻下夕陽更上一層秋氣爽  
却先明日菊花黃銅駝荆棘悲前代玉壘烽烟憶故鄉  
才乏子安慚作賦敢將梵閣擬滕王

陳秉樞 叔霞莆田人

達摩洞

玲瓏怪石復巉岈乘興躋攀到遠巒洞裏有僧仍面壁  
崖邊無客不憑欄懸蘿月上推窓接峭嶂雲歸隔竹看  
更欲留題標勝跡蘇苔古篆剝成瘢

國朝詩的 卷之一 福建

三

仙霞關

閩嶺雄關此最裁百年幾度笑投戈一夫漫說當關守  
萬馬纔聞近日過疊疊奇峰懸峭壁層層曲澗落清波  
停車久望猶揮淚鷄大聲稀破屋多

余蘭碩 香祖莆田人

梅花次家大人韻

烟翠橫空影滿庭荒寒不散霧冥冥三更落月浮銀海  
一片晴雲擁畫屏花盡開時昏浪白笛頻吹處遠山青  
南牕睡起無情緒自剪春愁寄驛亭

莊振徽 世慎耻五福清人

同友人宿官庄茅舍

處處寒光碧清幽一夜增聽濤聲萬壑對月影千層樹  
靜雲爲友山深客亦僧移情欣不寐話盡欲殘燈

上洋口阻漲

雨過增月色水漲沒谿聲村酒連宵醉漁歌隔岸清近  
家頻有夢久客且忘情未拆登山屐扁舟任爾橫

清泉舟中別客之天中

未了連床話飄然君遠遊柳陰嘶去馬城畔冷孤舟野  
色隨人往江聲入暮愁故鄉多好友莫久戀中州

林鼎復 天友長樂人

國朝詩的 卷之一 福建

一八

八月十三夜同友人集怡雲亭

塔影禪燈外亭陰水藻中簾窺將滿月席就乍涼風夜  
氣分林白秋聲落葉紅時艱君自曉莫學但書空

初度答諸同人見贈

浮沉三十一年春面目深慚現在身猶憶紀年書甲子  
敢將初度比庚寅天教遷客爲同調地有殘山且結隣  
醉裏頓忘人世窄支離懷抱任長貧

李孚良 右起龍溪人

臺城懷古

梁宅江山一戰休蕭然古意至今留採樵忍向臺前草

孤艇難堪湖內秋廢殿有基行客過故宮無王野僧遊  
憑高四望蒼涼處地自傷心客自愁

傳爲霖 石清南安人

述懷

久負荔支約寧食鱸膾肥歲荒民命賤官罷故人稀身  
世浮萍泛春風乳燕飛幾回鄉夢後翻訝未成歸

重陽後三日邀諸同人泛舟張揆原載酒共遊竟

夜泊九峰 時將訪旅  
菴和尚

尋秋有約出城東江上攜樽勞鉅公紫蠅筵開張翰酒  
黃花人想惠休風當頭月碧溪聲裏對面峯青棹影中

國朝詩的 卷之一 福建

一九

漫道錯過重九日好遊偏覺興無窮

余儀會 來儀羽尊莆田人

棲靈寺

平山堂際棲靈寺殿址崔嵬映摘星第五泉憑僧竈煮  
隔江峯插翠微青秋空漁唱頻來往日暮軍笳入杳冥  
散步荒臺多感慨蜀岡殘塚有碑銘

謝天樞 爾玉星源侯官人

柳侯祠

龍城君舊治到此每停船側問羅池廟皆言刺史賢王  
恩蘋藻地臣罪聖明天官是文章悞情因朋友偏量移

猶拜郡塞憤借投邊門見魚 山立祠陰桂樹圓鬼燈  
吹瘴出硯鼓應零闕蟲跡仇碑字蛛絲補屋椽生時已  
不達死後亦誰憐蠻窟詩名大山靈才子專土風尊作  
祖慧業靜依禪下馬墮丹荔閒庭鎖木棉逐臣子更遠  
瘴地爾尤先灑涕問夫子千秋事果然

榕樹樓

湘水背流三百里飛樓截寨壓城起老樹巨盤鎖鐵枝  
夾穀當門成兩軌猶憶昔時秦漢年天子閑選日未已  
晚尋方士學神仙直窮丹砂到交趾驪山荒草茂陵秋  
此樹偏能得不死我來萬里登此樓陰房鬼火泣啾啾

國朝詩的 卷之一 福建

三

戰骨如陵衰草白芙蓉十里披紅秋君獨兀坐如禪定  
慘澹枯枝風雨幽銅柱青真搖倒影十丈珊瑚掛碧鈎  
何不託根深山去從君來作赤松遊

登獨秀山

日下荒城客影孤登臨況在舊王都江通吳楚輸軍粟  
氣盡西南失霸圖繡瓦秋寒開埜菊柴門晝閉落宮梧  
珠鈿放去無消息山色依然此路隅

徐 煥 與公同縣人

過鄭吏部墓

昔賢寧復起大雅久無聞黃土空銷骨青山不葬文精

靈沉夜月吟咏吟秋雲詞客應相識詩成墓所焚

駱賓王墓

文齊三傑擅名家寂寂楓塘古路賒先代蛾眉驚草檄  
千秋馬鬣塋袞袞螢飛遠火秋雲暗蟬咽殘聲落日斜  
荒塚無碑誰下馬西風吹落老槐花

送王元直之金陵

征帆西去望京華極目雲山夕照斜客路王孫隨草色  
渡頭官妓醉桃花秋高建業潮侵岸夜半秦淮水浸沙  
若到烏衣訪遺跡風流依舊屬君家

溪南訪鄭翰鄉話舊

國朝詩的 卷之一 福建

壬

尋君迢遞歇羸驂山閣弘開對夕嵐寄寓俗塵甘廬下  
卜居名勝愛溪南廿年舊事秋風淚一片新愁夜雨談  
相顧頭顱俱漸老燈前悲喜總難堪

陳肇會 昌箕侯官人

贈杜于皇

猶言和上別何以慰風篷史籍留秦火騷經補楚風高  
蹤甘隱豹薄技耻雕蟲如許乾坤大依然一畝宮

松林晚望

舟行纔二日幽賞愜心同墓靄空濛色寒流清越音沙  
平連岸澗樹密隔林深疑入湘靈夢何人鼓素琴

莫愁篇

自是長安有俠邪，訛言新寵更參差。  
忍牽出塞青絲馬，空想當爐白鼻騮。  
夜半有心看北斗，生來無願嫁東家。  
春深漫道嬌無力，愁對相思楊白花。

已亥之役舟抵梁谿，阻江不得北發，遂隊返棹，聊述所聞，爰以志慨。

孤月淒涼上柳梯，樓船簫鼓寂長堤。  
姓名空變藏梅市，歌吹誰聞過竹西。  
十載星霜寒鴈唳，二陵風雨夜烏啼。  
不勝今古傷心事，欲寫新詩半失題。

許 玘 天玉侯官人

國朝詩的

卷之一 編建

三

答同年黃石菴侍御

千山烽火獨憐予，此日荒廬有致書。  
亂久天心方見鴈，愁深民命盡爲魚。  
張華易老三，年劒趙壹難登萬里車。  
海水紛飛南國黯，故人相念喜如初。

黎士弘 魏曾長汀人

答贈陳弓甫先生

遠驥伏車下寸心，願高徒負重不敢辭。  
但惜駑年齒并驅，咫尺間何所別。  
千里雖曰芻稻甘，無以托生死憐憫。  
甚戮辱鞭笞爲甘美，君子言九方乃察。  
焰光紫寥寥誰復知，長鳴則爲爾。

舟過建武夜行

不住因風好能爭，半日程船燈敲石。  
人人語渡河聲，月上千峯立。  
霜深一鴈鳴，經年南北路。  
多半是宿征，夜宿弋陽次日蚤發。

臨水了公事，重裘任夜寒。  
微霜猶在樹，好月不成看。  
如訴蟲聲切，高樓鳥夢安。  
勞人因底急，船鼓發更闌。

秋行

許多新恨，莖紅塵漉酒閒。  
他舊葛巾催雨寒，烟當立馬投林荒。  
鳥急遮人別，開文塚歸芳烈。  
欲買糟丘作比鄰，五嶽向平真錯料。  
只須閉戶毀蹄輪。

國朝詩的

卷之一 編建

三

三閭廟詩

生前已自嘆無徒，既死何能賦卜居。  
醒眼江河猶旦暮，荒郵名號寄沽屠。  
兩行濁酒澆春社，一束生芻薦鬼車。  
我亦有懷天夢，夢只當呵壁問三閭。

開春五日飲胡與叔宅

莫壓清齋歲事貧，寸心斗酒亦能春。  
謫來天上還同隊，選得名山待補人。  
文字逢年輪養卒，亂離閒地聚朋賓。  
不知拂面紅塵裏，可得長容臥綠茵。

都門送周樸園先生南還

平時好語寬相慰，曾及今朝酒數行。  
海內久知君不死，

意中真見客還鄉遠鴻待信述春澤春馬寒嘶認大梁  
遙憶到家親串滿添燈拭淚說倉皇

抵湖口送舍弟道存赴壽春

如斯去住紛人意愛爾還官亦過情九載爲郎心獨苦  
中年兄弟別難輕可忘往事連牀日又聽孤篷滴雨聲  
堂上喜看頭白在相期無事共歸耕

秋歸

江聲漠漠迥離情八月蒼葭露欲零小市新寒高酒價  
歸舟晚泊亂燈明何年逐鹿留空戍幾點飛鳥過廢城  
極目興亡深涕淚耐他寒折響殘更

園朝詩的卷之一 福建

五

登從姑山望麻姑舊壇

要乘雨後始登山浙浙能添石路寒望去秋雲垂四野  
一峰晴處是仙壇

高 北 雲客同齋侯官人

列女高氏

哀哀天上鴈孤飛何太惑棲棲黃鵠鵲故雄空在臆州  
南有嬌女五歲學紡織六歲誦孝經七歲通內則端坐  
父母傍大都成人質母愛同明珠父憐如初日相語只  
此兒儀態朱華色守禮比羅敷不知何家得東家遣媒  
人自叙世婚姻郎君正八歲美璧爲精神恭聞考功女

遺媒通年庚考功聞斯語入室語孺人媒來結大義東  
家有寧馨便可相和許阿女托終身孺人引媒坐此是  
大姻緣吾家盈盈女窈窕若大賢小名爲細宋六歲習  
書篇七歲尙未滿訓詁薄通淹媒人東家去爛熳口中  
宣孺人呼阿女汝今非比前阿爺與阿母字汝翁家兒  
翁家翁姥喜視曆選良時黃金鑿寶釧秦珠結花綵肥  
牟十二牽各各穿錦衣道傍見者羨兒女心各知翁家  
結褵後日月如駒馳細宋初十二翁郎十三來紅巾大  
點兵沙中樹龍旗人民不可保兩家同流離兩家挈兒  
女來往城南下翁郎多令才翩翩動城府考公有介弟  
園朝詩的卷之一 福建

五

愛女勝自舉數年骨肉依一朝思故土姥謂女長大遣  
嫁只年許翁言叔愛女留女與叔撫女聞爺娘言掩巾  
淚如雨生小從母傍母忍置嬌女阿母含淚答翁姑將  
娶女我與阿爺旋爲汝作嫁查車馬匆忽去阿女掩帷  
幃叔母笑女戀禮節大過嚴桃李各放花春風當及年  
叔家本爺家鞦韆妝樓邊婀娜纖纖步不解到堂前阿  
叔自外來賀女得門楣翁郎好紙筆天曉復月移使君  
大取士指日駿馬嘶詎知山與河信宿有崩夷媒人門  
外造登堦顏色悲叔母屏後出小鬟當戶窺竟道翁郎  
死已時身見之阿叔拍案哭哭聲達中閨中閨阿嬌女

髣髴自聞伊罷織立床前懸帶向戶壁今日爲初二陶  
陶孟夏月叔母褰簾喚阿叔言咄咄細宋拜阿叔送女  
翁家宅往謂身自逝不及爺娘訣阿叔答嬌女不圖忘  
書籍禮曰女子行父母命乃獲汝爺與汝母遠非吳越  
絕會當來見汝遣汝從結髮阿女大明白回身告叔父  
兒身固是女非同人間婦伏惟早寄書慎莫緩見誘考  
功見計來愛弟書隨後上言讀書子貴志死尸牖下言  
兄嫂知細宋言不狃孺人哭放聲嬌女何迫促考功語  
孺人大孝女所篤忍痛遲不之此意持告叔可憐嬌小  
女日日穿雙目爺娘杳不來夫婿日月速四年一日同

國朝詩的

卷之一 福建

三

皎皎泉下曠垂暮老考功小兒如蘭玉悽愴兩連殤思  
女忘其夙孺人念嬌女歲遠或可告兩兩渡橫江弟家  
問骨肉阿女聞爺來從容出繡屋四拜復長跪仰看爺  
娘哭哭罷啟朱唇爺娘幸見聽日者羈滯死願得爺娘  
命令可便辭去下與黃泉認考功大悲摧歎令孺人進  
阿女心鐵石亦是家大慶卿可爲裝束義在情當忍窓  
下縫衣裳窓前造奩箱大帛三百疋皜皜白日光箱奩  
五六十白繪如雪霜香車皆衣素阿女坐中央流蘇素  
練結四角垂飄揚行人止道上兒女窺門廂相馳看細  
宋盈路言芬芳阿女入翁門懷悲登高堂歛衽謁祠廟

低頭拜姑章拜起數左顧委身木主傍姑撫新婦泣孤  
墳在北邙日中大會祭宗親十百行墓門暗蒿草松栢  
如人長浮雲低欲合相視久傍皇新婦下車來麻衣曳  
地橫黃泉對咫尺舉手澆酒漿謾謾松栢下上告於阿  
姑婦請從地下不得更躊躇姑前抱婦泣兒倚婦鋪  
翁扶黃髮父龍鍾泣孫雛仰聽新婦言顧視宗老吁新  
婦一死易孫亾重立孤宗老謂新婦老人言嗚嗚叔姒  
會免身新婦待須臾生男則主後生女惟婦圖新婦啓  
宗老大節難久須勉承尊章命立孤往報渠願姑從新  
婦小閣起中廬苦塊作寢處齊衰仍襟裾四時與入節

國朝詩的

卷之一 福建

三

廢禮恕娶嫗斬衰三年罷孤當能母呼此時不可緩與  
婦歸黃鑪翁姑與宗老拱手咸曰俞新婦辭墓返下車  
適小閣蓬首日紡績歡粥強杯杓漸看孤扶床屈指墓  
門約重戶寒風微墻頭青芷葍姑來視新婦牽孫淚珠  
落感歎未亾人不知新年樂姑去婦太息復過正月朔  
漸見十五來死期定宿諾開曙當窓牖燃香告冥漠天  
地即共聞妾死當在昔初無母命行再受立孤責奄忽  
至七載不得相隨歿今茲大義盡越春夏四月初二日  
當已七載前即卒天地即共聞其日妾殉節纖纖齒手  
指喋喋指中血點點七百字字字盡鮮曄舅姑堂中悲

新婦不可奪孺人與考功在家愁春末六親及九族夾

道車輪婦閣中坐刀尺陳前窗探檢箱中帛堆積盈

空牀絲絲皆手織幅幅自裁量大布縫上襦麻泉成下

裳桂褐及柏複一一級歲詳纖細千履襪垂帷刺銀紅

來者盡涕淚相陪坐四旁慰解言百進傷嗟情莫當新

婦了不答轉盼微顧將漸迫三十日母來太辛酸撫摩

遍頂踵端相慟玉顏誰知嬌女心磐石固不遷殺案奉

進母母舉不下咽女意大平常那見中輟餐考功告姻

姪弱息志彌堅生存使不樂不如與死懼舅姑慘無色

後事豫百端東市擇文木南市買絲丹召匠運斧斤丁

國朝詩的卷之一 福建 元

丁為婦棺婦謹白舅姑數事請死後婦尸女兒軀勿付

男子手區區大小欽束縛為大醜屬續與含視願令婢

左右宗老聞期來坐立滿圭寶昔有烈婦死生祭用牲

牡祭婦禮是徵議論歷卯酉婦聞傳語謝大人意誠厚

烈婦婦已定婦女何得受其日已初二鷄鳴稍稍起沐

浴既盥漱襟帶安綦履結束衣與裳開鏡拭塵滓雙鬟

畢嚴妝玉指拂緇纒機杼收窗中硯匣置方底迴身抱

嗣孤彈淚付阿姪徐步下小閣頻拂小姑涕自歎忽三

載未到堂前地堂前辭姑嫜依依別小弟爺娘訣堂外

傷心綴天屬宗老男女列門內展拜肅內外舉袂泣婦

抱木主出几筵跪致嗣妾尸今就木堂上總帷張帷中

秉明燭新婦語阿姑此是前死時冉冉便郎去上閣復

開扉塵埃飄風暗鳴鴉向屋飛新婦持匹練高結梁中

垂舉身上自掛魂去如蛻遺哭聲當閣起小姑環嫂啼

亭臺覆繡被杳杳端顏儀闔棺置高堂白日照地輝弔

者皆大悅奔馳塞路岐北邙開同穴南陌立豐碑碑陰

松柏合墓上鴛鴦飛千載人行過立馬下念追從容死

大難男兒慎勿疑

荷蘭使船歌 代友人紀事

乙巳冬十月鈴閣日清秘撫軍坐籌邊頗及荷蘭事幕

國朝詩的卷之一 福建 元

下盛才賢共請窺其使連騎出城隅江聲來瀚海橫流

蔽大舶望之若山墜千重列樓櫓五色飄幡幟飛廬環

木偶船上周遭刻木層艦含火器人佛郎機百蓋革既

彌縫外裝丹漆還塗塹每月塗伽馬漆叩舳同堅城連

鏢足馳騎佇立望崇高真非東南利某也亦賓客絕藤

許登跋番兒候雀室探首鬼魅上下以藤結梯雀室船

緣梯從竇探客登船施放譯使前致辭此其事大義其上

電交足至諸砲為致容千人方車矧并轡其人各垂手周行若沈思船中人

負手閒行竟日干中央匱指南樞紐浮天地船中央以

問不息不測其故



經爲行舟指南 鐵軸夾其間凌雲百丈植桅梢皆以鐵束七

帆恒并張八風無定吹帆以布凡七張杳施如網羅坐

臥引猿臂帆絳交結如網人暇升下觀空洞底委積

於焉寄船下教省懸釜熾飲食船第二層以四鐵載土

滋種時船面有土種蔬但可歎博厚安能測遠邃船師亦國臣

逢迎慰臨蒞坐我臥榻旁璫瑜足明媚雕欄障玻瓈盡

處窻皆懸桁垂占禪飲器皆以竹懸發笥云葡萄洗盞

注翡翠高瀉成貫珠傳飲勸露醉國俗行酒以傾海銀

榮薦瓜蔬風味頗浸漬瓜蔬味酸脆豈欲傾其釀因之

窮審視明明簪筆邊木爲筆如冠簪而紐半卷有文字繪事江海

國朝詩的卷之一 福建三

迹水道何太備島嶼分微茫山川入詳委是日于其所

長丈許繪諸山水各有番字如蟻分議其下考之皆五

虎門內外沿海地圖及水深淺處詰問譯人以識水停

船爲對時使觀圖見包藏寧惟一騎恣上馬大橋頭目

送增憂惴嗚乎通王貢詎可忘覲伺周防勿遑巡公其

戒將吏颺去勢已形禮義不足餌

湯公行

烈皇死國忠臣盡四海南奔那足問天隅涼落故臺郎

夜行獨出秦川郡繡衣滅裂垂兩肩傷心鐵印磨腰穿

嬰城故人總開府樓江諸將空樓船樓船殺氣星如掃

孤臣匍匐炎天道白頭已殉由拳城一身猶赴田橫島

座上風雲叱咤起

義兒負劍冠披靡魯連未解平原圍酈生已向歷城死

海天昏黃血模糊老翁手提七尺軀緼火登丘舉長鍾

黃泥白草鳴僕姑同時多士聞太息纍纍積石橫胸臆

行人那識公之境飛沙已沒墓門棘此事虛無十數春

中原往蹟徒沉淪有子不得在公側招魂誰問汨羅津

太白蒼蒼落日急孤兒脫繫思翁泣從亡奴僕死凋零

經過親串病呼吸辭家痛哭入南方足蘭眼穿逐風霜

寧陽城外知何處霍童山前空斷腸斷腸悠悠行路者

自言家住荒丘下曾看生際玉貌身嘗騎死後青驄馬

國朝詩的卷之一 福建三

嗚呼公子且莫哀縣官清野令風雷明朝下帖開遊障

老兵負弩除草萊十里沙磧百里海波濤濤滄墟里改

麻衣一望沙田號土人共指銀魚在重泉初開日月昏

觀者辟易聲淚吞溫序髭鬚飄飄動卻缺頭顱精爽存

孤兒抱持眼流血血落草枯肝腸絕衣冠重裹栢榔新

關山仍導烏臺節吁嗟乎湯公歸去石塚高黑頭孝子

掃林臯可憐玉匣無消息春風何地長黃蒿

紅毛行代友人作

海邊黔首重足立海外紅毛交臂入連天之舸遮南臺

車馬紛紛岸旁集細甌大笠紅綱衣金紐連綿錦帶圍



手中骨朵銀花繡胯下文韉鐵葉輝北來駿馬西番轡

騎向雙門似隼飛外藩大府日禮宴灑酒推牛官長羨

柔遠之義爭撫軍軍門循例開厨傳牙旌日麗鐘鼓喧

鳴鳴吹角上轅門老番碧眼散黃髮兩兩騎過升堂軒

黑面玄髮一百箇脫笠橫刀兩旁坐領輓紛披白似霜

短衣爛熳紅如火當筵致辭謝鼎烹旋催蘇合沸銀鑊

曼頭燂漉出黃玉牛膾燔炙成金脰韜手之韋一時脫

俗以柔韋韜手具食脫之沾濡案席聞芳辣中有紅毛稱白丹座中

漢語時嘈喏軍官認是漳州民荷蘭種落寧其倫指揮

玄髮起獻壽大言其刀皆有神倏然拔鞘萬蛟動走電

國朝詩的卷之一 福建 三

呼風遶畫棟清光盤擎旌旗龍天影低昂幃幙鳳亭亭

入手繞指柔直盡一鳴金石愁銀絲刻畫吐番字金環

錯鏤吞寶鉤銅弦旋張銅琴鼓錚鉉亂撥落風雨拘竹

張絲倚臂彈拍手彈肩跳梁舞青天白日變海印魑魅

魍魎滿公堂紛紛兵氣衆目動森森異物心覓揚從官

兵衛空咤叱軍仗數動鈴閣下撫軍南面威儀尊如山

不動神姿假樂人承宣趨階平番曲奏清塵埃群番

皆起下伏地膝行率馬過行臺退開東閣思封事白髮

壽邊真盡瘁手把尙書遺奏看對子雙下龍鍾淚

魏憲 惟度福清人

舟中早發

灘聲催短夢帆逐曉風斜嫩綠初歸柳新紅淺著花宿

烟籠水國殘火乞漁家回首山城裡淒淒起遠笳

宿白雲洞同金陵黃文中盱江吳星若

白雲留一宿同聽海潮音漁火空江亂鐘聲隔院沉烟

光浮半榻夜氣結層陰忽唳松間鶴能清夢裡心

余懷 源心無懷甫田人

游天寧觀楚石禪師衣鉢歌

天寧西齋有法寶一衣一鉢傳楚老大幅白氎領微襞

細紋潤製工何巧國初貢自高麗王頒賜名僧古來少

國朝詩的卷之一 福建 三

鉢形九寸餘以漆旁着四股相迴抱穿綴雕環貫以珠

復以精銅冒其杪中有波浪翻枕櫛餘地黃金嵌香草

二物收藏三百年江花海月含文藻夏鼎商彝久淪落

珠襦玉匣終難保萬事傷心空野烟對此茫茫色枯槁

山谿鹿過鳴蘿鐘門外松花落如掃

拜于忠肅公墳

今古錢塘割昏曉江湖怒嘯英雄老松柏森森北斗低

忠臣塚上無啼鳥隔湖月照鄂王墳淚灑兩朝冤少保

憶昔景泰年間事隻手扶天助天討司馬門前鐵騎寒

居庸城外撓搶掃誰知徐門爭奪門南內鐘鳴還大寶

碧血淋漓灑西市青山白骨埋烟草靈旗畫展鼙鼓喧  
遺殿冤我萬花繞山鬼一腳不敢出始信忠冤獨縹緲  
我來拜公公豈知孤舟落日西陵道杜鵬叫罷行人稀  
銀濤白馬歸華表

遊愁南屏靜寺

小雨催搖擢湖南別有天幾家臨水住一塢倚山懸聲  
出花邊磬香流樹杪泉絺衣渾欲冷高屐破雲烟

喜雨

老樹秋風到孤亭夜雨懸稻花如有喜豆葉不須憐路  
暗迷隣笛江空失釣船明朝著高屐踏破郭西田

國朝詩約

卷之一 福建

三

和楊炯伯見贈

種瓜何地是青門愁見濛濛入表昏芳草故都春閉戶  
落花寒食夜開樽荒鷄鳴處誰能舞舊燕來時我尙存  
雨後不知山徑滑遲君雙屐印苔痕

高樓細雨試霜聲小塢輕陰花下迷醉後作文招海賈  
歸來留舌示山妻三春碧草空相見百尺青藤未可躋  
欲往桃都棲大樹每於日出聽天鷄

雨中過胡君渥山居

茆茨新築百花前春水寒聲溜澗泉竹杖撥開三徑草  
芒鞋踏破一溪烟笛簫雨後堪供客鷄犬雲中亦帶仙

釀熟暫將巾漉酒醉來同上釣魚船

贈秋浦劉興父

辛苦驅車到舊京臨風揮涕說平生身當戰鬪空存骨  
家爲飢寒已廢畊何日涉江寧杜若有人閉戶種蕪菁  
莫雲羌笛長干寺臥聽秋堂蟋蟀聲

酬姚仙期

別來無夢到家園衰草斜陽醉玉敦萬里冬青啼杜宇  
幾年秋水泣東昏江湖僧臘寒歸寺雨雪人家夜閉門  
莫嘆相逢毛髮改荒鷄猶自叫劉琨

吼山

國朝詩約

卷之一 福建

三

忽驚山影過帆前更展江湖極目天僧在別峯雲縹緲  
客迷歸路水嬋娟魚穿九曲風燈亂葉落千尋石磴懸  
共說此間堪避世不知疏鑿自何年

金陵雜感

六朝佳麗晚烟浮擘阮彈箏上酒樓小扇畫鸞乘霧去  
輕帆帶雨入江流山中夢冷依弘景湖畔歌殘倚莫愁  
吳殿金釵梁院鼓楊花燕子共悠悠

遊弁山資福寺呈霞胤師

一片風篁掠翠微晚鐘初動白雲稀溪邊細草薰游屐  
石上秋花點衲衣永夜松聲山鬼嘯諸天梵唄鉢龍歸

趙州茶熟人人醉卧聽空林木葉飛

由畫溪經三箬至合溪

畫舫隨風入畫溪  
秋高天濶五峯低  
綠蘿僧院孤烟外  
紅樹人家小閣西  
簪水長清魚可數  
篁山將盡鳥空啼  
桃源不是無尋處  
楓葉紛紛路轉迷  
行到水窮雲又生  
谿橋重疊穀紋平  
荻蘆風起飄漁網  
桑柘影稀聞犬聲  
樹杪船歸山市散  
灘頭砧急夜燈明  
綠蓑青箬閒來往  
最喜無人問姓名

秋日郊居

柳岸飛魚沫連塘起  
雀風半窓虛夜坐  
一榻擁秋虫江

國朝詩約卷之一 福建

三

米傳新稻山花落  
晚紅逢迎青眼客  
憔悴白頭翁葵葉  
沾青露人歸戍鼓中

秋雪飄黃竹雙扉掩  
石汀山香迷野燒  
波影碎江星蛺蝶衣  
猶綠鷓鴣盡更青  
官橋吹玉笛鄉樹倚銀屏  
門外潮聲急攜壺坐小舠

麴院官釀

白馬紅傘冷劫灰  
柳絲如線舞荒臺  
最憐南渡風流盡  
澗草松花掃不開  
麴院在九里松旁宋南渡時取金沙泉水造麴以釀官酒

吳門雜感

搔首紅闌七十橋  
闌鷄陂下草蕭蕭  
無端醉擊雷門鼓

潛向花陰哭海潮

茂苑樓臺接五湖  
蓴絲菱片野雲孤  
烟波一擢鴟夷子  
閒對西施話沼吳

李世熊 元仲寧化人

晚眺

匹練村烟靜洄灣  
照一漚雲危寒欲墮  
野散暝能收慘碧  
沉山魄肯風禁鳥  
啾春傷千里目  
瑟瑟但如秋林應璋 黃榕城人

九口懷人

聚首何堪又問津  
恰逢佳節更傷神  
離羣猶記聯牀話

國朝詩約卷之一 福建

三

夢寐還同把臂親  
別恨惟憑愁裏句  
淒其誰念客中身  
應憐今日西園飲  
笑對黃花憶遠人

暮春登焦山

爲愛名山選勝遊  
輕舟鼓棹渡江流  
風迴路轉禽聲寂  
寺隱林深梵語幽  
極目遙瞻天地闊  
憑欄俯視水雲浮  
長江千里渾如畫  
兩岸晴光一望收

晚泊看雁

孤帆縹緲出江烟  
遙望人家住水邊  
夾岸秋蓉看不盡  
輕舟已在雁行前

宋 王 比玉莆田人

賦得青谿柳千條送黃朝質還莆

秦淮日日酒船過酒拂垂楊奈別何涼月未邀于野蘆  
繁霜先聽小姑歌藏鳥深夜人留宿繫馬來朝客渡河  
我亦思歸餐荔子鄉愁亂比柳絲多

讀沈履德白香集

旅館無魚篋有詩千篇都出美人貽已驚雪片收吳詠  
更愛梅心續楚詞掃地焚香忘客久典衣酤酒願春遲  
新雷昨夜喧南浦暗長茶芽憶武夷

王碩雄遠閩中人

答懷京江友人原韻四首 選二

國朝詩的 卷之一 福建 王

冉冉風光獨坐時去春猶憶共談詩江頭潮泛桃花雨  
嘶上烟拖楊柳絲一蹇隨君吟白社雙柑邀我聽黃鸝  
只今牢落華陽道不盡秋懷寄遠思  
秋入山城悵望時蕭條景物半離披黃沙出水雁初落  
紅葉滿林風自吹幾處寒砧催漏急孤窗夜月舉杯遲  
空留壯志成何事慙愧伊人數寄詩

葉紹芳 芸三福州人

十四夜泊甘蔗洲懷仲燕諸兄弟

曉鼓臺江棹頃刻欲千里西風苦相留波浪兼天起三  
老逆流行奮勇才相抵但聞篙聲聲聲控無寧暑繫纜

甘蔗洲吾弟家在邇大水摧江岸沙泥阻屐齒枯柚繁  
暮煙蒼翠浮尺許雞犬互爲羣空廬若柿比牛羊下山  
來入江自飲水遠望不分明拊檣數徒倚夜靜讀書聲  
隱隱出林裏

連雲棧步韻

烏道縈雲轉垂鞭聽鳥歌瀑從猿逕落煙掠馬蹄過芳  
草沿岡綠奇花異種多邨翁粗解事抵掌說蕭何  
舟泊南雅懷黃貞卿黃時出宰雲南太和

公車昔日此停舟煙月微茫共倚樓軒冕不情君已去

溪山無恙我重遊桂花香度帆檣靜漁火光侵枕簟幽

國朝詩的 卷之一 福建 王

未審鳴琴蒼洱暇可能回念舊交不

懷雪

誰搗玄霜煮玉芽杏村別有杜康家色清何用苞茅縮  
味淡無煩翅葉加豈有瑤田堪種秫但聞瓊苑欲飛花  
思從滕六搯瓢醉冷眼看人恐不賒

夢遊洞庭山

茫茫七十二峰環隱約雲中現翠鬟頃刻掛帆衝浪過  
看花騎馬洞庭間  
縹緲峰頭嘯晚風日光雲影漾長空波濤三萬六千頃  
只在西山一枕中

國朝詩的福建目錄

卷之二

吳彥芳 十八首 黃虞稷 四首 魏文煊 四首

黃居中 三首 丁燁 六首 廖騰奎 三首

林堯英 一首 林銘璜 二首 林九棘 二首

曾餘周 一首 陳 倫 二十四首 楊樹聲 一首

陳豐陞 二首 林嗣環 六首 徐延壽 二首

鄭 重 一首 陳 昂 三首 施世綸 六首

藍 漣 十八首 黃鶯來 十三首 張 遠 三首

薛 牧 四首 郭 恒 三首 趙 潛 三首

國朝詩的 卷之二 福建

吳 嵩 四首 郭 經 一首 魏 憲 三首

許 友 二首 趙 潛 三首 周廷鑑 二首

阮旻錫 一首 黃晉良 一首 陳錫疇 一首

葉 筠 一首 郭鼎京 一首 周韓起 一首

周 薇 一首 黎家全 三首 黎緒遠 二首

國朝詩的卷之二

長沙陶 煊奉長選

同里張 琛豈石同輯

福建

吳彥芳 香爲福清人

五虎

嗟爾勢在山如何羣入水海浸滔連天互陰嘯風起下有蛟龍藏族類分疆里爾虎威咆哮詎能與龍理豈是弘農時渡河誤至止我亦家會城蹈海非得已伊人嘆無良求全反有毀長揖五虎前丈夫須用耳不用鼠不

國朝詩的 卷之二 福建

如城社猶足恃誰翼虎使飛砑作中流砥飽食鼉鼉肉自勝鹿與豕疇昔固負隅而今失勢矣虎勿同頑石將軍恐姓李

發內牟取道清源呈金陟三倉部

做車不轉輪羸馬不受策十步九躑躅五日行一百搜索買飯錢主人嗟且惜輕濟乘方舟石尤風惡劇襍被不盈肩懷彼鬱林石少婦不耐寒稚子恒啼饑客家雖非家強於道路陞低頭語少婦杜甫挈妻兒五月蠶方熟而亦行乞絲我有同門友疇昔深相知意氣何足論道義無瑕疵少婦笑言答君自不余欺戒兒勿復啼憐

慨人有之奈何楊朱子泣然泣路岐

### 虎丘中秋歌

憶出自閭離鄉久初似漫郎今漫叟一遇名山輒願留  
恥學朱家南北走採藥昨歲上天台石梁吼浪如怒雷  
洞胸駭目驚未見秋風颯颯生悲哀何若武夷九曲絕  
人境林壑大都主淵靜幔亭綵帳集羣仙作樂鋪珍尙  
蔚炳曾聞令節值中秋下與鄉人同讌遊不數謝公袁  
北渚何論殷佐庾南樓玉華石竺諸名勝非可數計而  
窮搜豈知吳會姑蘇俗爵島虎丘獲一足平高崛起負  
乾陽五都之城觀尺玉嘻吁噫海湧峰果誠奇劍光寶

國朝詩

卷之二

福建

二

氣池深淺鶴影銀臺雲蔽虧簷樹蒙翳貝谷岩光歷  
落漾清漪桃李春風不言處燕鶯夏日互鳴時此時多  
來銷夏永此處有怨尋春遲乍到寒氛連晦朔雪裡看  
梅亦所宜蘇人太刻畫賞心顧甚僻年年端午仲商  
三五夕南樓百里競招邀十萬人隘千人石桂花隊裡  
拾遺鈿畫舫橋邊悲墮舄熒熒燈火海結珠拂拂酒帘  
水澄帛簫聲鼓聲迎霜娥金蟆碧練凝烟蘿千層高閣  
沉沉醉十里長亭踏歌嘈雜酣歌喧達旦聯翩既醉  
爵無筭明星忽見東方白遠寺鳴鐘人未散樂事從來  
賀太平羽書今日正徵兵對此猶云可憐月烟靄埋山

逐雨行嗟我閩南歸未得月華疊疊來人逼有月不醉  
空負月有酒無詩山氣塞東西未捨築化城珉珣兄弟  
之宅誰經營

句容道上同陳印菴國博林天友別駕

句容舊遊路春風行客心草肥經雨潤松密見山深酒  
債謀清俸詩連辦苦吟茅峰青入望我早已抽簪

### 中渡

愁心不寐聽荒鷄山鳥衝寒獨自啼物色轉來江驛北  
歲華明發板橋西金羞陸賈空垂橐柳笑陶潛遠杖藜  
漫許主人寫春帖錦囊詩句素箋題

國朝詩

卷之二

福建

三

上巳雨集包紫涵書齋同陸虎侯夏晉芝園弟飛旂  
梅花書屋傍城隈上巳人尋曲水來河漲迸將春雨賦  
山峰半是素雲堆臨流閒坐張融舫醉客花寬杜甫杯  
更道明朝看競渡可令興似戴家回

紹興競渡不主五日

### 秦淮雜詠

青溪不記采菱舡兩度遊人三十年桃葉長橋何處渡  
烟花蔓草幾家椽闌干紅濕樓頭雨楊柳絲牽井底蓮  
莫怪此來辜酒興滄桑風景思茫然

石門晚泊同余不遠

石門江水遶城流斷岸斜陽曲曲幽有客白頭常過此

無村黃葉不含秋鄉園每戒溪灘險執友偏來沈謝儔  
但得濁醪有沽處與君卧倒拍浮遊

暮秋同黃九烟程坦之莫雲石朱个臣武水城南  
泛舟看菊

好花好友兩鍾情况復深秋秋水明往事不堪重擊楫  
素心聊復飽餐英陶潛有酒囊常罄杜甫無家淚易傾  
收拾寒芳歸去晚芙蓉江上亂縱橫

題黃處安夢歸圖

望望鄉心託寄廬便便寬復只藏書計程不下三十里  
到日須將一月餘夏苑荔枝膏火候秋林橄欖摘霜初

國朝詩的

卷之二

四

擔頭行李千金有夢裡乾坤一事無

陸鶴田南還寄詩見贈依韻和之

百鍊徒成繞指柔倚天長劍仲宣樓懷君詎用相思枕  
處世渾如不繫舟敝簪千金寧自享真經一卷續前修  
東山若失蒼生望林下從無見黑頭

江上見梨花八首

選六

梨花白於雪江間望明月非爲月色好月能照花骨  
風吹梨花飛雨打梨花濕飛時花欲舞濕時花欲泣  
春風無約束桃李下成蹊誰識梨花意空山謝豹啼  
凡花皆桃花梨花白無色凡花皆梨花杜鵑長嘆息

十載不上京梨花思殺人何知故園裡不減玉階春  
曾聞嫩梨渣滓俱應惜若是梨花哀家肯花擲

張菊人年兄以西陵感事詩屬和

柳陌陰陰鳥亂鳴湖心釵股細萼生季鷹無限秋風思  
孤客愁疑絡緯聲

黃虞稷

俞印晉江人

過符離集

茅屋數家餘破壁百尺危垣猶卓立不知兵燹幾燒殘  
想見平成萬金室今古由來此戰場水聲東去思茫茫  
堪嗟隱逸東湖叟蚤決粗疎西蜀張南風不競士氣喪

國朝詩的

卷之二

五

五國城人虛悵望盡拋陣上錦兜鍪誰慰宮中鐵拄杖  
戀殺三秋桂子風無心北去醉黃龍男兒死不言和議  
只有區區一魏公

秦淮竹枝詞

舊院門前春草齊馬湘蘭屋亦招提朱樓畫閣徵歌地  
半是瓜畦半菜畦

濃垂雙髻似吳娃衫樣新裁杏子紗本是教坊親養女  
卻言身出故侯家

分藩交戟擁輝光故府牙門盡改張騎馬行人多過此  
向人猶問大功坊

魏文煥 德章南臺編清人

匡廬天池寺眺望

鴻造肇名山巨靈運神壁廬阜振奇拔彩錯森畫戟勢  
接南斗懸影落明湖碧紛披輕雲重去天不盈尺聯綿  
控九疑公洞瞰七澤緬邈洪厓子精鍊留窟宅中有青  
蓮池恍疑瀛海闢靈根茁瑤華石髓流丹液我昔夢遊  
之茲焉恣心適手攜胡猗藤足躡謝公屐溪巖半街日  
鳥道斷行迹欣逢五老迎笑揖披霞客囊劍倚蒼旻飛  
瀑灑青壁黛色淨林密烟容變朝夕名花簇奇姿古樹  
盤怪石冷冷松壑鳴杳杳人寰隔香風吹我裳遐舉凌  
閼闕詩句 卷之二 福建 六

九陌宴坐恆心幽賞翫豈有數玄覽懷遠公勝事謝往  
昔媿我係世纓悞逐風塵役凌晨別松關回首片雲白  
酬楊明田民部天津見寄

仙署俯長流崇鼎控上遊雲開江樹曉濤撼海門秋思  
逸枚生筆盃酣謝眺樓乘槎吾有興遲爾訪牽牛

白石早行

策馬立山家紆迴鳥道賒翠嵐迷險路清露濕開花澗  
淺分金溜溪流擁篆沙迢迢遠行邁孤劍向天涯

與劉少麓王雲竹陳後洲林震臺鄭龍津登越王臺

澹澹長江春水來釣龍人去有荒臺江空日抱龍龍窟

臺迥風高鶴鶴迴鼓瑟卽今悲帝子江離時復薦山巒  
羣公多暇延清賞潦倒狂歌逸興催

黃居中 明立晉江人

度仙霞嶺

樹隱閭闔月峰高越嶠雲人烟孤戍出樵語半空聞候  
鴈知霜信歸鴉帶夕曛棄襦嗟往事自笑負終軍

舟中春暮

一溪風雨妬歸舟片片飛花逐水流芳草似牽行客恨  
好春不爲逐人留林鶯曉睨聲初倦岸柳參差葉半稠  
聞道故園叢桂老王孫何事獨長遊

閼闕詩句 卷之二 福建 七

答李與熙

故國烟霞舊山園薜荔新一盃風雨夜應憶未歸人  
送客仍爲客歸人空復情揚州一片月偏向別時明

丁 煒 澹故厲水德化人

懷馮訥生

清霜墜高梧在堂鳴蟋蟀歲暮歌唐風懷人感非一念  
此金閨彥謙冲存襟質羔裘恬素絲鵲居且容膝坦然  
大雅心直躡風騷室煌煌雲中詩鮑謝遜高筆綢繆翰  
墨心滌蕩統袴習別來遺古歡泥塗掩白日城闕一何  
深烟雲蔽原隰有情知望君誰能髮如漆



懷王阮亭使蜀

金波麗叢桂玉露湛清荷停尊怨芳夜引睇蜀山阿美人握金鏡衆妙歸網羅錦官存往蹟琴臺倚清歌因風散珠瑟吹綴珊瑚柯平生襟帶歡怨別空蹉跎何時發三峽聽此哀猿多

道經順義縣至牛欄山宿

策馬沿河岸沙塵靜不飛稍知邨徑曠漸覺野禽歸山縣惟殘堞人家半掩扉欲投巖下宿烟火出林微

猛虎行

山南猛虎正負嵎山北行路斷樵蘇少年射牛不射虎

國朝詩

卷之二

八

愛妾換馬

夜夜田間穀弓弩耕牛漸少虎漸多邨中父老奈爾何豈爲功名切真成薄倖悲玉釵輕駁骨金絡重蛾眉蹙蹙初來意纏綿去後思空羣與傾國最恨是同時

謁軒轅廟

古廟松陰覆幾楹垂裳巋像視文明雲中疑枉啞峒駕霧裏曾銷涿鹿兵祀典千秋崇俎豆元音異代識威英殘碑剝落誰堪問望斷橋山暮靄橫

廖騰塢

占五蓮山將樂人

鷓鴣行

蒿爲楫竹爲舟朝朝暮暮隨波游舳舻尾鷓鴣立出水入水聲戢戢但欲漁人多喜歡不顧深潭與險灘鼓翼奮翅鰓魚出咽喉將破仍呵叱沙鷗鷓鴣水之涖長鳴飛過何嚶嚶

遊西巖步伍懶庵

直上幽巖俯萬方村烟澹蕩古溪傍崎嶇竹徑苔沿砌點染秋容菊帶霜古道泉聲來石罅一行鴈影入斜陽山中勝致君先賞賦就猶餘翰墨香

答續元上人併步韻

欲學張顛與米顛醉題四壁贊金仙避人誰借鍾山隱

國朝詩

卷之二

九

說傷心知慧遠賢石磬數聲敲夜月茶烟萬縷暖霜天怡然靜對真如幻悟到無生未有前

林堯英

畫伯澹亭莆田人

昌平道中

鼎湖精爽地長傍薊門秋北極光猶拱西山翠欲流天陰蹲虎豹日落亂松楸極目勞行邁蕭蕭起暮愁

林銘璜

祖夏莆田人

九溇

九僊開別墅廟壓萬山谿恰有盤崖磴可無接筍梯木犀隨地觸蝴蝶與人齊梅洞編茅處吾師一灑題

興雪造雷蹟我今信所云長隨臨水月不逐出山雲  
道湖光合諸龕燈影分虛空本無物粉碎屬聲聞

林九棘 伯逸莆田人

秦淮春泛

曉風新月舊京華寂寞金城春樹遮朱雀橋邊歌舞地  
碧波飛燕繞誰家

浮白凭高思渺然楚雲吳水憶當年青山世事誰堪論  
瘦落春歸聽杜鵑

曾餘周 子民晉江人

清河縣

國朝詩約 卷之二 福建

十

始識清河縣碑傳君子居地衝官吏賤民少市塵疎補

屋全編草臨河半打魚無城堪戰守喪亂定何如

陳 倫 綠厓晉江人

妾薄命

妾薄命命薄于秋雲生具窈窕質寵愛蚤期君君王非  
不愛溫存百其態宮中多蛾眉讓口日以味初時尚不  
疑漸而見其槩念來正芳年三十遂遣退妾曾習詩書  
寧敢以色漁當熊何其猛君側不蚤除妾貌卽花枝芳  
菲能幾時得序當自進失勢枉圖維長門不復見但自  
掩秋扇恐令君王知一召羞人面

松門坐月和黃俞邵韻

新月欲附松松高出月上展轉窺客顏徘徊關山障安  
得與雲心長此抱月颺悠然萬濤來人月兩惆悵

垂影塔

古塔掛峰腰聳出峯頭上隨樹入幽房塔垂樹則仰此  
理究不明終古費人想天地如箕盤日月如運掌物齊  
則觀同橫斜兩不爽辟彼印間文字轉而成象辟彼鏡  
中窩窩心必懸額兩曜作是觀返照則迴朗室虛白常  
明閉日能貯蠻掛角於壁間形落在深決此理自然昭  
古人徒影響

國朝詩約 卷之二 福建

七

昭君村

朱顏如可恃妾以朱顏累丹青如可鄙妾以丹青美丹  
青能美亦能醜勿謂朱顏偏受垢妾父不識生女悲循  
道妾顏是門楣妾顏必須黃金薦不用黃金枉畫眉苦  
無塞上漢家甥妾面終身自不明從來不鬱則不伸妾  
在漢宮竟美人竟美人胡笳數拍爲誰陳何如烏孫寵  
而宮當年枉殺兩畫工

京口卽事

秋聲瑟瑟捲風沙巨浸殘村有幾家鷺立莎洲鸞點白  
豚吹水面一江花鵲頭倚棹人長嘯牛渚凌波佩自遐

極眺無堪頻注目落紅倒掛半天斜

遠際吁嗟作泊聲心忙路隔暫舟停  
荻蘆有火知漁聚星漢無邊見岸平  
水淨沙洲栖倦雁烟深草屋宿流螢  
無端攪斷三更夢日色漸高古潤城

白鷗鷗自海澄公署中見之

未寒偏耐雪為裘頭插葵花一朵秋  
警有黃毛十數根嗔作覓  
人花舞片怒則展身上羽歡同羽士髻為琉  
喜則頭上自展黃花維摩舌  
本音難譯能作邊語蒼頡書中跡不猶  
足似人掌一自沱洄初貢  
後白毛黃耆總難求唐沱洄園貢白鷗鷗

國朝詩的卷之二

福建

十一

雅禽原以白為珍雄者既來雖自臻  
質雪寧疑偏妬雪畏人未免且依人  
關于立徧頻呼侶黃白渾成肯著塵  
物入中州孤潔貴西方定不好麒麟

紅鸚鵡

同來選就改粧新多買臙脂染作神  
慧性寧專言艷耳紅顏自以色媚人  
娥眉不讓入宮寵絳袖偏工掩袂頻  
曾記當年袁謝賦標題每許獨能真

結伴乘槎海外來一從中土便相猜  
非貪繡戶爭雙倚却恨朱顏忍自埋  
展轉孤生青草夢睡時則多秋鞦韆獨打  
石榴開倒垂則紅裙只今隻影深藏後  
枉費鷹心展鷺才

趙雪餘贈別先往丹霞次韻和之

一路溪山積遠烟入雲沽酒問長年  
臥聽兩岸黃鸝話醉步孤村白犢眠  
鮫室無人堪弔古方壺有路莫求仙  
才名似子何須藉曳裾侯門步不前

留別吳星若次韻

美爾鷗心到處遊時時寄跡徧芳洲  
夕陽老我千山落秋雨隨君一劍留  
君摘心史天下皆秋家別西山無斷  
夢君豫章人跡浮南海有虛舟煩君贈句  
弁篇首好附名山藏石頭君梓有秋雨堂詩

魏惟度同華亭周廣庵秀水王安節海陵黃月天

集陶陶亭觀余所著春秋管窺并藏書畫有賦

國朝詩的卷之二

福建

十三

步答

掬水殮君興亦酣余與惟度俱不能飲朋來不速盡東南  
驚醒碧草空塔夢喚到黃鸝隔樹談  
禪意詩腸同一一王安節長素

棋枰酒令任三三黃月天國手樽前有酒君須醉  
蕭寺夕陽路不堪

酒淡陰濃半未酣逝言薄暮出城南  
惟度月天以寓斜南郊屢亂欲去

陽不閉青山路夕鳥頻催滿座談  
籠鶴嘗思高唳九峽猿不覺墮聲三  
惟度近作芙蓉屏曲余有幼子之戚歸來獨掃蘿天月招祖堂不赴

上祖堂嫺未堪

當年落筆興沉酣不讓癡心鄭所南  
贅立庚寅窺豹首

春秋紀年始  
於隱公庚寅  
焚餘甲子付雞談荷心欲斷穿絲百竹節  
長鳴得籟三  
若登侯等語  
看看年來成底事自憐老馬  
策難堪

### 遊天界寺

地最虛靈養佛心招提五百有誰林山猿久落前朝諦  
野鹿無眠古樹陰苔草釀香留客履巖花含慧繞人襟  
問君好事何來暮勿厭峯頭日色侵

### 黃鵠磯

黃鵠磯頭舊鵠飛磯頭日暮掛斜暉懸知古笛穿雲去  
遂令神仙此地違竈老青絳丹自老月歸碧洞雁先歸  
國朝詩的 卷之二 福建 十四  
漁聲鼓柁風烟裏恍惚江邊遇羽衣

### 望匡廬

湓浦雄屏日未敷山容積翠作秋美壑多不厭雲常有  
地遠方疑岸乍無古鹿猶巢匡洞草寒鵲自下漢時湖  
江亭放鶴今何處誰採芳蓀二月菰

### 瞿塘關

山不巢雲水不深水翻奇石似山沉暮啼猿狖峯頭杳  
秋滋龍蛇穴下吟一隙孤留天地氣羣柯共護雪霜心  
逢人只說瞿塘險出險誰存入險忱

### 澗瀕堆

怒水無端巧作堆吹濤入穴吼風雷天從險處拳爲戶  
人到臺中膽自胎河上支機兼月湧天邊石甲作鯨推  
但知鐵索關波住已放輕舟萬里開

### 八陣圖

鯨波尚是漢家川八陣而今有幾傳遺恨只推三峽浪  
銷魂未掃十峯烟精誠飲羽能沉石烈氣荒山更化泉  
豈願臣心偏走險臣心不險不回天

### 望峨眉山

望裏山光百里榕何時馬上斷峨丰紅霞所照終歸壑  
白鳥雖飛不過峯我到江心開眼界月來頂上展蛾容  
國朝詩的 卷之一 福建 十五  
更聞佛現曇花發果有空中鳥喚鍾

### 汨羅阻雪

一望茫茫竟接天遠山平水水平船破烟欲覓蘆花路  
不信蘆花亦罩烟

### 秦良玉女將軍

木蘭徒假作男兒妾獨彎弓更畫眉誰信男兒無似妾  
鞋尖直可踢燕支

### 楊樹聲

無聲潭州人

### 褚硯耘招飲園亭

寂寞楊雄宅蕭疎仲蔚樓雲封石砌暖月出板橋低弱

柳迎欄竿名花引杖藜那知千古意珍重付黃鸝

陳豐陞 元嘉晉江人

燕京和別野孝威

眼見羣公策治安且甘清夜老漁灘龍蛇起陸心難隱  
虎豹當關夢亦寒未有三升酬美戀祇緣五斗了閒官  
鷓鴣杜宇聲聲切東望刀環冷眼看

便自驅車行復行却吹橫笛喚愁生祇將白髮供詞賦  
誰道青山累姓名燕樹朔雲勞執手吳峯閩海記同聲  
好看下瀨戈船靜躡屨登樓萬里情

林嗣環 鉅邑晉江人

國朝詩的 卷之二 福建

十六

古意

妾有翡翠釵少小摩娑久青瑣光徘徊肯觸侍兒手阿  
母初結褵日以耀而首臨鏡試嬌妝旁觀未覺醜君家  
娼妹多又有嚴姑舅棄置寶奩中寂寂暗牕牖蛛絲網  
其間昨看色微黝謂可鬻爲資念初嫁時有嫁雞逐雞  
不願驚鳳友妾意諒不移君來當御否

倭漆引

閩海腥鹹龍戶胎令嚴越販誰私開囊歲每候風帆到  
捆載遙從日本來刀布金錢無不有市兒恣喫東洋酒  
卽看倭漆亦殊倫嵌蝸堆沙稱鬼手塗髹暗用金銀地

歲久終無雕鏤氣一枝花鳥猶矜新百鈔千鏤爪鏤  
昔云舜作漆器諫者多亦傳夏禹象彫戈周禮冬官詞  
並載莫防淫巧傷天和又聞徐福行時具百藝只今倭  
子多其意蔑段諸式各匠心不但盤匣留秦製張楊兩  
人復爭工三十六次鏤剔紅摩挲劇于十八女耳邊無  
數海濤風

喜胡彥達病可

上雨旁風坐三尸通作騷婦言添絮淺我戒著書勞性  
冷修真早情深見事高雄師曾教汝身世一鴻毛

虎林竹枝詞

國朝詩的 卷之二 福建

十七

舊色征衣窄窄裁銅心茜帽片金胎鄉親莫怪軒昂甚  
新與將軍養馬來

會稽竹枝詞

冰裂春衫覆紫綃曹娥廟裏密相招儂看競渡郎看我  
又打黃鶯過板橋 越一年四關龍舟三月初六陡門廿六柯橋廿八朱太守廟五月廿二曹娥女廟

紅兒家近浣紗溪自剪荷燈放水低已暖鴛鴦驚草起  
郎聲只在板橋西

徐延壽 存永閩縣人

宿雲隱妙香上人房

雲藏孤寺迴北面見高峯石色埋蒼蘚泉聲戰亂松泥  
香花下屐月冷枕邊鐘僧恐明朝雨呼歸鉢底龍

送羅星子之清源兼寄王勝時

聞天遊未倦觸暑更南征縱是他鄉好難消久客情半  
亭蕉影夢一騎荔陰行王子書窗下添君夜讀聲

鄭重 山公建安人

別覺和尚

久矣親禪德行藏須獨觀眼空忘世易情至別山難夕  
梵涵烟靜秋鐘帶雨寒何堪違白社離緒滿江干

陳昂 白雲蒲田人

國朝詩的 卷之二 福建

暮過毘陵

毘陵城外路芳草夕陽西海氣除山影鐘聲散馬蹄雨  
乾林葉起潮漲浦雲低客本餐霞侶關河歎久稽

冬日薄暮

晚來偶出戶不棄剡溪澄天地一分日谿山數尺冰梅  
寒如獨客峯遠似孤僧倦鳥幽枝上霜凝夢共凝

武陵道中

洞庭東去亂山蒼風入松杉釀夜涼鷗鳥坐隨流水遠  
峽猿行惹白雲香平橋酒幔遲明月黃葉柴扉駐夕陽  
欲問武陵源上路花依舊失漁郎

施世綸 文白晉江人

宵征

寒月逐宵征雞鳴夜氣散數里辨溪聲明星光欲旦過  
村聞犬吠遠火出高岸山行苦霧侵嚴風吹草斷長途  
去靡寧僕馬寒相半我何愛此行王事不敢緩載歌入  
翠微陰晴朝未判

海嶠喬松圖歌

日暖風多春欲暮華堂高掛新松樹滄江昨夜有奔雷  
素壁今朝出雲霧石老根翻島嶼垂天陰月黑虬龍怒  
霜皮雪幹斲生枝迴鱗脫爪爭趨赴我聞天台有此物

國朝詩的 卷之二 福建

七

感咏

春風吹夜雨新長桃李枝灼灼東牕下紛紛逞殊姿各  
謂有所托矯冶無盡時寧知春色去還被風雨吹

雨夜宿葉楓驛值舍弟文昂話別未終忽接家君

郵諭舍弟北行余竟南歸

宿舸江山夜相逢話未終郵筒雲外徑驛火嶺頭紅細  
雨催飛雁秋風任轉蓬人生同物役聚散一宵中

春日贈乾長姪

盡日春風遊子悲東臆昨夜發新枝雨中春色可憐盡

三月河堤飛燕時我已悠悠爲客久子來更憶家山否  
燕市狂歌十二春相逢且酌杯中酒

江上曲

妾家橫塘住不識橫塘路借問棹船兒可向橫塘去

藍漣公濟侯官人

題李徵園明府小照

朝登朝漢臺暮宿尉陀城客子在長途安能有定程遙  
從廣筵上初識荊州名竊窺眉宇濶軒翥噉焦鵬乃知  
神鳥音百禽希此聲飄飄去根草日暮東西并大山產  
棟姿不與凡木榮習習谷中風離離嶺上亭脩脩萬里  
國朝詩句卷之二 福建

登祝融峯絕頂

衆山嶮絕爭稱雄無有一峯無雲封晨興理策望紫蓋  
遙與石廩撐青空自謂山高莫此兩峯最敢有與之崢  
吼凌崆峒攀蘿汗滴小僕仆我猶意作無倦容鼓勇直  
上南天門始見祝融磨蒼穹降而下走若墜山澗底升  
疑平地足舉天梯蹤不登祝融頂不知祝融之尊崇毫  
光歟閃爍劃然裂心胸有口不能語萬象開鴻濛西北

玉衡拱帝聖東南貝闕朝諸宮下視疆土若棋布上欵  
閭闔可以干宸聰洞庭彭蠡等益益阜視天柱堆芙蓉  
萬里一目鑒毫髮四裔極處天夢夢振衣若逐雲霧散  
放膽足戰隨罡風向以諸峯謂岳盡於此不意尚有一  
峯巍然當其中吾聞祝融之高九千七百三十丈永莫  
南服爲岳之所宗大笑紫蓋與石廩欲與祝融肩相從  
霞光壇青玉壇隔紫翠朱陵洞水簾洞空玲瓏大哉岳  
之體包涵變幻安能窮驅逐日月役造化贊助天地四  
時成大功國家有事遣官必致敬歷代祭秩有異階  
三公名勝務必踵所至方可詡口言遊筇退之玳瑁宿  
國朝詩句卷之二 福建

寓居歲暮作

謀生只有老相隨一月看如一刻馳貧媿俸錢分好友  
歸愁甘旨累癡兒江關難覓潛身地風雪從高百歲時  
勿歎客牕無伴侶玉梅開向定州瓷

郴州春興四首

二月江村垂柳斜過橋芳草綠無涯輕風剪剪翩翩燕  
小雨冥冥閣閣鼃誰謂年多心似水奈他春醴酒盈車

良辰處處堪乘興只少身騎白鼻騮

日剪園蔬上素盤醉吟坐覺酒須寬何人玉貌能留住  
舉世金方待訪難乳燕來時春社近蟄雷響處杏花殘

江南風景無過此切勿臨觴不盡歡

連雨緋桃落小池微風吹冷漾麝脂莫傷花序頻經眼  
小啜春醪便展眉盡說金砂能致富未如石髓得療饑  
終身貧賤吾無憾不使心爲物所馳

騎郴州大開金鉛礦砂

海棠枝小問梨花我友磁甌兩朵斜酣似太真含酒暈  
皎如青女降霜華思量漢有逢捐佩訪問溪無再浣紗  
寄語東君春少住新詞正欲譜紅牙

國朝詩的

卷之二

圭

郴州雜感

郴州有東坡山產金鉛去州治八十里在萬山之中時大開采

萬嶺高縣俯嶽低衆峯爭並只腰齊金砂未煉歸鑪冶  
白骨先鋤出礦泥

向時挖礦山陷死者不知其數秋爽烟同山霧散烟

中者必死日長疊斷野禽啼黃昏茅店青帘酒幾處開懷醉  
眼迷

上客如雲控轡遊從朋皆衣白狐裘貂璫貴有金張俠  
贊畫參如衛霍謀既進紫駝克朔漠旋聞銀甕見南州  
柳楊子弟饒滋念寧作官商不願侯

揚州二首

半邊楊柳半邊城淺淺清波畫舫輕載得蕭娘看葉子

隔紗金釧壓椿聲

蓮塘西入路遙遙小艇隨風慢慢搖爭奈赤闌紅的的  
斷入魂是這條橋

餅花

蜀奈顏色勝燕支更折桃花插一枝腸斷玉人春酒散  
東風偏向膽瓶吹

垂柳

垂柳東偏第幾家樓頭一族是桃花花開喜恨知多少  
記得凭闌碧玉斜

醉憶

國朝詩的

卷之二

圭

醉憶京華鉞撥絃安娘纖手月初圓邊關一曲腸堪絕  
忽忽春風二十年

昔年

昔年曾醉玉真家珠箔輕明挂影斜今日重遊尋不見  
一溪春水漲桃花

再至養雞堂

彩水池塘香子肥鴛鴦並逐燕雙飛重來最愛簾櫳靜  
開偏桐花換葛衣

燕子

君心我事兩差池汴水新看并影遲爭似石城飛去好



紅樓春盡捲簾時

見桃花作

我昔人稱巧畫眉朱顏不肯讓花枝於今白髮春山路  
羞對桃花說舊時

黃筌采 叔咸福清人

元日同諸友出郊觀迎春登風度樓至寶林寺即

事有感

自來我詔陽奄忽寒暑周清波送歸棹白髮驚屢抽四  
序疾流水日月不我留茲晨春又臨駕言東郊遊桃李  
間始花細草披尚柔傾城走童稚擊鼓聞歌謳度官迓

國朝詩的 卷之二 福建

五

青帝綵仗明華驕角觝列具陳振子馴貌貅土偶被文  
飾藻繪同犧牛三推先王法所貴農政修久久成故事  
遺意孰講求遐哉唐相勲風度餘巍樓

秋氣

幽事促晨興憑高爽氣凝雲開千樹秀天向九秋澄遠  
岸微陽射寒香古屋升支頤對山色葱鬱自層層

秋草

絕異妻妻色王孫歸路愁亂垂青塚暮遠度玉關秋龍  
劍菱時鮑魚燈燒後收靡蕪故宮地寂寞委荒丘

秋鴻

莫恨羣飛遠先輕出塞愁何時渡湘水還復到炎州沙  
白蘆汀夜烟紅蓼岸秋此中佳麗最好自結綢繆

秋輝

微蟲何足尚冠上飾雙雙夜飲惟霄露朝鳴動客牕聲  
繁微帶恨愁重却難降未久高林寂斜陽落半江

九江除夕卽事

臘盡空憐久客身明朝又見九江春頻年水旱憂鄉土  
此夜尊壘慰故人雪裏高峯虛阜出天邊疎樹蠡湖新  
寒風會逐陽和轉雙髻忻看白似銀

咏豆腐步韻二首

國朝詩的 卷之二 福建

五

想是天漿屑菽成山林風格雪霜清凝同石髓仙人饌  
慘並瓊蕤學士羹縱有腐名殊靈粉得裁方體藉龍精  
蕪羹倘伴當年食鐘鼎難容薄世榮

八角風旋夜轉時調和水火趁晨炊豪華絕遠南皮習  
真味休教北阮知乳酪潑餘爭髣髴齒剛柔克恰相宜  
分明傳得淮王法飫盡蒼生過肉糜

歲暮雜感

颯沓寒陰歲欲除遷留日月感居諸玄霜絳雪成虛負  
白石青泉悵久疎五嶽愈堅長往志萬言絕獻治安書  
士元咫尺猶相隔賑恤賢勞獨望渠

遙林殘雪帶川光  
高枕元龍上下牀  
口病經旬疎麴蘖  
身衰侵曉怯冰霜  
竹間羣雀爭枝墜  
天外孤鴻掠陣忙  
儘覺浮名梟食似  
任呼百萬擲空囊

文史三冬忘久淹  
披摩短日夜燈兼  
倉皇四狩譏天寶  
不競南風恨建炎  
治亂有形師水鑑  
弭消何術禳星占  
先幾孰挽前車覆  
要在明微與別嫌

蕭瑟嚴飈撼竹扉  
南榮炙背日光微  
入雲鷹奮搏霜野  
健歲魚荒散石磯  
早識春華秋實異  
誰言王道聖功非  
小除漸近謀詩祭  
重酌初成免首肥

馬上

國朝詩的

卷之二

福建

三

窄袖宮衫稱體輕  
玉鞭飛逐電光驚  
更扶蟬翼防微墜  
斜倚銀鞍獨有情

張遠 超然福清人

聞靈巖鐘聲

蒙茸門徑向山開  
山寺鯨魚吼夜雷  
一片月隨孤塔上  
數聲風自早梅來  
館娃宮廢寒烏集  
響屧廊空老衲回  
不用統如聽漏盡  
頓教熱客自心灰

梅花

豈有凡花可比肩  
衝寒破凍在春先  
獨憐幽絕還清絕  
最是山邊與水邊  
雪際似緣勾粉黛  
月來應爲鏡嬋娟

何郎老去風情在  
不到宵中不忍眠

舟泊燕磯前二句夢中作

圓月啣山似上弦  
蒲帆十幅卸秋烟  
西風黃葉南朝寺  
四面江聲霜滿天

薛牧 鐵存閩縣人

羈旅雜感

羈遲無賴負春光  
夜雨蕉聲任斷腸  
不坐蒲團常面壁  
且拋傀儡作收場  
怒濤射激三千弩  
橫流旅櫬魂招十  
二郎 姪卒於途  
潦倒邇來佳夢少  
南柯舊話亦荒唐

又

國朝詩的

卷之二

福建

三

綠陰滿院晝初長  
盡日懨懨入睡鄉  
塞上漫勞尋失馬  
路旁何處問亡羊  
登樓孰耐新羈客  
罵座猶傳舊酒狂  
爲拙言辭羞乞米  
晨炊仍復典衣裳

又

布袍芒屨意蕭疎  
斗酒聽鶻任索居  
古道交情能護短  
少年習氣未消除  
幽懷聊作非非想  
怪事休教咄咄書  
幾度賦歸歸夢渺  
脫驂將累故人車

又

五載投荒已愴神  
那堪逋賦下稍人  
除名計吏身猶繫  
破產資郎仕更貧  
鄭谷鷓鴣行不得  
莊周蝴蝶夢何因

蠻童久住間相謔遮莫無臨早乞鄰

郭恒善夫福清人

邳州大福寺題壁

此地經過十八年佛頭螺翠故依然梨花碎撲千枝雪  
石竇平穿萬井烟自有靈風生遠籟可無清磬扣諸天  
揭來展拜還留句覺路重登豈昔緣

過金陵感舊之一

經行此地還如夢巷陌蕭蕭蔓草寒鄰笛罷吹當日曲  
宮槐飄落路人看誰歌紅豆生南國幾見銅仙泣露盤  
撫事感時三十載秋風回首泪闌干

國朝詩約卷之二福建

夫

麴院風荷

十里靚粧新各倚斜陽醉時一展紅衣覆着漁郎睡  
趙潛雙白尊客漳浦人

陳昌箕先生過訪有贈奉酬四律

榕社同星散回思各黯然客帆終日雨江草六朝烟骨  
尚峻嶒在詩多慷慨傳出門常自悔欹枕劍灘船  
愁中常演易亂後少搗燈月落春申浦花飛夏禹陵千  
峯歸襪被一飯傍魚燈剩有頭顱雪絲絲閱廢興

許九日以詩見訪次酬來韻

柴門但有雀聲和半畝芙蓉傍一簑踪跡關山天寶末

詩篇松菊義熙多九日著述甚富每驚落日搖孤况誰遣秋風

助七歌是日大風淒瑟小騎花村知路熟江星歸照酒顏酡

吳嵩武登福清人

大庾嶺

嶺南嶺北望迢迢乍見雄關思寂寥孤雁不隨征客度  
老猿時爲野僧招梅花故國蒼茫遠槿樹荒村歷落凋  
盧相酒家何處是白雲空自鎖山腰

天台道中擬訪邑令不遇疊前韻

落拓緣何又出遊赤城風景最宜秋懸崖倒插楓千樹  
背劍橫挑月一鉤征雁影稀愁絕嘯吟蛩聲冷逼危樓

國朝詩約卷之二福建

夫

桃花洞口來尋藥何必題詩贈太丘

雲半閣

閣似蜃樓幻烟霞去住間蝶忙花影亂樹暗鳥聲閒月  
照藤爲檻雲移屋作山置身空谷裏何必立禪關

半帆

爲愛蘇堤景長思泛越舫新荷平水綠垂柳列峯青月  
暗牕前樹風生水上亭波濤渾不見間有野雲停

郭經福清人

寓章門梁質人江樓月夜有作

齊雲摘星鳥足貴茲樓恰與西山對晦明變幻眼界新

豈獨開牕挹山翠主人好客擅詞場客亦忘歸日沉醉  
夜深明月浴清波紛紛詩思難成寐應是漁舟出南浦  
江天寂寂誰搖櫓滄浪儘可寄閒身青門焉用營瓜圃  
魏憲再見

客夜

杜鵑夜叫東風急埕澤城樓鼓聲入孤館牀頭劍不鳴  
起坐徬徨還獨立結髮翺翔遍九州長見彗星交原隰  
赤膽難將知己酬青蚨飛上金闕集天公耳重聞不聞  
濛濛露下朝衣濕

荻巷

國朝詩的 卷之二 福建

三

三家成小聚閉戶盡江天孤戍兵依佛荒磯客繫船酒  
香魚入肆春淺笋登筵蘆荻深深處幽吟不忍眠

有懷

自是情深不忍離尋春空負十年期數峯江上孤舟雨  
萬頃天邊獨枕詩無可奈何鐘欲斷不勞相憶雁來遲  
懸知別有留連處帳裡燈花帶笑吹

許友有介侯官人

載酒江頭別用始重游粵東

亭亭畫舸倚寒津斗酒同君起數巡劍氣每分虹電骨  
文章敢負雪霜身一江梅雨歸殘夢兩地參商憶故人

閒記昔年曾到處驛樓林店句猶新

讀書夜靜聞鐘聲從白月來

石樓隱向白雲封知在岵巽第幾重殘夜讀書人未臥

萬山明月一聲鐘

趙潛再見

剪刀曲

安心玉關頭妾影青燈畔蜀錦與吳綾先裁三五段君  
衣縫已全妾衣猶未半鴉聲啼夜闌雪聲打牕亂剪刀  
欲剪愁愁堅不得斷

故人

國朝詩的 卷之二 福建

三

故人相對話清秋況有籬花小徑幽白酒青山終日醉  
寒燈疎簾隔宵留牽蘿待補松間屋釣月移來渡口舟  
新得鱖魚須再飲夜深長嘯水西樓

十九日宋人亦爲重陽

一籬花醉古重陽無事人家秋水長鷓鴣何因驚野夢  
芙蓉漸欲老江鄉山能近客休嫌淺徑可容雲未厭荒  
插罷茱萸今日冷人多不會此風光

周廷鑑元立晉江人

醉吟

不知春事變一飲達玄冥靜數松髯碧情隨柳眼青鶯

林寒語澁囁市曉風腥無計驅愁去安能歎獨醒

春暮感懷

暄晨已過艷陽天苦雨淒風倍黯然噴浪蛟啼腥夜汐  
歸鞍驚舞落春烟醉榮茗汁知誰勝翠羽霜毛劇可憐  
早識蜉蝣成一夢何須青鳥乞長年

阮旻錫

晴生同安人

禰鼓吏

禰衡鄙阿瞞蟻視一黃祖文心鸚武賦英氣漁陽鼓

黃晉良

處菴侯官人

暮春集阮二陟與與齋

國朝詩約

卷之二 福建

三

小徑頻過近芷蘭遲君晝靜午風寒青帘何處迎三笑  
白眼誰家耐一看客至便宜人共約詩成偏藉爾刪繁  
誰將潦倒酬賢主莫道春歸送別難

陳錫疇

星彥固縣人

擬謝靈運齋中讀書

伊余江海情夙昔曳鳴佩冠勉京華踪作與時運會返  
車棲巖阿畢志及羣累丘壑謝人徒鳥雀靜相對顧已  
雖寂寞展卷導冥晦心賞及古人理感觸物類矧乃翰  
墨并奇懷愜中外狗祿良苦拙退耕亦云瘁微尚趨何  
途達生緬無愧抱此遺物慮遺榮得所貴

葉筠 因亭晉江人

秦淮

聞道青溪上遙遙十二樓華筵翻鑒落舞袖按筇篨  
雨垂楊岸春風下瀨舟不知新燕子還傷舊家不

郭鼎京 去問龍清人

金陵感懷

愧有虛名在何當書回船黃梅幾夜雨青草六朝烟匣  
底留孤劍囊中美一錢徒滋鄉國恨飄泊自年年

周韓起 聘仲莆田人

江村雜興

國朝詩約

卷之二 福建

三

結築依山麓柴門向碧溪輕烟開曲徑淺水入平畦翠  
積千峯聳青垂萬樹低時時懷好友月白過橋西

周薇 垣史莆田人

答懷臣叔氏

遠惠魚書字字清匪材敢說去官輕值個久滯姑蘇郡  
離索徒增水木情落魄盡頭惟欠死傷心何處學無生  
簞燈裁答言難盡旅館蕭條落葉聲

懷臣 今居建德

黎家全 約公長汀人

和楊梅江見懷原韻

開城知戀戀歷久見交情況是雲山隔誰娛世路平海  
天來雁歷斗室一春生雪酒消寒夜相期話舊盟

登狼山次壁間韻

和風初拂大江清羅列諸峰弄晚晴樹拂殘紅人面醉  
山含宿雨水烟平層崖僧逗穿雲入隔岬桃林照眼明  
歸騎莫嫌遊客倦好花多礙馬蹄行

賦得首夏猶清和

薰風初拂野雲邊陌上行吟意宛然乳燕語殘當晝舞  
流鶯聲老抱寒眠滿林將熟黃梅雨一隴輕颺秀麥烟  
最喜園亭消永日田田荷葉柳飛綿

園朝詩內

卷之二 福建

書

黎緒遠

初齋長汀人

黃虞美人次楊梅江韻

垓下精誠血色非姚家新又闢芳飛當年壯志酬恩歟  
今日追封賜赭歸可是莊姜爭綠裡莫疑衛女試青衣  
棣棠花下凝眸久幾認香魂一處飛

放舟程園

送春無計泛輕航縱目池亭樂未央翠閣半牕橫芍藥  
碧波小艇闌紅粧淮南詩思年將老江左遊情酒獨狂  
一任層城催夜折畫船簫鼓自徜徉

國朝詩的湖廣目錄

卷之一

黃周星

十四首

程正揆

六首

趙開心

十首

胡統虞

十首

王應斗

八首

王文南

一首

胡爾愷

三首

郭都賢

二十二首

陶汝鼎

五十六首

國朝詩的卷之一

長沙陶 煊奉長選

同里張 璫豈石同輯

湖廣

黃周星 九烟湘潭人

擬謝康樂南樓中望所遲客

佳坐意不樂慨然登南樓南樓何所見蒼莽送平疇終  
古忽興感浩浩千里愁春容豈不媚獨立如高秋穆然  
管四海鷄塵寡匹儔我友皇虞人擁卷悅林丘駿駒信  
非逸冥鴻不可求佗僚閑干間抗懷揚清謳瓊瑤如五  
國朝詩的卷之一 湖廣 一

姑山草堂歌

大丈夫何不驂龍鸞騎蟠螭東凌滄海坐蓬壺又何不  
走蜚廉鞭列缺西陟崑崙瞰桃都安能踟躕眼前十笏  
斗大室獨抱靈簡窮年兀坐如囚拘世間難遊盡者好  
山與好水難見盡者異人與異書百年鼎鼎菌蟪耳積  
蘇紫塊空雄圖且莫言五嶽遠且莫言九州殊卽如宛  
陵近在家山咫尺地敬亭華陽諸勝安得驅之枕案供  
人耳目娛謝眺李白空叫絕愚公移山豈是今之愚忽  
有徐子笑而起曰吾學得少文法能使千峰萬嶺晨夕

遶吾廬吾家近在姑山麓父老見孫山與吾衆蜂羅立  
紛拱揖蒼蒼如吏翠如姝白雲五里或十里長松千株  
更萬林鸞鳳泊虎豹蹲好女狀貌神仙居茲山雖小  
頗靈閼岫巉宛委似不如草堂數椽無聖獲青山滿屋  
泉流渠風雨欲來惟宵靄雲霧將去還脚躡徐子高臥  
恣觴詠醉呼懷葛嘲黃虞朱輪絳幘那敢到籬下下叱  
五侯七貴皆羣奴盧鴻終南神智稿杜甫花溪形影癯  
何如徐子嚴澗樂可遊退谷泛杯湖我更對君發浩想  
天下名山非一區峨眉匡廬競雄灝台蕩九子奇秀俱  
君何不結廬於巨壑之掌夸娥之趺象王之鼻玉女之  
國朝詩的 卷之一 湖廣 二

楚州酒人歌

酒人酒人爾從何處來我欲與爾一飲三百杯寰區斗  
大不堪容我兩人醉直須上叩閭闔尋蓬萊我思酒人  
昔在青天上氣吐長虹光萬丈手援北斗斟天漿天廚  
絡繹供奇醴兩輪化作琥珀光白榆歷歷皆杯盞吸盡  
銀河烏鵲愁黃姑渴死哀清秋酒人咄咄渾無賴乘風  
且訪崑崙丘綠娥溪坐槐眉下萬樹桃花覆樽竿穆滿

高歌劉徹吟一見酒人皆大詫雙成長跪進三觴大嚼  
絳雪吞玄霜桃花如雨入駿叫春風浩浩心飛揚瑤池  
雖樂崦嵫促阿母綺窗不堪宿願假青鳥探瀛洲列眞  
酣飲多如簇天下無不讀書之神仙亦無讀書不飲酒  
之神仙神仙酒人化爲一相逢一笑皆陶然陶然此醉  
堪千古平原河朔安足數瑤羞瓊糜賤如蠶蒼龍可鯨  
麟可脯與酣瞪目叫怪哉海波清淺不盈杯排雲忽復  
干帝座撞鐘伐鼓轟如雷金莖傾倒沆瀣竭披髮大笑  
還歸來是時酒人獨身橫行四天下上天下天如龍馬  
百靈奔蹶海嶽翻所向無不披靡者眞宰上訴天帝驚  
國朝詩的 卷之一 湖廣 三

冠劍廷議集公卿今者酒人有罪罪不赦不殺不可殺  
之反成酒人名急勅酒人令斷酒酒人惶恐頓首奏天  
庭臣有醉歿無醒生帝額巫陽咲扶酒人去風馳雨驟  
蒼黃謫置楚州城酒人隨地頗狡獪讀書學劍皆雄快  
白晝鬚髮三十時戲掇青紫如拾芥生平一飲富春渚  
再飲鸚鵡湖手板腰章束縛苦半醒半醉聊枝梧誰知  
一朝雲雨忽翻覆酒人發狂大叫還痛哭胸中五嶽自  
峨峨眼底九州何慙慙頭顱頓改舊生塵酒非酒兮人  
非人椎廬破觚吾事畢那計金陵十斛春還顧此時天  
醉地醉人皆醉大夫獨醒空憔悴從來酒國少頑民頑



德稱功等游戲不如大詔天下酒徒牛飲鼃飲兼凶飲  
終日酩酊淋漓嬉笑怒罵聊快意請與酒人構一凌雲  
爍日之高堂以堯舜爲酒帝羲農爲酒皇淳于爲酒霸  
仲尼爲酒王陶潛李白坐兩廡糟壇餘子蹲其傍門外  
醉鄉風拂拂門內酒泉流湯湯幕天席地不知黃虞與  
晉魏祿程科跣日飛觴一斗五斗至百斗延年益壽樂  
未央請爲爾更召西施歌虞姬舞漸離擊筑彌生撾鼓  
玉環飛燕傳觥籌周史秦宮奉鼎無與爾痛飲三萬六  
千場下視金銀玉帛皆糞土但願酒人一世二世傳無  
窮令千秋萬歲酒氏之子孫人人號爾酒盤古酒人聞

國朝詩

卷之一

湖廣

四

垂虹橋新漲歌

亦不必觀錢塘潮亦不必觀廣陵濤但看垂虹五月漲  
吳江之水勢何高我來吳江凡幾度時見微波落楓樹  
前年始至登長橋垂虹亭子聊縱步是時正值大滂餘  
水痕刻畫浸橋柱問殫爲河蛟龍遊民其魚乎公無渡  
今年聞說場傷功重復古道滂吳淞長橋側畔盡開闢  
一碧萬頃青天空蝦蟆蜿蜒五千尺垂虹此日真垂虹

我聞此語心踴躍恨不飛棹江城角何期文酒有奇緣  
羯鼓正逢六月朔高堂譙會筵群賢星羅霧合霏雲烟  
如茶如墨復如火困車龍馬紛駢闐解衣盤礴競紙筆  
慘澹經營寂不喧是時義輪正卓午滿座荷香風栩栩  
忽然頭上黑雲橫狂飈颯颯驅驟雨祝融纔收火龍鞭  
列缺更佐豐隆鼓詞人拍手酒人歌金鐵鏗鏘百靈舞  
我時科跣坐高堂同心之友勸傾觴龜茲却奏飛龍鳳  
絲竹嘈囂夜未央初期譙罷徐觀漲誰知雷雨復震蕩  
高堂幾欲化長橋庭階三尺飛鯨浪詰朝徒侶遽言歸  
回首垂虹空悵快我嘗作客徧九州洞庭彭蠡幾回遊

國朝詩

卷之一

湖廣

五

六月六日登洞庭西山縹緲峰放歌

噫吁嘻怪事哉洞庭一水三萬六千頃中有兩山磅礴  
而崔嵬西山之巔曰縹緲自有此峰登者不知幾萬輩  
誰曾六月六日來我來亦非愛觸熱因緣意外真奇絕  
梁谿有客乘興遊中宵命棹何勇決曉發膠山夕誇塘  
詰朝一葦凌蒼茫火雲燒空風色靜雙槽唧唧水中央  
七十二峰紛出沒日晡始艤西山旁舉頭便見蒲萄綠

頓令煩暑化清涼從茲緣者不一狀千緣萬緣森相望  
家家橋樑戶桑麻遊人步步行圖障叟童雞犬寂無喧  
別有天地疑巢軒世人不信桃源記誰知此是真桃源  
真桃源人罕見水如垣山如殿神仙窟宅尊羽衲津梁  
倦老殺姑蘇城裏人何曾一識西山面我來終是苦驕  
陽搜奇討勝空徬徨道逢樵牧爭笑詫何物褰襜走顛  
狂一遊林屋洞隔凡幽溼窅如夢再遊石公山劍樓雲  
嶂聊躋攀包山好閣環空翠歸雲盤石猶等閒三遊西  
湖寺寺外松杉中荷芰其日炎威倍赫曦僕夫蹙蹙何  
况瘁入門總拚高枕休王侯相喚不同眸忽聞縹緲在

國朝詩的

湖廣

六

寺側起舞仍作登山謀各向山僧乞杖笠同遊七人四  
人留余與二客賈勇上倏忽便到孤峰頭俯瞰衆山皆  
培塿茫茫震澤連天浮東望虎阜西望荆溪南望蒼雪  
北望梁溪四顧拍手大叫何不乘風便飛去乃猶戀此  
紛紜醒處區區九點之齊州噫吁嘻怪事哉縹緲峰頭  
六月六日來長安貴人渴欲死名車利馬走馳隕余與  
二客坐天際罡風颯颯浮雲開披襟散髮那知暑恨不  
一飲千百杯三島十洲在何許下視塊蘇真可哀噫吁  
嘻怪事哉縹緲峰頭六月六日胡爲來噫吁嘻縹緲峰  
頭六月六日胡不來

得陶仲調年兄書喜寄

陶生今不歟吾道尚嶙峋天地留松栢庖廚赦鳳麟十  
年書到喜再世夢回真歌涕知何日東籬歲月新

屢夢與陶仲調同上公車

陶子胡爲者秋燈入夢頻公車仍紫氣野衲且緇塵七  
八年中事三千里外人離騷灘艇哭葉葉似前身

天臺

勝蹟天臺路移情人杳冥飛泉秋後寺絕壁古時亭榭  
葉岸多溼蓮花峰更青白雲吾語汝且向石梁停

遊南嶽丹霞寺

國朝詩的

湖廣

七

只從天半領精神自古名山亦待人五嶽今纔遊一角  
百年吾已歷三旬收回南北東西眼閱盡義農虞夏春  
他日山僧應問訊谿光雲響記閒身

平山春望

春風萬里客登臺平楚蒼然霽色開百雉似連孤塔湧  
群峰欲渡大江來生前富貴揚塵笑亂後文章庾信哀  
滿眼烟花今古夢天荒地老獨徘徊

已丑過西湖見吳巖子下玄文詩步韻寫懷

辛苦儲書更寫文雲雷心熱博山紋恩慙國士憑三尺  
長短鄰姝較一分感栗歌殘呼朔客琵琶絃斷咽明君

花前痛哭林間咲此日吞聲不復云

贈簡在雍

放我雙眸混沌前文章多在女媧天精神自古歸三楚  
湖海何人不十年懷有異書爭日月心將良友當山川  
湘烟歷歷皆花氣共汝徘徊澹蕩邊

傲居

天空海闊竟何如此日高人且傲居擊筑市中誰進酒  
賃春廡下自鈔書一春風雨牛衣老十載江湖馬肆虛  
輸却雲門行脚漢竹烟松月總精廬

秋日與杜子過高座寺登雨花臺

國朝詩的

卷一 湖廣

八

披髮何時下大荒高山舉目共淒涼客來古寺談秋雨  
天爲幽人放夕陽去國屈原終悵直無家李白只猖狂  
百年多少憑高淚每到西風灑幾行

程正揆 端伯青溪孝感人

偶成

春容引翠裾曙色帶雲鋤朗誦閒居賦精抄種樹書勁  
風誅倭草茅土錫佳蔬泉石無堅壁幽人自搗虛

詠螢

棲隱蓬爲徑浮波水作簾意如爭日月態不入涼炎著  
色花爭致非烟雨未霑才華終易盡我意愛君潛

江行二首

舟發三江口春歸芳草洲殘碑撐赤壁柔櫓過黃州帆  
轉移遙岸鳧輕上逆流風波老世故客興自悠悠  
野艇清溪客孤峰太白翁清平三絕調采石一江風峭  
壁對今夜寒濤入古松唐朝幾百載零落酒杯空

卽事

今日湖光好東風百草頭青原嘶塞馬白露動沙鷗心  
與朝陽遠人同畫苑遊待添桃葉雨更上水明樓

中秋獨坐

柴門車馬自紛紛呵殿頻過不可聞客意他鄉須買醉

國朝詩的

卷一 湖廣

九

人情今夜獨憎雲砧添宿雨聲無數桂減初香瘦幾分  
摩詰主人僥逸興不消得月亦清芬

趙開心 洞門簪篴長沙人

就園二首

水天相渾處不禁舫輕搖魚鳥知親客疊羅識避橈境  
隨潭影靜神與去帆遙觴咏無心極清商陋玉簫  
選勝何嘗地會心隨命名湍鳴山谷嶺溪湧竹松聲各  
爾適佳况因之有別情漫言舟似葦一葉此身輕

山行卽事

身到崎嶇徑眼觀總不群馬驚穿澗水樹欵宿山雲怪

鳥名難識幽花路未分隔溪樵子唱一曲遠先聞

得兒計音簡孝升同年

十月霜風天正寒書來未折已心酸衰年有夢還家遠  
老眼無兒隔淚殘桐樹秋孤先落葉梅花香冷浪稱官  
可憐伯道堪同調天意人情兩問難

暮春吳園次招同石仲生戴滄洲龔芝麓集吳船

不涉風波似隱淪舴舺今共集賢賓花飛婪尾知春晚  
雪上鬚眉信老真幾日欲陳休致疏百年難得稱心人  
論交漸覺晨星盡慷慨杯中不計巡

爲宗定九賦新柳堂

國朝詩的 一 湖廣

十

種得春溪護墨莊風流濯濯憶張郎繞園絕勝松三徑  
連屋遮來書一床攀折不關垂客舍高吟仍待賦長楊  
經年河畔青如舊滄海堪憐幾變桑

寄意洞庭秋之一

蘆花淺水艇西東自信天河有路通曠致本遊滄海外  
浮生終託亂流中雲間不度來儀鳳草野初無歸澤鴻  
流火授衣空悵望龍門希遇半枯桐

立秋約諸公遊荷花池集飲二首

選勝尋花待塵談水添湛淨酒添酣儔偕太白仙成八  
韻遇桓伊笛弄三風月到來闌作主江山相對笑難堪

濟川浮海人憑臆但道行休是指南

溪行何必菱歌女蓮葉相迎勝翠鬟酒力壯來愁欲減  
詩腸寬處句難刪得邀風月依人好便覺乾坤於我閑  
丘壑盪胸池盪艇臥遊終是負江山

和姚若菴冬嘯韻

嚴霜披幹尚成園蘆葉蘋花冷釣磯蘭蕊固知當夕秀  
蓴鱸空自憶秋肥漫云吾道存真是寧謂斯人可厚非  
湯沐竹爐憑隱几披裘端合擁柴扉

胡統虞 孝緒此菴武陵人

歲莫再遊星沙別陶仲調馮根公劉杜三黃詹最

國朝詩的 一 湖廣

二

尹尊子謝魯玉吳次梅謝瑞玉史拙龍郭幼隗

同社諸子

尋秋入嶽麓中道窘陰雨歲暮復尋來山溪雪如堵喜  
我在山外卑山等撮土邈邈陟高峰盲盲宗與祖人生  
履平地懸念猶石乳想結成凝陰趨變立今古中有素  
心人能爲風會主睠言顧文禽而自修毛羽毛羽不自  
戢飲啄卽得取此身若漏卮世事類焦釜相傾至今日  
煉石胡堪補維我同肝腸千里車相輔古道恒若斯抱  
膝吟梁父

贈杜于皇

疾老如奔馬急歇成大悟豁然生面開天地一指顧蹴  
踏毘盧顛斷截葛藤樹此中誠瀟灑何妨物來寓情性  
同乎人所貴在能怒狂傲全其真俯仰存其誤咄哉吉  
士懷烟水溪山路

別玄升伯氏之貶黔任

霜草難爲別風塵苦作歌折腰懷靖節擊筑和荆軻况  
味亦復爾情懷良足多擎杯不欲盡近夜去如何

秋日星沙別劉杜三卽次來韻

嶽麓重相聚問君湖上遊燭難消永夜雨欲老深秋時  
看匣中劍思焚舊日舟何堪賦離別回首數峰幽

國朝詩的

卷一

湖廣

三

春夜汎秦淮

暮烟開遠岫流水浸梅花貰酒藏春塢移舟近柳衙霜  
侵紅蠟冷月聽晚潮斜醉問新豐旅青谿第幾家

張西漁樓中晚眺懷母

山抱平原百畝餘寒枝落盡草難除夕陽嶺表瞻雲舍  
旅夢花間護板輿新月半窗涵冷露秋風一夜賦蓴魚  
淡林漸覺行人少馬首東來十月初

將發白門飲印雪浪

六朝佳麗在山河歷盡江天水上波潮湧海門來白下  
雲開晴嶂露青螺君無宿債堪償酒我有良朋爲作歌

今夕又添楓葉恨平分秋月掛藤蘿

長安詩社

薊北淹留賦楚辭重將敝繭織冰絲學仙空憶三茅酒  
對客難終半局棋觀不應當觀海若看山須是看峨眉  
春風已逐東皇去一任楊花滿面吹

春暮有懷

青梅如豆柳如烟夢裏懷人似昔年風靜夜寒天未曉  
一簾疎雨下平川

湖南道中懷問石和尚

老人結菴白雲嶺坐斷雲林愛孤冷一夜風前踏月歸

國朝詩的

卷之一

湖廣

三

振衣掠盡空山影

王應斗 天喉崇陽人

君山歌

洞庭八月秋風吼鯨波十丈高於阜扁舟初發岳陽城  
飛蓬已過三江口君山一點大如拳遙矚在前亦在後  
破浪中流且放歌幾時得住山之右湖光八百靜風烟  
青螺十二營半畝不愛方竹截爲筇不羨明珠大如斗  
但願一上軒轅臺春日聞香尋美酒相傳美酒佐遐齡  
一吸令人天地久竊咲不獻君王前酩酊竊飲東方叟

補山堂爲郭夢菴賦

壯歲功名同畫虎晚來倦戢潑林羽請看馬頭千里雲  
何似湘干一蓑雨半生光影望澄湖有道相逢調不孤  
詩傳珠玉人爭羨筆絕纖塵世所無片葉凌風接江咫  
頻年輒阻車生耳昨朝書報寫真圖萬壑千巖從壁起  
翻疑托胎五嶽前不在烟波八百裡妙墨神奇昇吳腐  
轉移坤軸非小補崑崙孫子幾千丈出入毫端無盡數  
何時把酒一登堂踏破陶家三徑荒載賦兼葭白露蒼  
悲歌劍舞情徬徨

國朝詩的 卷之二 湖廣

一百

弓藏不射南山虎謾羨飛金石飲羽慧根蚤證雲光禪  
講臺亂落天花雨狎鷺盟鷗傍五湖滿庭皓影對清孤  
摩挲腹笥千章有攝入蒲團一字無明聰展幅寬容咫  
領召群山執牛耳初疑東岱自天來又詫鹵華從地起  
過目纔披楮素間移神已到空青裡絕壁危橋終不腐  
石梁斷處雲烟補天清倒影蘸平川歷歷層巒森可數  
韻吏前追綠瑩堂况多葱蔚點苔荒就中老栢尤蒼蒼  
寒梢滴露神徬徨  
凋傷滿地氣如虎爰有冥鴻惜毛羽羞看敗葉趁狂流  
更嘆昔花經壽雨胸中雲夢氣吞湖半落十年肝膽孤  
有時杯酒發長吟問天生言有意無寒綃一抹三山咫  
颯颯海風鳴過耳乍移雲樹貼腮浮復見樓臺蔽空起

子平五嶽徒虛言不及少文臥遊裏石上觀枰柯欲腐  
前峰缺時放鶴補翻覺真山轉粗頑生韻索然無可數  
信步如升嶽麓堂搔首豪吟麾八荒祝融呼吸通上蒼  
神州黯黯滋徬徨

登岳陽樓

破浪初寧魄憑高一送眸江聲淒獨况天氣老深秋未  
必純陽酒能消范氏憂且隨風雨道去去付沙鷗

落花二首

疊砌堆闌未忍除自矜零落也相如經殘夜雨相催後  
識破東風未嫁初飄泊難逢西隴使顏顏不寫御溝書

國朝詩的 卷之二 湖廣

五

返魂亦是人間樹借問重芳事有諸

錦銜香吏賦歸休無復殘芳點樹頭香性恒存三徑古  
冶情先付百川流拖烟似帶長門泣捲雨如含出塞愁  
春老色衰同一遣共君試看五湖舟

五日飲文昌道院

細管輕橈據上遊况憑飛閣俯丹丘良朋似醉非關酒  
雅興雖多不在舟江鼓迭催寒雨急院鐘孤帶白雲幽  
烟濤隔浦分喧寂全際端陽各自酬

王文南 季豹江陵人

觀雲水圖真寄詩有賦

鴟夷五湖水瀾瀾圯上赤松雲纚纚古之帝霸待其人  
一日逍遙說若屣最是扶天不媚天與天分別任機緣  
縱我驅馳堪鐵馬錮吾篋笠卽書田此義擬論子霞子  
穎脫當年端有以一朝崇替席天心果父掉頭百不理  
丘轡豈謂宜斯人猶將大義慰君親須知出處雪鴻蹟  
飢溺文章別有神以是周遊類太史胸眼蒼茫對無始  
虔粵閩越汴陳心入楚親逢玄夷使導江導漢爾何人  
載棹乘舟此應頻胡爲承帝咨嗟意只貯嶽南湘水濱  
補天不得地可補湧月高臺無足數聊從雲樹憶仙人  
歷歷晴川莽回互翩然策杖入荊州風流真到龍山頭

國朝詩的

卷之一

湖廣

三

胡爾愷

字石江長沙人

關月

邊暮霜華滿沉陰此夕開雕弓明雁塞玉漏微龍堆吹  
笛千山晚鳴笳萬壘哀征人鄉思切望影盡徘徊

小孤山

香國浮人境歸然絕衆援碧環千浪影青立一峰痕有  
逕堪僧住無蘿許客捫相看姑緩棹望望入雲根

飲龍熙載年兄寓中和壁間韻

海外神仙擁十洲可能槎汎汴黃流樽前白隋難驅老  
叵裏青萍自結秋故國風烟千里夢他鄉鴻雁一天愁  
憑君坐對疎窗月却憶行吟楚水頭

郭都賢

天門夢菴益陽人

留別胡伊人同中秋補寄

見月不懷鄉把君苦與臆故鄉歸有時良友見無日相  
數百二晨臭味如芽苗不畏嫌我真寸心各率律聚散

國朝詩的

卷之一

湖廣

一七

歎如萍悲風動秋瑟子望兼葭歸君聽晨鐘出舍辛別  
道旁置身恐或失天衷志氣人矜慎意彌密今夜贊公  
房孤光照陰律遙知驢背摩湔入鮫人泣殊音和者誰  
牀頭苔懸嶂

小構沙灣拜爾海張公書懸之茅齋千崖競秀直

補澤國所未有因題補山堂額作歌以永之并

謝我公以烟雲供養老僧也

山中人兮畏豺虎橫擔柳栗飛寒羽茫茫雲水魚龍腥  
歸去閉門等逃雨入山不得走入湖鴻雁不來聲氣孤  
蓮房藕孔藏世界菰蘆中人知有無沙灣隔湖望如咫



百里無山七澤耳誅茅一區水到門突兀奇峰掛壁起  
層巒疊嶂爭毫端置我千山萬山裏從今莫笑愚公囑  
海潮汨沒三山補九疑雲中坐立閒黃蓬培塿何須數  
盈盈一水題山堂僧繇身手開天荒但愁山高樹老蒼  
撐破丈室心徬徨

過汝寧南郊登觀音閣

初地凌飛閣諸天接上方蓮花千頃抱影草一莖藏畫  
棟降昭代豐碑黯夕陽面懷嵩少室臂洗古靈堂水月  
昆池劫河山佛國長重興新月一望舊齊梁到處何  
曾放航遊每值忙旋炊雲子白頻淪雨前行住真無  
國朝詩的 卷之一 湖廣 六

過洞庭西湖

澤國胡爲號全身汗漫遊高天無立地老客有行舟今  
古浮沉裏雲山出沒頭朗吟如在目吾道復何求

塵起

促促行皆坐迢迢去若歸驢前安步蹇僧瘦帶塵肥黃  
塑瞿曇面緇溪壤色衣持將雲水意還問絮粘飛

上蔡南郊宿純如禪堂室適遇山主楊畏公明經  
在座

信信稱交臂炎炎且息肩座逢修靜過房借贊公眠匙

滑翻雲子旣香定雨前此間疑白社滿壁已堪傳

枕上聽雨

去夏鄧襄苦雨流入沔漢遂成大浸今夏復雨恐仍不免

舊雨來無厭新涼乍不禁滴殘孤客夢滂破故鄉心隣  
國愁爲經中天歎積陰不知人境寂可有越莊吟

舟發

白浪推江走寒林逐鳥投移情之海嶠選夢到羅浮有  
骨仍題駿無心自下鷗不妨衰草色隨意點行舟

歸山

白首荒濱願亦違綠林驅迫返荆扉家同百姓啣泥入  
人比孫山落第歸齒髮衣冠方外別田園廬墓眼中非  
國朝詩的 卷之一 湖廣 七

莫言孤首莧裘晚十六年來被衲衣

自兵燹流離庚寅以後走嘉魚依熊尹初寓梅熟

菴再寓八斗角三遷西澤之張家坊後始轉徙

於新堤前後十有九載戊申夏驚暴客俯仰無

告兒輩強迎歸里補山堂非我有矣庚戌二月

間西守朱君爲予勒石其地亦從來流寓之僅

事也賦謝抒感且志媿焉

竹鐸梅橫柳挂絲伊人宛在復何之劫來老唱還鄉曲

浪得生題有道碑掃宿慣經忘逆旅登樓無計慰流離

山顛水底茫茫日寂寞千秋仗子期



登岳陽樓

雲水生涯自隱淪登樓極目舊波臣東南圻後詩無句  
憂樂誰先記有人天放魚龍驕作窟澤嗽鴻雁怪爲鄰  
不堪焦土浮炎海時苦旱十載荒城夜照燐

嵩夢十首 選四

名山短策笑長年贏得芒屨幾兩穿四壁少文眠未著  
九華常侍臂空懸中天大嶽三生石初地名藍二室禪  
風雨夜來親見得神光不向別峰傳

二花消息近何如都付文通寸管餘高况若留他日話  
苦懷似寫別交書由來山水如良友現在因緣盡子虛  
國朝詩的 卷之一 湖廣 子

莫怪枕邊人不識同牀各夢一軒渠

打破虛空與汝安尋思只作未來看造門興盡翻無味  
剪燭情遙更不刊峭壁影連蘆葉動奇峰坐被夏雲瞞  
參橫惆悵關何事怕有嘈嘈翠羽殘

漠漠平疇亂水紋陰陰長夏氣氤氳愁禁嵩少彌旬雨  
開想衝南舊日雲鳥語山中行不得鸞音嶺上笑無聞  
優游官味如僧况翻笑登臨負使君

寄懷內弟程箕山時分憲大梁兵驛道遣使相招  
朔鴻分破雁南天彈指相看二十年欲坐春風潑到雪  
那辭雲水澹如烟芙蓉幕裏高梁苑書畫胸中敵米船

集山書 好寄梅花憑驛使嶺頭髡盡庾山憐

南行四章爲箕山作也 選二

漫向青天首獨搔劫來傳舍等勞勞河身性濁難防怒  
嵩頂雲埋益戴高龍自屈伸飛一葉馬從得失夢三槽  
秋風不爲思尊急五嶽胸中八月濤

春明門外卽天涯耐可浮沉瞥眼沙作我殷侯終小草  
笑人鄧禹亦空花橋烟老去過淮化山色青歸卜榭嘉  
莫傍鄰舟輕訪泊伊涼曲曲有琵琶

舟過玉沙湖訪羅子庸隣必

滿湖秋水數峰皴宛在懷伊始信真車馬道中千里客

國朝詩的 卷之一 湖廣 三

魚蝦國裏一家人好尋中散林間酒且洗元規面上塵  
久別乍逢投轄意花前留榻臥留茵

落花二首

石牀浸滿坐遲遲起看香泥掠燕兒繞逕蜂聲昨日在  
踏青人影箇中思茵承小鳳初生步綵剪溪宮再上枝  
百舌自藏鶯自嚙啼紅到血意何爲

龍口渠通谷已漚迴風扶起可憐春依然點額驚鈴口  
轉憶啼妝隨馬人辭樹似歸將芍藥粘泥如絮亦芳塵  
阿房粉褪脂兼掃搖曳飄然是嫁辰

中秋旅中

等閑炊桂作勞薪斷送蟾光苦怨辰天若不情無此夜  
客爲何故有斯人薄言酤市澆行役訛語樓船震比隣

二十四橋明月舊爲懷歌哭幾回新

陶汝鼎 仲訓密菴寧鄉人  
熙陳其年先生選

雷老行

陳友諒攻陷太平守將花雲被縛不屈奮躍起  
縛絕奪守者刀殺五六人城且破吾夫必死然不可  
使花氏無後嬰兒在若等善撫育之即赴水成  
侍兒孫氏收瘞都屍抱兒逃夜宿陶穴中待渡  
遇亂軍葬投之江偶濤中有物木附之入蘆渚  
孫氏取蓮實啖兒七日不食忽夜聞人語呼達  
雷老者告之故令偕行達上所上曰此將種也  
命賜雷老  
衣忽不見

國朝詩的 卷之一 湖廣

三

君不見花將軍怒絕縛奪刀殺賊萬矢落又不見花夫  
人歎寄孤沈淵托妾懷遺珠將軍夫妻真節烈侍兒藏  
珠幾蹉跎始將明月託蘆人轉負奔娥入陶穴入陶穴  
浮蓮渚但愁兒夜啼何意聞人語語者爲誰雷老翁對  
翁陳說雙淚紅欣然策杖憑神蹤引兒得入旌旗中上  
抱花雲兒慟惜花雲沒雷老如神明顧賜已恍惚從古  
立孤難成事非肉骨將種天留慰兩魂花家卻有女公  
孫

烹虎令

洪武五年十二月內使奏增餉虎肉上口養虎  
何爲而費肉餉之乎命以虎送光祿他禽獸悉

之縱

逸彼漢園穴彼秦冢嗟汝何爲得長群磊飲我牽牛秣  
我天駟嗟汝何爲得曾肉飼維皇三驅有藪有谷旣廢  
圉人乃詔光祿疇醢彭韓疇參卓莽鼎俎之和咏烹厥  
虎

淮清橋

建文時北兵旣渡江上乃議遣官徵兵上游侍  
中黃觀奉詔奮不顧家至安慶聞京城已定謂  
人曰吾妻素有志節必不受辱遂招魂葬之江  
上明日家僮自京逃來言夫人翁氏暨二女赴  
淮清橋下溺焉公舟至李陽河  
於羅漢磯湍急處亦自沈于江

淮清河碧淙淙抱珠沈玉通娥江李陽河蒼且波擁節

國朝詩的 卷之一 湖廣

三

招魂向汨羅遙知一鷺將兩雛冰雪無慚子大夫六朝  
今日水芳冽洗臣汚

憑虎行

卓敬浙江瑞安人生質秀敏骨髮殊異性至孝  
年十五讀書賣香山會風雨夜歸昏冥不知所  
之得一青兕憑之及歸入門乃黑虎敬洪武  
戊辰進士戶部侍郎建文之難殉節歿焉

率野者白額是邪誰得繼率野者青兕非邪誰得騎竟  
是寶香山下虎天生卓郎壯風雨火起宮中雷霆飛何  
如夜半憑虎歸

接骨杖

翰林侍講李時勉以時政違節條陳二本上怒  
命武士撲以金瓜賜助已斷其三皮出及下錦

衣衛再用挺掘而其斷骨  
忽自接人謂忠誠所感云

君臣如左右手可憐大杖不得走不得走三絕脅鬼  
神憑杖還相接偃仰圓扉身一葉君不見杜根撲殺猶  
偷活空疑諍史多奇骨金吾杖活李司成天爲明君補  
斯闕

### 兩割股

定襄伯郭登性至孝母疾兩割股作羹以  
進居喪哀毀骨立不肉食嘻笑者三年

吾聞憑霄之鳳銜珠積蒼梧感人未若庭中烏郭公詞  
藻如串珠攪天飛地工孫吳誰知大將兼文武爲療慈  
親重割股大同城門心最苦奪駕不成須拒虎上皇異

國朝詩的卷之一 兩廣

詩

日如有疑祭臣割肉療母時

### 絕糧歌

薛文清瑄憲廟時以內閣致仕歸中途絕糧有  
司憚其清嚴卒無敢餽遺者宰相絕糧古今一  
矣人

豈有中書省續食不得糧豈有畫錦堂竈突不得黔薛  
公作相真冰雪天下炎炎走曹石何須一片安邑肝曾  
無數斛劉家麥好官薛卿歸絕糧久將此意感老瑞

### 綵雪歌

萬曆己未正月無錫縣下紅黃黑三  
色雪是夜人家屋瓦上多巨人跡

錫山之陽氣欲秋春風作雪成丹丘初疑烏爪撒靈藥

漸如繡蝶鋪羅浮梁園授簡才難賦芸閣映書光不流  
樓頭巨跡那能掃神仙戲玉留鴻爪往咎冰華璀璨作  
畫圖未有一尺瓊瑤三色好漫道瓊瑤三色好玄黃雜  
血天將老

### 五人墓

天啓末年黨獄大興東林諸君子相繼逮繫一  
日詔捕吏部員外周順昌於家緹騎至有五人  
者相拉飲闔而痛憤挾屠肆刀走入公府擊殺  
使者一人自請就獄事聞有旨即吳門葉市五  
人復飲酒牽臂欣然就戮吳之士大夫哀而歎  
之合葬於虎丘道傍題曰五人之墓不書姓字

君不見姑蘇城邊虎丘路綠字青碑五人墓五人者誰  
無姓字吳儂痛道當時事當時崔魏剪東林天下清流  
國朝詩的卷之一 兩廣

詩

詩

待緹騎五人濶跡屠與酷手無漸離之筑荆卿圖煩聞  
賢哉吏部周大夫一朝緹騎逮吏部萬戶驚嗟誰敢怒  
市中却有五男兒側肩踉蹌入公府緹騎方偃坐吏部  
獨囚首中丞以下面如土五人裂眦怒向前擊殺使者  
呼蒼天群公股慄失所措五人就獄真欣然事聞朝廷  
奸氣索只道姑蘇少年惡同時棄市出胥門志士無慚  
共清竊雖然無救吏部死殺身爲國明君子傾城送葬  
虎丘東衣冠白盡蕭蕭水吁嗟乎施全刺槍車已奔田  
橫義士爲感恩愚哉小民肝膽激安知虎豹守九閭晉  
陵風雨靈旗碧天眼青青人眼白從今不暇弔貞孃春

酒來澆五人石

谿上逢王天庚別去

初夏客谿邊共惜烟水好在山綠一村沿谿待幽討君情漸澹然氣力近淡老登臨亦不妄哀樂因自考回首湘岸花十年未潦倒英雄着衲衣豈必求枯槁譬如善飲人胸中貴浩浩君自理孤音子亦最新抱帆影散中流同出山陰道

陳詹公山居紀事

春水綠河干欲往親巖岫青峰如隨雲松篁亦遙秀徑造修竹間晴烟白圭賢人卽頑仙廬相延坐清晝峰陰

國朝詩的

卷之一

湖廣

三

直到牀是公割靈鷲酌酒烹藤蔬瓦杓土花繡示我枕中篇快哉發人覆兩出涪翁書寶墨乃希觀其一數百言瘋痕若屋漏想見心手端驚喜理句讀煎香佐冥觀夕陽返襟袖異僧突入軒悠然享觴豆有客攜變童臨溪試清奏山濺耳目新林屋安朴茂是日公嗚然微言數往復譬如一迦陵妙音震群聒又如咀嚙松聲與丘經就迺知圯上人溪心關漢宙健步送至舟意若有所授河干歸路晚星出草堂後草堂榻且懸再來爲公壽

舟入虎丘

破曉過吳門不泊良有意欲及清晨光入山發山嶽舟

行二里餘人烟雜遝翠嶂立平楚塔影落無地廻舸畫橋東及門恐容易緣溪竹樹幽舟繞山背山綠陰濃到天小鳥一聲墜簾之從此登晴雲洗高寺

暮春陳長公來郡城聯牀夜話感涕有述

荒荒古潭城春月焰茅屋好友隔年來諦認如未熟匪疑顏面蒼悲酸久相蓄前年春雪寒倉卒被窘惡眼見我毀巢赴難過江麓以身翳蔽之不顧邏者目將濟更狂飈須臾及淪覆聞君呼路人疾若包胥哭未幾羅織成命賤不可驚世亂鮮親朋恃子逾骨肉脫驂聊有心細事見真樸遺我丙穴魚假我春坼犢爲我歛圖書代國朝詩的

卷之一

湖廣

三

我謀筮卜徬徨兩歲間用意到寒谷一旦荷巨靈皎然出溝瀆支石作聯牀解衣對新沐此身人也非今夕相依宿譬如黑風船茲始及平陸當其揮救時是子所仰祝把手出洪濤痛定色始復再拜謝路人於君返默肅志節君所憐餘生徒蹙蹙乞君湖上居袈裟伴荷竹

忠毅劉公祀事詩

有序

癸未九月賊破湖南楚按君劉公熙祚仗節不屈執之至吾邑之道林士民謀奮螳臂相奪賊怒大屠寧費公而去今既數年長公希賜來修祀事漫附數言用當楚夢云爾

忠臣社稷衛正氣天地倚國步旣難彌留仗斯理傷心烈廟中鯨縱網迺弛節鉞爲之驅兇螫久無壘赤鱗

走瀟湘膽寒劉直指劉公忠孝人古之真御史督戰九  
疑山氣欲吞賊子怪哉風雨橫直靜朱陵圯繡衣就檻  
車半壁鼓聲外曉日下長沙意在汨羅水芳洲小瀉江  
波濤爲公起奪公事不成成仁亦繇此慷慨嚴顏頭怒  
切睢陽齒節義感草茅精魂瘞蘭芷常山有令嗣膚髮  
終歸里公言振末流謚爵章貞軌千秋屈原廟照耀潭  
城裏我嘗拜公祠霑衣薦湘蕊今日讀遺篇秋霜聲滿  
紙毘陵望廬陵悲歌正遙擬三光倘不淪百世興頑鄙  
髮髯嶽雲間森寒來劍履

白露日再作紀旱詩

國朝詩

卷之一

湖廣

元

天王踐祚來書年屢豐裕楚南較太賤憂不償所賦今  
歲乃太褻陰陽失恒度夏至一雨霖炎炎到白露黑雲  
虛滿河落日謬孤鶩需求勞縣官雨勢若將澍眼枯微  
雨來蒸熱起蝨蠹四望禾黍焦芄芄委紅霧可憐老農  
夫垂淚相告訴具言今歲苦竊恐絕生路每早恃水泉  
瘠瘁事灌注今秋泉脉乾陂塘涸無鮒束手悶枯槁坐  
視青禾仆間有好根葉蟬蟲復爭舖香稻若丹砂一夕  
還生羽剪伐良有聲穎粟落如雨晨起穫其餘毒氣傷  
跣屨家家相對啼餓殍且無具土焦不受蕎水竭不留  
芋無術種瓜蔬空教滌塲圃往汲隔墟村少飲得濁汗

尚愁索我通皇皇如見捕吁嗟語未終我淚亦無數如  
何此子遺一旦逢天怒赤地無厚鄰饑人易歎聚天乎  
豈不慈致此或有故誰謂腐儒餐可以忘畏怖

徐昭法書寄懷友一篇山居取其韻酬之

憶昔癸未夏見子玉亭亭相別三十年詩來歌哭并往  
被太史鑒獎掖非世情丹鉛我新篇鼓吹徵六經時復  
論軍國義至形憂嘆吾子方獲雋砥礪名德勤落落不  
數見意若崇獨醒遠觀家國難盡哉臣子心忠孝燭天  
地躬耕尤苦淡餘事及著述慘澹而經營同調或不媿  
君則誠崢嶸俯視齊梁間一切蒼蠅聲

國朝詩

卷之一

湖廣

元

楊修齡少保招集西莊樓看武陵紅樹

武陵舊是雲霞區此樓能令山水趨淡秋萬樹經霜飽  
欲擬桃花花所無陰晴衆竒爭一午爽氣如披瀟湘圖  
丹楓紫柏不知數平林松葉青相扶須臾眼中亂朱碧  
秋光若爲紅先驅霏霏灼灼無邊隅倒却赤縣翻蒼梧  
醉醒我亦與之俱往時所見皆秋膚東山李白天爲徒  
前指青峰黛若妹我思擊碎千珊瑚放入巴陵一片湖  
琉璃浸得霜根癯紅際秋冬溼不枯桃花何必專其都  
擬請詩報秦皇歌

擬請詩報秦皇歌

君山寺前銀杏數十數圍傳是秦皇藉山所留  
中裂若炭而枝葉特盛歲結實可數石其真能

睥睨祖龍者  
矣作報秦歌

天荒地老六王畢八百湖光變風日扶疎小竒暗湘山  
帝子祠前雲似漆龍舟不進聲滿空千樹萬樹光熊熊  
山桂憂傷木蘭泣須臾萬頃湖波紅微軀半作光明燭  
以身翼蔽千寒玉天吳大嘯湘靈啼捲起銀河灌秋綠  
鴨脚翻風自少年蒼蒼一半生雲烟崑崙西望穆天子  
海上東思魯仲連吁嗟乎祖龍竟受真龍乳君山作風  
泰山兩勞君嘶火驅蛇虎堯時未精軒轅土

吳門莫春與吳既閑劉杜三邀孟津王覺斯大宗

伯小酌玉泓堂燭下爲予政董華亭手書贈卷

國朝詩的 卷之一 湖廣

復有作和韻

尚書胷中萬象滋接離騎馬知爲誰邀來小閣散細帙  
晴光一洗春雲迷匣中各有紫端硯摩挲欲使先生見  
臆前片石朶花斜揮觥且得從茗戰華亭小卷握若珠  
傍觀衆目如鵲鵲欣然細楷盈半軸超軼晉漢無前乎  
庸文學古但願息荷公相最高天碧虎蹲龍跳書贈言  
此夜龍門增氣色

徐漢仙自湖上來過潭城逢雪

霜天損河風日枯潭城漠漠如幽都東縛我翼不得去  
懷人夢到湘江蘆蘆中之人每長嘯直鉤久下烟波釣

嘯聲夜過洞庭南好雪相隨入湘照刻花剪木作瑤英  
响嘯洗黛江無聲與君共喜荒塵面往事不須重淚橫  
更闌秉燭命尊酒聽雪還邀雪窺牖取子落花秋月吟  
且對寒光辨心手願教積素三尺餘鸞塵暫淨如山居  
快哉此雪落未已冰花勢欲封人廬君思湖上蕭蕭屋  
我亦敲冰憶寒谷同是無家但有身歌來感慨逾琴筑  
那能僵臥不開門忍凍登樓看靈麓

毛子霞臨禹碑縮篆刻石大別山以墨楊見貽并

索詩

河圖用七居南午龜負靈文作書祖  
大別山南嶽峰頭名龜山

治水碑坎離交孕文中古七十七字竹書前萬八千丈

朱陵天嶽靈閣秘徙於麓飛來壁立封蛟涎毛公治詩  
兼治書縱觀禹蹟搜蟲魚披蓁大叫手摹圖蚪斗競落  
神有餘載過湖心照江水蠅蜉視龍波不起靜中鈞勒  
如印泥鬼斧巉巖透生紙携來大別琢青琅蛟螭小縮  
姿橫陳有如九鼎夏初鑄萬象攝入爐冶新此事非關  
巨靈作子霞嗜古思河雒龜峰還似負書時七七衍圖  
玄白錯勒迴南紀莫滔滔千載江臯扼衡霍

子霞寓漢上

舟中逢楊青石

湖雲終日變野水暮然生山意但青齊柳陰難綠橫宿  
隨鷗鷺濶泛與稻梁平有客譚噤昔江天空世情

德山八方亭看雨

沾衣上烟路江氣到孤亭急雨響山綠溼雲投寺青徑  
留冬在葉峰送夜歸櫓明日但能霽遊情更窈冥

湖心亭深夜看月

月明歌舞散獨享媿子清酒氣指中出湖烟橋畔生偶  
聞船子唱消得笛兒橫移舸孤山去梅花白五更

蘭溪月夜

月薄不寒水烟勾竟入沙豈無清思發感此故人還樹

國朝詩約卷之一

湖廣

三

杪數聲雁蘆邊幾寸花未明今夜夢何處碧雲遮

水陸寺

欣然踏春草步入芳樹間選勝得孤寺絕塵如一山天  
分陽鷺碧村受水雲環若與漁蟹熟吾當老此灣

哭亡弟幼調

憐汝真同氣捐子早斷行遺文隨亂盡惡夢入情傷春  
草盈池淚秋鴻度嶺霜是才應薄命嗚咽動穹蒼

孝友人皆見居家母最憐不留娛白髮非意及黃泉鳩  
杖難消喧驪珠易返淵老兄千斛淚不敢隋親前

痛哭途中別歸來夢裏親嘗疑生有用猶冀歟非真浪

得雕龍譽空傷淚鶴神祇今姜被冷夜夜血沾巾

洞庭秋泛

秋半看湖湖始全空青涵映混中邊水無盡藏難爲海  
日有容光乃辨天橋似馬來時出隊雲隨鴨懶共投船  
快風過眼迷前後何處君山翠一拳

逢杜于皇出其詩喜而有贈

君君濶步向詞場年少何人得顏頰塵尾玉浮無碍辨  
等身書逗自然香交能澹我如秋水遊不依人只野航  
相望十年成老杜時時題寄上瀟湘

渡黃河北望

國朝詩約卷之一

湖廣

三

春淡峯色渡河昏遮斷秦關作孟門自此有山青到闕  
不能無柳綠成村晴烟漠漠吹沙氣孤鳥翻翻破野痕  
極目太行燕趙接聽謠疑有國風存

梅花

映月橫斜幽處開晚香何意占花魁將隨海若靈槎老  
偶看天公雪戲來殿後始陳寒水玉經冬不倩避風臺  
壽陽宮畔虛奇事聊與時人一致猜

及曙不凍花日晨蕊珠高寒山殿春夜淡警露鶴橫膝  
時過俊風龍起鱗奏賦始逢梁簡帝入宮初見號夫人  
一回清曉一回思碧管松牋爲汝陳



三冬何日愛吾廬繞屋常巡索笑餘種後只容眠兩鶴  
探時先欲盟雙魚靜臨月魄寒娥鏡開注天心邵子書  
誰謂袁閼扉未啟比來纔不窺端居

珍禽散後放初霞玉蝶來棲竟作花香艷豈知心鐵石  
玄英端是古瑤華不妨樵牧尋常見偏向江山寂莫嘉  
爲我苦吟君亦瘦夜翻神漢沃靈芽

荔枝詩 選一

荔枝獨生閩粵間果中尤物也乙酉客嶺南於  
古岡村野往逢之相餽者口輒數斗矣香山  
何公招留鹿松園池上樹三百顆於時正熟後  
色壯其下已詩籤酒菜從就摘芳鮮恣其飽啖  
直生平一遇也久之補作詠  
荔枝六首和陳喬生黎美周

國朝詩句

卷之一

湖廣

三

收得神仙絳雪丸丹房移向掌中看乍嘗唯擬江瑤柱  
東坡云荔枝同色應空赤玉盤不用金鈴防鳥雀自然  
似江瑤柱

珠樹遠鴻鸞尚方何物差堪侶西域葡萄六月寒  
郢中贈別松公步錢收齋韻松公郢人常住大  
報國寺修刻南藏

國土如何用想持愚公不動欲山移辯才每解真如縛  
起信能超具足儀帝釋却前花梵古耆婆手裏藥苗悲  
大千塵海昆嵐疾正是三身并現時

其二 常說法廣陵石塔

處處橫吹阿溫堆海幢猶擁妙香來咒龍久蓄將傾鉢  
遶鴈重歸亦泛杯石塔更從初地涌寶雲攜過百城開

看師錫杖凌空意萬疊春潮帶雨催

戊申秋王仰權載酒畫舫邀同寄上座看蓮於汾

湖

名酒高僧載畫船從來希有此看蓮雲峰數變香過雨  
竹嶼孤浮影到天便是鑑湖寧用賜應知水觀自通禪  
漁人浪指花多處又挂輕帆一扣舷

寶雲和尚書中得黃九烟消息感懷

壯歲登壇人不泛中原亂後子猶存當時楚產同驚座  
一日天崩各戴盆何幸見詩知未久可能垂老得重論  
望君早晚江南北寄到長書幾萬言

國朝詩句

卷之一

湖廣

三

弟兄頭白各天涯亂後知君未有家梅尉姓名寧用變  
清翁詞翰尚應賒幾時白社容沽酒何處青門學種瓜  
高祠寄來纔一語不將書到更長嗟

和徐昭法寄扇頭韻

不厭羲皇白日長與君遙集共幽芳江湖兩地各秋色  
薇蕨半生猶苦香鴻不因人元雪立麟惟是石益寒芒  
寄來篇什何珍重字字清風欲挾霜

江行

白鷺棲寒枝皎然出紅樹輕舟意有餘棹向霜林住  
黃土潭



赤岍映澄潭南征發船處蕭條無昔人但識楓香齋

夕陽

柴門當小山溪聲引閒步背立夕陽前夕陽在松樹

郊菴野望

散步眺高松溪山向晚風爲憐春草綠立盡夕陽紅  
出岫復入岫白雲如有心歸時先倦鳥落處半寒林

殷太師比于墓二首

社稷旣危臣應歿宮中鬼哭不曾休商家六百年來祀  
收拾乾坤得此丘

銀鈎鐵畫古文垂千載精英不敢題杜宇一聲春寂寂

國朝詩印

卷之一

湖廣

七

尼山六字太師碑

獻象過湖南有歎

直象晨趨曉月斜當年常見入西華誰知踏破中原路  
看殺南來賣酒家

年來龍象寄南荒爾輩庸庸豈象王萬里莫辭驅迫苦  
諸公多遣過遼陽

吳鼎驅馳萬里賒縣官供給市人譁何如聖代無征戰  
南服惟聞貢齒牙

王莽兵殘猛獸悲君今何處蹴狐狸湘天莫怨狂風雨  
正似昆陽敗北時

國朝詩的湖廣目錄

卷之二

杜濬 三十一首 吳應台 一首 熊開元 一首

王一翥 七首 吳應台 一首 車以遵 三首

洪周祿 二首 鄒統魯 八首 劉肇國 十首

胡承諾 十二首 吳驥 十一首 關士琦 三首

劉友光 二十首 馮之圖 五首 熊伯龍 四首

陶汝森 六首 沈會霖 四首 陳璩 二首

龍際時 二首 米元偶 三首 左史 一首

楊繼經 二首 夏時傳 十三首

湖廣

國朝詩的卷之二

長沙陶煊奉長選

同里張燦豈石同輯

湖廣

杜濬 于皇黃岡人

春日登橋西亭子讌遊因望冶城 帶全諸公限

韻

春遊趁久晴晴久遊亦極故人屢見招亭子今復即輕  
風翼和烟澹宕不須息草氣襍花香花光侵草色弱柳  
喜未淡幾日鶯梭織芳筵對林杪坐覺遠景逼招提最

國朝詩的

卷之二

湖廣

繁盛不減元都植陽崖間陰嶺繡錯互相得亭亭堵空  
坡衆中表其特聘望懷謝公留墩青易識愛爾一局棋  
兒輩已破賊太白昔飛孟冶城在左側相與共殘尊醉  
臥鍾山北

贈孫無言因送之吳門四首 選二

余與孫子交及今將一紀言念招提游識余及王子  
王子今則亡顏波復誰砥有失誰箴規有善誰歡喜意  
忌生戈矛面諛非知已况與論斯文迢迢隔萬里所以  
西州慟對君不能已

落盡廣陵花君始出門去曠然見大江可以洗塵慮春

浪擁金焦寄懷生瀧瀨痛飲梁溪酒望見虎丘樹愛爾  
無機心行行必有遇交道非一端慎勿執辭賦

再聞燈船鼓吹歌

亥四月十七秦淮舟中作

一聲着人如夢中雙槳再下耳乍聾三下四下管絃沸  
燈船鼓聲天上至居然列坐倚船舷驚指遙看相詫異  
鼓聲漸逼船漸近亦解廻環左右戲急攢冷點槳猶澀  
春雷坎坎初驚蟄吹彈節鼓鼓倔僵中有閤聲闌不入  
吁嗟此時聽鼓止聽鳴誰能打拍聲裏情誰能眼底求  
精妙乍許胸中見太平太平久遠知者稀萬曆年間聞  
而知九州富產無旌麾揚州之域尤希奇誰致此者帝

國朝詩約

卷之二

湖廣

二

軒義下有江陵張太師江陵初年執國政樂事無多廟  
謨鏡爾時秦淮一條水伐鼓吹笙猶未盛江陵死日富  
強成聖人宮中奏雲門後來宰相皆福人普天物力東  
南傾豪奢橫溢撒向水此水不須重過秦王家謝家侈  
執誇湖海遊人鬪詞賦廣陵女兒絕可憐新安金帛誰  
知數舊都冠蓋例無事朝與花朝暮酒暮水嬉不待二  
月半夜服新粧桃葉渡高樓夾水對排窓捲起珠簾人  
面素勝勝便有鼓音來燈船到處游船開燭龍但恨天  
難夜赤鳳從教盡不同皇天此時亦可哀龜年協律生  
奇材善和坊接平康街弄兒狎客多渠魁船中百甕梁

溪酒膽大心雄選鋒手蘇州簫管虎丘腔太倉絃索崑  
山口鎮江染紅制嬰珞甘碗珠燈懸一角當前置鼓大  
如筐黃金釘鉸來淮揚此聲一驩衆聲集不獨火中聞  
霹靂風雨叢中百鳥鳴旌旗隊裏將軍立熬波煮火火  
更然積響沉舟舟未溼可憐如此已快意未到端陽百  
分一記我來遊丑與辰其時海內久風塵石榴花發照  
溪津友人置酒我作賓下船少遲渡口塞踏人肩背人  
怒噴燈光鼓吹河沙徧銜尾蟠旋成一串蔽虧果覺星  
河覆演弄早使魚龍顫衆人洵洵我靜賞初奏此時差  
可辨須臾光響相糾結惟聞森森沉沉直上翻雲漢東

國朝詩約

卷之二

湖廣

三

船西舫更交加下視何由覩寸瀾偶然閃倏透水處如  
金在鎔風掣電樓樓堂客船船妓近不聞聲遠察面鳴  
呼此時燈船更難動但坐飽食揮槳調絲按孔相凌亂  
侯家別攜清商部那得於中聞唱歎復有劣鼓與劣吹  
就中藏拙誰能見爆竹聲低烟霧濃暫借香風解露汗  
露零雨下不能退樂極生悲真可厭酒醒忽迷此何地  
魂消略記伊堪戀直至明朝日停午船鬆却退人相羨  
歸來沈眠須竟日流鶯啼破河陽戰此後遊人數日稀  
清淮千里流花片記得座中客能說王穉登釋登撾鼓  
湘蘭舞賞音擊節屠長卿後來好事潘景升晚節猶數

茅止生絕藝於今誰作主李小大歌張卯鼓當時惆悵  
說於今忍見於今又成古年復年來事可歎燈船伐鼓  
鼓不惟幸壬之際大饑疫惟見鳳陵烽火照見秦淮白  
骨橫清灘桃葉何須怨寂寞天子孤立在長安吾聞是  
時宰相蒯成侯黃金至厚封疆讐公卿濟濟咸一德坐  
令戰鼓逼龍樓甲申三月鼓遂破斷管殘絲誰復和半  
問堂裏起笙歌平章舟上稱朝賀試問當時雷海清堦  
下池頭還幾個新劇惟傳燕子箋殺人有暇上遊船行  
人何必近前聽塗毒鼓中無性命同時阿誰伎畜爾惟  
有黃劉高左五侯耳君不見師延靡靡濮上水未若玉

國朝詩的

卷之二

湖廣

四

樹後庭美賞音何人丞相語相對款款復切齒一撥絃  
中半壁下一棒鼓中萬人歎鼓急絃驚曲不長兩年歇  
絕隨漁陽有客徒憐橋下水無人不斷渡邊腸及此相  
看真分外何許藏舟一舟在拂塵揮撥初光輝奮槌揚  
袖襪樓衣不燈漫乘夕照出無伴知從何處歸爭新誇  
異各有故君看西風桃李枝西風一枝眾稱異東風萬  
樹空爾爲入耳悲歡難具說醉裏分明寸心熱於戲漢  
代金仙唐舞馬此事千年有無者興亡不入心手同然  
後聲音如雨下探湯撾鼓疾藜刺應有心肝礙胸次餘  
音漠漠攪飛絮燈船燈船過橋去過橋去傷鼓聲長歌

短歌歌當成隴西李賀抽身歟舉杯相屬樊川生此生  
流落江南久曾聽當時煞尾聲又聽今朝第一聲

一杯歎

老夫愛酒兼愛盃生平羅致逾百枚于闐之玉不可得  
駭雞之犀何從來歌窰定窰談不易醉紅雞釵走權貴  
匠手爭誇天寶齋不貪豈識金銀氣我所好者祇是宜  
德成化嘉靖萬曆密溫潤銷魂可人意啓禎年間眼稍  
恕不論歲月論款致說在壬戌之小春延陵詞杰作主  
人一杯宛轉絕可喜酌酒半兩剛停勻其下覆手素無  
文回青花葉中續紛小兒之拳孰大小只如季雅還三

國朝詩的

卷之二

湖廣

五

分老夫量在下中耳飲此十杯竟醉矣因向主人乞此  
杯欣然首肯情何美受杯輕籠窄袖裏准擬明朝獨酌  
有妙理誰妨此意天已知旋將一石橫路岐醉歸昏黑  
誤踏石一跌非同少壯時觀者驚嗟老夫坐老夫未損  
杯已破歸來恨恨意不平邊雪亭中枕書卧旁人來勸  
老夫着跌非等閒但不傷殘即可賀何故翻爲小物愁  
達者如斯無乃過我言君不知我心我豈不見俗兒酒  
器直萬金刻樹編識分古今我嘗鄙之不若禽我所悲  
兮英雄不得志虎嘯鷹揚流水逝一卮弄酒何負天亦  
復扼之教破碎坐使吟詩作賦興索然眼見斯文從此

廢吁嗟乎嘗聞嵇叔夜徐景山酒杯酒鎗亦已傳誰之  
不如矧二子一杯到手便不堅又聞舒州杓力士鎗李  
白與之同歎生白也愛杯至於此豈獨老子獨無情

題蒲道人亭子壁

倦客時吟望老僧虛此亭雪消江始白春至草初青一  
室能周覽雙扉自可扃錫山歸棹使應向此中停

宿北固山下菴此地昔年曾屯水軍

無事過三宿禪燈繼夕燠山空孤磬滿風便落潮聞虛  
白頻疑月藤蘿直似雲如何岑寂夜忽夢水犀軍

焦山二首

國朝詩史卷之二

湖廣

六

觸處迷人代茲山尚姓焦上頭仍棟宇到眼忽雲霄樹  
色南徐近江聲北岬遙衣冠留洞壑不必訪松寥  
摩碑臨積水折竹杖危坡不向山中住寧知幽處多雪  
埋孤衲笠風亂老漁簑荒率存真意余心不厭過

倦圃詩爲秋岳賦

谿山真意閣前故對滄浪帖石雲生罽牽蘿翠繞廊蕉  
深垂露重松老落花香意頗思隣近村西問草堂

落木菴同蒲道人啜茗

苦茗平生好逢師此共斟綠江無盡意白首有同心山  
月照逾澹松風吹使淡黃鸝知飲恆枝上送佳音

別興

半間傾倒屋亦號讀書堂不厭千回掃總焚一瓣香晝  
吟分研席夜臥共匡牀戎馬猶鄰近真依避世牆

前民生日

三十今過幾詩名孟浩齊道寧同我拙顏肯向誰低白  
髮循資到青錢取次攜飲場行處好二月草萋萋

登金山橋

薄暮難爲狀空中別有聞懸燈江海合望月水天分寥  
廓身何往飄零與不群向來峰頂色看作下方雲

九日晚集因圃同韓臣作

國朝詩史卷之二

湖廣

七

弦後添明月霜前作好秋石闌分送酒林杪一登樓白  
雁初傳耗黃花豈其愁歸心涉江水清絕正東流

登多景樓

乘興不能遠來登多景樓夕陽江色異甘露寺門秋草  
木添新恨漁樵減舊遊步歸防小梗躍馬徧林丘

樓夕

爲客曾無故登樓亦偶然古城延落景秋草上青天野  
火風吹盡平沙月炤圓馬嘶今夜苦歸夢戰場邊

送龔孝升先生北行

六首選一

康濟誰能盡功成退步寬鹽梅留淡味霖雨慎波瀾

素淡心託榮華道眼觀古來光史策知止最爲難

真州新城賦得十里桃花留別

倚欄望遙天明霞漲一川同驚分手日莫記種桃年紅  
入江南樹青爲渡口烟無勞更相送緩緩問歸船

登金山塔

極目非無岬滄波接大荒人烟沙鳥白春色嶺雲黃出  
世登初地思家傍戰場咄哉天咫尺消息轉茫茫

登周處臺

半生老作金陵客訪古今登周處臺疎樹萬家秋更落  
夕陽千里暗還開虛傳戰伐能揮劍如此江山只舉杯

國朝詩的卷之二

湖廣

人

寂莫草堂遙在目蒼茫指點朔風回

肥水先生忽有居

急流未必從君退且喜歸懷有定蹤去國八千餘道路  
移家三十二芙蓉裁詩鶴唳林端月禮佛人參郭外鐘  
蒞適館餐吾竊愧籃輿相訂屢過從

楚客孤踪數往還朱門強半是柴關新栽竹始開三徑  
大厦人先庇萬間只在秋江隨野鶴可無烟樹看鍾山  
卜居已占東南勝爲報先生亟辦閑

楚社秦淮泛

淮水悠悠六代情端居相與昧平生晚凉路許通歌板

溪夏朋初集雨聲嬾僻那堪遙入社羈棲疑有舊題名  
相期不負滄江意月落船歸笛正橫

弘濟寺尋蒲菴

幾度維舟訪老僧曉畦拾級又來登飯抄雲子三春白  
茗淪秋江萬里澄長恨南朝沉鐵鎖何如西竺引金繩  
元知世外多奇士高築詩壇祀少陵

蕭公欲于山中建一關祀少陵

丁叟河亭用錢虞山韻

樹色無多草色新陽和猶見帝城春青鞋獨往知何處  
白首相看尚有人菴葉水生來燕語鐘山雲起護龍身  
遭時不是輕優笑歎息何堪老亦貧

國朝詩的卷之二

湖廣

九

泰州絕句

窮海三秋盡扁舟百里行夕陽無近色偏照遠帆明

送龔孝升至燕子磯

江干欲別更維舟沽酒斜陽好滯留直上燕磯高處望  
青山白雪是神州

再客戲東鈍人

再客淮南利益非長河水凍阻南歸一牕寒日營何事  
老眼穿針補破衣

王嬀故里

亦復當時戚里親花枝偏惱漢宮春莫謾延壽簪髮磯

渠是和戎作俑人

被庭入後眾人同下嫁休嗟妾命窮正恐傷心無一事  
蛾眉空老漢宮中

尹民興 宜子洞庭嘉魚人

落花三首 送一

月盈而毀木消山元化相斟一髮書貢九州唯戒滿  
詩成三百只宜刪已歸寂莫天猶妬纔入高華鬼便環  
我欲明權從去住商丘岡上老林頑

熊開元 魚山嘉魚人

答同志

國朝詩句 卷之二 湖廣

南山豹隱久無文噫氣橫封萬里雲振鐸剛留舌舌在  
談經幸得石頭間相看入市魚成買幾見摩空鶴一群  
近日錢塘江上望銷魂不獨岳家墳

王一翥 子雲黃岡人

送仲霖之閩海

北風吹船梢南風滿樹香男兒別男兒不知何斷腸

入桃源

蒼徑攀藤枝淺碧隱斜月但餘洞中水細細流如髮飲  
水坐復歎塵世勞誰歌岑寂遇仙橋踪跡春草沒輕雲  
飄仙衣斷石豈仙骨鱗鱗馬頭人託言懷魏闕巖巖好

容顏鮮能安婦拙

上官代巡重構黃鶴樓聞而作歌

嘉魚東畔沙沉苔培塿長迤鄂王臺周紀既紊秦火熾  
金丹玉簡同時埋貪權庾亮寡獨斷強諫李邕忘歸來  
老農呼山山不應以縷逕江江似鏡翁有神人主其天  
迂儒膠理不能信淡蕩玉笛橫霄吹誰裂紅塵暫竊聽  
黃鶴高樓忽杳傾章華石郭枉藏春銅人渭橋咽秋水  
思有道力開紅塵河東御史耽橘柚化出天宮影一幅  
須知真仙日日遊市陌高歌醉此日迂儒不聞笛豈能  
聞仙歌祝融遭雨泣南疑隔湘波衡山蒲節參山竹織  
國朝詩句 卷之二 湖廣

七

作東門獨釣簑構樓詎仗神人助傾吐真心救汨羅

遊樊口

迢遞樊川路滌澗湖勢窮奇才常亂世敗葉逐秋風烟  
澹群舟映山低落日紅沙汀棲白雁淒淒望楚王宮

贈別

冬影蟾明夜籬光雨後天樊湖空翠樹秋浦綠雲泉投  
宿疎簾燭淚盟古寺烟嵇康無著述何事里人憐

贈史企勉

菊花不賞雁南飛西有長庚隱少微嬾共兒孫稱往事  
閑邀朋友坐斜暉柴門只好淹周轍鸞鳥難教迎宓妃

此去廬山三百里前朝公子賦無衣

懷子揚

遙指寒雲度小城梧桐葉老客裝輕近來半爲情人少  
無復燈花綻五更

吳應台 伯能湘陰人

弔蔡忠烈公

翠栢森森映碧渠孤臣遺祀古城墟哭將賈傅同遺策  
揖就靈均共卜居香骨不埋卑淫壤丹心長照汗青書  
男兒幾個真忠死一笑風前竟自知

車以遵 孝思邵陵人

國朝詩的 卷之二

胡廣

三

飲酒三首 選一

牀頭一壺酒待我已經旬不能斟酌之謂酒不如醇危  
矣畢吏部悲哉劉伯倫朝朝荷一鍤似是未忘身

同王山長遊雙清亭便登北塔五臺菴

江波立眼前望望風日嘉孤舟泛愛心夷猶生浪花區  
區水與山豈不誠東家少人而多石柳子言是耶君來  
無前期到卽生清華並此山中入卓爾開吟呀其才且  
肆應有若四照葩禪伯與畫師中允諒靡他說我去夫  
實導以游無涯試看塔突兀窓鈴光響返癡禪與癡菴  
氣合毋參差 予近字癡禪君亦有癡菴

禽言 姑惡

古婦死於姑化鳥名姑惡我姑豈不慈姑惡婦所作姑  
惡不可揚揚之卽婦過不聞姑惡聲年年呼如昨

其二 寒號蟲

鳥鳴寒號蟲日得過且過春來羽毛生鳳凰不如我逢  
時人盡然怨命亦不可已自有身章九苞亦瑣瑣羊質  
而虎皮皮異質則卽我實愛其羊任真百無假

枯鬚吟

人生老至百態衰昨日少年人詎知鄭女猶能工鬢髮  
丈夫原自貴鬚眉憶得仙人兩頰紅肌膚冰雪及方瞳

國朝詩的 卷之二

胡廣

三

我無大藥安得此亦有微腮歲不同君不見孟東野鬚  
眉落盡胡爲者數莖斷去爲耽吟論髯居然屈人下又  
不見半山樵一生蓬首禿如蒿鬚髮不得羅敷數如戟  
空怜望者勞我聞換準復換鬚四體變幻事有諸道間  
若遇黃眉叟伐毛洗髓今何如

題袖石綠聲集並慰其近事

江雨落盡山雨空好風真與故人同况復新詩常在手  
哀梨無待蒸食供元輕白俗世不貴粵人食輒在回味  
似君長吉亦卑之三十六體皆可廢憶昔坐君綠聲亭  
秋烟漠漠花冥冥南源固是嶽後戶大雲一席山來青



今年出山損懷抱似望長安向西笑我輩作事無不然  
但可尋秋發秋棹

兩居賦詩八首 選一

吾友常相憶爲言竭力耕桑麻如接引醴酒合邊巡老  
斷無知已詩難得替人况多黃鳥怨古道不婚姻

七夕分咏

秋光如小葉野色自相沾禿樹危樓鶻溪潭薄寫蟾雲  
扶將老石風落欲欹檐今夕云何夕天河人卷簾

舟夜

空水何知泛蘆燈覆雨多漁能尋一岍山不落前波只

國朝詩集卷之二 湖廣

古

我梨雲夢其誰子夜歌蓬窓聲不小人憶泊湘羅

冬日懷居五首 選一

邨復愁樓泊寒來自束身冰霜天地古風日草蟲春野  
性淡無際山聲常有人會須圖五嶽綽約藐然親

秋霖接續吟二十首 選二

欲將三日醉已過一旬醒老看花如霧人疑客作星成  
樓長夜紫江郭抱峰青不共蘇門笑何如半嶺聽  
雨在江頭望能來勢不遙似憑風暖扈屢問寺昏朝百  
雉高秋草何蟲寄葦蕭向西明未徹莫指蟬蛸消

嶽麓禹碑

岳麓岫嶺孰假真數行潑見水精神辛壬癸甲無多日  
泥橈舟車載一身蒼水佐夷曾授簡宣房漢帝但沉薪  
黃虞遠矣思明德北海碑前說主臣

洪周祿 半石黃岡人

烟水亭歌

澄湖如鏡秋痕澹雀舫聲移鶯漱灑淺苔雲漲靚疎霜  
堤柳歸鴉飛片片禪天龍護走奔虹仙逕烟霏盤紫電  
江帆日落星浦流夕陽小橋人影亂芭峰亘面削芙蓉  
時有白雲層鎖斷山姿湖貌足幽尋晴好雨奇恣汗漫  
野燐忽復劃漁燈疊影長空抱素練把酒誰堪問主賓

國朝詩集卷之二 湖廣

主

寶月芳汀花雨散笙歌五草醉宗風千年事業湖山半

題雲水圖

劍氣散瓊華朗然知海曙不隨孤鶩飛時與禪心住

鄒統魯 近野良崖鄒縣人

詠懷

中霄蟲語靜翻然思海山安期聞有約盧敖何日還陋  
彼秦皇才金壁空斑斕至今阜鄉裏委影在白菅猶惜  
遺玉烏狼籍履我間何如王次仲冥冥不可攀泰華松  
千尺抗聲帶鶴間長江一片月水寂雲潺潺

梧桂哀白露蘭蕙惜春暉姑射有瑤艸蓀收不能腓下

有雲母蟠上有玉液霏藉藉水土中羣類蠅螟衣生炊  
渾無間出入盜一機壤蟲笑黃鵠坐待鹿成園

### 大雪山莊居襍感

偶出初非謝歸來不擬陶和雲植稼莽繫月釣江謬紙  
筆隨兄好蕪菁信客招莫教簿吏至風雨詩蕭蕭

### 長沙郡中西樓

覽勝登高嶺乘危俯大川泉聲懸夜雨石氣散朝烟好  
日遊人屐長風估客船故人詩句滿流水應朱絃

### 耶蘆山寓齋秋夜

夢到家山殘未成遠情多解爲秋纓月沉半榻書無影

國朝詩的 卷之二 湖廣

霜落三更葉有聲白髮生還悲宋玉黃金盡日笑虞卿  
橫天赤羽燐連火莫怪啣蘆雁數驚

### 臺山九日次韻荅何去盈蕭一聲

楚騷讀破未酬韓江海搖搖一布冠月落蕉陰殘夢盡  
雲橫葵影悄心單自餘白髮閒種放那有蒼生急謝安  
便理糟丘相傍老黃花莫更作春看

### 謁三閭祠

含辛獨拜大夫平風草萋萋自劾豈少玉英尋正氣  
翻懷沙石膺嘉名春秋欲絕全騷繫江漢長滔一淚橫  
些只今沉綠竹裏南天招有杜鵑聲

### 同友人登金華山

年來燐火起雙螭何塢金星亦競華孺子名疆歸一垓  
真人收石散千葩平疇綠浪融春水高閣青浮縹漢槎  
徒惜寒山無片語蒼蒼數點落鳴鴉

劉肇國 阮仙潛江人

### 秋月客鄂雜詠十首 選二

涉江攬芳菊風急不得渡踟躕立江臯蓼花秋已暮遠  
看鸚鵡洲亂蓬飛無數蕩子豈無家乃爲道途誤布衣  
不掩脛不暇愁葛屨嘔心投奚囊吟聲入秋雨

六年楚塞魂碧燐逐秋草十萬養撫軍狡穴誰云掃囊

國朝詩的 卷之二 湖廣

充國已誤賊逸民已稿天心似悔禍視師屬元老自擬  
裴晉公推轂何不早

### 博浪

博浪沙中椎執公勇與智漫嘗偶一中寧了報韓事豫  
讓仰天呼莫伸國士志假念大索時蹉跌不能避辛苦  
孤忠魂將同腐草墜祖龍運未終劍客空憔悴或別有  
機權乘時可得意不然亡一人安足撼天地所幸沛公  
來子房計始遂報韓復報劉竭力抑何瘁忽作烟霞思  
功成身不累卓哉英傑行一一與人異仙術誠難求奇  
書匪易致子房數十年何以頻相值未遂赤松遊先分

黃石祕商山隱者徒舉手幡然至所遇誠多奇所爲不  
擇易要知博浪謀妄擲終兒戲憤懣難姑忍神機聊一  
試

長安寒食遺意

面頰塵封背刺芒詩思如結不能狂豈無谷口堪耕林  
畏向江頭復釣魴是處野藤隨地綠連朝濃霧歷天黃  
西山十四陵前樹寒食風聲到客牀

無題限韻六首 選二

木魚聲裏雜漁歌我却癡癡坐爲何思入九天知路近  
目營四海恨山多鶴雖欲翼猶能舞劍偶藏鋒豈待磨  
國朝詩的 卷之二 湖廣 太

正恐優游銷歲月肯將心事付江河

學來梵語且低歌肉味都捐不似何建利尚嫌千界小  
白惟生恐一言多忘情好與入情入得法還從世法磨  
顆顆泥沙皆拱壁嬾拈榘子數恒河

移歡詩六首 和陶仲調 韻選四

分得淺秋月不忍作秋思奉宮花底醉自唱比紅兒  
歡來遇儂時香吏名先暑楊花逐雲飛雲引楊花去  
香藕絲絲聯出水蓮花面歡作七寶箱珍惜秋來扇  
夜溪攜手去恨不駕歡車舊歡建業水新歡武昌魚

胡承諾 君信景陵人

蕭明府沈留守公難詩 明府名漢南城人以進士

城人 吳未元日 賦附吾郡表之

飛豹陵南雍天地皆陰墮大將棄其師七奔及江濤二  
別有靡旌五渚無停柁晚風班馬聲空山鶴鶴唳哀哉  
郢中人孤城何以濟

梟騎絕馳道毒矢集黃瓦大夫外封疆標節亦何寡武  
將既生降文吏遁荒野挈累出近關被甲坐旗下疊疊  
一郡中誰爲公義者

獨我蕭明府臨難無苟避聞道既有年蹈仁豈不易手  
握蘇武節目裂相如背荀臨報名師血衣付下吏自刺  
國朝詩的 卷之二 湖廣 尤

胡不殊幽繫在蕭寺

百里霜戈疎叢棘實一身端坐絕聞見勺飲不濡脣尚  
想焚裘痛遑恤乳漲晨誰謂道輔善胡不鑒斯人絕吭  
卽長夜零淚沾我巾

沈公初被劾杜門俟爰書聞難整冠佩危坐臨堂除徒  
御盡奔迸神氣彌晏如仰天呼祖德正色數兇渠手劍  
猶格鬪仇刃已斬祛碎首著門闔懸日照里閭

秋日贈點雪上人

何處息勞侶紺園秋氣清晚風禾黍熟暇日牖聰明  
葉交淡坐藤花照獨行逍遙雖有注至此已忘名

田家偶步

拜揖非吾性田家無送迎偶嘗原果味遂聽野禽聲古  
墓虬松偃叢祠灌木榮玄黃猶在野能使客心驚

蚤發石埭

隔溪雲起最高峰北斗闌千石室鐘空響滿山聞鸛鶴  
樵歌一曲落杉松邨童荷鋤曾驅虎野老澆田自咒龍  
莫訝僅交人獸跡澗花開放故從容

自浮梁赴饒州

百里餘千積翠來晴江水暖暗生苔晚猿初起船纔繫  
春鳥能言花盡開洞口料泉留客賞邨邊買酒喚僮回

國朝詩的

卷之二

湖廣

手

曲聲咽嘶無須恨一夜微停画角哀

湘中懷陶仲調劉杜三客白門

千山薜荔漾舟輕纔入湘中無限情長笛遠烟平楚晚  
澹雲涼月夜江清香吹漁子還家路鳥囀遊人去國聲  
幾度春風芳草綠只今猶共塞鴻行

送汪穎修還漢上

林鶯初囀正娛賓復憶沮漳二水春荷葉尚能傾酒醺  
柳條何事拂車輪好風日落吹遊子芳草河邊送遠人  
家近蜀山頻悵望夷陵土黑倍酸辛

復州詞

草青烟白若爲秋行客遙憐古復州最是荒庭宜牧馬  
材官多住市西頭

吳驥 既開景陵人

贈東巖三十二句

道人昔住天台雲草衣木食無垢氛石梁縱步意欣欣  
伯昏垂足逾二分水邊閑日洗胸襟戒香馥郁自氤氲  
豐干驅虎等羊獢顧而視之欲揮斤字以爲照命曰汾  
遣之西上張吾軍柴桑有氏述以文道風江楚卓哉芬  
空山書院劫火焚幻出金繩壯檠芳蓬蓬有嚴伐鼓鼓  
六時梵唄一衆殷大江淘洗吹穀紋三際坐斷信超羣

國朝詩的

卷之二

湖廣

主

烹佛鍊祖事紛紜慧劍觸手眼有筋青天顯出露華雲  
天人啓請如不聞齋鐘粥鼓旦迄睡手痒足繭爲世急  
往昔至人亦此勤在處熱腦冰雪零愛我數過談皇墳  
推襟送抱殊慙慙遑惜筆墨供采芹高秋一涉大江濱  
豫指澹菊重贈君道人莞爾菊田耘

送郭些菴先生還益陽十二首 選三

咄咄聞堪異遲遲信尚懸差池憊餒祖倉卒別僑賢  
額重湖外含凄暮雨前登樓當送遠昔寢不成眠  
盡減南樓興難量北渚愁乾坤雙草屨兒女一樵舟  
映春浮樹遲回杜若洲越鄉十餘載辛苦記淹留

青草湖邊路黃梅雨裏人蛟龍行不避鷗鳥坐相親昨  
宿蘆廬改今渠面貌真到家逢舊故喚作主中賓

劉杜三任沙河逢初度寄懷長律二首略述西山

同遊情事并乞楊唐朱金石數種

磨盾曾聞視艸頻綿符纔一拜官新燕南趙北安閒地  
楚尾吳頭澹宕人格葉更誰談製作飛花偏自拂簾茵  
摩娑八幅沙河楊碑下遙知尹意親

梵宮三字貫星槎海氣泉聲護未涯北道蕢亭猶近爾

西山竹杖更無他旁搜百衲同裁錦蔡忠惠錦堂記且謂之百衲錦

待千村徧種花訊問遺民求治亟勉思循卓謾懷沙

國朝詩句卷之二 湖廣 圭

送徐孝持秋試南闈

銜杯明月唱驪歌遠寄浮涼倚櫂過紉蕙便爲新嫁用  
折麻偏是故情多蘆峰對陟常窓筆江水如添濯錦波  
還望清秋膏澤沛憶君烟雨擲能梭

九日

暖氣澄嵐被水涯柳隄香閣竝蒹葭新篳共酌重陽酒  
舊井同嘗九日茶風雨中雷吟兒帽烟霜晚節護黃花  
詞人清譙資遊賞猶爲登高憶孟嘉

辛酉中秋同嚴平子毛會侯高處厚陶五徽趙國

子蔣玉淵游雲子萬師二作九老會於黃鶴樓

彌天風露浩難收宜有清光駐上頭萬里回環山入坐  
一年端正月當樓人來吳地初非約酒醉辛家迄未休  
便與香山成九老也須招鶴紀同遊

祝陶密菴先生八十五首 選二

白首難將墨妙兼敢希詩法闢浚嚴偏多氣局師衡永  
盛有風流接漢潛歌祀東皇通日觀身從南斗繫星占  
於今耆舊誰相匹第一當時讓紫髯

杖履谿山遶郭青侯王全造草堂靈憑誰把筆難孫盛  
有客揮鋤似管寧四海朋遊尊大耋千秋物論式儀型  
遲君賦抑稱詩頌能解長梧不聽榮

國朝詩句卷之二 湖廣 圭

闕士琦 稱公桃源人

大蠟洞

靈運開山徧朋遊攜更招摩肩求怪石張瞻渡幽橋萬  
戶蜂房密千形鬼斧勞治平須異術金簡莫相韜

柱山

一里十回渡薨飛碧落烟鍾流無蓄韻溪激有勞泉僧  
出雲中後人歸鳥道先捫參兼歷井吾已在高天

望萬陽山寺

碧嶂青天樹杪紛時回孤影亂蒼文旁峰不復爭寒翠  
積雪初疑是白雲仙響半天風雨接懸流到處水泉分

高真語笑空清麗似共松風下界聞

劉友光 原名自暉杜三攸縣人

送陳昌箕諭南平

我昔方弱冠南游到牛渚起臥醉花間絃管狎柔櫓君  
亦尚翩翩抗手同雲路秋霜不惜人彈指各遲暮海塵  
既已飛相顧殊藍縷垂老更無家宛然見杜甫友亦鄭  
廣文坐瓊寒劍浦南平山色佳有泉必到戶君今白馬  
去油油望離黍蜀帝杳難期何天不杜宇天寶遺事多  
追琢見風度看君頭已白是非自刻露莫遣後來人懷  
慨徒懷古臨岐涕泗零春花落微雨

國朝詩的 卷之二 湖廣

寄永新令黎愧曾

霜月上秋山縈暉明千里琴水相滢洄流寒淥無比朱  
絃二十五有人抱綠綺南薰被阡陌高山滿十指我年  
昔弱冠青鞵從此始沾沾裘馬間清狂爲人喜賢宰字  
國客仁心及童子軒蓋爲我留襟帶吹蘭芷雄劍歸疏  
璃大風塵四起原野厭人肉公侯等大豕井鮒蒙大索  
傭春又過此山滾無靜柯臨月空徙倚困游多素心取  
暢蘆中士近傳袖裏書說尹口不止簞笠旅纓簪聚舞  
凌都鄙瓜圃釣船中風日更和美滋菊解雜菜差保薛  
蕩耻少帝近臨軒廓清到金盃冰心徹玉壺碧波無此

彼襦袴騰風謠流傳喧玉几垂花難久淹四海歌孔通  
落葉哀蒼生霖雨無津涖餘情及名山大雅推滯靡弱  
蘿仰喬松雲龍亦妄擬銅盤羅閨彥而我失鞭弭風花  
滿簾閣飛灑及覃耜輟耕望雙鳬滿引田間裏朝拂葛  
屨霜擊鼓誦君子

得關東陶石長書云舉家已入滇矣感寄

袖裡三年字情因委曲傷舉家原異縣垂老更投荒束  
縛依嚴武飄零過夜郎相隨雖有夢瘴雨暗盤羊

答遺橘二首 選一

酒中騷一卷得頌舊曾吟溪抱踰淮慮頻傷將母心空

國朝詩的 卷之二 湖廣

名洲尚在厥貢漢相尋天意知難問吾愁轉易淡

看家僮縛竹枝作帚

高節空雲表何因結束淡幸憐歸潔意同有遠塵心微  
損青苔致無傷古樹陰辛勤緣客至荒徑有誰尋

暮宿淨瓶崙

晚霽人行影諸峰翠倚欄鐘隨千界滿門立一僧寒第  
老春陰薄雲歸岫路寬青螺浮百寶光散此林端

寄懷潘吏部年丈

同條風急各東西夢繞空林樹樹悽聞到厓山悲往事  
潘初任廣萬州守得歸王谷便幽棲蜂甜舉國隨花去蟲苦終

身入夢迷堪笑漆園徒喪我據梧隱几物難齊

過玉泉山憩呂公洞遇王敬哉大宗伯談西山往

事甚悉二首 選一

一泓羅帶碧于苔意外從公與溯洄閣下未留韓愈跡

山中更有謝安來芙蓉隨瓦鴛鴦散

金章宗構芙蓉殿于此山芳草

迷鄉鵲鴝哀聽說寢園沾聖澤冬青無用布衣裁

王公述

世祖命諸臣修明陵園且禁天壽無採

清明日方吉偶比部自衡陽郵詩垂訊次韻以答

二首 選一

果然皇甫是安居春草地邊夢亦如同雁應逢蒼水使

國朝詩的 卷之二 湖廣

美

乾螢空照杜陵書月明尚有無枝鳥鼎沸猶存不灰魚

亂後桃花溪數曲釣筒粗具亦稱漁

鄂口懷吳既閑

青烽南望歲炎炎何處謀身可下簾老去哀多聞庾信

魂銷別後獨江淹蒲飄夕指魚梁火明月人留市酒帘

愁絕江天吟日暮同誰端坐憶茅檐

九日

過隙追風果絕塵何能佳節不傷神打門况有催租吏

謀醉都無送酒人準擬霜催黃到橋時烹葵喜綠沾唇

庭空老樹長相得莫遣悲風過比鄰

王覺斯尚書枉駕青谿閣上小飲至雞唱時同集

者寧鄉陶大汝熊景陵吳三驥也

臥對鐘山翠欲垂平分朝爽共支頤杳根渡煖遊人楫

杏子花香貰酒旗鴈到蘭亭無少長人來江左繫安危

蔬盤莫咲茅容儉能動清流禮數卑

新得河岸一居葺為讀書處

江上何人擬結鄰卜居曾亦有靈均鷗同流水難辭狎

釣約分潭許借緡欲治輕舟通後閣慙疏小港待溪春

易成竹樹家家乞風雨閑來種画因

山中三首

國朝詩的 卷之二 湖廣

三

閨外頻將物理尋靜觀亦自廢沉吟菱收應悔徒爭角

蓮老何因只苦心徧性允宜辭擊鼓王門原不解彈琴

遊踪必擬遲婚嫁五嶽盟寒尚至今

出岫無心罷遠遊我生家幸在芳洲人情自欲分鳬鷺

吾道何曾怪馬牛蓴菜早炊憐赤脚桃花細雨趁黃頭

逢人盡說忘機好到底臨流不狎鷗

幽居未可謂無營習苦勞勞自有亭報客新傳調鶴粒

鄰人又送種魚經籬疎尚欠陶潛菊雨溜誰疏庾信萍

更欲縛茆三百把為樓割取數峰青

送費瞿如還山



蕭蕭黃葉送歸吟流水無絃獨抱琴烽透故園憐瓦合  
老依獨樹入雲溪秋場得林催收穫晚岫當牕送夕陰  
稚子侯門殊不正逐江真得釣人心

秦中吉農部枉過感謝一首

時余爲仇家所中吉無一面大責當事不

爲直

迢迢天半羨朱霞碧映岫嘯未有涯湘漲橫流迷杜若  
秦風宛在憶蒹葭石渠蔡沒三更焰玉簫梅吹五月花  
豈獨含情憐越石更持太息到長沙蓬心未解江湖遠  
茅屋還依風雨斜川媚珠明思化雀杯留弓影仍驚蛇  
酒酣漫拭三槌鼓春去全荒五色瓜車馬不因門冷落  
國朝詩約 卷之二 湖廣 庚

還來江上聽琵琶

聞歌

淒然小部顛華清能抄伊涼宛轉生解變新聲頭已白  
有誰還問米嘉榮

春風一曲鬪宜男興慶池荒蝶夢愁紅豆飄零誰倚簾  
落花時節憶江南

馮之圖

書先寄花與園人

春感二首

老慮未撥遣躑躅感春陽市陌各趨新風柳何飄揚豈  
少智士懷壯慧耀扶桑人生一世間晷影貴自量乘時

未及蚤濁昏神天傷李餞晴日乳燕旅華堂路修嘆  
風雨四顧連中央十畝豈閔原雅道有榛荒願得同心  
侶頓響息陽岡俯汲古澗泉仰視浮雲翔

山居匪不幽蟬聒聲在耳市居匪不喧南郭方隱几春  
氣隨風翔晴陰無恒軌蟲卉含性情萌動殊嘆喜所貴  
靈萬物安得爲形使芳蘭避當門戲魚忘盆水披帷日  
東旭燦戶星北指寢食媚幽獨淵藏根厥美况復聽風  
雷弱羽駭鵬徙整襟望古人獲心室則邇

伏暑盪小舟省兩先人墓二首

丙申夏六月水大漲

伏暑經旬老病侵思來風樹隔湖岑村茅接水拖烟碧

國朝詩約

卷之二

湖廣

完

野艇通溪透柳陰借客題碑誰信史無官營墓彼何心  
情知化去能安土聽經依松晚自吟

孤筇藉艸坐幽森檜栢親栽見夏陰抔土兩朝臣子淚  
夜臺一聚歿生心村連牧豎山南去阪夾漁磯浦曲溪  
杖履寧辭三伏暑容舒老眼只荒岑

雨中望湖上文昌閣

積雨平湖萬綠渾堤楊岸草欲消魂閑僧不管春歸去

亭午烟收出閣門

熊伯龍

大侯鍾陵漢陽人

大梁道中



帝京何煌煌車馬何彭彭所思隔冥漠涕淚霑衣裳窮  
冬望春風春風多感傷夙昔無歡娛如何今斷腸憂樂  
固倚伏意氣詎能忘侯羸已千載中情誰與將活人間  
盜蹠爲謀亦荒唐鄙哉雞鶩情羣飛乖稻粱

送李仁熟請郵歸漢陽

來已楓將落歸猶草木青君恩不信宿客路自飄零結  
友無三歎謀生有一經孝標空涕淚早見鬢星星

蕭園獨坐喜孫立中至

城市烽烟後謀棲景易幽逕荒無灑掃客至任淹留飲  
覺頻來好碁因屢北休商賈何太促麻葛一身秋

國朝詩句 卷之二 湖廣

立春日送二弟覲還

偏向春風送雁行五年萬事九迴腸難期朱紱同春酒  
忍見辛盤是別觴聊可救時操作吏縱然許國老爲郎  
連牀夜話知何處莫遣書來鬢有霜

陶汝霖 幼調寧鄉人

舟月

冬淺霜仍薄月寒江更清以茲初見意如有故人情湘  
水來時照衡雲別後晴明朝入城市回憶轉淒清

將泊草市

一天星露下十月水霜中沙白波難辨江清烟易通晚

風飄馬靜夜艇釣魚同欲泊鐘聲寺山燈何處紅  
訪劉杜三於舫蔭園時數峰樓落成也

枯坐知君病浮家爲我憐堂開山水面路歷雨霜天樓  
月斜生樹江烟半在船高人書畫舫留醉各欣然

過洞庭

晴湖看不厭春草碧連天水闊魚龍靜波恬鷗鷺眠西  
通巫峽遠南近嶽雲懸極目關情處狂歌自扣船

病中贈別秋水較書

瀟湘帆影去還逢談笑尊前一夜風楊柳那堪持贈別  
江楓知不爲霜紅

國朝詩句 卷之二 湖廣

秋風秋雨一牕寒蕭索孤吟奈病殘遙指木蘭舟去處  
蓼花鴻雁滿前灘

沈會霖 時沛茶菴孝感人

高達夫有征馬向邊州之句用以答方子

征馬向邊州黃雲日夜流君才應受妬我病更兼愁宦  
况渾如客天時只有秋挑燈清話切風怒不會休

初次蔚州同方子夜集

松陰泣別已經年此日聯牀轉共憐曾記住山吟塞月  
遂教走馬踏荒烟臥嘗風雪渾無夏披盡輿圖別有天  
鑄錯欲歸歸未得可堪南望是燕然

冬夜度飛狐峽四十里許看天一線隱隱有月

光映積雪上時朔風如刺馬首口占咄咄不就

因次二子韻以絕之

羸馬超超亦暫停萬山如削結雲屏鬚毛著霧皆催白  
春草愁邊未肯青沙亂客頭濛濛素月谷溪老眼失疎星  
側風千折飛狐道可向峰腰結小亭

秋興

十年貧病只吾徒挈伴移家學據梧難後誰憐生獨苦  
老來始媿事多麤禽魚對客情偏好烟月隨身道不孤  
昨夜霜前翻落葉傳將懷抱到杯湖

國朝詩的

卷之二

湖廣

三

陳琰

深菴蕪水人

義虎行

虎何義食人也食人何以義食負心之人也負  
心人何古亭太守之客也客何以負心窮途乞  
食朝蒙袂而來暗室窺金夕捆載而去也嗟夫  
脫粟布被即可以義故人狗盜雞鳴豈宜以醜  
知已此豈桑之人所以遠巡呼天而猶難乎今  
日也庚戌春黃子五至爲余快談其事于燕邸  
且示以看劍諸篇悉其始末乃引  
筆賦此非爲封使君作露布也

吁嗟乎吾聞猛虎之啖人眼中所見非人身身儼然  
胡弗見骷髏面孔隨心變見說閩山白額生垂頭終日  
空山行一聲咆哮穿重霧攫得羈人如狡兔脰血淋淋  
棄道旁居人莫識行人傷久之知是龍窟客貯金負義

離鄉陌遊魂只逐鴈鵠啼羞對龍池月影西於今一飲  
無尋處儼則依人飽則去吁嗟乎丈夫看劍爲知恩瑣  
瑣黃金安足論

劍南除夕

羈愁終歲總蹉跎彈劍何期劍浦歌依嶺樓臺浮霧近  
沉潭燈火落星多逢人乞食雖聊爾此夜無家亦奈何  
啖盡蔗根銷酒力閩山滾處怨嵯峨

龍際時

惟中安仁人

蔡魏若惠新集和韻

平生不多交人自難許可世與我相遺客然喪其我以

國朝詩的

卷之二

湖廣

三

茲長閉門一任烟雲鎖所不能忘情牖下三更火伊人  
惠新編愛之當虛左揮毫和新詩幽獨每欣荷

遊南岳

曉破空濛次第攀翠屏羅列夾天關雨雲不到峰頭上  
日月嘗懸山半間欲覓玉書迷鳥跡因思雷浦弔漁蠻  
滾林誰擬蘇門嘯衣栢餐霞自往還

米元侗

吉人辰溪人

遊丁公砦

思遊常倍勇辭侶因獨去徘徊忘遠近隨至生奇趣怪  
哉丁公峯崢嶸當其處黑雲脚半垂白石門雙院虛草

動無心暗泉流有故喧寂界自分聞見理若素天風西北來吹散山底霧水樹兩盈盈然洗孤慮此時我如何久立無所遇滾恐前溪窮細尋懸巖路

夕坐

斜日遲遲下微風稍動林細蟲貪暮氣遠草接春心人語空山綠猿歸古樹淡卑棲身漸嬾終日罷鳴琴

復從獺溪歸作

三年久作客幾日暫開顏野步不隨路秋愁多向山遠明溪自動虛響樹常閒爲惜高雲意蹉跎未擬還

左史

梅齋醴陵人

國朝詩約

卷之二

湖廣

雷

湘江秋月夜分韻得影字

對月泊平沙月明舟亦靜洞庭氣常肅不秋意先凜况復月露濛此際生微省暮烟起野汀條然上層嶺不知何寺鐘悠悠度松影初雁甚分明聲光忽遠隱水月淨秋容是誰得孤領

楊繼經

傳人薪木人

江上柳吟

江上柳色春可憐江上行人春欲眠行人柳色滿江路日日江行看江樹一朝北走燕山道柳綠江空春亦老江空柳綠無歸人柳色春光爲誰好

送王山長遊岱嶽

十月霜窮避野垌聞君東去迹如萍自携南嶽千峯眼欲看齊州九點青爲客正當烟霧處移家却上水香亭嶺梅雪後應回首好寄新詩與畫屏

夏時傳

竟陵人

甲申三月之變因作五問詩

問閣臣

師古虛懷事事賡不名不字喚先生退朝每侍呼傳坐入閣頻聞撤燭行前後總師多次律身名俱殞愧元衡大川能濟方稱老及溺捐生一范名

問經略

國朝詩約

卷之二

湖廣

雷

屢詔遼邊職匪輕通年經略踵相傾行兵不比談兵易辦事先須曉事精紙上機鋒成畫餅暗中納款歛秋枰是誰相國誰司馬推轂殷殷負帝情

問吏部

明綸黜陟尚廉貞殿最依然習陋行頗學編籬兼插棘不談月白與風清銓郎市缺分三等候吏頂頭動萬盈聞說選官如選佛金銀色界果然成

問科道

臺省風高國是成邇來鳴噪事逢迎千章累紙皆堯舜一事騎牆半醒醒曲突未聞山太傅至言誰繼賈書生

金光宸罪無人起那似秦廷有直聲

問京營司馬

三百年來養兵馭輕居重誇京營錦衣鐵騎存空籍  
團練戎行竟白丁不念甘泉逼烽火何緣細柳落機槍  
棘門壩上真兒戲歎息江南漕輓坂

甲申三月十九之變先後歿難諸臣皆得之傳聞

就中數老子於召對侍宴時或炙其光儀或承

其教言景仰感慨追思而哭之以詩

范相公

諱景文北直吳橋人

曾接儀容度量寬偏存激烈剖忠肝早知西事煩公往

國朝詩的

卷之二

湖廣

三

縱歿猶堪心膽寒

倪尚書

諱元璐浙江上虞人  
公以翰林為戶部

煩君錢穀領詞場不是荆公學管商國計已充君辱歿

如茲方不愧文章

劉詹事

諱理順河南杞縣人  
甲戌狀元

殉君自不為科名忍耻包羞性所輕應笑天祥多事甚

小樓三載臥燕京

李總憲

諱邦華江西吉水人

李公勁節自天成特起東山總憲程若道吉州多正氣

如何君外有偷生

馬太史 諱世奇江南無錫人

束髮看君制舉文精光射日氣凌雲江南名士偏遺策  
得爾塵氛一腐薰

孟副憲

諱兆祥子亦  
癸未榜同死

曾聞光祿事彈文凜凜丰裁久識君瘴賊丹心猶有恨

雙忠青史許誰分

哭鞏駙馬

諱永固讀書結客間變合門焚燒  
因自殺余僦居其地撫屍哭之

非學茶毗自有因婦姑兒女不沾塵鄰人睜眼環相望

火裏簫聲跨鳳麟

謙謙儒雅一書生結客人歸好義名今日詩書真有用

國朝詩的

卷之二

湖廣

三

定知義至即仁成

國朝詩的湖廣目錄

卷之三

袁煥 八首 劉醇驥 二首 李昌祚 三首

李世恪 二十三首 李以篤 二十二首 周聖楷 二十一首

譚篆 十一首 譚元亮 三首 李調鼎 四首

嚴首昇 三首 吳懋 七首 莫與先 一首

趙而忭 十九首 陶大雲 三十八首

國朝詩的卷之三

長沙陶煥奉長選

同里張璨豈石同輯

湖廣

袁煥 嶽嵐襄陽人

和彭禹峰師納姬詩八首

承恩還出塞萬馬飲湘江乍入芙蓉幕先開翡翠窓紫

雲新入坐白璧晚成雙上將威名舊妖虹氣早降

爲攬章華勝空群見細腰恩光新似號姓字久推喬螺

髻將雲擁春山帶雨橫裝駟馬上若箇插金貂

國朝詩的卷之三 湖廣

湘江同聖源舟發留別達璧也常兩弟 六首

北去銅官渚江雲漠漠陰同堅秋後約莫負別來心坐

上青衫冷樽前白苧沈英雄脾肉淚痛灑作秋霖

蕭瑟秋江上離樽更一卮殘風如有待細雨亦相宜營

亂潭王殿烏啼賈傳祠倉皇戎馬內南北意何之

贈翁念吳

但醉餘皆可云歸君未然乾坤雙眼內心事一樽前懶

況今無比高吟早十年邦關留不鎖諒到廣陵邊

已丑七夕同鄭詩言程伯建飲徐特公齋

邂逅呼樽四海身相逢各已出風塵乾坤盡付天爲夜

節序空憐月照人星欲渡時全帶濕雲餘巧處半垂輪  
唱酬不許笙歌沸懷抱燈前欲細陳

雁峰寺

巖辭烟光紫仙佗載酒登黃金千葉佛白髮六朝僧樹  
缺西山奏衡西有山曰大秦江寒邵水蒸蒸水合流入湘鷓鴣春色裏

落日照朱陵

落花詩

十首 送一

漏盡鐘殘或似之不堪回首重妻其粉銷鹵子歸湖口  
腸斷明妃出塞時敢學霜華終化水恐同柳絮竟沾泥  
不煩好鳥啼春色無復卿承再上枝

國朝詩的

卷之三

湖廣

二

劉醇驥

千里廣濟人

贈張長人避亂卜居湖上

農事藏身簡誰云僅避喧古村斜薛荔荒谷老鷄豚亂  
過春偏好愁輕雨不昏獨憐垂釣裏清絕有王孫

留示龍友弟

散迹輕風春共移平沙畦草別幽姿遠山鐘醒桃花悟  
亂樹雲成黃鳥詩襟帶靜來隨地迴門屏互到古人知  
夜涼塵斷尋佳思多在香清茗熟時

李昌祚

文孫過廬漢陽人

山居

謝客成今日桐陰綠到亭農簑千乘雨樵笛一山青設  
榻延秋夢出花待晚籬不知家計落簷畔任飄零

晤次侯涓來于漢陽城寺

平湖烟晚濕霜柑留得清風坐劇談豈媿前人居第一  
恰逢今夕月初三歌成白苧群相向髮縱青絲總不堪  
買酒祇消門內醉誰容吾醒獨無慚

春日雨中同五弟杯湖過王三竹谿草堂分得鵬

字

驢兒騎過古橫堤陣陣東風入面低舍北芹泥粘紫燕  
山南花雨濕黃鸝到門燈入香分案滿架圖書草半畦

國朝詩的

卷之三

湖廣

三

只此尋常行酒社春光總不負青谿

李世恪

其人江陵人

無絃琴

有琴必有絃陶公胡不喜辟如工部人豈能廢唇齒中  
郎解焦桐相如抱綠綺三十六鳳凰叫徹碧天耳安有  
無耳人却領無舌旨吁嗟廣陵絕嵇康亦已矣雖有明  
光曲艷俗不宜此乃知彭澤心廢絃良有以不見方子  
春縹緲海東水善移伯牙情絃桐非所恃所以雪堂翁  
聲外悟聲理琴在匣不鳴聲亦不在指我則因無絃聿  
想無琴始假如蠶不絲木不生桐梓未雕與未琢此聲

何自起茫茫太古心忘言坐隱几

樵父詞

持斧上北山侵露刷林杪量力荷芻歸取給炊烟早日  
午遵山南北風吹矯矯虎豹隔溪啼來往雲相擾行歌  
深澗中同伴雜穉老歌聲回岩谷木末驚飛鳥豈不涉  
險阻意中憂患少登高望大荒洞庭月出小束薪下山  
施長臥鷄聲曉榮辱邈不關傲睨入雲表

漁父詞

扁舟颺遠浦風雨憑一笠隨意展釣筒鷗鷺如家室得  
魚問酒胡餘皆資糧粒吹火倚前灘兒孫共飲食明月  
國朝詩的 卷之三 湖廣 四  
欸乃聲去住信南北波濤豈無時夢憶蘆花側或云任  
公子巨綸餌不息貧賤有命焉貪饕安可得璜溪以勢  
競桐江亦名惑今古一滄浪孰得與孰失

磨劍吟

匣中昨夜雙龍吼風雲在腋雷在肘壯心誓血倭人頭  
痛哭龜山空束手幾迴醉舞撥黃沙夢裏侯封醒窮叟  
十年隱鬱苔花寒冷月沈吟摩娑久舊說涪江漲氣腥  
新淬成都水百斗我將提携扣天門天門九重虎豹守  
但擬乘風揮九華手劈芙蓉來左右劍兮劍兮莫似沈  
淪怨不偶文士筆鋒亦爾友練帶秋吹白日光輕試霜

鉞非吾取

古桐行

龍門百尺高無枝今見桐枝四面垂直勢參天已十圍  
環蓋陰陰日影微有時疎雨飛清響有時晨露溜青皮  
臨風發長嘯對月送瑤厄昔日中郎惟愛此猶向人間  
惜焦尾可知此中含蓄太古音不用斧斤鑿元始雖聰  
琴瑟千萬聲何如長抱此青桐無聲聲中尋起止老人  
坐樹間歲月不可紀鳳凰何日來桐花昨夜開秋風鼎  
鼎垂珠實留待林中小鳳食

酌客

國朝詩的 卷之三 湖廣 五  
次第東風入亭西曉幕開燕歸巢未改花放客頻來陰  
竹分殘照疎星點白杯千峰何處雨林外送輕雷

贈席之

容易頭俱白重經離亂年儒冠真棄物酒國有全天笑  
口同梅發塵心對雪捐桃源何處是酣夢也仙仙

詠梅燈

客折梅花一枝剪紙爲燈懸  
置其中同人命賦梅燈詩

何處香光與目成一枝寒焰散芳情移來明月孤山照  
裁得流霞嶺上橫竟幅綃痕驚火浣全身烟骨帶霜清  
湘魂解道臨花語悔隔春風傍水行

一捻芳心寄子裁玉缸分照自徘徊宮中夜剪紅雲落

烟裏人謫白雪來誰倩春風搖暗影特邀明月上花堆  
不妨此夕吹羌管環坐清香傍笛開

次和陳眉公新柳十首原韻 選二

春色於今未宵冥千條風御自冷冷絲香欲掛征人馬  
青綰疑分水面萍凍磧已岐南北路柔姿故曳短長亭  
一枝輕折頻回首何處鶯聲夢裏聽  
何人不擬愛娉婷弱影扶疎醉幔亭照日輕盈香冉冉  
隨風顛倒意冥冥梅花落後分杯綠芳草生時奪黛青  
莫遣歌翻楊白曲可知生性總如萍

贈松濤先輩

國朝詩自卷之三

湖廣

六

當年繡斧積苔漚耐久木和抱荆侯讀史醉呼虞夏月  
卧吟獨夢海山秋橋中一局銷今古塵外雙林民怨尤  
昨夜春風吹野水酣歌身已到麟洲

和密菴喜雪韻

開門白雪亂吹衣鶴驚人還點素暉饑鳥無聲因食下  
空林竟日有花飛濁醪馨矣呼隣給獨釣誰欺荷笠歸  
最是梅花繞着蔬參差枝上帶雲肥

竹影限韻同密菴賦

認作湖州派又難條然動勢豈柔翰梢如帶露仍披折  
笑欲分身只漫瀾可有靈娥吹暗血還疑太守賦空餐

若知明月能同我贏得閒心夜夜看

擬截漁竿手搏難倒來烟勢美如翰陰陰覆石疑非綠  
剪剪迴風故作瀾漫較短長材是襪若分瘦俗夜忘餐  
黃門當日思君好幾向亭西伴月看

咏黃菊

疎英簇簇夾雕欄正色宜秋點釣竿垂露半欹鶯羽鈿  
浮香欲上道人冠動搖纖質低如舞融冶西風夜不寒  
好憶杜陵桑落熟黃金滿袖問朝歡

贈也顛三首

國朝詩自

卷之三

湖廣

二

雖然瓢衲有僧名萬里胸襟小百城杖外青山隨眼到  
狂來吟興觸雲生論詩半夜飛秋露含怨千端寄落英  
若向天台追舊侶笑他寒拾總經經  
披衲軒然過石林當風一笑已開襟人傳崔顥登樓句  
我識支公愛馬心賦擬子虛憐獨賞騷將天問只行吟  
挑燈共對梅花夜莫問前山何處深  
識得顛公意也無總緣辟俗遂成孤芳洲舊賦傳鸚鵡  
苦竹纖聲笑鷓鴣花濺英雄千古淚天涵海嶽一僧圖  
莫驚踪跡同齊已浪指狂禪問夜跏

蘿徑

披榛直入浸肌膚石徑垂蘿暗綠鋪幾點幽花分袂濕



亂聲小鳥隔溪呼雨冥深夜啼山鬼風散涼烟引醉徒  
回首峰頭新月上微茫歸路伴樵蘇

遣意

世態何堪一笑捐我寧作我自周旋久要明月爲三客  
坐聽鶯聲已十年春雨足時商種林竹香深處抱殘編  
緼袍却喜村帘近頻向竿頭貰醉眠

落葉聲

最愛林陰自迥關昨宵霜重欲全刪迴颺颺颺聽非雨  
隔砌輕輕色已斑無限榮枯經白眼莫驚騷屑損紅顏  
憑書一字通叩友吹度前山第幾灣

國朝詩的

卷之三

湖廣

八

有感

白雲歌老到兒孫意外江烽照北門驚鴉有聲奔四野  
荒鷄無力舞中原欲尋遼海誰容榻何處桃花好結村  
竊比漁舟波上下長同野老保山樊

李以篤

雲田漢陽人

烏夜啼

庭前白項烏夜夜啼深樹儂自不喜聽喜我鸚哥語  
乾鵲解報喜城烏解催曙鵲噪呼不來烏啼打不去

遊武當宮仙棗亭看元秦定碑

路轉峰迴處孤亭駐夕陽徘徊一片石瞬息幾人王稻

蟹先秋紫山峰雜草黃仙源如可接老我白雲鄉

喜仲叙弟來爲子新居製竹籬落成

位置煩吾弟疎籬補屋新何曾遮好月儘可避閒人小  
築臺花秀幽棲逕草勻非無寥濶志暫此得安身

旅懷

自我離家日寒霜已度河各天同夢好孤枕一身多是  
處遭戎馬何時許嘯歌不堪雙短鬢容易卽成皤

翁園與李無奇劉望之薛叔芬話別

下馬逢酣飲登臺遠勝流紛如明月入散作野雲秋艸  
木憐新種江山憶舊遊紅顏與白雪咫尺渺滄洲

國朝詩的

卷之三

湖廣

九

同熊荀叔吳門舟行

山艇采風去輕帆細雨過柔低不礙路絮密欲鋪河久  
客窺人面新詩喜自哦非君憐寂寞孰肯共婆娑

陶五微見過

群公音忽至見爾感逾多二十餘年別雙旌此日過老  
如增我醜貧不厭人瘡數問書成否母將付薜蘿

元夕毅公留飲時厚伯自京師至

踏歌江上少歡聲但見牙旗夜市橫酒味臨風吹不斷  
愁心似草刈還生人歸京洛傳聞異我老丘林怨恨平

舊雨况隨新雨至揮毫直欲傍檐楹

辛丑除夕

傷心早歲常爲客屈指今年覺倍凄一笠衝寒千里外  
孤舟坐雨大河西懷人去任還高枕問世行藏欲杖藜  
盃把清樽沉醉去梅花照眼使人迷

同彥遠宿鏡菴湖樓留別

章江襟被幾經秋好夢催人易白頭浪跡真如萍在水  
浮生不敵燕歸樓須揀一醉依書幌肯怨三春老敝裘  
我到長安定回首斷橋烟月不勝愁

無題效李義山

蕭娘家在浣沙溪近傍西泠曲又西我是蒹葭纔倚玉  
國朝詩角卷之三 湖廣

卿如蓮葉不沾泥春寒浦嶼壺觴亂日暮樓船絲管齊  
此去孤山鶴夢穩疎簾清簾卽香閨

問伊猶是小姑身紅袖飄搖雅稱人蘭露香含春漱澗  
海棠嬌映夜精神繡簾竹榻風光好深巷朱扉月影新  
何事過逢渾不寐莫教容易惱真真

過寒溪寺時避兵武昌

八年再過古寒溪野日荒荒落木齊僧去漸如鴉向暝  
客來聊與燕同棲千帆掠水團金鎖萬戶依城界石堤  
海內何時兵燹盡山園不畏夜聞鷄

次團風鎮

小舸落落在江濱誰識南歸憔悴身爛熳烟花疑着雨  
荒唐秋夢尚如春孤鴻過慢愁征婦野鼠窺帷狎旅人  
擁被題詩心緒亂何年高蹈出風塵

寄懷趙石寅

文采風流誰共尊近來同好屬平原一宵白紵催香夢  
三月紅衫漬酒痕別館有懷金雀怨還家長憶錦鴛恩  
梨花燕子錢塘路放艇何時夜叩門

自信

自信多生蹭蹬身不如高臥遠風塵拍肩蓬島誰仙侶  
放眼湖山自逸民已有癡兒垂釣慣媿無老婦畫棋新

國朝詩角卷之三 湖廣

藕香夾岫能消受盡道蘆中卽主人

酌能寒齋學士見懷次韻

書生有願答明廷肅下凋傷兩鬢星漸老未能忘泰岱  
多憂還欲泛滄溟懷人竟日勞詩卷作客常時費醪醑  
巷柳園桃非我事蕭閒久已訂山靈

山夜聞笛

樓頭江月孤橫吹吐岑寂靜聽不能言臨風倚石壁

歲抄懷人詩

陳百史閣下 江南溧陽人

一代公卿屬老成祇將文字占時名斜風細雨燕山道

可有魂歸過舊京

金正希太史 湖廣嘉魚人

復州示我墨猶新怕向聰明了此生一死便非無益事  
何曾聞道悞賢人

陶五微明經 湖廣寧鄉人

汝叔癡於顧虎頭汝文多似鄭瓜州幾回憶爾湘江上  
莫學三閭賦遠遊

王山長孝廉 湖廣湘潭人

王郎文采最翩翩狎王詞垓二十年自荷花開官舍冷  
可堪跋扈絳帷前

國朝詩約 卷之三 湖廣

周聖楷 伯孔湘潭人

程玄贊春夜過訪江園

好懷如好雨未晴光已旭昨日始開扉春山當戶綠常  
恨寒食天不展郊原足羊欣踏落花張薦避苦竹何處  
得新詩待與高人讀愛君訪我心每先山水蓄感舊月  
在林懽深雲在麓以此半夕談贈君千古獨

虎丘

山小位置奇能令目光遠想其初始時巧力因之顯謝  
去雲與霞樹老陰自展石磴接層橋俯視成宛轉客來  
五月中桐花香可踐遊人未及知以此閑步遣亦有踏

月人不爲遊所掩終夕待歌聲用意良已淺

由西湖赤山埠過錢塘江望海作

百泉匯一湖湖水乃清曠百川赴一海海遂不可量大  
小固云殊心目自爲障我家洞庭水圻天作盆益日月  
出其中漁舟白雲上亦如弄潮兒潮高氣逾壯久客懷  
抱窮念此勝破浪夏盡負熱死塢蛙終俗相此去海門  
濤烟景森難狀絕島萬由旬皆以空水王跼蹐在微塵  
雙眼何由放庶幾蘆中人知予夙所尚

嚴子陵釣臺下

山翠何迫窄澄潭光止止萬綠瀉遺臺絕巘平如砥乃

國朝詩約 卷之三 湖廣

知昔賢心卧雲聊復爾先生高一世不在傲天子出處  
各有爲要以成厥美帝腹未可加故人安足恃咄咄客  
星奏不祥來汗耳吾曷愛吾足歸濯桐江水事往亦尋  
常後代仰芳趾六月客心煩暑病淹行李低徊七里灘  
賤貧方自耻落落雲際松清風乃如此

哭譚友夏

與子交最久始知交道難如何浮薄士謬言金與蘭簡  
子前歲書淚下不忍觀况復執手言摧絕心與肝憶子  
寒河水遠涉碧雲端未拜鍾子噴不敢盡子餐夢子下  
南嶽送子上長安自顧影相失願子早得官豈無終南

徑豈無天飛翰嗟哉管子北嗟哉范叔寒草草十年內  
事事含辛酸我增怙此恨子減弟兄歡傍人那得知妄  
肆褒與彈爲道貴日損讀書苦不完期子共努力此路  
古難寬詎謂重泉下春風吹不瀾

曉渡京口

海日浮初浪帆迷南北江天將山入越地割水爲邦鶴  
痊銘難讀龍盤氣未降偉人誰得見長嘯上吳艤

幼青坐上逢黎美周遂共汎舟至夜

每愛高人聚能疏海嶽心游先無等待氣共泊光陰棹  
響清遙夜堤香動遠尋六橋燈內外湖水亦淫淫

國朝詩的 卷之三 湖廣

四

入雲山由飛瀑至五里菴

纔有山深意卽非眼所經亂泉方石坐一杖入花亭峰  
起雲難及巖寒僧未局細吟來去路嵐色照衣青

白門訪林二茂之時予渡淮不遇

風烟浩汗意難陳建業城邊正暮春艤棹自應先我友  
渡江何得問愁人上林詞客方沉世淮市屠兒漫辱身  
三十年來高士宅至今梧竹幾遷鄰

初夏重登燕子磯尋步入弘濟寺

旅遊偏得此身閑雨後重來看好山絕嶂千尋雲欲上  
大江百折氣難刪鐘聲便是初禪地夕照翻疑消夏灣

自領客愁愁不斷長淮天塹一舟還

嘉禾舟中寄懷朱宗遠

吳越山川亦偶行鴛鴦湖畔雨烟明故人止隔松江  
遊子難淹並澤程每厭神交成妄語豈關命駕得高名  
篋中冰雪燈前字仙令郵筒未敢輕

宗遠丙子元夕前以書託楊扶驥使

君寄子湘上

題贈張幼青孤山草堂

此地孤山最得名雲嵐不藉衆山成卜隣以鶴偕真隱  
築室無梅亦異人湖裏外光浮榻入峰高下翠接簷生  
與君終日攤書坐胸次如逢快雪晴

草堂爲馮開之太史快雪堂遺址

國朝詩的 卷之三 湖廣

五

同黎美周遊靈隱寺約次日自龍井入十八澗

只此重湖杳靄間到來曾未覺躋攀泉聲漸冷生千竹  
石骨無多半是山過洞蛟腥知海近待僧茶熟看雲閑  
北高漸廢幽人路十八澗邊誰往還

漁仙寺

野水幽篁古寺門蒼苔時有落花痕何人解說秦時事  
此地堪招漁父魂淒淒遠笛聲過別洞微茫雨色在前村  
山僧盡日無功課學種胡麻鑿石根

陶仲調過小園看梅以暗香浮動月黃昏爲韻詩

七絕 選三

節候歷深、高枝何可探人與雪俱晴忽破園林暗  
縈子冰雪腸就子清寒夢不作羅浮想衣袂光微動  
能以枯生潤何妨澹有痕高人自奇性相與習朝昏

新安江暑行

溪雨欲來人氣清溪風欲上帆葉輕灘頭蘸雪篙三尺  
山脚抱涼蟬一聲

秦淮竹枝詞百首

此先生於前明時一夜作也  
惜乎全稿散佚今僅存三首

家住秦淮淮水西門前淮水綠淒淒郎來莫打鸚哥叫  
妾在高樓聽馬嘶

國朝詩的

卷之三

湖廣

六

太平門外看荷花

成郎追歡不放回聞郎亦上雨花臺秦淮春水連宵漲  
桃葉桃根莫渡來

譚篆

玉璋灌村景陵人

寄白竹寺碧公二首

何年住此山山深人索莫眼見松子生樹成松子落造  
物無息停居心得安泊檢束生豫悅宵旦適豐約字鷄  
曰晨鐘勅犬守花藥鷄犬有靈心大師覺無縛欲舉問  
深山微言何所託

荒陵柘水西數畝聚寒籜枯岑無四隣鳴磬出高閣林

外寒荆榛入林採芳藥聽彼草木榮歲月自促薄明心  
蕭燈火神智無所作庭前親灑掃堦下飯餓雀妙義何  
言哉白雲空野聲

送人從軍

生年二十餘辭家事戎馬膽氣輕別離跨鞍已不下兩  
腕臂麟膠單身仗歐冶仰天呼行行誓死清原野老夫  
勉致辭爾非悠悠者咕嗶陋儒生從小意開寫塵土孫  
吳書一攬亦復捨微尚霍冠軍方略恣瀟灑具茲貔虎  
姿勢振武安瓦安能局轅駒伏軾困鞭打少婦未生男  
有母十年寡努力疆場回俾爾支大厦

國朝詩的

卷之三

湖廣

七

布穀

布穀中夜啼勸耕何太切今日老農心有苦難盡說大  
男充長年戰艦森龍節中男背米行深穿虎豹穴老夫  
應丁糧紫頭錚錚鐵牀前久病妻獨與穉兒訣鬻兒了  
官錢兒身老婦血一門四五人眼見生離別南村北隴  
誰得耕嗟爾啼禽何太切

寄寧波范月臣

長日四明客間棲得自如看雲巢鳥下待月寺鐘初老  
去客耽酒名藏刺著書遙知高臥穩鏡水貼香渠

寄魏漢思

何年秋興會江雨放船歸世路銷華髮才名老布衣空庭桐樹合遍野豆花肥寂寞東岡曲殘陽獨掩扉

### 穀雨

十日晴光徧堅成穀雨陰更添長夜酒全稱老農心避漏頻移榻防寒獨擁衾朝來垂釣處新水一篙深

### 漢川城西小山

里人名為陽臺

楚王臺殿已千秋白口江城古戍樓往事仙凡空逝水多情詞賦獨荒丘松聲絕澗朝雲出牧笛前村暮雨收夢澤山川風景在高唐何處問凝旒

### 滁州道中曉行懷吳玉隨編修

### 國朝詩的

卷之三

湖廣

六

琴臺巖壑自幽奇空谷秋蓉適有思百里稻田霜宿露一村茅屋聚朝曦陶溪疎樹棲鳥立古路清泉白鶴饒策馬寄書吳叔子臥龍岡上早炊時

### 道中聞杜鵑

尋鄉漸看故山荒謝豹無歸祇自傷隨在草深留苦影縱然存好奈愁長滿湘廟裏朝雲濕綠繡宮前暮雨黃應是同情生異感不堪妻語入蕭娘

荒唐長叫野山前萬里離家楚蜀天骨肉斷孤無舊侶君臣造次已當年落花絕澗鶯歌轉蔓草平原鹿乳眠獨有雲陽石上恨千秋風雨淚潺湲

譚元亮 擬陶景陵人

### 瞿塘兩崖

兩崖真壯壁杜老句非誣怪石成鎔鑄高巖覆里間鳥音聞似有蹊徑望如無異遇山猿出蒼然古貌鬚

### 高石階邀同碧公遊荆山

暫匿冠裳願赴招荆山久聚更宜宵疎燈忽報深林杳遠樹如吹隔岬搖議植石前亭內竹量添巖下瀑邊橋三人靜對無緇俗細雨微風意頗饒

### 江上吟

山雪久凝結翻如一片天古松臥其上日夕搖青烟

### 國朝詩的

卷之三

湖廣

一九

李調鼎 商梅襄陽人

### 有鳥

有鳥集叢柯斂翼如不舉羣雀肆翻飛勢欲相爾汝目已橫四方意欲爭禾黍大鳥謝羣雀雲霄偶見阻埃風溘上征下土爾之侶

### 山寺

偶尋樵侶路緣危聽蚤鐘聲到轉遲塔聳正當山缺處溪深端愛雨晴時野雲偏惹歸僧衲幽鳥能歌好客詩去去更依橋畔立幾條飛瀑萬松颺

### 山寺避亂作

四面蒼巖曉亦昏懸泉百尺掛當門重重竹葉攬松葉  
曲曲雲根伴藥根石沓難尋僧去路雪深惟見虎來痕  
人間歲歲驚烽火願借高眠息夢魂

春日漢陽喜暉吉南來

憶昔論交尚謂遲數年可抵半生思得從江漢成佳晤  
況是鶯花送暖時天許野夫雲與壑心牽好友合兼離  
行看鳬鳥將飛去剩有穿霞杖一枝

嚴首昇 平子華客人

石頭菴

到岍江何永朦朧山可登更乘未落月去訪旣眠僧方  
國朝詩的 卷之三 胡庚 干

丈存鷄犬柴門補樹藤回看舟在下屋市總陵憎

早秋

松高雲度合成陰帶澗風來秋乍淡老更多姿池岍樹  
縷如不絕故人心無名山果兒曾識缺字方書老去尋  
莫解古人何故怨昨宵予亦忽沾襟

寄懷李覺之

江州李覺之以予邑廣文遷穀城令穀自經賊  
以來廬署無存大約賊皆騎戰遇水輒止官吏  
各棲一舟以無恐書來及此甚自悼也因語予  
曰老杜爲我作春陵詩

寇滿關山莫借籌誰知方略在江流民如荇藻惟依岍  
官似漁叢只一舟近日已無相可將長官空望劍爲牛  
獨憐辛苦春陵吏猶向章臺憶昔遊

吳愷 去備善化人

岳麓書院讀斷巖殘句

春醉倚巉巖倒松掛飛壁虬結成險光古色照人慄披  
荆訪昔人苔蘚封斷石隱微數行字宛然鳥獸蹟闕殘  
不著代引泉拭且惜揣摩句得之老木識前輩回顧烟  
雲深洵矣環靈氣

淶溪夜泊呈堵牧游老師 時備兵江黃余從遊

國朝詩的 卷之三 胡庚 三  
蒿目中原路縈懷此夜舟淚橫非繫別憤絕不成愁明  
月淶溪樹長風赤壁流古人勛業在呼白爲君浮

寄胡三爾愷

問關不惜返湘涯野服蕭然幾歲時 時原任太平司誰李丙戌歸隱  
使鶴猿歌別怨頓教丘壑笑歸詞離亭晚笛橫烟迥驛  
路新花映馬馳諫草數篇鄉思永可能謝取北山移

登岳麓和張越青兵憲元韻

芝岡萬派趨湘勝縹緲南天駐一峰野艇橫波生浦意  
林霞引日放山谷尋幽獨語澗邊石習靜時聽嶺上松  
卽日不堪追往步萋萋空谷舊時逢

幾陟書堂訪道鄉悄然臺畔獨徜徉露香花氣浮朝磬

釣影樵聲亂夕陽古思每隨湖水遠遺風誰激泗流長

朱張與教岳麓  
瀟湘有沫泗風 廢歌月滿漁灣路乘興扁舟下碧湘

岳麓憶胡叔易陳東卿戴小戴

層巒飛擁大江流景物天南一望收惻惻寒生烟寺晚  
悠悠歌度遠帆留清泉助咽巉巖斷古木空心錯節周  
遙憶故人何處是雲橫暮岫自沉浮

衡陽道中舊作

四十年前憶舊遊香風深處醉登樓今來聽石渾如夢  
野鳥啼殘花滿丘

國朝詩印 卷之三

湖廣

三

莫與先 大興潛江人

南陂詩

漢水幾千里瀕洞奔潛濫導川味禹經壅土以塞之潏  
雨增濤怒長隄爛于糜哀哉漢南北魚遊升高枝吾土  
匪善防偶爲馮夷私小人屬無厭股引灌枯陂夜半驚  
漣漣操鐻立中泥鄰篴良用媿垂堂安可嬉

趙而忤 友沂長沙人

黃金臺

燕昭昔好士築臺名黃金置酒高臺上四隣爲我侵一  
朝失奇駿霸蹟頓消沉黃金能復散六國不復欽咄咄

今千載猶云感激深孤雲自留去難知國士心

柴市

信國衣帶祠揮淚自盈把孔孟如遭逢仁義無容假百  
年養士恩今日誰天下孤臣對空中樓仍宋室瓦昨行  
教忠坊寒風吹瀟灑愴然激心肝誰爲能拜者

譚友夏先生子硯歌

先生有硯一具形如片肝貯以穎匣匣刻秋葉  
枝梗製甚工曾自作銘曰無旁無足無口無目  
墨易生如蓄水自由如瀑大人書之金如玉野  
人書之石如木銘久載文集中研已數易詞人

國朝詩印 卷之三

湖廣

三

之手癸巳秋有友持以贈余曰此楚人失之楚  
人應得之也因作歌

才人壇坫非偶然生前好句由蒼天况乃圖書供逸具  
身後寧知傳不傳昔聞李白栗岡硯詩名千載推謫仙  
又有寶研齋前石爲出米家書畫船古人文章各有道  
豈因一物以鳴好素質相依靜者年秋光倚案知懷抱  
楚有譚子人精良紫雲曾割端州島非晉非宋知何時  
紅綵新樣春流倒當時曾記泛瀟湘新詩刻有嶽歸堂  
題遍峒嶠諸峰頂遠瀑飛鳴到錦囊家居復有寒河集  
半世文心在雪霜想見臨池清賞處一亭秀色出滄浪



近代詞華真莫比人琴忽自悲蘭芷光芒萬丈化丹燐  
彝鼎千年空翠醜荷家兄弟彩毫多文物何爲付流水  
天教屈賈繼高名衡麓一拳歸楚里噫吁嘻袁快鍾溫  
世所矜當年格調遜良朋卽看歷下開詩選琢瓦澄泥  
各有能今之作者何紛紜輒自論詩抑竟陵惟有嚴溪  
一片石寒烟萬古共崢嶸

憶昔行依龔年伯韻留別

憶君昔寓桐樓側三春花徑頻窺測能容年少絡黃金  
爭擬詩成酬白璧西園共把五更釀紛紛星斗杯中亮  
碧草來牽醉客衣紅燈猶綴高樓上別後青溪一日見

園朝詩的

卷之三

湖廣

三

相懷姓字新詩遍水仙卷記孟堅圖芙蓉齋列元章祝  
公藹甚多曾以趙子同本仙卷  
分題 又米芾研山歸公几案無端燕市浮清酒紀綱  
憲地公難久材大猶生腐鼠悲富貴於我復何有前歲  
虛勞上治安君謂科名我不難似此奔車向關塞誤身  
寧道非儒冠私心再染桃花紙倏忽庭萱哀讀禮空悲  
萬里路招魂末代九泉人負米故鄉近止風嚴噩結茅  
願自依林薄日夕書邊有磬聲微軀敢就從前錯長安  
一片白雲中逢時坦率念吾翁惟公相對心相似宦海  
驚波態亦同前日東郊公送及握手非因岐路泣江湖  
人事太相違乾坤我輩真孤立况復庭闈見遠離他鄉

日少過庭時百年如此傷心處君不相聞聞者誰

題園次半草亭

結構人能異相邀舊夢還胸中非一木眼底卽千間蕭  
統樓邊月枚乘宅後山無須重染跡今古幾柴關

寄黃伯宣

回雁峯前雨投龍道上花七年瞻羽翼孤魄負兼葭阮  
藉文無補江淹髮欲華莫思窮達事天正薄長沙  
憶放重湖楫君先去草堂橫戈風一月啼夜夢三霜已  
集招魂字難懷聚墨莊蒼茫天地側灑淚不成行

同孝升年伯卽席次孝威見送韻

園朝詩的

卷之三

湖廣

三

自信無良策英雄抱犢衣春携三月去天放一人歸白  
石誰言事東風願息機深思前路好孤艇貯餘暉

次孝威韻寄別龔年伯新補館卿四首 選一

開春屐未息杯酒事猶憐萬馬青山下孤蓬白日邊餘  
生愁自晚歸計幸人先相待城南外花高尺五天

壽高郵王相國六旬用郭石公韻四首 選一

星辰仍獨座天或許沾名  
公以遷謫復晉副憲三黜終籌國卑騎  
早試兵從容原瞬息險阻是生平猶勝京華侶閉扉盡  
日橫

南湖同戴巖年伯夜坐客有言天植事者因共

悼之

孤肩浮桂水百折到淮陰誰信無家日終藏愛國心倚  
問雙白髮卜夜一青琴寶命沉難惜臨流淚滿襟

夏意

孤雲片片欲生愁火樹猶煩擁不休鳥愛客停今日路  
天容人臥幾層樓有無海上花舒卷曾否冰中柱去留  
半世青氈難自信誰言含笑倚吳鉤

同劉杜三唐魏子許通西復飲胡石江年伯寓齋

依彭禹峰先生韻

名士瀟湘一座齊奚囊敢自說提携挑燈案蟻春方續  
國朝詩的 卷之三 湖廣

擊柝城西烏夜啼青草芳晨人有約翠眉何處唱能低  
明日爲 天涯到盡繁華事明月三分是竹西

過天門山

青山兩岬斷如連報道蕪陰入眼前不敢重吟江上句  
祇因孤載故鄉船 辛卯同先慈送姊 昆維慣宿沙邊地

燕子新飛雨後天却嫌蓬牕懸落日空餘雙鬢白雲邊

哀蔣孝廉天植 諱之萊湘陰舉人

良友何年失愁予亦老夫青山徒抵玉白月不成珠歷  
想飛鴻路曾同洗馬俱名高糜子國光射洞庭湖座主  
層達贊懷人杜與蘇當場憐姓字舉世婉衣襦一別湘

烟改頻經瘴雨徂高堂依淚竹行路愛蒼梧似此乾坤  
內真看血氣無關河來慘淡泉壤到須臾事自隨天意  
人多責爾愚風波方不免遺憾滿丘隅

送曹良野遊晉中

忽忽來茲別酸風夏亦寒他鄉又送客對影各離官  
岳愁看髮終軍苦據鞍平生工已拙朋友慎能寬臥塊  
三年遠趨庭一子單相過俱冷落偶見盡蹢躅薄命惟  
垂棘高名自採蘭太行飛雁滿汾水食魚攢握手人如  
夢論心事竟殘何年偕載筆此日望加餐應見新知好  
無歌行路難余帆猶可指待爾到江邗

國朝詩的 卷之三 湖廣

劉玉少吳園次偶集桐樓卽席分賦

歌醒常令醉者疑一樓花氣照鬚眉天心白盡千家雨  
時事青皆二月絲車馬幾人尋鶴路羽毛此日讓鶯兒  
擁書無力山分咎垂釣成名水受欺堤柳幸看垂故態  
官梅尚可折新枝相逢且放悲歌眼窓外春寒我不知

過湘陰哭蔣天植書示其子常尊四首 選二

卑濕人愁地不堪孤舟落魄去江潭君才賈誼堪前後  
絕命年無二十三 天植以三十一而死

爾愁莫問庭前禮我苦難牽夢裏衣淚血天涯無可寄  
煩于泉路見慈闈

陶大雲

五嶺謫菴長沙人  
照吳園次先生選本

責貓辭

丙戌

猫兮猫兮蜡有迎良爲職捕專其命麤麤豈得與之爭  
頗聞昔人敦幣聘我懷茲意畜狸奴飼魚坐瓊案爾軀  
相期捷若蒙頌兮匹彼雲圖胡爲鼠得志纍纍畫揚鬚  
侵我黍粒廩損我書画厨毋乃不職坐飽餐孟吾亦嘗  
察爾之居伏焉若驚勢鷹獵兮目虎視何迢遙兮若遺  
反逡巡兮似悻壁間屢什方花前伴畫地徒狼卜焉而  
無禽蒐之事噫嘻吁何異重衲列鼎擁麾旄負德忘讐  
無所愧

國朝詩約

卷之三

湖廣

三

使君哭

爲權伯亮邑侯賦也公下車條具十痛哭  
爲子遺請命於上臺因相傳以爲謠云

君不見鴛衣百結子追租縣門裏君不見轉粟上西山

丁壯去田間解一餐餐輟盡歛不輟紛紛胥吏心如鍊崇

臺大府邈在天溝中疾痛何由徹解幸哉天不絕幘幘

單車遠駕來權公解三公下車兮淚滿胸與胞事在繪圖

中哭開重霧回春風解四昔時嗽澤今絃聲昔時肉鼓今

壤鳴公十哭兮民更生解五

南天門獨眺

衡嶽

截業忽自平心目一爲抗帝座殊未遙踟躇碧落上班  
荆待同遊且與雲揖讓雲起乍平門林巒失背向飛斷

萬松濤自成千頃浪髮髯見海屋樓閣幻奇狀數日遲  
嶽雲對此一盃暢

附舟至麻溪

有客上扁舟曉發資江許雙槳遠烟闌江氣豁天宇迴  
聽北塔鐘隨風落遙浦沿巖鋪蒼雲明鏡流青數曲遂  
入溪阿山淡面墻堵水逼無峰陰霧近多細雨長漢瀉  
懷問雙壁開雲戶沙盡石巉巉疏鑿勞神斧浮江滿鷗  
鳬踞岬橫豺虎十里九下灘飛雪奔霆鼓長年習險浪  
退潮不用弩羣萊紛如翰百里日未午運舟犯濤來濤  
聲怒相拒輾側侮波間衆力疲寸武篙師不瞬目舟中

國朝詩約

卷之三

湖廣

三

洞庭守雪

十年湖夢隔忽向湖中艤洞庭雪耶非峨嵋幻爲水水  
落雲勢張沙翻空氣委一夜湖雪平寒光無起止茫茫  
十二螺疑被同雲徙吹我高寒心浩入湖波瀾夜色一  
氣中舟呼素烟裏獨寤洞庭瀾孤懷向元始

甲午春解事後賦別子昭還羅江

春風祓蘭畹還我湘路清相携出風雨洗發鶯花情斗

酒橋洲上引滿酌君行白日照楚澤陰雲回景卿遙覺  
楓林外湖光亦媚生割據青芳草要自成楚俗歸搜舊  
硯鐵銷作漁竿橫不然南山下驅犢偕鋤耕食力還痛  
飲尚友先淵明庶幾澹荒老畢意爲戲嬰由他八百頃  
自作雷霆轟古樂在壁間陶寫存其聲遼海多奇書最  
故事滄瀛

邵陵劉澹山聞修岳麓志寄新詩并前代名作簡

子志成擬報之會漢陽王子孟穀來客麓山寺  
特製三寸詠見貽因用韻述懷奉酬兼寄澹山

柴桑癩情夫紙筆本不嗜自守先子丘抱書壘上睡坐

國朝詩

卷之三

湖廣

三

臥奉白雲夢絕津亭吏高霞翰久停晴川魚弗至朝華  
與夕英冥冥結愁思平原忽枉徵授簡輯山志是時公  
闡幽先人被袞字感激謁府庭因請辭志事謬疑讀父  
書堅使備詮次皓首披褐衣強顏受朝食圖經出盡餘  
摺之得三四題帛告四方鄭郭迥無意皇皇決濟心麓  
雲引孤吹邵陵有孝標欣然獨傾筇大補岳麓詩且韓  
道林異自此閱冬春道路笑瘡瘁漢陽王子來遲我臥  
山寺當時廣文翁絳帳羅枕秘王子十九齡金石聲滿  
地先人纂郡乘相與拆疑義別去二十年埋憂略相似  
聞操全楚觚翁才晚不墜予時伏苦廬謝聘弗敢出如

何黯峭雲相見各隕淚往事不可論文史且變易戊申  
昔所營今已土直棄僖父不自揆復此彰穢累子安著  
作家名山業正企吾事聊因人鱗爪有餘愧揮手謝麓  
還綿邈江峰翠

曹子成画馬與美人擅絕作歌爲贈

山川黯淡物華翳心如画師翻偉麗曹子有才兼有心  
繪畫繪光不徒藝有時圖駿肖龍媒十日五日程徘徊  
精英矯矯汗欲滴道路若爲驂騑開美人換馬真奇曠  
從君一筆生花樣絕憐縹緲出風塵雜佩雲鬟宛相向  
吁嗟乎一代紅顏青塚間千金市骨燕臺上美人不來  
國朝詩

卷之三

湖廣

三

天馬來我歌君画增惆悵

斷警歌寓邵陵高廟作

石徑長可數尺如王懸高廟間往往封之  
聲聞數里已丑裂于兵亦南國物數中遭逢之  
大勳也憔悴客  
懷中之埋鬱

乾坤弄萬物山川變五聲黃鐘音既闕孤籟響難行日  
月遷兮金石化靈籥塞兮鈞奏罷邵陵片玉含元音雲  
英鍾得連城價一朝毀擲斷拊歌寶焚玉碎傷如何空  
留半壁棲芳草徒向白雲聽碧波黯然泗鐵聲銷默塵  
夢攘攘昏曉或鴻寶非時不肯鳴發我商歌滿胸臆風  
雨來弔江氣凝不聞蛟龍聞蒼蠅山川瑟瑟吹沈鬱無

數池塘鼓吹興噀噫吁嗟瑚擊兮楚珩裂女媧拾兮秦  
皇策隨音散落海潮中還爲周墳與漢壁

信陽道中射虎歌應教

鉅鏡出雲雲未舍殘堞無人臥石馬猛虎憑風嘯道旁  
龍旂直取黃茅野須臾突上草披分左腕右顧諸雄軍  
挽強控勒各相待王曰不須勞爾羣一發應弦洞胸理  
快哉貫腹殲四子車上懸皮示殄憖軍中分肉如醪水  
南山白額不復行村扉明日開柴荆年來王威震山谷  
一路雄風增廓清君不見去年八月戰雙井伏莽咆哮  
亦負猛指揮壁上奔雷霆迸裂遊魂散楓嶺在山何曾

國朝詩的 卷之三 湖廣

三

保菴藜虛張牙爪蒙斑皮老生看獵意亦奮笑他蹲石  
非真貌

酬贈周履坦供奉爲子作小影兼送之入嶺南

幾人萬里筆橫縱老來却見周供奉絕倫材藝最深情  
不據梧桐不肯用遭逢竟被九重知毀上風雲展妙  
思此時盛名等賜第千秋光寵依龍螭下朝詩卷紛投  
玉袞袞炎炎若不足誰知一片化工心密與奇文相結  
東南帆暫一掛輕航乘秋徧寫幽人莊祗今九晚飄零  
甚瀟湘慙對米襄陽賴集毛余兩詞客嚴州毛君合族  
自門余君西崖  
倚麓譚雲送晨夕柴桑中人最後來十日看君画一石

相逢無意同墮青欲施文采遮顏齡我急鴿原歸草屋

君亦懷人泛洞庭木落天寒重覲面客窓自喜陳尊研

淋漓雅誼生我情經營清曉無人見圖成明日溯湘波

江嶺顏開事又多懷君意在筆墨外丹青舊引未須歌

王山長爲戴楓仲画丹楓閣索題

丹楓閣高不得陟去天尺五舊雲色山中之人悟灝空  
倒臥天根踵天息林成樹樹含雨香東籬齷齪非其域  
眼前突兀驚詞壘青山不言詩有翼摩詰苦心一再圖  
元氣淋漓神轉逼不知何人當楓翁山高水長清風側

量田行四十韻

國朝詩的 卷之三 湖廣

三

今年冬日暄山谷老翁未敢墮戶伏勇隨丁壯走田間  
越陌不須扶杖竹初傲繩弓妙卷舒準之隸首十失六  
明府權衡良法中繩尺兼施憑按覆量雲量水皆有依  
山農石農罷愁願五日踏徧雙鳬莊自此攀蘿入溪麓  
風前有毡不暇煖朝履青霜暮削牘循北穿雲折入西  
所過高原夾溪瀆怒蛟每歲鼓洪波鐵犀不得保沉陸  
我有膏田在水濱強半分與鷗鳬宿已沼已谷當荷蠲  
此後崩騰弗忍卜去年則壤軫此瘼帶入水鄉百一錄  
亡何田正手高低無土橫加翻見蹙羅織拆渺輪寸心  
皇穹皎日相昭暴昨日有人州府來傳說案成難改縮

腐儒束手思再三惟有自誣合其目版書一篋重吮毫  
雪飛正奪簷下曝溪山田夫特踞侮嘆我踰額詞不服  
還將好語慰諸農爾輩常租豈苛贖予今在上皆仁人  
此事終當蒙辨鞠神君秉鏡清渭分憲節褰帷一路福  
藐茲陋邑誠蕞爾生產所殖惟一穀百需仰給田疇登  
糴賤從來鮮聚蓄征科密後戶籍虛兵燹後時歲災複  
舊家不競五十年門閥大抵盡碌碌自從邵陵耕耒來  
引類苗畝新比屋幾年布滿西南鄉荆榛復化為穠稔  
却與田主抗主賓通租賸法非良族一朝去棄如遺  
連阡轉盼成荒幅耨鋤無根稅有根有識不言憂在腹  
國朝詩的 卷之三 湖廣 詩

向非憲府真滌除紛紛無藝難更僕眼前陵谷且不常  
往代桑麻安可復慨披前明舊版章賦目初終殊不副  
當時神廟末年問五斗遂已徵三斛田額何如賦額多  
請將兩額揆之熟 聖代憂民邁堯禹四訖無垠切含  
育倘茲微鑒萬里明恩膏浩沛非肅深人情爲田古記  
之億萬斯年敦井牧謠云丈後有豐穰明年擬快幽風  
讀老翁奔走行復歌一雪更晴天賜燠

邵州董太守得古鼎鑑佳絕繪圖屬題

有匿疑疑象鼎璜雙虬作鉉擎仙章大力戴之維三方  
凝丹滴翠炤縑緇通身自積日精香金猊避去寶鴨藏

曾結彤雲捧玉皇隱見川嶽移滄桑欣隨神爵來黃堂  
從公告夜彩欄光玉女傳言錫壽昌

秋風 潘溪道中

橫空秋氣發歷亂舞山暉樓勢搖溪竹鐘聲返寺扉谷  
間羣兇鬪雲帶斷峰飛獨有乘風翮迢迢萬里歸  
辛卯立夏前一日上湘道中苦雨初聞子規

湘花隨路委似我向寒行雲益危攀陟村難辨晦明黃  
鶯愁裏坐青草夢中生誰報三春盡啼鵲送一聲

報國寺松二首

近歲諸松摧損無復離奇之舊兼松下今有廟市

却後繁陰失韜貞不肯奇猶能瞻肅穆端自識興衰故  
國朝詩的 卷之三 湖廣 詩

節秋生響寒雲碧受怡一庭千古意鬱鬱令人思

葆晦神京地蟠根衆所宗星晨留沐浴山嶽隱心胸只  
信天同老安知世有封朔雲寒雪裏終自慰三冬

三月六日黃河風阻不得渡

春風到磧怒捲土帶波揚方寓俄迷向乾坤總戰黃獨  
驅雲馬走先見日車藏叱馭心彌戒田間信徜徉

遂平道中

蕭條西遂路不似歷春原百里孤聞鳥三家偶見村桑  
麻前代庭間架此時論念昔中州事民逋是亂源

眺咏雙清亭

寺塔漁洲入眺紛森靈壁二流分水天涵寫瀟湘圖  
潭曲夕生樓閣雲一郡人烟迴霧合兩巖鐘梵接江聞  
殘碑舊句非崔顥似許題詩慰賞欣

北塔寺在對江

羅江七夕立秋獨步階下

火雲初洗夜如何遂有輕涼到晚蘿草色難敷相作錦  
湖光澹織漱如羅風清月落人誰見水碧沙明怨欲多  
鴻雁未來靈鵲散空懷一葉寄星河

梅花八首

選二

靜寫幽襟絕四鄰由來命意遠飛塵期將歲晚花同雪  
耻受雲陰養過春懷玉一生無衒意爭光四皓以來人

國朝詩的

卷之三

湖廣

三六

為憐孤蹕思貽贈除却松泉不預臣

勞勞蜂蝶務三春誰許寒芳此輩親獨借翠禽啼得意  
學盤孤鶴膝無塵魂清始有相遭夢吟瘦猶慙未寫真  
雪後最令情不定空山鎮日繞簷巡

雁字八章

步菴先生命和選二

揮洒雲烟總絕塵常將封事上青旻排人作例申書法  
紀鳥來賓署外臣但向寒暄編甲子不隨文物變周秦  
至今漢帛長留影入塞年年映日輪

南題冰雪北題花晚齋常疑暮絳紗却掃千軍時有陣  
縱橫萬里意無遮不能蕭瑟離同調總擬雲章藏一家

輕重莫憑雞鶩論殊翁別自擅才華

長沙雨中同郭幼隗朱子昭携蔣郎赴趙友沂中

翰選偕即席索和苦雨次友沂韻

登樓同望古清湘芳思迢迢未一償誰與魚龍平鬪氣  
欲招花鳥出愁鄉朱絃暗撥陽春曲白面新熏秘省香  
風雨看君用高義黑貂全許解行裝

補山堂詩應郭夢菴先生徵

不道無山山即離草堂舒卷若為思胸中嶽立誰能見  
屋裏楓生自不疑搥碎虛空還煉石淋漓元氣自披帷  
懸知別有浮丘力曲罷青峰且欲移

國朝詩的

卷之三

湖廣

三六

感晤李雲田草屋養疴

五月蓬門雪未消風流永歎舊聯鑣絳帷絃管都償藥  
采石宮袍竟夢蕉天自妬君詩獨步人誰知已義千霄  
廿年離緒逢如此亟檄詞場報孝標

登晴川閣

天風坐送百花酣目對蒼茫歎微嶂外渚烟能自秀  
日邊詞翰亦孤輝江山非不資文藻風雨何嘗變白衣  
我愛毘陵高士意肯栽城樹補芳菲

贈錢開少先生初度

中峰縹緲勝仙樓皇覽遙從劫外收世在桃川迷漢魏



書傳越國有春秋雲霄意氣終難槁天寶威儀尚可求  
共擬擷芳供几研石芝雲母探洲

辛酉中秋登黃鶴樓作九老會各賦

幾年松桂傍林丘難得憑高一散愁客棹送來黃鶴月  
詞場擢入白雲秋天空烟露飛無際人集江山氣滿樓  
此會吳剛先捉斧不教崔顥句當頭

抵密印寺逢晴

映林葉丹黃如繡

望近毘盧旭影重溪橋一似故人逢百年聽老鐘聲客  
千嶂顏開佛日冬全染名山成錦繡只留新雪辨芙蓉  
雲疇正有商量事舊先來自別峰

美客在鴻西雪最早

國朝詩的

卷之三 湖廣

美

阻石頭登眺祭風臺

凭高頓忘石尤飄飄覺東風積未消鼙鼓一江餘戰伐  
羽毛千古在雲霄白波聲裏征帆杳赤壁巖陰釣艇饒  
道路只今看霸略無才應合老漁樵

王昊廬少宰寄貽新詩有湖北湖南我二人之句

讀之感懷依韻奉酬

藻翰煌煌下紫旻同衣賦寵白頭新何期海上羅台斗  
尚憶泥中有故人氣象重翻湖樂出門庭蚤護晚蘭親  
千秋倫鏡持如此未擬山公獨結鄰

立秋日抵靖港口

玉潭水出靖港

林葉飛官渚商飈轉日車抵疑鼙鼓壯吹出古雲沙地  
李衛公屯兵得名

雨中見道傍梅花口占

細雨春寒谷口浚瑤華驚接衆香林十年來往西谿夢  
如此孤山未一尋

過黃梁夢仙蹟用壁間韻

誰過邯鄲意便移日邊車馬正離離行人但欲分君夢  
白鶴青鸞不羨騎



國朝詩的湖廣目錄

卷之四

郭金臺二十九首 王岱三十二首 王而農十一首

楊山松十三首 袁彭年三首 陳五聚五首

龍人儼三首 何初一首 簡徐芳二十一首

楊勳五首 曹盾昌五首 賈至言二首

瞿寵躍十首 石鯨五首 羅時升三首

萬曰吉二首 黃思居七首 江有溶八首

楊山子二首 金簡二首 杜世農二首

程正萃一首 王如琮一首 周士儀二首

國朝詩的湖廣目錄

國朝詩的卷之四

長沙陶 煊奉長選

同里張 璨豈石同輯

湖廣

郭金臺 本姓陳幼隗湘潭人

留別李孟穎

春寒老友來風雨聚空谷論交垂白首萬事歷傾覆出處或異轍素心炯幽獨閑齋雜遊靜玉案清香肅較轡把羣書喻意懽悲逐開樽渥衰顏二盃不羞縮故人懷愈豁往事時記錄譚謔雜慷慨慷慨理數誰穆卜人生幾百年流光奔電速那能蓬蒿老殘逐吳酒肉浩蕩天地間為君脂車轂

別張鹿牀先生後再有此作

人生有神交咸備歲時記東西散江湖各自千里至埃風息六月踟躕尺寸地樓居困仙人火宅迫炎曬抱書時過我休夏得自恣高懷寫群言逐景咸寓意文章憂患資豈曰非勇智頗怪陶徵君餓來自驅使折腰與乞米二苦孰同異擇君誠獨難得友良不易辛酸殘冷具怵惕言辭利儒冠悞身久嘗恐自失墜公嘗把子文宣讚時拭淚長沙離憂子自古忍捐棄送君揚輕舸山月

照無睡清秋湖嶽淨予亦遂初志

自錦灣却官舫各命小艇發湘江經易俗河抵花

市人嶽

靜遊紆前程沿洞輕一葉舟眠日易曉晨起利朝涉岳

源有常流曲江理疏楫

此河發源渭水出衡山之陰

人烟夾岨聚草

樹衆山接坐臥展晴眺清談恣旁獵悠然南山期庶見

素交淡惜景屢迴棹盤互媚春曄衡身半天青轉望不

在捷濤洞水一方悟者得安帖

次石埠

日沒江烟迷月出衆山霽篙師導行舟暗楫理幽翳排

國朝詩的

卷之四

湖廣

二

沙若穿徑支派各異勢高岡瞥眼過平瀰又搖曳不資

白日遊了了鏡中睇近堦人烟稀致遠行恐泥就月息

徒旅柴門已深憩遊山非遠征節勞有終惠

留別陳元孝何不偕南遊二首

選一

春霾無時休舉動見述削美人帳層阿天路苦不擴出

門耿終古獨立時自却長懷三歲書永望雁南薄

雪夜留別龍眠孫臥公卽次來韻

江風颯颯摧江樹層冰凍冽衝寒具歲晏山中抱足眠

雙魚瞋破荒邨路呼僮起讀故人書長歌細字重欷歔

憐才不惜相如老猶記當年賦子虛聞說巨人凌大鼓

自把長竿羅繡虎忽漫相期澤畔吟身隱無文惜毛羽

爲君取酒醺蓬門黃雲漫野壺山昏高譚人定清謳發

客愁散盡延芳樽既醉論文亦紛亂夜闌滅燭鴻音斷

天風不上仲宣樓賦成千載空流翫進君酒別君詩大

江南北孫郎奇洗盞同澆屈宋悲丈夫棄繻投筆各有

時彼伶之徒庸得知重行行渡湘水排闥上祝融窮目

空千里奇句問天天聽徹蒼梧雲愁洞庭咽潭江千尺

少汪倫莫向岨花悵離別

酌雨

老惜逢人面休嗟知我稀不才蒙俗遣何恨與時違荒

國朝詩的

卷之四

湖廣

三

飯充長日攤書戀舊幃小牕新雨過貪看百花肥

高柳方塘注晴樓野眺周荷天供老宿偷學避時流舊

宰安王粲窮交藉太丘文章兼得失敢負寸心求

鄭聖來具舟載酒招同唐十泉車涵夫與三太史

陳百是鄭秀子遊冰溪次秀子韻

懷玉饒仙宰花城百里封山藏黃谷寺雲幕武安峰竹

樹迷村塢江扉聚水春還看纖月落天半下疎鐘

毘盧閣

閣距雲僅只數武三折危磴始達予與錯公孝思稱潛就宿閣上夜分看月翌日雨

至始下山

陟磴窮無際蒼茫入白雲一龕烟杳靄萬壑樹氤氲月

上諸峰靜山凝下界分天人歸太古端可證聲聞

還濤谷雜詠 選一

風梵聞清夢朝光入望中山迎千嶂雨水滙一溪風巢  
鳥銜烟出洿魚接澗通村居幽事足纔覺萬緣空

過唐質生尺亭不值晚同小邨醉吟三首 選二

懶作陶潛乞寧辭賤賣文山空長不夜月好盡離雲對  
酒悲歌共論詩物色分終殘老夫興竟夕未同醺

十里行無賴君家始見山月經寒樹上門列數峰關茅  
屋詩封壁青燈酒破顏桑麻有真隱雞犬近仙班

同陶五徽過舊落魚塘坐馬公新剎有感四首 選

國朝詩的 卷之四 湖廣

四

舊識靈光殿魚塘幃幕開重門仍鎖鑰壞道此樓臺  
草熏風轉官蔬照日培百年遊豫地曾見象王哀

聞道淮王第元臣擁騎過前魚食是舊此地愛施羅縱  
酒陶彭澤論兵馬伏波相看交涕落迴首一搔歌

陶仲調先生出獄後寄懷二首 時子就節衡山

湘雨連三月衡雲雁不通使星傳到益匣劍會離豐痛

哭經年盡歌騷此日工生還徒有節休訝白頭翁

底事從悲笑無人解福堂自天挹黨石有佛護厨香心

悅超諸乘書成致百祥了如常住子應見轉輪王

贈別同年費瞿如赴玉山幕

三都賦就五噫闌湖上殘枝戢羽安幾地同看雲幔嶽  
長年共把楫驚瀾達夫就翰寧辭老子美依嚴不爲官  
莫漫士元輕百里玉山四照有棲鸞

壽陶仲調先生七十

束髮從公記旦山壯心銷盡鬢毛斑幾年離下微君懶  
一代山中宰相閱焚硯不成人更賣賣文無補自加刪  
陶家應有傳詩譜揺手兒童尚閉關

寓邵陽特柬長郎楊鄂州

法王殺活事如何漫道輪刀未伏魔人正頭然思撲火  
烏當命盡真恢羅已聞痛哭長沙久又聽離憂澤畔多

國朝詩的 卷之四 湖廣

五

南國應無東海獄早蝗何事屢干和 時帶典大獄

贈周麓起五十

年過半百自驅愁暮景飛騰見爾儔天地尚容人白髮  
才名何似衆清流荀卿學禮真駒隙翁子遭時果置郵  
潦倒高秋開乳醞與君就老醉鄉侯

報贈金式菴先生古留堂徵詩四首 選二

奕葉箕裘累代恩吳江車馬耀于門阮家地旺分南北  
王氏才多總弟昆望姓服官仍嗣祖大儒祝室不離邨  
雲龍四海從相逐尺木靈修認一源

風雨瀾翻世態浮此堂如見古人留讀餘萬卷思家學

買盡青山遜舊丘少伯五湖終晦迹平泉片石枉詒謀  
期公待詔南還日應爲前賢記釣遊

邵陵太守李子受在駕見過贈子有作次韻二首

天風屢下故人書相教逢蒿自理鋤已荷憐才逢太白  
不令作賦老相如雲封谷口從除逕酒熟牀頭任剪蔬  
幾度清秋詩思發呼童時起北來魚

嶽雲開盡展薰風千里湖湘浩蕩中兩郡彈冠占去就  
一時分陝治西東言詩爭近匡衡樂挾策潛窺賈傳功  
聞道昭陵多臥理長沙借寇正從容

次車孝思先生見懷元韻

國朝詩的卷之四

湖廣

六

陶公門館肅高秋下士聞聲不可求維岳幾人成老宿  
環湘萬里逼清流欲攜縹緲棲蓮社徑訪滄浪繫釣舟  
自笑白頭歸計晚青山迴首獨登樓

晚梅

二月寒梅始放花橫塘屋角數枝斜已知香力爭春暖  
尚逐東風綻雨華見到懽如逢故友折來人似在天涯  
餘君玉樹晴添色綠柳芳堤燕語譁

庚戌正月又得新安故人程玄贊寄書二首

選一

怪說新都亦速窮早財何處仰薰風湘南魚米千江集  
名士妻兒四壁空皇甫幾能迎逋客馮驩那意侈歌工

春來訪友聯吳郡爲問齊雲雁字通

十念詩選一

念武陵也楊公嗣昌受先帝特簡以督師聞部  
辭獻逆公誓諸師從生得獻獻垂盡會守襄撫  
軍某失利獻潰圍出陷襄陽公嘔血死踰年獻  
陷湖南數郡常切齒楊公曰二十年健漢被他  
爲破膽子乃同掘  
楊之墓報怨而西

高名颺起扶孤魏哀罷承恩應采薇殿上錦詞雄御筆  
史臣博辨圖危機輸人一紙全忠盡饒賊頻年被膽歸  
身後凌烟何處覓忍看彌路拭塵飛

王岱

山長了菴湘潭人

擬古

國朝詩的卷之四

湖廣

七

朝重茵暮草席石子岡頭血汗赤爲我語石慰此客魂  
人壽非金石骨血安能與子存白日昏翳天爲不光風  
霜慘澹沙塵黃爲汝洗此車輪腸母爲氣結橫穹蒼  
入平康心腸悲還顧曲涕纍纍環視辛苦俠邪子總此  
故國羈孤兒故國不可道羈孤復誰保攬取明鏡姿雲  
髮亦徒好龍蛇血戰征誅成流離一代皆傾城造化遂  
生不適性天地雖大何不乎

鋤園作

憤情生理廢田園徒虛張一望蕭艾榮疏由翻萎黃芒  
茨在我眼不但瓜豈荒吁嗟荷鋤去開此籬落光棘蔓

豈不深一掃無遺芒不使非顛除安能存秀良  
不時土膏失雨暘何如偏此物焦土還蒼蒼物類故並  
育雜種終相防徒傷天地心煎迫回中腸

和戴楓仲先生見寄韻

文章亦有神如君道最古偶來車馬場任情無仰俯軒  
冕既屢視時流亦棄吐獨向老鄭處一日過三伍博奧  
究原始考訂辨釋詰資我未見聞饑嬰飽甘乳逍遙杜  
德機混沌藏神宇披裘六月中姬豎任狎侮世眼淺窺  
測心胸有宰主入塵自不染志節老稼圃懷人千里間  
霜風衝雁羽開緘備情文展卷頻起舞樸畧見古人真  
國朝詩的 卷之四 湖廣 八  
氣滿庭戶澹交多寂寞人略已獨取不似噉名客歸榆  
私樹桐

垂老歎次金會公韻

正戊十二  
月燕郎作

三十年來斷中饋一也飄泊非高寄兵戈聚散不記年  
兒長孫成嗟遠離依稀面目疑夢中他日重逢應難識  
一自京華復量移寒暑七更成况瘁官寒調久似黃楊  
力憊遂窮如老特豈僅腰折向督郵更欲低頰下胥吏  
長安雨雪每愆期零祀年年京兆地喧闐金鼓步長衢  
漏盡趨蹌歸日墜耶郵故步跋蹶終寒裂重趼暑汗漬  
誰是陰陽調燮人辛苦閱世唯下位廣文先生亦何辜

戴星披露供驅使羹牆空設虛無人誰復擔簦自行贊  
竈冷應知灰不然才小名微百憂至卽今歲暮途更窮  
逋索鑽身諸蜩積比隣老友方木天冠冕南宮真得意  
何事仍歌懸罄篇仰屋低回歌再四人生缺陷最多端  
厚實名高邨全備君今澹墨已題名况爾鸞坡讀中秘  
索米長安盡美名豈似余衰世遺棄請君聽我垂老吟  
撫已自然一笑置

牛山寄生松蓋已得七言律六章韻限詞繁未達

神境恐歲月淹久異物失傳因復志以歌

牛山怪松最殊相枝葉咄咄無松狀有生不資水土力

國朝詩的 卷之四 湖廣 九

盤根直寄長松上旁有楓杉恥不傍婆娑虬蟠枝不放  
懶將直幹雲霄向附松名松無松同下垂偃蓋青蒙蒙  
錯節四合中含空五鬣七鬣孫枝滿空青石黛森鬱葱  
迴翔搖拽白日礙天清氣朗生雷風細雨容光無漏入  
秘密惟許朝烟通有時松花氤氳香游蜂一入疑蜜蜂  
人言其下多琥珀中夜寶氣呈英光靈怪中藏不自炫  
強回勁節成宛轉世上如今屈曲多如君自折奈君何

邦江遇杜于皇口占有詩

卽用于皇  
焦山詩韻

別來三十載尚復滯三山身老詩能穩名高氣愈閑借  
杯澆礪魄 是日同樓得句當躋攀 于皇示開口堪同笑斜

陽醉不還

別悰如許在及晤語無多于皇贈余詩有一別三十年詩成幾萬字翻是語言難立

談僅三四偶爾經桑海非因戀薜蘿慣窮無慷慨遊老熟奔波獨有名山業年來幾揣摩

施愚山有詩寄懷卽韻以荅詩訪愚山吉州先余設鐸安鄉在洞庭中

別來飄泊甚又上計偕書老至才先盡貧添術轉疎渡江慙父老歸隱媿焦漁搖落湘潭宅遲回未定居

二檀懸澤國塵市雜蛟居林漲棲無雀城湮網聚漁猶山秦有火探穴禹無書頗似鄭虔謫台州音信疎

穀日同拾殘津公游碧泉因宿唐魏子宅

國朝詩的 卷之四 湖廣 十

晴色草羣動寒泉始汨流龍湫何口寶靈草四時幽雪迢巖嶺煥烟生樹葉稠無塵波自洗不夜月先投翠滴

青山入沙虛浪白浮梅花前索句人日後重遊春氣忙如蝶餘生聚似鷗苦蕒諸佛壞舊有蕭瑟數邨留若耶古寺

人難遇瓊漿飲謾求舊有山農呈苦茗樺子割鴻溝童山

爲巖野燒連霞赤春銓帶雪箬敲推今賈島潑墨舊僧繇白社驚三畝青門賤五侯莫憐良會晚俯仰共滄洲

書津公扇用袁參嵐韻

亂留豺虎未招魂畏向寒溪問里門家破更無知已在交亡猶有病僧存蹉跎白髮風塵色偃蹇青衫涕淚痕

握手重逢話疇昔牛衣中夜不曾溫

憂歲

疾呼雲漢未昭回野老憂天謾自哀淚血千行難化雨腸輪九轉不成雷救荒無術思休粒換米何人索畫梅不及陶潛風味迴饑驅猶爲問村酤

龔芝麓先生見和趙韻再次以報

五度春明過隙忙一經終飽甕蠶黃客摩驢背千山雪旅夢腸聲百草芳愛士尚餘嚴節度不材甘棄孟襄陽新詞捧罷窮愁減漫擬奇文愈瘡方

陶仲調先生以詩見懷和韻寄之

國朝詩的 卷之四 湖廣 二

廿載烽烟久各天尺書無復雁魚傳松風每羨通明宅故物深慙子敬瓊共歎直鈞難着仰誤將方柄欲投圓新詩讀罷添歸思應向滄浪問釣船

寄程青溪先生

風流文采舊香山健步林泉芝木顏塵尾松間塵自遠碁聲花外晝長閑機鋒三昧偕高衲點染千峰付小蠻近日山陰欲乘興雪中無棹漫空還

題周樸園讀書樓

一樓高寄大江東建業山川在眼中花草六朝歸謝眺雲嵐百尺護元龍時因動操來清響便欲高歌起大風

拄杖不須兼勝具捲簾如已歷鴻濛

拄笏朝來爽氣浮虎頭遺筆滿滄洲全圖松菊栽陶徑  
盡掃峰巒入米舟見說庾公猶逸興慙非王粲未登樓  
石頭高踞秦淮水便擬乘槎泛海流

送趙國子遊粵東寄懷吳錦雯司李

遊子擔簦向廣州西風蕭颯賴江頭烟花百粵難爲客  
陰雨南天總是秋此去好將琴碎市何人解贈麥盈舟  
國子家有崖山鵲鵲能言語莫漫臨深起舊愁  
三喪未舉

自古番州寶玉卿千金陸賈莫愁裝珊瑚網去嘗盈尺

茉莉西來不變香採藥應尋鮑靚女觀風須避夜郎王

國朝詩前

卷之四

三

故人舊有投香節爲乞羅榜作報章

步曾旅菴韻兼柬于慧男

時慧男  
令虛陵

怡盡清流白馬津花源何處避秦人吟成綺語難超劫  
畫取青山不救貧度世空存菩薩願濟時須現宰官身  
欲知化俗文翁異尚有無懷以上民

和陶五微燕臺旅感八首

選四

柴桑賦自歷三都中外寧分枯與腴似惜里儒迷亥豕  
故令夙慧識之無涼秋北望嘶風馬明月南飛繞樹鳥  
最是撫髀留慨恍政辭沙漠費奔趨

抱膝非終臥草廬有心人豈世緣疎預知荆棘埋銅馬

未忍妖氛蝕玉蜍聊向石頭留故節幸從複壁讀遺書  
紛紛曲學多阿世新美封禪並欲鋤

逋客天涯久失群驚逢握手慰勞殷一人已足稱知己  
三戶真堪振楚軍免俗何妨聊爾爾立言須合未聞聞  
風騷余豈私鄉曲斯道今人久雜氛

回風高詠載雲旂此日猶餘爽愷思歷世遂成三折技  
潛身時誦五君詩無心舒卷行藏合時措中邊左右宜  
更有閒情添畫意欲將持贈與君怡

送董蒼水游浙閩三首

選二

行盡天涯不收餓仍將垂橐貯新詩千金慷慨裝誰贈  
國朝詩前

卷之四

湖廣

三

五字敲推句謾貽李邕久無登第媿郭隗難遇築臺時  
寶山空手君休訝舉世難逢一已知

疲驢淹蹇踏嚴霜起舞聞鷄志未忘謀醉督郵聊識面  
持螯公子久無腸泛湖正在雪初霽觀海時逢波不揚  
時浙閩  
初蕩平

和陶奉長韻

飄零冷席天涯久喜見湘南故里人自是名家多紹述  
居然物外出風塵素心累代交遊少世好如新晤對頻  
爲報梅花芳信近看花莫負 帝城春

題畫桃源華陽二圖寄陶仲調先生

義皇一枕北窓中風味陶家先後同不羨洞中忘漢魏  
更勞漁子有津通

此後無人更問津洞中虛負武陵春豈知栗里遺風在  
依舊桃花作主人

初無彭澤歸來事豈受山中宰相名一片冰霜門館肅  
冥心高坐聽松聲

寒泉幾疊雜松濤萬壑冰霜閉戶牢莫謂桃源忘歲月  
此中桑海坐來消

王而農 衡陽人

感遇六首效曲江體

國朝詩的 卷之四 湖廣

漢南嬋娟子臨岐憂清露羅襪惜已微中心良有故美  
人去我遙思之若晨暮枕簟抱餘寒肅肅驚竹瘧

寄友

我居雙髻峰風雲常相護雲裏忽逢君不畏憚龍妬在  
再十八年夢中時一遇譬如雲隙月隨處時偶露不知  
東升烏何有西沉兔明明雙眼孔誰者爲新故薪易火  
居然千秋爲旦暮同君宿郊菴四目還相注遙望雙髻  
峰南飛繞湘樹

深秋望歐子直

蕭蕭夕吹外雲歛一痕青杖屨隨天地山川見典型借

暮遲晝紙釀酒已登瓶但覺閒情損歸舟憶洞庭

因林塘小曲築草菴開南牕不知復幾年晏坐漫

成六首呈桃塢老人暨家兄石崖先生同作一選

七尺一絲存餘生半席溫浮漚仍往迹田土認誰恩飛  
鳥消雲際幽蟲蟄草根小東臯畔客今日暫招魂

衡山曉發

輕衣輕履歸心就翠微江空雙古岬天小衆山圍嶽  
氣雲侵縣壚烟月掩扉松杉回望裏一谷曙光飛

綠潤不知冬嶽陰第幾峰身輕隨白鳥裾冷夾青松江

國朝詩的 卷之四 湖廣

偶望

平田無邨素光何稻葉娟娟浸碧波白鳥試飛疑遠浦  
立雲微斷影高柯墟烟小困雙灣樹砌葉全低一徑莎  
不礙小牕消午睡鹽烟孤裊緒風和

郡歸書懷寄懿菴

雨滯花殘不解飛此身無主更無依乾坤何處到清晝  
生死難忘只翠微捲幙暮終歸燕緩敲尊歌闌薦魚肥  
如君貧病真天上莫惜清秋共釣磯

重登回雁峰

碧樹江烟小散愁青嶼雪鷗又重遊朱甍如霧迷雙岬



綠草當春覆一丘縱酒華年凌石級題詩夕雨認高樓  
漁舟戰鼓皆今日慙媿乾坤一影浮

遣懷四首 選二

求仙無訣問蓬壺縹緲神山一片孤溪水冰融隨岬澗  
天風霜起任桑枯田疇死記盧龍塞司馬生慙瑞獸符  
爲問今宵寒夜月照來還似舊時無  
乾坤極目不消愁生事崢嶸祇敝裘漁艇可容人釣雪  
故鄉還似客登樓探梅的礫丹砂蒂問月殷勤白玉鈞  
儘有風光相假借無妨孤棹試中流

楊山松

長蒼武陵人

國朝詩的

卷之四

湖廣

三

歸化寺再與羅大言別

一日不登程一日一握手今朝別始真傾倒把君酒約  
略弱陂盟十已驗八九惜子與石鯨中被宦情誘甘使  
萬里身黽勉落筌笥可憐費青鞋向人卜消受鯨也天  
限之齋志困牛後之子當如何暮氣未申酉經營遠遊  
局如此算結否翻不如白藏謂弟梓閉門甘墨守老夫懲  
二子持籌良已久意中期縱橫不啻汎牛斗寧知天所  
賦能不掣人肘還恐負使君反脣藉之口

韓山絕頂看海上日出

陽鳥鼓翅海遙沸形質未昭先有氣氣如挽弓思挽強

寸寸取盈無剩義不惜胚渾渾伐洗頻三躍三投方攬轡  
細數天官象緯中程材不易充茲位抵觸胡爲翳且靈  
也向風雲卜鈍利年年三百六十九日日經天無竭蹶  
不信停車及飲馬瑣屑由人占宿次我欲爲君察其際  
目所不及攝以意莫須八角與四輪取給諸方各分顛  
拜賜餘光及大荒全力注之海以內此時觀者亦神王  
索鑰元氣與之配毋勞管測各殊科罷遣腐儒甘石董

綠羅山

一生看不足疑此弱烟凝靜覺蛾輕歛虛惟影自憑飛

詩需雁字寒葉點魚留坐撥孤琴冷清音寫未能

國朝詩的

卷之四

湖廣

三

雨阻高沙市

通知今日雨容易未能晴晴寶奔逸蟻溪痕深刻隄風  
彌添夜勁雲不解山醒緩急由天意無憑是客程

朝雲墓

萬里投荒客崎嶇獨爾從居然羈縻事甘與禦窮冬異  
域同牀夢逢場悅已容幾多寒食雨憑弔足音蛩

次陸章齋魏水村見贈原韻

我有存亡兩世書天涯披購廿年餘孤桐野火愁焦尾  
細字青燈辨魯魚忠武出師原利鈍魏收穢史孰搔除  
東南夜氣煩公等圭臬今堪南指車

試叩陽秋杞宋間明妃誰爲惜雪鬢肯留頰上毫三在不妬蛾眉黛一灣史局自當憑月旦國門原不敵名山向隅垂老孤兒淚今日逢君一破顏

雞薏

薏或作攷謂其出於土也義通

試問神仙肉石芝大都臭味許差池河豚絕美終輸脆蛆雪浸浮似竊脂乳綻蜂房分滴滴潤回枯腊裂絲絲系從戊巳胞胎出適用扶衰快補脾

過柴村訪羅浪穹時升柴村在大理

石公橋畔石公村新雨何人尚到門懷橫海阿翁具茨先生也刺史

國朝詩約

卷之四

湖廣

元

遺編煩汝訂老人有憾對誰言當年滕薛雖爭長他日莊曹得並存浪穹爲橫海姑婿遮莫故鄉能月旦不須持向子將論

雄溪飲賀天放奇草堂次韻四首選一

德操猶是逢人好正則如今不問天既許漁人通短棹恭承晉曆共編年好游遇蔗將濃境似博呼臬看幾旋每憶論文相視笑敢忘畫荻酒壚邊

圓灘

圓灘又渡大夷南高竹斜臨斷岬潭箇箇小洲殘局子團團茅屋一九函初晴天外峰爭出宿雨畦中韭尚含

先饋玉漿慙老媼鄉心撩亂客難堪

木棉

柴門竹塢看枝枝百尺參天影不欹絮以楷鹽殊苑柳花因紅紫別辛夷力爭大厦寒俱庇伎等蠶桑手不龜千古風流推白鶴白鶴峯東坡手植五株好憑玉局受人祠

次韻荅香山何方諸輩道何象岡叔子

高閣吾徒久束之天涯邂逅不妨遲久拋夙昔蘆人夢莫續編年栗里詩他日捋鬚憑說虎此時完卵託何枝肯憐夏肄承寬政不責清流已仆碑

袁彭年述之衡州人

國朝詩約

卷之四

湖廣

元

壬辰元日

羈棲依舊隔年身過眼風光跡又陳題句忽驚更甲子振衣猶憶上星辰烟深兔苑三冬過歲晚鴻音萬里新歸夢已隨梅信往青山應笑倦遊人

喜門人程周量舉南宮第一二首

捷書萬里下江瀕往事曾驚相馬歎豈是吳平先獲陸須知奚入定空秦銅駝棘裏花前客烽火城邊劫外身風度一時推領袖中原文物曲江新

大科芥拾事平平詞賦還高入雒名十五國風新祭酒三年講席舊康成撥灰衡嶽他時夢避舍廬陵此日情

知爾妙齡饒定力看花羞逐馬蹄輕

陳五聚 史占攸縣人

早發中湘過周伯孔帆園却寄

一棹晨風發蓬門逐听封墻垂新柳碧樓映曉山紅花  
事春將晚詩情老更工夜來江月好拈韻與誰同

西水寺

垂老慵登眺秋清步上方披雲穿野徑過雨立殘陽竹  
小吟風細山高入夜涼久憐疎法侶今夕宿禪房

晚步開雲嶺遙望湘山有懷郭幼隗

少陵詩與近何如懷玉歸來未有書過客爭傳憐洗馬  
國朝詩的 卷之四 湖廣 三

愁人時望致江魚行藏斗北星猶暗身世天南戰又初  
日暮衡山頻極目白雲何處是君廬

憶故園

踏遍高烟迷水涯邨邨鶯老送桐華巢傾鳥亦如羈旅  
春去心傷到落花伏枕夢隨孤雁遠還山人逐片雲斜  
蕭條放廢成高蹈不禁東風起暮笳

衡山署中遲陶五微年友不至

雁影雲間望屢空舊愁新恨兩無窮乍寒天氣陰還雨  
高臥花源西復東塵榻早看開翠幕詩情豫擬倚簾櫳  
孤蓬肯破霜華曉杖曳晴嵐步上封

龍人儼 石蒲武陵人

無題

苗必造其極始得返自然蟲鳥皆吾象意在邈斯先所  
恨古人遠不見我法傳如日力可追誰爲作者前巧能  
不傷雅藝乃道之宜小智盡矜術君胡穆以恬素心論  
晨夕澹交久歷年有時畫滄洲四壁凌紫烟有時豎一  
議風雨驚百川徙倚浩歌發一往心茫焉相對盡微尚  
松花響石泉西嶺有寒梅可與君爭妍所妍非逐好吾  
自問吾天

丁酉夏六月沔上喜雨孫至詩以勗之

國朝詩的 卷之四 湖廣 三

太丘道廣卽吾家樹結生薑話足嘉玄象蛇吞聊自擴  
僵桃李代未堪嗟賦成鸚鵡終何事鼓列漁陽莫漫搗  
秉此寒淵思令德浮雲蒼狗笑空花

村居

鴻蒙未了但羹牆浮慧嗤子拾藩忙好月到懷誰共掬  
清颺拂幌自生涼別無奇響驚空籟惟有新醅發老狂  
却笑酒醒仍故我曙烟殘磬逗匡牀

何初 常德人

汎舟桃源

出門見山川耳目欣所遇野色一孤舟蒼蒼有寒樹漁

人網深潭事畢無餘慕我行非被驅旦旦愁日暮新月  
忽沿溪梅花在前路

簡徐芳 在雍蔚子長沙人

詠荷曲

朝香送遠風月宿照清渚愼莫盪舟來驚飛鷗鷺侶  
郎欲儂蓮子不顧儂摧殘笑郎壞儂身儂心早未乾  
郎手折藕中芙蓉改前日不惜花謝殘見蓮心苦實  
嬌姿仗葉扶採蓮莫棄葉若將花比顏惜絲如翠縹

過礬石作

山川乃漸平風力受帆輕石壁一舟迴群峰相與峙秋

國朝詩句 卷之四 湖廣

三

容何澹宕衆妙醒微醒蘋藻絲如濯蘭漿渾不驚天空  
忻羽翰山僻謝簪纓海上有凡鳥維鴈不易盟江漢有  
常魚維鱗不黨行嗟彼中流者居然懷聖明

雨中一鷹爰止于木

亦知斂羽翩翩然就寒棲噴沫不復已跼蹐守其隄繁  
蕪夫何盡離奇相與迷徒自誇鳥豪骨性不能低葢薄  
各自啞胡爾衆則啞潛爲物所怪顧盼咄群鷗健翅猶  
戢戢本質薄雲霓瑩然保矰繳風迅與之齊

春郊雪望 望嶽龍

步雪暗郊郊異面峰峰貝錦光如散卷舒大地作波瀾

神功點綴何其便山高水深聚一區渾合崎嶇照婉孌  
風雲日月如常人得此異物生姿盼不然庸碌溺喧譁  
可無素士爲之殿故知衆心皆有春先以冰雪洗塵甸  
嶢嶢翠梢辨亭落塊岳烟浮勢奇變雁陣穿江爪亂雲  
影拂白光聲片片一身炯炯山之阿直欲輕騰周覽徧  
留別黃鶴樓

始予發天池瞻望黃鶴忻解頤明日倬歸舟黃鶴之西  
水北流秋聲漸瀝結林響夾听江邨烟雨浮中有一葉  
領寒江手拂雲岫風颼颼黃鶴岐嶒指星漢鬱蔥明滅  
光華亂窈窕白雲飛煜煜三英粲顧余留且更復留豈  
國朝詩句 卷之四 湖廣

三

惜凌空生羽翰仙人亦自愛常名不然羽衣笙鶴胡傾  
城朝飲木蘭露夕餐秋菊英三萬六千日有如風過萍  
下觀閨闔蒼蠅聲煩爾悲懼詆復驚靜言思之且酌兕  
觥崔顥題武昌李白去而賦鳳凰癡人妄作解取其疑  
似以相當辟如剡溪汎雪王徽之乘興而往興盡而還  
高士心胸不可羈那能逢境強裁詩十千酒一竿絲如  
彼漁人渾不疑以手捫天探廓落淙淙漱玉在樓閣  
聽徐客之山人彈琴歌以贈之

涂山人意瀟灑磊落袖拂梁園塵氣槩凌雲曾鄴下少  
年結俠唾侯鯖千金脫屣不顧者笄市同鳴燕趙聲酒

旗占斷秦淮社雙屐雲收素秋一牀明月消悶夏心  
輕博陸好奇窮結撰瀟湘營片野片野安足論此中多  
素心書生暇日無危險但得斗酒澆霜林蠶叢著手開  
奕道宮商度曲變鳴禽與君相識亦云久相知寧復從  
衆後君善瑤琴我未聞清徽剪甲寒夜扣北京時似河  
朔風淒幽滿座神出守換頭歌拍水龍吟指代古今絃  
有口清宵對此能不悲莫惜華燈引滿卮躁囂怫鬱爲  
君盡聲響移情非所知

菊花雨應蔡江門公祖命

菊花雨花神苦花氣寒傲側舞菊花雨潤花譜褪塵容

國朝詩的

卷之四

湖廣

三

更勁嫵秋雲雲黠餉秋山秋風花事已闌刪國餘數本  
一開顏抽黃對白盈其間不知澆摘幾經板葉珠粲粲  
出烟鬟主人計日賦高閣日臨周遭三四環叮嚀乎狂  
霖太妬聲潺潺日爲脂粉洗珊珊濯錦益鮮窮窳幽閑  
何以酌之玉壺清酒何以捧之纖纖素手何以詠之白  
雪吟何以對之素心友菊花雨南山不必見東籬不必  
叟有敵雨之興與人差無傷于寂寞否

山房書事十首 選二

曲沼如宜雨荒榛亦自花荷鋤紅濕後印齒綠陰斜松  
響鶯飄夢梅痕蝶散霞一廬交草樹得意羨浮槎

無才理世法乃爾肆孤騫光氣生虛幌晴雲暗遠邨滌  
胸泉石重寓目古今存擁卷非徇癖寒暄不及門

雜咏十首 選一

曲曲通幽殿林花避世人雲歸山動靜雨洗竹精神獨  
坐初香觸同居往聖親有田僧早理官稅不論貧

汎舟暮歸

一葉與波通江寬試遠風片帆明月外歸櫂怒蛟中  
我欺前岬疑天轉右峰閉情等烟水得不礙魚蟲

泊舟岳陽之南津二首 選一

舊尉印寒汀蒼茫遠出垌湖舒千里目嶂合一江屏旅

國朝詩的

卷之四

湖廣

三

船分青黛秋風眉綠萍豔心波浪捲踏響入山靈

新燕

一番花事一傷神獨自深閨獨歎春  
歸飛何自悟微塵山中入幕稱賓客竹外啣泥問主人  
猜畏不須吾自許出門風景遍尋尋

已巳人日訂業白泉庵中

幾回心約與春期性是精藍坐臥宜天結一菴雲外影  
人歸諸界鳥中窺再盟方丈維摩室續構東林惠遠詩  
一拜門符成往事首粘戒律是歸思

晨雨東吳去慵

清宵布被那能安何自濛濛厭竹竿入牖纔通天一線  
披衣不免食三餐山僮愛夜猶尋夢林鳥喧春不解寒  
風雨莫將嫌卻掃詩文相訂得相歡

雨夜飲賀兆聖先輩宅

興酣問展卽爲歡愁緒從君領略寬縣僻市喧猶野境  
身閑士賤亦尊官茗香初熟厨烟細庭雨空濛燭影寒  
更快忘年無禮數呼紅意滿未曾闌

贈澹姬六首 選二

羅帶秋寬臂釧鬆檀痕珠淚倚芙蓉應憐明月虛聲步  
莫遣遊絲繡履逢

國朝詩的 卷之四 湖廣

妬盡鶯花十四樓背闌何意理筵筵相看祇取臨牕月  
空有雲城不鎖愁

楊 勲 吳氏武陵人

老遇堂十三首 選二

六親盈我旁妻子牽我衣本欲同苦辛此去將安歸日  
出東山隅正照西山薇荒田又磽确不救十口饑老牛  
將疲罷日耕一畝微驚蟄始力作夏至草芳非天命人  
難齊此計非吾非以此決西山薇筍甘且肥白首幸相  
念縶絳開柴扉

仲春二月雨夏六月不止陰雲泄沓來所射無遠邇樓

船泊阡陌魚蝦沉竈底此異詎嘗聞巷遊交塞耳清晨  
整龜策既下兼筮擬策亂龜食焦重疑汗如此中心大  
拂張傍徨隱一几老友挾雙僮匹馬渡橋圯平生霜戟  
髯萬事值杯水持計請周詳淚落數馬齒開壘慰遲暮  
僅得一飽喜四山起昏昏與君隔尺咫

冬將卜居餘仙舟次漳江投寄闕褐公先生

歲叙日阻暮舊學溜消退勇智兩昏頑清思惱脾肺餘  
仙豈云遠草石吾所愛窮荒是非絕久矣人事廢十年  
夢見之置牀安井碓捲衣束殘書老馬踏破塊頗愛漁  
梁聲水激白石碎買舟溯清溪柔纜回狂瀨衆力如飄  
風篙工執鼓桴延泉霜月清潯陽雨聲大平明渡江來  
孤城正靑靄迴風千丈長葦蘿拖微黛官長清且嚴壘  
粉無狡獪患幾甃瓦寒老我此頑憤况有先秦人衣深  
簪瑋珞何當與之游從前聽分北

訪蛻骨鼉池菴

高樹隱柴門綠水橫兩板中有上古人滿月衣偏袒我  
欲與之言呼門已喉早胡爲出門去孤雲棲無伴桴菴  
迥不開四壁飛奇欸層磴窮追扳白日忽向晚婉婉不  
能歸炊香發枯獻我欲往餘仙百里無飛輓寂寞水石  
佳願與同偃蹇歸時兩足罷秋楓自飄散

次褐公先生韻

旅泊二十日目不見青翠但見燈花紅機欸攪清睡昨  
目見蛻公言公有異質已知千里路樵車蹇莫至奇夢  
傳高文琉璃開頂次豈似伶仃人頑憤無深義思欲贊  
莊嚴數更不成字

曹胤昌 石霞黃州人

大孤塘阻風 用子瞻韻

我羨匡廬巔風帆乃龍遣前身坐蛟辜鐵鑄教不轉餘  
生已波瀾波外茲波衍乾坤合坎流涿鹿卽善卷安知  
煉形飛不開太陰喘圓澤笑重來僭瓊拘生反何玆沮

國朝詩 卷之四

胡廣

主

槃心而厭死生繭江湖陽鷺身浮立任深淺

淮陰七夕

郊外荒源水長橋亦此橫盡言歡是夜復有怨爲聲葉  
落琴樽冷秋高河漢平夢魂牽絮被歸思悄然生

感時

夜雨名山禮少微泉香石齒卽來歸教兒學劍寧操耒  
與客謀生但採薇百里虎訛天上事三江濤隔嶺頭飛  
鹿門自笑非真隱十口勞勞製薛衣

追和黃石齋先生秋思詩

五雲樓閣架虛空倒撞橫竿作用同湖海弟兄懷劍內

王侯因果佛仙中眼清彌勒堂前怪頭打滕王閣下風  
鐵笛孤吹誰和得銅琵琶起大江東

藏身著脚忍談空打坐提刀佛事同豈有神通非日用  
只將談笑了師中清霜透骨撐千爽苦海穿心過八風  
瓦礫自來金屑在無人知道古牆東

賈至言 又山武陵人

從安慶渡江陸行黃湓道上作

皖城非無春皖江不變酒揮手渡南行江南何所有榮  
花香未殘茅屋當村口曉霧散復高看山失妍醜問農  
可無饑麥秀在其畝問鳥何長鳴鴟鳩呼其友披風骨

國朝詩 卷之四

胡廣

主

珊珊十里便倦走飲水不須清憩陰不須久雲中鷄犬  
聲遊子動心否

金陵二章 選一

森鬱三山氣紅雲壯帝城荒臺留鳳翥古刹隱鷄鳴宮  
柳春憑綠街塵雨得清蹇驢隨處過官長莫知名

瞿龍躍 天門武陵人

蟪蛄

烏喙搏雖堅無能屈蟪蛄微物長陽剛極力學英武大  
地日月寬隻形闢疆宇靜息式經營高天等終古艸木  
苦勞塲殫心爲狠虎何敢循逸閒引彼或之侮旦暮食

剛風思以強肱股於何有無情不耻受其腐與螯蠹爾  
愚失算如狂瞽因循頽敗中大厦揺風雨碩果匪云亡  
畜山懷幹蠱煉石始媧皇至今天賴補

### 滄山

一段清光好自拏移書仙子鶴呼衙集鴉古木東西塢  
流水孤村四五家秋意欲傳桐葉老天高已放谷風遐  
經過不厭頻持杖眼遠千山色色花

### 關中懷古

謾題紅葉修箋陳解佩東風顧棘薪白水屢聞傳舍主  
驪山常作送行人狐尋宮殿悲殘土花老池臺惜暮春  
關中懷古 卷之四 湖廣 三

### 過桃花溪

肩輿撥石走谿頭我亦分來樵路遊一客千山家屢住  
百年四海足曾留青衫破照童松色短髮寒經老水秋  
咫尺屋邊山澗裏桃花帶雨對鳴鳩

### 花田

看花南海出西關一蹋花田草盡刪計畝何曾輸國稅  
餘夫正不罪遊閑燈月夜香爭素結串晴朝色去斑  
或是美人情未死化成淨土距禺山

### 舟行漢沔湖上

輕乘一葉看湖山日盡湖山百里顏甚可草亭開柳岬  
不妨客席設蘆灣新翻蹋曲和簫管徐思臨池灑墨編  
寄語江南金子敬楚饒風雅地偏寬

### 客輿

便賣文章三十年未曾瑣褻計緡錢都人不解纁三染  
賈客無煩受一塵風雪阻途思謫愈馬牛罷走念刑遷  
旁行不礙雙肱健灑墨官櫺字萬千

### 金山

塔影鐘聲韻大江波濤萬里隻拳降海龍不敢欺孤立  
尚有焦山作一雙

### 宿益陽瞿公山頂淨室晨起卽事

卷之四 湖廣 三

沙彌幾個夜經行鴉代鷄鳴是五更功課誦完清磬止  
開門放入一堂雲

### 送申右伯之廣陵

時客涇陽

三秋客子佩緇衣旅次多番賦別離酌酒紅亭常自問  
一身尚在霸橋西

### 石鯨

源秋武陵人

### 楊柳村

兼葭雖離披性與江湖樂笑謂嘶柳根生事原不各設  
身到山谷欲往無所着安能輕去鄉誰與對寂寞吾生



重本籍自守勿自削豈無寒風吹終始重相託如彼宦  
遊人結根念京洛我來九月天正值秋水落偶爲此物  
觸意欲返丘壑出門日已遠漸類荀離籜作書問故山  
無魚與寄卻扁舟何汗漫兼程赴子約風濤三千里自  
哂一輕諾

都中雜作

往事不堪對子說近懷徒抱向誰開漫歌白水難求解  
更嫁青樓恥用媒四海何須驚我在一身尚復受人猜  
長源全副珊瑚骨見任衡山歸去來

近狀關心惟藥裏倦遊短髮出莖絲註成素問家黃帝  
國朝詩句卷之四 湖廣

從事丹方學鍊師舊客羊何今已散貴人許史不相知  
中丞亦未車騎過顛顛風流杜牧之

和王山長

憶昔曾遊三泖湖姜橙親繪四腮鱸兩年虛負秋風起  
一夜思量明月孤痛飲只當謀老伴殘杯何事客京都  
陶潛種有義熙菊歸去來栽園未蕪

手板抽還辭未央孤臣無履足行霜乞全朴直江湖上  
不訴饑寒道路旁澤畔獨吟誰卜至酒泉移向當吾鄉  
聖朝例有大酺賜異想衢樽沾一觴

羅時升 欠一武陵人

湖夕

一步十徘徊一歎十清嘯此時此地好百里入望眺縱  
欲巧摹寫蹇縮難罄妙遠水鏡面鴻孤鶴橫江叫隔鄰  
聞歌呼水宿發餘調興起作詩人志氣能清要小舟真  
一葉半篙不受棹置之萬頃間簌蕩任浮漂玉繩慘淡  
橫潛魚潑刺跳洲渚林木佳蒿葦攢熠燿紛總總馭余  
路曼又窈窕非鬼亦非仙若騰將若趙黃昏以爲期佩  
纓以爲約先生睜不言听然發一笑

楚客行吟

笑放堂前燈黯淡枉山塔徑草迷離大言橫縱譚經術  
國朝詩句卷之四 湖廣

小伎流連託賦詞應聽一時傷好友卻超兩代哭亡兒  
白頭荒服驚猶在老淚橫流不帶淚

自分馮唐年易老况當李廣數多奇燈孤難禁懷深恥  
庭辱何妨笑受嗤久奉囚臣爲榜樣不因老氏是吾師  
此番學問竿頭進一字君前不敢欺

萬日吉 允康黃岡人

旅感

上院疎鐘曉閉堦積雨殘澤中鴻未集天下士宜寒種  
種數莖髮勞勞一片肝窮途惟伏友應作古人看

追哭艾千子時令嗣扶觀歸里

膚髮臣無恙當時事已非斯文將墜地先死亦知幾遺  
業驚殊域孤魂懸舊畿酸風吹劍水丹旄暮雲飛

費思居 瞿如荆門人

雜感

丈夫志四海輕離門前路手種桃李花不見花成樹春  
風不惜年吹花使春暮月華入高樓照妾機中素關山  
同明月思歸慮有賦遊子多苦顏饑渴盈百慮相望信  
同心相見却屢誤書來頻道歸霜雪逼寒露芳盛苦棄  
捐何取衰颯聚太息白頭吟豈惟茂陵故

百花望春風迎風生秀纈一夜狂飈惡花落紛如剝初

國朝詩約 卷之四

湖廣

詩

蒙春風榮旋受春風折成毀春風中不待怨霜雪

靈龜峰春望

危峰俯江臯江嶠聲根路飛閣榮雲立空翠來無數勝  
地帶郭偏遊人易坦步香暖菜花齊沙衍柳陰暮狎鷗  
輕自喜啼鶯切何訴望遠使情多春心各有故悠悠白  
頭人幾爲春遲悞

文殊菴訪古澗不值

落葉空山道霜林接上方孤筇凌絕險殘照渡橫塘沙  
淺虎留跡霧深花隱房遠公不浪出何事出層岡

立春日水南郊行

望遠雲山豁鄉心未可降年侵多病客春動可憐江沙  
畔晴喧碓漁磯曉聚艘地偏烟火澗猶見此敦龐

寄懷陶仲調先生

山深桐老散霜翎孤鳳威儀尚典型三徑未荒尋舊壑  
八州餘恨指新亭曲終湖上湘靈渺春到村南池柳青  
此日何從追几杖江天夜看少微星

早春訪毓止上人慧宗林

春淺郊寒入翠微遠公溪上立殘暉楊前怪石誰相供  
簷外孤雲祇自飛悟後瓢詩初脫稿種來庭樹漸成圍  
龍山往事空回首煨芋焚香總息機

國朝詩約

卷之四

湖廣

詩

江有溶 滙伯谷尚長沙人

聞石江擢吏科隨於邸抄中讀其條奏六事

奉詔蒙親問宣傳喉舌尊把來經世疏常似理家園  
天子自除吏夫人久不言長安車馬盛誰過楚江門

山居四首 選二

郊原雨足靜蓬扉許放山林老布衣地隔市城迎客少  
塵封筆硯苔書稀基當欽局知高下鳥向閨檐說是非  
消受竹籬眠一覺去年春盡尚遲歸

青泉白石坐忘機新整茅廬待燕飛時事急如春雨下  
名心懶似洞雲歸才疎寡合身先退年少能文貌已非

安穩何須頻握粟，猶嫌不到薜蘿衣。

同友人登嶽臨江阻風和果如上人韻

松風古道靜聲聞，久慕深山鹿豕羣。欲問渡船愁惡浪，恐迷歸路憶靈氛。僧無過是虛垂引，佛不嘗言絕衆芬。殿閣盡從烟霧隱，何時秋絮見晴雲。

同濟美友鴻訪果如上人重新古道林寺

樵夫相逐入叢林，城市剛離洞壑深。漠漠塵灰搜殿閣，陵陵瓦石定臺岑。百年蒼鼠開生面，一鉢黃蘗見道心。世事茫然如廢寺，耐人風雨細披尋。

同王翼之諸公遊岳麓

同王翼之諸公遊岳麓

美

殘碑古樹不知名，老衲居然作主盟。半日閒消千日累，更煩泉乳帶松烹。

留餉法華泉

飛來石上數峰青，遠眺衡陽近洞庭。人在半天尋路入，紆迴再憑禹碑亭。

由拜岳石取道觀禹碑

楊山子 仲丹武陵人

桃源洞

扁舟已入桃花源，往事何妨一討論。豈有此山堪避世，居然刻石強爲門。辰韓孤旅國終立，博浪一椎身竟存。二子避秦差有意，久留此案待余翻。

葵望山

孤流中砥獨稱尊，只有金焦可共論。惜以遐方成割據，

自非好事莫攀援。吾家題賞經三世，前代風流記二袁。

中郎小修此後遊此此外徑從馳道返有馳道我於夢得有遺言

劉禹錫爲司馬不聞到此並恨事

金簡 夢錫衡陽人

贈可山玄猷上人

卜隱由知足，蕭疎屋數椽。鼻香花供養，懷淡竹因緣。白髮無他事，青山到處禪。巖頭應自悔，空費娶妻錢。

晚步

斜陽山色晚離離，竹杖相隨步免欹。捲絕芙蓉亭外畫，

殘垂楊柳澗邊詩。倩梳短髮風無力，藉照孤懷月可期。

美

擬補移文封谷口，鐘聲不覺過林岐。

杜世農 較耕黃岡人

初秋新安道中

澗水同奔馬，千年石有痕。結茅隨地勢，到嶺近天門。俯視雲如海，遙看雨過邨。未須遊五嶽，只此已難言。

從容菴落梅同友人作

新晴同緩步，蘭若號從容。梅是何年樹，香隨出院鐘。江城吹笛苦，夜雨入春濃。尚可今朝看，吾將茗椀從。

程正莘 除只孝感人

青溪兄歸里邀同過夏鍊雲先生夜話

陰森竹栢夜光微  
奕罷疎簾酒陣飛  
月駐深林池水見  
燈張小圃草蟲圍  
共憐兄弟中原老  
自笑清狂昨日非  
極目青山無恙在  
結隣此際好同歸

王如琮

寶臣黃岡人

南樓懷古

名卿雅量適同時  
千載南樓址在茲  
縱使青山如過客  
肯當明月不相思  
賓僚夜集偏無酒  
憑弔年來只有詩  
莫訝望中塵障面  
新亭今得幾人悲

李周士儀

今公衡陽人

讀朝詩的

卷之四

湖廣

美

讀陶密菴先生哀湖南賦有感四首

選一

蚩尤一夕閃星旗  
憶是湖湘劫火時  
巨寇滔天誰養就  
連城解瓦竟何支  
箕冠橫帶皆猿鶴  
薄粉新妝失輓褫  
大帥重來思捲土  
翻令閭左怨芟夷

陶五嶽同年與余同出芝田先生之門不通問者

四十餘年今春纔一交臂悲喜俱集歸舟次中

湘却寄

盧鄭曾同絳帳遊  
中間慰問兩悠悠  
每思玄度如青漢  
待謁龍門已白頭  
閱盡滄桑成幻夢  
著成編簡擬春秋  
金風叢桂遲遲發  
乘興山陰放小舟

國朝詩的湖廣目錄

卷之五

顧景星 二十三首 胡 院 四首 宋公玉 八首

蔣之葵 十九首 郭 勸 四首 羅弘備 三首

陳聯璧 二首 楊州彥 一首 劉在朝 五首

陳維國 五首 唐時淵 三首 龍孔然 一首

陳肇昌 二首 胡 江 四首 李 貺 二首

汪文雄 二首 黃師憲 三首 尚正儀 二首

楊濬英 五首 李緩山 七首 李嘗之 二首

舒逢吉 一首 李必果 三首 周應遇 九首

國朝詩的 卷之五 湖廣

盧 綆 四首 孔自來 六首 劉懋夏 一首

程大舉 三首 李盈坤 二首 李震生 六首

彭 森 十一首 高 騫 一首 楊兆傑 二首

吳 嶽 三首 黃 鉞 一首 羅人琮 八首

萬爾昌 一首 杜世捷 一首 吳嘉驥 三首

許承欽 十五首

國朝詩的卷之五

長沙陶 煊奉長選

同里張 璨豈石同輯

湖廣

顧景星 黃公黃州人

江上

溼雲既已去清風亦徐回山容新濯出泉響答江隈漸  
覺村樹遠遙指湖光開數峰落明鏡一鳥帆邊來水從  
羅洲轉廻抱楚王臺燔石有遺蹟孫曹安在哉

蟋蟀

國朝詩的 卷之五 湖廣

秋至蟋蟀吟露重聲轉厲豈惟嬾婦驚竊爾壯夫淚天  
高烟月冷地僻莎蕪細振羽韻悠揚慢身於進退相彼  
橫草能不羨金距戲騰穴自藏機當場軒勇氣蟬蛸落  
衣裳蝴蝶毀金翠重汝鯁介情霜吟得幽意

征婦寄衣

有客發渭城言之交河淚霜閨各有寄裁縫裂端綺香  
停鉗鉞火熨煖齋微水切切兒女仁慙慙置如此今夕  
金錯刀宛轉向纖指晨裝就長道與君共萬里有家常  
寄衣無家復何似持謝衛將軍功成勿爲喜

詠三高 有序

三高士者皆宋代斬春人流俗莫能言偶感而咏之

吳瑛字伯仁英宗時簽判黃州以虞部員外致仕起吏部郎復起知斬州皆不就

伯仁起齋郎簽書黃州守入爲虞部員掛冠方黑首臨流獨長嘯種竹還漉酒歡笑迎嘉賓絕口不臧否青瑣就盜乞力田門生耦不顧尚書期鵬冠狎鄰叟世遠言亦湮著述曾不有高躅留史篇芳名僅身後

林敏功敏修功字子仁別號松坡神宗賜號處士敏敏修字子來

士敏敏修字子來

松坡節氣士少小負學術一舉偶見遺塞門卽弗出經通郭子橫名比皇甫謐隱處非盜聲率性不就辟子來

國朝詩的卷之五 湖廣

二

實愛弟豹席共牀筆湮沒無思篇零落蒙山集立言期不朽傳後反難必所望賢達人名山拾遺佚

題內府所藏南唐畫百馬卷子

開元廐馬四十萬天寶從龍最誰健夜偃火鼓延秋門盡爭莖莖咸陽店萬里橋頭百存一騎去東宮還幾匹當時剪秣盡凡才急難何曾見騰逸此圖滿梢僅百馬毋乃樂坊教成者細看不似臨陣姿可惜登牀汗流赭黃衫僕官三五人鏤花玉帶繡抹巾鬪前寶絡墜金鐙覆以羅帕承錦茵可憐賦破西京後此馬全爲承嗣有鼓聲應節反見妖血碎桃花死猶吼圖藏內府已千年

相傳畫手南唐前畫師有意惜奇駿不遣驅除供舞筵君看老驥還遭放儘有驂騑氣凋喪首荷難逢大宛種莖蓉屢溼邊庭瘴俶儻何須四百蹄壯觀爭多真畫師轉思騷擾不世出天子獨乘何所之

蟋蟀

守穴偏多怒臨門亦自威通宵鳴不息竭力爾何爲月寒蟬斷梭風絡緯移惟茲最感激涼露欲零時

皖城警角

欵起入江雲霜天動馬群驚看殘月上偏向客舟聞野哭聲猶昨淒風夜欲分向來魂悸處三駐武昌軍

國朝詩的卷之五 湖廣

三

夜涼

夜涼仍不寐城上隱悲笳孤枕先知雨閃燈白弄花蟬聲秋樹靜鵲動月痕斜未卜東籬興今年可在家

秋水

秋水仍相逼柴門影動搖兒童添釣瀨小逕曲山樵設網新防鼠鳴金爲迎貓免今年田租之半春夏雨漲蛟龍四起殺人畜無數秋耐化鼠害稼明詔下田野更蕭條去冬詔

消愁

落日萬山幽空林雨氣稠藻寒魚不食雁至葉爭秋散步如無病過鄰問壓筍盃來吾語汝消得百愁不

九日雨簡子星

沙上蕭蕭雨江頭汎汎船魚鰕通小市鴻雁滿平田令

節全無菊經霜尚采蓮昨秋卽山老鵲嶺集羣賢

醉寅窩

在大冶縣回山西北曰獅子磯地有平石刻醉寅窩孟德書六字北所爲散花洲公

勞軍處

曹公略地處千載少人登赤壁下百里青山高幾層秋

聲孤戍柝帆影過江燈歎息周郎在奇才對壘能

采石磯

健石排雲出江流勢建瓴紫厓留燒黑白浪蹴天青刀

劍開平廟壺觴供奉亭年來少登弔苔蘚但淩局

國朝詩的

卷之五

湖廣

四

戰後

隴樹依邨合河流抱日明望中春有淚戰後野無聲天

意終難問群兒各借名喪亡餘息在攘攘更談兵

看樹

爲園何事荒蕪半未忍城門獨種瓜小逕每憐桃樹熟

西隣嘗羨棗兒花高村近水招江鶴落日清秋隱暮鴉

戎馬百年今甫靜一枝棲息野人家

讀陳檢討

維松

遺集四首 選一

聖主端居更好文普天化日靖

好氣

宸章製就常分賜

學士書成輒上聞封禪茂陵猶有待昌言長統竟何云

幸留麗藻廬王體欲向蓬萊散五雲

寄汪茗文

相見長安鬢已斑還家著述老蒼顏集賢曾請封西嶽

學士因何去碧山禹蹟乾坤黃卷內堯峰樓閣白雲間

東吳十載無書寄何日扁舟共往還

信陽酬山家

枳刺藤梢接四鄰尋花秋蝶往來頻山童隔水收魚笱

野老逢人正葛巾赤棗青梨都過眼黃鸝白鷺漸相親

楚天日暮散風雨無數遠峰來向人

剪花

國朝詩的

卷之五

湖廣

五

早蜂趁暖暖花叢剪得花枝帶早蜂蜂子不知花在手

逐人飛過小墻東

秋閨卽事

烏蠻新樣撲雛雅竹檻涼生潑乳茶漫道秋來芳事歇

十分春在海棠花

聞子星新起茅堂

高觀山上讀書臺十度扁舟任往來怪底夢中難識路

比聞三逕又新開

半載秋亭雨雪留空香閣裏兩春秋煩君更種西邊竹

更好移家借菟裘

胡 阮 省游竟陵人

泛舟

何必棲山郭湖天亦是家  
琴尊依苐藻枕簟入烟霞  
折陰移柳波洄浪作花探幽隨去住倚棹夕陽斜

蚤春過訪郭些菴先生僦居汚之西簷

頻年極目斗牛邊下有星槎自往還  
風景不殊猶楚澤人文自昔半吳船  
春生庭艸聯池碧香逗檐梅接嶺烟  
每顧塵容愧東野爲雲暫得近龍眠

立夏後六日吳馨聞招同阮晉林朱二玉張尹生

諸子泛舟紅橋用四月清和雨乍晴起句

湖角詩句 卷之五 湖廣

四月清和雨乍晴紅橋柳色着烟輕  
舟前舞蝶吹香粉酒半新鷗閒玉筍  
競以高懷謝眺慙無佳句報張衡  
誰知廿載違鄉客悵望瀟湘眼獨明

夏日吳清經招同吳園次宗鶴問集西園分賦得

九青坐有佳人

夏日園林聚客星竹梧窈窕四山青  
興飛一石髡先醉歌轉雙鬟雲欲停  
簾外花枝搖畫燭閣邊池影漾疎屏  
風流隋苑多才士每過延陵倒醪醑

宋公玉 長石常陽人

苦雨東寄軍前朱繇生諸幕友

欲補天南漏其如煉石何平時迷亂草野水接驚波幕  
清殘貂冷書繁禿穎多還疑連月雨未是洗兵戈

長夏初至軍中

萬騎連營處無煩問朔方依山晴日白接海暮雲黃  
犀兕咸能甲鼉鼉未易梁軍中多異氣六月欲爲霜

七夕前三日立秋與幕友朱繇生夜坐分賦凡四

首選二

林傳七夕近六月蚤成秋海日晴猶暗邊雲冷不流氣  
催山草變河轉浪花浮試問天孫巧曾能學汎舟

炎帝西旋日征人未憶歸六花連海陣一葉帶秋飛躍

湖角詩句 卷之五 湖廣 七

馬心偏壯屠龍事頗違坐憐行露者夙夜恐沾衣

送陳念貞還山

西齋一榻夢中緣彈指交期二十年鳩杖荷來桃水月  
鶴衣沾得筍江烟燈前說劍憎稱老醉後酬詩喜悟禪  
明月孤雲何處去雪山烽火路三千

夏日再至雙峰訪晦和尚期樸園公不至

重來疑是虎溪東路轉峰迴約畧同徑草猶含經宿雨  
山花已放去年紅徒煩載酒招陶令且喜焚香對遠公  
話到無言渾未倦幽懷還寄鳥聲中

讀晦和尚懷人詩十首喜其工緻而憐其苦思恐



非禪息人所宜然也卽韻勉之

萍水分棲莫問年懷人長在沈寥天野猿尚逐飛空馬  
沙鳥何關下瀨船千里好音看霽月一聲清磬澹秋烟  
怪來詩思悶牽引遍繞迴廊夜不眠

春初次韻荅綏延記室林偉東

萬里遙函達紫漠天南地北說飄零鯨鯢瘴海軍中恨  
雁叫寒雲馬上聽絕塞尚留三尺雪野燒應露一分青  
行人莫厭邊城苦百越烽烟夜未停

蔣之綦 天樞湘門湘陰人

還山吟贈別胡石江先生

國朝詩的 卷之五 湖廣 人

從來世事如此矣舉酒探君君曰是送君遠去入山深  
桃源徑斷從茲始憶君疑君求君故再四問君君不語  
簪衣拂袖納芒屨昂頭計指山谿路君入山兮解君襟  
幾葉離騷七尺琴調高絃逸清風嘯萬壑松濤自淪吟  
閒來掉手天台蔚坐曳仙人笑相謂一任山花落且開  
不知甲子度與未

辭名

何事空長嘯虛名幾累身事尋多病客愁逐苦吟人採  
菊懷陶令標銅讓漢臣閉門看易象慷慨不知貧

懷王山長

記得尊前約重門深數過每逢落葉處無奈斷腸何山  
意隨松秀秋聲入雨多衡陽雁跡杳回首趁淪波

夢荒之甚時值久雨新晴孫逢其見過限韻

敞戶迎新月延賓進晚茶金蛛欣就網之子樂無家薇  
薄山如客腰纏帶似賒殷勤謝巧婦蚤稻已揚花

村居荷熊鄧生先生過訪

襖被閒携覓徑來牀頭久甕爲君開譚成詩話消殘夜  
看遍山光放蚤梅室小鷄豚欺客座山深麋鹿卧荒苔  
鄰翁指點窮愁事鮐背鵲衣寫舊哀

東尹尊子

國朝詩的 卷之五 湖廣 九

願買牙櫓伴洛神遙瞻幕阜遠烟新焦桐卧匣孤流水  
池草生春夢故人焚却舊書同有淚愁成白髮已無鄰  
江雲潤樹重思細雨高陰處士身

荅龔孝升先生奉常

友沂歸自金臺持先生寄余箋索詩中  
有愁裏鶯花又九州之句擊節成和

赤貧何計洗蚩尤清嘯樓高我愧劉天地有心留碩果  
風雲動色起神州著書難快時人眼涉世曾經古渡頭  
七尺焦桐半部韻浮名蒼狗不須籌

登飄峰山

杖底峰如玉女開青鬢纍纍對前來嵐生古洞千山雨

瀑觸深谿萬壑雷定後遠神棲島嶽醉中清夢到天台  
癡情自負多奇癖聘得青山佐酒杯

飲郭幼隗年兄山莊

春水盈盈起綠蘋一尊移話共南鄰人間欲殺狂爲祟  
方外相知貧是因野業密譚分菽粟素心閒伴數晨昏  
啣杯張目看天地揀與連觴決十旬

三直六灣夜值黃仲霖先生初度

湘浦魚燈列晚州隔村叨滅照仙舟接天岳氣支高影  
宗海江聲訴遠流眼底原無新歲月名山自有大春秋  
凌烟自古多青藜今日輸君正黑頭

國朝詩的 卷之五

胡廣

紀事二首

浮名何事糾微軀俗子勞勞苦夜呼明月北堂孤客夢  
寒燈今夕冷村醪情深刻骨言俱靜痛到傷心淚獨無  
蓮步等閒離綉榻香塵夜度付狂夫  
昭卿疑夢夢疑眞鏡裏驚花誤笑噴雙袖晚盈全拂意  
尺綾暗贈半輸神骨支長夜和天瘦月帶秋聲護影貧  
自是文園多病客他生不願作才人

荅北幹兵憲

雨洗山光竹色新隔簾春思易愁人五更事業千行淚  
半世風騷一味貧無缺可彈鷺座客有天難問泣湘嬪

踟躕不耐翻遺卷冷落牕前恨風因

送青原無可和上

萬緣收拾上蒲團春夢如今與半殘清淨莫留文字障  
頑空悔冒宰官餐容僧便覺天恩大出頂方知佛法寬  
嶺表烟深難任錫好携明月度湘干

荅吳孳受先生

涼雨微吹衆動生塚中退筆十年情抱經休夏依僧屋  
望遠懷鄉聽野箏稚子畧能呼棗栗窮軀今漸解樵耕  
桑門石榻渾無厭洗盡燕吳舊客名

明如曲和徐青山年兄

國朝詩的 卷之五

胡廣

二

士死相知女死情單于珍重漢皇輕白頭但得同心者  
不憚居延萬里行

與君千載共南荆君貌無雙譽亦榮霸業烟消山水老  
峽村猶著美人名

塞草荒荒墓草青朔風慘澹不堪聽光明顏色隨粧盡  
贏得孤墳照漢螢

君長瓊裘興自豪長驅萬馬佩弓刀婢娟未識英雄性  
猶抱琵琶訴鬱陶

郭勸以歌湘潭人

傷逝

孤節勵冰霜撫摩累枯槁勞勞百年身桃花祈壽考云  
何甲兵來鶴髮終難保殺傷怨二毛薇蕨不求飽黃泉  
見兒孫白骨悲青草報劉已無期終天傷懷抱右傷祖

卒食

將軍餞騎繁兵氣漲林麓湘江無賢愚其作長城禍父  
也亦何辜命送歸期速苟免幸無譏百身諒難贖生我  
實不才負此恩鞠育德兮如可招化鶴歸茅屋右傷父伯玉公  
義師來湘江元戎驕失律知機愧今人憂懷如漆室寧  
坐危城中不爭狐兔窟寧抗志士聲不屈婦人膝烈血  
濺香蘅青燐耀敗草哭踊固無從蓋棺忍捐擲右傷母鄒孺人

國朝詩的

卷之五

湖廣

三

懺心菴晤蔗上人

無限傷心付釋門高僧古佛共晨昏青山問法年慙晚  
白髮拈香火尚溫龕下燈輝明月影堦前雨過落花痕  
箇中不少真三昧領略何勞禮世尊

羅弘備我生荆門人

清明

兩度移居未獲全孤心冷節倍依然花殘風雨逢寒食  
人老兵戈異舊年溝水碧分原上麥野魂淒斷墓門烟  
一春農事徒聞說十畝猶荒負郭田

郡城雜感十首選二

饑餒胡爲托市廛食爭鷄鶩感今年有妻羞割東方肉  
無客徒携子敬毡比戶自多消渴酒探囊終少賣文錢  
壺食雖小寧非惠烈士傷心在一憐

什一何曾讓伯龍徒令山鬼笑儒宗沿牆要害蛛爭網  
委地膏腴蟻亂封出郭但思游汗漫登牀已覺夢疎慵  
夜來檐下頻迴步數盡空堦石幾重

陳聯璧

珪菴襄陽人

登寓樓遠眺同鄒流綺

風光偏泥客極目寸心舒老入春猶健貧惟酒不疎雲  
歸千嶂合水受一舟虛安得乘風去鹿門有敝廬

國朝詩的

卷之五

湖廣

三

上已擬遊龍溪阻雨有客携尊見過

上已陰雲合花闌繞幾迴短橋延碧草破瓦受青苔未  
展西池興遙傳北道杯何須春袂飲坐對好懷開

楊州彥

宣樓富陽人

古意

春風吹人夜未央綵絲欲綉雙鴛鴦穿鍼卷袖越練長  
迴身顧影意茫茫去年寄書傷遠別直至於今音信絕  
挑燈試揀舊時箋蠹魚蝕盡字漫滅博山沈水不成烟  
綉被難溫幾幅鐵啼烏啞啞曙曉寒門外楊花亂似雪

劉在朝

廣乘監利人

花朝風雨

花事雙星妒飄蕭夜達晨算梅芳一歲約鳥補深春徑  
少衝泥看儻猶繞檻巡澆愁有藍尾遲老種花身

月下調鶴

娟秀逢佳月仍憐庭鶴清舞翻塔影亂疑立磬烟生俯  
仰舒纖綺低徊愛一鳴滄洲空濶夢何處月華明

賦得湖燕

羣燕集不羣同歸鳥衣傍野村聞鶯魚舫分岍濕  
猶即秋草綠梁痕燒好色露羞金時節投荒惜額存  
怪殺沙頭新至雁相逐湖畔失寒溫

國朝詩約

卷之五

湖廣

四

晚秋喜庚先令見過兼懷公著姪

日煖霜遲秋未退瓜籬全學野人家漫圖遮眼資新句  
差可開顏賴晚花亂後池塘春草在談深霜月暮鐘斜  
阿咸猶隔盈盈水不共烏皮話有涯

秋泛

蓼花兩岍映波紅短葦輕撓夕照中不信綠楊憔悴畔  
便無顏色領春風

陳維國

坦山武陵人

秋懷詩

忍歷殘更坐疎燈寄一缸涼風侵竹徑寒月冷松牕史

癖耽書解詩魔倩酒降興酣孤夜永螢照影飛雙

情曠步隨遠探尋不憚遙林疎山露寺石出水迴橋掃  
葉隨風舞疏泉逐雨消行來深竹塢翠滴響蕭蕭

治園

草除荒徑出小構已成邨竹籟輕風合松烟細雨分編  
籬遮菊檻位石護雲根日暮頻賒酒惟因月到門

旅懷

竹裏門開覆綠雲斜臨一徑鳥平分有情白月招能至  
無價青山秀可焚草色迎眠花底坐鶯聲喚醉柳邊聞  
幽懷但適娛知已取次甌瓶且索醺

國朝詩約

卷之五

湖廣

五

松園寺屋與山連山色松聲枕席前僧澹栽花皆地主  
客狂縱酒亦天仙遙情望古愁容釋媚骨謀今意不然  
分外蕭幽塵夢遠塔燈燦夜伴子眠

唐時淵

十泉邵陽人

桃花洞

可是仇池古穴不茫茫元氣此中收天開堂奧兩靈化  
人立虛空悟幻遊花片豈經秦日月雲根或識漢春秋  
儘多深處閱鷄犬寄語漁郎莫覓舟

西湖吟

寂寂孤山處士居支撐剗外一亭餘饒他鶴去梅殘後

賸得馨香也自如

又

亭立湖心若見招酒闌聲借隔船簫放開醉眼看南北  
雲在峯頭又還橋

龍孔然 管鄉湖鄉人

嶽麓

朱陵派委入熊湘一望名幾遍太蒼檻外長江吞日月  
巖前山勢控荆揚鵝湖講論猶思昔虎觀窮研未忍忘  
我欲扶筇遊秉燭芒屨能許踏來狂

陳肇昌 省蕭江夏人

國朝詩的 卷之五 湖廣

六

望是故鄉行次韻送毛子霞隱君歸鄂

八尺昂藏一老子短棹蒼江弄烟水占盡風流賣盡癡  
手挽頽波追正始倚馬曾飛羽檄文英雄原上悲殘壘  
千載遭逢吏隱閑轉瞬浮雲皆敝屣蘭芷由來楚澤多  
朝朝採擷行還止海內聲華久識君相逢却在武昌市  
晴川黃鶴幾招邀載月傳花與無比相如善病復多情  
白頭紅粉同歡倚四壁蕭然不厭貧千金散去渾閑事  
來朝束書忽告歸吳頭楚尾知何處笑指郢中是故鄉  
十副蒲帆去若咫聽雪樓中景物清錦瑟湘簾如畫裏  
只今赤日拂江長芳草王孫行未已勸君緩棹待秋風

一片青山何彼此

夏日阻風武昌

短棹孤帆卻月東江濤飛接野雲紅思秋忽憶沾沙雨  
入夏偏多逆水風河朔酒堪驅暑酷昌黎書不濟途窮  
故人已作臨卽今肯爲相過慰轉蓬

胡 江山公孝感人

孟秋過武勝關

川原分楚豫信宿隔魚鴻破嶺荒烟合迴谿杳靄通人  
行紅葉裏犬吠白雲中獨有感音賦含悽語未終

也 青岑

國朝詩的 卷之五 湖廣

七

瓜渚中秋夜雨和韻廣爲十六首 選一

時解綬侯勸瓜洲同仲兄  
貞卿姊兄曾正甫及國客

晨光吹雨逐橫秋文酒殊難結伴遊囊有萍花寒似水  
座無塵尾辨能稠六朝螢火青燈話一夜魚龍碧海樓  
天意只教歸黯淡不才奚止十宜休

閑居雜興與計圃客限韻六首 選一

芙蓉宿雨帶朝酣我所思兮湘水南屈指風流誰第一  
閑邀明月遂成三珠堪易餅聊驅客帖可求羊亦省食  
文字遭逢多不偶憐才女更甚於男

西園秋宿

蹀躞青驪響玉珂一場春夢笑東坡白蘋影寂輕鷗少  
紅葉聲乾暮雨多莫逐砌蛩吟虎綉恐驚飛電走龍梭  
酒家南董今文闕滿眼新酤菊未莎

李 貺 書成潛江人

同驪菴禮賓上人遊焦山兼柬鑑堂量周

同遊饒逸興縱步踏灘沙鶴豕江鼉窟松寥海鳥家看  
銘摩古鼎移酌就梅花尤喜天仍霽盤桓到日斜

象山問渡

象山石壁背江高洞口僧棲結屋牢覓路幾人踰草嶺  
閉門終日響風濤兵消戍壘烽俱息岬刈葭蘆擔最勞  
國朝詩印 卷之五 湖廣 六

除是普賢能坐斷且偕禪客一遨遊

汪文雄 葵仲保康人

燕京歸興

不再勞車馬扁舟卽是家風沙依水淨花鳥入春賒暫  
臥灘頭月閒看江上霞五湖原有路漁釣亦生涯

偕吳符五同年舟次淮上

水曲舟行緩雄心復晏眠春林隨路潤明月到家圓雲  
釀催詩雨潮生欲暮天遠邨無限畫載入米家船

黃師憲 當湖應山人

洞庭湖

盈盈一水接南天咫尺波搖萬仞巔日漾孤光餘水鏡  
帆浮小影只雲烟蛟龍自吼銀河窟鵲鵲難飛瀚海邊  
爲歎秦王無霸力不驅山石障雄川

張別山於未亡時其夫人亡已三月矣渠過靈川

夜投破廬陰風冷雨有物爲魔偶聞夫人呼之

日醒倏寐復夢夫人在側先生曰奚爲在此夫  
人曰不忍離君願相隨也先生哭賦詩五章余

讀之惘然次韻續和

斷臂倖臣尚未亡閨魂偏逐旅人牀不辭風雨淋鈴夕  
也識螢烟瘴癘鄉相別愁顏均易改暫親鬼趣夢交荒  
國朝詩印 卷之五 湖廣 五

孤臣舊夢傳今古誰到還陬紀練裳

洞庭秋興

潦盡天高始識秋朝朝逆峽訴黃牛江風挾雨增潮汎  
湖浪排山帶影流底事難忘明月浦無才補記岳陽樓  
爲思水鏡秋容好緩棹尋秋杜若洲

周正儀 又生寧山公安人

詠報國寺海棠

喜從忙裏覓閒時花信風和日正遲新綠纔勻楊柳色  
輕紅又上海棠枝裁霞萬點明虛曠濯錦千絲照酒卮  
香韻亭亭嬌欲語夕陽疎雨更相宜

贈別鄧孝威

蕭寺論心最有情相逢我自愛君名  
氣縱瀚海神能靜品潔秋霜望不輕  
雨外登樓憐遠客酒餘撾鼓結平生  
津門尚有琴書在何日春山共聽鶯

楊潛英 海門寧鄉人

看農事

秋雨爛春草農夫帶笠走若非盡力鋤  
不是報恩者春到秋苗動秋來春草靡  
乾坤顛倒事付與老農知

自況

不學探奇不草玄掀髯一笑問青天  
難從海上携妻子國朝詩的 卷之五 湖廣

愛向村中度歲年

贈風鑒李九如

一副頑皮暗已殘逢君物色倍心寒  
道傍強半如弦者說與封侯別樣看

肚皮總不合時宜幾度收殘勉自怡  
若箇千金酬死馬君今青眼欲收誰

李紱山 何焯 沔陽人

贈跛衲鄧豈凡

衲何以跛視履非作爲鷹鷂擊不勝  
而隨雖則不勝其袒猶左

跛何以衲其先韎韜與日月逝不關  
而聞雖則不聞其氣未射

儒而守之奚去而墨服曰緇衣其心  
則白心之白矣他復何惜

雨霽得月次彌嵩上人韻

頑雲忽已淨豁然露清晃園林慙倦  
鳥鐘磬寂餘響安能蹈空濶聊此澹  
塵想白壁不可爲幽懷共朗朗憑高  
舒夜眺湘流平如掌

病中餌藥

十載湖湘汗漫入江城五月擁寒裯  
忘家靈運家何在國朝詩的 卷之五 湖廣

示病維摩病已真無奈傷心分子毋  
不辭苦口是君臣行將採藥南山去  
駐馬長留自在身

羊城與劉子端朱林修同寓

江寒殊未倦鳬鷺共向疎林借樹棲  
不是元龍牀上下何妨二陸屋東西  
冰霜怕近杯中物賦詠新添嶺外題  
莫遣梅魂虛夜月巡檐索笑定相携

秦淮感舊八首 選一

燕子秋深燕子歸  
呆思觸盡亂烏衣  
西流白日催昏暮  
蝙蝠重來只夜飛

李嘗之 伯艮 滬人

同南堂泛舟訪張霞齋

攜手望大澤伊人居水湄小艇穿垂楊曲折勞篙師到  
听見志和千頃環縉絲開尊說遠道看我長安詩既試  
較書郎歸來不停披富貴澤自有何問唐舉爲但願山  
水窟近君之車騎事當載筵來聽唱爰父詞

登無梁殿

黃芽談未盡扶杖下青壇一路花村少千盤鳥道難石  
屏連雪徑蓮座涌雲端最喜西軒外巢湖萬頃瀾

舒逢吉 康伯廣濟人

九日飲山長齋頭

國朝詩的 卷之五 湖廣

三

雁聲嘹唳過西樓今古長安我獨愁聲折不趨丞相府  
淒涼偏感故人留頻斟綠蟻凝雙眼誰把黃花插滿頭  
取醉莫嫌歸路晚一鈎斜月正凌秋

李必果 今貽仁熱漢陽人

詠鶴

飲啄由來異翱翔更有分祗應爲鳳侶偶亦立雞群素  
質原同雪孤鶩自入雲何當明月夜清淚九臯聞

雨中懷舅氏雲田先生病

一病今何似雙魚久未通人言多市虎天意忌雕蟲濁  
酒能消悶奇方不療窮隔江風雨夜岑寂與誰同

送別董蒼水孝廉

數卷圖書壯遠遊綵毫隨處賦登樓黃金白雪應難并  
勝友名山取次收兩岬鶯花歸去路一帆風雨別來愁  
如君縱有懷中刺不遇知音莫漫投

周應遇 鶴泉麓山善化人

蜀人無極蓋先從戎而後祝髮者書以與之

天半聳峨帽平生所忻慕見君如見山以君高尚故在  
昔歌揚水辭家事征戎百戰定羌西跳梁成歎怖大勇  
生弘慈馬上忽一寤祝髮謝轅門解刀買縑布頓欲超  
聲聞此緣當夙悟嗟予齒亦同回首已遲暮晴然兩鬢

國朝詩的 卷之五 湖廣

三

聞狂騁未有任終日近浮名如鳥不離窠遺卻衣中珠  
捉彼花間露蕩蕩若奔流久矣忘歸路安得結小茆相  
從泉石度

平江遊天螺菴遇雨留別山僧

奔走日東西塵勞同商賈忽陟天螺山靜穆棲太古中  
有閑放僧忘言惟拂塵常誦赤書文取爲如來輔嗟予  
儒者身浮名任去取非釋亦非立竟將誰氏伍豈故與  
世違實難同仰俯以是得踴涼甘心守貧窶我來不爲  
客我去不問主有如太空雲隨風盪爲雨

甲午過茶陵宿靈巖寺



寂自何年出應知鬼斧穿石牀時臥月洞口欲吞天入  
夢魂爲歛觀空眼亦圓巖僧將古佛共此半瓢縣

癸巳南嶽過白雲王命伯宅上望紫蓋峰

歷過諸峰後巋然紫蓋尊以能存倔強不肯逐群奔積

雪依雲老寒松受日溫看山緣好友卻喜近君門

楚雄遊紫頂寺同王玉熊李少白汪季安時茶花

盛開

綺閣盤溪頂千松抱佛青好花先客醉塵影對泉醒官

戀閑中奕僧翻忙裏經曉來成底事歸路媿山靈

閑署卽事

國朝詩的 卷之五 湖廣

三

自是烟雲癖入官猶隱心搜泉常汲頂聚竹遂成陰喜

濡花間墨偏沈醉後吟衙齋時緊閉俗客不能侵

湘陰喜李幼仙過訪

幽獨勞子夢十年酬所聞汲湘鴈韻客燒燭把殘文宦

海君能斷寒山我欲分柴門雖穩閑何似臥連雲

庚寅新正東廬復郎

瀟湘浮影悵孤身到處相逢姓字親古道論交能幾友

疎狂恕我獨遺民十年風雨分清夢一卷冰霜耐苦辛

遙憶竹林魂已渡知君持筆繫王春

壬子瑞州贈劉君遜

兩城並峙水中分南北頻穿似陣雲鐵鎖橫江舟作路  
風帆破浪錦爲文官惟一靜庭無事俗自還淳訟不聞  
此地爭誇賢太守異哉才吏卻輸君

盧 綆 叔浦黃安人

登狼山

偶然乘逸興尋海到山隅一葉潮頭小數峰江上孤人

烟通市井春色滿菰蒲隔隔江西南樹依稀似武湖

結朋披霧出曉氣擁山巒地坦山根近江窮水面寬陽

回春欲暖風到海猶寒爲問垂綸客何時試釣竿

嫩麥碧於烟平蕪草正芊海雲嘗入寺潮水盡通田江

國朝詩的 卷之五 湖廣

三

濶濤聲合山高塔影懸乘槎從此去不復數張騫

元夜步月偶成紀事

赤街泥淨斗參橫爲愛和風取次行百盞莫辭中夜醉

一年難得上元晴蹉跎霜髯同潘令慚愧冰心憶廣平

寄語踏歌諸子弟郊原桑麥已勾萌

孔自來 伯廉江陵人

要離塚

專諸不顧身尚知毋與子以死博一卿義已如互市接

武惟要離行事尤僻詭妻孥夫何辜爲汝釣名餌斷臂

殉所謀傾心效姦宄蠢爾細人策安得稱烈士遺塚古

道邊彼哉無足齒

瀨江伍相廟讀李白貞義女碑

古人好奇兼好名矢死未免多硜硜吹篴乞市良獨苦  
怨毒所繫非偷生道逢漂女推以食一飯英雄增太息  
掩爾壺漿閱爾言丹心炯炯疇能測妾有高堂古瀨邊  
二十不字今十年丈夫飢渴莫自保應事翻受婦人憐  
奮身沉水亦何易片石千年紀忠義當肯阿母竟誰依  
我怪夫人自多事污官撻墓率倒行父兄之仇君爲輕  
百金投瀨詎所望恩怨無乃太縱橫嗚呼吳之忠貞楚  
仇讐賜夷空復泣觸體蘆中有客呼窮士瀨上曾誰識  
國朝詩的 卷之五 湖廣 姜

故侯

愛妾換馬篇

虞兮未死騅不逝英雄氣短成何濟貳師欲封傾城亡  
兩情交戰終難制麗姬名馬咸所珍粉黛安能共苦辛  
揮淚離筵辭故主圉人惆悵侍兒慙看君長驅致萬里  
妾身一葉隨流水但得新人不似郎白頭願與騅同死  
偶逢胡省遊於安宜問名道故知爲廿年舊交也

賦詩贈之

吳楚風烟繫短舫青衫非復昔昔客車中無意逢張祿  
江表何人識顧雍訪舊半隨寒艸夢論心忽聽暮城鐘

西隄雨雪當今夕冷蘂新香應幾重

寄懷陳士業

江城風雨論文日回首章門又五年爽氣西山應自歎  
暗香東閣爲誰妍枕邊心史書皆鏡篋底卮言字亦玄  
天際美人勞寤寐由來邢尹解相憐

拜呂大愚先生墓

抗節孤臣憾未銷投荒垂老一簞瓢忠魂影逐青楓葉  
諫草香清白芷苗自分餘生隨罔兩翻留遺蛻感漁樵  
直如俎豆今寥落獨對斜陽看野燒

劉懋夏

荊州人

國朝詩的

卷之五

湖廣

姜

夏水舟坐讀古詩

一縷維小溪桂楫不復理獨坐澹無營如在函丈裏近  
村異向背遠波無起止堤轉疑溪盡前舟去未已楊柳  
臨崖垂沉深亘數里手持一編書樹影交於紙靜觀失  
墨痕幻思爭秋水

程大皐

鶴林韓洲孝感人

春雨樓頭卽事

野水翻溪浪橫塘集釣船好花過令節久雨失春天山  
岫連層霧湖光淡遠烟餘寒猶未已一醉枕書眠

小齋新移

野湖流水到門斜日映紅波  
蕩晚霞沙暖平田鳴旅雁  
風寒老樹亂歸鴉長吟洗杓呼殘酒  
緩步巡簷數落花  
夜靜幽懷渾寂寂滿牕明月透銀紗

澹烟遠漲接晴嵐密樹參差映碧潭  
竹影縱橫牕箇箇  
花枝繚繞徑三三  
千戈憶去何年事風月招來一夕談  
夜半不堪聞畫角高歌休唱望江南

李盈坤 秋水厚齋孝感人

題程子師謝所藏百誓圖

百口誰遺劫良工盡態描驚風落河漢  
聽雨上芭蕉  
天地屯蒙盡炎寒醉夢消婆娑厭酒食  
各以類相招

國朝詩的 卷之五

湖廣

天

別覺軒甥

輕舟千里走江聲  
潤緒相看坐四更  
紫帽青衫遊子意  
黃鷄白酒故人情  
有書能讀門常閉  
無術逢時劍欲鳴  
此別何年重聚首  
一尊過訂看花盟

李震生 慎菴江陵人

長歌贈張禮存世兄

從來豪士多潦倒  
荆卿擊筑燕山老  
有客寒陰夜不眠  
白石之歌聲浩浩  
浩浩長歌悲不休  
浮雲薄日使人愁  
梧桐蕭瑟蕙草萎  
忍令鳳鳥空啾啾  
我聞金山之波高  
萬丈焦山澎湃森  
相向男兒落魄仍  
磊落三上秦書膽

猶壯丁酉之歲携君手  
君未成名我南走  
掉臂天涯又四年  
相看還復相憐不長安  
道上秋風厲君也拂衣欲歸去  
傍海旌旗氣正紅  
凌濤鼓柁今何處  
強將笑語暫淹留  
南宮射策推難弟  
君家兄弟亦何雄  
牀頭風雨響千松  
試將溟海搏空手  
扳起金焦若箇峰

海子行東王西樵並呈杜道宜

海子月明識君面  
驕驕竝蹄疾如電  
萬火千燈凍不紅  
未知誰是昭陽殿  
雲低月暗天杳杳  
與子共藉沙中草  
高談不怕夜霜寒  
况兼杜子與我好  
忽然得道競馳突  
瓊帷遠地驚招呼  
黃頭奚兒勸我酥  
舌燥唇乾不敢舖

國朝詩的 卷之五

湖廣

三

須臾漏盡鷄聲曉  
曉闌開啓事早傳  
說君玉山帳來萬隊旌旗風裊裊  
玉宇瓊樓海氣空  
那知平地即深宮  
吾徒狐裘敢言薄  
回鞭與子更嘶風

送張履存南歸

鼓角喧京口驚心應未安  
江山新戰後出處舊家難  
子往休嗟命師來豈爲官  
暫餘陳季在非不受盤桓  
入市偏工瑟逢關且棄繻  
一星還舊舍萬木冷全吳  
仍訪雲邊寺還吹雨後菰  
相思難命駕孤雁起前浦

贈嚴通諫

北極乾坤正西臺梧葉森批鱗  
猶細事補袞是臣心雪

落晴峰冷雕甍紫殿陰莫嫌敷奏苦霄漢有知音

御風亭寒望有憶舊遊漫及近事兼寫余懷

獨眺重關迴空亭落照前市遙筠管細屋淨瓦霜妍臂

鵲名王過巢烏遠樹聯衆客入渺漠百慮滅飛鸞貫佩

初堪記搔頭興惘然服官叨水部浪迹問洪泉余補官後卽有

衛源之命太史名高豫徵君俠重燕太史汴人徵君燕人俱寓衛源與余周旋酒

酣微雨後句老亂峰巔身世猶今日登臨憶昔年層阿

書漸少宸極哀重鮮征伐開新統河山靖几筵劔吞

霞外屨甲散嶺西天會見狂波晏甘從避暑適思親雲

黯黯夢弟草芊芊風急低沙雁圍荒隔楚川南湖先種

國朝詩的卷之五 胡廣 三

柳朔雪未歸田去住無中策安危倚大賢憑欄何限意

杜若冷江邊

彭焱然石孝感人

種桐歌

植桐求音酌根淺深勿傷桐心五年將成陰十年取作

琴

老翁行

吾生感于役驅車上南岡曠野無人居豺虎嗥我旁行

行依遺圯僕夫眷夕陽棲鳥啄牛背穴鼠沿莓牆披榛

循微徑茅隙泄燈光緩步造其廬老翁情倉皇驚疑府

主來長跪訴旱蝗前日官兵過搜掘及池塘今來索繭

絮寒女泣秋筐煎硝大索地剝膚兼剝牀敲髓完秋稅

先期備輸將理合待鞭朴涕淚霑衣裳問客知投宿歡

呼除中堂引客開瓦釜薰炊襍糝飭箸前薦客啜粥

如啜芒憶昨癸未年辭家入武昌隨遭西寇急買舟謀

渡江間道三日餓瘦顏兩月黃老翁今如此將無贏且

僵歎息復歎息老翁慎勿傷君看秋原上痛哭非一鄉

河朔射獵行

揚州貴人曹景宗夙昔意氣何其雄鄉里快馬騎如龍

黃皮袴褶懸雕弓少年三五櫜鞬從馳獵六合忘西東

國朝詩的卷之五 胡廣 三

鼻頭火出耳生風箭如饑鴟叫澤中豺啼虎匿雉兔空

渴茹毛血草根紅貧賤樂事凌蒼穹一朝富貴嬰樊籠

雀桁八騶笑王融長馳鹵簿何矜崇三日新婦車聽封

無繇矯首送飛鴻丈夫不得快心胸致身徒爾作三公

嗚呼致身徒爾作三公

謁舜廟

萬古垂衣帝千秋此寂寥伏獅驚虎落野鳥上鵲翹湘

瑟憑誰鼓薰絃不可招蒼梧風雨夜猶想百靈朝

哭梁公狄

五噫誰念出關窮廿載吳門托伯通牀下龍鸞煩勸勉

世間粉本亦英雄憂時淚涌心如石罵坐張氣似虹  
家世霸陵空漢史要離塚畔起悲風公休別予九月云夢子橋頭尋取經世本領世間粉本當問龐公林下孺英雄區區虎賁賈不足學也

輓趙友沂

一去承明固藥籠返魂香渺海天空強將愁鬢同潘岳  
未有遺書屬所忠成佛生天春草夢酒船禪榻落花風  
生存華屋笙竽切冷砌殘陽急暮蟲

夢人持武陵圖索詠者醒而記之

緒湘封岱勢移天銷得桃花半點烟纔載鮑魚迷鹿馬  
錯將黃帝換神仙六雙鳥爲何人下百二關經幾世堅

國朝詩約

卷之五

湖廣

三

想到蓬萊心力盡可憐無福上魚船

登吹臺贈彭直上

綺窓八面水光開物色紛紛人望來枯柳寒鴉迷廢苑  
暮雲落日滿吹臺中原勝氣氤氳見萬古雄圖俯仰迴  
授簡登高誰作賦洛陽年少自多才

讀太子傳

閔令老凌雲琴心白首聞定逢漢武帝不及卓文君

漢肆口占

千金不惜錦纏頭綠鬟雙樓十二樓昔日賤貧今已老  
此生無分說風流

贈王而農

大雅誰陳擅代興衡湘風動一挑燈哀徐去後風流絕  
愛聽而農罵竟陵

高

騫處厚孝感人

辛酉中秋同嚴平子吳旣明陶五微毛子霞萬師

二趙國子蔣玉淵游雲子九老同登黃鶴樓

寥落孤蹤老故園風吹好夢過山樊時艱對客惟心許  
酒罷徵歌敢放言明月半江來鶴影白雲幾點淡霄痕  
莫言樓畔空遊賞自有耆英道氣存

楊兆傑

又仁江夏人

國朝詩約

卷之五

湖廣

三

李春塗中三袞

道路青青秀麥禾蹉跎此月歲間多風塵未老從旁解  
局面終殘已悞過親有子名無半菽宦仍客况幾餘波  
觀生勿負先觀我屈指年來事若何

讀明太祖賜無極貢花馬歸山元韻

曠代恩波儘不輕淋漓御墨尚天青召將古衲陪三老  
載就龍章補六經山水不隨鐘簾蠹香烟時共海雲增  
至今若復馳神馬記得皇家殿幾層

吳

嶽符五江夏人

虎丘寺

郭外逢初地幽棲足絕塵石留雙樹法草抱六朝春池  
黑龍應在丘荒虎未真堪憐歌吹夜豈獨講臺因

訪二十四橋

當年小杜揚州夢十里春風已寂寥好句難忘明月夜  
幽懷偏憶玉人簫鶯花天遣成南國歌無人徒怨六朝  
二十四橋何處是竹西燈火亂漁樵

禪智寺

杉檜森森紺宇幽竹西路杳野泉流寒生古壁龍蛇夜  
雨過荒臺鳥鼠秋僧定月高松子落客歸衣冷石花浮  
新詩讀罷空惆悵得鉢齋上人新句何日能從惠遠遊

國朝詩的卷之五

湖廣

書

黃鈞仲宣長沙人

客中遣懷步壻廖山令韻

君看作客爲誰綠衝雪征鞍破浪船曠逸至今高白社  
遭逢自古惜青蓮謀官計拙何如子補過身閒欲學仙  
可奈世塵離未盡意中雲樹斷還連

羅人琮紫蘿桃源人

偶拈再賦

暗水東南遶綠窓夜深枕上聽淙淙相看世事連傾覆  
日起詩思自擊撞舊痛編年吞賸淚老勤繼理殘缸  
堪憐缺陷催奔景盡付如水一寸腔

忘筌未卽釋欣腴把釣江頭意不俱雅躅難辭時衲餐  
高懷半取俗胡盧山中白石終堪煮瓠裏黃壺尚足餽  
屈曲餘生還自憶休教急景任義驅

翫世如遊萬丈波憑虛引望徹無何神山漢接青三點  
別洞雲歸白一窩日暮還須回逝景天全曷止免醒蹉  
閨中撫影誰能測惟有蒼松伴醉哦

撫胸不復舊崢嶸日掃溪藤位客卿放意幾同雲邈邈  
同吟只似鳥嚶嚶邵平自向種瓜老李廣無勞醉尉瞪  
久廢將迎清俗耳惟同父老較陰晴

賜月晴融事頗偶孤懷落落冷如水韓公進學人爭笑  
國朝詩的卷之五

湖廣

書

鄭叟無聊我自應靈蠢均迷追嗜欲飛潛永陷暗爭鬭  
微茫物理宜淡省莫笑扶搖萬里鵬

任坦平生不用占何曾世味作心飴盛年冉冉艱難去  
衰髮星星歲月添鳩杖遂堪朝石拄蠅頭敢侍夜燈纖  
伏生衛武遺芳躅更覓靈苗腰斧鑿

歲杪感述

盡日民營手自叉亭前樛木走龍蛇英年好事同驚漸  
晚歲閒情共落霞清聖濁賢無夙釀赫蹄烏玦有餘華  
傲寒一撫凌虛檻遠望雲峰天外丫

霜天晴景萬華瘦白日西斜小閣幽霧裏杉松迷老眼

雲中鶴鶴貌群啗蒼鮮過雨無塵迹翠竹林深起薄陂  
曆日掀翻餘一紙虛舟不係亦生愁

萬兩昌 斯二黃岡人

辛酉中秋同嚴平子吳既閑毛子霞趙國子高處

厚陶五徽蔣玉淵游雲子同登黃鶴樓

秋氣凌空片月孤仙樓兀自倚城隅久從異地思叢桂  
今趁同人賦碧梧風露平臨雲欲住煙波彌望鶴難呼  
地閣却勝香山會良夜高天坐玉壺

杜世捷 武功黃岡人

友山園病鶴

國朝詩的 卷之五 湖廣

美

極力留春住招携得晚晴頻來花有約偶與鶴相迎病  
翮猶能舞孤懷不肯鳴臨池還照影予汝最關情

吳嘉驥 龍媒寧鄉人

客中除夕

歲暮蕭蕭過侶稀天涯冰雪倚柴扉非關潘岳爲郎拙  
自是虞翻與世違杯酒莫澆通客淚寒燈猶傍逐臣輝  
飄零八口無歸計閒却瀟湘舊釣磯

哭父執陶密菴舊史

曠代才人百行 師白衣子未止裁總登堂問老龍門  
業到地悽傷鼎社時 昔公與先子及楊樞部執交號鼎社三人 此後難逢三

絕寶而今誰擅範文碑 漢人謚陳太丘曰文範蔡中郎撰其碑 頻揮涕不是西州淚漫垂 子幼孤荷公誼至篤

斯文慟掃舊干城公爲吾軍最繫情早向英華憂滿座

盡於晚節服知名江毫陸視遺何盛皂帽黃花志竟成

剩有柴桑東嶺月百年長照草堂清

許承欽 欽哉漱雪漢陽人

夏仲自正覺寺遊佛峪遂登龍洞山絕頂六首

靈區引逸典前期召烟侶申旦驚輕騎勝游輕繁暑雨  
餘亂峰青良風振禾黍連岡散山農越陌來溪女揮鋤  
土膏發携筐風袂舉遠樹噪蜩螗隔林聞機杼知有上

國朝詩的 卷之五 湖廣

三

皇人松扉渺何許感此懷臥龍燈火夜深語

行行越前隴驛驛度川梁鵲華紆左顧徑轉晴嵐蒼雲

深鳥語寂巖迴藤絲長榛烟翳復吐荆花艷且香亂石

嚙馬蹄迴登紛鹿場高槐蔭甘井始識龍洞莊並推迷

窺笑鷄犬亦徬徨前山橫斷靄古洞指朝陽

蒼峽

迴峰如陣雲散亂飛我傍化爲萬頃雪堆起英靈岡玉  
花不肯結散與波臣鄉錯磨林央骨橫據魚龍房耳角  
此交峙筋絡皆怒張蓄怒待來楫攢簇千鋒鏑我舟拂  
其肘我僕呼堤防一身乃百心面目皆蒼黃前茅山絕

技間道趨陳倉久解撥鎧法驚帆先期翔注懸捷走坂  
矯若乘驢驢天風夾兩翼浩浩凌大荒羽化生木底何  
必求仙方寄語誰自能早歸同徜徉

繡嶺

繡嶺俯離宮蒼蒼一徑通雲生虛壁下僧語半天中漢  
瓦蹲仙鹿唐碑抱古桐崖邊橫積翠尚帶美人虹

白溝河

遼宋曾戎馬風烟十六州河聲寒組練朔氣老瓊裘斷  
簡憂英主僅軍失故侯良平持廟算誰定割鴻溝

德州渡浮梁

詩

卷之五

湖廣

三

古驛紆山左長川抱海西土風兼漢魏河勢割燕齊鹿  
角關前樹平原嶺外鷄轉漕疲萬里雨雪看輪蹄

錢塘江觀潮

驚濤直上海門西欲捲青冥裂會稽銀漢倒流烏鵲迥  
雪山飛壓鳳凰低靈旗百萬驅雷鼓疆弩三千試水犀  
霸氣至今消不盡素車白馬駕虹蜺

秋日登晴川閣

飛閣凌虛抱漢城危磯絕壁枕江聲風烟浩蕩蛟龍舞  
雲樹參差雁鶩橫鐵鎖穴深垂斷縵桃花祠廢冷銀筵  
洪濤噴薄無今古尚似英雄氣未平

黃鶴樓望大江時西山方別兵

渺渺滄江接漢流西門柳色迥生愁帆影落烟波里  
鼓角聲寒蓼荻洲障塞縱橫看楚豫輿圖割據指曹劉  
天涯日斷連坪遠但覺雲濤似龍頭

大澤風高更倚欄江山如畫帶愁看西連庸蜀烽烟直  
北枕滄溟海氣寒廟社有時歸草昧乾坤何處不波瀾  
徘徊試取柯亭笛吹落梅花滿玉墀

回風磯

長年憎去楫賈客怨回風不分乾坤意悠悠盡向東

三江口

詩

卷之五

湖廣

三

江戍分襟帶關梁隱旆旌綠林饒俠客白舫半新兵

圍定堡

傍山作壘借山圍堡子高樓烏亂飛澤潞兵戈今暫偃  
將軍馬上帶塵歸

釐泉

立馬聽泉日已斜泉聲字字咽梅花春寒不啻遊人醉  
流到城南賣酒家

偶占

禾苗得雨芄芄長鷺鴨當風拍拍呼何計棲遲娘晚景  
爲誰飄泊老江湖



國朝詩的湖廣目錄

卷之六

陳鵬年 十二首 王 戡 十首 廖元度 十二首

李中素 十首 梅 鉞 六首 劉授易 十首

簡 能 五首 羅 俊 四首 鄒世任 四首

曾世琮 十一首 趙永懷 九首 陶士儀 五首

張 瓚 八首 胡期恒 八首 胡期慎 二首

張文炳 六首 楊 緒 七首 彭維新 七首

陳 梧 二首 譚之炎 五首 胡之太 五首

向兆麟 六首 楊亦溥 一首 陶 炯 二首

國朝詩的湖廣目錄 卷之六

郭金門 二首 劉 淇 三首 張 玠 三首

洪如葛 二首 楊亦奇 一首 李宗仙 四首

胡期孝 二首

國朝詩的卷之六

長沙陶 煊奉長選

同里張 璨豈石同輯

湖廣

陳鵬年 北漢滄洲長沙人

登大茅峰

十年望句曲神山隔縹緲得從閑放餘筍輿及蘿藦力

疾上九盤聳身出雲表始識大茅峰俯覺衆山小西南

竝天目江甸蟠天矯鬱爲六朝都烟草青未了東有長

蕩湖匹練挂林杪滄江與碧海夕照氣縈繚山高寒氣

甚日入窗窈窕酒闌捫星辰夜靜天悄悄

癸巳仲夏同鄭耕巖趙栢里林寓園金晴村徐顛

客勞宗維江服懿祝荔亭集飲焦山松寥軒觀

瘞鶴銘建亭次江服懿原韻

松寥宜晴亦宜雨萬里江流在庭戶主人選勝開層軒

當林似看蛟龍舞酒酣散步焦巖顛誰云鍊石能補天

割取雲根八十字摩挲舊石慙新鐫此物傳疑著江國

華陽逸少無人識豐隆肆虐海若貪但見光芒射斗極

偶乘水落窺陂陀殘銘幸不全消磨挽之重淵陟青嶂

翼以危亭臨碧波成勞本自衆擎出呵護千年龍象窟

集 157—454

依稀尚見鷺羣書影猶存鼠鬚筆回思汨沒波浪時  
萬仞錢削非人爲遭逢清時乃復見山海効順神靈知  
君不見寶物顯晦原無端澤宮石鼓還舊觀又不見龍  
劍鞘藏雙入水須臾躍出澄潭底文通插貂會有日莫  
歎採樵長因此洗盞何妨傾十石歡呼勇角千金擲笑  
問蓬萊清淺無座中況有騎鯨客

花朝日章江離招遊焦山夜宿文殊閣共限月字

同余文圻楊石濱徐飛六顧客勞  
宗維舍姪秋濤浮屠含輝巨曄

春風吹衣興勃勃梅花照酒飛如雪踏盡空林不見人  
萬里江流湧明月江光月色兩無塵一片清冰同皎潔

蘭朝詩的

卷之六

湖廣

酒闌意與烟霧淡直欲扁舟泛溟渤主人愛客客亦豪  
青天去人但咫尺來朝更陟雙峰巔坐看陽鳥上林樾

題王巖築所畫墨蘭卷

余家舊住瀟湘渚空山種花獨延佇光風墜露曉窗前  
似共幽人相對語廿年別去九畹春眯眼但見東華塵  
冷豔孤芳忽相覲如返故山逢故人王郎好事王香客  
寫出一天春雨色藁筠碧玉互蒼茫湘水湘雲遠何極  
題馬觀我侍講爲李汀倩庶常所畫青霄高節圖

卷

長安雪後風猛急寒簾捲盡枯樹澀欬然躍入貧僧村

青翠琅玕愛林立虛心直節天所與傲雪凌霜物鮮及  
到門不擬問賢主把臂翻思有嘉集乃知畫師奪天巧  
能仙幽陰鬼神泣瀟湘水國千萬竿時並芳蘭供採掇  
潑墨成雲水如霧我欲扁舟借簑笠風恬雲淨天森冥  
猶帶湘靈淚痕溼

八月十一夜月

積暑猶在庭殘霞落成綺灑然月挂林微風爲我起遂  
令一室間澹蕩如秋水荇藻紛且細潛與波光委開窗  
見纖毫虛白生研几拂拭淨琴張響泉聊爲理宿醒斷  
杯杓若飲清肺髓夜深露沾衣幽賞何能已

蘭朝詩的

卷之六

湖廣

焦山次韻

咫尺焦山路三年夢想存不緣塵世隔那識上方尊雙  
柱分天闕孤峰到海門春船未可渡雲霧接朝昏

山行卽事

一徑入淩篠溪流宛轉遮林中聞犬吠樹杪見人家釣  
叟鬚眉古樵童負擔斜繞籬鵲相色錯認是桃花

初夏雨中卽事二首

選一

海角初維一葉舟蕭然退食卽林丘梟烟丈室涼如水  
積雨空庭黯似秋甘肅北堂憐寂寞詩篇東閣且綢繆  
百城消受差無敵藥裏書籤滿案頭

閉門偶作東林子中山

連朝風雨長苦痕最愛春寒獨閉門藥裏書籤過永日  
雲房仙磬又黃昏氛迷一水金山隔潮打空城鐵甕存  
却憶醉眠林處士街泥借宿杏花村

首月有作

石室高林夜轉清瑤堦如洗玉光瑩不知天上秋多少  
已覺人間月滿盈一水兼葭揚子渡萬家烟霧潤州城  
凌虛莫擬招黃鶴碧落微聞羽客笙

謝康山重過吳門感賦

勞勞亭畔五洲山兩度君來震撼間闔闔何人排紫闥

閩朝詩

卷之六

胡廣

四

風波無地不黃開雲濤菽水書難達春老鶯花客未還  
一別七年重握手壯心驚對鬢毛斑

故園兄弟各離居四十年中風雨餘潦倒名場誰似汝  
崎嶇宦海轉愁余東山豈不耽絲竹北寺還應待簡書  
傳語兒童先洒掃莫將婚嫁誤樵漁

王

戡 孟穀漢陽人

郊行

和風吹衣裾步履展遐眺短笻度殘塍春塍留淺燒初  
圓鳥相命失喜一雁叫嘶柳自搖曳溪流澹瀟照古寺  
倒鳴鐘孤艇接垂釣烟光雜草色遂盡所歷妙閨爲洛

生詠時學蘇門嘯美人與我違一往誰能料

自新安到池陽山行六日因成此詩

霜日發新安穀日夜臥秋浦孤城中樂哉斯遊山行之  
樂樂無窮層巒沓嶂不可以數計給飭潤益其聲淙淙  
山形與人影數百里數百隊蛇行斗折紛相從松篁夾  
道映天碧間有秋樹經霜紅麥苗綠溪出土生意滿溝  
塍地狹勢迫不可弓桃源人家易制度木皮爲瓦藤蘿  
封我行六日之內天氣晴無風平日立春正過嶺何其  
重上嶺抑何難一一石建父子能俯躬下嶺吁可笑直  
而不屈猩猩同輿夫尻高復昂首有如周昌強項能騎

閩朝詩

卷之六

胡廣

五

隆準公怪石老樹當我前狀貌瑰異如蔡邕茲遊天所  
相不聞見惡鳥虎與熊山縱糾結少閒僻溪厚遠勝短  
淺一兩峰去年九月登虎丘塔頂一眺太湖七百里開  
心胸十月曾酬慧山水第二之泉欣相逢惜哉俄頃便  
返棹未若斯行之樂數日未有窮可憐九華山秀色森  
然翠色日在我西今日在我東奇峰遙望九十九願將  
此身化石霍然飛去屹立萬仞凌蒼穹

寄張豈石四首 選一

解纜沿溪口湘潭復此過言尋仲蔚宅風雨繫牂牁城  
郭暮雲合池塘春草多消搖樂情話漸覺醉顏酡

清明前二日過正山齋中二首 選一

十日不相訪前湖水漸生沙邊鷓鴣臥山畔白鷗明山  
雨春光淨溪烟暝色輕開軒茶已熟風颺逼心清

寄雲田先生

菜根堂外竹松曠霜歷平空木葉閒應有一寒憐范叔  
尚能多病愛文君江邊風雨晴川合樹沙人家鄂渚分  
欲伴謫仙黃鶴飲湘波天限白鷗群

南歸漫興四首 選三

客果流光數上聲荻蕩人情風浪撼飄萍謂知有毒誰能  
免自卽無識我昔聆越女漫誇天下白湘靈直隔數峰

國朝詩的 卷之六 胡黃 六

青須知福性幽棲在莫遺紛紛思獨醒

南征萬馬塞入聲霜天鄂渚荆門列柵連師出金錢煩內  
帑軍行芻秣待窮簷令傳刁斗桑麻野家寄溪山虎豹  
邊遊子歸時願兵息賣將簪釧醉鄉眠

帝京景色鬱雲浮到處笙歌十二樓回紇角弓環魏闕  
時徵西西洋鐵敵歷蘆溝武功赫濯憑尊俎殺氣侵纏

急還籌翠輦時時臨別殿草茅何策釋殷憂

寄春陵先生

不豔時趨逐後塵閑食禪味信前因周旋到處寧爲我  
薜荔浚山若有人落日江頭喧鳥雀西風茅屋亂松筠

石渠還伴青檀舊明鏡愁添白髮新

野步

古寺臨江映碧梧羣峰繞郭枕平蕪猿隨林果雙雙落  
鷗學歸帆一一孤竹枝閒僧遙指點沙堤老馬野躊躇  
斜陽新月涼同色茅店卽帘醉共扶

廖元度 大隱長沙人

我立於野五首 選三

我立於野寒暑忽違豈不夙夜眷我庭幃皓首衰齒筋  
力已非哀哀戎馬瑣尾流離流離奈何去日苦多各在  
一隅畏此干戈漫漫江水悠悠山阿敢不陟岵其如細

國朝詩的 卷之六 胡黃 七

羅父子之恩生於靡他思得一見泪傾如河

我立於野予子天涯豈無衣食痛我室家結髮青春惻  
服蓬麻卒瘡拮据中饋無譁可憐辛酸兒女參差彼珠  
在掌孰爲塵沙彼玉在櫝孰爲紛拏朝露旣晞繁不再  
華心思舊思覩物咨嗟誰爲爲之室邇人遐艱難血淚  
此生靡加瞻望穹廬忍聽吹笳

我立於野塊然空門豈不播植念我田園葛蔓是刈藤  
蘿誅髡不失其時樹藝相存五畝幸保新秫成村秋熟  
登場濁酒盈樽客來不厭薄有雞豚瓜豆離立菜甲翻  
翻盤餐足媚迎風負暄與言日暮義皇自尊爲歡幾何

馬卒蜂屯顧此踐踏斷并頽垣傷心別墅莫賦高軒悵望蕪穢如何可言

溪秋住山令弟山莊三首

雲暗天垂黑林深鳥任飛蕭蕭隨落葉惻惻故添衣書  
痛秦焚盡人憐楚塞歸此生久兵革衰老羨柴扉  
榛苓猶在日彼美望西方不覩秋風勁誰知枕簟涼霜  
來愁野草水落念寒塘萬事蒼忙裏空歌怨夕陽  
目極烟塵蔽妖纏日月昏沙蟲喧白露瓜豆憶青門劫  
後牛羊少人稀虎豹尊纍纍原上塚愁絕未招魂

偶成

國朝詩的

卷之六

胡廣

八

不是詩顛酒亦顛生平羞上別人船難忘擁被陳無已  
儘有除翳郭恕先自恨直鈞空學釣邨知各夢枉同眠  
相思久矣無相識待向風高放紙鳶

初夏郭幼隗先生過訪草亭不遇因作里言用酬

其意

城邊卜築漸成阿學圃無妨種薜蘿閉戶不知春已去  
出山還問客如何蟲魚我昔忘情久風雨君來隔面多  
安得松間搖玉塵逍遙時一聽懸河

贈魏四南懷

上下雲龍夙有期君來晨夕足相知無花與鳥春何似

惟月於秋澹可思自是蓬桑堪抱膝誰憐稼穡只啼饑  
讀書萬卷曾年少十漸爭看入疏時

辛未三月上旬苦雨值張彥升歲成兄弟王務滋

留住草堂劇談數日因作此詩

雲龍上下舊心期十日眠餐信不羈誰浪若教天莫管  
壺觴似暇雨爲私農軒虞夏家誰是屠釣耕傭計已遲  
安得郊遊還好約一從班草聽黃鸝

寄懷陶五嶽先生

白雲遙望隔江烟三徑松陰集想牽顧我蜩枝聊復爾  
稔君鳩杖正仙然洞中日月光難秘刼外春秋信可傳

國朝詩的

卷之六

胡廣

九

屈指老成今一座太音琴上聽無絃

老就筆墨各難除百里曾叨數寄書南國營花勞拈撫  
西堂春草恨蕭疎嗒焉何似淩聞道隱矣無煩更卜居  
韓愈文章洵復起慙慙稱述過樵漁

李中素

子鵠麻城人

初四日登岱自迴馬嶺至十八盤作

縱橫愛肩輿緩急持盡巧緣崖轉層磴百折皆樹杪輿  
前落僵猿輿下過飛鳥不知所歷高漸覺近山小重雲  
覆前徑屢進驚益杳客行已朝旭此地猶未曉紆迴望  
來途一線落溪窮野色逐步開平原淨如掃竊欲擬昌

黎敢作衡山禱

結客

結客五陵兒自言來上都青氍毹白馬縞帶裝珊瑚齊  
梁質僕妾燕趙傭筮筮父事大中丞兄呼執金吾逢人  
灑肝鬲意氣風雲騰入門展眉目呼吸炎涼俱執手索  
劇飲十千提葫蘆躊躇盡四海似欲空江湖初筵顏色  
合許贈錦屠蘇再觴重容嗟已許輪頭顧念我憂患多  
涕淚如聯珠臨岐再三顧隔浦聞嗟吁一別向三月消  
息無來書寧知復相逢乃在要路隅要路可一言困  
須吹噓殷勤顧我笑此言亦何愚頭顱捐即易一言實  
國朝詩的 卷之六 胡廣 二

明月店紀事

共道南征士班師此路回盡攜糧布至不見越裳來鴻  
雁驚難聚蟲沙漫自哀招魂還奏凱辛苦是燕臺  
天馬來西極輪邊見 主恩頻年勞郡縣何日到湘沅  
皮骨金錢貴芻茭牧圉尊東南宜用武此意與誰論

遙贈閻古古先輩十律 選四

十載前得見閻古古先輩先叔外相梅公惠

連詩三章雄詞悲調酸感旁人每與外兄澹克  
酒酣縱歌輒以不悉其出處爲憾今客單父從  
友人案頭獲讀諸詩兼聞其挺身入關曾徂刺  
李賊不中今且解鞍匣劍依然沛上布衣乃爲  
詩十章用寫夙緒志氣感激不以無因自嫌古  
古亦許其狂態不

涪水瀾空劍影殘睢陽日落馬燐寒鞠躬詎肯輸諸葛  
斷指終難報賀蘭笑我從軍紅抹額憐君送客白衣冠  
生平慷慨無人識特向知音一見端

蓬萊淺又長靡蕪一擲恒沙總難虛哀詔尚停金撥捍  
國朝詩的 卷之六 胡廣 二

禁車已換鐵浮圖幸留實錄還詩史賴有心喪在酒徒  
試問辦香風起後遺民猶得似公無

高吟崛起震人天私淑清風十載前盡說關中懷筑去  
那知沙土袖椎還初成蘭佩原忘世種得桃花不紀年  
倘許狂生分半座騎驢尋醉沛宮烟

偶然得失漫相輕俗耳惟聞事後評快意千金投溲水  
當几一箭動聊城干戈未見窮吾道風月依然屬盛名  
便買滄浪清絕處年年龜手濯長纓

武昌賀七爲江夏相公宗子賣藥丞相祠中余以  
先尚書丘墓事來武昌邂逅市門率贈二律以

誌同傷

漫表成都好種桑誰從優孟問冠裳刀圭舊按調羹譜  
弓冶初傳濟世方莫向尚書悲墓木幸尋永相有祠堂  
當時事業知何在不在爲青鵲慰夕陽

金額銀坊字半斜布帛今映故侯家久知門第翻爲累  
暫學生涯且自誇擊筑去沽燕市酒負薪來換邵陵瓜  
鄉園喬木君休問三十年來但暮鴉

梅 鉞 澹克麻城人

八月舟過雙江回眺儲潭山根盡沒於水斷厓平

沙劃如一線遠邨孤塔群峰夕藍客著白衣坐

國朝詩的 卷之六 胡廣

篷下覓一句一字了不可得誠入舟後第一快

境也寄二弟靜克六弟孝治

遠人愛秋日獨往有佳况浙浙風氣微清暉石邊宕支  
篷坐夕陽抱膝看遙嶂幾處漁艇歸柴門各相傍林青  
出紅塔暝鳥雙飛向此意人未知空烟但孤望

秋濕和曹石霞前輩

君開水以画者奇画至吳生始奇絕噴沫奔巖出怪思  
今來快靚山之凸主人書閣藏幽浚六月懸流斷不行  
潭底苔枯鼠可過石罅到處寒蟲鳴昨宵風雨來何驟  
夢曉閣前拔楓樹白龍驚起黃葉間倒攪殘雲下潭去

水石擊怒勢飛奔水忽無聲石忽喧忽爲細雪灑清晝

忽發崩雷碎玉盆有時忽作猛雨起下與水合還成水  
響遍諸窓只一流流迴百折無三里倒湍傾次碧穹窿  
客但來看各不同我因尋句過其下三月耳閉如老翁

送李子谷之濟寧

理裝起中夜未曉已長征濁酒霜前滿新弓馬上輕聽  
雞尋野渡逢雁說邊城今夕山窓下思君坐到明

白鴨山房候齋作

黃葉起烟處夕陽看漸微鳥窺碁客坐鹿伴道人歸泉  
窟清淘米霜盤白剪薇所慚因口腹一飽亦當饑

國朝詩的 卷之六 胡廣

訪李子石

蕭條黃葉路斜在兩橋間半醉乘殘月騎驢入亂山

漳州女子血戰歌

粉汗淋漓透血衣紫駟如火夾風飛與儂兩矢追亡將  
復命還將一矢歸

劉授易 五原湘潭人

短歌十首 選二

秦皇兼併焚書坑儒晉時何人拜松大夫

又

將銅鑄鏡鏡照君面中多反覆碎鏡鑄劍

感懷七首 選二

神龍本奮飛有時藏泥滓蟠旋隱頭角喪氣同魴鯉一朝海生塵竟向沮如臥置身苟不慎困辱有如此丈夫貴擇術所以遺朱紫上有許由氏挂瓢洗其耳下有陶淵明不爲五斗米

天高不可上地廣不可託渺小七尺軀將行又復却帝王與聖賢彭殤同銷鑠人生如朝露胡爲受束縛白日上人頭又向桑榆落不如飽饑粥安心事力作丘嫂遂初衣經史皆糟粕戒之重戒之許身勿輕諾

寒食遊平山堂集飲湖舫六首 選二

國朝詩印 卷之六 湖廣

十四

十載平山路今朝展再過遠峰迎晚翠近樹接藤蘿竹塢藏春密桃花映水多回思清夜曲感慨在層阿

江海同爲客蕪城落日孤翻因攜手地轉憶入山徒懷本奉長念昔十酒罷諸緣靜天空一雁呼登樓吾已倦年前舊遊也

秋水問重湖

和張日容見贈原韻

停帆吳苑頗移情聚首玄亭賦墨卿一院鶯花春未放小橋烟水夜來生成弘人物挑燈論競病歌呼擊鉢爭近欲瀟湘鼓枻去月明猶記步虛聲

留別滄洲四首 選二

過眼悲風浪未平黃河泥淖幾時清久安三黜依岩穴

但恐千秋繫盛名黨禍由來成節甫酒徒無處覓高荆

劉又每見扶桑日魄礪填胸一劍橫

版築當年夢已空誰從燹下識枯桐有人洒淚憂天圯

此日迴車歎路窮但以看花消老病敢云種菜是豪雄

掃除一室開荒徑待汝茱萸小閣東

甲申二日同石林宗程肇珉韓寄菴陳涵谷謁孝

陵五首 選一

寢廟櫻桃付劫灰紅牆碧瓦盡塵埃誰知麥飯冬青日

猶 鑾輿雉扇來豐碣有文頻告祭孝陵 今 上南巡親祭

國朝詩印 卷之六 湖廣

三

東門將鼎湖無恨不須哀低頭拜向橋山下好鳥呼風

金粟堆

簡 能 若相鄰人

我有行

我有美酒如瓊漿銀燈照耀床頭香老僧解意見滌觴

酩酊霍起登胡床憶昔庚公在武昌南樓清景生雲光

樓中少年不敢當欲避未避同趨踰東接洞庭西滄浪

下看鄂渚蛟龍翔臨風洒洒弔英皇憑陵赤壁呼周郎

會幾何人入醉鄉此老一去南樓荒

黃鶴行



黃鶴黃鶴何時來赤鳳西走金烏攜仙翁愛酒烟霞開  
黃鶴一騎驟雲雷鐵笛橫吹壯士哀積風負翼孤徘徊  
我聞騰嶽楚王臺鵬雛毛血如雪堆仙翁招手呼天台  
黃鶴黃鶴何時來

望月

弦滿樽淡碧星微魄盡收比來多好月不獨數新秋  
水光知厚環山氣不浮入河牛女亂烏鵲莫溪愁

旅夜

短褐春殘冷尚侵雙龍何處試華陰乾坤有夢歸黃鶴  
斷水無情到素琴及此應謀良夜醉他時空有白頭吟  
相聽紫陌須臾靜淡夜輕寒半不禁

山居

卜宅天門近五峰前臨溪水碧溶溶魚龍作意滿三月  
土穀隨空課九農丘壑自然無洒掃芒屨任去有從容  
子真谷口堪誰侶認取前邨偃蓋松

羅俊 西叔夢懷漢陽人

猛虎行

朔風獵獵虎欲出鳥鵲驚飛狐兔逸山中人家走相報  
驅羊收豕各入室嗟哉猛虎爾乃獸之王胡不滅跡潛  
踪穴處而康橫行山中食人亦何強上帝鑒之必不滅

猛虎爲我言請君且勿歎橫行深山裏食人猶有限

羈中用東坡獄中寄子由韻四首 選二

棘院黃昏景色凄柝聲人語互高低瘠筋病骨年衰馬  
折翅垂頭關敗雞今日方知貴獄吏當年悔不遇萊妻  
漫嗟兀坐虛長晝只似丹鉛草閣西

一生未見維陽春飄泊連年嶺外身瘴癘南天悲逐客  
淒涼請室感羈人鯨魚勞頓非無水龍馬飛騰信有神  
人事百年都一夢黃梁熟後說前因

重陽前一日同徐煥卿登琵琶洲海鯨寺浮圖

澤國蕭蕭大江濱野寺幽深淨絕塵望裏白雲飛遠岫

謝康

卷之六

謝康

七

庭中雜葉下秋旻水環小渚人家聚網曬斜陽漁艇勻  
司馬青衫原溼透莫將哀怨感羈人

謝世任 泰冲衡陽人

謝康三枉顧真寧署中爲賦四詩

風雨喧昨夜蕭然老大心溪雲淡歲月秋梗任浮沉塵  
甌還炊釜霜雕欲起林吹簫當洞口似爲叶知音

不謂偏棲地來遊八月過山川幽俗舊風節漢庭多輸  
粟思邊策凌雲騁玉珂蚤知雄顧盼携手意如何

盛氣真無敵文豪直邁今琴山初對面湘水舊盟心已  
任秋容老那堪寒霧侵爲憐猶子意痛哭一沾襟

時有諸父

夢落星晨會秋空一鶴鳴吟詩歸郢客問俗厭秦箏祿  
薄酒頻得霜寒菊尚明暫邀冰閣月夜夜對盤清

曾世琮 虹受湘潭人

懷古

素交君子心貞珉不獨久薄俗等春冰傾軋成垂手金  
張氣薰赫田實事劫拾我懷蘭相如丹心照高厚睨柱  
懣強秦迴車避豪友重惜將軍威不辭甘下走和衷濟  
國艱古道寧速朽富貴隨驕奢金蘭成蔽帚

增壤無良璞珣珤必藍田魚目不照乘鮫師羅蠟淵壯  
國朝詩歸 卷之六 胡廣

士悲伏櫪長鳴惜芳年豈乏千里足羞爲牧豎憐蹉跎  
黃金臺嶽嶽橫垓埏縱未屈伊呂猶令國士前倚蘭搴  
古音叢桂鎖寒州幽香如可掇無使委林泉

堅冰行 黃河書所見

河冰鱗鱗如臥鐵淺水融融淡水結

河初凍自中流淡處河身湧

洞自天來西風凍合東風開十日不開旅人苦輜輶絡  
繹委泥土城南僦屋覓炊烟芻粟錙銖騰坐賈曉霧橫  
空宿雨收黃雲歷山雪作塢折綿繩手冷欲僵老狐縮  
不窺厓滄玉盤千頃徹流沙漁人打水慄雙股問津陽  
夏復平陰僕馬紛拏趨旁午俄聞濁流走砮礮五丁徐

徐揚鬼斧迴瀾欽忽抱冰巖鯨鯢奮氣蛟螭舞小舟藏  
經大舟沉乘桴懼觸馮夷怒篙工伸水醉顏酡停橈向  
客談風波渡頭唳喋論錢多白日欲隨愁如何

東閣梅花 合肥先生書

春入梅花早南枝吐夕暉冷香含玉骨細蕊護緋衣月

上層軒散風輕一片飛根分仙露重薇省接光輝

退食閒東閣平泉近北城巡簷花歷亂拂照影斜橫院

前春雲合更寒玉笛清青陽調六字絳幄醉瓊英

次和陶奉長世兄歸長沙留別八韻兼述旅懷

風霜太載染征衣入世心情與俗違叢擊懶隨塵撲面

國朝詩歸 卷之六 胡廣

簾垂差免客排扉才狂不事窮途哭計拙非同失步歸

樂意爭如枝上鳥輕颺毛羽刺天飛

兩度京華總漫遊楚材從此愧南州言無可與君先去

道有時窮我亦愁長夜淚紅樽畔蠟東風吹綠柳枝頭

咲予辜負三春景買醉何須萬戶侯

才調如君富萬航北來擁策控華韁一鳴誰識雙蹄駿

五柳情牽燕喜堂海內儔人傳姓字桂叢淡殿論文章

受知紅蘭主人不須和寡悲行路知己平生已自償

劇飲從君一破顏春梁燕子恰飛還匣中古劍光含鏑

枕畔離騷讀更闌俠少錦鶻數易結王孫芳草恨難刪

鶴人無那風情好白日騰騰臥掩關

月夜

問關乍息覺身閒新歲初看月一簣渡巷人歌金縷曲  
晴空烟淡玉泉山雙扉獨坐澆春酒十載重遊識舊顏  
贏得離愁南北路長安遮莫憶雲鬟

訂歸期與京邸諸君子惜別

烟竹雲溪喚鷓鴣木蘭風渡洞庭湖歸帆只在鳴蜩後  
六月高隱蔭碧梧

趙永懷 念昔栢里長沙人

環莊卽事

關詩詩 卷之六 湖廣

手

時日難農事柴門晝不開野人耕細雨好鳥叫春山風  
定村烟直牛眠芳草閑許多憐惜意都在落花間

舟宿巴河聞鄰船吹笛

夜氣侵涼簟清宵露下舟幾株殘葉樹一笛萬山秋聲  
透雲俱破江沉月不流關河今夕裏惹動故鄉愁

竹林寺

結伴尋幽處春風到竹林泉聲雙樹冷松覆一亭陰古  
佛銷金面高僧建塔心江雲縹緲外日落晚鐘沉

鶴林寺

古寺荒涼甚何從問杜鵑因緣無實相詩畫有真傳

元末

章傳爲寺 老樹生新葉殘僧禮敗蓮江山存舊蹟不散  
中如藍 鶴林烟

環莊陰五首

得遂柴扉返故鄉謾言往事盡悲涼起居不礙夫人座  
結識時同野老行耕讀尚餘兒有待琴書已敝夜無妨  
繁華五十年前夢說到江南欲斷腸

隋堤芳草錦連錢別後淒清遠思天客送長途頻折柳  
人歸斗室似牽船眼中風月聊堪爾意外湖山信有緣  
但得一枝鄰舊雨敢論喬木待鶯遷

喧卑幾自儘從容一任晨炊及暮春池欲放魚新釀水

關詩詩 卷之六 湖廣

胡黃

三

林無借樹舊栽松護持稚子將成竹化得妻兒漸學農  
獨立柴門隨興致晚山烟翠幾重重

烏衣舊巷歎空存薄逕蓬蒿別有邨避俗雅宜書過日

清談最愛月當門白鋤菜甲新修圃欲澈泉流舊鑿源

細把閒情推物理也須雨露及盤根

丘園久別費經營觸目春前萬事驚小草得名成遠志

芳蘭礙戶惡多生時間鳥語花將落不與溪流水漸平

我獨伶仃愁已極只緣門第舊雙清

附和環莊五首原韻

陶士儀 達吉寧鄉人

將毋欣看返故鄉烏衣有巷未淒涼問探舊積書千

卷且灌新栽竹幾行野外疎慵原不碍鄰家來往數  
無妨知翁性癖耽丘壑獨抱詩腸與酒腸

種樹常增買酒錢雲居差擬洞中天春鶯帶雨穿花  
徑野水浮槎作釣船雙屐偶來空谷響終年只結著  
書緣北窓自謂養皇上那管人情歲月遷

三間茅屋甚雍容水碓橋西且自春彩鳳舊啣天

子詔閑雲常護大夫松短衣服日頻修圃長夏三時

且學農雖似浣花溪上客江干車馬日重重

三徑何須羨獨存卜居新傍海棠村

環莊山中  
多海棠

幾行

樹影爭來座一派溪聲直到門性僻惟耽康樂句山

國朝詩

卷之六

湖廣

圭

溪似入武陵源移樽花下消長夜醉看婆娑月裏根

城巖絕遠省經營長肅高峰天欲驚每值奇花詩興

發一逢知己酒狂生鷹驅野鳥山常閑獵逐游魚水

不平最是幽居多逸事何須攬轡待澄清

張

贊  
錫田湘潭人

月夜至湘陰次華六夢鹿原韻

擊楫輕千里歸帆自遠天暮雲青竹戍夜月洞庭船  
火近偏暗漁歌晚更傳故園風景好相對已悠然

出都和陶奉長南歸原韻

饑驅病馬掛征衣生計蹉跎與願違北地風塵慙駿骨

南山松菊有荆扉林鶯百轉偏憎客官柳千行不繫歸  
三月郵亭前路遠晴光細逐暮烟飛

會擬長安作壯遊應憐知已在方州燕臺悵望徒懷舊  
易水憑臨不寫愁索寞風沙依古道迷離烟樹過村頭  
征人頗覺情多倦欲向山中覓醉侯

塵沙黯淡欲魂銷羣負三春勝事饒豪氣未除猶逐鹿

道心已定任鳴鴉敢云有意憐同調淡愧無才託聖

朝歸去洞庭春正暮木蘭迅速聽風搖

同廖湖山李石廻華夢鹿黎紫峰邵菴菴何月巖

段雨河周笏齋登岳陽樓舊址次華六夢鹿韻

國朝詩

卷之六

湖廣

圭

湖口凄凄芳草平登高自覺水風清不堪愁思臨烟渚

况是殘春聽午鶯零落斷碑蘚黯淡參差壞堞石晶明

空餘遺蹟千年在悵望南天一道成

馬上口占

靄靄寒烟淡落暉幾行官柳綠成團長安春色渾無賴

鷓鴣聲聲喚客歸

舟次耕州峽

一灣流水遶沙隄花徑參差咫尺迷可是桃源須問渡

停帆江上夕陽西

桑麻稠疊翠微中山水天然有化工幾處漁舟橫唱晚

碧波無限漾清風

胡期恒 元方武陵人

灩澦堆

大江西來四千里爭入夔門一線天夔門偏仄不肯受  
回波捲浪青雲巔白鹽赤甲互犄角日與水鬪尋戈鋌  
巴蜀雪消春漲發何人敢放東吳船奇哉峽口灩澦石  
巍然獨立江中間白帝逶迤作屏障瞿唐環繞如晶盤  
千谿萬壑雷電激中流一柱來當前有時如象又如馬  
出沒變化難言詮江流縱強亦退聽勢窮力竭翻求憐  
肯依灩澦別支派安流而下生洄澗夔門巫峽二百里

關朝詩助 卷之六

湖廣

香

本爲險地今平川乃知天意畏傾覆  
無權共傳禹功費鑄鑿巨靈神斧開烟瘴至今百神遊  
呵護絕頂不敢停鷹鵠朝宗萬派必經此好與嵩岳名  
俱傳

樓山關次大中丞張得第碑陰韻

碑刻於康熙八年二月爲風雨

剝蝕以意推求始能辨識

天意留重險當年此建關提封開絕域雄勢歷諸山食  
貨通三楚烽烟靖八蠻摩崖剝苔蘚彷彿認碑顏

仁懷水路

水勢正奔忙山形復閑藏珍珠拋碧澗銀液瀉虹梁樹

色丹青老春陰氣候涼中流蹲巨石應號小瞿唐

立春內江卽事

玉壘峰晴翠作堆金堂水暖碧波洞寒從昨夜三更減  
五時人與春風一日來紫陌未飄京兆柳紅葩爭放壽  
陽梅酒壚依樣臨印好只少雍容車騎才

九日次韻

古雨終風節序逢異鄉秋景似深冬丹心白髮三千丈  
紅樹青山一萬重未要漢庭栽苜蓿且依幕府種芙蓉  
朝來鏡裏添惆悵功業何年上鼎鐘

注門峽和韻

關朝詩助

卷之六

湖廣

香

巨斧何年闢兩門建瓴雄勢漲山痕神功想見刊夷績  
設險曾銷寇盜魂過眼烟巒窮變幻盈胸雲水豁朝昏  
是中合有通仙路爲訪真靈迹尚存

題扇頭櫻筍

珍珠的皪玉參差嫩綠嬌紅絕妙姿想殺江南好風景  
畫橋烟雨泊船時

上元日成都作

千門燈火月初圓九陌笙歌夜未闌曾走開元巡幸地  
至今風景似長安

胡期慎 敬仲武陵人

江行

微茫江上樹遠映楚山孤  
清雨分濃淡朝昏半有無  
越鄉迷舊國帶水接行轡  
征客傷心處月明啼夜鳥

送渠家表兄赴長洲廣文任二首 選一

趨庭猶記蒞吳州  
此日看君作宦遊  
萬井鶯花迷舊苑  
一川烟雨暗芳洲  
巡簷琢句閑中趣  
載酒尋山勝處留  
我亦相離纔百里  
輕舸來上最高樓

張文炳 質夫湘潭人

虎丘

造境不在幽一丘足俯仰  
到門微風起披襟頓開爽  
鶴

劉勳甫 卷之六 物廣

美

池邊修流一石平如掌  
當年試劍蹤只今痕未長  
不見說法僧岩際  
磬空響拾級恣遠觀  
亭臺亦高敞麥田何  
油油湖光分決莽  
樹裏城郭生烟中  
畫舫上霜葉幾時  
休笙歌猶倣倣  
傍晚晚山雨來迤邐  
香林莽乃知全勝區  
不但烟霞賞緩步獨歸遲  
悠然抱餘想

天臺寺

在妙高峰旁有落葉松分  
檀解里盧火車轍亭諸勝

陡絕靈山路離迷盡草封  
及門天數尺拱佛嶂千重  
米到分糧斛秋來落葉松  
香厨供一飯攜兩步從容

雨齋劉舜五總戎買舟偕羅子鄴先劉子希介亦

濂遊西湖作

雨散吳山取徑幽  
清波門外恰通舟  
紅疎小葦傳香淺  
翠重修蒲帶冷浮  
塔影寺懸雙樹杪  
茶烟人隔六橋頭  
餘杭三月春光迥  
載酒從教次第遊

舟窮路折接崔嵬  
萬岫千巖一嶂開  
石壁佛閉花散雨  
洞門龍老夜轟雷  
百年身世消清磬  
三月湖天熟早梅  
嬾殺黃鸝啼不得  
冷泉亭上却飛來

信安署次陳北溟初夏雨中韻

二水初停訪戴舟  
護花鈴閣儼林丘  
官閤皆過黃梅雨  
候暖人分早麥秋  
綠蟻細浮杯錯落  
玉蟲紛接語綢繆  
聯牀拈韻猶他日  
嬾我青山未白頭

劉勳甫 卷之六 物廣

三

仙關

絕徑溪穿水數盤  
仙關天敞碧雲端  
風來石穴雙門迥  
徑入松陰七月寒  
雞犬人家閒白日  
烟霞事業老黃冠  
悠然隔斷塵凡路  
笑指蓬萊到未難

楊緒 駒溪武陵人

舟中雜興

千里吳江水扁舟一楚人  
青山遙識面芳草便尋春  
柳浪浮花細魚苗鼓沫頻  
亂雲歸未了皓月湧初輪  
小舟停古岸湖水帶餘寒  
楊柳青無際芙蓉秀可餐  
勞看魚尾赤愁憶馬頭繁  
烟雨催行脚新詩和未完

楚別湖光好薰風入夜清亂星搖碧落空明山  
作留人態鴈知送客行長淮一回首雲樹不勝情

偶就風味好古岍一停船酒值憑留券茶香不受錢平  
湖探藕淺小市趁魚鮮醉飽非吾意長歌一扣船

山行

霜徑入岩堦寒雲鎖斷橋碎泉穿石罅禿樹觸山腰枝  
亞鳥巢穩林深虎氣驕一鞭乘曉霧未覺客程遙

雪齋登郡城西樓

不向春明聽曉鐘乘陽出人每携筇十年已鑄身爲錯  
一劍猶存氣是龍閱世久經三折股看山盡侶九疑峰

湖廣

卷之六

湖廣

三

只餘傲骨支霜雪新製漁簑當紫茸

落葉

見說淩秋氣候殊凋零萬象到虛無擊殘鳥翮瞞空墮  
戰敗龍鱗滿地鋪楚塞風高憑遠送吳江水冷尚爭趨  
炎涼歷盡差時態獨對西風賦集枯

彭維新 石源茶陵人

丁亥春辱劉子繹武遙寄佳什京塵冗迫未及答

和今歲假歸又與共溯湘水舟行所歷富有唱

和因追步元韻以志傾倒云爾

東華超走愧塵姿長憶江干話別時千里素書難盡意

五年青髻欲抽絲春風耽病閒花徑夜月懷人泥酒卮  
縮地無由傷閒寂頻頻吟取寄來詩

握手談心似昔年經旬酬唱動江天官貧我類東方朔  
吟苦君真賈閬仙自分缶鳴迫玉韻將看紫火映金蓮  
少陵有句堪移贈鄉里衣冠不乏賢

遊嶽麓

挈伴閑尋嶽麓峰汀田漠漠樹重重山橋怯度迴長轡  
石磴危攀策短筇

至石湖下馬步尋山僧贈竹杖策至禹亭

半笠僧寮無暑

到中天神碣有雲封憑高極目渾忘倦修竹叢南報午

湖廣

卷之六

湖廣

三

望嶽

浹旬泛宅逢迎少清曉山容面目真七十二峰新沐色  
數千百里乍歸身染衣塵土非今我觸眼烟巒是故人  
便擬搢笏登絕頂盪胸雲海敢辭頻

尋嶽

一逕杳然萬壑間松風謾謾水潺潺暫離舟楫經旬暑  
來趁烟霞半日閒五里一亭堪入畫幾人六月肯尋山  
籃輿漸暮穿林出咫尺雲巒七十二鬟

遊嶽

罡風鼓腋上南天森冷侵肌氣候遷嚮日遙看空翠處



此時盡在短筇前千尋碧石三更月峯頂爲望月半盤  
在下即懸岩  
奇山幾點烟結想十年今始到高吟昂首祝融巔

送劉元饒途中便登帆影樓

偶因送客得登樓疑向山陰上小舟帆影翔空欺古槩  
江風入夜報新秋世情聊付樽前話今夕何殊物外遊  
望裏故園惟一水自憐王粲尚依劉

陳梧鸞棲依縣人

遊岳麓六首選二

步轉平陵石徑荒杜蘅香散曉風涼千尋峰色波心見  
百轉鸞聲樹杪藏車馬春塵喧別浦樓臺雲葉護層岡

國朝詩

卷之六

湖廣

三

十年不到此山寺感舊懷人興倍長

峰頂流泉峯下通擬蘭亭子構當中高松晴日疑飛雨  
寒谷蒼篁實不禁風蕭洒有人揮玉塵沉吟惟我在樊籠  
桑麻滿地狼烟靜山後于今已息戎

譚之炎松亭雙溪景陵人

訪王子向歸途值雨

步屣向溪村歸途竟急奔輕烟籠野樹細雨溼黃昏下  
坂愁泥滑呼船過渡喧笠簑何處覓避立小柴門

岳口泛舟

幾日入春明襄江水未生疎林迎月淡雙槳順風輕

上人行語天邊雁過聲蒼茫看薄暮倚棹返柴荆

永興阻雨

鎮日檐竿傍斗城短牀踈局最凄清江心細雨絲絲落  
峯頂陰雲縷縷生黑樹叢中飛鳥沒綠蕪深處草蟲鳴  
榜人簑笠街頭去好付青銅覓酒罍

寄懷戴南堂

河梁急拍渭城歌催起行裝離薜蘿正在飛花送酒處  
其如落日暮雲何收將白眼狂應少滴向青衫淚幾多  
別後襟懷常放浪湘衡歷歷片帆過

陸居易寓水西菴奉訪留題

國朝詩

卷之六

湖廣

三

微涼天氣興遊酣因訪名豪到草菴偶放誕時容茗戰  
善留連處只清談漫行返照花三徑閒看新秋水一潭  
樹裏晚蟬還亂噪忘形不禁樂湛湛

胡之太聽岩黃岡人

晨起次存人韻

晨起窺戶牖心眼得開擴幾案古今橫丹鉛恣參酌木  
落氣寒冽盆菊存餘萼年華付書卷且喜分泌閣千載  
旦暮間古人如可作自從滯燕趙神還夢衡霍飲啄良  
自然野田飽黃雀匪爲稻粱謀沉淪耐咀嚼何日返故  
廬長路仗驢脚從此甘田園肯綮幾州錯清晝聽黃鸝



餘閒剝紫簪悠哉聊自寬  
吾道有真樂紛紛傀儡場轉盼已成昨

泊舟三江口投宿寺中

泊舟臨古渡曉色已濛濛  
尋徑餘殘雪扣門來朔風  
禪燈深夜白漁火隔江紅  
老衲情偏厚慇懃意未窮

卽事

鏡中面目未爲親特覓丹青一寫真  
何物虎頭能入妙爲傳雞肋不生嗔  
卑棲自合甘疎放老至應須學隱淪  
安得買山圖畫裏閒庭雪月伴松筠

依韻酬各華容季明府兼謝詩序  
時季解任寫星沙

卷之六

湖廣

三

遷客羈人萬古愁  
祇緣滯迹在潭州  
賈生落拓存胷井  
商隱棲遲倚戍樓  
僧榻曉鐘清旅夢  
奚囊佳句度新秋  
識韓幸慰平時願  
良夜須將大白浮

出來著述是窮愁  
曠代文章愛柳州  
望古有懷頻鍵戶  
依人無術強登樓  
漫誇詞賦張三楚  
獨惜悲吟困九秋  
元晏典型今尚在不  
隨波靡任沉浮

向兆麟

石邨撰著京山人

昭君怨

樂府題

將妾比黃金黃金不如妾  
畫工愛黃金妾顏等敗葉  
居王信畫工迢迢事遠涉  
含悽出宮門塵沙點鬢  
屬祇留

青青草萬古封馬鬣

感懷四首

選二

翩翾雲中鳳丹穴是其宅  
翺翔迷所之天地苦逼窄  
苞像耀文明顧盼生光澤  
凡鳥喙異已枋榆羣啞啞  
梧桐既不生竹實亦蕭槭  
俛首聽鴉鳴引吭莫雲白

鬱鬱山上松老幹歷霜雪  
芄芄田中莠乘時何桀桀  
松古無媚顏莠生自糾結  
猥士矜朝榮君子厲晚節  
所志判雲泥衆人漫區別  
安得駕層霄舉手謝一切

自蘆溪至乾州歷諸險難短述

不信巖疆險縈紆百二難  
驚濤春斷岸怪石鏤奔湍  
幾處村烟白千峯木葉丹  
比來軍供急飛輓正艱難

國朝詩集

卷之六

湖廣

三

哭李二仲緒

海上羈魂未可呼  
歸舟止載藐諸孤  
十年護老荆花帽  
一旦人亡子嗣無  
故園寒烟迷絕島  
墓門哀草亂啼烏  
茫茫大化真難問  
散髮披襟泪已枯

晚泊白沙同劉九晚彭殿掄舟次小飲醉後漫作

野鷺閒鷗靜不猜  
水光月影共徘徊  
縣知一枕蘆花夢  
應勝三更畫角哀  
剪燭題詩渾漫興  
隔船呼酒盡餘杯  
夜闌更向篷窓望  
直擬浮家到釣臺

楊亦溥

弘士鐘祥人

送吳匏齋之永陽並訊向石村

雪里追隨數十年論文尊酒故依然如人事少頻看劍  
受我情多獨放船客邸青瑣疏水共晚燈孤榻雨風聯  
泝流寄語蕭湘友枕上聞雞未肯眠

陶 炯 日宣寧鄉人

憶友人

西牕剪燭話奇文醉墨常污白練裙每向春寒憐范叔  
更從秋恨慰劉蕡暮歸失路人俱散曉起旋家秋各分  
萍梗東西應見面莫悲踪跡類浮雲

王孟穀過萬福禪林夜話

國朝詩例 卷之六 湖廣

音

野外江風隔樹吹鐘聲敲落葉飛時兩人壯志非關酒  
一夜雄談半入詩夢到枕邊雞欲斷寒生漏處雁先知  
看來開謝原無定遮莫燈花盡吐奇

郭金門 黃陂善化人

官詞

春夢多驚鳥輕風慣掠衣簾疎殘月露門鎖落花飛燕  
小隨風隨鴉迷認柳歸漏殘還悵望清影爲誰依

秋懷

萬點離愁莫寄將秋思又在水中中央蕭疎柳色舟迷岸  
淒淒蘆花雁叫霜夢到癡餘人似玉詩敲醉裏舌飛香

宵宵坐落梁間月誰共東籬笑菊黃

劉 淇 竹偶茶陵人

岳陽樓晚眺

湖水隨天濶城樓失地安從來秋色好絕勝晚波寒日  
月歸生沒神仙託羽翰還將枯海意一勺等飛湍

秋夜泛月

潑倒秋空看月明携來一葦較多情流雲下嶺峰無礙  
虛響回天樹有聲鷗自沿洄隨釣艇濤如鳴咽入茶鐺  
誰家夜半凌霜笛楊柳紛紛水面生

偶占

國朝詩例 卷之六 湖廣

重

溪上聞人聲山陰看古樹幾峰瘦不堪正在層樓處  
張 玠 蔚石湘潭人

題贈白牧上人

華胃金闈秀遺榮靜者機風塵雙白足湖海 緇衣到  
處詩隨滿孤標錫健飛好看高座上塵尾正長揮  
尚平遊五嶽此意亦云癡婚嫁真能畢人生復幾時如  
能忘物役乘興更焉之采采紫芝曲因君動遠思

題楊立菴洗硯圖

腰罷蟲魚生事微瓦溝餘瀣却頻揮未須披褐同懷璧  
祗合尋河伴織機好去汗青懸竹素還來滴露研薺薇

艸玄有客空投閣石火君苗未必非

洪如葛 右稱攸縣人

山家招飲

野翁掃花逕速我來江亭春艸入杯綠晴嵐上衣青酒  
淺敵雲氣句好搖山靈醉起覓歸路松間步宿冥

湖中對雪

秋爽吹波幾盪舟湖邊看雪勝看秋平沙欲沒同雲合  
澄水無痕積素浮船向畫中添一棹人從天上縱雙眸  
烹茶亦醉寒光遠何必岳陽明月樓

楊亦奇 恒士安陸人

國朝詩的 卷之六 湖廣

過碧雲山莊

宛轉清溪上垂楊隱西樓野烟橫斷岸孤艇坐中流大  
外三峰秀門前衆木幽桃源不可覓此地亦堪遊

李宗仙 小白寧鄉人

九日洞庭阻風

我去洞庭烟日謐我來重九變烟日怒濤翻風天上回  
君山衝雨湖中出扁舟獨繫心傷悲欲去不去空遲遲  
沽酒漁歌聽不得破浪千里杳然疑吁嗟手乾坤何處  
非吾宇歌向湖山懟風雨他鄉故鄉陰晴同青天惡在  
晴光昨黃花紫萸待月明姑弔英皇洞庭浦

立秋後一夜坐薜花巖

登巖清夜裏巖巖意較能幽修竹千竿月孤柯一葉秋  
聲烟外濕松色露中浮聽曙歸冥漠風生樹上頭

寄盧復郎

昨夜逢蘇軾言君戀友聲報書秋爽破投句月華生將  
母能偕隱藏身總中清盧仝花徑掃遲我共茶鎗

上兵憲祖文煥先生時將南歸

汾水雲吹湘水清作霖湖岳沐蒼生長沙痛哭關愛樂  
彭澤歸來自性情掌上春留桃李樹耳邊風動雁鴻聲  
袞衣昨夜思東土莫遣雙鳬入帝京

國朝詩的 卷之六 湖廣

胡期孝 師虞寧鄉人

立秋後一夕看月

迎秋不見秋以月辨秋始昨夜月橫空孤光固相似獨  
覺照今宵涼氣中秋水非月照則殊秋到乃爲爾白  
木葉下亦復湖波起千里感秋人夷猶明月裏

月夜郊行

偶逐烟邨路翮窮藜杖求清時雞犬密樂歲稻粱收月  
色人難夜風聲樹易秋中宵過華戶不怪道旁遊

國朝詩的湖廣目錄

卷之七

程 封 八首	胡在恪 五首	王澤弘 八首
熊賜履 四首	嚴正矩 一首	郭野臣 三首
唐世徵 十首	洪之傑 二首	王追騏 十首
夏熙臣 十首	葉 封 九首	盧 洽 一首
胡開仁 二首	吳升東 二首	孫錫蕃 三首
朱萬仰 三首	章成賢 二首	張皋謨 一首
胡獻徵 三首	金德嘉 七首	張希良 三首
劉 康 一首	戴 神 三首	朱載震 五首
國朝詩的湖廣目錄 卷之七 湖廣	羅世珍 四首	趙而愷 六首
胡 袞 二首	周和溥 五首	周夢卹 三首
陶之采 七首	盧 紘 四首	詹大衡 二首
程正翼 三首	陳公祿 五首	譚紹珖 五首
詹大衡 三首	馮俞昌 一首	陳光龍 二首
蔡驥德 二首	陳其棟 一首	王 樹 二首
蔣本生 一首	吳 嶽 三首	汪文雄 二首
夏 琮 四首	黎美夏 二首	

國朝詩的卷之七

長沙陶 煊奉長遠

同里張 璨豈石同輯

湖廣

程 封 伯建石門人

武昌山行宿田夫宅

策蹇向前林孤村犬吠門農夫田上歸荷鋤數雞豚牛  
羊下山來日入天地昏我僕告休此炊烟無四隣到門  
伺顏色爲借供夕飧農夫迎客入先爲烹餽樽張燈照  
厨下麥飯豆瓦盆問其啼笑誰三四小兒孫積艸土銜  
國朝詩的卷之七 湖廣

中倦臥安心魂行子夜中起曉霧移山根

從人別山望鸚鵡洲

不死曹公手其名即可傳半黃洲上日亂綠草邊天獨  
我全無涕之人豈受憐何須怨殺者狂了或歸仙

迎江寺

野水平于岬青山飛出雲古今荒寺在南北大江分帆  
影何時盡潮聲半夜聞空餘衰艸地秋暮又屯軍

倦遊

長江南北岬孤木去來分水濶如無地峰多不辨雲踏  
花聽鳥語磨蘚認碑文自怪飄零久踟躕問夕曛

同想甚無謂淹留竟不成慣貧忘久客健病爲多情別  
酒數升醉歸船一葉輕到家妻子笑何事滯江城

寄楊近西

江語頻相憶世情別後堅常從山水處恬得友朋緣細  
大園寒夜孤帆落遠天探囊無俗物珍重是詩篇

寄許力臣

貧病余空老文章爾已工閉門雙眼白披褐一燈紅海  
內才名滿江邊客路同廣陵潮泛急相望趁春風

王元夏來自鳩茲曹永叔來自五河話舊

海濱寥寂正思人爲憶山城柳听春訪友不曾辭路遠

國朝詩的 卷之七 湖廣

留賓何暇計厨貧攤書矮屋疎懶慣就月空亭笑舞新

到此醉眠三五夜荒燈破硯總無塵

胡在恪 念高江陵人

襄陽

晨光淨衆峰披襟入吾楚坐枕河洛奧山川列堂廡漢  
濱槎頭鱖漁人始網罟壯哉形勝地從來爭戰所英雄  
銷荒烟隋淚碑如覩是知德在人詐力不足數冠蓋久  
荆榛習池暗風雨可憐大堤女春花開誰主爲携襄陽  
詩鹿門一弔古

雨後課僕種蔬

跡與人情迥心隨老病棲蟬聲猶舍北秋色自湖西稼  
稿豐荒牛饕餮爾我齊豆花雨正好相累種黃蘗

寄弟

迢遞驚蓬又掉舟縹緲無計對烏裘可容畢卓一生興  
更作平原十日遊甘旨慈闈虛有日波濤故國久無秋  
資糧僮僕何須問雁字空書汝水頭

張翁止宿

檐雲霞翳倚江邊籬菊蕭疎暮柳前漢上抱來空有甕  
成都卜後併無錢楊懸客夢生殘月酒醒鄉關隔曉天  
莫道一塵猶小隱青羊相憶計何年

國朝詩的 卷之七 湖廣

晚宿東林寺

炎天驅馬到東林薄暮逢僧坐柳陰山靜漸聞鐘梵遠  
雲高益覺月輪深眼前虎嘯尋常事夢裏蓮開咫尺心  
几案諸峰都未見青鞵何日徧幽尋

王澤弘 涇州天廬黃岡人

題程穆倩畫

高山亦可居深林亦可隱下臨萬頃秋中藏一葉影停  
楫正踟躕澹然坐孤冷茫茫海天寬欲行未敢逞獨看  
孤月上蒼色照諸嶺誰識乘舟人行止有深省

秋夕

空林當時景異地對蕭晨楚客能無怨秋聲倍覺親葉疎風抱樹雲破月窺人獨步思前事無言悔恨頻

登南嶽

嶽色隣空雨漸收溼烟寒樹逼清秋橫看八面愁天老俯瞰三湘覺地浮使者玉書何處授鴻濛圖書至今留豐隆雲氣如王會不是奇人莫浪遊

寄懷陶五嶽

壬午秋謝於黃鵠樓結社者二百余人同讀書濂溪書院皆一時名流

少日論交久更親各天離亂再生身登樓結社思前代同院論文憶接鄰舊國藏書渾炬燼故山名士半沉淪當時諸子嗟誰在湖北湖南我二人

國朝詩的

卷之七

胡廣

四

寄閩古古海廬山

二月春無一日晴客舟心似遠江聲人傳我友匡廬臥當與高僧栗里行耽酒不須頻罵座賦詩相勸更藏名昔聞隱者真何限非託漁樵卽耦耕

同高念東先生泛舟月湖卽席和韻

幾日追隨暫繫舟木亭山閣共優游吟詩只似吳江冷領曲難消楚客愁豈識武侯非管樂須知曼倩亦巢由他年瓢納從君住五岳爲家可再謀

秦淮雜詩和王阮亭作

故宮荆棘柳陰遲零落秦淮萬縷絲羌笛更從何處怨

江南盡似玉關時

宮草迷離二十秋莫愁湖上幾人遊可憐天地愁如許苦勸人間且莫愁

熊賜履

清岳李感人

長歌行

青青堤上柳黃烏啄其陰柳色何迷離鶯語與高深杏花萼葉繁瞬息變園禽凭欄瞻夏岫白日枕西岑何處鷓鴣鳴淒淒雜流音盛年難再得涕下不能禁

宿叢雲樓

步履從容向晚登登靈旂碧落自嶙嶙松關不掩漁樵路國朝詩的

卷之七

胡廣

五

洞口常看去住僧坐斷白雲分塔影推敲詩句借禪燈漫言四大歸何處拄錫拈花我未能

歸途野眺有感

游罷言旋約再登回看雲樹倍崇增扶筇我賦歸來曲戴笠人如過去僧十畝稻花棲晚陌幾家機杼促寒燈不堪四顧丘墟地振起瘡痍豈易能

暮秋集燕子磯

秋風驢背過江樓再上漁磯續舊遊嘶柳疎黃淒暮靄汀蘆殘白點溪流飄零怯聽烏衣曲寥廓虛疑夜月洲高目興亡成往事天涯涕淚總難收

嚴正矩 方公孝威人

董湖涉園三首 選二

林居不厭僻，築地此中偏。水澗合秋色，峰青映遠天。古

臺高見月，喬木澹生烟。夕鳥飛歸去，漁人駕短船。

遠樹蒼茫外，環溪碧水深。繁花非一色，好鳥有遺音。竹

露垂秋月松風響，玉琴白雲堪送老。引興自長吟。

郭野臣 者齋益陽人

鶴天寓三十韻 選二

白雲去後久無期，愧我相乘骨尚癡。時似遼歸陵谷淚，

世俱猿化鬼神噫。行何踽踽誰爲似，立自亭亭若有思。

國朝詩的 卷之七 胡廣

飛去當年王謝燕，漫因仙鳥訂相知。

孤芳喋喋太悠哉，過客矜傳負嶠來。粉壁乍添高士影，

閑庭不掃凍雲埋。松難偃蓋愁棲魄，琴挂無絃伴寫哀。

性定莫嗔慵與拙，經營花鳥亦閑才。

過洞庭

洞庭望無涯，孤舟隨浪仄。達士心目空，迂儒有驚色。誰

謂身試非此身，原不測。

唐世徵 魏子湘潭人

夏雨田家

雨止新氣奔，千畦散青翠。老農賴餘閑，貪看好禾穉。放

水不携鋤，手弄碧波戲。逐涼夜扉啓，移尊山月至。垂老

但抱孫，何曾記城市。莫辨風雨心，尚言井泉利。湖南未

解兵，此又足紀異。相對念生事，一潸故園淚。

天井逢講師玄上人

斷汝五嶽節，停我湘天鞞。樹裏記前因，相視一微哂。秣

園聽經人，鳳作高岡隕。曾于落花中，識取機鋒緊。別我

上祝融，萬松如可引。名山劫亦然，兵氣到茶筍。聖賢愁

自了，任達寄深憫。豈有白纒，能絆霜天隼。

石浦艸亭爲劉符九

竹磴渾無徑，村迴此有亭。岍烟隨雨出，渚艸帶春青。溜

國朝詩的 卷之七 胡廣

引畦三畝山移翠，一屏徵君自經濟。丘貉不求銘。

河上別鄧道郭

南天從此去，岐路各愴情。衰柳不堪贈，孤鴻相向聲。翠

浮嵐岫遠黃落野，雲平渺渺桃花雪。西風吹又生。

流寓榔江王山長見懷五律問山長赴公車不覺

有懷 選一

不出湖湘路，栖栖慚遠遊。破鎗三改井，旅視兩經秋。鳥

匪無枝，月魚憐半死鈎。一從裴九去，閉殺輞川舟。

津修上人寄示艸堂四韻索和

五峰隨地有，不在嶽高深。聞汝結茅處，數山連竹陰。竿

頭占進步清絕見詩心晚磬枯蒲裏秋雲坐綠沉

將理歸計別子建葵子伯仲

敢厭遊踪冷飄蓬祇二年途窮多所累交久幸能全衰  
颯山川淚艱難風雨船愁心兼別緒回首正煙烟

甲午夏日讀書懺心菴臨別留詩贈坤月上人

一徑穠陰疊炎雲不到山樹根欹枕遍瓜架晚涼閑竹

好青留字僧孤晝掩關過溪從未嘯送我一開顏

山長溪上贈別攸水陳逸子逸子薙髮浮家欲入

都訪舊

曉色空山問雪橋草堂幽興舊朋要聽多溪響眠難着

國朝詩的

卷之七

朝貢

八

坐到爐寒怨未消通送清言銷白業孤留氣節重南朝

浮湘十日渾無任初試雲天萬里瓢

寄呈鄒長垣師

還吾清白舊髭眉鷄詔新傳拜舞時漢法不聞收薏苡  
楚人徒爾怨江離壺觴父執香山社花艸姬園別墅基

轉有盛名誹謗外嶺南文字夜郎詩

洪之傑

龍州江陵人

送雷左佩還江陵

曉來鼓角報初晴鈴閣風生兩袖清鶴羽翩翩窺短髮  
龍文奕奕動雙旌隴頭春色仍無奈江上扁舟又送行

千里相思何所似桃花潭水古人情

友人蔣述旂過從誌喜

幾載風塵別故人仙舟東下眼重新文章早擅相如譽  
忠信還餘公琰身蓮幕清尊常暮雪梅軒寒燄話芳春  
同儕諸子多聞達不信于君尚釣綸

王追騏

雪洲黃岡人

早起見西湖落月感懷

何時輕離楚此日還在浙舉頭向落月嗚咽未可說及  
茲一息光鑒我中懷結貴豪寢高閣長夢知方熱少婦  
起空閨寸心欲斷絕偏爾徹懽娛偏爾照離別相將沉  
國朝詩的

卷之七

朝貢

九

大海不圓亦不缺

落葉

生理甚艱難何忍紛紛落北風太不情入山任肆虐飄  
零故相依聚散靡所托恨無松柏幹歲寒仍舊擇符學  
桃李枝乘春先發萼物序豈殊懸葉葉請自度

乙巳秋七月壽映然子

幽人致宜秋清秋典宜月月上秋山顛照人採薇蕨薇  
蕨化金光奇芬流醴辭香亦不可磨光亦不肯歇赫耀  
千載內人與月同揭

老樹三首

選一



深山多老衲此樹更忘年情淡峰前月神凝雪後天伎  
枝春意在此歲歲道心堅幾閱滄桑盡凄然覺汝賢

水仙

嫋嫋殊凡卉亭亭見水仙姿偏宜雨後致若愛燈前朋  
結蘭芳勝春爭梅蕊先塵紛今夜淨共爾學參禪

吳山客夜聞名媛詩緯

女史書成三百年靜衡閨閣幾人賢春秋不假貞淫筆  
風雅姑存鄭衛篇論世太工心自苦惜才非怨意多憐  
幽人清夜閒題句冷却粧臺雪後天

山陰客中苦暑

國朝詩的 卷之七 湖廣

十

長夏何人靜掩關情枯如石石如頑豈無雪浪偏沉海  
亦有松風不下山飄泊自應隨地隱倦遊初得怡身閒  
從茲影伴重門月萬經千歲一筆刪

乙巳九日攜李舟中

似此秋光九日希樓傳烟雨亦晴暉碧波泛影搖紅葉  
青眼凝空望白衣逆旅喜留兄弟醉倦遊怕聽友朋歸  
孤帆鼓柁行吟客彈鋏何如賦采薇

崇邑返棹

誰從瀛海挹春暉醉泛將軍畫舫歸消息靜聽湖北去  
飄零愁見雁南飛曾無島嶼尋仙夢尚有雲霞護客衣

回首一帆波萬頃壯心何事問漁磯

東槩菴熊和尚

二十年前早識君兒童會聽說雄文待覓瀛海潮頭  
猶隔華山頂上雲此際傳燈寧自照當年諫草爲  
好留半席遲來客莫學希夷不肯分

夏熙臣 無易孝感人

山遊三首 選二

潯潯山下澗鬱鬱山上松森森澗中石瑟瑟松上風  
風臨澗石萬古吹冥濛幽人就清曠劈徑巢其中四壁  
皆絕巖其下乃青空客許求羊過林容猿鳥通微聞長

國朝詩的 卷之七 湖廣

二

嘯處似在小橋東

孤癖事登臨春歸促遊蹤寒潭雪故深陰巖冰未泮牽  
衣蘿薜長路轉峰忽斷溪險徑愈仄崖廻景屢換山巖  
雲氣多林密鳥聲亂層閣構懸梁乃在天之半中有羽  
衣人避秦不知漢花謝識秋冬月出辨昏旦忘情謝世  
網揮手捐塵絆我欲從之遊路絕空永歎

九日同鶴林登高卽事二首 選一

不盡山中意秋高自可尋莫將泣玉眼辜負看花心木  
脫寒峰淨雲生萬經陰古今同一歎長憾此登臨

東毛子霞

卜築成高隱天涯寄卽真扁舟江上客白雪郭中人筆  
墨尋千古湖山老一身何時重載酒共醉楚江濱子真

詩

喜晴

入夜開新霽幽光護竹扉梅將傳月影星欲潰雲圍人  
定鐘聲細庭閒風力微守茲沉寂意深酌更忘機

雪

柔條鳴午夜雪色入春來天地工圖繪風雲妙剪裁  
寒山壁絮白戰鳥銜枚默坐成幽賞梅花凍未開

寄彭然石二首 選一

國朝詩的 卷之七 湖廣

三

最是才名數十年蕭然座客對寒鴉眼中紅葉秋光老  
身外青雲事可憐折角不難推五鹿登堂且自看三鱸  
便便有腹原經笥努力加餐好晝眠

過黃梁夢

舊事虛生局已殘勞勞猶自說彈冠祗緣夢裏功名易  
不信人間道路難報國却慚身似葉學仙幾見面如丹  
北窓誰赴羲皇約穩睡山中日數竿

新柳

新碧山青水滿池東風裁出葉如絲小蠻舞就雙垂手  
京兆粧成十樣眉細雨乍輕人去後淡烟初上夜深時

芳洲處處春無限九十韶光只自知

輕盈漸欲護沙堤倦眼初舒翠不齊吹得花開迎紫燕  
春成枝老待黃鸝山中陶令酣杯酒闌外條侯聽鼓鼙  
却怪群陰騎白日莫教飛絮落春泥

弔張相國文忠公墓

故國山河古戰場章臺風雨色蒼涼文孫尚帶義弘血  
謂別山 遺笏誰留召伯棠斷簡有人藏筆墨荒原無主  
司馬 薦蒸嘗我來展拜生悲感紅葉蕭蕭月一塘

菜 封 井叔慕應黃岡人

別王貽上侍讀四首 選一

國朝詩的 卷之七 湖廣

三

昔賢重結交致慨多黃金相許殊勢態難期茂寒心細  
言伯牙子撫暉理幽琴體真求自然抗志卑哇淫守藝  
卽稍勤進道虞弗任從游涉溟渤洞駭烟濤侵扁舟杏  
然逝尚悅移情淡一彈水仙曲再鼓高山吟亦惟鍾子  
期識曲亮其音師資與知己千載良爲欽通雅曰琴暉  
卽徽也樂書

漢柏歌

古柏森森偉然立不知始自何年植茂陵物色秋風中  
其時必已殊軒特揆之當在瀛秦先毫社遺根周室遷  
漢武今將二千載悠悠難數從前年年深輪囷交枝格

或云本掩塵埃積聳身鬱鬱六七圍假蓋猶高百餘尺  
剝脫龍鱗紫玉光長生翠羽銅花碧歲寒然後知後凋  
含貞挺正凌霜標如何不登廟堂用奇材乃在空山椒  
瓠落應甘委草莽得全天年免斤斧獨憐橫被將軍名  
丈夫肯與絳灌伍心疑此說或虛誣越有秦松五大夫  
狂火爲災喪厥一幸其大次猶紛敷我聞此木甲天下  
高字記云平陽媯皇廟有古木與此木可伯仲愛之可不殷勤者行教養樹護  
春雲不遣摧薪歎空野

盧巖

高隱傳丹嶠幽尋歷翠微微君遺舊宅破寺倚斜暉山

國朝詩的

卷之七

湖廣

百

氣深偏謬泉聲細自飛滌煩何處是留此滄塵機

緱山昇仙太子廟

緱氏昇仙廟豐碑后武名池荒無鶴飲樹老有蟬鳴經

綫遺靈跡清虛謝世情何當明月夜靜步得聞笙

從嵩嶽寺過尋適菴

嵩門千仞鬱嵯峨古寺相鄰繞薜蘿可惜香臺虛外賞

偶然竹院得閑過經聲初靜幽禽下地力難耕野鹿多

寂寞老僧渾似慣坐深春草竟如何

中峰

峻極中峰此獨尊雲低咫尺暗天門路迷仙館孤池在

州斷黃河一線昏封禪有壇虛月色搗衣何石見秋痕  
不知山頂誰剗削今古初無半字存

上龍潭寺

高麓平開一徑幽下看猶在半山頭天寒古樹鸛巢路  
雨過輕泥虎跡留仙梵晝稀花漠漠僧房烟靜竹修修  
神龍誰與安禪制盡日潺湲順壑流

瓦旋坡

林崕幽深緩轡登屢從跬步度峻嶒峰高亭午銜斜照  
磧冷初寒挂積冰欲坐看巖頻息樹相期歷磴更支藤  
怪他如此烟霞裏却少茅菴一箇僧

國朝詩的

卷之七

湖廣

五

綠楊橋

在新水縣城東以蘇軾題詞得名

一谿明月可憐宵清露霑衣退酒潮侵曉夢回題柱後  
至今人喚綠楊橋

盧洽

在陽黃安人

由采石磯下金陵

微雲曉日淡南天隴麥汀花次第妍旂旗猶鼓角  
香臺鐘磬自風烟鳳凰山鎖孤陵路龍虎城消百戰船  
日夜東流誰砥柱旅懷長在六朝前

胡問仁

原名珠山佃黃安人

過鹿角二首

選一

舊日屯兵地今餘石壘荒一湖波在此入陣法何藏事  
業成灰燼聲名冷霸王躊躇意未了帆過已茫茫

和李子雲史春初寄題山莊二首 選一

萬古生成一老巖巖前忽見立青衫閉門未辟韓人穀  
放跡如逢楚國讒黃鶴來時占嶽路白雲深處歇江帆  
賣文難索碑錢活春晝還爲花鳥監

吳升東 吳微黃岡人

赤壁春望偶成

偶眺臨巖際春光作意來衆山經雨後無處不雲開漸  
覺青歸柳猶餘白在梅輕寒方陣陣莫放手中杯

國朝詩的 卷之七 胡廣

清明前一日晚投青山寺

偶息青山寺驚逢寒食天春深將欲雨野燒已無烟座  
上同僧話江邊到客船鐘聲殘夜發側耳竟忘眠

孫錫蕃 吳臣黃岡人

初春訪鄧懼菴二首 選一

遠道經豺虎輕裝過石門鳥還孤月夜人老百花邨  
首思公子漁竿夢至尊東遊客博浪家世總深恩

晚過九峰

洞口橫雲峻松林一寺遙諸天纖磬下宿鳥數峰腰秋  
老白蘋夜僧迴紅葉橋池塘螢火亂寂莫點山蕉

長安卹訪袁錦宗孝廉

三秋渭北想人日到山家箇箇湖邊鳥邨邨洞口花夾  
松天共綠叢竹徑開斜不信屏陵土時停楓葉車

朱萬仰 野愚通山人

山居八首 選二

板屋依山結疎籬倩竹編池浮雲裏月澗瀉嶺頭泉花  
氣蝶分去松陰鶴借眠武陵近可接自署一頑仙  
踏破雲霞窟探來山水幽渡橫橋作徑峰峭石爲樓適  
意忘窮達無心任去留眼前饒逸趣誰復更風流

襄陽歌

國朝詩的 卷之七 胡廣

襄陽城外草萋萋江上孤峰挂斷霓風景不殊歌舞歇  
無人再唱白銅鞮

韋成賢 念菴黃岡人

用九曲亭限韻贈索蒼貧兼別

話別春江去雁汀羽觴連嘯酌雙星聽殘故竹頭應白  
折盡垂楊眼不青半榻虬雲生米石百竿鶯雨濕倪亭  
君歸自有名山約莫向漁蓑問醉醒

重過秋浦得秋字

重來顧影接谿流桃葉楊花滿渡頭山落翠微原是畫  
水餘清淺但宜秋雲林野罩凭孤嶼烟雨離衰伴一舟

猶記當年驚鶴處旅人愁思在空篋

張皐謨 汝士武昌人

賦彈琴峽有感

偶憇彈琴峽潭深生秋月中有雙鯉魚出吐尺素帛願  
言獻明主欲去虹霓隔共記幾千秋常年餐古雪時有  
高人來叉手彈一拍琴是無絃琴指上尋不獲此地何  
淒涼而逢車馬客寂寂蛟龍吟久成飲馬窟從來稱奇  
賞蛟龍任出沒我今問山靈吼突何層折登之不可攀  
上與雲根接石室護藤花憑虛下落葉爲言歸去好莫  
教犯羽獵

國朝詩的

卷之七

明黃

十八

胡獻徵 存人常德人

江行之一

急浪拍高空孤村繫短篷雲橫岫斷日落大江紅漁  
棹歸前浦鰓豚拜晚風片帆兄弟聚誰謂客途窮

春歸之一

春歸疎雨畫樓東艇子如鳬趁晚風夾岸楊花吹不斷  
枝頭何處覓殘紅

冬日同人小集贈郭快菴學士

吏散庭前報早衙間垂簾幙靜喧譁客來共飲無兼味  
籬畔疎枝有剩花宦况自慚同襤襪世情只合似魚蝦

負暄亦是林泉好况復先生富五車

金德嘉 會公廣濟人

竹塢雜興八首 選一

田父急春作犁鉏夾廣路我生天地間悠悠何所務種  
麻不滿丘種桑不成樹鵲鵲顧我鳴忽復舍我去好風  
江上來吹向芳菲處薄言就東鄰橫經理章句

山農詞二首 選一

茅堂四壁不蔽雨蠶箔蜂房走田鼠新婦銅釵換米炊  
縣隸苦嗔飯熟遲往年人客留我屋人有盤餐馬有粟  
今年客至坐鷄栖不聞鷄哺聞兒啼阿翁有家不得住

國朝詩的

卷之七

明黃

十九

身帶桁楊縣西去

雜咏

舉俗謀其生微逐一何苦我身獨蕭散所樂在環堵  
勉課兒童聊以當田圃更番侍壺榼邛醪恣吾取酒酣  
步江皐悵望洞庭渚

梧桐當我門楊柳蔭我屋攀條陟其顛可以眺川陸童  
子六七人種松兼種菊荷鉏薙草根門庭常肅肅

寄題李二別業二首 選一

茅屋參差曲徑通棘籬藤柵竹枝叢遠山青嶂飛濤外  
亂樹黃鸝細雨中賦到十年猶澗壁裘披五月自清風

幽懷不獨酣杯酒靜夜疎鐘誰與同

寄懷胡聽巖學博

聽巖鎮日指頤坐潏潏湘雲戶可封醉後曲中渾白雪  
醒來江上幾青峰有童款客還馴鶴得地爲園且種松  
秋水扁舟吾作興簷簷谷口一相從

春過楊處士

草亭地僻人來少倒屣今朝爲我迎老日北窓惟酒盞  
當年南國有詩名瓦牆雨色千尋竹沙浦晴暉二月鶯  
儉歲盤餐偏繾綣神交猶見古人情

張希良 不虹黃安人

國朝詩的 卷之七

湖廣

三

鹽塘觀海

觀海莫觀水辨水須辨天水天微劃處使我心茫然空  
濶隱洪濤霏霏島嶼烟日極卽爲界不知路幾千潮來  
還有所收去竟無邊旦暮一喘息世界成桑田崔嵬雲  
霞市閃爍十洲懸飛仙莫能度矧是漢皇船安得釣鼇  
竿挂到扶桑顛日出反在西神州當我前還上秦駐峰  
長嘯邀成連寂寞琴臺路誰是伯牙絃

寄贈悔人浣花寓居

懷西今是南塘路爲訪高賢向水涯話到凌雲雙翼舉  
坐移明月一橋斜知希已任嘲玄草吏隱能無笑浣花

不惜青芻頻繫馬廣文官冷興偏賒

丁丑仲春依韻送陶奉長歸里

泣玉遺珠亦偶然爲君搔首潏陵前憐才自負生成癖  
謎日何期竟蔽賢別路楊花三月雪到家蘭杜九江田  
他時更燕名香待莫把蟲魚鍵戶箋

劉 康 耀若孝感人

爲高處厚書

吾觀群象前大地淨如紙爲山爲雲烟氣勢相遭爾茲  
意良不歇靈蠢聽驅使以茲化工心告我黃筮理所以  
一毫端元氣裹于裏有時瞋雙目象披鴻濛始良懷相

國朝詩的 卷之七

湖廣

三

待發動關勞五指不敢昧剛柔聲光泛此起班班者寒  
石淪淪者秋水所荻與陵柯隨意受生死悲風掃黃茆  
蒼涼動萬里肅清筆墨功不爲熱情喜逢世道則拙吾  
以養吾恥

戴 祁 小宋竟陵人

田園雜興

人生貴自適今我樂閑居遠山不能收近澤不復漁數  
畝山澤間壅壑未荒蕪清心觀元化勞力反太初天時  
既可乘土宜亦所須迎風晨露溥獨起行田蔬

題秋林書屋圖

茅屋臨流水疎林帶夕曛園寒將變葉窓靜只依雲  
閑榻來禽字常熏辟蠹云何緣身在此塵世不相聞

寄題家十二弟蔬圃

墻東別構拓幽居課讀畦蔬老著書編竹徑迂迴俗駕  
訪僧菴遠命柴車盤根榆柳連窠從無價松風到枕徐  
塵市何緣窺此樂戴公山下問樵漁

朱載震

悔人潛江人

雜興

生不五鼎食死當五鼎烹屠釣與傭販立功垂令名丈  
夫各有志乘時以彙征壯往著奇節顧畏事鮮成不見

國朝詩的

卷之七

胡黃

三

負弩吏行辟魯諸生不見憑軾客蹲沓走公卿

君子行

孤桐高百尺托根在屢屨鳳鳥久不至華落實離離一  
朝化為薪爨下結相知相知豈不貴相逢亦已遲良王  
琢成器何如未剖時泣涕當岐路悲感遇素絲古道難  
具陳人世慎所持

晉遊二首

選一

荒雞驚夢破遊子遠行邁天嶺氣交割青縈但一界殘  
月透石罅餘輝獨幽怪當塗礪魄充車輪爲之隘上有  
千尺藤連環復布野攀緣畏欹傾惴惴臨深戒

同石城公牛潛子秋日漢上

澄波秋柳帶明霞茅屋參差野老家江轉危磯奔駭浪  
村隣小市綴疎花河魚入饌偏堪飽濁酒能酣不用賒  
贏得山公清興在停驂閑數復棲鴉

次荅黃公先生

白衣還漢水最愛竹林遊放艇當深夏看山恰蚤秋顛  
仍張長史傲寄阮陳留紅樹繁高嶺蒼葭徧遠洲肯將  
司馬賦不換醉鄉侯泉石宜千卷烟霞護一樓狂吟忘  
籍在長歎破離愁商洛真難老還須訪伯休

阮 褒 嘉言竟陵人

國朝詩的

卷之七

胡黃

三

雨後西郊

西郊新霽後策蹇趁微涼殘水交流細新花一逕香鳥  
飛橫清近蟬噪野林長更喜如雲稼平田片片黃

昔遊

路出居庸折幾回關前流水正喧阗危峰倍築長城土  
曠地驚飛舊壘灰初熟醪醑連轂至正肥馳馬逐群來  
山河到此稱天險向曙愁聽畫角哀

羅世珍 魯晉漢陽人

別王汾仲

搖落鄉心屬暮秋王郎真合古人求終宵對月燒茶竈

竟日臨江上酒樓雁外山低黃葉路日邊帆去白蘋洲  
江流漠漠天如水圖畫何曾盡別愁

時蕭尺木畫  
送別圖爲贈

友人壁間步葉澹生韻

茅屋垂楊石徑中蕭然却俗此心同社翁不住連朝雨  
花信空傳一夜風芳樹遠看輪淺綠蒼苔深處護殘紅  
酒瓢繫得吟筇去暇日還來醉碧叢

秦淮竹枝詞 選二

翠幌青槐面面風涼篷艇子碧波中當年長樂烟銷盡  
猶剩城南半夜鐘

青樓長日捲簾斜曲徑葳蕤鎖碧紗桃葉已無休問渡  
國朝詩的 卷之七 湖廣 三首

行人橋上看棉花

趙而愷 吉人長沙人

飲杯隱先生中湘草堂

草堂多暇日我至肯相留市近門如水天問客似鷗瀟  
湘今夜話風雨一燈秋何必歌長欽題詩傲五侯

春日郊行

一笑驚林出溪分上下田微風披草去湍水逐花旋雨  
過青分處雲行綠盡邊莫愁歸路遠竚立夕陽前

到花橋山莊

未忍離丘墓柴桑尚可家樹奇思露骨橋古自名花水

汲村江近門依竹巷斜伊人思正遠秋色老兼葭

遊水陸寺同寄若愚分得清字

漁人湘畔扣舷聲遠逐寒鷗訂舊盟霜霧漫天來雁叫  
水雲平岼隱鐘鳴翠峯頂上松千樹白浦江心月一更  
數點秋燈波外動此宵何處不澄清

問病雜詩二首

微霜昨夜渡湘波嗟汝秋來又病過腸已似鋼難鑄劍  
原空如水未盈河一雙雁影何曾散百轉鶯聲不畏多  
薄幸西風還見妬果然憔悴綠漪荷

故園幽徑夢依然暗憶情深悔昔年腸斷何堪還自問  
國朝詩的 卷之七 湖廣 三首

心傷從未受人憐落花碎處紅皆淚殘月收時白尚娟  
縱得蘭膏能再續六郎可似舊時蓮

陶之采 庶常長沙人

月夜過洞庭

鏡吹鄰舟發孤帆森森行湖雲陰易起河影澹難明恐  
觸潛蛟舞傾聽警鶴鳴誰云能破浪萬慮窅然生

重九楊長公招遊君子峰時因風雨不及登止石

淇菴小飲

欲踐登高約維舟在石淇未窮山水趣偏與雨風期皂  
帽吹難落玄亭問有奇且酣村社飲寧復更攢眉



家太史還里志喜

三載辭家萬念輕，破巢原未擬謀生。  
鹿門重慶團圓話，栗里欣餘隴畝耕。  
芳節亭亭標磊砢，新苗葉葉見生成。  
兒曹共繞蘭階笑，五柳森垂萬木榮。

洞庭秋

輕舟一葉泛西風，坐對明湖俗慮空。  
河漢有痕流玉鑑，乾坤無隙補丹楓。  
何人憂樂登樓外，有客凄清聞笛中。  
幾度扣舷歌且歎，子懷落落許誰同。

把酒臨軒看碧雲，山無皺影水無文。  
白蘋紅蓼邀仙使，遠浦疎鐘宕雁群。  
楚水圻還過際海，南天補亦淡宜雲。

國朝詩的

卷之七

湖廣

三

飄然延眺空欣賞，何處孤吹靜裏聞。

留得菱花點碧波，洞庭春色讓秋多。  
大千沙界幻樓閣，十二峰巒現髻螺。  
擊楫有心憐漢水，洗兵無力挽銀河。  
盪舟盪過蘆花岸，最有寒光鑒汨羅。

摩空雲翼影無遮，誰對長天賦落霞。  
青雀乘風思破浪，征鴻留字點懷沙。  
蕭然數下梧桐葉，白也全飛蘆荻花。  
間殺江頭簑笠子，長撿直釣老魚鰕。

周禾溥

仲宣寧鄉人

舟中望赭山

虛舟泛晴浪，遙望赭山巔。  
建業連雲氣，蕪陰接暮烟。  
渤

生江岬色帆落夕，陽天有客懷今古。  
臨風獨默然。

春興

密雨斜飛過敝廬，鳴鳩乳燕一聲初。  
沾泥柳絮愁何限，帶濕梨花淚有餘。  
單裙始田催賦急，柔桑新綠歎機虛。  
湖南自古長嗟地，更覺春來動客歔。

偶過施次騏書樓間坐

密雨連朝阻勝遊，偶然乘霽獨登樓。  
逢君半日寒窓話，破我長吟客邸愁。  
晴照大江帆影亂，雲飛村舍野烟浮。  
明朝亦放孤舟去，詩思懷人到石頭。

登雨花臺

國朝詩的

卷之七

湖廣

三

郭外初晴野色開，招遊徐步雨花臺。  
長江落日孤帆下，破嶺嘶風匹馬來。  
荒塚有碑皆杞梓，故家無地不蒿萊。  
風流六代今成夢，舉目蒼涼動客哀。

晚泊上新河

落日微風尚湧波，輕舟晚泊上新河。  
江流乍入秦淮小，沙浦遙連草舍多。  
何處殘鐘敲夜月，幾人沽酒唱吳歌。  
迢迢鄉思憑誰語，獨看南飛烏鵲過。

周夢卹

貞妻苦蟲大冶人

秋懷詩

蓮枝迢遞咽銅壺，驅使殘年乏木奴。  
廷尉在前能擊缶，

王孫以後但吹竿  
寥寥落葉催黔首  
歲歲空華老絳夫  
事去人間猶有淚  
蕭條麻殿死窮圖

酸辛鵲躍鳩窠  
往事支離隙駛過  
霜露一身珠欲碎  
恩讐半世劍空磨  
陰陵氣盡乖田父  
海內威稜折尉陀  
流浪英雄無駐足  
惟應蕩子漫隨何

還里同諸姻友登青龍閣有感

高閣秋冬際  
平湖水盡收  
半黃依薄日  
萬綠少狂流  
翻似山中住  
追思鏡裏遊  
溪舟寒數點  
老樹立深秋  
鳴放群沙舂  
骨乾幾處洲  
青鞵無濕土  
素影間浮漚  
霧散人家出  
山晴佳氣浮  
青龍淵自躍  
蒼鹿跡常流  
蔬水清貧

國朝詩的

卷之七

湖廣

壬

供賓朋笑語  
酬徧開窓四面  
宜種橘千頭  
坐緩烟迷岫  
情空檻近鷗  
廿年傷遠別  
典盡一凭樓

程正吳

風樵孝感人

雜詩

賢達懷遠畧  
拙士守荆扉  
豈不慕榮祿  
長才與世違  
東林半畝田  
聊以免常饑  
堤前幾株桑  
蠶婦自成衣  
斗酒洽鄰里  
不問甘與肥  
一飲輒欲醉  
沐月候朝晞  
未敢誇娛樂  
耕桑無是非

山高不可及  
水深不可測  
未肯惜心情  
是處生愚惑  
我有半窓雲  
相與爲休息  
晨起開蛛網  
着水沐花色  
日暮

往野田過溪問稼穡此中寂欲無那復冀所得

山中懷如臯辟疆

幾年嬾慢白雲知  
自卜青山不更移  
一榻人眠千日酒  
半樓月照四愁時  
燈分花影封書幌  
嵐合茶烟過菊籬  
芳草無聲峰欲靜  
夜涼舒笑在高墀

盧

紘元度蘄州人

風入松歌

空山聲震如濤狂  
老松似龍鱗甲張  
幽人空卧石間聽  
塵懷洗盡生清涼  
時援素琴發幽響  
悠然疑出雲霄上  
縱是塵勞癡夢人  
陡聞應作林泉想

國朝詩的

卷之一

湖廣

壬

望遠曲

明知人不歸  
日日樓頭望  
人尚在天涯  
只疑行陌上  
陌上紅塵逐  
日飛何曾塵裏見  
人歸經春歷夏無消息  
檢點秋風又寄衣

賦得關塞秋聲

萬里寒沙入夜幽  
西風肅肅動高秋  
笳鳴遠戍霜侵野  
雁渡長空月滿樓  
烽火連營防野牧  
關人何處寄邊愁  
頻年總斷還家夢  
那怪從征易白頭

粵西秋興

鞭山梁海古奇功  
五嶺三江會粵中  
潭影紛搖榕樹色

蠻天毒飽桂花風，雁虛尺素沈空碧。鱗射雙睛照日紅，  
衰草猶然憂薏苡。誰憐翼錄據鞍翁。

詹大衡 歷陽陸園黃岡人

中秋日步自江干尋得窰樽古跡同遊者則陶鑒  
喬索蒼黃王喬嚴暨姪士廉子士齊及內外兩

孫也

窰樽兩字舊時聞，剝蝕纔看片石分。露瓜藏鋒同虎眚，  
戢翎取勢入鵝羣。非徒灰燼繡秦篆，亦豈編摩辨漢文。  
髣髴當年童冠意，不徒濟勝薄秋雲。

花朝後二日同高恕菴步至西山寺茗談竟日

國朝詩的

卷之七

湖廣

三

老友相看久杖鄉，偶然步履到山房。三泉新汲還烹雪，  
萬木春生欲斷霜。好趁獅兒尋舊跡，漫從鱗瓜盼高翔。  
階梯往復忘攀躋，敢道吾儕興獨狂。

詹大衡 劬廬黃岡人

採蓮曲

採蓮採蓮南湖楫，紅搖花心綠搖葉。水面香浮似妾身，  
我欲採蓮誰採妾。花紅易散香易衰，我欲思兮人不來。  
蓮子心多妾心苦，停橈輕轉過日午。

遣日

陰氣深如幕，誰能遣睡魔。綠添新籜笋，香發舊時荷。眼

放山光霽，衣沾月色多。莫嫌杯酒薄，一醉笑顏酡。

春日卽事

荒城衝泌擁書殘，把酒忘機息羽翰。門外浮雲看萬變，  
醉中紅日卧三竿。竹樓聲近春江雨，古寺鐘催五夜寒。  
獨掩柴關無一事，誰論儲水與嚴灘。

陳公祿 百是邵陽人

鄭聖來具舟載酒招同唐十泉車涵夫與三太史

鄭秀子遊冰溪作

燕剪雙流合山環，百里封杏花堪點。酒懷玉可登峰江，  
岬雲爲路人家水。作春夕陽歸棹裏，隔岬武安鐘。

國朝詩的

卷之七

湖廣

三

西湖吟三十首 選四

斷橋取次放舟來，人到孤山鶴不同。處士高風三尺墓，  
倩誰補種幾株梅。

覓過蘇娘墓不真，西陵松柏認前身。同心欲結何從結，  
未必幽期浪許人。

南向青松葉不凋，忠魂只在此逍遙。鑄成奸桎無完體，  
十二金牌枉費招。

一鞭騎馬出西冷，變幻峰巒入杳冥。踏破烟霜紅樹曉，  
冬山不比佛頭青。

譚紹琬 瑛卿屈懷茶陵人

寄題聽賢樓爲蕭文達作

樓列山水中，眺聽取若寄。四望快一登，俯仰兩無累。軍山突如來，奔騰若渴隲。沌水滌以洞，沐浴恣是戲。可咏兼可觴，取携莫余置。樓頭貯賜書，雲光天半熾。旁列一家言，作述炳離離。能使客步迴，能使客心醉。尤羨魚樂亭，游泳無所忌。水蟲又何知，所知主人意。涸轍共君憂，凌波對君肆。非魚可知魚，憂樂了無異。名人喜樓居，古今如一致。謝眺苦宦遊，王粲羈旅次。置君王謝間，高下可位置。

道經天馬峰下懷劉坦齋先生

國朝詩的 卷之七 湖廣

重

披榛過石門，撥霧瞻天馬。馬首向南垂，天際時流赭。生來神駿姿，豈能老櫪下。微召入天閑，長驅過江夏。踏雪萬群顛，嘶風萬群啞。天眷苦不終，喜怒決用捨。筆底騰五雷，霹靂從空打。先生上天馬圖，明太祖於癸元念昔處着筆一抹，是夕爲雷所劈。大宛良漢武，作歌寫傲儻。而權奇黠綴入風雅，不聞雷霆怒。橫將駿骨遇，合今古齊搏擊。難寬假，安得天馬歌莊誦到旃厦。

立冬日聞雁

有客慣悲秋，秋去尤悲壯。厥羽旣差池，厥音忽下上。會子警枕餘，披衣展遙望。高飛入冥冥，目極幾惆悵。計爾

浮湘日，百草芳相貺。過此渡嶺時，早梅馥應放。以此抒羈懷，行吟差覺暢。獨是羅浮東，烟雨蠻且瘴。九月苦愁霖，帶濕吐飢饉。長嘯易招尤，遠慕毒已釀。弓矢伏蘆中，聞聲將脫鞬。願言戢舌鋒，以作周身防。

微雨

眠安風尚歛，簷靜雨猶微。薄酒難留客，輕寒欲上衣。風垂紅就濕，蘆潤白難飛。步入蕭疎處，林丘寓息機。

秋晚

九月秋難老，秋山看作童。烟殘楓樹杪，日落葦叢中。杜正芳微辨，杉梧籟近同。前村聞釀熟，招飲待霜紅。

國朝詩的 卷之七 湖廣

重

蔡驥德 鶴舫黃州人

金陵懷古

石頭城下咽清波，似聽當年子夜歌。江浦早霜寒杵近，鍾山斜日暮笳多。中原搖落悲梁宋，前代風流讓李何。桃杏未知忘國憾，秦淮橋畔醉顏酡。

井陘懷古 次壁間丁六石韻

韓侯事業野烟迷，一帶黃塵沒馬蹄。漢戍尚餘殘照裏，長安遙隔數峰西。已無畫角催刁斗，賸有波聲似鼓鼙。可惜淮陰祠畔月，寒宵獨伴嶺猿啼。

馮俞昌 雪螺興西人

于役星沙次岳州

云胡不渡此江鄉萬經千濤始岳陽  
草徑接雲迷野樹怪龍呼雨畫中  
疆總無雙杖鉞桃竹偏有離騷遍  
澤湘滅跡青峰容易老此來何滯水  
汪洋

陳光龍義臣黃陂人

鳴陽樓望月樓在縣署

灝氣湛蒼穹疎星淡碧空過雲增皎  
潔出樹倍玲瓏寂寂情何限迢迢意  
莫窮故鄉人盡望心折洞庭東

府江舟中

府江咄咄落重霄石湧濤聲逼小舸  
山外百蠻吾赤子國朝詩的卷之七  
湖廣

春前十雨國青苗甘泉何地尋房豹  
風俗難通怪應劭

疾苦滿腔邊塞遠孤雲四角望天遙

蔣本生臣父零陵人

桐莊道上

孤雲任九疑偶墜寒山路蘭蓀有奇  
情棲託寄深霧飛翔勢尚存烟光出  
高樹當時嵌中空意與幽人住幽人  
不可逢竹風吹石雨

陳其棟黃陂人

樂水拖藍

誰向三江挽建瓴一潭深鎖蟄龍  
局蒼蒼色共春天碧

湛湛光涵雲樹青翠帶牽波遠嘶柳  
屋樓射雨混烟汀壯心擬上支機石  
濯髮長空醉醪醑

王 綽嶧山黃安人

暮過山莊

過嶺穿雲入重重渡淺津青山承落  
日碧水漾游鱗竹舍仍防虎田家久  
避秦敲門驚問姓持火照相親

習隱齋偶成

窓外蕭蕭竹數竿城頭鼓角送悲酸  
久忘壯志天難問熟歷人情唾自乾  
傲骨豈從貧易改愁腸不信夢能寬  
而今老大同牛馬尚有何人舊眼看

國朝詩的卷之七  
湖廣

夏 琮方玉在菴武昌人

春去

春光何處去柳影閉門西竹露翻蛛  
綴花牀濕燕泥側身同霧豹吾道等  
醯雞信有滄州趣空憐杜宇啼

西陵重晤李雲田

八年無夢不相思換酒金魚片刻時  
古寺寒添秋後色良朋老共別來詩  
悲歌海內誰鸚鵡拓落山南已豆箕  
好記麻姑今夜月莫爲蕩子只驅饑  
雲田自稱老蕩子

客秋夜坐

五斗柴桑事未休何年食肉與封侯  
步兵對客愁青眼

江總還家愧黑頭，盤鼓頻催蝴蝶夢。清燈遙憶荔枝秋，玉京疇昔歌誰似。燕市無人問酒籌。

雜吟十六首之一

龜茲弟子散如烟，侍女空傳夢入千。紅豆何歡唱不得，宜春亭畔草芊芊。

吳

嶽 符五江夏人  
再見

冬夜村居

閒扉空林晚蕭蕭，古木斜潮寒遲到。郭霜白早平沙野，火明孤雁村春答。暮鴉北風繞幾夕，處處老蒹葭。

漫興

國朝詩的

卷之七

湖廣

美

柴門三徑靜掩卷，夜行吟暮景。畦蔬暗窮陰院竹，溪池寒宜鴈影。桐老識琴心，好月無人共。蘭尊且自斟。

螢苑

風來水殿秋宵迥，勅散山螢數斛飛。幽事羞傳宮燭飽，繁華祗賤夜珠輝。花間借焰隨歌遠，蟬底承恩傍草微。不必隋宮零落盡，野燐烽火已依稀。

汪文雄

桑仲保康人

燕京歸興

欲焚游俠傳，空羨五陵豪。日月荒三徑，風霜逼二毛。隱當知老拙，禪不爲名高。燕市謝知己，歸山匣寶刀。

借吳符五同年舟次淮上

水曲舟行緩，雄心復晏眠。春林隨路潤，明月到家圓。雲釀催詩雨，潮生欲暮天。遠村無限畫，載入米家船。

黎美夏 山隴襄陽人

游峴山

五嶽歸來江漢秋，峴亭楓葉正颼颼。七年夢繞三高宅，一日心消萬古愁。碑長蒼苔迷舊字，僧刪綠竹引新流。狂歌痛飲偕童冠，卹識星霜已上頭。

飲吳鹿岑草堂

纔到草堂興已豪，當時好客不辭勞。半窓夕照裁新句，萬古風流付濁醪。管樂多材終雜霸，夷齊忍餓只名高。嚴霜皓月清如洗，試聽鳴鴻度九臯。

國朝詩的

卷之七

湖廣

美

國朝詩的湖廣目錄

卷之八

車萬育 六首 劉子壯 一首 蔣常尊 五首

洪如蒲 二首 簡廷佐 二首 劉世埏 二首

洪 珫 三首 湯師伯 一首 周扶樞 一首

詹士懿 一首 吳 炯 一首 胡期真 四首

楊以成 六首 劉 洞 五首 王爲襄 二首

王 埏 一首 段陟雲 六首 李中黃 二首

王 言 二首 陶 圻 三首 李有藻 二首

王上訓 四首 陳之騷 二首 魏繼宗 十四首

國朝詩的 卷之八 湖廣

劉世坡 十首 廖元音 二首 劉兆雍 六首

范秉秀 三首 單獻錄 二首 龍文玉 四首

劉如璣 五首 鄒定周 一首 鄒章周 四首

余 銛 一首 范 韻 四首 涂 始 四首

余國譜 五首 張三異 三首 熊正笏 三首

宋如辰 三首 李必昇 四首 王材升 三首

王材任 五首 胡秉煥 五首 陶 端 六首

胡學汪 四首

國朝詩的卷之八 湖廣

長沙陶 煊奉長選

同里張 璨豈石同輯

湖廣

車萬育 與三邵陽人

濂池

昔人得異處有池名君子盈以出其惡虛以鍾其美吾家本瀟湘正與濂溪迺萬流一派通親切視此水疏鑿任自然美惡何足擬盛夏蓮花長亭亭淨無累清出絕泥滓愛惜誰同此魚鳥自上下高軒頻徙倚恨不見古

人聊復云爾耳

勝水菴 西山紀遊八首之一

衝雲過前嶺指點尋初地中有吾鄉僧能會任山意門前劈一壑瀑倒橫橋翠水與石爭勝是一還是二古樹照浮圖聲光炯高寄楚人善楚聲空以緇素異我當一再來與之分半偈

中秋讀家孝思公賦得今夜月明人盡望依韻漫

和

無時無好月此夜可人情秋氣空山際寒光到處生聲歌開萬戶鼓角動孤城爲憶庾開府登樓分外清

懷園秋興同胡湘艸限韻

愛與吾廬近開扉步即舒傍雲朝選石趁月夜攤書深  
樹鳴蟬處高樓過雨初悲秋人已往痛飲說三回

小孤山

小山孤出水中央樓閣嶙峋俯下方鐘磬聲隨兩岬落  
雁鴻影共一江長哺兒水鳥安巢穩乞米山僧盥藥忙  
三度登臨三太息楚南高在楚山陽

重游白雲岩和仲兄只山韻時值立春

一筇又向白雲投秋復春今此最遊尋得梅花驚節序  
携將椒酒是風流猶能躍馬來來路恨不從兒上上頭

國朝詩的

卷之八

湖廣

二

是日羣李登

絕頂高歌山鳥怪亂峰聲響答林丘

劉子壯

克猶黃岡人

西山晴雪和熊次侯韻

彤雲已卜豐年兆山色平舒淡淡容積絮望中迷萬樹  
如瓊天半起諸峰寒光逼眼關河近煦日侵人城郭重  
欲放馬蹄看不厭野梅深處一相從

蔣常尊

勿李湘陰人

春日訪友人別業夜歸

有士愛幽栖結廬雲霞裏有客訪幽人去尋山水緩  
步芳艸間花霧上衣紫到門如入山柴扉晝不啓一揖

忘主賓松邊同徙倚酒茗洗穉昔泉石澹悲喜冥坐送

寒暄暝色歷簾起翻驚良晤終復作銷魂始分携歸路  
雲雲亦渡江沚聚散非空因往來真偶爾明月若爲情  
流光繞之子

送友人入都

送君燕市去去路正秋風九月飛霜白千林落葉紅饑  
寒當世薄志氣耐途窮話到悲歌處孤霞渡落鴻  
秋走長安道誰憐客橐寒疎楊前路外落日一鞭殘人  
遠依霜雪心芳襲蕙蘭焦桐將別調不敢向君彈

贈隱者

國朝詩的

卷之八

湖廣

四

焚盡殘書學採薪山溪老樹不知春玉關月落難歸漢  
金闕雲高獨避秦梅下釀成千古酒松前醉盡百年身  
臨風難減傷心淚長嘯時聞弔美人

清明前一日偕友拜蔡江門先生墓

春雨初晴柳色齊燕兒新拾落花泥溪前僧院藏溪樹  
郭外人家住半堤士在首陽誰肯拜羣羣湘浦路應迷  
明朝剪紙來招些歸去寒塘日已西

洪如蒲

清雪攸縣人

盛夏入山訪友人

避人君渡澗求友我隨雲惟不離山水真能靜見聞風



分蘭蕙絮衣製菱荷芬別有義皇路陰晴可勿云

何必買山隱幽居已異人逐貧書是敵銷夏水爲鄰句

險趣風雨思溪役鬼神愛君非出世無事不清真

簡廷佐 霞三邵陽人

寒夜宿友人草堂分賦

寒風敗葉不停吹偏待山牕對話時曉約霜林驕醉客  
夜留殘雪作新詩山中客去琴多恨松外雲歸鶴未知  
懷抱千秋多磊落此間丘壑本多奇

古寺題壁

野外繁陰護小園老僧無事日關門寒原草傍孤城上

國朝詩的 卷之八 胡廣

石壁蘿封古寺存籟寂曉鐘驚梵響涼生朝雨溼苔痕

蟬聲噪到斜陽去一色垂楊綠幾村

劉世塚 仲英攸縣人

山居

閉門生白髮無已暫登臨江綠流終始峰青峙古今石  
欹泉路折徑轉竹林深徙倚何人伍松濤聽苦吟

雨後山樓春望

疎雨蕭蕭過巖岫草樹去塵新若浴松烟花霧養春光  
迢遞林巒淺淥綠空樓放眼低青天風驅雲宿樓邊  
醉後題詩示花鳥詩成氣亦生山川

洪 瑤 玉如江陵人

南軒祠爲陳大中丞賦

瞻彼嶽麓山書院在其下創自宋開寶詩書重聲價再  
振乾道初南軒名藉藉參贊魏公師湖湘寇旋罷側聞  
胡五峰論仁如瓶瀉夫子得其旨城南築精舍後學群  
相師析疑無舛夏遂令妙高峰竟與麓山亞晦翁辨中  
庸不合三書夜大本已卓然宗傳非假借寓目多詠歌  
雲臺與月榭云何時代更講堂淪絳帟逮今千百年誰  
與興教化陳公大中丞節鉞欣初逐亟欲救焚禮樂  
何容暇捐復南軒祠几筵奠杯竿千秋絕學傳朱張堪  
竝駕

國朝詩的 卷之八 胡廣

秋日書懷和劉慎旃司馬韻

涼風颯颯莫能支歸計纏綿若藕絲首荷已空遑問酒  
寒蟬徒擁不宜時人情半似秋殘冷世路難憑我所之  
何幸霽雲欣有託日歌郢雪許誰知

賦得長沙景物堪凭眺應王大中丞作

清絕南湖第一城況兼景物更怡情隔江麓送千峰影  
遠浦帆隨五兩輕才子尚留暫井在上台常映壽沙明  
當年文教朱張盛重見夔龍道益弘 賈誼祠有賈公井  
長沙一名星沙以

上賦詩  
星故名

湯師伯 子儀寧鄉人

鄂城歸舟

歸舟遠憶路漫漫處處漁磯着釣竿  
曉發共隨烟月起晚炊相對水霞餐  
湘妃有淚題斑竹楚客何言慰晚蘭  
莫道洞庭鴻雁少長江十月不知寒

周扶振 兆臣寧鄉人

客中野望

春雨辭家客夢單那堪南望漢江濶  
羈人空自吟芳草我友誰能寄晚蘭  
平听楓林秋色遠野塘鳬雁夕陽寒  
高樓不解傷心望猶爲長歌道路難

國朝詩印 卷之八 胡廣

詹士懿 夏祀望黃岡人

江樓晚坐

高樓盡日枕江流烟鎖欄杆好繫舟  
座上幾人吟白雪尊前有客話黃州  
雲橫遠岫看千疊月下垂楊掛一鉤  
吳楚片帆如可接興來寧羨剡溪遊

吳炯 閩存漢陽人

星沙舟中荷諸同人餞別有贈依韻奉酬

慙愧浮名繫客舟相逢知己話千秋  
濂閭經學縱橫合屈宋風騷次第收  
霜冷洞庭孤月迴夢回靈麓一樽留  
今朝執手難爲別白雪詩歌媿莫酬

胡期真 永叔武陵人

食楊梅得長句

水晶宮裏鮫人泣紅淚迸成珠粒粒  
天台霞氣空亂飛散作朱纓光熠熠  
從來豪富誇齊奴如意擊碎紅珊瑚  
玫瑰火齊列幾席明月錯落照座隅  
何來玉女乘雲螭天衣繚絡流蘇垂  
祝融布成火井沸迸山萬點星光飛  
子規三更叫山月染遍千枝萬枝血  
匝地狂風乍破簾吹殘冷蠟紛團結  
琉璃盤捧手摻摻盤中細灑學士鹽  
鸞刀犀箸不煩設咀嚼厭厭忘酸甜  
顆顆勻圓文似粟燦燦赤光鋪碎玉  
韋氏紅麩受玉清幻成果實披霞縠

國朝詩印 卷之八 胡廣

胡廣

八

唐家恩宴重櫻桃席珍翻棄如鴻毛  
太原食尹澀不授相公雖食還相嘲  
盛以赤瑛獻天子北風雨雪不容爾  
長安滿城桃與李玉環却在深閨裏

蔣叔程過訪子以病未而復見寄一律次韻答之  
自信嵇康七不堪歲殘決計返江南  
屋梁落月添離思天際飛鴻寄一函  
羨子才如千里馬笑子身似再眠蠶  
把君詩句渾忘病更擬尋山看曉嵐

登醉翁亭

共乘逸興到山隈秀蔚千峰路屢迴  
澗水暗流滋細草石梁低壓繡蒼苔  
禽聲似爲遊人好樹色空隨反照來

太守風流成往事我來登眺獨徘徊

秋海棠者青邨侍兒也青邨客遊湖湘間侍兒思

念成疾歿青邨追憶之不置爲寫秋海棠一枝

索題二截 選一

玉顏紅粉已成塵一幅花枝當寫真莫作尋常圖兩看  
斷腸花卽斷腸人

楊以成 九恭寧縣人

遊蓮花菴晤恭尚上人

有僧曰恭聞招我勝遊步一路盡盤空千峰如可數泉  
聲何處來雲氣當時護茶罷暝始歸當月中月正吐

國朝詩的

卷之人

胡廣

元

人生貴小勞三首 選一

人生貴小勞勞則筋骸復獨自灌園蔬瓜菓四時熟摘  
來供午餐客至以當肉妙理濁醪中浩然忘誦讀

和周伯起寄題牡丹

三月春風春欲暮名園開遍花如洛主人曉起試新粧  
滴滴嬌姿先約綽摘分一朵寄周郎欲將花事清君作  
周郎才貌花相類手握花枝揮彩思五雲裁罷麗華容  
一稔紅添妃子醉燒我三載傷花陰美人面對融心意  
餐英吸露自忘年醉月飛觴曾數記花固厭我苦吟身  
我亦厭花多嫵媚不向長門金屋生沉香亭畔君王嬖

不向繁華金谷盛姚魏叢中公子異群誇富貴花中美  
年年祇供幽人紙白負春花第一枝胡爲僅託幽蘭裏  
持此問花花不語潑墨仍題寄周子

歸村

久廢城市入山林得憩繩床夢亦淡春早正迴風雨夕  
花寒難傲竹松心石田薄亦驅奴種野興時將對客吟  
斗酒自藏聊薄醉不須更解杖頭金

太真浴池

卸却雲鬟卸却衣瑤池清淺玉光輝憑欄獨看雞頭肉  
更有何人問瘦肥

國朝詩的

卷之人

胡廣

白芍藥

春盡紅稀綠暗垂獨遲粉黛鬪封姨根苗自是籠中藥  
莫謂徒污鄭國詩

劉洞 建水竟陵人

贈李生

李生湖海士一卷十年遊慣獎尋山屢能輕渡水丹青  
峰衡嶽暮黃葉洞庭秋所得惟香草蕭然到白頭

訪謝子麟

經過曾訂菊花期冰雪餘寒放懼遲淺水荻蘆歸雁候  
夕陽樓閣到門時清樽別野賓留易綠草方塘獨詠詩

握手助人幽興處橫斜梅影月初移

高子仁浙歸枉過感舊有作

故人歸榜駐江頭茅屋青燈話舊遊  
枝上柳綿頻聽曲  
畫中烟雨更登樓  
三春對酒蓮花幕  
千里懷人杜若洲  
怕向綠陰追舊事  
東湖閒閣釣魚舟

記得

清秋殘雨送微涼  
槐葉風高謝傳堂  
記得投壺消晝永  
小姨贏得麝脐香

畫樓香霧珮聲寒  
明月池塘一水灣  
記得簾烘深夜候  
低聲催放玉連環

蘭朝詩的

卷之八

胡廣

工

王爲壤

青原武陵人

初夏雨中卽事和陳滄洲韻

自笑身同芥子舟  
均堂離却到阿丘  
孤燈夜聽三更雨  
初夏寒生九月秋  
官舍留賓容誕放  
短衣至耐費綢繆  
綵絺團扇都無用  
贏得綸巾再上頭  
煮酒偏勞爨下薪  
紛紛雨過絕埃塵  
感恩何必非知己  
分俸還教是故人  
牆畔小蟲緣菜甲  
池邊卧柳伴魚緇  
興來風雨頻敲句  
喜對虛窗瑣碧筠

王

珪 珠菴景陵人

子重遊潭州歛閱三年矣將以立秋後日買舟歸

里率賦二詩留別諸子

選一

片帆明月挂秋風  
歸去滄浪作釣翁  
落拓乾坤人已老  
飄零江海賦徒工  
百年聲氣千秋下  
謂金門忠  
放諸子  
幾處離  
愁一夢中  
他日故人如問訊  
數竿修竹陸橋東

段陟雲

鄒五潛江人

古劍篇

歐冶鑄劍采金英  
鑪焰纔飛神鬼驚  
陰陽鼓鑪金鐵銷  
以此爲之乃能成  
合影承光渾素霓  
其利切玉如剗泥  
昔在尚方柄在手  
威服九有亦何有  
如今埋沒重壤中

蘭朝詩的

卷之八

胡廣

士

龍光虎氣騰秋空  
紛紛遊俠皆輕薄  
何由得佩眞英雄

古琴篇

鳳凰不來梧桐老  
天風吹倒連雲抱  
無端析薪爨山家  
響如霹靂騰清昊  
良工得之烈火際  
審材妙合庖羲製  
有客丘中試一操  
六馬仰秣向天號  
到今大雅久不作  
豈無麟膠絃可續  
分明有器已在御  
請把南薰奏一曲

玉青酒觚歌贈胡景倩

胡氏兄弟賢且豪華  
堂列筵樽俎高惠日  
暖景回凍雪  
清歌緩節隨雲璈  
雲璈奏處拜獻殊  
鍊珍修髓春滿廚  
金罍兕觥未爲異  
主人更勸青玉觚  
青玉古觚何代物

周鼎商彝製彷彿香醪滿斟不用勸男兒未遇胸襟鬱鬱  
胸襟鬱鬱今不得嘔熱血盪胸火一斗如今老去復何言  
林銓與君兄弟友安得此軀日在手

劉南嶽城中園林雜詩

階下王孫草芊芊承露滋落藤斜上架欹柳倒生枝樽  
列葡萄熟杯香茉莉時白頭何許客蕉葉坐題詩

暝色蒼烟動花關夜不扁暗香傳放桂冷露定飛螢海  
月三更白書燈一點青城中羅鼎貴歌舞未曾停

寒雨翻荷破秋聲到竹清鳥移晴樹宿蛩出晚莎行埽  
石彈琴靜捫松愛月明蘭樽隨酌客瀟灑若平生

國朝詩印卷之八 胡黃

李中黃子石逸樓麻城人

秋懷

手持蕙蘭花濯於清溪水願水流花去東入大江汴美  
人食江魚剖腹取其子或見蕙蘭花在魚之腹裏

刑馬 甲申三月紀事

刑馬凶門出前麾折大竿君王青裘冕戰士白衣冠推  
轂應臣辱分符報國難檄飛皆震動烽舉忍盤桓極目  
妖氛惡中原日色寒狐狸時自笑豺虎怒無端狡寇謀  
朝逼諸軍潰夜闌烟塵迷內殿反側發長安陣陷河山  
裂城屠草木丹龍爭天有血鬼哭廟將殘趙卒坑何酷

秦庭泣未乾義軍今歟盡草莽寸心殫

王言 無擇麻城人

海澹克齋頭讀九華諸什

高人所棲止取徑必幽通務使跬步間坐受山水益梧  
桐待高秋六月涼陰積萬竹瀉簾光蒼苔厚已尺薜荔  
風雨痕壞壁龍蛇跡披帷人斯在孤吟抱一膝風騷筆  
墨間肅肅慎經擘天削九華青染君十指碧坐久成淹  
留曩懷冰雪釋始覺言語煩君無嘲熱客

秋日過黃葉邨故居

土簷留紅點宿灰居人三四翳蒿萊到來魚鳥還相識

國朝詩印卷之八 胡黃

歸去溪山信可哀桐葉欲疎秋後雨竹孫多迸雨前雷  
可憐一榻經行處薜荔牆崩冷不開

陶斲 旦復寧鄉人

新晴

平沙春乍霽一望楚天清水漲紅齊岫山晴綠滿城浮  
雲留雨氣野竹挾風聲歸卧南窗下悠然好句成

書所見

誤識東風面桃源再問津山寒先受雪樹老半生春密  
竹藏金谷疎簾影玉人天台從別後誰是汝前身

訪友人阻雪不遇

怪得嚴寒是此朝  
閒吟清興六花飄  
梅開野水依茅店  
鳥帶荒烟渡板橋  
不見山陰人楚楚  
空歸雲裏路迢迢  
知君醉倚幽窗臥  
應得新詩擁翠貂

李有藻 蓋梅善化人

### 初秋春興

湖外荷殘香散空  
獨餘秋色上高桐  
折將柳葉猶懷綠  
望去霜花却似紅  
燕燕未歸還戲雨  
鶯鶯雖老尚呼風  
夕陽疑是留春處  
惆悵清溪明月中

### 漁嘯

江潭漁子飽霜鰕  
竹竿閒倚磯頭月  
兀坐微吟久不歸

國朝詩的

卷之八

胡廣

主

一聲振落空林葉  
翛然秋水雲中青  
濯盡老龍鬚上腥  
回思格格戰餘響  
驚過蘇門夏片翎

王上訓

敷言珠皋漢陽人

### 宿翠巖寺

靜裏籌歸計  
寒霜透薄衾  
萬山連雨夜  
獨客五更心  
鳥宿川光暮  
龍歸海氣沉  
何當一枕上  
風引隔窗琴

### 新春飲余左人歷下署中

王春東閣敞輕陰  
檻外疎梅噪野禽  
太古江山元日麗  
他鄉兄弟歲寒心  
瓣香已著天親近  
樽酒還同感慨深  
尚逼欄杆頻剪燭  
敢同何遜發高吟

### 竹林寺

怪石鞭爲几  
湘筠斧作薪  
地多不灰草  
巖有欲飛人

### 題沈石田山水

真氣蕭森看不闕  
筆端蒼潤有無間  
亂峰剋合青林小  
認得棲霞雨後山

陳之騷 桃文攸縣人

### 岳麓書院歌

南嶽去此三百里  
勢盡岫嶺阻湘水  
雖然地脉各東西  
遙望祝融亦麓耳  
平地得山如樓臺  
纔有笑兀卽奇矣  
矧乃矗出郡河西  
恢張盾立如壯士  
陰雨無根忽生雲

國朝詩的

卷之八

胡廣

主

晴明越翠滿城市  
想昔湏洞九載時  
漾沙之勢浸滅趾  
黃熊精子夜投宿  
留得奇字驚人起  
山鬼裸體呼隊行  
猛獸或搏蹲且止  
當時烈火豈盡焚  
大輅幽巖歷古是  
韓子索碑歸獨來  
痛哭茫茫無人指  
却怪北海去幾時  
何緣并沒道林寺  
初信廢興自有期  
草木豈能欺杖屨  
張朱誰謂不風流  
共載仙舟爭郭李  
公子雅量客思清  
遠塵相將采蘭芷  
登高迴目私悵消  
坐息幽澗談名理  
山椒更有翠微堂  
回看綠洲厚一紙  
風雨寤歎是何年  
山牕鬼嘯夜燈火  
老僧烟火間有無  
粉黛窮壁俄經史  
吾道千載豈寂寥  
山靈面目如閨媛  
誰堪浚瑣不嫁人

開鏡明粧爲君子多情懷古周司空披尋勝跡懷舊  
大楠修椽揮月斤升堂入室引珠履九曲清泉入盤池  
芙蓉香入讀書几山形磬折如箕踞環抱一色老鱗紫  
就中絃誦杳不聞隔江遙見蒼鬱已江心掩映泛危樓  
亂歲撤去爲壁壘獨餘崎嶇非戰場聖賢道貌尚未毀  
昆明戰罷漢功收詞臣作鎮典則美等閑校士如校旗  
定價收聲卽在此長風一動波瀾催書生去家身輕徙  
願學古之辟穀人長往山中餐書髓墨色浮動五花雲  
清箋越過十幅綺夜發簡練英雄然天機要在休閑裏  
新資豈傍聞見生摧陷方令精神喜禪寂多應此法同

國朝詩印

卷之八

胡黃

一七

登臨好事良有以地險勢與道之藏莫負白雲封路瀟  
我愛秋峰未成遊日暮舒眺凭城齒

寄胡止齋

青衫猶着嫁時衣遣子何因學採薇鳳字到門題絕迹  
獅兒決陣捷如飛逃禪莫爲銷名節多病猶能息道機  
珍重名山千載事至人得意在知希

魏繼宗

大容鍾祥人

君馬黃

君馬黃臣馬驪驪者牽來十二閑黃者產白渥洼池馳  
逐義和追日馭珊瑚之鞭安所施臣馬驪君馬黃馬不

在驪與黃士不在驪與藏驪黃相馬得皮毛顯藏相士  
失英豪

子夜歌

願歡常少年愛歡顏色好復畏歡遠行願歡頭白早

採桑女

溪籠長鈎肩頭荷摘罷柔桑桑下坐掩面含羞欲避人  
知裙不遮雙膝過去年採桑短裙完今年采桑短裙破  
年年看蠶蠶頗登賣絲猶未了官課阿母昨夜許新裙  
陌上行來不敢情起來納履荷籠歸歸遲恐累新蠶餓  
棄婦詞

國朝詩印

卷之八

胡黃

一八

結髮爲君婦恩愛如可保方其矢同心所願在偕老事  
君若無狀積漸令君老作家遂鮮終訣絕在中道咲語  
溢蘭房知其新人好與妾初來時君心同傾倒願與新  
人言自謂妾曾姣新人正芳年竊恐傷懷抱

踏旱謠

其雨其雨一年一度秋糧火急秋苗未布我欲不上糧  
懼長官斯怒解一長官不怒削贖上新吏曰嘻不植何  
獲孰其代予往勘其瘡勘官來止有雨如注雨則如注  
栽插已暮勘官搖首沃葉在樹解勘官去止焦土如故  
前日何屯爾日何澍匪勘官之誤惟彼蒼之酷斯巧爲

耗數三

嘲信天翁三首

信天翁何太癡錦鱗游泳如不知禿鶯飽死君欲餓恬  
淡之名徒爾爲

信天翁何太愚間從漁子乞其餘日得百枚肥爾軀胡  
爲沙頭立踟躕

信天翁何太苦自來之食在何許濁流之魚盈淑浦羣  
往啄之恣所取

信天翁答三首

何太癡未爲誤但不餐風吸陸露胡爲填胸而飽噉不  
國朝詩的 卷之八 湖廣 九

見直釣古漁父

何太愚得自由多營白鷺籍官舟餓飽常看人眉頭我  
獨無拘任去留

何太苦殊不惡試看懿公軒上鶴供人談笑舞盤礴我  
任天真翔寥廓

太守餓

太守餓賣馬馬斃典衣衣破太守諱清如諱過在官常  
苦瘠罷官餓則那餓太守僅得民居大如斗寢室不禁  
廝役走一月食無鹽兩月盤無韭三月四月變無慚長  
鬚告人太守急搖手

雜詩二首

君無矢噉日噉日有時馳君無比磐石磐石亦可移君  
心諒不改妾無常少姿浸假君爲妾玉顏忽雞皮浸假  
妾爲君眼能辨妍媸苟不欲德音安保無參差

虎豹栖溪山願得草木長草木巢禽鳥穢我毛羽傷所  
托苟如此何如栖童岡

劉世坡 雲媚懶夫攸縣人

和蕭發和蘭花詩

設榻在雙清三徑頗深窅一徑一花開獨愛幽蘭好請  
看桃李質望秋葉若掃蘭偏以秋芳霜雪亦云保位置  
國朝詩的 卷之八 湖廣 三

君榻前庶幾同心草繁華終寂寞高潔存吾道經旬雨  
兼風爽氣坐侵曉願言加餐飯年貌何能老

和胡元表問訊

淹留將匝月培護見君情自顧無狂態胡爲竟指名乾  
坤雙眼窄悲憤一詩輕風雨思何限浩歌倚短檠

陳侶琴諸子登送鴻閣

今朝風日好賞酒典春衫有客登樓慣飛花看鳥啣遠  
汀留宿霧曲岸隱孤帆不醉無歸意斜陽掛碧岩

答譚元音又用前韻見懷

入春剛一月苦雨動經旬失風流態寒欺老健身寂



家誰共語書史足爲隣賴得豪吟客新題錦樣新

日日江樓坐翠微索劉元饒賦詩依韻以酬

目送歸鴻極遠汀春山如洗翠圍屏江聲雨後初生浪  
嶽色晴分未了青好友喜同詩酒興耽吟忘却鬢毛星  
數株郊外隄邊柳安得高人一草亭

樓外有柳數株臨江最宜建亭惜非有已

疊前韻

漁人齊唱百花汀樓擁層巒似畫屏遠岫面開千里白  
歸鴻背負半天青孤燈酬唱迢迢夜四海交遊落落星  
苦雨闌珊花事改翠添雙桂自亭亭

國朝詩的卷之人 湖廣

三

指點歸帆芳草汀江城如畫亦如屏春寒凝雪山頭白  
雨足看晴柳眼青谷口斷雲飛小閣漫天宿霧帶春星  
驛壇今日羣英集占斷風流在此亭

絳桃

朝霞掩映見丰神杜宇啼痕認未真綴樹色分西蜀錦  
靚粧艷奪翠樓人栽培我自疑前度開落誰曾謁後塵  
只有東風微借力年年吹透滿園春

牡丹盛開澆之以酒同諸子賦詩仍用前韻

風光細膩見花神金縷檀心玉貌真漬酒勸卿非好事  
鍾情無我屬何人眼前凡卉難爲艷天上奇香不染塵

看到月殘眠未穩爲憐又是一年春

雪中送李天章自閩過訪 李善画

十年索寞歎離羣才氣無雙喜晤君恰有梅花千里共  
更饒明月半床分肝腸皓潔同晴雪筆墨蒼茫帶海雲  
此去竹林添小阮細傾杯酒話從軍

廖元音 山令長沙人

愛月夜眠遲

推牕喜見銀河道疎簾映帶嫦娥貌冰肌初浴鬢雲垂  
懶向竹牀舒一覺步來亭畔倚欄杆忘却風生玉臂寒  
漸穿影透葡萄架轉過荷花池上看

國朝詩的卷之人 湖廣

三

西寧除日

爲客難求侶相依便是家祭詩因濁酒索笑共梅花地  
僻終多險軍懸未有涯兩冬經歲暮

丙辰中秋抵寧鄉及今已兩度除夕

一倍感年華

劉兆雍 元饒攸縣人

望嶽

我掛布帆來去作鄂渚客出門眺祝融浮雲擺孤白昨  
雨陰山汀今霧縈子國西南目極之奇勢渺難得促舟  
赴觀湘湖雙柱稍遙射蒼青未半呈蜿蜒盪心魄霧  
氣解礬頭宿雲尚縈積天末見雁痕蘆葦虎豹迹山靈

不厭吾漸次出矯特地骨結龍根起伏亘八百帆轉面  
面奇芙蓉朵朵絕竟日相送迎知己岐路惜宿然起淅  
慕呼嘯人不識古之負異人搜奇肆涉歷靈運好勝遊  
木伐徑亦開少文但高卧名山在四壁安得訪神仙神  
鸞借羽翮意得俯雲霞鐵笛吹天碧翱翔八表間埤視  
五嶽立

暮春同胡廉村遊靈巖峰

晉代有謝安選勝喜登眺亦有向子平縱遊五嶽表我  
輩異遭逢隱隱此懷抱山花漸就衰招尋苦不早不惜  
披薜苔但惜春花老先生有同情欲步靈峰道高峰上

國朝詩的

卷之八

胡廣

三

櫻雲潭光淨月皎飛閣尚可憑談笑對松杪娟娟飛采  
蝶青青搖新篠和風自去來踟躕如年少人生何所營  
怡情以爲寶多君發長歌音響亦何矯悠然有餘情興  
會非草草

春日同秦偉士蔣謙六遊嶽麓山阻風曉霞上人

留宿藏經閣

扶筇直上萬峰巔千里湖山到眼前喬口暮雲青似馬  
漁村春水綠於烟碑殘石徑眠芳草浪打銀沙撼釣船  
最喜今宵依佛火夜深寒露讀新篇

時曉霞以新詩見示

半吐月

支頰微吟待月華東山小露引殘霞美珠出蚌終全吐  
嬌面臨風尚半遮燭岫氣先通遠渚覓巢光已到寒鴉  
淩秋無限高樓興試問含情屬幾家

上已雙清堂看牡丹分韻

百媚千嬌總避君艷光如洗愛離羣未逢西子難驚雁  
除却楊妃不想雲鸚鵡揮毫才就健梁園高賦簡先分  
主人有意憐風雅何用觴流稷水濱

秋日訪燦上人

野性常同方外遊燦公風致獨清幽高懷雅許凌支遁  
葩藻還堪續惠休幾處登臨盟白石十年種植似丹丘

國朝詩的

卷之八

胡廣

三

時丹桂

盛開茶甌香泛談宗遠細穀晴雲到眼收

范秉秀

伊璜桂陽人

望嶽麓

嶽麓江天迥山川入望分隨刊留禹蹟封禪想堯勳竹  
徑通山兩松門接水雲江干漫延佇詩思在斜曛

何處堪消暑次韻二首

何處堪消暑幽居水竹圍開牕當碧落對客坐清暉山  
雨來茅屋溪風吹葛衣息心見羣動新燕滿江飛  
何處堪消暑佳山人臥遊水簾巖自挂水簾雨初收石  
冷孤雲起峰陰遠翠流携琴坐淩竹人與境同幽

車獻錄 公烈荊州人

東粵客中與故人話舊

離亂移家西復東故人相見已成翁  
旅牕記別十年外前席論心三月中  
按劍風塵驚老大聚沙庭院憶兒童  
蹉跎莫話文章事聲價於今總不同

憶舊

滿山晴色起徘徊酒興詩情亦快哉  
雞社笑談皆地主陽盟酬唱有天才  
芙蓉露下同携杖楊柳烟中更上臺  
記取舊時秋雨後霜天奇特絳桃開

龍文玉 星漢漢川人

國朝詩約 卷之八 湖廣

三

夏五踐前約訪謙次南湖通孟穀赴約亦至共數

晨夕豁如也猥成小詩用紀高會

良朋快盍簪期會煩文誥一在真山麓一在涓水隩  
主人漢陰鄉萊竹蕤淇澳百里得得來騎馬階除到亭臺  
迥出塵林木紛覆幃南塘舊識路袁粲非徑造澠池久  
心期別苦初面勞高會君子堂一一班荆道治具窮水  
陸食鼎大如部方圓復踐列中饋親烹茗網魚腥作鯖  
剖豕膏以膏伏雌日見餉爲時雖失菹南厨擅北味硬  
餅還出盤主人誠娛客無乃太殄暴我愛王夫子鯨吸  
酒懸瀑每飲三百杯欲與前賢傲匡鼎恣說詩近著益

排界大雅今寥落技誰無嫉媚家自有宗工新賦風許先生

臻突奧海內待品題今出孰敢噪君也天下士鄉人未

解好恒情東家丘俗耳太古操惟同心同調混沌資開

鑿許子陪韓豪郊才實驚驚而我不足齒短什猥前導

謹埃建大旆更獨把才蘇洋洋齊楚間滕弱誠可悼一

如蕉葉量戶小堪自號平原凡十日投轄轍前蹈維飲

食教誨瑤玖匪能報二仲倘見存竹逕荒欲掃三益我

延佇聚星人驚告金廳接素秋鄂渚流浩浩省試時有同寓之訂

更盼木樨開花前其傾倒

擊鼓歌 丁丑除夜作

國朝詩約 卷之八 湖廣

三

擊鼓擊鼓後堂誰其擊者青童雙山署歲事少小吏添  
崢嶸鼓聲沸起濤亂岷江我今壯年聞鼓聲技藝還似  
兒童心生來於藝百無成但年四五卽有槌鼓能大父  
中憲公出守歸自都勾嘗孫孫鼓我助我飛觥賔筵激  
贊天然節奏而實同伶倫爾時天吳紫鳳衣着身錦堂  
雪貌掌上珍那解癖同福正平半生之才祇爲鼓吏稱  
天當日者何不使我爲南郭之竈嗣川之琵琶得以濫  
於齊悅於貴戚家乃欲使我向誰何踊躍裸體前捺搥  
我鼓我鼓雖遊戲遇以神治以氣似庖丁之解牛似公  
孫大娘之舞劍器一自燕趙齊魯客有年遠從黃門世

父歷之官竊從方叔後偶一得意揭回驛王應往矣識  
者難抱鼓下伐空教盤此事已去又幾年幾重童坎  
其擊待我攘臂試手力驚驚鼓福福雛仍作兒童守歲  
堂中椒酒以侑爲大人壽

上洪山塔放歌

蠹無縫若有痕靈龜蟄幽龍蹲穴地戶開天門羊腸九  
折螺殼內循一上越塵埃再上凌噴吼三上樹影淡山  
皴高者豐草低苔文四上羣峰踈伏何啻列煌墩襟帶  
衆水高不聞潺湲五上凡響絕聞寂但覺清籟喧六上  
呼吸直與帝座鄰俯仰周遭雲氣變黢仙真森沓非世  
國朝詩的 卷之八 胡廣 三  
倫七上疑有虎豹守關時或啄害下民遐舉凌空極目  
神州九點烟始也蛙井溪寒終焉鳥道逡巡上無可上  
卽天關我有封事萬言奏至尊欲下不下伏候勅旨恩  
頓首歎罪地行賤臣寔巢子楚之鄙人

懷孟穀

吳頭楚尾憶征車雁燕相違歎索居秋思還期建業水  
春歸空負武昌魚昨余歸漢上孟穀時客金陵後寄見  
懷詩有鄂渚市樓梧竹影枕流沽酒  
侍同傾扁舟觴咏多懷友僻郡雲山少寄書一自睽離  
之句黃叔度寸田鄙寒欠耘鋤

劉如與 卷一 蘇軾人

七夕後一夜

織女纔虛昨夕機清霄無價是耶非珊瑚簾捲留新夢  
河漢風涼下清幃天上隔年如隔夜橋頭纔渡恰纔歸  
七襄又見初成錦亦自停梭想寄衣

觀較獵

何年蕃阜起凋枯競向中原說竝驅從得兩肩非簿正  
開來三面覺恩孚少分行政裁兵法却信于城有壯夫  
歸到夕陽尤拊髀讀書今欲魏孫吳

泛洞庭

百川南匯此溶溶恰可茫然一葉從日月倒懸歸沐浴  
國朝詩的 卷之八 胡廣 三  
乾坤許大亦陶鎔何須滄海難爲水吞得君山不得胸  
千里輕裝臨萬頃平濤直任捲魚龍

喜贈蓮子

晚涼風送隔溪荷采得新蓮裏越羅翠色宛勾螺子黛  
紅粧初浣若耶波沾唇味永憐心苦解壳香清戀指多  
想到根株絲與藕暗將蓮蒂種池渦

題前梅

疎櫺斜影近初春風雪盈盈見玉人莫道閒情最相好  
我無嫌瘦汝忘貧

鄒定周 元翰衡陽人

甲戌端始卽事 時未立春

匝地南風暖正融絕勝往度歲寒中  
青看夾岍欺霜草  
白指長天貫日虹  
畫勛遊人歌扇起燈城比戶綵幡通  
新年昨月初占穀却道晴暄數月同

鄒章同 中石衡陽人

丙寅冬歸故園小築有感

舊里臯東綠沼前  
頽垣荒葛一墟烟  
驚飛久逐秋鴻後  
葺壘初歸社燕先  
陌上桃花霜更發  
天邊金氣夜如然  
薄營又念支離日  
愁絕江關庾信年

春興 八首之一

國朝詩鈔 卷之八 湖廣

雨後芳臯綠轉妍  
浮尊池外曲欄邊  
競開紅珀冬青靨  
蔬摘蒼莖枸杞鮮  
柳徑初來新燕語  
花梢斜拂侍兒肩  
此時沉醉春前景  
猶記題詩報惠連

癸未秋日送伯兄元翰遊秦

白髮天留弟與昆  
過從晨暮問眠發  
如何星駕關山道  
正屆秋臯木葉喧  
花萼香飄庭桂近  
雁鴻聲度塞榆繁  
望中物候知無異  
不似離亭盼北轅

春日遣興

關珊溼翠畫局關  
惟許多情舊燕還  
棋罷倦魂棲午簟  
詩成啼鳥破春顏  
沉酣隔沼千花麗  
消受當軒竟日閑

昨夜劍寒才倍怯雞聲空老聒人間

余 鈞 望士涪江人

送劉五原遊西山

尋幽最好是清秋  
落葉晴沙繞斷流  
樹擁奔雲遲畫手  
山橫怪石待青眸  
馬蹄誰惜王孫草  
狐首猶存豎子丘  
知爾臨風多感慨  
由來佳句數曹劉

沲 韻 四聲江夏人

自梁市還家

爲貪秋色在湖山  
漁火樵風伴往還  
却笑韓康特多事  
避人又去落人間

國朝詩鈔 卷之八 湖廣

過寒溪湖上作

小艇輕篙古渡西  
荷香柳影上秋衣  
滿天明月予還照  
一派溪聲帶不歸

遊九峰

峰峰遊遍日初斜  
錯指茅簷認作家  
山上不知山下飯  
出門沿路掃松花

碎葉盈階不記層  
此番偶過得幽溪  
山留客子月留榻  
冷在梅花香在僧

余 始 修人竟陵人

九日西園卽事

黃花西圃正鮮妍何必登高近楚天群木翻風來檻外  
亂山擁雨到尊前縱教司馬青衫溼不學參軍皂帽偏  
最是孤雲無定所家山客舍雨茫然

襄陽南樓賦

賦罷高樓對夕暉途窮歲晚悵誰依碧雲紅葉鄉關遠  
白青衫故舊稀野外秋深花盡落中原日暮雁孤飛  
風莫遣嚴霜下客在天涯未授衣

王繼長新居

溪山恰就草堂偏遠在花香麥秀邊傷水柳根蟠作岨  
繞門榆莢綴成錢離江看立雲頭浪出樹聽啼雨外鶯  
國朝詩的 卷之八 湖廣 三  
隱處人如經過問世情吾欲傲高眠

古寺

古殿危墻老樹撐兩風狼籍半將傾寂寥知是何年寺  
斷碣殘碑字不明

余國譜 鄒長雲樵大冶人

過何何楊忠愍先生故里

朔風肅肅吹寒水人家暮色啼鴉裏參差遠樹碧連天  
其中指是先生里可憐雲黑天氣昏無數人臣皆披靡  
先生義不敢顧身一朝赫赫投筆起諫章既就鬼神哭  
咫尺不能動天子明王留意在刑書遂使先生重青史

當時寧不愛臣忠權臣一怒忠臣死

中峽

昨日辭初峽奔濤怒未迴亂雲搖嶽岫怪石吼風雷水  
勢千江合晴光一線開舟人相顧處爲報峽鳥來

下峽

蜀地前朝盡凝眸望欲開片天缺處見遠棹隙中來諸  
嶺差堪辨狂瀾漸欲迴當年椎鑿力獨見鬼神才

樂城懷古

頽碑猶自說遺功晉國當時霸業終戰馬不嘶霜月白  
落楓猶帶野燐紅千年鐘磬殘烟火一代勲名叫草蟲  
國朝詩的 卷之八 湖廣 三  
夜色征人意氣盡荒郊何處弔西風

過蜀王墓

蜀王陵畔亂啼鴉似繞行人說故家臘酒不澆墳上土  
春山猶放舊時花一朝王氣風吹盡千樹垂楊雨打斜  
衰草終年無玉輦空餘古道夢朝霞

張三異 禹木漢陽人

夜泊危家渡

白露凝帆冷鐘聲出寺南月華穿曲徑山翠落溪潭舟  
泊雲同卧燈殘酒半酣縱多愁緒在不敢負幽探

美斯橋步月

秋盡寒砧急溪光上客衣人烟和露冷野色靚霜輝竹  
遠敲風細林湊逗月微漁翁貪共語忘却掩柴扉

有懷范繩斯王約巷

半載雲間共酒樽香囊搖落剩閑存多愁我已嫌逢世  
偷懶君當學閉門雨過止須鋤菜圃投竿恰好卧漁墩  
年來故國鄉音少霜雪飄零老淚痕

熊正笏

元獻漢陽人

應山道中晚行卽事

極目楚山遮空林淡日葦石邊防虎穴烟裏覓人家雨  
積淩流曲雲封谷口斜時禽啼不住開遍野棠花

國朝詩的

卷之八

湖廣

三

左蠡阻風

左蠡山前泊孤帆雁影過風來湖上冷潯入夜溪多岐  
路消樽酒鄉心起權歌旅懷愁易亂明日更如何

函關

硤口容車騎封泥擬彈丸東來無紫氣西去有長安雲  
白山中出花從洞裏看昔悲盜賊人空負此嶢岈

宋如辰

震懷樸翁黃州人

九月二十六日同張霞齋陳若洲集張雪書畫舫

遊嶽麓晚阻風橋洲和霞齋韻

水碧江如染林疎楓欲然孤懷宜杳靄秋意在蒲天共

是忘機侶真同入剡船布帆殊自在的的破蒼烟

吳興潘綺園先生尋春時以阻雨不赴歸擲二律

次韻奉答

尋春正及早春時可是前身江總持淒酒淋漓浮大戶  
清辭博麗傲貧兒只愁雨後石頭滑莫訝花前屐齒遲  
故國鶯花千萬里竹培松逕不勝思

盡捲流雲入夜來高樓兀坐意悠悠病餘怕見梅花落  
老去愁逢竹葉催劍作龍鳴聊更振髯含蟬影却須催  
明朝果得清光遍蔡杖溪頭一望纔

李必昇

漢陽人

國朝詩的

卷之八

湖廣

三

擬古謠

衆星何皎皎照我幽棲室仰瞻此星光忽忽如有失懷  
抱無由暢匡坐惟抱膝四壁何所聞砌底蟲唧唧

紫竹禪林

城南多僻地塔院半松陰綠樹含雲影青山淨客心溪  
流澄夕霽梵詔度烟林漸喜通禪理豁然空外音

夏日陪中丞盧亭一先生同弟臣清孔傳遊西山

結伴登臨野興長短筇危磴漫相將蒼苔過雨侵溪綠  
老樹含花到處香谷響乍疑孫子嘯酒酣惟有次公狂

陽春屬和知多少莫付奚囊付醉鄉

寓中聽雨

隔江雲起歷山頭旅邸爲添幾許愁近午聞雞知野店  
回颿颺鼓識行舟萋萋綠滿王孫草寂寂烟橫燕子樓  
極口故園千里外雨聲驚夢渾如秋

王材升 子允 黃岡人

寄金太史

搜奇博古注蟲魚身在南雲溪處居太史顏其居曰南雲草堂只任  
藤蘿侵戶牖何曾苔蘚破階除金樽且盡新篘酒玉軸  
還藏舊 賜書勇退誰能如太史虛懷知不負三餘

柴門

國朝詩的 卷之八 胡黃

春來車馬不曾問只有柴門竟日關詩裏藏身銷歲月  
畫中放眼看江山老妻折得梅花嗅稚子沽將竹葉還  
地僻也能饒樂事何須要路始開顏

秋夜烹茶之二 選一

不待寒冬掃雪烹小牕秋月照茶鐺輕身便擬爲仙客  
破悶何須賴麴生三沸調來文武火數甌忘却短長更  
露芽日鑄無窮妙絕似眞詩未易評

王材任 擔人黃州人

客維揚懷浮邨上人休夏海陵

高僧出世正華年文選樓中自坐禪客歲子從三蜀返

新詩汝已萬人傳小江曲折生潮水首夏清和上酒船  
不見南能心若失海陵雲樹意茫然

過錢塘相公別業

故國樓藏宰相書孤山地接野人居隻雞欲弔喬公祖  
下馬還因董仲舒細雨綠楊迷舊苑野花黃蝶弄荒墟  
十年平輟西州路我亦蕭蕭白映梳

憶梁益舊友

歷遍梁州復益州蜀山秦樹迥添愁葭萌驛遠青楓暮  
桔栢江寒黑水流細棧秋風驅瘦馬急灘夜雨下孤舟  
誰人繪事稱殊絕畫向虛齋作卧遊

國朝詩的 卷之八 胡黃

秋日感懷

落葉漸看苔砌沒故鄉空有鹿門期百年將半雙親老  
五岳難遊兩鬢絲孤枕酒醒秋雨夜小樓病過菊花時  
平生知己今何在况復蘭枯柳又衰

別洪昉思

神仙富貴兩蹉跎相對華顛奈老何十四年來五回別  
人生離別不堪多

胡衷煥 越千寧鄉人

錦邊蓮 蓮有白瓣紅邊者

羞將雪態擬何郎故學絲牽別有香瓣瓣玉珩環紫綬



層層白紵曳紅裳色分桃李三春麗巧作中邊兩樣粧  
對汝不須矜淡掃好勻脂粉待昭陽

鳥夢

一枝徐熟倦時眠未肯依人豈受憐飲啄自遊塵世外  
迴翔更豁舊林邊神于此際馳無定樂在其中妙不傳  
但語良禽須擇木邇來矰繳甚烽烟

蝶語

翩翩粉翅亦無私來自同群去自追爭繞東風愁負約  
共商花事慮愆期春當漏泄應難默香到飄零始似疑  
試向枝頭看仔細喁喁相對不須疑

國朝詩印

卷之八

胡黃

三

用韻酬簡坤若孝廉兼送北上

數載鱗鴻滯未前忽驚仙棹破寒烟揮爐喜對無雙士  
煮雪聊當第二泉愧我春風林下老羨君雲色殿中傳  
長安亦有探香使好折梅花寄客邊

紅梅八首和車太史元韻 選一

幾從驢背踏春寒灼灼幽香襲凍鞍影落半江雲就染  
色分孤鶴頂同看蒼松借汝明如旭翠竹依君碧似玕  
慚愧蜀中花解語少陵無賦入詞壇

陶 端 天石寧鄉人

夜坐

薄醉閒敲句春寒晚覺添小梧青鎖院新月白鈞簾酒  
意詩中出琴心花裏潛今宵無限思好夢不須占

嶽麓閣上望雨有懷二首 選一

昨夜聞鐘後風來月到門誰將湘竹淚翻灑嶽松魂落  
葉填荒徑寒鴉滯遠村亂雲飛不盡愁緒不堪論

依韻送別劉慎旃司馬還長沙

李杜文章卓魯才對公懷抱亦欣開孤城但見烟霞滿  
五馬如尋山水來閣夜秋聲供嘯詠江州詩酒許追陪  
相期旦晚膺綸召仰看雲間赤鳥迴

高致全忘五馬榮佩刀偶借庇山城朗州學術兼經濟

國朝詩印

卷之八

胡黃

三

靈運疎閑本性情咲檢宦裝詩一帙快分秋月影雙清  
兒童策竹歡來去過雨蘇殘未易名

喜陳會侯過訪

庸庸一叟老湘濱誰向柴桑問故人裘馬少年能念舊  
悲歌往事獨披真牽蘿正補茅簷破對客偏逢夜雨頻  
肯爲兒曹同討論菊籬樽酒不慚貧

次原韻贈別石藏禪者

盤桓丈室慰心知深夜烹茗說兩儀慚我一家爭煮字  
對師十日未橫眉頑根浪費如金墨癡眼纔驚是老時  
師爲予一笑溪頭成暫別雁來爲寄謫仙詩 師云李應  
寫真

詩  
索奇

胡學汪 原名學望小牙

五開衛人

下酉陽次儲三韻

登舟四顧水漫漫一葉輕颺去住難江燕覩人塵眼熟  
匣龍依我夜光寒當年事業皆千櫓何處書生尚建安  
剩有頻眉欵未得無緣從此望我冠

重過平越高真觀

溪流長自繞荒陴濯木危樓是昔時爲客不堪仙事警  
此生難向劫前知苔封斷石先朝碣泉送香風碧玉姿  
若得彌明同煮鼎蒼蠅聲裏謾敲詩

國朝詩約

卷之八

湖廣

三九

西湖竹枝詞

堤上楊花三月鋪六條橋畔美人圖會中一個嬌無語  
斜看遊人正看湖

露花鈿襯髮雲茜紅鞋子綠羅裙胸中別有關心事  
却向深潭拜岳墳

國朝詩的目錄湖廣

卷之九

王天翼 六首 張廸貞 二首 夏光白 三首

李蘇 二首 王遠 三首 單獻錄 一首

唐建中 五首 胡作梅 一首 胡作柄 二首

毛翹鳳 三首 陶鑑 十二首 汪穎 五首

趙之獻 十首 宋敏道 三首 潘永祚 三首

潘衍祚 二首 潘國祚 十首 謝天墀 四首

易宗洛 二首 劉、樺 二首 陳履謙 五首

陳確 二首 廖儼 四首 曹之璜 五首

國朝詩的目錄湖廣 卷之九 目錄

文師汲 八首 謝元昌 五首 胡同夏 八首

李鑑 三首 何中輝 三首 陳治行 三首

李壽愷 一首 余英 一首 吳振鵬 一首

蔣佇昌 二首 陳治循 三首 陳待舉 五首

易宗瀛 二首 鄒致肅 二首 胡作傳 二首

李奕韓 一首 彭一楷 二首 劉應第 二首

劉希沛 五首 陳載華 四首 易宗湛 三首

羅天緒 三首 陳五玉 二首 馬楨 二首

朱蘊鈞 二首 張叔庭 一首 史求忠 二首

傅愷 四首 傅悌 四首 吳洵 二首

胡士詒 三首 陶士傑 五首

國朝詩的卷之九

長沙陶 煊奉長選

同里張 璨豈石同輯

湖廣

王天翼 星南黃州人

感懷詩

握髮對朝鏡按劍悲素絲人生貴適意胡能長苦饑烈  
士困壯心迷迷煩傷思驥志在千里誰將循歷羈五遷  
既所難安用遵一麾太行無坦途卽地皆險巇龍門誠  
迅流逆之威傾危君子願廣聽和樂同壘篴

國朝詩的卷之九 湖廣

書感

西風淡庭草搖落旅人情對酒長歌發看花百感生晚  
雲含遠岫秋雨冷孤城鄉國勞魂夢支離空劍橫

冶山道中

蕭晨歷長阪白草鳴秋風亂岫隔雲碧一楓臨水紅花  
繁茅屋小泉響莫山空歸路鄰樵渡微吟落日中

重九前一日同袁漢推諸子登棠川北城樓野眺

兼送予之都門共用首句

何須重九始登高結伴先臨興亦豪入郭秋山環水隰  
接城霜葉下林臯壯心豈向彫零變短髮還因慷慨搔

聚首幾時身又去寒風萬里正颼颼

邨居坐雨

孤邨烟草起黃昏聽雨平居早閉門豈使殘書煩角挂  
自無多貳向人捫銅駝誰便悲憐棘翠竹俄看長子孫  
獨有雙龍閑倚壁時時清吼一悽魂

懷江南陳子一

獨上高樓望夕曛離思愁絕渡頭雲自知不及江南草  
處處春遊却遇君

張迪貞 霞齋景陵人

自谷山二十里至嶽麓陳立崖公署

國朝詩的卷之九 湖廣

一路迢迢湘水西纔過重嶺又逢溪溪林叢寒人藏影  
亂陌中間馬路梯捲幔晴明爭晒瓦犁田冬日正翻泥  
漫尋曲徑來公廨岳麓相看雲母齊

登谷王峰

峰爲明太祖世子落髮清修得名墓在  
山前古傳星沙雲母服之長生後乃傳

爲谷山

淮南昔好道帝子久名峰遠訪尋樵路溪登拂蔓芳山  
連游太古霧隱關鴻濛倦歌孤松樹春回十月冬九疑  
開面面萬頃徹重重浪打長沙岬聲傳野廟鐘仙人翻  
可遇雲母乍難逢爲禮谷王墓巍然馬鬣封

夏光白 仙李益陽人

壬午天貺節余五旬也謀入浮丘避客陳子仙堂

知其意預以詩見祝六月一日買舟入山舟中

賦和

入山不是愛雲岑選勝何須事遠尋羞向人前稱白髮  
聊從佛地覓黃金輕舟漫怯風波惡冒雨寧愁暑氣侵  
竊恐晨鐘驚客夢半生陳迹甚酸心

五十年來不遇時漫言舉世莫予知足經屢別原非玉  
釜亦常空尚有藜可怪無才偏受妬自憐多病却稱奇  
從今老去甘頽放只合談詩解客頤

白雲溪處混朝烟聞說浮丘此學仙豈有丹砂存絕嘯  
幽朝詩的 卷之九 胡黃

空餘新月映前川俗情未斷休參佛豪氣難除欲問天  
世上旌旄殊草草吾儕蕭索獨窮年

李 蘇 肩三環溪荆門人

中秋宿下馬關

大漠秋聲至嚴關不阻攔兩年今夜月萬里一人看院  
偏疑天小城孤覺地寬歸心何太切清桂露溥溥

遊瓜洲李氏園

揚子津頭有路通仙源只在水雲中潮來曲沼觀滄海  
鳥過幽窗見太空老樹烟含山外雨新荷香捲竹餘風  
閑吟忽憶家園在但覺臨淵羨未窮

王 遠 帶存竟陵人

司周載瞻遊觀音岩將別小憩

山兼別客欲別重流連赤磴千回上清泉百丈懸風  
聲生老木花氣散晴烟且作今宵計相依佛火前

同沈太緒遊蓮濤 故費氏園林

春園餘柳路秋色老江干欹側荷凋綠勾圓果綴丹容  
憐三徑在僧課一燈殘不盡登臨意悲風起暮寒

送楊楠岑衛鶴洲之鄖陽謁郡伯衛凡夫先生

江天木脫亂峰攢二妙秋尋一舸寒 弔古酒酣麋子園  
題楓吟過鹿門灘疎狂謝客依宗衮聲價揚修重建安

國朝詩的 卷之九 胡黃

到日應知傾倒極好將游草付譏彈

覃獻錄 同菴古鄆人

春日江上

幾夕扁舟上江干景物重晴光收宿雨淑氣戀春風水  
柳簷輕綠山桃綴小紅獨餘杯在手相對興何濃

唐建中 赤子作人景陵人

同朱儀庭郝步青田二霞張田莘徐伊再緒開公

張梁友昆季游城南戴酒薄學士草橋山莊晚

過祖氏水亭五首 選二

出郭夏猶淺閉門春已遲草深騎馬路花過聽鶯時遠

水白明鏡亂山青入池城南風景地不是少人知

烟生山未紫取道傍城隈一片泉聲出誰家水檻開遊

魚依草戲宿鳥拂簷回留興專來醉池荷作酒杯

再同莫文中周侶樵方高度汪萬育沈渭采戴堯

章宋令聞遊城南至豐臺仍過祖氏水亭五首

選

不盡城南興招邀復此行故人官道柳喚客寺門鶯一

路風兼雨衆山陰復晴誰云天亦妬遊屐有餘清

清明日周震夫小飲長干寓齋用壁間韻

落溜無端盡日懸百壺春酒亦徒然小樓風雨經三月

國朝詩例

卷之九

胡廣

王

野寺清明又一年上塚已迷路莎路懷人空帶妬花天

攢眉記取今朝意作隊愁紅下晚烟

月下次陳滄州韻

坐愛涼波滿太清羅衣漸覺露華盈閑看螢火當簷沒

乍聽蟲聲繞砌鳴長笛有情連小苑哀笳何事起高城

朝來休把青銅鏡白髮懸知一夜生

胡作梅

柳齋荆門人

橘峯年兄司鐸衡陽將之任留詩爲別次韻

今古名材萃類宮風雲莫謂渺難通漫傳藝苑徵希直

還許元燈續會公

謂壬戌

金先生驛路吟花飛白雪離亭坐石

醉霜楓相思有句頻勞寄不倩雙魚也繫鴻

胡作柄

謙持荆門人

遊青林菴

何處招尋好城東起暮烟柴門秋雨後野寺夕陽前徑  
入千竿竹嵐收萬頃田兒童燒落葉煮酒菊花天

龍山晚眺

幽興春來總不窮行吟每在夕陽中烟迷楚岸連村白  
霞襯山腰入澗紅愁踏落花迴久徑愛看歸鳥擇芳叢  
浮生逐逐誰能喚雙寺鐘聲颺晚風

毛鳳麟

竹菴荆州人

國朝詩例

卷之九

王

淡亭感懷

搆得茅亭大似拳苔花砌草任天然引來涼氣全憑竹  
飽看嵐光不用錢雀舌龍團隨意品鴨爐雞骨自生烟  
孤懷冷性疎慵甚怪得惺惺日打眠

搆得茅亭大似拳清虛容我坐朝烟酒非大戶疎傳竿  
琴有殊音不在絃牆外晴光舒倦眼堦前緩步聳吟肩

詩瓢茗椀如行脚笑聽人間說謫仙

搆得茅亭大似拳披襟日日望花前貪看嫩綠方栽竹  
厭對嬌紅不愛蓮皓月成陰書箇箇好風吹微色娟娟

此中消息君知否勁節從來傲俗妍

陶 窳 甄夫巴陵人

吾廬

結廬在高巘，嚴戶見清江。烟樹隱不盡，遠山青到牕。達觀役萬化，憂思來無方。劃然起長嘯，揮手送斜陽。春風蕩遙翠，野靄上衣裳。亭亭曲阿月，隔水映叢篁。

鴻門

朝曦杲杲紅照地，黃雲蔽空生殺氣。關東諸侯已入關，秦家兒子猶酣睡。龍虎爭陳戲上軍，鴻門幾幾龍不利。將軍擁盾入轅門，重瞳氣奪范增恚。從此繫龍飛在天，玉玦空搖玉斗碎。我從潼關匹馬來，馬首重開山疊翠。

國朝詩的 卷之九

湖廣

二

榮懷往事亂人心，吁嗟空落英雄淚。沽酒新豐塊礪荒，陶陶且學高陽醉。

萬松嶺

性癖耽登眺，喜從松嶺行。亂山盤驛路，一水抱荒城。澗野晚烟薄，隔林秋日明。習飛雙白鳥，聒聒向人鳴。

沈青山明府邀遊玉屏山

四首選一

曲徑入溪樹，披雲上玉屏。松根盤古道，人語響空亭。繞郭沙流白，環溪岫列青。使君情致好，不飲笑山靈。

漢江卽事

四首選一

落日聚湖泊，蛛絲罥狹門。風鳴黃葉徑，水積白茅邨。鄰

里有誰在田園，無一存流亡。何處所垣樹，被人斃。

送蒼公主洪山方丈 二首選一

老僧飛錫卓高峰，道大何方不可容。法雨細侵庭際艸，空花亂墜寺門松。石林夜靜聞清梵，香刹烟深起暮鐘。樹裏湖光開遠岫，天邊無數翠芙蓉。

襄樊道中

襄陽西北霧冥冥，黃葉丹楓下不停。水遶高城浮鷁綠，山銜落日擁空青。灘頭漁父家何處，隴畝耕夫戶半扃。嗟我長爲江漢客，孤舟燈火泊沙汀。

閉門

國朝詩的 卷之九

湖廣

人

玄冥欲雪凍雲屯，羣雀舒舒聚竹園。衰柳寒鴉栖白日，荒江野艇釣黃昏。漫言萬學能經世，自顧無知且閉門。笑對梅花同此意，不將盤錯向人論。

寄懷彭海客

故人家在櫟西邨，隴麥油油青到門。杖策溝塍看牧犢，編籬町疇避雞豚。幾年絕塞無親舊，垂老歸田長子孫。風雅欲亡君信否，莫將赤幟廢中原。

十載離羣寡所知，更誰質直定吾詩。懷人獨上江樓望，得句因過野寺題。興遇豪時尋白簡，機從息處聽黃鸝。年來又作商州客，日醉商山四皓祠。

咸陽道中

咸陽原上興如何文武陵前感慨多天氣已銷秦黍稷  
紫雲猶護漢山河馬嘶清渭城邊路人坐斜陽樹底歌  
不使千年陳跡在也應添得鬢皤皤

穰城訪彭海客不值口占

中原落日亂飛鴉下馬來尋處士家人道城南東轉角  
庭前幾樹海棠花

汪 穎 純子漢陽人

次甄夫移居韻

選勝構半峰時時挹齒爽秋山邈無人杖策成孤往一  
團朝詩的 朱之九 湖廣

橡泉石間抗志尋幽賞搔首羨飛鴻荒洲翳宿莽且復  
張素琴從未櫻世網松風屋角來明月生空響

西湖

半生心醉地今日到西湖橋好偏名斷山多亦字孤亂  
雲堆岳墓寒月浸浮圖辛苦此中水人還熟睡無

重過西山次見初韻

烟沈雪寺報疎鍾又向寒溪問舊蹤九曲空亭悲片石  
六朝老樹冷孤松經年酒斷烏程釀 指弓 暇日書裁飯  
顚逢藜杖吟瓢山路繞新詩擬勒最高峰

卽事

澹烟新水雜蒹葭爲愛江邨俯白沙茅屋纔成歸隱計  
居人漸識老夫家晚汀鵝鴨閑相逐春社雞豚靜不譁  
偶與比鄰爭席後一痕纖月映梅花

金陵晚發真州寄友

擊楫中流薄暮天石帆山下片帆縣夢迴漢水愁千里  
腸斷眞江月一弦黃菊青衫今夜酒晚潮秋雨下江船  
故人咫尺偏增感鼓角高城悄未眠

趙之獻 幼清京山人

宣銅鑪歌

高天不動青無垠左日右月何大分虛無淡漠森起氛  
團朝詩的 朱之九 湖廣

成章五色燦商雲天機斷手呈錦雯聚散倏忽不可羣  
飛揚掩映雲中君清風拂拂吹芳芬自然陶鑄成至文  
大化妙幻難具云老顛仰視不知止旋發檀函誤觸指  
以今所見何所似吾之銅鑪母乃是宣皇垂拱凡幾年  
貢金九牧成精堅洪爐屢炭供鼓鑄良工神入器始全  
龍香大玉日溫煖質融滓淨餘澄鮮只今滄桑久變易  
此物宇內猶留傳仰鐘螭斂時三足雙螭貫耳工雕鐫  
丹砂翡翠間襟組紫雲黃鶴紛游仙有時隱見立起滅  
神矚透骨殊未然帝王在德不刊鼎湯盤觸目能知儆  
似此何關事重輕世人口舌徒相逞君不見鍾山王氣



已消除桑榆照盡無留影

朝雪喜友見過

雪甚亦晨起封階還蔽苔平欹簷角去倒壓樹枝來直欲歌黃竹無緣問綠醅惟君念幽寂又踏華門開

晚望悠然有懷無可奈何聊賦此詩

夕光紛欲至愈遠愈陰森縱此高樓目其如遠道心岸風兼柳勁逕州與烟淡望望那能已悵然成苦吟

浮萍

密甚誰爲種青浮雨後生垂楊本無意花落自多情貼

岸禁風力當池碍月明無根最相諄的似浮名

國朝詩的

宋之九

湖廣

鷗

亦在塵囂內偏教紫羽翰閑中全任懶險處獨能安避弋須從慣窺魚且畏難秋江吾就汝不厭此荒寒

漫興

原時維秋感而賦詩以書觸目乃懷歸意切故不禁三致意焉

中條路豁莽悠悠朝日晴和試出游道左顏垣臨岸堡城隅缺角面山樓風彫獨樹無黃鳥水上平陂少白鷗

猶喜隴頭餘綠在瘦驪畊破一犁秋

新霜應欲渡河歸蕩地西風豫作威萊底紅希沙果落

草頭黃蔓免絲肥浪游自悔謀元誤高卧誰知願亦違

倦客心情竟何似社前雙燕強翻飛

蘋婆花

山齋高樹正抽芽到眼蘋婆又作花特爲江梅掩寒儉還於桃杏洗繁華唾壺染淚真紅玉障面藏春是絳紗

賦得夏雲多奇峰

鵬際俄驚仙的浮落霞借色風雕鏤人間但說飛來石海上徒聞十二樓界層層屑不測藥回轉轉關靈幽須知五岳皆塵隘我欲躋攀汗漫遊

笑問

巒光滴翠微雲盡秀削芙蓉萬朵開試問輪蹄山下客

國朝詩的

卷之九

湖廣

幾人眞爲看山來

宋敏道

白山黃州人

謝友人寄巾香扇

紛脫無緣雜佩聲幽人堪貯午風清招搖想出雲裁巧束縛看來疊雪輕飽睡定遭揮汗却苦吟應與斷翁盟還將獨醒從君戒不敢當筵拭巨觥

馥馥何來撲鼻寒雅添新製架齊紈乍開明月飄雲桂潛度清風出晚蘭荀令座隅驚颺母元規塵裏簇龍團不須妙手圖蟬雀攜到花間蝶自攢

謝友人櫻桃往復四疊

選一

風雨江城寂寂春含桃春盡最憐人正思蜀國競投贈  
忽訝蕭齋也薦新蚌吐明珠纔入掌鳥啣殘顆又沾唇  
拾遺門下無消息好共秋蘭結佩紉

潘永祚 太丘江夏人

秋雨

秋雨室生涼烟雲護草堂江天聲浩渺山樹色微茫沽  
酒來前浦攤書坐小牕當門流水急乘興咏滄浪

經岳陽戰場

繫艇巴陵日已斜洞庭秋色老蒹葭城經百戰增新壘  
路轉千村少舊家曠野碧燐吹火中宵白骨語寒沙  
國朝詩的 卷之九 湖廣 三

精魂枉入春閨夢酌酒誰來水一涯

晚步江上

秋空浙歷露沾衣暮鳥投烟陣陣飛兩听蘆花遷客渡  
一竿明月釣魚磯江聲夜聽潮音壯山色晴看雨氣微  
乘興獨來還獨返燈光寒處識荆扉

潘衍祚 再丘江夏人

晚晴登眺

登臨乘薄暮愛此水雲鄉細草村邊合微風雨後涼樹  
頭山岫紫鴉背夕陽黃一眺情何極高岡賦鳳凰

立秋

殘暑將歸去秋風一夜生亂藤縈古壁涼月照孤城  
味如雲薄家貧似水清遙憐彭澤宰今古有同情

潘國祚 燕丘江夏人

望九嶷山懷友

風入松聲細霜含秋色重夕陽急歸鳥遠引青芙蓉相  
思不可卽隔水鳴寒砧

五溪秋齋

秋氣何蕭森風雨時閒作散步高齋中曳履聲索索鄉  
夢夜來多晨起追無着山色滿牆頭花光近籬脚小鳥  
時啁啾迴翔聚叢薄萬物固歸根吾生將焉託詩書誠  
國朝詩的 卷之九 湖廣 古

何用垂老增寂莫願言東歸去乘風駕黃鶴

雜詩四首 選一

山雞有美毛難與鳳凰比終日臨流照竟至隋水坎區  
區一身文自愛胡如此神龍有奇光照耀千萬里

贈雨中牧牛者

落葉蕭蕭隨雨飛南原北港行人稀老翁牽犢雨中立  
草深水濶暮忘歸草深水濶暮忘歸黃犢自飽翁自饑

歲暮

寒逼歲將暮庭梅看又春乾坤雙去鳥江漢一奔輪書  
劍猶爲客窮愁只泥人囊空徒愛日何以慰慈親

泊銅陵縣

扁舟維柳畔日暮數峰青烟火孤城閉魚鰕晚市腥秋雲何冉冉新月故亭亭永夕愁無寐江聲獨自聽

上湘舟中

灘險水聲急灘鄰石可憐寒烟依短竹落日下高天插漢蒼蒼岫行歌小小船湘靈在何許鼓瑟到今傳

沅湘舟中四首 選一

日月無全照烟霞劍半空水涵鸚鵡綠山放杜鵑紅人語虛無裏帆開縹緲中溪山情不淺名與漫郎同

欲雪

國朝詩的 卷之九 湖廣

釀雪西風故故吹梅邊消息歲寒知同雲似墨飄無定野水如天望轉疑一日悲歌東郭履百年高興滿橋詩老狂不解吟冰柱空憶劉叉酒一卮

贈別錢飲光先生

壽昌古城秋柳多長條拂水生微波扁舟解纜日欲暮殘酒未盡意如何青山無數半明滅白雲千點空嗟哦江亭此別正愁絕落葉寂寂辭高柯

謝天墀 帝賜湘鄉人

遊洪山

我從洪山遊晴光被窈窕萬壑洗烟嵐峯峯頭面好無

奇不離奇無石不蒼老衆山競奔赴霧氣自縈繞不爭

衆山高自覺衆山小四時但一氣蒼藹如春曉崑崙具

性情幽折生靈巧禪栖幻奇構曲徑藏深窅苔花媚石

壁清磬戀歸鳥衣屐飛天風白雲生不了塔影浴清暉

印月亦何惜我欲騁雙眸秋光白晶晶長歌入翠微香

風滿懷抱

踏雪

出郭閒移杖寒花襯步輕尋梅春有跡印月夜無聲遠樹如瓊立遙天接路平清輝生朗朗疑向玉山行

有僧自潯溪歸述黃九烟先生近况明年春僧復

國朝詩的 卷之九 湖廣

往白門予以拙稿託寄作此呈贈

猶是瀟湘舊釣耆綸竿收去臥潯溪亭邊放鶴情俱逸

江上看山展已迷千尺松容常照雪一莖蓮品不沾泥

自慙囊句非春草敢倩江毫重品題

洞庭湖

孤舟入宿冥天水歸一壑蒼然一氣中秋色奚從着

易宗洛 公錫湘鄉人

遺懷

昨夜傳兒信春溪問我旋愁增爲客倍夢在未歸先穎  
禿花殘蘚苗青稅有錢 傳急去來彭澤苦何地釋拘牽

丙子初冬步芷香亭和吳江葉南屏韻

亭在縣志城公內署

節飲南藩重冰撫心自銘政聞琴伴鶴署冷竹編亭簾  
脆生虛白櫺空抱遠清誰將吏隱意點火到林垌

劉 揮 問倩牧縣人

初度答譚傳子見道

跬步皆窮老大時蹉跎往事不勝思十年未冷鏡中淚  
一醉難消髮後絲履徧烽狼淹壯志夢殘蕉鹿歎生涯  
花前已去白司馬疇向梁州念所知

誌懷四首 選一

杖筇豈是惜青巒誰料參商意更闌黃髮久無知已夢

國朝詩的 卷之九 謝廣

七

蒼頭暫作主人看孤牕夜漏愁頻擾古寺晨鐘聽又殘  
清賞應知山簡帶高陽池畔轉旌難

陳履謙 初菴牧縣人

壬午秋杪黃鶴樓送劉犀衡還鄉予下揚州

三首 選一

北風吹蘭槳破浪洞庭速親知相寬慰開樽日征逐微  
名何足戀繁華如轉燭一經令人腐安用長拘束伊我  
下江東形影悲孤獨從此着荷衣誓窮山水曲姓名不  
復道飄蕭同散木

泊采石磯

潮落東風歇征帆漸漸收馬嘶垂柳渡人隔采蓮舟半

嶺烟嵐暮千聲蘆荻秋謫仙遺跡在訪古一登樓

泊彭澤

野水侵平陸稻花香滿田輕風吹釣艇涼月下江烟獨  
酌難爲醉多思屢廢眠微君不可接悵望一潸然

迎春曲三首和嬾雲先生韻 選一

迎得悠悠隔歲春環郊欣看任天真送寒氣向前宵去  
行慶杯飛此際新絲管續紛如偶語絲花撩亂更疑神  
懸知東解鶯聲起斗酒雙相聽却頻

夏日題胡祁緒吹香亭

萋萋綠野襯微紅恰恰蓮門對祝融曲檻圍棋楊柳月

國朝詩的 卷之九 謝廣

天

斜陽欹枕芟荷風一灣湘水渾如鏡無數嶽雲皆登峯  
野客都將玄圃擬主人詞賦類楊雄

陳 確 釋思長沙人

黃鶴樓聽友人吹笛樓中題額有天下江山第一

樓此未海岳句也

輞口詩人鵠渚遊酒酣逸興橫滄洲憑將烟竹無雙管  
吹向江山第一樓隔岸雲峰生潏潏遠天帆影寫悠悠  
青蓮誰道無佳句五月梅花萬古愁

將往廬陵月夜乘醉登西城與咸池別

疎星遙與女牆連萬瓦如鱗一片烟人語寂時才覺夜

江流盡處欲無天，眼當山亂雲奔馬耳。聽風多樹響，泉有約扁舟泛空碧。離觴偏是月將圓。

廖 儼 大儀寧鄉人

陶家坪問路欲雨

彌開畦徑亂風捲陣雲低，豈有岐羊歎將無。大麓迷騎

回山寺，僻僧指嶺塘。西心急安徐，楊雞栖歇馬蹄。

望石潭

路入湘天迥，山分嶽氣橫。平鋪田萬井，劃界水雙清。百里遙峰影，三秋旅客情。昭潭名勝地，到此得無評。

寄胡祁緒同學

國朝詩的 卷之九

胡廣

尤

人在雲峰第幾層，天章倒影帶湘澄。奇情世盡推中散，詩格時誰敵右丞。我久獵場爭逐鹿，君猶江上試羈鷹。當春說奏青峰調，應笑松門未有僧。

秋夜小飲

霜葉紛飛遶砌行，疎林幽籟互相爭。烟中辨樹疑無色，月下看花覺有情。撫景時過秋一半，啣盃人在夜三更。山川滿幅堪圖畫，更有何人再寫生。

曹之璜 中玉 禮陵人

積石巖

巖色積杳冥，淡松鬱清響。容易度秋雲，孤烟不可上。風

泉語幽寂，花氣散餘明。客意欲窮奇，澹然從此往。

舟移

落日四山收，輕風逐去流。遠鐘鳴岸寺，灘火聚漁舟。沙雁行相失，江鷗戲未浮。棹歌隨處得，何地著鄉愁。

春興

青青荒隴草，烟肥峰疊晴。雲鎖翠微楊柳半，句鶯自囀桃花三月燕。初飛堤邊立，馬憑詩思山市逢人。貰酒歸溪，喜石橋流水滿一泓，清攬一牽衣。

讀書湘山寺，因憶去春同鄢羽臣晤對情事感而

寄詩

國朝詩的 卷之九

胡廣

三

野外晴雲迥不還，湘山幾日草堂閑。曾携孤閣烟中月，共覽春溪雨後山。僧殿石橋歸合澗，花飛雙蝶戲重灣。遙知禾黍登場日，秋意蕭蕭獨閉關。

登岳峰絕頂

凌風直欲與雲遊，踞盡千峰最上頭。紫蓋竊心如避嶽，瀟湘無罅可藏舟。全傾東岱鯨鰲怯，獨鎮中天日月浮。萬古虞封何處是，擬呼青鳥到滄洲。

文師汲 賓門 漢陽人

開元寺雨後寄李二虞臣

南山烟靄生悠然，滿城闕散作一天雨。西風兼奮發黃

棄亂空庭飛鳥依人歇乍寒生戶牖篋中僅祗褐何以  
慰旅魂晚喜陰霾割高樹澹秋氣薄雲露新月隱隱峰  
巒淨暮蟬耳邊聒故人隔嚴城乃在三峰末當茲風雨  
夜清興亦超越悵望不可卽相思生白髮

奉酬阿方伯見贈日本刀歌

寶刀產自日本國積鐵鍊來青皮蛇初出匣中光不定  
秋水一泓燦金花年湮歲久漢洪爐良匠經營過莫邪  
國人世守比大貝成童自老腰間佩聞說國王工倍精  
吹髮立斷切玉碎此刀不是衆人有云是出自國王手  
昔年征討過大島天吏相臨親所授翻騰海水祛颶風  
國朝詩句 卷之九 謝黃 三

平穰妖凶日夜吼艱難保護到中都星芒氣薄夜光珠  
黯慘聲鳴陰雨時不重黃金裝珊瑚曾向沙場建奇績  
斬將砍旂勢莫敵刃透重甲馬齊斷潰血不榮光不散  
萬里橫行憑仗此功成藏在武庫裏將軍不肯輕示人  
我公盛德沁人髓因之解贈向人豪雷雨幾番擲不起  
偶向星前一拂拭蛟龍砍闢天地否神物呵護不尋常  
報効心堅定雪耻去年騰雪千里長買舟一葉來中湘  
手足凍折鬚眉斷袂短衫長將至軒朝讀雄文暮說劍  
冰雪聰明心一片爲話年少事從戎疆場往往見英雄  
掣出龍泉飛走馬手提鋼鏃來大功公聞我說雄心喜

揮手脫贈情何美捧刀在手意飛揚壯心忽忽那能已  
轉看鬚髮早蒼蒼安用寶物徒割豕吁嗟乎寶刀爾何  
爲與我相依且相隨少不如人老何益獨對寒江湘水  
碧

晚霽

向晚風將細牕開暮景生墨雲高處落積雪暗中明新  
水澹殘照孤烟歸細鷺更無寒月上淡坐一燈清

登太華山二首 選一

落雁峰前立高天手可捫看雲千丈下顧影一身尊入  
谷原無路憑空似有門向來失仰望始覺衆星繁

國朝詩句 卷之九 謝黃 三

泰嶺謁韓文公祠

四山鬱結嶺頭雲南北江河自此分天色微從烟裏辨  
水聲遙向樹間聞中原有土還初地千古無公應喪文  
莫爲瘴鄉悲底事到今遺廟氣氤氲

寄汪大嶠林

庾信思歸未易歸長安夢斷故園扉一樽酒盡愁先到  
千嶺書遲雁不飛秦甸秋殘忙見雪楚山春暖苦思薇  
還將遠意遙相望沅芷湘蘭怨落暉

固關

乾坤無意闢靈境王霸因之據安津四塞五原通此地

百盤千仞抱重閨  
嚙喉邊服元推晉  
鎖鑰中天豈讓秦  
自昔三分公室後  
幾人恃險不稱臣

過程五紫星寓

愁霖十日苦相因  
策馬衝泥訪故人  
淡坐頓忘爲客恨  
到門先喜與花鄰  
庸心丘壑經營巧  
着意琴書位置勻  
小築居然容放眼  
論文莫厭往來頻

謝元昌 鹿山湘潭人

江村

蓬戶堆秋草  
江村萬柳烟  
依蘆漁網日  
臨水雁書天  
雲勢歛山寺  
風陰散客船  
不堪重極目  
紅葉冷翩翩

國朝詩角 卷之九 謝元昌

雜興四首 選二

谿畔移情處  
青青樹欲齊  
山腰啣屋淺  
石角抱沙低  
倒注泉猶沸  
淒淒清鳥啼  
人烟非索寞  
夜半足聞雞  
艤船臨渡口  
問俗共南天  
犬吠村家月  
鳥啼嶺樹烟  
放歌吾道是用拙  
此身全一路驚心處  
遊人自不眠

遊嘉峪關二首

層層積雪見天山  
浪跡何心歷此間  
水入極邊分黑弱  
風來紫塞有朱殷  
玉門尚隔三千里  
定遠猶從八十還  
茲際書生徒攬轡  
封侯意興已俱刪

西土秦皇萬里牆  
秋風立馬視龍岡  
華夷正借山高下

部落多憑沙渺茫  
白日關門傳鎖鑰  
清時守禦重邊疆  
恰逢哈密瓜來入  
職貢從官得飽嘗

胡同夏 元歌竟陵人

登凌雲寺望峨嵋

寺在嘉定州對岸  
去峨嵋二百里

絕壁臨江濤雲樹暗如晦  
徑緣石磴危苔滑潛流瀨  
蹢步上層巔側身烟霞外  
洞口草蒙茸白日走山怪  
仰瞻天宇逼蕭條無人界  
古寺半摧殘斷碑蘚侵壞  
山飭洗墨池東坡所遊最  
潯潯露其形池荒荆棘昧  
撥莽過前峰回首流雲蔽  
憩足到江亭豁然虛靈會  
浩浩二水流映日金波碎  
杳冥白雲中青光何澹澹  
澹眉痕與髻形宛國朝詩角  
卷之九 謝元昌

初冬卽事

閑居遂疎嬾盡日掩荆扉  
地僻人來少松高鶴自歸  
嶺梅迎暖放山蕨待春肥  
小飲三杯足無謀自息機

晨起課小童理園中花木

晨起生幽事呼童向小園  
理枝淨蛛網擇葉檢蟲痕  
遠樹清梅實沿籬分菊根  
汲泉澆灌畢坐石聽禽言

石潭泊舟月下訪謝康山爲竟日留漫成二律 選一

渡口方停棹田間帶月行遙邨聞犬吠隔水聽蛙鳴午  
夜松聲靜幽居竹下清主人門外立握手喜相迎

獨酌

一春生計少風雨掩柴門寂寂閑花落啾啾小鳥喧無  
人到窮巷展卷坐黃昏得隣家酒歡然獨舉樽

咸寧道上

路入深山氣漸寒迢迢紆折幾千盤橋危側脚矜持過  
峰好圓頭子細看處處野田分澗水家家門戶對層巒  
松濤柳浪真如画不用長歌行路難

除夕泊舟南浦閑步

國朝詩的 卷之九 湖廣

三

錦石江邊繫小舟千峰翠遶碧城流冷波荒市魚蝦少  
地僻林深鹿麋稠山寺尋僧雲在足天橋看瀑雪當頭  
客中清興偏能好自喜閒身似野鷗

晚泊

倚櫂雲歸上下天岩邊到處響潺湲喜聞鳩喚朝來霽  
愁聽猿聲夜不眠冰雪膠舟經匝月青山留客度新年  
轉因畏險行偏緩稱我幽尋處處延

李 繼 亦山鐘祥人

晚望

斜陽生晚景策杖出林臯緣岫編籬曲臨江架屋牢雲

歸青嶂合沙擁北城高莫問春深淺飛花點客袍

同商羽瞻到秋浦賀渭占登蕪湖識舟亭

亭結青峰最上頭板登客共豁雙眸地分吳楚江山限  
門泊東南上下舟塔影搖空臨水寺歌聲入耳隔溪樓  
茫茫今古情何限都付斜陽酒一甌

與卓定上人共話

方丈經旬未得過近來佳興更如何啼殘柳色鶯聲老  
踏破苔痕屐齒多花雨可能留野客画禪應許問維摩  
明朝欲載麻姑酒醉後題詩好共哦

何中輝 五松寧鄉人

國朝詩的 卷之九 湖廣

三

山居

翠擁峰前雲擁溪梅花幾樹護牕西春來有興嘗看鳥  
早起無心但祝雞不必冠裳來往密何妨物我異同齊  
柴門久閉爲誰啟多恐人生礙笑啼

隱居

最愛好峰與好溪買山未就住城西乘軒每見懿公鶴  
帶介還看季氏雞賣得假柑千担好做來高筭一般齊  
花間有徑長教塞只許春鶯來往啼

水居

左帶平湖右帶溪疎籬斜睡任東西荷衣處處雲鷗鷺



柳絮年年雪覆雞洗憤歸來門自閉採蓮歌去櫓還齊  
魚竿此日停征久不是山傍怨婦啼

陳治行 俗琴牧縣人

送李子守歸長沙

離情欸欸不能支江上烟波送客悲寺裏殘鐘人散後  
時子守寓  
上說果寺天邊細雨獨歸時當前樂事如川逝別後妻  
涼有夢思驛路梅花隨櫓去不堪悵望暮雲垂

湘潭劉恭人有藏園賦詩用杜工部歸成都五首

韻索和爲作想藏園詩

細雨微波波長綠蘋此園應滿十分春要於湘芷汀蘭外  
國朝詩的 卷之九 湖廣 老

想出山情水味人月榭風亭何處置雞聲茅屋幾爲鄰  
古今陳迹閑收拾色色拈來入手新

此中幽興不曾闌滌硯時爲到碧湍山裏惟求技樹訣  
竹邊閑選釣魚竿詩人屢過應題句仙客能來肯授丹  
花史蟲經隨手著年來用意甚艱難

李壽愷 雁嶼衡陽人

謝和楠岑先生原韻兼謝屏文

不賤由來羨少年遊遊任意挾飛仙成無一事嫌將老  
窮到於今只自堅寸厓曠陽偏遘閑數園翠柏看參天  
閑時把臂雲亭上猶想前修一惘然

余英 就園邵陽人

揚州

三度蕪城又十旬紅橋烟景竹西春乘風小艇尋詩遍  
繞郭名園載酒頻柳絮不飛隋苑恨月光偏照夜遊人  
平山堂上千秋業一似瓊花冷翠茵

吳振鵬 雲翻牧縣人

黎平署中有懷

萬山突兀一城尖遊子天涯歲歲淹繞署梅花香入夢  
環階草色碧侵簾旅懷每借狂吟遣客思還因獨寐添  
極目故園歸未得強從溪夜看孤蟾

國朝詩的 卷之九 湖廣 天

蔣佇昌 古五鍾祥人

送汪青萬

良覲真非易聯牀豈偶然何當分袂日值此朔風天衰  
柳依南浦驚鴻下野田留君已無計獨去灞橋邊

舟中

雞聲何處是野听有人家衰柳欲無葉殘楓猶似花天  
低霜色重屋小爨烟遮回首舟航疾含情水一涯

陳治循 又偉牧縣人

和劉雲眉先生

登樓春色麗好景四時兼烟起雲朝合雨餘山翠添騰

低池面掠塔露屋頭尖俯仰堪憑眺淒風不畏嚴

蜂臺

起暖紛紛午更譁歸尋香徑晚徘徊將瓊液爭輪課  
釀就黃金總是花取次分房環四顧巍然登座俯千家  
三冬減膳頻頻宴濟濟歡歌湛露賒

蝶板

粉蝶飛飛景色融翅如檀板扇香風催將有韻新鶯舌  
按出無聲太古桐急拍風前呈妙舞輕敲林下落殘紅  
莊生盆鼓相和切節奏悠揚在夢中

陳待舉 子遠攸縣人

園朝詩的

卷之九

湖廣

完

春晚舟歸有懷張明府

王首道

連朝逐巨浪今始得安流雨暝村烟接長堤萊麥浮牧  
吹牛背笛漁唱石潭舟風景真堪羨憑誰話客遊

十月既望遊獵憩真如寺和張明府韻

聯聯陽春後郊寒菊尚花錢餘池藕葉甲金馬蹄沙白  
鷺橫灘雪丹楓繫嶺霞香泉堪話坐久興還賒

依韻答蔡雙玉

白雲是處故人廬雙鯉遙傳嶺外書春爲鶯留歸去晚  
雨從梅裏落來疎千金有賦知誰買一劍何龍不可屠  
珍重絲綸岩下釣後車好載渭濱漁

李殿公招遊憑虛閣次壁間韻

十年未放看山舟今偶從君共溯流過岸花村如舊友  
到門眼界是新樓廳舍萬木連千嶂盤倚雙龍繞一洲  
自歎蓼花篇已廢渭陽遺跡更增愁

關爲男氏所建

舟過幽蘭寺山下寄張瞿菴

孤寺歸然峭壁間盡收千嶂入禪關叢篁繞屋栽雙徑  
流水當門割一灣仰視岩花依石靜微開鐘磬伴雲閑  
詩翁選勝憑高卧預訂歸帆落此山

易宗瀛 烏菴湘鄉人

嶽路

園朝詩的

卷之九

湖廣

三

步步幽奇換林光引客前雲淡青有路松密翠無天日  
脚烘紅樹猿聲動碧泉漸驚屢處遠絕頂尚雲烟

羅侯松生觀音岩頂托根危石高不容尺而青翠

奪目離奇有致蓋念菴手植也

徑尺礫珂翠到天摩雲篩雨幾經年文身不借干霄影  
鍊質非同厄閨禪泰岱生憎封在五和嶠空有譽成千  
一叅誰寄靈根住雅共幽人倚月眠

鄒致肅 怡先衡陽人

已亥早秋客奕順樓敬庸節以詩過訪依韻奉酬  
懸疣早覺此身多况復驚逢世路頗微脫桐尖秋一葉

乍經江上兩重波工詩誰謂窮能得識字今午患又魔  
欲起文衰張八代不憑君等更誰何

余既爲鄭翁賦木山詩次日移入齋頭玩賞之餘  
復成長句示同門諸子

元然誰信是枯株無量獨銀眼底殊瘦削似呈仙掌色  
玲瓏如画四明圖難將中柱充名匠豈未成山等脩吾  
移向芸堂供榻几端居真不媿芳模

胡作傳 昆左止齋牧縣人

山居二首 選一

青山湧疊翠此地堪爲家籬淺補新竹牕虛對野花楊  
園朝詩的 采之九 湖廣

懸來酒友戶啟接雲霞閱數賓鴻過時鋤邵子瓜

題余秀臣明府醉墨亭

亭名醉墨墨痕蒼一種幽姿任徜徉竹裏箇分晴雨得  
樹中陰帶密疎藏才堪倚馬稱雙陸字可籠詩續二王  
嗜僻每從高處取一簾明月照清香

灌花

無事乘涼夜灌花露凝蛛網似銀沙金魚吸水時隨響  
翠竹迎風帶月斜倦坐蒼苔當繡錦閣從螢火借光華  
呼童莫買鄰家酒微露新烹試芥茶

李奕驊 仍孟溪陽人

本鄰行

東鄰合有粟西鄰歲不登重儲苦煩仍無田之西隣猶  
得畜妻子營斗升有田無料貧計日蹙處處秋原堪痛  
哭君不見田舍翁麥千斛黃雞香稻白酒熟女能紡織  
兒能讀贏得晏眠聲出破屋

彭一楷 端樹秋室漢陽人

重遊五老峰

十年過此地景色總無分樹老能停鶴山稠不礙雲野  
花綠徑出飛瀑隔溪聞何日兵戈淨歸舟傍夕曛

送程韋華歸金陵

園朝詩的 采之九 湖廣

霜楓搖落送君歸日射關門雁北飛妙筆已推王逸少  
新詩堪憶謝元暉春過綠柳開三逕雪勒青松大數圍  
惜別莫言知己少旗亭冠蓋映崔巍

劉應第 牧縣人

題余明府醉墨亭

結亭宛在綠漪中雨過荷香墨浪通循放縱吟神曠逸  
總開揮管興沉雄非無花縣河陽譽獨擅王家大令風  
只此襟懷天地濶近時仙吏孰如公

白蓮

天然素質出方塘站水搖風帶露香却抱仙姿來月下

絕無艷態倚宮妝，悞疑賦雪來梁苑。好擬登瀛到玉堂，  
爲愛芳心常不染。那須傳粉羨何郎。

劉祐沛 伊源江夏人

### 小孤山

幽奇歸造物，危石突江心。四面藤蘿古，孤峰鳥道深。  
客乘初上月，鐘送暮歸禽。應有蛟龍起，時聽夜半吟。

### 友人贈子画漫賦答之

君將佳意弄雲山，坐我青峰盡日間。漁棹參差秋浦外，  
人家遠近白雲間。一篇無盡詩中画，千載相思竹上斑。  
試看前溪明月滿，有人吟立望烟鬟。

國朝詩

卷之九

湖廣

三

### 蠟梅和龔雪航先輩韻十二首

選三

搖落園亭艸盡荒，仙家真有辟寒香。冷風霜益鴛鴦瓦，  
猶引羣蜂弄淺黃。

漢家嬌額侍君王，粉黛三千覲末光。何意晚芳卿獨占，  
簪花新愛蜜脾黃。

東閣詩情日最淡，前村春信尚浮沉。同心解伴黃昏月，  
遙指孤山作故林。

陳載華 仙掌益陽人

### 採菱歌

湖水日日淡菱葉，日日長誰家採菱女。三三并兩兩菱

生湖水中，女住湖水東。我撐小艇過湖去，采菱女子顏  
自紅。顏自紅不須羞，謹防菱刺傷指頭。往年采菱只采  
實，今年莖葉何兼收。爲言米貴要錢多，儂况無錢可奈  
何。

丁亥七月十五日范明府過湖上查墾值秋水汎  
濫蘆葦飄蕩荷垂舂惻賦詩一律謝之

此地荒蕪六十年，悽然林莽聽啼鵲。蓬蘆幾戶漁兼畧，  
菱茨孤墟陌與阡。那解吹砂能作飯，還思變海可爲田。  
聖朝尺寸皆供賦，也許波臣乞一廛。

### 遣興

國朝詩

卷之九

湖廣

三

不入溪山住水邊，却因湖海氣相連。喜開別墅花爲友，  
更有何人飲是仙。簷滴夜多嫌積雨，溪雲時起亂殘烟。  
比來絕意皇都夢，村北村南聽杜鵑。

### 春日禱興

閒情能得幾朋從，憐我山癯萬事慵。田畯可堪相牝狎，  
書生何處不春容。祇言文字成糟粕，敢問功名到鼎鐘。  
冉冉春光迅如駛，花閒又看舞狂蜂。

易宗浩 公申湘鄉人

### 炭墟

地僻人家少，馳驅路正遙。雲淡迷谷口，樹密鎖山腰。孤

野鳥鴉亂幽林虎豹驕窮陰天欲曉黃葉下蕭蕭

全州道中

裏糧計日入山重徑險林深曉夜從蠟屐踏殘青嶂月  
枯藤穿破白雲封石藏野草多疑虎松入層霄欲化龍  
翹指翠微懸紺宇湘山密邇隔疎鐘

夜泊桂林

石灘清淺泊江臯關隘宵嚴夜柝號兩听月明孤櫂冷  
萬山雲簇一城高良宵曠放餘清嘯旅思消磨賴濁醪  
八桂舊聞風俗樸漫從歐石說三豪

羅天緒 真菴桃源人

國朝詩的

卷之九

湖廣

三

雜感

俯仰觀元化萬象羅中野否泰暗禪續輪轉不可把古  
之英雄人元黃戰龍馬智勇不能爭大器歸天假山高  
水深深感歎千載下

杰士伏草莽抱志發孤吟一朝感知已激昂千古心嶧

山有桐樹光華沐浴深裁之作清瑟杳眇鸞鳳音新聲  
日進御古樂嗟已沉齊庭無人賞臨風涕泗淋

寄劉五北山塞上即用來韻

潦倒青衫十載餘別來况味不堪書才情半向窮愁盡  
豪氣都從蹭蹬除小野隨緣消日月閉牕無意註蟲魚

何時之子高軒返斗酒雙柑樂敬盧

陳五玉 楚胡麓狂放縣人

和江樓看春韻

平分臘月恰逢春扮彩朝迎律候真淑氣疑來雲影暗  
好風吹上樹頭新倚欄日欲傾南北接席吟能泣鬼神  
淡蕩郊原遙撲翠晴牕暖日鳥聲頻

五日泛舟靈龜峰和陶松門韻

客裏天中未是孤輕帆高掛泛吾徒一天風雨魚龍鬪  
兩听人家簫管娛競渡不分江水白聞香初放野荷朱  
聯吟共擬浮槎去掉入龜峰倚劍蒲

國朝詩的

卷之九

湖廣

三

馬 眉 自起湘潭人

賦得潤物細無聲

品物流行日陽春細雨通如烟籠遠岫似露溼深叢洗  
樹松添翠沾花色轉紅要知潛潤力萬類仰天工

飲世兄菊亭步鮑田六韻

不關浮華到野坰相逢座上眼殊青瓊筵詩酒陶潛興  
良夜朋從逸少亭九月孤亭霜滿徑十分秋色錦成屏  
好燒高燭如蓮炬一醉風前氣更馨

朱蘊鈞 休菴臨安武昌人

贈西澗上人

羨爾真疎嬾江樓絕往還金焦當戶牖雲水護禪關地  
僻人俱靜神清鶴共閑拈花時獨笑春色映癯顏

入越

同吳起龍  
及長兄源

纔脫征衫又遠行浪遊翻覺此身輕踏歌送別親朋意  
沽酒爲歡父子情遠岫斷雲收暮雨平沙一雁叫新晴  
停舟與客增幽興吟倚篷牕待月明

張叔珽

揚州漢陽人

菊江亭懷靖節先生

菊江魂夢久相親束帶誰知步後塵倦羽回翔因物性  
浮雲舒卷自天真羲皇以上復何事魏晉之間無此人  
南朝詩的卷之九 湖廣 三

千古清風吹不盡傲霜猶見一枝新

史求忠

華陽江夏人

灌園

世榮既以得老園其吾師荷蕢笑仲尼栖栖亦焉之晨  
興抱甕出俯仰臨清池種菊若不繁且爲深秋期眼中  
葵與韭欣欣含綠滋笑傲衡門下庶足共栖遲

賦得處處皆秋色

逢人莫漫說天涯但得蕭閒便是家半榻雨飛衰柳葉  
一簾風落古藤花高低山盡籠烟白遠近林多帶露斜  
薄暮醉歸眠正好不知新月上漁槎

傅 愷 蒙山荆門人

舟中夜行

秋夜風寒起浪痕小舟獨自起行程岸邊樹影侵河亂  
烟外星光接水平人靜已無村犬吠更深不覺露華盈  
此時獨坐孤燈下閒檢殘編待月明

上元署齋與周侶樵懷臣震夫兄弟對雪時家君  
奉使北上未歸兼憶舍弟惠水

一夜嚴風冷破衙曉來六出滿庭花燕山客恨應難遣  
楚國離愁自倍賒縱使有心通兩地那能尋夢到大涯  
良朋相對情相似莫向爐前漫說家

國朝詩的卷之九 湖廣 三

鳳凰城懷古

劉項爭雄困此中如雲將士各抒忠張良策獻欺西楚  
紀信身亡走沛公山月至今明野戍水聲依舊響秋風  
當年故壘蕭條在一帝功成草木空

題畫

弄龍不待十年春溟壘神傳世共珍坐對青葱領幽致  
個中真趣讓閒人

傅 悌 惠水荆門人

寄兄

江上千帆向楚城朝朝江上望鄉頻兩行兒女關余念

百口饑寒仗汝身閨世難逢青眼客論交幸有素心人  
謂周懷  
臣震夫却緣底事歸期晚回首家山自愴神

### 登長干寺塔

絕頂凌空勢欲斜下方人語靜無譁山河放眼三千界  
霄漢平臨百萬家六代故宮隱禾黍南朝梵宇遍烟霞  
孤懸峯影蒼茫外興廢曾經發歎嗟

### 聞雁有懷周侶樵燕邸

客宵買醉破岑寥雁語驚聞落碧霄塞北風高霜早下  
江南秋晚水初消寒雲叫斷征人夢旅舍愁聽鄉信遙  
千里嗷嗷何處好祇因生計故迢迢

國朝詩的

卷之九

胡寅

三九

吳

洵  
景泉麻城人

癸巳冬杪余將返機山周懷臣以詩見送因步原

### 韻誌別

乾坤寬大總孤行却爲離愁每役情歸隱我其終待免  
壯遊君自徑還鶯既能道義成同調寧以關山隔友聲  
此夜猶欣舟未發相看撫髀撥寒檠

### 其二

辜負衡茅久不歸荒畦百畝數山圍從茲擬再開松徑  
向後應長閉竹扉失旣多時收憚晚今猶未是昨知非  
友朋無那情難已諄切臨歧手漫揮

胡士註

六皆泗民攸縣人

荊州桂巖上人持武昌潘公再丘長老蒼石書至

### 卽送之還却寄兩公

不堪人事慣泛宅伴巖居  
時余流寓荊川勞爾荊州客遠馳鄂  
洛書懶殘老未也潘岳興何如落日愁歸雁霜天影去  
疎

### 寄潘四再丘

垂老難相見其如山水何一春岳麓雨八月洞庭波弔  
古知何處加餐尚幾多不關天下事醉裏漫吟哦

司空山

張真人冲舉處

國朝詩的

卷之九

胡寅

四

一水濛濛古渡重東來蒼翠望仙踪碧池烏啄南齊藥  
老殷人呼晉代松石畔風生長日掃洞門花落幾時封  
蟬聲樹樹催歸去山下逢僧話晚鐘

陶士僕

倫宰寧鄉人

### 滿城道中作

春雲漠漠春光好征馬蕭蕭客行早雞聲叫落燕關月  
西望千峰萬峰曉埃亭旗動宿烟醒柳葉榆錢青未了  
野橋流水暫停驂逸士篷門花徑掃烹茗歷酒酌征人  
細說當年意悄悄中原陸沉盧舍非山邨零落居民少  
剩有硯田未忍荒斗室琴書營一飽慨君身世易滄桑

愛君高蹈事幽討葡萄手種錦鱗肥瘦石清渠連碧草  
窩裏羲皇一枕閑另闢乾坤詎云小故園我近武陵溪  
誤向勞塵空擾擾盡日東風送客歸歸時應惜鶯花老

山中雜咏 六首之一

地僻渾無累居閑何所營採蘭先上已移竹及清明野  
寺頻相過幽林只獨行好懷三徑友伐木聽丁丁

舟中晚興

綠楊臨水水含烟向夕輕風盪小船衣襲听花香冉冉  
櫓搖江月影娟娟不須蓬島遙尋勝長此溪山便似仙  
爲問前村何處泊舟人指點白雲邊

國朝詩約

卷之九

湖廣

四二

山居 八居之二

蕭然四壁面山谿種豆南園種菊西鵲起高風搏野馬  
鵲爭餘粒雜家雞簷前雨過蒼苔綠戶外春深芳草齊  
淒絕不堪愁裏聽啞啞枝上夜烏啼

茅居

艸堂饒似浣花谿一爲誅茅澤畔西貧屋不嫌春社燕  
虛牕閑聽午時雞敢云諸葛躬耕意聊與徐陵結構齊  
只恐矮簷吹易破秋高八月怒風啼



國朝詩的湖廣目錄

卷之十

廖方遠二首 李佐五首 劉錫五首

敬藹一首 陶士儁二首 江祚崑一首

謝廷柱一首 王曰琪一首 陳汝亨二首

何于海二首 曾震二首 吳粹二首

陶烜一首 張日烜一首 黎瓚一首

彭廷梅二首 鄧應隆一首 陳雅琛一首

李能哲六首 王之錡二首 李先春一首

曹耀圻三首 徐日炯二首 李照一首

國朝詩的湖廣目錄

劉鈴四首 黃秀三首 吳良祚三首

周易二首 吳起鸞一首 田伍三首

田舜年二首 王文清三首 程德時二首

尚重望一首 盧績一首 周敬溥二首

楊以韶二首 余標一首 余英二首

殷廷弼一首 劉浦一首 陳養元六首

馬之鵬二首 趙又昂二首 李咸有一首

李銘一首 夏光斐二首 李天柱四首

國朝詩的卷之十

長沙陶 煊奉長選

同里張 黎豈石同輯

湖廣

廖方遠 升生寧鄉人

月下偶訪不遇

清光微如水良夜豈宜獨促織滿郊原蒼烟橫嶽麓晚風纔却暑秋聲入修竹行行覓幽人書燈鑒茅屋來去思悠悠歸坐空庭肅

客中野望

國朝詩的湖廣目錄

出門何處青淹留作客關山處處愁謝豹原因家國憾冥鴻豈為稻粱謀柳經寒露絲猶綠菊過重陽葉更秋遊子不堪吟落日長天水遠盡歸舟

李佐 良哉麻城人

春仲晚步高峰

仲春多陰雨兀坐守蓬車明霞放晚晴緩步理輕策沿溪花事幽照眼沙光白閒步到山門一聲清磬發青松夾道長垂柳蔭堤密遙指麓峰尖萬象人胸臆徘徊意無窮行行下山脊疎星淡浮雲歸路映微月

春遊岳麓

最愛衡峰麓蒼茫徑轉斜斷碑殘草裏古塔老僧家虹影過山窟泉聲落樹丫更登絕頂上松放六朝花

兩中龍湖口縣

兩山迴抱大江隈嶺半孤城雉堞開石壁峻嶒魚網出寺樓飄緲布帆來豫章風起楊花落彭蠡春歸柳色催廿載東南銷戰鼓濤聲隱隱尚如雷

吉王宮廢址

江山圍故國風雨入孤城歌舞豪華歇春歸楊柳青

題仙源道中詩後三首

選一

天風挾汝上丹臺嵐翠潛經一杖開我愛湯師奇句好

國朝詩的

卷之十

胡寅

二

要移三十六峰來

劉鎬釋武俊縣人

述懷寄李五希三

春水何盈盈春花何嫋嫋別君計五年思君日以渺韶光去如駛潸潸此懷抱憶昔初芳蘭相逢秋月皎登樓賦新詩悠然訂紵綯肝胆喜同傾風度出塵表一自遠別離屋梁徒夢繞見君雙鯉來五雲自縹緲期君棹剡溪促膝話舊好

古硯歌

序

秋夜同胡廉邨諸君集送鴻閣嬾雲伯父出古

硯命賦鎬率爾作歌呈之

曾聞武溪之東金星石寶礖四射何奕奕更有孟德當年銅雀臺老瓦珍收銘詞客一時鑒賞千古傳授簡作賦猶嘖嘖平生性僻耽奇好一竹一石如拱璧此硯光怪真陸離紫玉青花發金液木根綿結如龍盤幾歷篋笥忘千百摩挲久之生古香開簾月映一窓白

湘潭晚發次彭石源先生韻

中湘烟月地清興已全牽爲愛遙山翠來看晚釣船雲浮漪水上帆挂夕陽邊何限歸思夢遊情未淡然

客中有懷

國朝詩的

卷之十

胡寅

三

秋老離情滿院涼蕭蕭孤館寄行藏頻將啼鳥驚初夢盡有閒花鬪晚芳千里故園疎雁字半輪新月冷花莊村醪小醉愁難破遠憶伊人路渺茫

尋嶽次石源先生韻

相携清嘯到林間一派嵐光帶水潺負郭稻香風正午出籬蟬韻日初闌虬松斷續猶疑路樵伴依徊却辨山更欲來朝着雙展南天高爽捲雲鬢舊有引路松

敬簪

邵陽人

荅贈鄒怡先

世事升沉不敢談一編卒歲自能甘力耕負郭輸顏巷

淨掃低垣傍邵菴携得清風忘盛暑載吟佳句似全酣  
年來浪買胭脂筆驟喜鴛鴦譜乍諳

陶士儂 穀菴寧鄉人

晚晴

久雨羣巒失峰開喜暮晴濕烟添柳翠春水共雲平市  
晚人初定風恬鳥不驚悠然看郭外野色似柴荆

人日

又見春風到舊隄新詩誰向艸堂題巷無車馬何妨曲  
客有琴書可不齊修竹冷搖幽徑裏歸鴻斜落數峰西  
當筵一帶山如畫好待雲林曳杖藜

國朝詩

卷之十

胡黃

四

江祚崑

漢陽人

訊吳彤本先生移居消息

行窩安樂羨人豪楊柳春風見地高未先有情增白髮  
依然無恙賸青袍懸車已信甘長隱運甕寧須更習勞  
何日買隣烟樹裏隔牆同得斷塵囂

閑居漫賦再疊前韻

青紫輸他世上豪幽居結得傍城高芟芟細艸頻開徑  
一任花飛亂點袍蘇季車中空自苦龐公隴上渾忘勞  
從來野性耽栖隱落落風塵久惡羈

謝廷柱 名世寧鄉人

嶽麓山應郭制臺賦

崇隆衡嶽插天起七十二峰何逶迤蜿蜒直赴大江西  
麓靈承之爲巨砥傑然獨立湘流濱雲母圭峰相對峙  
小大奔騰天馬山雙雙翹首開雲壘官星入字與碧虛  
學嶽都能如嶽歸橫舒碧嶂玉屏山別樹門庭神自喜  
吹香聽瀨翠微中放鶴看花四時裏誰識蘭泉暗結湘  
奇清不入重闌市儒佛同堂古道林被襖分流餘曲水  
南瞻蒼梧北赤沙洞庭青草憑揮指亭臺處處表斯文  
賢哉往代諸君子至今道範允巍巍公門不負春桃李  
千載奔求北海碑將隨禹篆相終始有如峻嶽帶培嶢

國朝詩

卷之十

胡黃

五

章成得附刊山紀維教有澤學有山非徒文翰區區爾  
此日臨保恩高深遠與文公魏公比雲根一片最徘徊  
恰對峒嶺生仰企

王曰琪 玉樹江夏人

送周學翁遊南嶽

映映天末薰風起欲別未別看江水落日蒼茫下遠山  
遠山未盡烟光紫男兒抵死爲青山孤舟高繫水雲灣  
携將七十二峰翠留作歸來枕簟閑

陳汝亨 會侯攸縣人

中秋自梁湖歸有感

正值中秋候行行仍獨旋閑能耐永日貧敢問蒼天屋  
漏牽茅補頽墻任蔓穿亦知幽僻處寂寞冷如禪

和釋武帆影樓雪霽原韻

爲遣憑欄逸興豪晴暉故故散銀濤村梅乍落香盈几  
春雪纔消水半篙可意白雲飛遠岫依人凍鵲出荒郊  
好携蠟屐頻來往琪樹亭邊貰濁醪

何于海

朝宗湘潭人

秋晚

野性違城郭山居意頗幽鳥飛孤閣遠人臥一亭秋雲  
氣垂垂暗江聲滾滾愁狂奴安故態蕭瑟自林丘

國朝詩的

卷之一

湖廣

六

歸舟雜感

雙漿凌空下行看日已西濤聲隨舸濶天影入江低漠  
漠山容瘦夢勞客思迷亭臯春色好應與白雲齊

曾

震 非白麻城人

閑坐

懶拙耽幽僻營求不到心微風花趁蝶驟雨水鳴禽坐  
愛翻書卷涼思臥竹陰誰能解真意荒徑日招尋

不寐

秋月入窓明微涼枕簟生砌蟲吟不斷水鳥宿還驚身  
世閱宵夢乾坤逆旅情勞勞厭城市何日買山耕

吳粹 子健江夏人

哭諫垣方體菴

仲夏弓喪次

適丁太母憂家居

周旋意更真別來才一月計到

淚千巡鬼妬文章伯天傾社稷臣楚江真不幸何故歿  
斯人

初夏那參軍招飲向上寺遇雨暮歸

偕遊勝地訪餘花布席飛觴大士家醉眼醒觀新菜麥  
閒心忙問舊桑麻故山久別遙呈面細雨多情促返車  
安得常携一樽酒同來高臥飽烟霞

坐朱公受之半帆齋賦贈

國朝詩的

卷之一

湖廣

七

幽人結屋意精妍偶坐其中似畫船壁有雕龍詩絕唱  
壁間有查那雨參軍佳句牆橫焦尾調孤懸壁間有琴奇懷似對虛舟客  
雅興平分陸地仙謬欲齊名同李郭一樽好醉看花天

陶

埏 廷光寧鄉人

雪中偶吟

簷端滴水結冰釵梅信催詩到別厓天凍嶺雲山似玉  
人居村巷雪爲齋野田石瘦饑鴻驚大徑風寒嘯虎豺  
我坐夜深悲且歎短歌何處寄孤懷

張日煥

明遠寧鄉人

春晴訪村中野人不值

展踏春泥萬樹東新晴喜見出遊蜂溪前野水聯雲白  
山下櫻桃着雨紅鷄黍有人難逐客柴桑無主遍稱翁  
獨憐漁父江潭老日日行吟望雁鴻

黎 瓚 三玉湘潭人

七夕風雲大作

條爾星何隱佳期恨轉深固知離別久詎料兩風侵駕  
鵲雲迷渡穿鍼月暗尋如何偏此夕惆悵向山林

彭廷梅 湘南攸縣人

北固山曉望

石路侵晨客到遲薄寒天氣早春時金焦山色青雙眼

國朝詩的 卷之十 湖廣

八

淮海江流白一涯簾捲風清亭畔酒鳥啼花落樹間詩  
閉看烟霧東南起鐵甕城低獨望之

金陵舟次

江干水咽六朝聲水氣隨風寒自生夜半瓜州潮信起

侵晨先到石頭城

鄧應隆 仕起寧鄉人

和楊求生前輩風雨隔江望岳麓原韻

客中風雨動遐思極目名山指點宜湘岬晦難離夜色  
麓峰影若帶雲移烟迷禹碣疇摩宇石秀黃公欲採芝  
漫謂蕭湘多雨意願同遊屐探幽奇

陳雅琛 咸元湖南益陽人

與友人同客湘潭作

半月同爲客雄談亦快哉酒酣裘已去詩就雨初來雁  
影終朝渡燈花逐夜開湘中清絕地何處可登臺  
雲山千里隔邂逅亦奇哉夜月琴彈碎朝霜雁叫來  
長留夢永寒薄憶梅開好趁輕風便携詩上釣臺  
李能哲 惠伯漢陽人

西湖閑詠 一百首選六

閑坐濃陰臥柳邊一竿釣破晚湖烟風來水面斜陽動  
笑看笙歌在畫船

國朝詩的 卷之十 湖廣

九

此地風流世所無綱常千古要人扶寶雲山下纍纍塚  
不及貞魂計二姑計許字陳千總 陳陣亡於閩計  
姑病篤割股療之得痊計六十

道傍石碣宋孤忠姓字光爭夕照紅讀罷高文驚下拜

無端雙淚落秋風宋少保忠勇李寶神道碑  
文元戶部郎唐際盛撰

暗門西去近雷峰塔上藤蘿翠萬重正是蒼茫殘照裏

南屏忽送一聲鐘

才人老大說臨川斷送蛾眉正少年魂作荷花嬌月色  
夜來香散一湖烟臨川黎瀟雲語尤悔菴云內江一女  
子自矜才色不輕許人讀湯若士牡  
丹亭而悅之遂造西湖訪焉願奉箕帚若士以老婦女  
不之信一日若士宴客湖上女見其嶠然一翁偃蹇扶

杖而行歎日吾生平所慕才子將托終身而老醜若此固命也遂投水而死

傳來山木英靈月姊風姨孕結成莫訝天開圖畫巧

須知女子本多情隆慶中武林婦柳翠愛遊西湖遂破家人驚怪懸之橋前適遇安南人以厚價鬻去隨歸分數片視之皆西湖景也

王之錡孔嘉湘陰人

### 宿水麓寺

誰人題壁去宛在水中央近山猶逼天寒月更涼樵歌歸竹樹漁榜扣滄浪古木鴉驚喚詩成一夜霜

### 雨夜獨坐

穩坐空牀夜氣清虛牕滴瀝自分明壁蟲乍響秋無力

國朝詩的卷之一 湖廣

樹鳥驚翻夢有聲野史讀來留醉眼燈花飛處送閒情

如何濕盡天心路雁到衡陽不肯行

李先香廣聞長沙人

### 登吳山

萬山奔赴氣氤氲城鎖層巒鬱白雲吳越地連沙岬劃江湖波照嶺痕分松篁祠廟鐘魚接烟火樓臺雞犬聞石磴欹欂坐久海天何處雁來羣

曹耀珩鳴璫益陽人

和張三豈石入門還是舊生涯起句七首選一

入門還是舊生涯春日全舒滿眼花槿插疎籬方避俗

釣乘小艇亦忘家三年隔面愁多病五夜論心語不誇南楚風流今未隕潛夫應待吐天葩

入門還是舊生涯閑傍東陵學種瓜陶謝同遊成好侶信含有宅屬誰家鬼神半夜空宣室湖海孤身只浣花

今日何人能抱膝獨吟梁父日初斜

### 訓夏二湘巖

江漢風流誰得似湘巖文酒仍當年老何嘗至還簪筆秋以為期別弄絃聞有絃衣之侍客淚幾回青艸外野心一片

白雲巖同遊卻喜皆陶謝醉後新詩句句傳

徐日炯半霞益陽人

國朝詩的卷之十 湖廣

九日

登高隨興到秋色不堪收野寺棲紅樹清溪臥白鷗酒村誰客醉詩社幾人留歌罷殘陽處歸來獨倚樓

酬友人

君到長沙月正圓片帆初繫綠楊天詩携衡嶽千峰雨座繡瀟湘兩岬烟似爾能閑忘是客逢人得醉便為仙風流莫笑韓生癖更約南湖看採蓮

李 賦冉見

仲秋邀羅魯峰夢懷鄭耕巖遊焦山集松寥閣

早起尋秋更好扶筇得得入谿斜樹穿石窟老如鐵

浪打磯頭碎作花  
蟋蟀空鳴丹竈冷  
魯魚誰辨古碑斜  
山僧笑指焦君洞  
何似桃源有泛麻

劉銓犀衛許月使縣人

夏日穫興十首選一

柳陰缺處一茅廬  
心跡雙清那得如  
未暑臥遊千嶂畫  
將晴起晒半牀書  
苔深逢客兼花掃  
徑滑憐人冒雨鋤  
舊說有車能擲果  
及時果熟製藍輿

同社遊司空山歸詩以訊之

桃花溪漲水東西  
問訊漁樵路不迷  
寺向千年留劫火  
人從何處覓丹梯  
山深虎跡猿常嘯  
松老龍鱗鶴待栖  
國朝詩的卷之十  
湖廣

怪底乾坤歸瓦礫  
却無仙術報南齊

瑤池只隔廣寒西  
去住邯鄲路總迷  
別有泉聲翻地軸  
倒垂虹影落天梯  
尋仙客趁三春早  
採藥人容十日栖  
聞道丹光浮月白  
可無詩思與山齊

陳子遠先生偕遊靈龜峰次壁間韻

招携同上木蘭舟  
梅雨初添檻外流  
清酒自憐年少客  
好山偏向最高樓  
午陰松響濤千樹  
晚渡人歸月一洲  
準擬重邀歌舞隊  
玉簫吹散楚雲愁

黃秀實君岳陽人

九日登呂仙亭

洞庭秋正滿  
乘興且啣杯  
萬頃浮光出  
孤峰擁翠來  
湖山誰是主  
風月我爲陪  
試看登高日  
猶懷作賦才

積雨遣興

忽添山雨雜江聲  
漏永連宵寐未成  
灑向竹枝偏寂歷  
滴來蕉葉倍淒淒  
音唧唧窺書帙  
蛩語啾啾課史評  
殘柝五更驚舊夢  
客心曉起又情生

游君山和姑蘇周魯璧元韻

飛來片石黛如螺  
古木新篁處處多  
仙籟不聞留偃蓋  
淚痕空自憶靈娥  
乾坤有地浮青嶂  
天水無邊浸白波  
我欲移山城北去  
裁詩載酒日頻過

國朝詩的卷之一

湖廣

七

吳良祚

答侯引

勸公無渡河  
河中有鯨波  
公言寧隔河  
陸地風波惡

出塞行

驛弓終鏃束韃服  
鉄衣刺刺別親族  
朝食銜枚發甘肅  
夜枕沉綠宿嘉谷  
祁連羽檄飛遽速  
斥堠烽燧連天燭  
受降城上休極目  
絕漠無垠莽白骨  
齒膏磧草供蕃牧  
血化碧磷聞鬼哭  
三夏霜花侵肌肉  
九秋冰霰手敲瘡  
燠蠡悲笳聲斷續  
壯氣衝冠雄心勦  
將軍吳授門奇術  
風雲蛇鳥運憚惺  
雖非籐籬亦內屬  
當念飛藟與輓粟

張皇六師除毒穢獻俘奏凱曲所期幽陽明弗復  
免教呼韓騎笑頻經青塚羣弔告烏得如卿蕃漢睦

初春郊飲紀事

消盡冰花景物新和風淑氣值芳晨林巒葱蒨欲還少  
鶯蝶翩跹始覺春白入殘梅全似玉青萋芳草漸如茵  
班荆席地無窮趣豪飲飛觴莫厭頻

周易乾一湘潭人

鄂城春望

春城漠漠挂斜暉獨立風前影共依  
面小桃穠作陣迴腰新柳色全肥  
白雲過眼情無奈黃鶯摩天去不歸  
國朝詩略卷之十 四

好是舊時王謝燕殷勤還向故人飛

繪就風禽倚夕吹東風無賴轉淒其只因吾道難爲計  
遂使心情百不宜楊柳絲牽行客夢杜鵑啼殺向南枝  
秋邊雙鬢斑斑白莫遣牆頭少女窺

吳起鸞 荆雲江夏人

宿尚嶺

日暮傍誰宿青山野店斜蓬蒿封塚穢烟水隱人家  
斷壁孤猿嘯長林衆鳥譁秋風半夜雨曉霧迷寒沙

田 佐 太初蓀美人

除文

隔宿分新舊斯時匪往時關心嗟過客冷眼盼殘棋  
虛抱三閭賦誰將一木枝許多忼慨意寂寂壓雙眉

九日對芙蓉二首

只道秋容淡秋全在此中靜能依野圃艷不借殘楓酒  
熟堪頻對徑蕪漸可通莫愁紅易了先後映寒叢

四月五日飲信夫弟宅首夏前一日也賦得漫把

春山仔細看得春字

一日翻憐九十春塢前醜酒餞花神流鶯迫似嚴裝客  
宿蝶愁如惜別人滿目靚粧驚眼老留枝剩豔入筵親  
願將千丈游系縷鑲住東風對好晨

國朝詩略卷之十 湖南 五

田舜年 韶初九峰客美司人

山居

帶影尋溪上閒心數泳魚選藤充几杖品石伴圖書小  
出能頻至孤遊勝索屋難云殊汗漫自喜得常如  
性不欺雲壑情慙境自新峰峰堪引眺呀呀可垂綸兀  
坐琴三弄寒泉響半勾纓塵差許濯卽是古皇民

自小園下尋水嶺

上山不計數涉水亦云多人踏雲頭出與盤樹杪過紅  
顏花躑躅青眼柳婆娑對此殊忘倦吟成費揣摩

王文清 廷鑑銅溪寧鄉人



七夕

偏於秋到故懷春，仙子佳期獨有神。  
瓊幃依舊轉成新，夢中七夕難爲客。  
天上雙星冷笑人，那得鵲橋通萬里。  
彩綃裁作紫羅巾。

酬夏映川庶常四首

燕山鬱鬱禁城西，彩鳳樓頭望欲迷。  
五夜秋聲寒石匱，滿天涼露淨沙堤。  
應知佳境長同蔗，試看前賢利用圭。  
老我山中秋夢穩，羸君却得醉如泥。

偶成

秋光澹澹水溶溶，典入扁舟露正濃。  
對月一尊掃海嶽，國朝詩史卷之十  
胡高 夫  
呼風長嘯駭魚龍，五陵裘馬輪同學。  
萬里橋門望辟雍，夜半鐘聲何處落。  
夢回曾上大瀉峰，程欽時 亭子愚谷竟陵人

客傳用資別墅漫賦

棲息全歸澹秋光，測有無寒泉漱石。  
髮零露洗花鬢沃，野黃雲合荒唐白。  
日敷霜鐘林外落，遙憶楚雕胡。

復示諸同志

枝棲兀兀四無鄰，旅食居然惟舊貧。  
一片冰心携早暮，十年交道冷風塵。  
誅茅已就終爲客，霜葉雖紅不是春。  
自我入山忘蚓餌，迂疎何異轉方輪。

過小孤山得便風

屹然端峙柱中擎，鬼斧雖工削莫成。  
草樹自餘天地古，梵鐘半入楚吳明。  
方疑且信巖邊雪，若近還遙烟外晴。  
破浪頗能輕萬里，漁歌羨爾獨忘驚。

喜雨

滌滌山川正刺心，黃昏風好送商霖。  
階前蛙出迎龍氣，水未雷鳴變草陰。  
升斗從容低米價，笠簑雜沓老秋針。  
腐儒憂國惟懷歲，讀杜烹茶大放吟。

國朝詩史卷之十 胡高 宅

周敬溥 修子寧鄉人

春興

出郊東望艷陽天，紅綠撩人正可憐。  
百轉流鶯藏樹底，亂飛粉蝶逐花前。  
浮雲富貴看時事，細雨清明弔海田。  
莫道春來無寂寞，最高山上有啼鵲。

晴雲曉露濕青蕪，絮柳陰陰出鷓鴣。  
江上數峰頻點翠，堦前十客欲成圖。  
曾看城郭新籐附，爲念田疇細草鋪。  
出戶山間沽縱飲，牧童何處酒家無。

楊以韶 虞徵寧鄉人

山況六首 選二

八月雨初下土膏帶露含薄收殘歲足素飲獨居耕  
熟和羹煮男鋤共女擔秋風何處振指擬對明窗  
十載爲農叟逢年僅一占治田僧笑拙催稅僅知廉竹  
壁破茅雜衣笥故帑兼黯然獨自樂觀象悟初潛  
余 標 起霞辰溪人

劉損齋偕滄洲先生同遊西山旋有信安之行作  
此送之

鬱鬱古西山最勝碧雲寺長安兩度未經過魂入塵氛  
少清事劉郎濟勝具先操一入薊門酬素志六月七月  
水滔滔鬼神似爲遊人忌秋深雨過放新晴爽氣軒軒  
國朝詩 卷之十 湖廣

星也媚元龍曉起探星辰呼醒劉郎出夢寐君昔西山  
舊結盟請爲前導捫山翠同策杖段車遙指烟霞心  
欲醉上山下山勢蜿蜒布襪芒屨直游戲有時箕踞老  
雲根松子松花盡堪餌有時杖策倚清泉水面殘荷香  
欲隊同頭錯認舊離宮金粟龍煤潛隨淚曲折迂迴幾  
日遊帶得山花茅店睡歸來歷歷向予言畫意詩情如  
掌臂因憶蓬門有草堂枕流漱石從吾嗜大西小西天  
下奇嶽色湘波共靈異湘岳鍾靈挺異材兩公生適當  
其地以茲氣味冷山靈探奇未許凡人覲况復鳬飛去  
此間陳公新簡越東吏白鰕會應擲余生洞口不難逢

王質劉郎又得並轡行收拾琴書與襖被梅花臘月道  
旁香雪裏題詩在驕驥已知代岳常雙瞻想到孤山鳴  
得意布帆斜挂富春山領取羊裘垂釣義興龍紫微巖  
下書烹泉携酒挹高致繫予塵空在天涯淹留都被浮  
謫倘念故鄉淪落人新詩肯爲西山寄

余 英 就國邵陽人

同張梧岡雷杏岡東湖訪一隣禪師

義載東湖約今來亦偶然數峰迴野迤一寺挂江天春  
老幽人夢山深靜者緣到門思緩步溪上聽泉流

度梅嶺

國朝詩 卷之十 湖廣

尤

磴道參差樹杪懸藍輿曲折破蒼烟東分海上千重嶺  
北盡雲中萬里天丞相祠堂仍俎豆將軍名姓紀山川  
祇今道上梅花少折贈何勞驛使傳

殷廷弼 右紫襄陽光化人

步遊雲林

水帶山青境絕幽飛來何處片雲留珠林夜雨侵僧榻  
翠黛朝暉映寺樓漸瀝亭端千丈雪陰森橋畔一泓秋  
閑心顧我王程促不及漁樵老故丘

雲林寺名  
余去長安

道經於此

劉 浦 荻江黃州人

揚州感舊

紅橋烟冷平山路畫船尚記曾遊處廿四簫聲過竹西  
玉鉤斜近雷塘墓花深柳暗酒旗招朱簾幕捲香風度  
揮金作達黃公壚吳歛楚舞邯鄲步濃眉朔客齊築歌  
江國詞人秦箏賦少年場中意氣增留連那惜時光暮  
座上分題弔古詩詩成能使人驚慕青林耆舊宗匠多  
白髮論交若平素鱸魚張翰忽思歸鶯花滿眼留不住  
一別寧期二十年江山如舊人非故山陽笛裏淚沾衣  
秋墳野艸空冷露不堪重聽廣陵濤茫茫離恨迷江樹  
國朝詩的 卷之十 湖廣 三

扁舟十日泊刊關惆悵臨關不肖渡新相知今期未來  
萬雨飄零復誰顧隔船盲女弄琵琶旅懷觴緒愁無數  
空憐夢醒杜司勳慘似別人白太傅

村婦歌

雨過村曲梨花白村婦攜筐陷南北短袖長裙攔道旁  
水畦泥滑避不得自言饑年無益藏翁姑蟬腹兒龜腸  
丈夫告賑入縣去數口人無三合糧療饑幸有石田菜  
和羹一飽勝稱貸我聞此語爲停車脉脉無言心已碎  
泊金陵次從遊燕翼子

曉發燃犀亭三山接海瀛雲寒桃葉渡秋老石頭城風  
月人誰主陵園草自生祇今江上水相對有餘情

雨後溪橋野梅

冰玉凝成絕妙姿何緣水畔訂幽期飄殘夜雨香仍在  
度盡春風色不衰橋外過雲開半髻溪邊帶柳見初眉  
天台舊染石梁路落處猶堪和笛吹

重九前二日石廷邀同蕊淵小飲二首

半林紅紫咽青霜缸面開時撲鼻香籬菊不教今夜放  
爲畱秋色與重陽

國朝詩的 卷之十 湖廣 三

襟懷如海酒如春萬里登臨識此身大地若能先縮盡  
天涯誰是感秋人

馬之鵬 文淵蒲圻人

送陳子京之福建運副任

六載一相逢復爲萬里行駿馬駕朱軒送君勞我情牧  
伯貢賢能 天子陟其明疇咨徧九列豈曰非光榮我  
心屬有念斯人實挺生樹之獻納地 上可爲國楨次  
亦資切磋和平聽友聲如何不少留持籌到東瀛 朝  
廷重封疆欲使海波清釐政儲百需慎選過公卿所以  
仗周才萬竈佐經營近聞諸使者歲額屢失贏耗散動  
千億後來還相傾相傾良有由此事傳上京貧富見交

態誰顧息壤盟一禽填溟渤坎窞何時盈鬱鬱羅大夫  
於今恨不平君往恤其家千秋有令名

濟南韓太守高司馬張轉運劉明府邀讌歷下亭

登北城臨眺

大明湖中天水永澄鮮倒瀉歷亭影密藻間荷有路通  
斜日蒼茫進舴艋愛君肅客水一方雙鳬飛處開秋光  
歷歷齊城十萬戶依然巨壑渺雲莊舍舟更上北城樓  
嵒華離立當平疇赤松白鹿杳然去華泉濟濼相交流  
負郭西成四野沃樵歌牧唱雲門曲草蒿又集新衣冠  
魚鹽未改舊風俗憶昔淮陰兵如電後來耿弇猶酣戰  
國朝詩的 卷之十 湖廣 三  
軍威直震舜耕山娥英水作鯨波濊於今海氣銷天吳  
滄溟清比大明湖我尋泰岱金泥跡坐與諸公談黃虞  
酒闌不向燈前舞矯首秋旻指河鼓天邊一聲上林雁  
八月槎回空別浦

趙又昂 紱誕善化人

二月梅花

子與雪同時雪今舍子去雪去子亦孤春花且見妬彼  
雪胡不終憚子遲遲故曰託之東風東風吹陌路勿恤  
老其材乃同桃李度蛺蝶驕不採芬芳已無數時方闕  
輕艷難乎不丹堊亭亭奪眾色澹遠烟微護慎此冰玉

姿華何必慕

夜聽漁歌

江淡受月平夜色在烟樹巨艦息風檣砧聲思遠戍此  
夕傷心人淚落蒹葭露漁郎鼓柁來兩岬蘆花處將船  
倚酒家婉轉歌如訴停歌使我悲再歌生情悽長歌湘  
浦曉浮雲無去住

李咸有 野豎漢陽人

庚辰夏日大中丞金公重修嶽麓書院告成委書

碑文漫賦長歌紀事

嶽麓峰頭碑最古岢嶇並峙傳神禹蟲文鳥跡非人間  
國朝詩的 卷之十 湖廣 三

剡鐮一夜出鬼斧鋒鏘犂犂勢搏人江天鴻濛生風雨  
依稀三千有餘年山寺北海碑堪譜點畫雖復後代文  
鴻戲鷹鸞爭飛舞老顛愛書發狂呼長揖下風栗雙股  
霜日剡蝕野燒殘苔蘚迷離不可覩闢立戶庭有宋儒  
闡揚正學參六字撥轉氣運如轉環萬古中流稱砥柱  
方今文教仰盛隆崇儒重道纔三五黃鹿白鹿煥天  
章玉軸金函頒 內府煌煌 賜額日月光萬靈拱護  
精英吐名臣濟濟後先來疊開講堂教化普湘水波澄  
風初回南國於今漸東魯勒石紀盛壯千秋謬令捉筆  
繩祖武數載閱曹愧無聞却將末技動公輔願言文教

長振興與茲江山俱不腐

李銘

麓湘都澤人

百花洲

江風吹雨百花飛早晚持竿喜得歸身在江南圖畫裏  
令人却憶米元暉

夏光斐

洪瞻益陽人

寄友人

野綠來池上庭陰夜合芬衣曾分杏雨夢共繞梨雲花  
上峰相語臺邊石自群掩扉惟獨坐時一著玄文

送隱者遊南岳

國朝詩的

卷之十 湖廣

三十四

葉壁秋風露白初片帆江上適逢予麟因獲處經爲史  
龍到潛時草作廬東海士已談劍少西山人去採薇疎  
欲尋舊日長源侶迴雁峰前好卜居

李天柱

石峰善化人

自石滾塘早過漢川 有樓名萬魁

晨興臨盥濯目接漢川樓萬柳隨天綠雙鳬對日浮酒  
從荒市覓書自故鄉留坐起時開卷關心別有求

西征捷報

金風吹送羽書香一戰功高中外揚鼓角聲催過月曉  
旌旗影蔽塞雲黃將軍頻收交馳捷瀚海鯨鯢早退藏

自是盛朝方畧遠萬邦歸化樂無疆

沔陽別彤言陳大門兄

冒雨衝泥強別兄綠楊愁聽雁飛鳴舟如傳舍隄三越  
宿到茅簷月二更深夜盤餐勞遠餽江村漁火照離情  
洞庭八百還家始翻覺前程萬里輕

和友人過岳麓二首之一

烏丸頻年一卷隨故人長憶會難期漫勞遠破春江浪  
渾欲題翻岳麓詩夜語小窓花氣煖歸攜古渡听烟迷  
殘碑賸有登臨興載酒重來定幾時

國朝詩的

卷之十

湖廣

三十五

國朝詩的山東目錄

卷之一

王士禛三十九首徐夜十三首

王士禛十四首姜垚十三首宋之晉二首

姜垚七首高珩二首曹貞吉六首

姜安節二首崔子忠一首法若真三首

孫蕙五首曹申吉十一首馮廷樞九首

劉正宗一首李鴻逵六首董誥二首

吳自謙五首耿願魯一首王儼一首

孔衍越一首朱翼宗一首張若麟四首

國朝詩的卷之一

顏光敏十三首孔尚格二首孔尚任八首

王清一首孫觚四首李澄中一首

于覺世四首王萃十四首田肅四首

孫觀三首魏錫祺五首

國朝詩的卷之一

長沙陶煊奉長選

同里張璩豈石同輯

山東

王士禛贈上阮亭新城人

澠水上留別家兄太液禮吉子側暨諸猶子二首

靡靡卽長道鬱鬱難具陳人生重離別况乃骨肉親官

橋水邊柳征夫衣上塵相眎宛將別含意何由申昨宵

一堂宴明日千里人且復緩須臾佇立長河津

幼稚羣牽衣問我歸何時我行越江介會合寧詎知長

國朝詩的卷之一

河漂母墓春樹淮陰祠此行多感激念爾復傷悲登車

不成別淚下如懸絲

上方寺訪東坡先生石刻詩次韻

昔出蜀岡道黃葉鳴秋蟬今來上方寺綠萼破春烟坦

步寶帶側延眺隋城賴古利龍象寂殘碣蛛絲懸緬思

我媚人文采真神仙贈詩日南使賓佐皆豪賢邈然竟

終古漱墨留春泉老筆欲飛動妙態殊便娟空堂響人

語怖鴿飛聯翩後遊慨今昔憑弔當同然寺有泉名第一

過汜光湖懷古

嗚呼正德中雙豎陳皇綱華容既遐謫劉謝咸高翔談

笑誅刑餘臺閣資文襄逆濠睨神器弄兵下鄱陽勢異  
北平順跡同吳渙狂桓桓文成公將帥皆龍驤義旗出  
章貢狡童旋已亡如何萬乘尊南巡來建康羅綺照江  
水姝麗傾淮揚誰賡白雲謠載詠黃竹章茲湖兩駐蹕  
名因翠華長龍舸與鳳舳樂哉方未央膠舟古所戒遺  
恨憐昭王事往二百年寒波但菰蔣月暗津鼓急楓落  
漁燈涼緬懷豫且歎弔古重悲傷至今泰陵樹松栢無  
斧斨

焦山古鼎詩三十四韻

曉入枯木堂怪禽驚翩翻清露滴松杪下見古鼎蹲寶  
國朝詩的 卷之一 山東 二

光耀昆吾中有飛廉魂上文爲雷回下文爲雲紆獰狀  
饕餮伏兵氣蚩尤昏辛壬與丁甲世次迷夏殷初疑周  
虎翼復惑虞雖敦尊從不可辨牛豕誰能論魂怪歷歷  
鼎譎詭旅紀羸蛟龍雜蚪蚪五指不敢捫在胙想屈蠃  
識字驚蜿蜒月黑鬼神泣峽東波濤奔籀書失趨趨斯  
篆推窺輒爰歷邁府令凡將駭文園史游久已愛皇象  
不復存甄豐與董道抉剔窮本根不遇博雅流孰爲洗  
煩冤諒比岐陽符或同泗水淪山僧與道古感激聲還  
吞分宜昔枋國氣勢傾崑崙斯鼎出京口上燭光網緼  
役使萬指衆負戴千蹄健大哉宗廟器詎屑豪貴門威

力鎮禪窟寂寞歸祗洹午夜鳴鐘魚清晝啼猿閱人  
恆沙劫如彼蝨在禪我昔訪焦先望氣吟不言五年隔  
揚子無翻思騰鶩吾兄癖好古八書探河源三日松寥  
遊坐卧忘囂喧扁列析螺書卷尾搜蠹文作爲奇偉辭  
大海搏鵬鯢春江壯風霆響激雲濤渾三歎繼高唱海  
門上朝殿

定軍山諸葛公墓下作

高密起南陽文終從高祖暴繫本見疑數劄亦非武堂  
堂諸葛公魚水託心齊二表匹謨訓一德追伊呂視操  
但如鬼畏蜀還如虎嗟彼巾幗徒與公豈儔伍紫色復  
國朝詩的 卷之一 山東 三

蛙聲抵隙各爲主火井方三炎赤伏更典午志士耻帝  
秦祭器猶存魯陰平一失險面縛總奔莒知公抱遺憾  
龍臥成千古戮戮定軍山悠悠沔陽許鬱鬱冬青林哀  
哀號杜宇耕餘拾敗鏃月黑聞軍鼓譙侯寧足誅激昂  
淚如雨

十八灘三首 選一

半日過五灘灘灘各殊狀怒流一噴薄石角迤背向激  
瀑散霜雪倒洗石壁上漩渦走風霆喧呌裂層嶂洶如  
奔萬馬崩騰不相讓又如閭闔開攖攖羽林仗傷神旣  
慄澹快意倏悲壯出坎在須臾布帆幸無恙探竒邁靈

閔豪吟洗惆悵

海門歌

岷峨東下江水長遠從井絡來吳鄉奔濤萬里始一曲  
古之天塹維朱方北界中原壯南紀魚龍日月相廻翔  
中流一島號浮玉登高眺遠何茫茫長空飛鳥去不盡  
江海一氣同青蒼山外兩峯遠奇絕雙闕屹立天中央  
左江右海辨雲氣如爲八裔分紀疆江流到此一縛束  
早潮晚汐無披猖燭龍曉日出雲海山光照曜連扶桑  
年來海戍未停罷義舸大艦來汪洋胡豆洲前起烽火  
徒兒浦上披襦襠古聞京口兵可用寄奴一去天蒼涼  
國朝詩的 卷之一 山東 四  
我願此山障江海七閩百粵爲隄防作歌大醉臥巖石  
起看江月流清光

登文游臺放歌

玻瓈江上謫仙人東來萬里辭岷峨熙寧元豐不得意  
翩然戲弄淮南春龍圖學士忤權要祥符宰相除王孫  
黃樓一賦軼屈宋無雙國士推髯秦四公相逢向淮海  
酒酣耳熱氣益振珠湖三十六陂澤高臺下瞰何嶙峋  
錦繡詩篇照天地與臺光景常鮮新雲烟過眼一飛鳥  
黃河曲注江東奔人民城郭半遷改此臺屹立當湖濱  
惠州僭耳垂萬死後生望古傷吟魂何人請籍元祐黨

至今泚頽慚安民豈如此臺好名字永絕狐鼠芟荆榛  
我來游眺歲幾度溪毛明信古所敦遠帆如鳥樹如薺  
湖光雲霧相摩吞嚴冬沆漚但一氣大雪片片鋪龍鱗  
醉公一語公莫嗔作詩一笑君應聞未印我公題  
太白像語

紀異行

景泰年中五月雪竹木摧枯麥苗竭如聞雙鶴語堯年  
父老流傳尙能說前年辛丑夏雨霜真州災告連丹陽  
壬寅七月海東嘯崇川化作鼃鼃鄉今年雨雹殺禾稼  
雉阜民徙龍爲殃有龍見如阜境內  
挾巨艦飛空中冬十一月大雷電  
百蟲奮蟄難閉藏天心仁愛有深意洪範何嘗諱災異

國朝詩的 卷之一 山東

五

江淮連歲困租庸請備他年五行志

蘇門行寄公猷

劉生俠氣老不除腰間玉具纓曼胡日送飛鴻歸西省  
晝夢秋水思菰蒲掉頭一竿清蘋尾琉璃萬頃堆西洲  
憶昨聽爾御風操山泉決潄松風呼黃鶴山頭一握手  
戴公往蹟今有無山中舊約息壤在相看一笑言非疎  
舊在京師聽公戲彈御風操贈詩有與君更作他年約  
黃鶴山頭訪戴行之句壬寅果相遇黃鶴山下此事甚  
奇濤頭如山五馬渡酒酣夜別黃公壚平山堂上望汝  
頽恨無好句追歐蘇昔與汪琬程則共盤礴看君寫作  
蘇門圖怪石槎枒樹蕭瑟醉墨絕似雲林迂嘯臺鸞鳳



儼在耳安知嵇阮非吾徒聞君近散萬金盡便衣掃塔  
辭妻孥山中有隣德不孤蘇門先生今大儒夏峰村邊  
看秋瀑雲中髣髴開精廬尋源采藥去不返空留鳥跡  
巖間書廣陵西望連孟諸倘逢樵叟一相訊山中服食  
今何如

黃子久王叔明合作山水圖歌

有客示我七尺練云是黃王之合作粉墨駁蝕神淋漓  
巖谷高深氣盤礴長林巨壑來畏佳飛鳥流雲去寥廓  
空堂白晝生風霆飛瀑千尋競噴薄老松撐突夜叉臂  
怪石縱橫鸛鶴啄澹如閒衲洗鉢坐怒如將軍拔劍斫  
國朝詩的卷之一 山東 六

石稜松鬣若無路忽向青冥得樓閣峭壁無梯凌霄絕  
天外孤茅誰所縛將無洪谷與關雎筆有琴心師賀若  
滿堂動色神情然題字依稀辨黃鶴吳興清遠陽波亭  
家法賢甥宛如昨意匠慘澹經營成范緩倪迂大張拓  
富春老人年九十烟雲供養窮三樂扁舟訪舊雪川來  
偶從縑素論丘壑爲添樵逕螺髻旋遠峯一角空中落  
遠人無目樹無枝妙解通靈失糟粕吳興富春幾百年  
此意天然殊斧鑿山人癖如阮宣子蠟屐猶堪代芒屨  
惜無劉尹買山錢苦向畫圖就寂寞此中三口容坐臥  
便擬拂衣永棲託明年借汝春晝閒梅老無花竹生獐

高奴城歌送顧朔文之鄆州同駿孫作

君不見高奴城蒼蒼橫百里三秦征戰幾千年夕照荒  
烟但殘壘武唐顧生才且賢盛年獻賦明光前卽有姓  
字滿南北却遣無媒之洛川洛川迢遞三川水涇渭西  
流去何已登高不見五原人空眺長城暮烟紫顧生爾  
豈百里才風塵濩落何爲哉此去且揮白羽扇懷人莫  
問黃金臺顧生勸爾一杯酒世事浮雲復何有專城五  
馬亦不賤漢家况重扶風守兩年與爾同情親長安客  
舍仍比隣一朝揮手入關去五噫應念高生貧銀河漸  
稀曉星没千騎東方待明發高齋若憶杜陵詩相思遙  
國朝詩的卷之一 山東 七

寄鄆州月

陳生行戲送其年歸陽美

陳生陳生爾旣不能入淵斬長蛟又不能登山射猛虎  
復不能亡賴作橫苦鄉里十載哦詩守環堵徒抱輪困  
一片心蒸藿甦馳相枝挂昨日渡江來今復渡江歸遲  
租船上苦樵悴風高浪湧橫江磯朝來寄我新詞句明  
月無情蟬影去五湖歸去伴漁竿楓岸蘆汀不知處李  
鷹鱸鱸思江東我亦年年嘆轉蓬期汝扁舟同射鴨銅  
官山下竹枝弓

義羸行

張行人鶴洲領繫西曹以常所乘羸抵通  
于人羸悲鳴不食一日墮其新主自逸歸

案兄與張子同忠難目擊其事感之作義廡行余屬和焉

我聞名駒太乙生渥洼又聞皇人之馬歎玉沙汝羸品  
流不及此乃能與人同生復同死新七甲第高峩峩黃  
金作埒白蜃珂舊主失勢困泥淖但有青蠅日相弔寧  
教困餓烏啄瘡不忍雕鞍繡轂交輝光吁嗟羸乎羸乎  
汝知免獨不見袁粲門生不如犬

### 太和莊作

林薄稍繁帶溪流清且長人家掃殘雪雞犬卧朝陽石  
路初迴曲前峰轉鬱蒼子真思谷口涉此悔行藏

### 邵伯舟中

國朝詩的

卷之一

八

一望遙天濶茫茫泛夕槎樹分湖水岸月上楚人家野  
戍寒蟲亂翅是古廟斜燕城前路近宮柳欲棲鴉  
盱眙懷常尉建

昔賢矜柱笏偶寄一微官小邑如山塢高名薄建安夕  
鐘子澗靜春雪九峯寒一勾玻璃水懷人向夜闌

### 海嶽菴拜蘇米二公像

前輩風流地爲菴易研山淨名猶故蹟磨衲識清顏江  
月長如此高人去不還惟應餘翰墨終古照人間

### 登瓜洲大觀樓見月懷西樵

帆影落瓜洲高城四望秋迴颺聞玉笛涼月滿江樓清

切三山影流光萬里愁有懷謝希逸江左思悠悠

### 望雞籠山雪寄杜二

天半雞籠雪遙遙逸興偏春陰寒未散雲壑更相鮮不  
辨谷中樹應添巖下泉因懷杜陵叟拾橡此中眠

### 訪賓公大谷山居

春原麥爭秀斜日雉交飛礪水寒猶淺村煙望不稀田  
家驅犢返仄徑負樵歸想見南牕下看山杜德機

### 葛家洞

長嘯發孤煙一聲高柳蟬山風吹斷續水石苔潺湲魚  
鳥真濠濮雲林亦市廛都監碧溪側隨意煮清泉

國朝詩的

卷之一

九

### 臨淮

凜凜歲云晏我行淮楚間清川下桐栢衆壑會荆山兩  
岸帆檣濶中流鷗鷺閑惠莊如可卽長嘯一追攀

### 將至桐城

溪路行將盡初過北峽關幾行紅葉樹無數夕陽山鄉  
信憑黃耳歸心放白鵬乾眠圖畫裏安得一追攀

### 九日黑窑廠登高同曹顧菴彭駿孫四首

選一

蘭蕙初霽拂素波佳期眇眇奈愁何憑高且盡燕姬酒  
異地長爲楚客歌廢苑人稀衰草合諸陵秋老夕陽多  
遠遊寂寞湘渾侶欲載雲旗問九河

瓜洲道中有感

垂楊垂柳拂關河，白舫朱樓映逝波。  
春雨蕪城寒浪靜，夕陽京口暮山多。  
雷塘事去空禾黍，蠶苑人稀罷綺羅。  
欲向江頭頻望遠，不堪灑淚石城歌。

雨後觀音門渡江

飽挂輕帆趁暮晴，寒江依約落潮平。  
吳山帶雨參差沒，楚水沿流次第生。  
名士尚傳麾扇渡，踏歌終怨石頭城。  
南朝無限傷心事，惆悵秦淮玉笛聲。

曉雨後登燕子磯絕頂

岷濤萬里望中收，振策危磯最上頭。  
吳楚青蒼分極浦，國朝詩的卷之一 山東 十

江山平遠入新秋，永嘉南渡人皆盡。  
建業西風水自流，灑酒重悲天塹險。  
浴鳧飛鷺滿汀洲。

同諸公訪栖霞寺

平山堂外柳如烟，古寺同尋第五泉。  
風靜鐘聲臨岸曲，雨晴山色隔江天。  
雷塘有徑生春草，板渚無波作墓田。  
惆悵隋唐一彈指，不如初地老棲禪。

潤州寄張公邁考功程崑崙別駕

天塹橫分吳楚長，臨流百感集茫茫。  
人憑水閣收殘雨，山隱江光淡夕陽。  
祠近佛狸曾弔古，愁如洗馬自神傷。  
年年枕上雙峰影，舊約金焦未敢忘。

雨度柴關嶺

棧中新漲未歸槽，百丈柴關水怒號。  
鳥語不聞深箬黑，馬蹄直上亂雲高。  
天垂洞壑蛟龍蛰，秋老牙巔虎豹豪。  
誰識薰香東省客，戎衣斜壓赫連刁。

三登高望樓作

鳳簫曾謫荔支樓，欄檻高明壓四州。  
峩頂晚霞寒白雪，江心殘照出烏尤。  
雲煙早暮還殊態，楓柏丹黃只似秋。  
自笑心情無頓甚，清江臨眺不梳頭。

古水道中望楊誠齋故居

江行盡日愛清暉，暉映遠江平。  
碧四圍幾處峰青，臨水照國朝詩的卷之一 山東 十一

一羣魚翠拂船飛，雲陰澹澹將成雨。  
嵐氣濛濛欲濕衣，髣髴南溪楊監宅。  
蒼松白石繞巖扉。

皖城懷古四首 選二

龍舟曾感錦帆風，回首淮南事不同。  
降郢已聞營汴上，皖公猶自落杯中。  
豫章一去歸何日，廬阜重來隱未終。

昔憶舒州徐騎省，江潮東下雨濛濛。  
羅刹磯頭落日懸，侍中遺跡至今傳。  
楚鼎有恨沉魚腹，蜀魄何心化杜鵑。  
家國幾番陵谷變，江山猶痛革除年。  
青溪血影留遺石，巾幗遺應冠世賢。

江行望識舟亭

鵝茲北面識舟亭天際歸帆望杳冥松竹陰中孤塔白  
樓臺缺處數峰青諸山人去生春草江水潮迴沒舊汀  
更憶于湖翫鞭跡吳波不動客揚舲

許山二首 選一

寺裏人看實誌迴湖邊簫鼓晚仍開撐船直入花深處  
雲葉當頭山雨來

秦淮雜詩二十首 選一

三月秦淮新漲遲千株楊柳盡垂絲可憐一樣西川種  
不似靈和殿裏時

清流關

國朝詩的 卷之一 山東

三

蕭蕭寒雨渡清流苦竹雲陰特地愁回首南唐風景盡  
青山無數繞滁州

徐 夜 東嶽新城人

初夏田園

朱夏輒復變深綠日以肥感彼生物勤節候曾不違清  
晨荷鋤出田間人尚稀觀物適自然時見朝雉飛不惜  
筋力疲但恐坐食非作勞有時息高春行來歸端坐撫  
素琴可以理朝飢

季夏西山

結屋此山間柿陰濃晝暑雲從巖際來向我窓中佇北

上最高峰下瞰臨河許愛彼南澗松濯濯清泠渚時來  
石上坐月下聞樵語風雨澗香過石田響禾黍

枯桐引

枯桐向雨泣感恩不及暗貞心不可餐昨夜鳳凰去秋  
風爲誰來落葉無尋處獨有幾下聲一獲中郎譽

登寺門高閣眺望

抱遠上高閣微身俯落霞漁樵家百里谿聲路千叉峰  
角消雲影林端接水涯蒼蒼北望處白露滿蒹葭

孤絳折贈牡丹戲荅

城南年少傷春日折得花枝紅映肉遣寄城中苦惱人  
國朝詩的 卷之一 山東

三

致他撩亂心頭續騎馬明朝何處行春雨春風無限情  
自憐臥閣愁兼病坐看蒼苔上砌生

鄭若士當時兄弟不見三年矣西往濟上過予山

中因宿共舊舍

石頭谷口路縱橫迂道崎嶇半日情叢竹有僧談舊事  
空山不夢見平生同爲三載秋風客共此一溪流水聲  
出處與君聊復爾他年誰占草堂名

再題阮亭秋柳詩卷

聞道明湖集勝流相從客館似忘憂一時感遇垂條木  
千里驚逢落雁秋詩寫白家何句好賦隣王粲使心惆

誰人愛唱清江曲春月爲妾亦漫愁  
詞事新詞劉永春清江一曲柳千條  
絕句  
自注

富春山中弔謝皋羽

睇髮吟成未了身可憐無地著斯人生爲信國流離容  
死結嚴陵寂寞鄰疑向西臺猶慟哭思當南宋合酸辛  
我來憑弔荒山曲朱鳥魂歸若有神

春詞

一層楊柳一層風五里桃花十里紅但是出遊多傍水  
逢人多半在城東

當爐小婦太憎生記折梨花在古城日出未難非馬足

國朝詩的

卷之一

山東

暫休不肯是鶯聲

西陵橋弔蘇小

紗窗燕子尚銜春江上何因見麗人梅雨欲黃花落後  
總無妖夢亦傷神

宿張彝公山居

于茲山畔尋人處路入蒼黃取次行最是秋田好風景  
西風碌碌滿場聲

看殘桃花

桃花猶是去年紅萬點飄零昨夜風惆悵小園春自老  
也無人看夕陽中

王士禛

子底西樵新城人

凌晨復由退谷循蹊行等水盡頭不至而返

夕遊返卧佛朝游仍退谷退谷門向山蹊路關其足遙  
尋曳短筇峰峰上朝旭緬山展遐眺緣蹊散幽躅蹊執  
足迴穴蹊石多歷錄大或狀囷几小乃象圭幙石罅山  
泉流乍見還乍伏清響空人心琅琅逾琴筑窪處滙游  
魚溪苔湛新綠更進境彌幽靈異非一族便欲窮溪原  
誰能憚溪曲朝簪愧未謝塵務苦相局迴策出氤氲因  
之歎羈束

紫雲洞歌

國朝詩的

卷之一

山東

銀鋸割雲鬼夜哭墜向空山結靈屋紫光睍睍蒸神砂  
覆金嶺呀壓坤軸倒懸兩笏支崩騰互起雙門納光煜  
我來正當赤馭翔踏蘇捫苔失炎煥颯沓居然靈異棲  
幽溪恐有蛟龍伏垂垂玉乳金壺傾神瀣天漿恣滌  
飯泥定可敵商芝煮石何須燃楚竹公和自昔愛幽棲  
叔夜由來少仙福振衣迴策紫心魂長嘯迥然響林木  
宋荔裳四漢瓷盞歌

論瓷無過哥柴古李唐以往蓋無覩以茲坐輪銅玉尊  
漢血秦斑遠難伍萊陽詩伯雅好奇酒酣向我誇漢瓷  
鄙夫少見怪且詰乃是得之秦隴睡  
荔裳曾爲言杜老

不云秦州城北寺傳是愧鄧宮殿之遺基土人掘地得此器竊攬其四恒提携指揮奴子取示客開匣發袂光離離其一形模精詭異恒製魚吹細浪搖玻璃其一差大二差朴各各古黝非時姿赤伏之世去今一千六百載茂陵玉盤幾肩隨陶質上掩金石壽銅雀古瓦年猶卑恍如置我兩京際爲汝一醉誰能辭惜也少陵客秦汝未出不然定有驚人詩大食之刀桃竹杖瞠乎其後何堪追吁嗟乎宋侯今日之杜甫萬首新詩繼夔府野夫才非杜宋儔醉眼摩挲奈何汝

湖心亭風雨歌吳香爲葉子肅席上作

國朝詩的 卷之一 山東

未

湖樓夢被朝徘徊吳君葉君折柬催欲以勝遊盪羈思金樽蘭漿容趨陪一醉湖亭好風日四山靜綠如春苔忽忽殷雷起山吞黑雲壓檻聲曄曄夔牛鼓震日月死驅山鐸犁陵巒摧急雨注射激萬弩層波黝黝爭喧底迴風雲旗颿出沒隨鼙鼓沫江妃哀恍如軒轅張樂洞庭野蛟龍襍還纏樽罍又如神禹行水過桐栢巫支騰蹕羣靈猜山脇乍穿怒濤涌危橋欲圯神鞭迴狂生顧視臆才豁奴子屏息顏如灰須臾勢過萬態息翠屏玉鑑亭亭開湘靈鼓瑟九疑靜李暮吹笛清風來我醉湖山亦已屢大抵好女臨粧臺久對令人少志意茲來壯

觀真奇哉山川情狀出明晦丈夫意氣生風雷歌成長嘯興未已好呼山月浮溪杯

焦山宋繡觀音卷歌

平陽水陸歎希有平陽普菴堂有吳道子水陸百二十軸余曾作歌瓦官錦裙

還歷聞瓦官寺有錦裙是則天所製胎上有詩屈指異物郵數遇誰者鼎

足堪爲羣枯木堂中看宋繡古光煦色鐘彝舊詭製應

從巴焚傳奇紋祇訝春蠶絲其前變相凡有三摩睺乾

闕形鬚髮最後莊嚴備相好寶珠璎珞垂優曇火羅乙

僧徒有筆鍼絕吳宮亦非匹道玄匠意盧女絲恍惚普

門神異出金題玉躑雲濤間世人觀此誠哉艱願著芒

國朝詩的 卷之一 山東

七

輾服屈胸雲烟作供依禪關

裁衣曲

初罷清礎響還勞素腕舒殘燈金粟尺遠道玉關書白

苧縫仍澀紅綿怨有餘流黃明月路何處逐輕車

永中作

江城還構李望古一踟躕老寺裴休宅春沙范蠡湖遠

煙明渚鳥斜日冷檣烏太息東流水年年漫綠蕪

聽白壁雙琵琶

四絃誰破夕烟昏恰是香山老裔孫國手邛推賀懷智

妙音直壓康崑崙移時寂歷鳴沙鴈一摘崩騰斷峴猿

不是狂奴能作達此中應有淚千痕

### 北塹邀遊石壁山寺

亂山層裏象王家乘興幽尋路未賒疊磴宵疑連洞壑

杰峯蒼不借烟霞靈禽聽法聞成果寺僧鳩鵲二僧事云異鷲之弟子也

靜女題碑似散花寺有房瑤妻高氏書錄彌勒頌碑斜日橫襟最高頂

并汾秋色浩無涯

### 上黨

雄藩上黨古今名形勝居然未易京南眺河山全覺下

宵看星漢只疑平義陽千載仍祠廟夾寨當年劇戰爭

足底黑雲天下春幾朝車馬赤宵行

國朝詩的 卷之一 山東

末

風阻同友人復上焦山絕頂坐景周上人山閣次

### 韻

爲愛山幽興屢乘不辭捫薜與攀藤何年布衲全遺世

此日芒屨信得朋雲鵲自盤巖際樹天風留坐閣邊燈

斜陽欲下臨牕望嵐影江光見幾層

### 七夕立秋

棲鳥渺渺月悠悠井幹新涼一葉投期是黃姑還卜夜

節當白帝恰迎秋孤蹤已憚成都問九辯徒增郢路愁

羈旅又逢天廓落明河那爲流離憂

由棧道巖至觀音閣看落照

斜棧破山碧相携坐翠微夕陽共江影歷亂上人衣

### 鶴林寺

寺門曉日引孤筇黃鶴幽棲憶戴顓客到不知風物改

逢人猶問十三松

姜 垓 如農卿野萊陽人

### 詠史

楚王好射獵有兒自南來射兒兕當死左右盡驚摧顧

謂安陵君萬歲奉參陪少年爭歡愛自首與之偕譬彼

雙鴻鵠天宇共徘徊中道勿相棄棄之使人哀

豫讓本英特忠貞固其情趙孟爲國仇仗劍宮門行心

國朝詩的 卷之一 山東

亢

念舊恩德不在君死生行乞既隱忍伏橋志不成覽衣

三躍劍殿陛盡爲驚借問欲何爲聊以展中誠仇者亦

嘆息殺之成大名當時列侯間聞風起悲聲身死貴有

道臣心則已傾

### 秋懷

我有五絃琴撫之激清商撫罷還獨坐寒雲忽蒼蒼芳

時既已歇浩思慘不揚形變時故化情多心易傷人生

不得意四節皆淒涼西風牽我衣百蟲鳴我牀一夜不

能寐攬衣起徬徨

兒女列我前晨起向我悲問兒悲何事九月尙衣絺衣

絺猶自可無食腹中饑時我聞兒語淚下不可持出門  
向故人乞穀復乞絲故人在何處轉側反自疑君子守  
故轍毋乃見者嗤

雜咏

老去人猶在春來客未還側身天地外卜宅野雲邊月  
照歸棲鳥江喧出口船苦遭生意短白髮不相憐  
歌哭何曾是誰堪淚眼窮思吳失張翰化蜀魏文翁百  
戰千家在三年一字通白華常有恨憑着馬頭東

寓登州杏花邨與董青遠話舊

大道蓬萊下煙波接海門懷人桃葉渡買酒杏花邨河

國朝詩的 卷之一 山東

辛

北來無幾江南去敢論可憐春草綠不肯送王孫

賃懷舊閣成二首 選一

揚子亭中草草家廡下春飄零千里遠散漫百年慵野  
路穿江浦秋花逼水容王孫舊茅宇將老許過從

宣州有感二首 選一

何事緣溪去悠然路轉冥竹林黃檗寺風景謝公亭湖  
草水全暗江天山更青滄洲吾意遠白髮况星星

送董樵自姑蘇之南昌兼懷趙使君

故人馬首恨匆匆水驛春生雪下融瓜步萬條烟柳日  
潯陽九派布帆風幾多白髮交遊裏無數青山欸乃中

若見使君應問訊江東卧病鹿皮翁

客宣城作

仙掌芙蓉聳碧霄屏間雲母欲迴飈遙天清境臨山閣  
細雨春帆過板橋十里樓臺江淼淼六朝文物草蕭蕭  
瑤華芳席勞多友詞客羈人未寂寥  
野浦飛花接石闌百年心事北樓間乘舟弄月歌仍哭  
破帽單衫往復還莫向此生嗟白髮好爲吾骨買青山  
石金戴表皆名碩弔古臨風淚欲班

東歸

樹色依依不夜城石鯨風動海雲生側身天地是何意

國朝詩的 卷之一 山東

壬

亡命江湖未有名花落秋山人欲靜月明茅店客無情  
三更漏角淒涼後却傍征夫馬首行

朱之晉 今從沂州人

野老歌

龍鍾何能自食力忍淚荷鋤一二畝大兒從軍戍遼西  
小兒築城親負土老妻群孫懸罄室官府賑恤戶失實  
常平倉貯糧千斛豪強吏胥換魚肉

田家留客

卽農自指道旁屋留客解鞍備芻粟田家不是慣居停  
因君行遠無人熟犬吠編荆第三戶環堵蕭蕭新築土



一宵莫厭權食貪濁醪不中酬苦辛携燈入寢榻及妻  
早炊須及乳鴉啼人生在家念行路有時僂亦出門去  
姜垓如須負管萊陽人

寄吳駿公學士

飄飄揚白花溶溶大江水天衢既阻修良人隔萬里妾  
身如飛蓬貞潔聊自矢朝倚青雲端暮宿朱樓裏四顧  
多旁皇塵沙蔽野起梧桐推爲薪蘭蕙化爲枳中夜坐  
長歎皓首思君子

和贈鄧孝威

携客延陵舊逢君鶴郡前江淮餘部曲吳楚接烽烟失  
關朝詩的卷之一 山東 重

路橫關輔占星瞻斗躔西風聞短篴寒雨擊空舷杜甫

重

無家別陳王白馬篇歌音超近體琴操會無絃終若塵  
難蔽何妨磬屢懸虛存徐穉榻誰美李膺船崩社非人  
力乾坤只自憐隋宮花覆地朔塞草連天阜帟堪長策  
青山亦宿緣河梁孤客恨冰雪遠書傳跡曠孫登嘯懷  
留祖述鞭種瓜還故業栽竹傍廉泉養婢千頭橘娛親  
一脰編桃源雖絕世漁父未徒仙木葉蕭蕭落萍心冉  
冉牽獨傷烏鵲繞常對鸞鴦眠麥秀周京道杭收貨廩  
田報恩三尺劍托命五花鸞暇日開襟少新亭置酒偏  
官梅何遜興鄧有官梅諸集書草子雲玄衣帶芙蓉冷餓糧杜

若尋淒涼情易老蕪穢隱能專莽澤元龍遇塩車赤驄  
綿渡河期鄧禹奉使愧張騫一別唯青眼雙魚有素箋  
挂帆秋色早萬樹亂鳴蟬

雨中放艇繇橫塘經靈巖山下作

花事莽岑寂山川迥別時下秧湖獺集收果夜猿悲水  
驛投應暗春郊去故遲友生淹別墅不醉欲何之

和鄧孝威立秋日送余赴吳會兼懷葉聖野之作

城上栖栖頭白烏月明水驛更啣蘆歌逢南國生紅豆  
人老成都舊酒壚蘿雨野墻千葉王橘香秋頃萬株奴  
烟霞客處猶無恙携杖過橋送玉壺

關朝詩的卷之一 山東

重

新柳

故國關山笛裏聽雕鞍寶馬卧旗亭潮橋雨綻初含綠  
榆塞天寒不遣青留恨春衫臨綺席承恩曉鏡對銀屏  
永豐坊角啼烏散有伴梨花子夜零

秋日雜感

綠芷烟江客思哀紫宸回首重徘徊吳天楓樹凌霜下  
水國芙蓉落照來萬里月明鵲鵲觀六朝花滿鳳凰臺  
關河擊筑逢人少繫馬旗亭一舉杯

已丑仲春鄧尉探梅以雨阻留玄初先生齋中用

季廸田居韻題贈

吹笛江城春事悲，靈陂水葉晚離離。  
花憐東閣懷人日，酒困西山卧病時。  
風土新鶯啼更徙，歲華社燕乳猶遲。  
瑤臺咫尺君應惜，十步愁聞芳草衰。

高珩 念東潯川人

七夕

閉門疎雨暗空牀，坐久簾幃裊斷香。  
蟋蟀西堂秋有夢，芙蓉南浦夜初霜。  
金徽過鴈懷人遠，銀甲調箏咽夜長。  
白帝黃姑期有數，也應天上怨清商。

新秋

芭蕉酣綠雨初收，剪剪風來小院幽。  
山色乍迎新序爽，國朝詩角 卷之一 山東 雷

砧聲全似故園秋，關心錦字催鴻雁。  
欹枕天街待女牛，今古年光原逝水。  
陰蟲切切莫溪愁。

曹貞吉 升六實菴安丘人

和高念東先生郊外韻三首 選一

一讀南華一惘然，夔蛇終不罷相憐。  
山中麋鹿招同隱，世上鶯花妬盛年。  
地踞蓬壺輕弱水，聲傳弼鼓靜諸天。  
終慙下士難聞道，矯首青冥路幾千。

花朝得家弟過江消息

使者乘秋泛画橈，重來不覺斗回杓。  
花明故國初啼鳥，人渡平江欲暮潮。  
萬里山川供筆札，一天風雨過金焦。

孤帆搖曳垂楊裏，知在蕪城第幾橋。

贈柳敬亭

誰遣開元遺老在，岑牟高座說興亡。  
醉來齒頰還慷慨，睡去鬚眉盡激昂。  
洛下青山私上客，鏡中白髮亂秋霜。  
樽前莫話寧南事，朱雀橋邊淚幾行。

送家弟之黔中

行人幾日過方城，翹首南雲太息生。  
三戶鶉衣還待澤，十年銅柱乍休兵。  
行間絳灌須溫語，幕府殷劉有盛名。  
草檄碧鷄風雨暗，急將典禮化蠻伶。

得家弟途中報悵然有懷

國朝詩角 卷之一 山東 雷

青衫敗笠影蕭蕭，難得平安兩字書。  
天意定教寧貴竹，人言君或似相如。  
瀘溪五月初開瘴，樊道千盤好叱車。  
屈指秋風應不遠，圻看封事到彤除。

宣城苦雨

積雨疎林動客思，宛陵春盡綠楊垂。  
朝來歸興濃如酒，怕上鼇峯聽子規。

姜安節 勉中萊陽人

越中秋興八首 選二

八月秋濤漲海門，江闊風雨送黃昏。  
平沙雁落邊烽影，古堞鴉啼戰血痕。  
南渡君臣餘第宅，北來戎馬半乾坤。

天涯歷盡登臺望一賦難招楚客魂

城郭荆榛滿夕暉新亭舉目事全非露臺淚滴金人掌  
寢殿塵驚玉篋衣宿莽芳洲花更落陰山寒雨雁孤飛  
何年採藥師劉阮長向天台去不歸

崔子忠

道母青朝萊陽人一名丹

送僧歸滇南

兵戈前路息萬里憶慈雲冬嶺春花艷秋江暑氣熏到  
時書少雁去日夢隨君最是悲涼處遐荒收夕曛

法若真

黃石膠州人再見

過懸昭上人將寄懷安賓王

國朝詩的

卷之一 山東

美

嚴逕通朱閣鐘聲敲午餘涼非多種樹閒不更畦蔬看  
月東山石懷人北海書以貧諸客廢瘦馬到門初

齊雲湖言懷

複閣峻嶒大海臨晴橋沙渚色陰陰弟昆杖底山河句  
我輩中原聖主心風雨不堪無那老遭逢何故復如今  
尙憐大劍寒予篋莫埽櫳前秋葉深

山亭

偶來買酒山亭醉恰拂秋雲馬上輕歌盡山河無限淚  
霜催橘柚百年盟抱門鷺宿沙初白隔夜人歸月半明  
江檻蕭條眠不得御溝蹀躞泛秋聲

孫蕙 樹下淄川人

孟城雜感

一線危隄路嚴城對社湖魚龍晴近郭風雨夜明珠箇  
外誰仙侶旗邊美酒徒浮名催幻眼論定總須臾  
湖海氣仍在關心復廟謨東南財欲盡土木役無休近  
市安魚屋長壕帶驛樓何年清鹿夢情興引滄洲

秋日登燕子磯

層層巖壑映蘆洲形勝依然據上游三楚風烟青嶂外  
六朝文物大江流高灘夜冷魚龍夢絕壁空迴雀鶴秋  
蠟屐欲換鍾阜勝江天徙倚迥生愁

國朝詩的

卷之一 山東

毛

登白帝萬壽閣望太華三峯

氣肅金天野色迷凌空高閣與雲齊芙蓉列嶂山如繪  
松栢千尋鶴欲栖檻外風烟秦樹滅望中雲物漢陵低  
當時幻指明王夢玉簡金綸護紫泥

登潼關城樓

麗譙聲鼓黯銷魂獵獵西風日欲昏九曲河流雄塞外  
三峯嶽色入中原粉榆古戍寒烟色隴隰平蕪落照痕  
忽憶翠華餘恨在銅駝墮鹿不堪論

曹申吉

澹餘安丘人

武陵雜詩二首 選一

我思馬伏波壺頭困崔魏何如阮嗣宗塗窮駕卽回迢迢五溪外羣峯青纍纍祝融司南紀草木來不衰况復盛朱夏自覺涼風稀遠行尙未達安能計遠歸

大龍驛雨中用杜韻

松陰紛夾道聊慰遠行苦褐留蒼蘚積寺憶甘泉古道側甘泉寺舊趾冠紫微冉冉明碧篠娟娟聚卧看北山雲忠懸南行所經去作東畦雨鳥語隔青冥時共村烟吐驅犢傍籬落簞笠遙可數雷聲隱大澤峯影失亭午祇愁武陵路溪漲難復取

武昌寒泊

國朝詩的卷之一 山東

天

隔岸晴川影帆檣觸浪奔禹功江漢大楚俗鬼神尊地濕陰常盛天低日易昏荒洲猶寂寞詞賦舊銷魂

貴陽雜詩

郎當張袖舞地窄比長沙文嶺明如繪盤江曲似巴鄉思青社酒樹影赤城霞時紫微盛開海錯嗟難見中厨始薦蝦

早發平溪衛

野霧茫茫擁亂溪宵行那復辨東西人來遠洞疑山狹客過荒邱叱竹雞瘴癘乍侵青草濕烽烟直上白雲齊哀蛩萬里聲仍舊一路迎秋故故啼

夜宿白螺磯

棹入蒼冥一道開長流滾滾易興哀帆前忽擁千山雪耳畔常驚六月雷絕壁下臨蛟蜃室狂瀾淡賴鬼神才舟人笑語渾閒事壯志乘風已作灰

秦淮雜興

連櫓自粵來經歲江干住估帆慎莫停軍符捉汝去子夜新聲歇梨園法曲殘淒涼南北里遺恨小長干王謝人空盡梁陳怨未消冶城橋畔柳無復最長條途中遇入京使口占一絕

連朝風雨百重山始信荆門道路艱逢着舊隣煩寄訊國朝詩的卷之一 山東

天

行人今過虎牙關

晚泊池州江口

池陽山色晚冥冥九子峯高峙玉屏簫鼓遠來頻賽社

一江風定佛燈青

馮廷樞 大木德州人

鄒亭懷古

夕涉鹿鳴澤日氣飛倒影泥行路滑滑漸入范陽境茅店乍黃昏暑退成淒冷永懷鄒亭人結廬遠市井秘密蘊奇懷汲古引修綆羅樓桑欽經藝苑恣馳騁凡百三十水歷歷如燭炳盛年富著作投老困簿領蚩蚩荆南

民詣闕訟吏猛慘澹陰盤驛大雅沒秦嶺穢史竟浪傳  
名與崔谷等撫膺三嘆息孤灯坐耿耿

欲遊蘇門不果

蒼茫亂雲西落落射潭影隱隱蘇門山恍惚露靈境中  
有披髮翁讀易消畫永雲卧歎臺側鸞音出半嶺我作  
大梁客黃塵沒腰領西風斷續吹山徑孤煙冥欲往從  
之遊足繼無由騁感歎區中緣商歌激清韻

出關

屹立千仞青疊爲冥阨塞獨徑閑靈跡奇峯露光怪拾  
級歷層顛漸覺天風大松響石鼠飛崖危白猿挂深谷

國朝詩

卷之一 山東

三

失迴蹊日遡一髮在旁列東西嶺神丁闢疆界香乳滿  
岩腹寒溜落高派蜿蜒下山足大壑舞澎湃離離黃葉  
村茅屋圍石若乍想山中客閱歷幾人代夕照蒸嵐光  
晚涼擎雲蓋欲尋採芝翁從遊方之外玄鶴不飛來嗒  
然墮塵壒

鐵犀行

武都怒特西入水空舸黃牛躡空起逆潮蹴蹋汚江濱  
夜吼霜天猶掉尾驚濤下撼龍龍宮腥風促浪打沙嘴  
群魚跳波鮫人避一見凜凜輒垂涕垂龍貪勢不受降  
鱗間出火光射地老牛鬪酣兩角折兀然不動化爲鐵

風剝雨餘三千年垂胡猶帶戰時血卽今江水白于銀  
潮平岸穩沙無痕漁舸一葉飛夏口龍驤千斛奔荆門  
篙工舵師坐收益豈知鐵犀與有力事往功成那可說  
倒卧寒江千尺雪

七十二冢

濯龍老樹夜流血阿瞞乍見魂斷絕強將歌吹教宮人  
丈五銅臺總帷結縑巾風流付逝水橫槊意氣隨烟滅  
當時規制西門祠紛紛陪陪陵左右列卽今遺冢七十二  
死骨千年尙詭譎炎靈不耀土運興太白煜煜垂天闕  
泰山漢陵兩銷亡邾王天下人羞說磊磊落落乃豪傑

國朝詩

卷之一 山東

三

寡婦孤兒宜不屑

許昌懷古

言居東西有午兩日並光主爲輔鬼在山禾女連一軌  
七百二十年紛紛妖讖一時起代赤眉者魏公子漢家  
蒙孫復何言告禍奉獻皇帝璽繁陽升壇古有微雋禹  
之事知之矣一朝巡幸許昌城突兀南門無故崩邾王  
天下曾未幾典午功名取次興襄武長人白髮生黃巾  
拄杖呼太平晉魏興亡如流水奸雄盜竊徒然耳千年  
人過許昌宮滿眼黃塵西北風

德安道中

高下山間路縈紆水際田泉香疑麝過沙軟認牛眠細  
雨村收稻涼天客放船土風殊不惡小住亦陶然

山行

海色微茫欲放紅客行已入亂雲中橋當水而剛三板  
路轉山腰恰半弓多事寒禽爭噪日無情落葉解吟風  
此時聯背頽垣下只有人問田舍翁

客裏沉吟閱幾旬還來寂寞憇荒村半篙溪水楓間屋  
一陣山雲雪到門正可烘衣消白日不妨沽酒趁黃昏  
相隨但有青猿在無限心情底與論

劉正宗 憲石安丘人

國朝詩的 卷之一 山東

三

入棧

穿雲攀曲磴徒旅谷相求谷轉老峯立風鳴敗葉凋枯  
槎當缺岸亂石咽寒流冥色來何速茫茫動客愁

李鴻震 季霖厚餘長山人

關山

南人善乘舟北人善御馬顧我殊不然鞭韁驚入把低  
昂踴躍行色霽關山下迴看顛覆人聲控稱能者常此  
履險心莫漫弛平野

三過沁州

結廬錦水傍烟霞幾成癩驚言忽何之迫我大行路崎

嘔古銅鞮兩月三來度山花托崇巖山鳥歸暮樹應笑  
倦遊人役役安所駐

翼城道阻雨

匹馬空山雨方投野老家客深燃晝燭牕小納秋霞鎖  
外蟬鳴樹牆間荳作花解囊書一卷披讀慰天涯

黃河

長途七月暑猶多且解征衣狎釣艇鴈帶夕陽歸遠渚  
帆隨秋色渡黃河海隈漫補希文石瓠子徒傳漢武歌  
四望烟波倍惆悵源流次第竟如何

晚渡馬鞍湖

國朝詩的 卷之一 山東

三

十里湖光面面春春風春草可憐人漁翁挂網沽村酒  
招手隣船看使臣

月當春夜水當門三五人家一帶村無數鴈眠驚不起  
輪他閒夢度黃昏

董 訥 默菴平原人

晚至襄陽

萬瀕孤城下千門晚照間天文仍翼軫地勢舊江山漢  
水輕帆渡昭丘暮靄間郵亭聊止宿明月渺鄉關

沅州道中

盤回危徑曉陰浮放眼憑高一望收雲裏諸峯堪入畫

雨中無樹不含秋長江巨浪搖千嶺峭壁重關砥萬流  
他日歸來乘逸興還從此地泛輕舟

吳自蕭 克庵海豐人

鸚鵡寺

鸚鵡何年寺黔滇路漸分青來山上樹白出岫中雲地  
勝留車馬僧高澹見聞片時空俗慮香氣自氤氲

滇境

纔入滇南境雙眸分外明諸巒環秀色芳樹帶文情亂  
後民風儉秋來野氣清相看初攬轡何敢負生平

安寧溫泉之側許無功觀察新闢一池

國朝詩的 卷之一 山東

詩

三來慈嶺下乍喜見斯亭一水遙分碧千山共送青幽  
懷依曲壑秋色入疎櫺正好如泥飲偏教酒力醒

杜子美先生墓

襄陵南望氣陵嶒千載詩人墓少陵萬卷破時神有助  
一丘荒去鬼何憑文章紙上光還在忠愛胸中冷未曾  
讀史空餘牛酒恨豐碑拂拭淚填膺

黃臨安招登雲龍山寺

從來乘興愛登臨見說名山喜共尋岸草經秋開鳳尾  
崖松傍晚發龍吟談兵感舊心猶壯把酒懷人意自深  
一榻禪房舒遠眺遙峯疊疊暮烟沉

耿願魯 又撰韋齋集陶人

洛州懷古

好俠佳公子高風何處尋水猶千縷合天逼衆峯深空  
鎖幽宮怨誰憐壯士心祇留毛遂塚悲鴈下寒陰

王 惲 无竟膠州人

登黃縣西閣

蕭條客裏過重陽野菊愁開傍戰場秋氣欲殘成遠塞  
寒山無數下平荒戍連大海浮雲黑旗掩孤城落日黃  
向晚不堪傳畫角月明吹散一天霜

孔衍越 心一曲阜人

國朝詩的 卷之一 山東

詩

壬戌春暮虎丘泛舟

乘傳當年憶舊遊雲岩重過轉生愁山光潭影仍朝夕  
酒客詞人半去留彩雨初飛將卜夏嵐煙乍霽不殊秋  
殷勤最是青溪水迎送行舟總未休

木翼宗 石髮章丘人

游西龍洞

巖壁寒烟靜夕暝春來登眺氣氤氲乍驚衣濕峯頭雨  
疑是龍吹洞裏雲石塔倒翻天影墜珠亭高引月光分  
香風縹緲藤蘿外遙隔鐘聲澗底聞

張若麟 振公天石膠州人

登石經山

幾歷西山盡還窮最上頭諸峯皆磬折一壑直奔流側  
足穿雲竇冥心定石尤巨竇應有意記我二男遊

讀給諫馬澹真遺集

篋中遺稿已流傳金石升沉此物堅一片雲旗歸碧落  
千秋霜筆吼龍川夢來不覺乾坤老轉盼誰知陵谷遷  
仗馬一鳴旋斥去至今葉葉是寒蟬

別姜卿墅黃門

一彎新月導前征柳眼將舒夢未成納牖止知酬王聖  
櫻鱗端不美時名我辜如髮愁難數君義干雲事不平

國朝詩的卷之一 山東

美

咫尺人天隔幾舍驪歌屬和不成聲

秦良玉勤王歌

處處流民堪繪圖海棠花下臥兵符指揮如意貌貅壯  
羞殺堂堂彼丈夫

顏光敏 修來曲阜人

東峯

東峯不可極乃知造化尊屹然鼎彝峙勢如虎豹蹲松  
氣望蔚藍無人踐霜根巨靈拓太古高攀誰能捫晨光  
沒河漢似有雲車痕陰風折秋花吹落洗頭盆崦嵫念  
鄉國久客傷精魂且復望虞淵散髮睢朝暾

望嶽

岱宗俯羣山萬壑朝蒼龍細繚肇元化物象含冲融雲  
氣朝四塞倏忽高天空天門如覆盎南壁來松風邦祀  
不敢瀆曠代無登封胡爲御道問社鼓聲逢逢石閣覆  
蘿薜經春蒼蘼何時陟峻嶒目盡扶桑東

易水歌

易水寒流幾千載沙礫滿眼風物改波濤零亂倏明滅  
颯颯英風至今在六國流輩徒紛紛二百餘年生此君  
雄心豈顧秦豎子高義先死樊將軍白浪高懸秋風起  
白衣相送秋風裏變徵繁音四座聞機謀不入秦人耳

國朝詩的卷之一 山東

美

蜂準射聲聲萬人鳴鐘陸戟羅九賓匕首一出無人色  
洶洶忽動成陽塵不爾元君亦因魯大轍螳螂敢輕怒  
燕家太子情何悲甘心委肉當餓虎君不見儒臣動利  
萬全術專征賜劍勤王室天子預鑄麟閣銘將軍豈肯  
凶門出秦庭擊筑屠狗人衰年矐目終伏鎖當時烏頭  
何曾白君臣朋友如膠漆榆次客邯鄲生大言浪得千  
年名僂僂老死安足道我欲叱之謝慶卿

汶陰禹廟歌

汶流西折如白虹高源遙出徂徠東穿窮石窟激靈液  
披翻峭壁凌剛風塗山遺廟誰所作閭室終古留鴻濛



階前老柏飽雷電霜皮脫落成虬龍火鬚高張勢齒森  
雙睛四射疑磨礱引頸北來渴且怒將無鎖紐煩神工  
泰山巖巖作襟帶洗沂洙泗皆朝宗一從分水濟飛輓  
疏鑿頗與淮瀆同南流滔天北流竭萬夫始得帆檣通  
天窮人厄信巫覡殺牛代鼓馮夷宮昔聞洪州鑄鐵樹  
蛟鼉偃蹇沉泥中誰使古鼎淪泗上下民昏墊無時終  
當年隨山辨九土流沙荒服開堯封可憐精衛漫填海  
銀羽垂頭誰謂功元圭告成屢相賀昨來徵調何匆匆  
廟門寂寞獨下拜側身南望長書空

梁氏園對酒歌

國朝詩的

卷之一

山東

美

長安四月花如雪水館紗窓迥無熱堂上華筵藉鼓陳  
梁園上客多人傑閒簾遠對蓬萊宮西山佳氣來青葱  
嘶風驕馬何曾歇入座新詩各不同更燒絳蠟垂簾坐  
歌扇舞衣飄婀娜乍看晴雲水面飛忽聽涼雨樽前墮  
入夜霏微風滿天酒酣耳熱重流連願君擣菹且停手  
爲君更進珊瑚鞭君不見漢家侏儒飽欲死翻笑金門  
可憐子又不見山中松桂生幽香誰甘藜藿輕侯王丈  
夫窮達各有道安能逐隊無短長南飛黃鵠北飛鴈明  
朝別思分鄉縣但使生前多令名何必陌頭數相見

寒食日過古沙丘

君不見綿上山孤高表雲海同時儔侶紛光彩黃河投  
壁今安在又不見古沙丘朝朝寒食王孫遊田家入口  
憂餽粥汝曹博塞皆天祿早知巢覆爭須臾恨不常然  
夜遊燭青樓左右連槐衙明星漸落啼早鴉鑿蹄騎馬  
轉飛鞚迎門對掃棠梨花棠梨歲久成高樹不蔭樓臺  
蔭丘墓牛山有淚行復歌古來如此當奈何

白狼行

樹龍從山險峻往來行人相問訊中有黑喙雙白狼癡  
坐看人不移瞬東井之間光灼灼弧矢空張射不落豈  
有佞鬼爲爾用竟使三年恣騰躍噫嘻山徑昏黑人走

國朝詩的

卷之一

山東

美

藏賜虞卿鷹今何方風塵瀕洞河無梁

將去金陵二首

閩地容茅閣焚香坐翠微江昏知雪重燈亂覺星稀薄  
祿心仍忝名山賞更違官梅深造次著意促人歸  
竟歲滄江卧征帆不可從去應留杜若歸及采芙蓉紅  
近蓬萊日青環禁苑峯垂鞭經古寺還撫六朝松

孟津舟中

急水高灘捲白沙津樓古道夕陽斜飄飄舟上分鄉土  
潦倒人前怨歲華萬里忽開三晉樹南天吹下北印花  
獨憐從此音書斷卽得狂夫不憶家

華陰道上

楊公墓下遶清溪柳葉桑條覆舊堤鄉夢已從河曲斷  
客愁更在瀾陵西林間黃鳥春無賴馬首青山望轉迷  
縱使新豐賒斗酒玉壺金管爲誰携

望嶽

雲臺觀北望嵯峨小吳西來佳氣多萬里寒光搖紫塞  
三峯雪色照黃河壇前古樹藏風雨殿外春溪上薜蘿  
欲向諸天消永夏蓮花玉井竟如何

銅雀臺

漳千南望鬱陵嶺遺構荒涼徧野塋樵牧浪傳銅雀瓦  
國朝詩的卷之一 山東 罕

綺羅空守總帷燈華林幾見嘶邊馬疑塚何如起瀾陵  
亂世雄才聊復爾不應蒙面說金滕

孔尙格

敬思秉虔曲阜人

雜咏

橫郭青山秀環堦綠樹齊鳥鳴孤嶼外花發小樓西守  
拙安三徑謀生寄一犁窓中圖史滿不愧此幽棲  
庭院雨蕭蕭閉居耐寂寥絲疑君子樹紅落美人蕉好  
嬾憑書補多愁賴酒消吾鄉山水富自合老漁樵

孔尙任

季重東塘曲阜人

賦別周雪客拈得秋橙

燕臺連夜雨九月對離卮榆柳寒何早尊鱸與每遲江  
邨全綠處山寺半黃時漸次清霜重扁舟負所期

關中同孫孝堪登樓望春

携手高樓望不窮長安春在曉烟中千峯雨氣迷秦塞  
三殿晴光識漢宮才拙何辭支俸薄官閒仍與住山同  
朝朝眺望鄉心亂楊柳能消幾夜風

與三立兄同居八閨月至此分院仍共一廳

並騎朝天比玉珂開門卒業兩消磨春寒夜雨同床慣  
白粲青芹饒節多好月隔牆還獨賞兒童識路任頻過  
朝回客散閒庭曉隔我窮愁話幾何

國朝詩的卷之一 山東

罕

送石堂上人還山

瓶鉢京華豈壯遊舊山山色引歸舟已知蓮社客名姓  
又向雲踪問去留白髮纔生心易老青燈久對淚難收  
寒衙壁上君詩滿早晚閒吟破旅愁

遊平山堂

慶曆遺堂見舊顏晴空欄檻俯邢關密疎堤上千絲柳  
溪淺江南一帶山文酒猶傳居士意烟花總待使君閒  
行吟記取松林路每度春風放艇還

淮上有感

皇華亭下使臣舟冠蓋逢迎美壯遊簫鼓欲沉淮市月

帆檣直蔽海門秋九重圖畫籌難定七邑耕桑戶未收  
爲問瓊筵諸水部金尊倒盡可消愁

歷下雜咏 戊午八月

文皇東破濟南城鼓角連天草木兵懸板無靈千古恨  
鐵公祠下一吞聲

湖水湖烟湖上花遊人多半是天涯板橋西去聽簫鼓  
忙殺平原舊酒家

王 清 冰壺海豐人

來青軒

峰峰迴合此峰幽選勝登臨最上頭俯檻乍疑雙闕雨  
國朝詩的 卷之一 山東 聖

憑高先得萬山秋到來鐘磬塵都靜坐久衣衫翠欲浮  
銀榜相輝雲物曉幾回徙倚更遲留

孫 觚 道讓他山益都人

七夕丘使君招同遊焦山

忽發登臨興澄江接漢秋山中攀大隱天外紀同遊酒  
勸雙星醉帆迴萬里浮不知塵世客何事促歸愁

似有吹笙侶偏饒濟勝材機舟捫絕壁著屐破荒苔雲  
漢生秋思蓬瀛命酒杯江山風月夕乘興可重來

二客同登處三山並鼎奇烏橋如犯斗鯨窟與探碑春  
樹江津渡秋風壁壘旗誰能感疇昔才子有丘遲

枯木堂中宿重過不記年烏啼京口樹月冷海門船雲  
馭通三島潮音應四禪如何終碌碌尋勝轉無緣

李澄中 渭清雷田諸城人

題吳遠度畫卷

誰能勺水開吳淞誰能片石摹崆峒畫家老去貴細秀  
君之此圖將毋同我來白下與君友坐君高齋飲君酒  
巖壑蒼茫四壁生颼颼風雲滿虛牖醉後出卷索我詩  
感君意氣無所辭今人師心不師古骨格雖存法已離  
忽對此卷起欲舞絹素空濛散風雨尺幅萬里動長江  
江上青山不可數斜陽就暮流水遲菰蘆細茁春風吹  
國朝詩的 卷之一 山東 聖

帆檣一望客如織似予雜揚夜泊時懸厓下注純是山  
竹林窈窕村籬間老樹枯根帶傾仄龍鱗剝落蒼霞斑  
嵐烟濃處亂愈整墨痕將斷勢尤猛浪拍空江若有聲  
雲彌幽谷寒無影有時霧捲天爲空平林謾謾來松風  
經營慘澹意態遠始知妙畫伴神工美君五嶽方寸起  
美君丘壑生筆底明朝買舟吾欲歸回看已在茲圖裏  
禱雨龍潭因遍遊積霖谷

峽坼峯初出鬱迴地已窮高標留鬼斧削壁倚神工物  
本無枯槁天爲闢混濛雲磨風磴古澗轉石間通神漢  
流丹液飛梁挂斷虹積霖屯象谷驚電下龍宮苔繡香

巖碧花連野殿紅龕燈懸縹緲塔嶂果玲瓏壑瀟瀟雷  
駭林溪嘯虎風洞天蒼翠外仙路渺茫中分野星嘗北  
朝宗海自東潭靈晨列仗山鬼夜呼蒿草木千峯接天  
人一氣同生原隨造化帝或念愚蒙應有風雷起爲霖  
報歲功

涿州

聞說蚩尤霧軒皇此地過德衰開戰伐功定紀山河鎖  
鑰孤城壯風沙落日多太平畿輔近溪夜有笙歌

登扶雲峽望霜潭

高峰對抱開神局倒挂飛流似建瓴絕壁尙能開鳥道

國朝詩的

卷之一 山東

四

溪林何處不龍腥潭藏雷雨雙崖黑峽積風雲正練青  
莫說洞庭通地脉扶桑東下是滄溟

于覺世 子先新城人

雲封寺

六月臨南服炎風動曲阿水來庾嶺盡山向五羊多文  
物推韓海雄關記尉佗招提陰竹樹覽勝發清歌

望巢湖

長湖三百里四望豁江天日氣來殘雨風檣落曉烟環  
城一水瀾隔岸數峯妍南國春花早遊歌半扣舷

和季古竹泊舟詩

山近船頭日正回冬花冷冷向陽開孤帆遠道八千里  
古竹新塘水一隈把酒看雲初得句乘風鼓浪坐聞雷  
開窓縱目佗城遠漠漠輕寒入座來

西湖 循州有小西湖

窈窕西湖積翠浮幾年懷想未曾遊二虹突起堤初漲  
一鶴高飛巖尙留淡淡疎烟環苑囿濛濛細雨濕江樓  
重來不到成虛願夢繞披雲瀨玉頭

王 萃 秋史夢谷濟南人

辛卯七月將歸東州述懷留別都門諸同學四首  
十年葛屨老緇塵朋輩驚看白髮新浩蕩酒懷仍未冷

國朝詩的

卷之一 山東

四

崢嶸詞社獨相親秋蕪又合題橋路春殿曾隨觀國賓  
底用成連海上去幸如毛義檄中人

只是春卿欲報難那堪垂老進賢冠平生早計瞻烏好  
此去荒途負米歡竹許聽秋數晨夕袖吟攜海話團圓  
到家最是親聞健多少西山帶笑看

蘇詩云我攜此石歸袖中有東海

市口槐花點鬢絲看人秋賦去遲遲辦裝一寸新詩卷  
識路三叉舊柳枝年至漸耽老氏法病深方稱越人醫  
蕭寥海曲還心喜記取瓊州入夢時

二月四日夢一生示余海忠介瑞璽

卷題乃事父母能竭其力二句故云

西風忽送老萊衣搔首生平任是非但有羣公重耆舊

何妨餘子自輕肥才多鐘鼎須無系官近漁樵便得歸  
珍重河橋休悵別蒼涼笑指雁初飛

### 濟南先正詠

二泉華鶴諸峯外  
長與水木共其清  
華矣故爲十詠

萬卷縱橫暗水東  
賞音當日有坡公  
春來綠漲藏書處  
也似名園在洛中

李博士文叔著  
洛陽名園記

憂時不數陳同甫  
放浪湖山自激昂  
一壑一丘聊寄耳

詎知俎豆在詞場

辛承有稼軒有  
一丘一壑詞

丞相祠堂翠欲流  
雲莊十友散荒丘  
只餘一賦千金值

### 國朝詩的 卷之一 山東

聖

零落齊州白雪樓

張文忠希孟集雲莊蓮子湖上得奇  
石十呼日十友著歸田集有白雪樓

賦後滄漠所  
居非舊址矣

稱詩吏部開邊李  
跌坐空山聽柳泉  
却被後生偷格律

氣巖語大鑠前賢

劉吏部南山居少微莊  
柳泉上有對幽樓集

王康何李公勛敵  
公子名家復擅場  
試看霑衣林雨句

尙書詩法豈尋常

遼尙書華泉次子習字仲學有  
詩名林雨忽沾衣其佳句也

北地相承惠靖年  
華山游記到今傳  
殘膏賸馥知多少

不及家門的哭泉

李廉使滄溪集  
中無釣哭泉詩

相國風流學杜甫  
堂堂不讓李于鱗  
自遭新鄭歸田後

來往論詩洗耳人

嚴文莊棠川有金輿山房集爲門生  
于東阿所定與詩長史倡和獨多

合是詩人謫夜郎  
青蓮居士有輝光  
黔中傳誦梁園集

前輩何爲獨謗傷

許長史殿卿論詩先與友善及長史  
刻梁園集遂極口詆譏長史後左遷

貴州有同是山東  
客何由萬里行句

白頭名士嵒湖邊  
詩袖韓倉二十年  
撚盡吟髭今已矣

猶存載酒襲生篇

襲學博克懋集失傳滄溪弟子  
也李集有夏日襲生見過詩

名垂樂府劉郎在  
勾四酸鹹曲調工  
誰識風流兼六法

湖邊破墨畫秋空

劉戶部公嚴函山子也善畫工詞曲  
著酸鹹勾四樂府新城王考功季木

贈詩云不法臨淄兼北  
苑但憑濟水望秋空

田 霽

香城德州人

### 滄州早泊

### 國朝詩的 卷之一 山東

聖

水門城下且停舟  
欲眺清風百尺樓  
呼起詩人高仲武

一壺春酒話滄州

青縣道中寄孫戡山先生

莫言垂老事長征  
別却家園問水程  
此際故人知也未

青州從事已先行

湯泉

自審原非不潔身  
何須遠道碾雙輪  
欲將碧甃清清水

洗我京華半月塵

霧中早發

迷天冷霧早騰騰  
千里荒途日未升  
近水遙山渾不見

一聲清磬路旁僧

孫勣 子未德州人

對酒

泰山不爲高越海不爲深問高高不極間溪溪莫尋世  
間定何物獨有方寸心惜哉子期遙山水無清音寒日  
何黯淡蕭風下疎林不如飲酒美聊可開我襟

地氣

羣龍怒血戰平地驚狂濤九年禍未解昏墊憂唐堯當  
時神禹智濬里而導高地氣旣已通天忿亦殊消此患  
尙可平餘事何足驕

國朝詩的

卷之一 山東

哭

烏石山范公祠別汪悔齋前輩

今日忽覺塵氣清寒風吹衣客將行何人山閣重置酒  
共對先哲臨滄瀛卓哉天都汪夫子遠抱慙我真生平  
酒酣語我昔汎海王程浩蕩追南征去時天風三百  
一帆遙指中山城歸途卒遇颶風作暴雨勢挾洪濤頭  
岸索忽絕桅半折龍骨側見如懸罌同舟千夫氣欲盡  
分就死地無餘生余時澄心默自念王人雖微視列卿  
聖國懷柔百神獨海若那獨遺聲靈須臾風恬怒濤靜  
夕陽遙射波光明我聞此事三太息世路偏仄無夷庚  
不如溟渤理堪倚瞻覽兼足抒豪情只今歸舟上清淡

晴日飛雪冬雷鳴敬佩公言自茲別夷險一視吾何撓

望舒臺坐月

佳園入遙夜幽賞愜情思花徑水流暗林梢月上遲欲  
歸愁悵望重過怕參差詎畏明河落頻教坐具移

泊舟蕪湖關

清絕江山愛歇舟諸君何用苦勾留東風絕似知人意  
夢日高亭正好遊

舟裏閉身身外舟更無長物怕窮搜樅關縱要連愁稅  
一葉能盛幾許愁

魏錫祚 長麓萊蕪人

國朝詩的

卷之一 山東

哭

重修海陵胡安定先生祠

有宋崇理學代興得真儒偉哉安定公奮起淮海隅經  
術乃大昌淵源啟程朱本是王佐儔致身願唐虞器大  
用顧小乘鐸蘇與湖卓然師道立學者循步趨經義兼  
治事全體大用俱後復侍講筵密勿陳訐謏所施雖未  
竟屹爾垂斗樞教澤流無疆道統昭天衢濂洛及關閩  
賴公剪榛蕪譬諸先河祭首庸固非誣迄今數十年士  
猶奉楷模賤子生鄒魯仕學均迷途幸官大賢鄉嚮往  
徒區區下車謁祠宇傾圯增慨吁謹以薄俸入庀材新  
構櫨將伯樂子助踴躍衆志孚楹桷稍加飾妥侑神或

偷前規一朝復吉日仍載詠堂上肅豆過堂下調笙竿  
斐然集童冠紛若屏覲巫景仰有同心先後合節符火  
盡薪爲傳庶幾懷永圖

燕臺謁選次十兄送別韻

從來疎懶意難與世情親暫別沙鷗侶終憐海鶴身魂  
驚鄉夢斷秋染月痕新爲語諸昆弟音書好奇頻

之任林邑留別諸親舊

卮杯珍重話情親此日離筵惜早春政拙未能主聖

性愚差可對民淳羞窺白髮風塵老悵望青山物候新  
雞黍遙憐陽羨約十年更擬伴松筠

國朝詩的卷之一 山東

五

重陽

密雨斜風昨夜涼驚心此日又重陽酒開秋露色如露  
人對曉霜頭亦霜政拙自甘稱老病官貧誰肯恕疎狂  
東籬繞有陶潛菊辜負寒英幾許香

早春遊雨花臺

白門艷說雨花臺小憩偶因訪客來城郭差參春樹杪  
江山隱現暮雲隈六朝興廢悲何限八載浮沉念久灰  
卓錫談經人在否爲余指點出塵埃

國朝詩的山東目錄

卷之二

田雯 首三十二 張寶居 十八首 宋琬 十七首

馮溥 五首 畢際有 四首 孫宗元 三首

劉正宗 三首 孔胤樾 三首 王萃 二首

王曰高 四首 王樛 四首 謝重輝 二首

丘元復 四首 杜浹 四首 丘柯邨 五首

臧振榮 四首 顏光祚 四首 葉廷秀 一首

趙進美 五首 劉孔中 一首 李贊元 一首

劉孔和 一首 楊通睿 一首 楊通俊 一首

國朝詩的山東目錄

胡餘祿 二首 劉祚遠 三首 王清 一首

王道新 一首 趙文照 三首 孫叔詒 三首

孫廷銓 一首 孫廷鐸 一首 李呈祥 三首

劉慎 六首 王啓棟 六首 趙執信 六首

丁耀亢 二首 張莊 二首 孫光祀 二首

任琪 一首 龍濟徵 三首 程雲天 八首

國朝詩的卷之二

長沙陶煊奉長選

同里張璨豈石輯

山東

田雯 繪霞濟南人

馬當謠擬古

出城門望湖水長風白浪夜烏飛不起 解一 道旁鬼哭屋

上插旗父老不識亂與離狂走頓足牽兒衣伏身草菅

濡首塗泥 解二 子耶婦耶彼插旗者去耶 解三 驚定拭淚天

陰日瘦將軍下一令但驅盜賊不傷雞狗 解四 朝點兵暮

國朝詩的卷之二

振營迎神擊鼓戰血腥馬當山高彭蠡清 解五

癸丑

嘉靖三十載曰維癸丑歲闢門策賢良垂衣崇文治余

之高王父初賜進士第朝廷重制科當途無拘忌厥官

領度支分曹佐會計是時太平久邊陲晏無事泉刀充

天庾來牟貽民利出入含香署敝歷絕流弊清風露衣

袖脫略睨權勢伯仲伊呂間事業隨所致一百二十年

遭際引家世往昔受庭訓一一今猶記忝竊郎官末漢

司又其地宛如賭弓劒登堂拜祭器中有兩軒楹槐栢

積雨氣西山收眼底暮塵生蒼翠殘碑歸然存剝蝕無



姓字先後備領同所悲時會異頻年憂水旱草野多凋  
敝州縣吏如虎絲穀從所出錙銖貢城關鞭撻迸涕淚  
誰爲監門者繪圖一破例況今又用兵蜀楚警烽燧幕  
府集材官四郊按戎轡蕭曹在行間轉餉無告匱錢穀  
事瑣細民命實所寄輟輟分臂指鼓車駕騏驎譬如操  
短檣滄海安能濟昔人才不薄乘時視遭際同儕誇嵩  
距泥首慚祿位眷言思舊德嗟哉難爲繼

縱鵲詩和黃方振

蒼鵲颯爽姿拘攣來薊北長絲繫老拳土花垂斑脊黃  
子頗放達見之三歎息何如任飛掣縱此凌霄翮中庭  
國朝詩的卷之二 山東 二十  
乍脫鞬迴顧輒驚魄樹動簷禽喧山登晴嵐夕寒雲忽  
四垂莽莽天風黑側腦溟渤寬萬里同一色余聞縱鵲  
喜豈慕真鴻弋殺機不可伏嗟哉攫肉食撲渥營三窟  
狡兔爾何德

春日郊外看杏花晚至廣恩寺

出郭五里餘芳甸恣游行不知春淺深脩然馬蹄遠翠  
微有數峰峰態何婉孌安得同衆鳥矯翼凌絕巘各圖  
花自林繁英紛難辨席地自怡悅蹴茵飛觴轉冰涼酒  
力微風定樹香善登臺縱遐矚烟霞續復斷日蒸山氣  
流沙平磧草短塵居苦物役良會歛忘返舒嘯學古狂

吾徒似嵇阮

蔽虧草樹濃古寺隱迴奔一聲山磬發細路層崖上卧  
石碧苔滑倚檻清泉響始悟林園情移此增澹蕩地潤  
鳥亂鳴野雲自來往杏花上下白坐憩結幽想烟樹向  
夕消回看春岑朗

景陵

溪窮山脚轉嶮巖停車轍石罅聞雞犬邨烟出叢樾寢  
殿何蒼涼頽垣遺炭業玉盃風雨迷翁仲苔蘚沒榛蕪  
孤畫啼禿松花夜發奪門奚營營功罪同淪滅歸然忠  
肅祠俎豆未銷歇嗟哉土木變興廢兩奇絕歎息此荒  
國朝詩的卷之二 山東 二十  
陵疎林叶纖月

大通橋行 并序

橋之役以歲程春冬率無事惟夏秋疲于衡量轉輸  
日數萬斛猶恐負殿役而勞宜也顧念車戶陰雨輦  
載減其額廩困矣而南北軍吏將漕數千里分風壁  
流艱且倍之因惻然心傷作大通橋行役竣鐫諸石  
用告來者云

丙辰孟陬吉 天子坐明堂命爰蟻蝨臣曰逞督橋梁  
歲需百餘萬轉輸漕白糧初出城東門春水流湯湯公  
解四五間槐柳鬱相望簿書次第陳掾胥競趨踰移檄

向水衡築濬通舟航跳波轉雅尾墜塞預隄防土輭春  
雨後畚鍤千夫強粟米仰山東梗稻來江鄉版船束聞  
口屹立如堵墻官囊抑殊字符牒逃飛揚忿念東南民  
何以勸輸將追呼在有司鞭扑泣路旁嘉禾生隴畝穠  
稔連界疆田婦無完裙農夫餘鵲裳辛苦不敢辭耕鋤  
習爲常前季遭水旱井里多流亡但免官府怒那復思  
蓋藏兌糧上舳艫風雨欺飄檣船趕有健卒供給襍筐  
筐黃河水崩奔千里接混茫一船溺海濤如馬脫轡韁  
一船雀鼠竊剗肉誰醫瘡交卸填天庾無乃太張皇橋  
口不盈尺摩憂人畜忙軋軋車萬兩排米東西行夏秋  
國朝詩的卷之二 山東 四

十日雨泥滑沒膝航爭門石闕塌折軸轅牛僵上官傳  
急符稽逋干王章倉吏苛如虎怒臂當螳螂嗟哉魚中  
鉤吞噓安可量車夫無符籍潛逃避禍殃招集尚不忍  
况乃施桁楊誰司轉運者出言摧肝腸撐突百丈松聽  
事臨城隍池沼唆遊魚艸樹鋪高岡輪蹄日倥傯風花  
空迴翔戎馬未銷歇郡國需糗糧司農屢仰屋會計薄  
孔桑緒錢篋開口鹽鉄敲估商矧此惟正供制作本精  
詳徵錢不徵粟許謨罔不臧豐年米價賤入市如糶糠  
賣牛還鬻女犢首歎群羊籌畫定新例琴瑟勞更張小  
臣同箕斗不可挹酒漿泥涂懼顛躓譬彼無相百庶幾

采風者聞之心悲傷寒宵爲此辭冬日朝在房  
崇蘿山五百字

漢南佳山水迺有崇蘿峰拔地亘百里伏倚千萬重一  
峰初來謁褰開行其中嵐靄首相引逶迤隨短筇俄歛  
衆峰至亭亭青芙蓉石與人爭路嶂插天巖雄廻矚衣  
色變堆身空翠濃俛仰各因依偈塞復玲瓏吟狖不住  
啼哀湍無停衝沅水貫其腹晝夜相磨礱夸娥未崩壞  
狡獪而靈通礧礧聲弗息只疑兩耳充巖乳所滴瀝獅  
象蛇龜龍合掌二古佛瓔絡坐軒翥上有貝葉幢下有  
怪石供日午逐峰侶拈據難形容前者數問屋後者兩  
國朝詩的卷之二 山東 五

石弓左者雁鷺羣右者虎豹叢凹者杵臼缺凸者汲塚  
豐昂者觸天柱圓者養鶴籠小者千鈞弩大者萬斛斛  
立者魚復陣行者桓典馳來者細侯駕去者彭澤蹤糾  
者翠色羽旄者丹葉楓斲者螺子黛黃者蜜房蜂斑斑  
如鳳凰離離如蝶螈如沉香小亭如館娃舊宮如修眉  
濃綠如蟬鬢鬚鬆如醜女生嫫如病夫潰癰如老僧拄  
杖如道士鞠躬如說法寶誌如搬家葛洪如五神車送  
如三素雲烘如賓客對揖如劉項交鋒如禡牙開張如  
沓潮汎渢如旌旗壁壘如馬同車攻如捫蝨談席如送  
船分風如勾連阡陌如罷亞陸種如天女散花如俊鶻

搏空如盆罌俎豆如城闕鼓鐘奇葩旣分郁喬木何鬱  
葱雨後匍匐白沙邊躑躅紅百人垂鬚杉五粒摩頂松  
石櫃鳴竹鷄撞沕眠水犁蝴蝶大於斗狐狸化為翁混  
沌妙結構慘淡施鬼工神仙互盤踞窟宅環西東我行  
一筇飛憑虛駕長虹平生所罕觀開拓萬古胸療治此  
痼疾焚香謝蒼穹前訪淪鼎池趺然遇瞿童暫與衆峰  
別清嘯日下春

春日同陳說巖李湘北兩先生高二鮑謝方山集  
曹峩眉書齋看花

春光澹容與閑情際幽敞簷樹落高花紅萼貼砌上入  
國朝詩的 卷之二 山東 六

坐脫巾幘留客恣歡賞半酣微風來清芬復駘蕩向夕  
一鳥鳴曉曉送餘響文酒無拘牽今古增俯仰樂與素  
心人狂歌競森爽遙望西山岑惻惻生遐想

南陽武侯草廬

上苑連青陌茅堂枕碧岑遙岡古來凸斜日淡生露跌  
立碑如笏鋒尖塔似鉞藕花紅片片清水綠沉沉管樂  
才堪竝孫曹恨不禁出師前後表梁父短長吟八陣縱  
橫法三分慘澹心鼎湖遺詔痛白帝鬚霜侵徐庶逃名  
蚤譙周仇國深人亡誰是鏡臺廢不彈琴廬在終拋置  
行間歎滯淫七擒渡瀘水五丈泣秋礎龍去仍疑臥鴉

飛正撲林蜀桑凋自昔漢柏老存今侍從多閑鬼飛鳴  
有大禽空廊憐鼠餓叢木怪蟬瘡蟋蟀懸髭上狐狸語  
殿陰劉家真弱主陳壽豈知音淚盡人扶拜塵嬰雨滌  
襟蒼茫新楚路策馬去駸駸

百丈旗

宜春小部教坊兒搗箏撾鼓雙髻垂白氍毹花覆眉  
登塲撒振蹲且馳尻頂撐地足則踣背如筌篲腰如箕  
青焚樞几燒琉璃偃僂撲朔舞傲傲累黍妙契爭毫釐  
身輕一鳥何瀏灠手揺花罕口吹篴龜茲之戲綽板隨  
游龍蜿蜒駢者誰靈妃笑電羣相追紅練雜沓連馮夷  
國朝詩的 卷之二 山東 七

弄珠神女來遊嬉雲旂下駕斑文狸舉座色動喜復疑  
有客感激歎神奇此非人巧天授之公孫大娘乃若茲  
西河劍氣光離離我觀此舞生嗟咨一技成名徒爾爲  
削鍊承蜩世莫窺簷花亂落洒百觴空壻雨過飄涼颺  
黑甜軟飽夜何其張燈高歌百丈旗

雲梯關觀黃河注海詞

章亥不到天墟遙崑崙一竇通重霄漢津初犇坤軸圻  
馮夷沃焦紛來朝雍州積石河之首龍門下瀉隨神颺  
底柱孟津遠大伾中華沙漠連玄枵澤水迤東大陸北  
地平土疎山不揺一出伏千萬里大曲小曲風雨飄

濁黃一斗沙居六風輪陣馬無停鑣賴毫徐宿在唇齒  
曹漢單鄆排脊腰雲梯古關尾間地樽桑滄溟誰相招  
來自天上歸地底不知此水從何消三門四折又九派  
錫圭之祖烏能祧碣石既沒苦泛濫故衛不復悍且驕  
白馬沉後無消息瓠子浪湧橫沃麥議築議塞日聚訟  
治河治漕羣嘒嘒賈讓賈魯各前席史冊言在作準標  
華容武功印川子其人羅立如斗杓關前下馬搜遺蹟  
天晴海面拖青瑤洪濤光駛礮電黑齒旗監黿鼉橋  
始悟萬物有歸宿浮生馳逐朱顏凋精衛啣木究何益  
尹公術幻真無聊落日西風透白袷沓連愁聽番禹潮  
國朝詩的 卷之二 山東 八

寄語司空蚤底績山行乘樁泥行橈

清溪行 悲瞿氏也

萬經松鳴膝六開旌旗風捲清溪隈軍門擊鼓三通歇  
希蠻一隊西南來毳幃兩旁森刀戟頰首不動如銜枚  
中擁雙鬟好粧束花鈿寶級黃金釵欲前不前半遮面  
一詞未畢肝腸摧雍門之琴子野笛杜鵑啼血何悲哀  
自言丈夫土酋長身手長健多榮懋歲在收牂遭禍亂  
天狗隋地聲如雷 用昌黎句須臾覆巢無完卵吁嗟一旦成  
劫灰智伯之頭作飲器客有豫讓胡為哉竄伏焚箚經  
五載遺孤那忍遭狼豺天闔夜叫山川走秦庭晝哭神

鬼貽叛兒莫使殺留後屏軀蚤願荒烟埋使者聽之三  
歎息淚灑白骨生青苔麾下甲士目眦裂磨刀霍霍爭  
喧喧明日驚傳仗節死貞魂何處空徘徊環珮月明招  
不得醉以村酒傾樽壘清溪畔上雪一尺梅花吹落山  
皚皚洞口幽禽太無賴衝風弄鬢毛毳毼我今作詩紀  
其事山蘊潦倒非詩才

茗飲行再示趙生

我昔行役大江北三月曾入三洞遊 三洞六安山名江邨穀雨  
好時節小峴 六安茶也萬樹槍旗抽官焙十斛裹黃篋彭城  
一路馱雙牛我生嗜此澆舌本十四年久如朋儔薑鹽

國朝詩的

卷之二

山東

九

半煎無不可巾箱載楚隨黔州蟹眼日沸彭亨鼎竹爐  
葵扇排牀頭煖胃絕勝門冬飲馬卿多病今全瘳蒙花  
松殼不入口顧渚雀舌真如響前宵客席啜兩椀一夜  
破睡增千憂魚目鰥鰥指畫被酪奴刻毒吾何尤譬彼  
結交勿泛濫涼燠不翅薰與猶水濱小兒應狂噉儉父  
捉鼻良足羞聊城趙生善鬪茗健翮鴻鵠凌清秋高標  
異骨人不識頭綱八餅窮雕搜蒼頭水厄遭嘲哂灌頂  
直傾三十甌廬仝之七卣足數渴虹掉尾長江流竹竿  
小巷鳴瓦雀薜蘿仗爾來封侯老子毀茶唯就酒十日  
五日眠糟丘與子楚項不相下堂堂壁壘分鴻溝屯氏

河水黃泥濁不知何水堪置郵當此紅蓼白蘋夕木葉  
瑟瑟風颼颼勸子且同劉白隋燈前爛醉商聲詠

種瓜行贈韓坡

韓坡種瓜不一種瓜熟摘得千百筐小者斑青成行隊  
大者蒼蠡排兩廂河村相望十餘里騎驢打門來拍張  
自誇其瓜美無亞東陵五色非尋常十字巷中浪花少  
椰子萍實皆倉荒未耜經與齊民術此事久書於左方  
一般更有西洋種剖之如乳傾壺漿子面有紋細於髮  
蒼頡鳥篆爭微芒雨後纍纍歲豐稔扛來送與山薑官  
日正卓午縱饒口撐拄蟬腹兼龜腸面上堆塵苦炎熱  
國朝詩的 卷之二 山東 十  
御風濺齒生清涼似與高士共晨夕紅泉綠樹心徜徉  
明年我亦學老圃犁鋤自操身手強與君入山稱瓜隱  
徒駭水上歌滄浪

松磴

亂石通樵徑雲深第幾重淙淙決泉溜林黑下高春無  
數飛鵝集長鳴澗上松歸途逢老衲拄杖且相從

三月三十日

此夕成娛賞當杯戀落暉醉仍留客坐老畏送春歸撲  
樹雙鳥至迎風一蝶飛明宵卽入夏遲暮惜芳菲

題新居壁

卜宅依深巷秋風客意新少嫌沽酒遠不厭灌花頻寒  
葉先辭樹飛鴻欲背人亂書十數卷莫笑阮家貧

山行先至廣惠寺

馬首春風引山腰細路懸遠天千嶂疊平圃一松圓白  
塔如孤鶴高齋野寺邊僧堂鐘磬發坐聽已悠然  
贈比鄰姚岱麓黃門岑子將歸里

坐談依歇樹斜日泛新醪屋破秋螢入山昏暮雨來隔  
牆聞鶴嘯分俸買花栽寂寞莫安時命愁登郭隗臺

清澗河上大寧寺

溪東二三里高塔峙如山寺在水涯上鳥鳴僧榻間寒  
國朝詩的 卷之二 山東 十一

光搖舍利清梵出層巒雁浦魚牀路行行冒雨還

方山過話

鳴蟬聲不歇樹葉落還多雨霽千峰出天空一雁過秋  
城催畫角夕馬飲涼河惆悵今宵話鄉心共若何

黑窰廠晚步

一望翠微西平林落照低鴉鳴風灌樹沙動月吞溪土  
屋藏烟火青山道馬蹄習家池上客一路醉如泥

二月懷友人

春遲新水漲河上柳如烟去馬東陵外懷人燕社前暮  
雲投大壑遠樹界青大二月多風雨花朝最可憐

送李明府之任普安

迢遞巖疆萬里長，苗風瘴樹遠蒼蒼。  
大江拆地通盤水，芳艸連天人夜郎。  
山郭人家三月雨，春田社鼓百蠻鄉。  
何須咫尺中牟宰，勾漏丹砂亦不妨。

秋郊雜興

閉峰野水弄秋光，向夕登臨白袷涼。  
僧磬數聲來遠寺，人家一帶住斜陽。  
正當紫蟹清樽日，偶入蘋風蓼雨鄉。  
須信山靈應有意，不教吟興太顏唐。

既向西風把釣綸，又尋古寺渡南津。  
莫教泉石禽魚怪，可笑形骸土木人。  
同社陶潛招飲去，入山支遁寄書頻。  
國朝詩的卷之二 山東 主

從前兀兀都如夢，孤負秋光是病身。

京口詩

飄竿鷁尾下江津，北固南徐問俗人。  
簫鼓數聲渡揚子，雲山一帶眺春中。  
佛狸祠下青楓老，石馬村邊白雁新。  
憶自論文經此地，十年車脚歎勞薪。

秦人洞

桃川不見桃花樹，洞水潺湲洞口封。  
那有秦人爭餉客，但於梵寺靜聞鐘。  
數行奇鳥穿深竹，百丈寒藤上古松。  
不是仙源亦堪戀，愛他幽境最高峰。

射圃晚歸馬上作

寒原木葉馬蹄中，射圃歸來趁晚風。  
片月初銜孤塔頂，怒流直下小橋東。  
背城山湧三層黑，傍郭燈搖一寸紅。  
卻羨漁磯烟水上，柴門深閉鹿皮翁。

訪祕南不遇

一老秋清病不支，貪眠強起坐題詩。  
今朝出訪張衡去，冷雁孤花小雨時。

秋日開春海棠爲李梅崖祠部

芙蓉一本寒籬下，白板雙扉老樹邊。  
不信草堂秋色裏，海棠花放似春前。

以詩寄友人代東

國朝詩的卷之二 山東

臂鷹走馬擲檮蒲，對酒當歌美丈夫。  
別後應知頭已白，一餐能盡幾斑無。

張寶居 賓公鄉平人

阿那環

明月照白沙，黃羊逐野馬。  
三千河朔兒，大戰天山下。

閒中有述

生平樂散誕，苦爲世務牽。  
今茲得閉戶，顧影已皤然。  
吾廬自妍雅，况乃山水偏。  
蘿月逗清暉，松風響流泉。  
鼎鑊太古色，四壁圖雲烟。  
架藏未焚書，希心得妙詮。  
有時香茗供石上，橫素絃清商。  
指上生遺音，薄九天。但恐白日

促秉燭復流連有客扣門過自稱鄉里賢揮手使之去  
老死勿往還

題雲聲泉

暮樹發微涼病懷恣偃仰流泉破石出滿洞生清響雨  
過山更幽殘雲勢茫茫若有情起予天際想

十六夜歸山中

月出千山曉峰巒辨未真青驢欣識路白犬解迎人積  
雪明山麓流雲亂水濱忽驚西嶺下寶氣現金銀

小黃山眺望

乍歇連宵雨千峰勢欲奮清流環市郭濕翠撲城門草  
國朝詩的 卷之二 山東 古

茂牛羊樂林深牧豎尊無窮懷古意寂寞向誰言

夜飲梭山絕頂

倚杖平臨一徑苔回看身在碧雲隈東山絲竹逢秋勝  
北海樽罍入夜開明月漸從岩畔吐流泉暗自樹巔來  
仰通呼吸蒼旻裏欲取星杓作酒盃

同山別城中諸同學

居鄰白兔舊山旁白石峩峩淥水長十里過橋烟雨路  
三家比屋薜蘿莊綠坡犢飽眠明月紅樹鶯閒啼夕陽  
祇恐歸遲春欲暮落花飛絮笑人忙

王秀才將卜居象山而問風土焉

休將風土問山翁欲習山翁莫憚窮有徑皆穿紅樹裏  
無人不白雲中花香鳥語隨時變水色嵐光到處同  
夜半柴門常不閉南村頗有太平風

初夏

綠槐陰重引雛鴉秦女乘鸞上扇紗永晝沉沉簾影靜  
秋波漾漾簾紋斜碧苔院落千枝筍青草池塘一部蛙  
午夢初回梅雨霽晚涼處處響縑車

得雪亭書是日阮亭訪予舊居

七尺東方一飽難空勞使者勸加餐三更雨止風聲惡  
四月山深夏氣寒似我原非孤鳳隱宜人祇作老漁看  
國朝詩的 卷之二 山東 古

相知幸有王詹事車馬年年問考槃

春日試筆

范公泉水日潺湲前輩風流不可攀一卷離騷千日酒  
三春花鳥四圍山看雲獨向中峰去采藥嘗從夕照還  
莫道年來無一事此身尚媿老僧閒

由團山之西麓

一雙蠟屐一枝筇到處山留野客蹤壁上驚人千尺瀑  
橋邊入畫幾株松攜樽古寺尋開士罷釣春溪話老農  
記否劉家囉嘖曲人生白髮黑難逢

王秀才過訪小山田舍



牛羊日夕下山時有客升堂索笛吹僕本恨人身易老  
君非遊子意何悲烟雲渺渺千峯外霞炎蒼蒼一水湄  
寂寞山厨堪自笑春來並日一蒸梨

偶成

寄跡荒山遇已窮那堪冷雨又淒風愁來病似因秋起  
老去家真在夢中水上湘烟幽篠綠岩前楚佩野蘭紅  
堪憐九尺東方朔不及侏儒用世工

詠鷹

草枯雪盡碧天高不向鵬鵬借羽毛萬里搏風來海外  
幾番斷索入雲濤偏宜俠客三駿馬喜伴王孫八尺螭

陶朝詩的卷之二

山東

去

一擊平原狐兔盡教人意氣爲君豪

夏日雜詩

眼前事事足傷神大患原因有此身灌木梟聲喧半夜  
空堦棘刺競蕭晨虎頭壯士雞皮古紅粉佳人白髮新  
自昔英雄甘蚤死多愁老去不如人

夜過旂山下

月落雞聲曙蒼茫路未分回看衣上濕知是大旂雲

雜感

心遠樓前春正濃柳枝桃葉廿年中不知回首成終古  
影落秋山萬事空

宋 宛 荔裳萊陽人

雷霆引

飛廉趨共工怒火作鞭金爲斧靈夔之皮以蒙鼓白虎  
爲御兮勿肯下擊其儔伍噴噴野人言東家老木牛已  
枯摧之戕之一何武封狼蝮蛇滿郊邑張吻殺人方跋  
扈雷兮雷兮忘其桴胡爲貫爾若無靚西山落日濛汜  
邊須臾返照聲寂然我欲因之問其故無奈巫咸久上  
天

感懷

商飈凜勁秋旻天降霜露采采孤葵根展轉愁其足幽  
陶朝詩的卷之二

山東

去

蘭在庭阿馨香莫能盡君子諒不惜零落傷中路庶事  
多貿理人生信所遇俛仰終古問誰知龍與螭

張幼量古劍歌

有客傳書滄海東貽我寶劍光能熊龍鱗鳳育不復識  
開篋蜿蜒生白虹張君今之魏公子好古懷奇心所喜  
急難偏憐趙勝危虛恭能使侯嬴死一朝剗地出湛盧  
雌雄冉冉向豐城起拭以華陰山下之紫泥濯以浩汗東  
流大江水鵬鵬寒光不可藏星辰夜閉珊瑚匣銳頭奚  
兒虬作鬚三尺錦囊常負趨携舞前樽聊娛客空堂似  
有蛟龍呼五陵貴人欲相奪君執不可顏色沮酒酣頭



余恒促膝笑指蒼天凌皎日何由邂逅有心人脫手霜  
鐔佩其一戈鋌沸地箭滿眼未肯須臾暫相失故人卧  
病久離群豈意寒暄到白雲參差宛帶芙蓉影滅沒還  
疑蚪蚪文冰雪交情有如此始知世上空紛紛自昔神  
物稱難遇春日蒼茫隔烟樹報君遙盼塞鴻飛掛壁蕭  
蕭走風雨

### 放歌行贈馬義徵

畫花如欲語畫鳥如欲飛徐黃已往不可作近數淮南  
馬布衣蹇驢簷笠來燕市五侯屏幃生光輝尤善蒼鷹  
及鴻雁楓林颯颯蘆花稀霜拳未下狐兔走碧波群嘜  
國朝詩的 卷之二 山東 六

荷藻肥我從隴首來携得一鸚鵡顧影輒哀鳴交交念  
倚伍君繪其一桐花陰素壁雕籠相向舞雪衣化去委  
蒼苔丹青尚爾留風雨高士從來信不羈雲林迂絕虎  
頭癡狂歌白眼每驚坐醉卧青樓醒畫眉鸚鵡典後望  
何有但言黃遍盧龍酒只今八月雁來時袖中秃筆還  
如帚一幅吳綃沾一斗

### 古銀槎歌

我有匣中銀鑿落碧山人手所作背鏤至正壬寅字  
點畫形模今宛若斷節枯根紛錯糾中有仙人博望侯  
衣冠甚古鬚眉蒼飄飄一似乘孤舟肘後惜無筇竹杖

袖中或有安石榴人言八月泛天漢支機石畔逢牽牛  
奇事流傳見圖畫假師何意窮雕搜當年親致汗血馬  
飽歷條支經大夏安知骨貌久銷歇供人把玩充杯俎  
金人已去栢梁臺玉液常沾白蓮社嗟我瓠落溝斷同  
潦倒賴爾衰顏紅有酒如澠不稱意欲求仙術尋壺公  
跳身此槎之腹中窮源再入馮夷宮爲侯改號鴟夷翁  
胡爲低眉偃蹇在人世枕蛟騎虎愁我躬

### 寄懷胡憲副

壯志堪乘隙浮名悔入關人疑龍性傲官似馬曹開板  
屋青羌俗柴扉紫邏山邊城須衛霍未許拂衣還  
國朝詩的 卷之二 山東 九

### 寄王敬哉詹尹

自作秦亭客邊鴻幾度飛有書常隱姓無夢不沾衣憶  
在碧雲寺飽看紅葉扉此遊何日再翹首向王畿

### 京口送房周垣北歸

江城馳白羽客淚滿青衫大海千峰雨全家百尺帆各  
嗟新短髮持贈舊長鑱問道如能達書來蠟作函

### 剡溪道中作

昔人乘雪往而我溯風行萬壑穿雲轉孤舟與石爭魚  
齒寒水見鷗立夕陽明安道留遺宅寥寥千載名

### 寄唐翌辰隱君

問訊東園老布衣蕭然松竹對柴扉  
間眠白日牽黃犢時踏青鞵到翠微  
孺子曾逢橋上履丈人久息漢陰機  
當年洛社諸先輩杖履如君近亦稀

角聲

一更初奏五更終畫角長隨萬里風  
夜月飄搖沙磧外曉霜嗚咽戍樓中  
飛來雨雪嘶邊馬散入川原起塞鴻  
解道秋聽殷地發白頭愁殺杜陵翁

贈胡士林卜士

結衣纔脫血猶殷此日君恩果放鵬  
龜策告子無死法若盧幾客得生還  
人傳蘇軾埋園土我道京房在世間  
國朝詩的卷之二 山東 壬

咫尺新豐賒酒易下簾一醉碧溪灣

舍住稼菴卜石至京慰問悲喜有作

檻車北發踐嚴霜念爾飄搖在豫章  
十載話來真寤寐一家人際小滄桑  
嵇康未死求丹訣阮籍何歸哭白楊  
見說鄉園親串少沙蟲猿鶴總堪傷

勝果寺

鳳皇山半古招提隔嶂青山接會稽  
澗水幾層穿宋苑夕陽一片在蘇隄  
樹經樵斧倉庚少澗落江門白馬嘶  
行到中峰更回首畫樓粉堞望還迷

九日同姜如農王西樵登慧光閣

塞鴻猶未到燕城載酒登樓趁午晴  
山色淺深隨夕照江流日夜變秋聲  
上方鐘磬疎林滿十里笙歌畫舫盈  
空負黃花羞短髻寒衣三泮客心驚

同歐陽令飲鳳凰山下

茅茨深處隔烟霞雞犬寥寥有數家  
寄語武陵仙吏道莫將征稅及桃花

馬嵬

何事漁陽動鼓鼙香魂不逐六龍西  
可憐杜宇聲聲血只在長生殿裏啼

馮溥 易齋益都人

國朝詩的卷之二 山東 壬

讀史詩二首

參相齊並黃老蓋公既舍獄市不擾賓客  
言事得醇酒後園歌呼吏何有留歸欲諫  
丞相噴天子安用欽四隣惜哉孝惠乃不  
振

通小臣戲毀上天子親爲謝丞相臣節存  
絕私門絕私門朝廷尊功名著否真帝恩

古意

夜來寵魏宮迺稱鍼入神火珠龍鸞簪  
不得非雲非雨絕輕塵居前玉辟輕居後  
金色艷辟寒未易得可以重君念誰口銷  
骨不可當君前咫尺是羊腸芳華能有幾

時好落葉哀蟬繞扇早君不見翔風十五光動人三十  
已退爲房老

秋日水亭集飲

滿目滄洲趣誰知在鳳城芳傳荷芰密秋入管絃清杖  
屨今年勝風塵此地輕願言携襪被倚月聽吹笙

萬柳堂前新築初成志喜

數畝銀塘睡鴨浮覆雲一簣卽丹丘鶯窺柳市啼常早  
水隔桃源靜不流草木潛知天地意巢由竝入帝王州  
扶疎三徑依城闕昏黑何妨到上頭

畢際有 載積溜川人

國朝詩的 卷之二 山東

泛廣陵西湖至平山堂

柳色蕭疎暮靄浮虹橋放櫂足夷猶雙扉隱見花間徑  
一水迴環竹裏樓日落人歸停畫舫荷枯天冷立沙鷗  
歐陽遺蹟知何在隊隊牛羊下隴頭

廣陵贈別鄭孔如兼寄訊稷山諸子

相逢邗水恰秋殘君正來時我罷官濁酒尚堪通夕話  
旅衣豈耐五更寒并州西望思千里鴈首東歸愁萬端  
爲訊高梁諸父老歲時伏臘可能安

題紅拂圖

一見翻然夜半行盈盈秋水結三生紅顏悞託知何限

只恐當年亦倖成

和陳其年卽事原韻

燈下幽窓讀楚辭忽驚秋鶻縱絲竹爐聲寂鷄哥語  
正是檀槽半咽時

孫宗元 鼎字棟下溜川人

自金陵返棹維揚

書空愁坐旅情孤厭見兵戈送老儒故國入哀人物志  
舊時三殿黍離圖金天夜靜揚州月銀海光寒高士湖  
肯效枚皐誇草檄鴟夷傾倒酒家壺

懷歸

國朝詩的 卷之二 山東

夾谷三臺夢裏家干戈阻絕客天涯何年淚落新亭酒  
此日籌量道濟沙難效鷹鷂勤遠略肯隨鴟鷂戀紛華  
簪纓羅薛從時尚且坐江頭逐落花

寓天寧寺杏園

東海揚塵辨劫灰心勞形役幾徘徊詞賦非吾土  
地遠旌旗有客杯老樹應隨寒月落招提喜待故人來  
懶迎冠蓋客疎放閒步禪房鳥雀猜

劉正宗 可宗憲石安丘人

上鳳嶺

漸入岩峩裏層巒劇可攀徒輿隨磴仰行旅帶雲還草

瘦天彌碧霜高石自斑料應峰頂路望盡萬重山

柴關

柴關懸古磴冬日尚氤氲亂水流偏曲寒雲曉未分樹  
黃疏鳥道雪綠界峰紋斷岍蒙茸外啼猿定幾羣

拜將臺

韓信登壇處于今迹尚存能酬漂母飯豈負漢王恩聞  
道慚三古懷猜痛九原未央思辯士遺恨向誰言

孔胤樾心一曲阜人

天妃閣

舟人長淮水勢陡海底蒼龍忽昂首隨帶波濤向南飛

國朝詩的

卷之二

山東

五

高架石梁不放走三千水甲練光明颯颯風生爭溪口  
穿雲裂石怒非常無數鼉鼉晝夜吼榜人刺船來往行  
巨絙兩行需千手金鼓震地儼鑒兵鉅鹿昆陽復何有  
北上如挽萬石鐘南下似飄一葉柳順逆俱罹不測機  
但觸石崖歎立朽浮生遇此號險途孰知同稱名利藪  
行旅對之心魄寒羣向祠前醜椒酒南北舟楫列幾行  
時見逢凶數丁九祠中蒲團坐老僧日課法華辰到酉  
門外安危喧若雷試問僧知僧曰否

秋閨

聞說旌旗宿塞城淒風昨日送離情小窓秋入憐砧亂

幽室燈殘憶夢成金鼎香消青簾冷銀河影瀉綺樓平  
寒霖滴盡閨中淚但願峰消罷遠征

長至後讌集詠瓶菊

朔氣冷冷入畫堂隆冬何處菊花香屏間不改三秋色  
簾外空飄十月霜世眼誰知欽晚節幽姿尚欲領初陽  
憑將斗酒消寒夜却比東籬引興長

王 莘

濟南再見

人

書只拙齋詩後

雕搜排界咏車攻大手堂堂硬語工也似先生畫梅法  
折枝佳處是關公

國朝詩的

卷之二

山東

五

鳳隨鸞膠誰解合清吟莫作等閒看居然一卷雲臺稿  
得句勝於得好官

王曰高

登臨北山在平人

辛亥九日偕高念東沈釋堂宋荔裳程昆崙陳說

巖謝方山家西樵貽上集梁家園分韻

相邀尋勝遊登高眺平陸典言在何所南山採秋菊嘉  
木有餘蔭藥苗滿空谷采之貢君子且以私自淑乘時  
貴奮飛奚取空鹿鹿紉蘭兼蕙纓進德擬修竹履道自  
坦坦何用季生卜頽齡倘可制吾以行自牧

吳伯成明府招飲泰園同留仙天士

昨日快遨遊籃輿渡水頭孤桐當閣翠老桂集山幽塔影池中見泉聲檻外流坐來不覺晚况復有羊求

內城道中

柳綠波明碧似紗萬條風裏一行斜鼓樓西角第三巷  
猶喜牆頭見杏花

王 穆 子下淄川人

雲中雜咏

戰後閑憑弔朱門靜不關綺疏焚鬼血寒月泣妖鬢芳樹猶當砌粧樓舊對山翻憐青塚月大節愧紅顏 左衛後入城見少婦縊於樓

國朝詩的 卷之二 山東

美

解甲分俘後平蕪萬竈明梧蒲賂少婦芻牧繫諸生夜雨吹笳坐春原射雉行鼓聲衰已久不動玉關情

仲秋歷下復泛湖小憩北水門

烟雨樓空剩綠莎釣磯無恙酒人過全收山翠無屏嶂小減溪光是菱荷秋浦眠鷗欣雨足晚汀浴鷺占烟多停橈却憶玄真子應趁斜風起櫂歌

夏日水關泛舟

香車雨後破莓苔盤髻長衫窄窄裁鳬雁驚飛蓮葉動侯家女伴盪舟來

謝重輝 方山德州人

春來

春來何所事依然耽琴書親昵稀來往人事欣無餘我身既暇懶我性日益疎時從池上酌往往臨清渠春山到眼前好風遍庭除碧柳漸覆井蒼松鬱不舒時鳥解人憐相向各自如因之坐松下日暮傾一壺

法海寺尋澄上人不過

巖嶂悅飛鳥烟霧足空山濛濛隔千重樹杪看人還懸崖湧絕徑麋鹿喧其間我來尋故人落日聞潺湲迴溪長松風遺構見石斑平生羨真隱寧復倦躋攀山僧不可識坐對白雲閒

國朝詩的 卷之二 山東

毛

丘元復 來公漢梓潼人

和三弟自萬松以詩見慰兼懷二弟

一條拄杖一囊書卧送斜陽上草廬黃葉堆門秋爛熳青山通牖晚紆徐幽棲屈指過全少性僻從心老更舒蘭若頻傳花萼句竹西夜雨典何如

病劇懷弟柯軒不見

今夕消沉錮頓成隔世身尤悲昨夜去易簣鳩何人緬彼未廖之憤憤了無懼茲反作忡忡悔恨慙一聚

苦雨

病後無端百感生悲歌各出幻中情千方自足醫千病

不寐難留夜雨聲

杜 澣 子澣清都濱州人

三月上旬酷熱如暑望後忽寒雨雪不止河昨復

冰臥病感異賦呈吉士

窮居漫解子雲嘲乞得醫方手自抄一兩人分今舊感  
三春天似夏秋交雪隨飛絮鶯嶺冰帶輕泥冷燕巢  
已負桃花花欲笑何時驅馬到西郊

乙巳初春同仲昭斗涵鄒仙諸子看梅永興寺信

步造訪陸元見卷阿隱居歎然命酌是夜遂宿

齋中賦詩俾諸子和兼訂再遊之約

國朝詩的 卷之二 山東

天

久從甫里羨遺民避地甘同虎豹隣竹真難得潤出約  
籬邊劇筍夜留賓一簾松影元堪臥百樹梅花自不貧  
已被馬蹄知野徑看山莫厭往來頻

虎林卽事

西陵春色接江臯振袖常思掣巨鼇岳墓風雲變涕淚  
孤山梅鶴一綈袍空餘楓麓嘶駛無復葑田對枯棹  
我亦湖頭成吏隱留賓曾記採溪毛

括蒼杯渡菴

少微山下懶雲窩領畧群峰勢逶迤絕壁粘空生秘藥  
清流滌派種嘉禾南屏似髻垂金鷺東溜如鞭走石鼉

聞道往還仙子駕天風何日下笙歌

長城嶺 在將軍堂北

修垣浮海岱一線畫中原蔓草山河剩斜陽虎豹踞兵

銷東帝子客散楚王孫夜哭城陰火爲招何處魂

得梁媿會書寄答

君亦行關塞菜衣正黑頭官辭千載壘書報五湖舟北  
道榴花暗南天荔子秋何時尊酒夕細雨聽涼州

瑯琊臺懷古

高臺縹緲白雲山秦客遺踪石髮斑翠輦旌旗傳海道

國朝詩的 卷之二 山東

天

金泥碑版滿人間春風花笑東西帝明月烏啼百二關  
烽火五更誰禮日步虛鐘磬鶴衣還

望九仙五蓮

芙蓉高削護諸天鐘磬遙從上界傳千嶂蔚藍盤道曲  
兩山風雨海潮懸祇今鎖鎖開虛閣終古珠林擁斷烟  
莫任東峰偏突兀梵宮曾賜大農錢

杜鵑歎

飄飄繡羽歷江湖聲咽天涯逐夜烏殘漏蕭蕭風又雨  
諸巢曾與哺雛無

臧振榮 君仁信青諸城人

過子陵釣臺

逃名甘去國，遜勝自爲家。  
斷碣千山雨，孤亭一徑花。  
當年恣笑傲，此日足烟霞。  
欲問投竿意，高臺遠岫遮。

同曹素心過花源

握手倚高閣，蕭蕭送雁群。  
孤村明野水，遠樹澹秋雲。  
白髮羞看客，清光許對君。  
開樽仍就菊，聊復話斜曛。

丁巳南山訪馬東航先生時余來粵西同曹素心

高可山陳去凡家恬園又乾賦

卜築由來共楚邨，茱萸幾度欲招魂。  
蒼葭秋水人如玉，細雨黃花客到門。  
萬里烽烟驚塞馬，十年樽酒慰林猿。

國朝詩的 卷之一 山東 辛

家山猶喜青無恙，情話良宵語道存。

早發之豫章

春寒每日怨宵征，別酒勞勞送遠行。  
望眼全迷芳草路，離歌遙續子規聲。  
憂溪雨雪身將老，想到烽烟夢亦驚。

此去西經湖口驛，江關歷歷旅愁生。

顏光祚 佳韻東魯人

送春曲

十年春風江上住，一半愁深風雨路。  
杜宇南來啼更多，血淚茶蘼花下樹。  
九十風光今漸非，舊絲輪了新蠶餒。  
麥壠青青爾何益，將入官倉踏作泥。

自東村復歸蒲塘書寄同學諸子

蘇臺回首惜離筵，弱柳長條掛玉鞭。  
有客贈歌時挽袂，何人吹笛再迴船。  
丁寧北海垂綸手，相戒南山種豆篇。  
豈謂狂夫更疎放，漫誇詩酒倍當年。

贈故秦中監軍御史金公死節詩

紫宸重賜繡衣尊，祖帳新承玉几恩。  
先皇賜宴送行自是張綱宜道路，忍教項羽叱風雲。  
龍旗影沒孤軍勢，鼙鼓聲悲死士魂。  
多少羽林遲扈從，見君精爽哭黃昏。

竹西曲

柳韓花陰楊子橋，儂家樂事勝前朝。  
不須更畏韓擒虎，別有深宮貯阿嬌。

國朝詩的 卷之三 山東 三

葉廷秀 潤山濮州人

西曹秋思

倦眼何須別智愚，冷心幸自淡榮枯。  
敢期明月還珠浦，獨覓寒虹貯玉壺。  
觀世總成真逆旅，愛才尚有舊奚奴。  
故鄉剩得蓬門在，爲倩鄰人鎖住無。

趙進美 韞退益都人

冬日田家二首

北風吹茅宇，小春應微暖。  
比鄰機杼鳴，平疇麥葉短。  
初日聚童穉，坐臥雜雞犬。  
屋梁懸衆絜，寂寞歲事晚。  
石寒

此葉浙圖配補

溪流激雪霽殘痕淺疎林不隔烟冬野能見遠飛鴻顧  
前渚饑鳥噪空坂長嘯登東臯暮逐樵聲返

星盡曉色分日出飛鳥外高枝殘雪壓寒邨散微霽田  
家門始開籬落聞大吹草際風未定樹杪霞猶在方見  
牛羊羣一一遠嶺背農夫倚杖立默念將卒歲鳥雀鳴  
階前兒女笑窓內八口飽新粒未冬完官稅皎皎清溪  
水颯颯幽林籟板橋無屐踪靜與草舍對時有舊鄰來  
拂石坐相待

自申州至涇子道中

暗浦溪梁淺秋雲硤路封石門啣斷壑關勢引諸峰樹  
國朝詩的 卷之二 山東 三

抱泉聲壯烟舍日氣重徘徊空翠外風落遠林鐘

江行四首 選二

得食鵲鵲晚自呼斷山十里接平蕪空江雲滿時高下  
獨樹巖迴乍有無竹暗津亭喧夜碓舂橋影落神鳥  
扁舟暮雨看長劍濁酒疎燈興不孤

兼葭夾岸轉蕭蕭水氣層陰晚未銷細雨魚龍寒自出  
短篷鴻雁夜方遙臨風古堞微生析隔浦疎鐘漸上潮  
雲外匡廬增悵望謀身何止愧漁樵

劉孔中 藥生 曜 曉長山人

題橘菴用丁野鶴韻

烏鵲城邊薜荔園水雲遮市不聞喧當軒名輩猶藏橘  
對奕仙人久出樊三徑初開聊小榭叢花欲護自深垣  
幽居不遣苔痕破木葉平堆籬落根

李贊元 望石大嵩衛人

過烏衣巷故里

裴回往事欲傷神閱閱銷沈淮水濱屋有夜烏啼樹冷  
梁無舊燕落泥新空聞江左衣冠地不見風流王謝人  
寄語行人休歎息晉家陵寢亦灰塵

劉孔和 節之長山人

過許山泊

國朝詩的 卷之二 山東 三  
蠶盡千年車馬痕紆紆秋氣遠如屯數灣秀壁青無路  
一浸寒雲澹有柳沽森竝消蘆荻色遠平無郵鶯鷗喧  
次山歸去詩清絕寂寞魚湖誰與論

楊通睿 聖諭濟寧人

王介公先生招集古南池限青字

碧草澄雲集水汀荷錢過雨曉波青鶯聲野舂交情性  
蛙部池塘喚醉醒落日蒼烟仍白社孤帆別路冷紅亭  
却憐僉判風流在金縷西陵夢未局

楊通俊 聖企濟寧人

王介公先生招集古南池限青字



羈客相憐池畔亭綠楊烟外遠蕪青千年詩魄存荒碣  
百戰名城倚暮堦不見古人餘我輩還來今夕對三星  
多情樽酒宜幽夜花霧微濛草露零

胡餘祿 吉修濟寧人

上已集太白酒樓餞別友人

鴻雪偶然跡佳時結古歡山川曾苦戰風雨故春寒檻  
外催行色尊前集百端休教懷往事賓王壯騷壇

共集芳蘭渚興懷正未央新花懸別路舊雨入離腸賀

李山光暮青徐雁影長春風催芍藥贈爾只斜陽

劉祚遠 子延石木安丘人

國朝詩的 卷之二 山東

過苔州 時地震已經三年猶瓦礫滿眼

大地無私載胡爲貽我居人情恣反覆天道愛丘墟舊  
社孤憑盡新巢燕語虛蕭條今尚爾當日更何如

重來濟上感懷

春來濟上賦重遊情緒紛紛不遣愁寒意侵凌松節動  
條風披拂柳絲柔高踪惟見分金嶺勝事空餘白雪堆  
昨去今來添鶴髮誰知五月有羊裘

東邨

鮑山之麓濟城東樹色烟光蒼莽中野沃更需三月雨  
樓空常滿四時風莫愁行道多豺虎豈畏窺園有棘蓬

况是主人能款客暫將踪跡託漁翁

王清 水壺海豐人

秋日燕臺述懷

碣石秋風動地來極天鐘鼓下樓臺遙聞獵騎長楸盛  
近擁鳴珂五柞迴瓠子屢勤宣室慮栢梁新選侍臣才

濫竿秘省無他効翹首浮雲泰岱開

王道新 介公濟寧人

邀諸君集飲古南池限青字

修禊城陰杜老亭觴流曲水野花馨幾從嶺外懷詩伯  
久自中原望酒星弱柳微黃籠戰壘圓荷初碧繞荒汀

國朝詩的 卷之二 山東

還期滿紙裁新序剩有高朋眼共青

趙文照 王藻鐵源膠州人

江行

天氣行來晚扁舟下遠汀林深隱微火岫濶點疎星靜  
夜三更冷長江一氣青欲尋人處泊戍鼓亂津亭

灘上避風同徐武源小酌

急峽驚濤萬里通人來人往亂流中灘頭霜雪驚遊子  
天末江關遇醉翁山谷響時雲作雨浪花翻處水呼風  
談深同有家園夢搔首狂歌意不窮

過嶺

岩巖嶺在碧雲頭磴道盤盤不記秋鴻雁影稀風土異  
鷓鴣聲落古今愁蠻天瘴癘真無似鼙鼓烽烟未盡收  
卜馬逢人詢路徑爭言咫尺是雄州

孫叔詒 彥叔裕仍歷城人

東昌遇張秘南

豪興猶如昔知君抱素心酒能同客醉詩不爲名吟世  
味愁中見交情淡處深明朝分袂去秋思滿前林

登後石屋山

迤邐巉岨路探奇倚杖行露垂苔徑滑雲散石身輕寺  
野松爲壁泉香雪泛鑄山樵相對語多半辨陰晴

國朝詩的 卷之二 山東

平原途次遇家兄弟

何意征塵裏喜逢兩弟兄天涯慰疾苦故國問陰晴雲  
逐山城起波隨野火明臨行不盡意悵望各含情

孫廷銓 枚先道湘沚亭益都人

挽船行

中流振簫鼓云是貴人船挂席滄江上弭櫂春城邊城  
邊何蕭條空屋澹無烟征帆遲不發錦纜須人牽州符  
下四郭悉索其敝屣父老帶丁男腰鎌往麥田但有寡  
妻存力不任牽連來騎一何怒飛鞚走閭閻鞭撻縱橫  
下不得少遲延街索似枯魚什伍且俱前裹糧不及夕

往返動盈千聲勢若雷霆道路競喧傳皆云江南來東  
人投逝川微軀誠自惜寧爲問募錢長吏且被縛長跼  
乞見憐蠲除雖有詔趙趙未敢言哀哀挽船行時命亦  
已然

孫廷鐸 道宣益都人

過玉竦橋

雨後涼生太液波池邊一望長新荷風清樓閣開金掌  
日照鳬鷺點翠螺上苑花深晴更見畫橋水滿露偏多  
凭欄未覺滄洲遠忽憶輕舟著短簑

李呈祥 吉肅霑化人

國朝詩的 卷之二 山東

秋杪舟泊邵埭晤杜子濂感賦

天外誰留不死身眼前驚見夢中人故園禾黍秋無恙  
絕塞冰霜舊有鄰淚到魚龍初感激書傳鴻雁幾酸辛  
柴車每憶長安道嘔血排雲動鬼神

燕城秋懷

濠穿鐵鏃石樓平萬馬投鞭此鬪爭紫極晨飛諸道檄  
黑雲晝壓廣陵城沿江節鉞誰雄鎮橫海樓船自竄兵  
搔首西風搖落甚可憐皂帽老書生

水竇崖

濟源祠在北城隈雪徑崎嶇掃未開水轉潺湲穿竇出

巖溪蒼翠鑒空來芒鞋直踏層冰滑清嘯虛傳衆壑哀  
舊有危亭堪一眺夕陽遙帶大行迴

劉慎君先長山人

擬古詩四首 選三

客從句曲來貽我茅君方爲言服此久身輕可翱翔古  
來賢達人一視同存亡往古去不復來今浩無疆以今  
視古昔何分彭與殤煩君謝茅君俯仰增悲傷

岐路楊朱泣窮途阮籍哭荆棘沒古道疾藜生平陸嗟  
嗟行路難泣與哭相續曲行違我心直行傷我足感感  
靡適從悲憂抱心曲

國朝詩的 卷之二 山東

青青河邊柳柯葉柔且妍一從剪伐後矯揉爲栢棖器  
成詎不佳本質失自然何如河堤上濯濯披春烟

咏史四首 選一

義嚴於去就智審於事使漢亡迨至隋篡奪循環理民  
命與邦倫狃乎其碎矣撥亂反之正神堯詎能爾秦王  
神武姿天下定於此縱使殺秦王大業付太子宿讐與  
悍將亡唐將奮起慘哉元武門茲禍誰所使一言而喪  
邦毋乃元成是議者營事讐事讐猶未耳夙負伯王器  
王猛嘗自比建成果符堅彌彰其闇已

張偉公招遊山水二首 選一

寂寞齋居久登攀興轉生青山供晚照白髮向秋明  
豁林泉意疏狂嘯咏情叔明賢父子招我共盃鐙

安素中姑丈以九日詩見示依韻賦荅元詩有家

友生亡叔之悲故竝及之

年來貧似潘邠老老去狂如孟萬年科有徒胥催九日  
酒無宣武共樽前每從白水通高韻相對青山望遠天  
同病更憐人已去縱令佳會也凄然

王啓東清遠新城人

雪霽

昨宵伏枕上風雪鳴蕭索今朝霽色開竹光凝去聲寒碧

國朝詩的 卷之二 山東

飢鳥啄空塔柴門絕人跡獨把一卷書臥聽檐溜滴

過善慶菴感舊和大人韻

泚亭休沐處郭外好林泉初地開三徑安心習四禪古  
今蕉鹿夢空色雨花天搔首情何極臨風獨惘然

賦得門對寒流雪滿山

只合依山住襟懷自不同千巖明霽雪萬壑響松風猿  
嘯寒溪外泉流古木中柴門相對處吟眺意何窮

放燕

一入樊籠勢不歸風簾鉤靜冷春暉忽逢俠客能彈劍  
化作雙丸脫腕飛

鵲鵲

彩色殷殷勝綠衣棲林啄蕊願多違金籠戢翼含愁思  
目逐南雲萬里飛

憶樊川

勝概曾聞白鹿原邵平往事感青門何如韋杜春三月  
花發城南第五村  
趙執信 秋谷益都人

揚州旅舍苦雨

北人憚船居先喜落城市誰知屋三間仍與船相似東  
偏啓門徑西頭著妻子就中容一席狼籍堆衣履僮僕  
困朝詩的 卷之二 山東

隱牆隅坐臥難延倚是時天陰寒十日雨不止荒庖斷  
續烟敗砌淪漣水窺天如墜淵墮戶每堅壘行踪脫塵  
垢客夢困泥滓扶杖出何緣揚帆興翻起飛書問舊故  
恍忽半生死鶴語悲千年海勢限萬里中路滯留難遙  
期歲華駛佳霽恐無恃因風徑南指

寒夜食蟹

葑溪公子排寒來風味乃出太湖上登盤乍晃赤玉光  
入手猶驚怪石狀金膏雪膾與口宜把酒持螯覺神王  
竹林飲戶竟參差稷下談鋒互雄長燈前爾雅再三讀  
明日懸知客無恙莫將羊酪嘲茂弘定有魚牋訓魯望

贈王慈峩

心願日高古生涯常困窮繁華遺俗處風雪閉門中詩  
格年俱老雄情酒並空祇因攜麈尾隨我過江東

詠風鳶學羅東江

節候遷移物象分春風城野見紛紜偶緣塗飾能成質  
才有因依便入雲綫影漸憑憑童稚引鳴聲高逼帝天聞  
傷鴻病鶴知多少息羽垂頭合讓君

懷朱竹垞

江村水樹澹秋烟不見幽人思悄然往接簪裾三殿側  
近聯踪跡五湖前老爲鶯脰漁翁長閒上鵬夷估客船  
國朝詩的 卷之二 山東

重寓葑溪

雪擁葑溪駐短橈城烟花日未蕭條當年冒雪行吟客  
白髮人扶過板橋

丁耀亢 野鶴諸城人

古意

大魚善吞舟次魚能截流小魚但濡沫淺港畏垂鈎伏  
身蘆荻根潛與蟲沙遊既無風雷力亦免鼎俎憂

客中清明逢初度

久客嗟遲暮勞生歎物華身名殘夢裏兒女各天涯草

綠王孫道花明處士家高堂應繫想春酒負流霞

張莊山農膠州人

擬狎邪古艷曲

所歡久別離軍勦拜都護青樓感歲遲嫁作厮養嫗親  
見朝謁歸金鞍燭通路背立下疎簾願歡不回顧

客梁溪曉晴城西卽事

窗欺睡眼催人出郭外初來看翠微日壓海嶠天四赤  
溪匯桃浪燕雙飛炊烟亂繞黃鸝樹漁網爭懸白鷺磯  
夾岸蘼蕪仍宿雨不妨侵溼女蘿衣

孫光祀性庭平陰人

國朝詩的卷之二

里居

草色萌初綠度春忽已半晨起理短髮徐步散小  
池注淺水一勺清几案閒步無底事鳥語適相喚健戶  
畏剝啄俗務良所憚守拙性固爾出處原一貫非以矜  
獨行與世誰冰炭嗟彼斗筭人區區何足算

送施愚山督學山左

仙郎風調漢西京坐擁文旌海上行此去賢良推郡國  
近來鹽鐵問諸生天寒華注孤峰出水落清河兩道明  
齊魯自多門下士談經知有鄭康成

任琪梁河高密人

石菖蒲

水淺沙明處茸茸一寸心濕漑雲欲起崖覆雪常停物  
外抱微節塵中無此簪幽人逢採摘心與紫芝冥

熊渭楸瑞西平陰人

遊虹橋

乘艇泛虹橋同人逸幸饒荷風來驟雨暑氣一時消

咏蘭

雅質翩翩古淡姿芳香凝秀怯風吹嬌柔歷亂青叢裏  
空谷幽人起逸思

咏桂花和程紫垣原韻

國朝詩的卷之二

秋月芬芳丹桂輝年年開放不移時天香原自蟾宮至  
供取詩人泛酒卮

程雲天翼父萊蕪人

官兵行

賊兵遠遁官兵來躍馬挽弓怒似雷自矜大小百餘戰  
強賊莫敢識我面狐帽貂裘入人家椎牛擊犬醉喧譁  
還道賊來掠未盡殺爾不與爾何吝

坦步

東村常晏起坦步看晴暉嵐出山俱動雲還鳥不飛村  
醪逢處有野客會時稀欲訪南溪隱垂綸恐未歸

到田家

眼潤清秋隘其如澹日斜平橋分野徑曲岸到田家剝  
棗爲新黍烹葵當晚茶學農吾夙願仔細話桑麻

天長早發

可畏波濤險從來跨蹇馴竹留殘夜月大送亟歸人垂  
老終年計兼程隔歲身不知經野市擊鼓競迎春

秋夕自東山抵家

秋風兩鬢送將歸馬上斜陽澹客衣行李恰當囊已罄  
到家尚及蟹初肥青楓嶺半將無落白鳥雲中欲不飛  
競道田疇禾稼熟兵戈初定免長饑

國朝詩集卷之二 山東

次施同年愚山登雲門山韻

有希逸石壁  
肖石曰香鼎

尚有鴻濛宅豈非造化門誰能窮地軸直欲問天根五  
座通呼吸三洲入吐吞祇沿雲出沒何礙鳥飛鸞洞府  
癡龍隱希發蟄蛻存茲丘良自美維嶽敢同尊日曜金  
仙鼎霞飛玉女盆從來惟靜得可向解人言

報國寺松

古剎集喧塵客心獨如水車馬耳不聞凭闌摘松子

春日有寄

兩岼楊花隔渡津閒風閒雨正愁人遙知昨夜寒鐙下  
也惜今年又暮春

國朝詩的河南目錄

卷之一

李永茂 八首

王鐸 十九首

薛所蘊 二十六首

彭而述 二十首

周令樹 四首

劉櫟 三首

周亮工 十八首

崔干城 四首

劉佐臨 一首

劉壯國 一首

魏敏祺 二首

丁象輝 二首

李士端 一首

許宸 二首

鄒廉 二首

胡延年 一首

劉廷傳 二首

趙賓 五首

丁啓相 一首

張大復 一首

傅振商 二首

田于隆 一首

國朝詩的

卷之一 河南

國朝詩的卷之一

長沙陶 煊奉長選

同里張 燦豈石同輯

河南

李永茂 孝源鄧州人

得家報聞家鑑弟子城陷時名號同志擁尊人家

口突圍出詩以壯之

書生墮重圍袒臂大聲呼天地憐其孝鬼神贊其愚相

從五十人彎弓提湛盧突入賊中堅殲其一部渠笑彼

黃巾子遂巡復趙起書生左右顧義憤尚可驅一軍躍

國朝詩的 卷之一 河南

而前碎其鐵兜鍪匪惟不競進因之相躊躇乃自撓槍

問八口出徐徐

故鄉僧

我問故鄉僧離鄉是何時拭淚向余揖云是良家兒兒

年尚幼小流賊若雲擾亂來蒼生似黃葉死後白骨埋

青草乙亥丙子過山西東突亦犯帝王畿趙州橋下水

漸漸老僧憐我挂緇衣自漉飯依爲佛子家鄉日日看

雲飛我亦欲歸無資斧又聞道上兵如虎天寒木落鴈

去急古路風悲猿嘯苦

贈熊仲敬少司馬

風雅楚王孫驃姚出將門陰符餘戰氣錫鑊帶腥痕舉  
甓朝思侃聞鷄夜舞琨英雄勿浪試審慎報君恩

春暮遊大伾山

大伾春色爲誰留今到如來頂上遊古洞藏龍朝雨潤  
蒼巖棲鶴暮雲幽千家鐵壁三山內萬里黃河一綫流  
夜靜燈光連北斗健兒戍守最高樓

登聚翠山碧雲寺

山藏雲裏寺藏山泉在峰頭峰在天寶閣巍巍層級上  
佛燈燦燦半空懸鶴巢松頂浮屠底僧臥巖龕日月邊  
東望蓬萊天正曙桑乾一線遠幽燕

國朝詩的

卷之一

河南

二

登天柱山

在韶州府仁化縣南

逃名路在青霄上泛斗人從綠樹捫垂老猶能攀鳥道  
登高兀自見中原孤番一柱撐天地俯視群山盡子孫  
夜靜須教修竹睡恐搖枝葉拂星垣

藤江夜雨

荒烟若霧黯平林掩戶燒燈酒自斟風拍漁舫驚欲墜  
濕侵樵鼓曼無音愁如百草生今夜人類寒鴉失故岑  
臥聽瀟瀟箬葉響匣中長劍老龍吟

夢盧生霖寰

不見盧生十二年無端子夜一周旋援孫登裏千行淚

蚊蠅燈前萬里天報國心窮筋力老歸家路阻夢魂牽  
黃梁飯熟青駒飽證度迢迢問惺惺

王

鐸 覺斯孟津人

子夜歌

別儂經日久相見定色喜誰知相見時淚下不能止

獨寐

春風惠然來照此素帷光欲寐不成寐如有深傍徨虎  
豹雖已遠風波在故鄉骨月屢輾軋生死能不傷欲歸  
難爲歸欲濟河無梁紅顏誰可保遭遇亦何常江皋花  
漸開靈鳥鳴西牆遠遊竟何事祇以攪我腸取厭天爲  
國朝詩的

卷之一

河南

三

曙緘淚擁衣裳

東洞庭歌

忽然吳岫來兼之水光杳蔽虧藏日月春容變綠曉莫  
釐之峰與峯舞高者逼天開坼戶楊梅初黃綴衆星若  
竹深青飛善雨轉望縹緲日將夕停舟入寺坐陀石野  
人偏喜捕鱸魴老獵不慣駭霹靂天風颯颯磬音鳴海  
氣山烟雨碎勻巖壑都歸有無際人天真在西園中斯  
游陰晦不盡羨真宰相妒生譎詭明日躋險小萬山問  
天巒洞孰成毀

江中遊歷



水驛胡爲至令人診旅寬悠悠辭栗里泛泛認星餐老  
木常孤枕虛篷過閨門妻孥多病厄寇盜更崩奔撚箭  
無安席操刀廢舉鐫霜增涼月白江截亂峯翻蘆鳥如  
曾識哀笳不忍論六千餘道里一百幾烟墩獨語奚爲  
伴空林似是村招提看錫影石窟繫舟痕蠻唱風生籟  
沙洲竹拗根有時來釣叟何日離啼鴉兄弟家書遠金  
鉦骨骼存人形紛點詐土色帶煩冤老淚揮花木窮鄉  
念子孫乾坤愁自覺髮髮感誰思落葉辭龍浦歸鴻過  
單門至今八九載血淚夜中吞

上堯芳門南山

國朝詩的卷之一

河南

四

突然聞異象躡處轉迢遞日路存孤塔楓根見六朝繁  
華銷地脉今古剩江橋無盡談龍戰山山落暮潮

約僧

洗藥身邊事因知冬臘深一年巴路水萬里洛城心烽  
火熏邊微袈裟補石林同棲向瀘水經呪在空岑

東望

中嶽未相遠正懸亭子東翠嵐來牖震白髮出兵中間  
鶴憑天路靈簫送澗風宦途終不返寂寞此鴻濛

滄江

向曉開帆去人家盡掩扉窓陰懸網罟水色受薺薇

辭迎船洛鵲飢背雨飛丹行睡漸足不覺憺忘歸

思白下

回望三山渚江隅路不通高烽傳意外圓月在愁中岸  
濕飛花雨烟香禱廟風寥寥南與北生趣向誰同

安邑有懷

冷冷條山近紫霄餘風空自響刁調一川楊柳春還在  
百戰邨墟氣不銷池破藍花除怪獸塔垂天影過蒼鶻  
無情最是堯時月照盡重華照寂寥

白溝河

古木蕭蕭野岫空多年血戰起陰風公然一派西山水

國朝詩的卷之一

河南

五

流到沙塲便不同

過獅子營

黃霜淒緊捲平沙日暮營邊虎豹遮匹馬危橋孤客路  
破籬殘屋幾人家邪旂東折翻酸棗野塚荒沉起莫鴉  
顧影稍蘓寧郭近滿空雪浪打天涯

登高阜

立馬高原數去鴻遠心何暇賦幽通江湖半議兵戈事  
日月都歸髮髮中獨旅姑餘飛老燕幾家翁仲泣秋風  
英雄伊鬱懷千載無盡寒花寂寞紅

遊祖家別墅薛祭酒相邀

俯仰繁華過劫灰清明疑是夢中回私田半歲常無雨  
野路雙洲漫舉杯樓閣悠悠人幾換兵戈肅肅燕還來  
酣歌日莫天風起吹動桃花舊水隈

親友至答所問

又有閒官類馬曹爭如終日對蓬蒿蠹魚只會餐奇字  
秃管何須作友騷鄉社傳來無練甲土人封寄是溪毛  
先君墳上梨花落八載飄零一布袍

近望牛頭寺

漢西郊野望牛頭滾滾寒雲萬頃流鐘磬不開興敗事  
藤蘿猶挂古今秋人泛山氣低秦岫水帶軍聲別閬州

國朝詩的

卷之一

河南

六

割據雄圖憂後日夕陽無語下寒丘

寄吳興孝若

高雲漠漠遠天迷別後秋風夢雪溪鐵笛一聲江水綠  
教人惆悵月明西

恨病

繩牀枯木夢難成日曉俄然雨乍晴聞道城西調健馬  
臂鷹扶前過昌平

春日古林菴過吉祥寺

竹徑蕭疎日已昏古梅異代尚能存重欄欲鎖幽光住  
誰放香風出寺門

薛所蘊行屋樺庵河陽人

雜興

鬱鬱吾奚適登彼崇山阿四顧但茫然歲月同逝波浩  
哉廣武嘆英雄事若何未央生秋草露盤沈中河蕭條  
五原樹悲風日夜多

送陳琪華

紅日薄西山靄靄暮景臨之子遠別離涕下沾我襟別  
離亦常然何以懷思深所悉在歲晚相看白髮侵緬想  
芳盛年出入同華簪意氣堅金石栖息玉山岑相期翺  
廣漢鸞鳳有清音豈其時不與儀曜判升沉相彼塌翼  
國朝詩的 卷之一 河南 一  
烏託跡於喬林如何遠條楊而遽斧柯嗟浮雲浩南翔  
猿猿流哀吟河廣絕津筏驚風曠以雲耿耿憂同井井  
止商與參臨岐發長嘆寄意於瑤琴此曲難再彈沉慟  
摧中心

暑未退齋前瓜瓠方實一朝涼風驟至衰颯遽形  
愴焉有省

堦前種瓜瓠露雨泄其英累累實蕃衍幡幡綠蔓榮一  
朝感商飈蕭颯歛已萌因憶樹藝力愴茲萎卸情曜靈  
此飛轂繁華如流螢蟬蛸且矜羽木槿敷朝榮如何祿  
食子孳孳伺鷄鳴羨彼柴桑叟頽然不解醒

寄四弟問匡廬之勝

曾讀名山志匡廬久在胸吾弟守茲那應事倚南峰公  
餘人吏散信步踏芙蓉瀑布香爐下珠璣噴幾重洞口  
白鹿遊有無昔賢蹤漱玉冷開先三峽倒歸宗疊嶂高  
幾許虬松若箇客一一寫寄我用憊臥遊踪長安刺繡  
塵衰年萬事慵何時解組歸相携一杖筇

望北邙

歧子孟津野寓目邙山路邙山多培塿盡是古人墓長  
楊迷蔓草縱橫走狐兔紙錢無遺灰蒿風起日暮王侯  
與卿相一總押樵監

國朝詩約

卷之一

河南

八

浣花井

古有潘河縣栽花滿縣境爲政屏煩苛官閒暇亦靜世  
遠人滋遐問閭紛多警不見當年花尚留浣花井有列  
照寒泉對此長引領

晨征

中宵興旅館鷄鳴即長路仰見衆星白凌晨裏行露東  
霞升海隅西嶺漾朝霧塞雁正南翔游子方北度僕夫  
告況瘁而我胡馳騫王程阻且修簡書深所矐持祿甘  
行役寧辭齒髮暮三復榮子言願因葆貞固

又

匹夫矜疾視聖人貴守墨去勇而有強其強乃無敵水  
滴石能穿惟柔故莫屈近取譬一身舌存齒先折

又

燕昭黃金臺築之誠有意五百買馬骨樂毅千里至一  
舉下齊城破竹七十二用賢有成效斯理永不替徒令千  
載後緬懷昔人事無復覩遺址茫茫秋草翳

汴中曲

省帖昨日下午州府提取丁夫城汴土汴城土厚十丈餘  
云有昔人藏金所一日挖掘纔一尺乾糧用盡無氣力  
畧倚鐵鍬定喘息長官鞭扑風雨急長踦長官莫楚毒  
國朝詩約 卷之一 河南 九

掘出金銀將身贖熬得千辛與萬苦不見朱提只白骨

籠鳥行

太僕軒前紫竹籠籠中鳴鳥似悲翁東撲西跳無停咎  
憾不撞破樊籬之罅來飄飄飛去大荒東茫茫四海何  
涯淩鵬鵬舉翮動萬里饒自不乏玉山禾渴亦賸有寒  
泉水曲爲局促尺寸何低頭踴翅無權顧我來見之心  
竊悲咄嗟汝鳥始未思南山張羅且北施增繳匝地彈  
射奇不見鳴鵲鷹鵠當衢立汝飛何處棲羽翼

齊前隙地纔半席許童子藝豆頗茂客感賦

堦前隙地未盈席童子藝豆疏土力雷雨憤盈勢終生

芄芄有苗實穎粟婆娑豆苗能有幾得觀造化生物理  
幸無租吏到門呼縱弗多獲亦堪娛不見大河南北荒  
田連萬勝恐累征徭不敢耕

和憲王百醉

驚塵撼城敲虛牖太僕齋中同杯酒呼盧說劍任爾汝  
逸氣橫飛亂星斗墻頭何處過歌舞繚繞回梁風雨吼  
道是隣舍張華筵扣門覓醉三更後扣門剝啄聲太劇  
秩筵駭散客狂逸几席重設緝御忙當軒正坐呼大白  
大白翔飛鯨浪奔駝峰豹炙琥珀文一飲一斗嫌航窄  
直欲倒却金壘帶甕吞擊檀板考鼙鼓坎坎蹲踞交鷺  
國朝詩的 卷之一 河南

羽中有佳人公孫伍彷彿當年梨園譜高歌一闋南內  
曲衆賓回首紛雨泣此曲想見開元時鶴髮老翁心如  
失須臾航等更參錯雄談潤論天花落太傅古詞諸宮  
徵尚書詞賦感今昨廷尉嘉興薄秋雲問卿喜思溢寒  
廓尤憐白鬚老翰林敲詩得句向我頻百年聚散猶斯  
日四海哀角奈相尋少年休笑老翁狂得開且莫忘醉  
鄉古人繫鼎土中骨那堪睜眼問東皇鷄鳴夜色深濛  
濛街鼓息聲海光露主意殷勤客興闌不交一語騎馬  
去

魏酒行

昔日侯家擅釀名長安歡呼貴魏酒法自中山仙者傳  
人間麴蘖空盈缶釀時首須金莖露未央宮中傾盤注  
上苑瓊花香味殊貴嬪折送資醇耐深洞曲房三百石  
石石盛用銀爲飾白鬚貴人攬貂裘中宵三起遶槽丘  
醞成仙液如醍醐至尊喜動中宮趨日日金罍進供御  
六宮非此不爲娛當時公卿間一嘗民間聞名不聞香  
十年世態如反掌椒房承恩事忽往帝城無復故侯壚  
猶有侯門釀酒徒新開小肆近市廛一斤平沽廿餘錢  
貴賤何嘗渾如此銜杯欲飲淚潸然

堆雲橋

國朝詩的 卷之一 河南  
奇石堆何代堆雲尚有橋寒塘棲古水老樹認前朝  
鷄乘風度牛羊下橋牧臺遠后去烟雨但蕭蕭  
戒壇聽僧言感事

何地無興廢茲山事可論崩崖欹佛脚虛洞圻雲根世  
俗輕神鬼陰陽有旦昏老僧休浩歎但看古乾坤  
得四弟商州家信

遙傳兵火後殘郡萬山遙古木空庭見荒藤廢井懸漸  
回新雨露稍集舊人烟憶汝衙齋寂休吟棠棣篇

送汪千頃之衛源二首

送君何處去匹馬太行阿客路頻雲水秋天老薜蘿鐵

兵涼月迴牧野廢田多憑寄靈泉語人今兩鬢皓

又

客裏愁逢別况當秋早行西風落葉路涼雨故人情過  
去聞鴻雁到應采杜蘅兼葭水一曲爲問舊柴荆

立秋日

客路還如此西風又若何暮雲凝望遠霜髮入秋多野  
性悲花落流年與雁過遙憐河上屋煙浦晒漁蓑

秋日病中間居雜興

漢皇原廟肅音容十二高峰擁翠重一自地靈收王氣  
公然樵豎斫長松龍池冷浸秋菰晚馬羸愁看夜月封

國朝詩的

卷之一

河南

俯仰當年形勝地雄關依舊鎖層層

自晒

蕭蕭暑雨日偏長搗筦支頤內自商樗散元因無用貴  
官閒却爲有詩忙丹梯錦砌蓬山迥白石青崖海樹蒼  
堪笑如蛩老措大孤吟何事更他鄉

夢中有悔覺而枕上成詩

柯鄉烟雨晚蕭蕭欲睡高門隔斷橋彌望驚濤疊浪黑  
况當滑路蟻風驕錦堂聚客筵終罷火嶠凌寒燭亦銷  
萬事由來同寐覺何如歸去老漁樵

詠史

武陵勝事在西湖淥水紅樓入回圖桃柳蘓堤風的嫵

烟雲爲井月華敷但聞蟋蟀啾啾語疇計符魚急遞呼

宋社已墟歌榭罷半閒春草亦榛蕪

百二河山萬世基虎狼威動藝書時籌邊自恃襟長塞  
指鹿誰知血望夷陳涉一呼元制梃沛公三約豈繁詞  
當年若使周民隱不信關東有銳師

宣武門樓吹角

金天瑟瑟動涼颼城上高樓兩角悲三十年前聞色變  
如今只當等閒吹

彭而述 子篋馬峰鄧州人

國朝詩的

卷之一

河南

長沙雜咏

星沙古內城不知何王築翎甍如鐵石膠漆貫其腹中  
有殿五楹直與雲霄盡珠簾白玉階翡翠映華燭上已  
被褱晨寶琚照嶽麓戎騎捲江來王孫共魚肉紅顏不  
自保偷生草間宿一朝零落盡深宮聞鬼哭眼看睥睨  
平化作千家屋

邯鄲行 乙未仲秋騎馬邯鄲呼女郎余佐觴詢及

婦後與子陣沒再傳乃至此噫傷已然頃年來  
吳楚閩粵如此類亦復不少予爲挑燈記其事  
作邯鄲行贈獨  
悲一女子手哉

八月廿三邯鄲城秋風黃沙馬頭生邯鄲有女南城裏

蘭蓓欲吐朝霞明依違向我欲有言微見衣襟舊淚痕  
即當似屬不得意落葉滿庭坐黃昏爲問女郎年幾許  
爺娘更是某鄉土如何流轉值此中更向邯鄲學歌舞  
幾番欲說且逡巡着將姓字向人聞古來生女良足悲  
未詳本貫淚先垂吳頭楚尾是妾鄉南昌故郡傳家郎  
父母生我年十六等身剛與阿嫂長阿翁遠作嶺南客  
阿母深閨頭半白流蕪帳裏繡鴛鳳標梅未賦莫鴈闕  
將軍姓金名聲桓激變全由獬豸冠公然跋扈生割據  
欲將洪都抗長安洪都城內百萬家城頭半載聞吹笳  
猶記北兵破城日旌陽觀裏屍如麻惟有紅顏真薄命

國朝詩的

卷之一

河南

古

縱橫紫駝踏曉鏡曳紅拖綠無哭聲鼓角振入藍山磬  
將軍掠我入瑯屋手執乳酪傾一斛宴樂直入琵琶洲  
聞得長官喜殺戮嬌身隨營渡秦淮戈船又向廣陵開  
明眸暗濕青溜道娥眉浪捲天津來燕市十月大風雪  
賊妾馬上聲哽咽將軍言語類烏孫碧眼禿衿刀磨血  
對伊不敢念江鄉垂幕魂猶落豫章穿針學刺平壤靴  
纖手日作高麗裳雲中一旦干戈起債帥乃是姜家子  
河東澤潞黑雲橫上谷漁陽築戰壘長官奉命又出師  
手挽弧矢竟不歸阿兄賣妾狹斜巷倚門忍作青樓姬  
去冬轉徙邯鄲道香閣日把霞娥掃群娣勸餽梅花粧

涼州口授是阿媼南商北賈織如梭三河更是老兵多  
翡翠簾中春不住珊瑚枕畔淚成波愁埋愛無處所  
於邑此情共誰語臥榻盡是行路人平明上馬何足數  
劫來今日遇使君胡琴欲奏不敢聞倘得竊附紅拂去  
人間省得蕪小墳此言未已潛潛泣華袿珠襦一時濕  
醺醺滿貯金叵羅氣結魂消不能執君不見馮家小憐  
下鄴臺玉顏委地蘭蕙摧又不見洛陽草迷銅駝日羊  
后忽從趙驪來我聞玉河今兩岍桃花李花結成片不  
是越女便吳娃銷沉粉黛又何限又聞佳人出塞北駢  
駒盡是傾城色燒骨揚灰還戀土爾輩死猶在中國即

國朝詩的

卷之一

河南

五

別梅邨學士歌

我聞梅邨學士久大江之南洞庭藪在昔弱冠年經腹  
已便便金華殿上唱第一空濶萬里竟無敵何期造化  
窮百六乾坤流血九廟哭銅馬突入未央宮咸陽跳出  
秦關鹿是時吳郎年三十北望承明衣襟濕夢裏桑乾  
痛故宮一官忍換盧龍塞東方聖人彎弧射天狼玄黃  
重闢日月光招招干旌被九野鍾山豈容久臥者始傳  
使信到關中今見德林來鄰下吳郎騎馬不過西山頭

怕見天壽峰頭最愁衛霍宅第成荆棘蘭臺蕪穢馬  
廐側黑鷹怒目駱駝嗔近日南象亦不馴吳郎側身其  
中屢逡巡因此棲遲不得意襟袂欲作南歸計我謂吳  
郎古之賢達人龍蛇糾互埋其身君不見崔浩起北魏  
景畧定苻秦不妨忍辱救此中原民生爲宰相至死不  
肯書官爵許衡無乃太輕薄

### 過洞庭

湖南四載客今識洞庭君岸黑鴉成墨沙明鷺悞羣蛟  
龍還割據草樹此平分九派滔滔去春生極浦雲

國朝詩

卷之一

河南

其

絡通吳會風聲壯岳州適來不渡此如未向南遊

### 衡藩舊邸

征南將軍

又是悲秋日初筵動旅情若能爲楚舞何處得秦聲翠  
羽當軒媚紅粧耀甲明興亡成底事洒淚忽沾纓

### 粵西送別劉宓城時奉使北歸

故人逢異國幾醉越王臺使節蛟龍繞重陽風雨來蘆  
花江月吐鴈陣楚雲開却羨梁園客新從交趾回

### 自滇南移粵再過武岡與吳六吉太守話舊

黔中節鉞舊如何十四年中此再過風景不殊人更老  
江山無恙亂偏多一時草昧餘行在往日雲臺感逝波

異國金尊明月夜相逢莫惜醉顏酡

### 關嶺懷古

天限滇黔設此關卓刀泉下水潺潺殘碑草沒斜陽外  
戰壘雲深斷岸間後主乾坤留口角武侯功業盡征蠻  
可憐華夏三分土一去荊州竟不還

### 燕邸晤張燕明給諫話舊

春草葳蕤送馬蹄陸離長劍手親提帶星夜走青州路  
鳴鏑時聞濟水西十載離愁羸氏鹿一時倉猝祖生雞  
荒城猶憶淮揚月我去吳門君住齊

### 中牟遇培公話舊

國朝詩

卷之一

河南

七

亂後荒城只斷垣春星塵塵到清鎮夷門草覆侯羸里  
官渡沙鳴魏武魂萬里音書連歲隔百年親舊幾人存  
無端更憶南樓月老大傷心不忍言

### 八月十二夜南水寺

好月清樽喜勸酬兼逢客近中秋衣邊蟋蟀鳴蕭寺  
戶外蒹葭帶戍樓客夢連宵紫綦園征途明日入陳留  
兵戎到處勤飛輓况是宣房未報休

### 都門晤桑笈雲侍御時予久放公亦再謫

晨星遯莫感同遊客邸重逢十二秋馬首新霜臨易水  
中原殘夢憑教白苧翻歌板共拉青衫踏酒樓昨日東  
是并州

門戶已熱問誰更覓故秦侯

長安晤張譙明趙錦帆夜話有作

相逢莫厭酒盃頻共醉銅駝陌上塵亂後猶存天寶客  
詩名况是建安人秦珠海貝新豐市舞袖香車別院春  
往日園陵松栢盡可堪回首一沾巾

燕京晤趙錦帆投詩見慰率此奉答

招提佛火共寒宵病骨鄉思倍寂寥薄海甲兵全駐楚  
天家將相半生遼平沙古北烟沉塞積葉蘆溝雪滿橋  
萬國車書猶此日可堪聖世老漁樵

秋客長沙觸事有作

國朝詩約

卷之一

河南

文

書生枉自愧雕蟲躍馬揮戈感慨中鄢郢只今傳白起  
牂牁誰復繼唐蒙霜林乍墜深秋葉旅店初驚昨夜鴻  
况是辰陽多戰鼓隔江烽火照湘東

潞藩樓

望京樓上站飛鳶丹碧層霄知幾年羅綺都隨鼙鼓去  
金閨白日老狐眠

過約價口弔譚擬陶

鳳凰山上酒盈卮藍縷相逢草昧時藝苑飄零詞賦盡  
江山寂寞柳垂絲

衡藩邸酌將軍

夜半新粧出畫樓琵琶按部譜涼州衡陽怕有南來馬  
錯認笙歌醉故侯

天上歌喉掌上身梨園占斷幾回春大娘未死秦青在  
閱盡繁華是此人

鴈峰訪破門

荷興詰曲入芋眠怪有招提著樹巔萬箇簷簷新雨綠  
白雲一縷是茶烟

周令樹詩百中州人

百泉夜

國朝詩約

卷之一

河南

文

秋水芙蓉夜漁歌隔岸聞天流千頃碧月破萬峰雲楓  
樹鳴暗雨鴉聲噪落照樓船何處客蕭鼓動河濱

晚晴

晚涼聊獨坐無事閉關宜木屐聞聲處草蟲正響時殘  
雲歸岫急疎竹受風欹散髮成吾嬾飛花落杜詩

飲程箕山半野園

白眼綠樽學閉關仙原移向帝城間雨霏曲徑烟生展  
天接危樓青看山老樹光侵人影重幽窗坐送暮雲閒  
還知客邸三更夢定訪松筠踏月還

岳忠武廟

高秋古廟陣雲多血戰勤王事若何揚纛幾年鳴鐵騎



班師一夜弔銅駝  
盤盤老樹流青影  
雨歇長河捲白波  
痛飲黃龍成往事  
碑陰苔滿賀蘭歌

劉 概 岸先信陽人

居無屋

貧到今年雖也無  
一身潦倒任江湖  
乾坤許大難容我  
戢羽蘆葦羨鴈鳬

食無米

當年臥雪有袁安  
我更他鄉何處干  
豈是軍行伴減灶  
冰厨半日已烟寒

寢無牀

國朝詩約 卷之一 河南

七載江南每臥薪  
郵亭僧舍覓安身  
一龕繩榻烏啼夜  
暗雨隨風入戶頻

周亮工 減齋樣園祥符人

玉華洞

天階尋玉華  
風急雲飄颻  
忽墮坎窞躑躅魚  
龍背萬石縱復橫  
意如敵所愾  
頽然或自放  
偃蹇亦無配  
勉強錫嘉名  
意到形斯在  
古雲結不流  
溪聲高處碎  
一燈夢相扶  
聲光全憤憤  
真行更蘇武  
跛踣不可耐  
長揖謝遊人  
微裏多感慨  
安得煩五丁  
龍雷啓其脉  
劃然天地開  
爾我咸無礙  
朝暾照入埏  
陽和滿一槃  
夕月映花酣  
長

風吹大塊松枯白石間  
篠簜蒼巖內杳杳與冥冥有餘  
於進退乃知五嶽心不肯自掩  
曖悲哉陰翳見偏欲求其晦

客自秣陵至便與俱歸

君來殊有意只自促余歸  
小艇同花坐空山看鳥飛  
經灘閒注水過嶺勸添衣  
不若秦淮好相期守釣磯

初春得陳伯璣遠書細字千言難爲老眼

細書開夜靜燈影苦摩挲  
文字江鄉賤知交患難多  
貧堅新歲月老畏舊風波  
知爾勞勞意論詩自養疴

題龔半千半畝園

國朝詩約 卷之一 河南

於世殊無事經年合閉門  
白衣全墨汁烏几足花痕亂  
竹三更雨空山半畝園  
畏人常累足感激虎狼恩

清流雨中與客飲二首

冷暑閒於寺蕭條任客過  
甘蕉千疊雨明月一林波  
蟲響秋階淺山空旅夢多  
相期風月好同泛九龍渦

秋風吹不息行李去焉如  
小雨來佳客山城饌野蔬  
鶴聲千境遠菊影一燈疎  
獨憶峰巒外寒雲老敝廬

獨臥聽夢聲

靜裏歸計

靜裏歸計寒霜透薄衾  
萬山連夜雨獨客五更心  
鳥宿川光暮龍歸海氣森  
何當一枕上兀兀盡遙岑

龔半千移家

倦鳥無高翼卑飛又一林  
小心過逆旅大意失黃金  
硯亦移將破山猶入未深  
空聞買字者曲巷費追尋

寒食詩話樓感懷

禮滄浪居士上

高樓獨擁萬山前  
風展牙旗草色芊  
藥裹差隨刀共佩  
鄉書不與燧俱連  
天涯作客逢寒食  
馬上看花見杜鵑  
遺令未須頻禁火  
孤城此際半無烟

桃源縣答宋去損卓初荔

舊聞淮水來桐柏  
清濁平看晝夜流  
斷岸數家孤似鳥  
長河一縣冷如秋  
深燈苦照初爲客  
襍被難安不定舟  
國朝詩的卷之一 河南 三

莫使風霜增旅病  
狂瀾靜處有輕鷗

從山後倒入無想寺與僧惺悟

陰森括柏迷無路  
倒聽鐘鳴有佛場  
欲踏高巖看石白  
休捫古碣話蕭梁  
微塵響滴千山雨  
破衲新縫九月霜  
莫指寒花留客宿  
暮雲哀豎易心傷

江行雜感

逐客江干夜寂寥  
無端鐵笛起中宵  
深秋梁苑新沙磧  
明月清溪舊板橋  
萬里夢回千嶂雨  
一帆風動五更潮  
草堂空有農書在  
桑柘如今盡已彫

茲受吳公至以令子漢槎累將徙塞外

吳家桂樹鬱芳叢  
荒景因留作寓公  
祗讀誰能容爾老  
屠龍枉自教兒工  
殘書濁酒西曹雪  
撲被黃沙絕塞風  
莫憶松陵烟月好  
管寧白帽舊遼東

岑峯示永覺和尚

曲澗幽溝落木稀  
高凌絕磴款禪扉  
長空雲捲潮平接  
下界風迴雨倒飛  
故里書難來雁足  
勞人身合老漁磯  
七年踐盡千峯約  
底事炎方不肯歸

滄波淼淼澹秋雲  
遙拍螺鬟逐嶺分  
萬磴松筠開岫月  
半天鐘磬落溪雲  
閒看老衲心無外  
悔到深山意倍紛  
欲滌塵襟參妙偈  
泉聲未許靜中間

國朝詩的卷之一 河南

仙霞關

高嶺應知與帝通  
雲流一綫日曛曛  
荒亭坐佛空泉裏  
薄板肩人細雨中  
岩下茶紅燒竹賤  
峒邊屋漏補茅工  
蠻鄉但有猿啼苦  
莫向秋風更認鴻

御溝橋櫻桃

長安俠少舊金吾  
立馬瑤頭自彈烏  
無數銀丸都發盡

隔林亂打紫珊瑚

崔干城

克床寧陵人

送趙完壁游秦輿

五十餘年邗之許  
青山青眼隔江語  
白雁飛飛黃蘆乾

莎鷄叫月還振羽分付西風洗釣磯蒼雷紫電驅秋雨  
歌鍾安得聒漁竿子歸來今自上處方外嵩山容易逢  
海澨伊誰逢唐舉

秋日文選樓再晤鄧孝威賦贈

郎少名山約安能問道歸久翫慚托鉢惟子念無衣夜  
月申前夢秋風報合圍兵間護風雅此日更誰依  
白日蜀岡瘦黃河木葉稀吾謀適不用世事休言非緱  
嶺笙誰奏遼東帽未歸天寒勞注念辛苦薜蘿衣

西山同岑梵則王說作陳喬生梁藥亭陳元孝雅集  
高望公客齋賦

國朝詩的 卷之一

河南

話

青山野水各棲遲亂世相逢喜復悲地似新亭留草色  
心隨皓月向天涯尊前雨氣侵高堞原上秋風弔古祠  
白首壯懷消已盡誰家明月夜吹簫

劉佐臨 與袁永城人

縣居詩

斗城盡瓦礫無菜可生花草木辜春意鬚眉負歲華故  
園總水新築傍漁家河上翁相念遙遙柳浪斜

漢高勲勦處舊事已荒涼王業還塵土功臣負戰場地  
愁兵火賸人怕鳥弓傷父母難爲意相將淚幾行

劉壯國 幼功永城人

冬日夜坐

何物敗人意紛紛俗吏聲乾坤供醉眼歲月老孤城白  
髮無高韻青衫傲世情苦吟時坐夜常徹縣樓更

魏敏祺 用熙夏邑人

貓鼠歎

古禮載迎貓爲其食田鼠田鼠黃夜入人家噉盡倉箱  
并機杼所賴貓有齒如鋸鼠子猶然成畏阻何其歲入  
龍朔年三物公然來同處或鼠大如狗或鼠如兔巨黠  
者與壯者伏奸目如炬亦有鼯與鼯託貓爲心脅既與  
同起臥無時不耳語嗟哉此二物遂如鴛與鴦

國朝詩的 卷之一

河南

畫

閩宋史文李真州時有感于金沙周仲子事

庭芝貞烈士文山忠義臣假使文山死真州後世更知  
爲何人由來國家多黨禍右者袒右左袒左哀哉金沙  
周仲子題借遂使身名墮借題殺人何足計所歎君子  
不自厲設令當年同皎日縱有風霾安能蔽自從仲子  
遭薄饒天下名士無顏色寄語後來修名者莫效後人  
三太息

丁象煒 原道鄆州人

大風玉璽歌

順治十七年富陽典史孫某者解州  
通高郵有光夜燭于湖濱榜人跡之  
得玉璽方四寸六分蓋龍紐其文漢高帝  
大風歌也十二月臘獻于朝作大風玉璽歌

赤帝之精內府璧天荒地老有人識寶氣靈威撼辭門  
蒼虬赤鯉驚魂魄猶記秦郵水倒流舟人震懼據船頭  
忽驚鐵網得異物轉訝螭紐綿春秋長年駭顧顏色變  
小吏傳呼非近見雕紋細髮聳盤龍爪鱗鼓動玄黃戰  
熟視乃識斬蛇人內史特紀彭城宴其書與與岫巘同  
李斯程邈奚所羨嗟哉此璽稱神工咸陽匠石誰磨礪  
論價真欲比和氏吐氣還能貫白虹至今湮沈二千載  
禹鼎還搜泗水中却憶真人履天位太公曾擁迎門簪  
鑾輿警蹕出函關左肅不同馬上治關內諸侯除路塵  
沛中父老清鹽地忽然拔地變陰陽商歌踴厲聲飛揚  
國朝詩的 卷之一 河南 三

粵東舟中寄懷鄉友

荒門山雨暗春烟此別無須記往年去國暫掛隨興酒  
逢人猶傍載書船曾經鸚武灘頭路誰慣梅花嶺外天  
寄語曉鶯聲漫切夢回新綠濕桑田

李士端 無顏暮卷汝陽人

昌黎淮西碑

偉矣韓公筆千春壯汝隈論功推介胄建義首鹽梅天  
子能宸斷將軍始夜來當年沽且哺歡笑總如雷

許宸 菊籬內鄉人

鄧元昭招飲萬竹園即事

絕勝簞簞谷尊開趁晚涼瘦筇穿逕綠朗月蘸波黃秋  
嫩蛩多力身閒履不荒群鷗無所事汀際自成行

七夕同唐祖命丁漢公諸子夜集得橋字

落拓身名酒一瓢伯倫荷鍾事非遥青山約畧歸枯杖  
國朝詩的 卷之一 河南 七

白月依稀入洞簫江路升航驚戰伐天涯賓從滿亭橋  
開樽試倚穿針夜不道銷魂果六朝

鄭廉 介夫石廊南丘人

造輿

噫嘻漆園叟身視世蜉蝣微笑謝楚人不肯爲犧牛以  
茲全其真得與造物游辟彼鴻真真增繳焉所求莊生  
乎莊犖犖大人流我今讀其書猶可醫窮愁

鄭五雖恢諧頗亦多才智觀其論黃巢誠有如兒戲卒  
能安封域四野無烽燧及其去平章脫然履斯乘有唐  
諸君子每爲浮名累安得歇後公常居台閣位

胡延年 荅恒光州人

過綠波樓懷張助甫先生

元音既邈幸登堂仰止伊人水一方波湧層樓吞汝蔡  
文追大曆藐齊梁談兵廣武風生座縱酒餉陽禽作床  
生不同時今學步碧雲一望總汪洋

劉廷傳 惟中潁州人

醉中憶梁園

我昔醉梁園詞賦亦雄哉意氣藐王侯一傾三百杯白  
月出滄波不照謫仙才振衣發長嘯扁舟短簑迴梁鴻  
入會稽蕭陵臥釣臺古人一以遠而使我心哀把酒望  
國朝詩 卷之一 河南

長林穩光西北來頽然松樹下衣袖雜莓苔

無題三首 選一

婉約風流迥出羣移商換羽繞梁新自矜顏色如花好  
墮馬鳴蟬不讓人

趙賓 錦帆陽武人

雜興

匣中蓄寶劍傳是古干將七星錯北斗陸離燦文章揮  
之雷電走佩之魑魅藏神物工變化陰雨四翺翔什襲  
置重室夜夜吐光芒世無張司空紫氣徒傍徨  
青樓臨大道朱闌出半天上有燕趙女碧紗隔輕烟高

山鳴玉軫白雪吟錦箋門前車馬客流盼自生妍千金  
買一笑朝食費萬錢豈無糟糠婦契濶動經年椎布廢  
膏沐塵土老朱顏

我歸自關西驅馬北邙山山上貴人墳縱橫盡成田上  
有樵牧歌下有狐狸眠翁仲纏蔓草蟲負幕寒烟斯人  
昔未沒出入帝王前片言能死人隻手可障天寧知千  
百載零落草壤間

燕市逢張垣公

百戰餘殘淚關河刺此身相逢歌舞地同是亂離人宮  
闕烟雲古衣冠意氣新樵門偕隱處泉石有經綸

國朝詩 卷之一 河南

大梁

腥雲宿莽匝城牆鬼火宵明古戰場邸第樓臺纏野蔓  
中原蕭鼓斷斜陽玉魚畫出麒麟塚紫燕春迷玳瑁堂  
漫遣東風吹御柳隋隄梁苑死總荒涼

丁啟相 山來永城人

夏邑感懷

水落荒城徑欲迷蕭條行色入寒溪門前忽盡先生柳  
時以宋郡柳四郭外驚傳甄子隄時增禁外且喜天心  
十萬東濟排源郭外驚傳甄子隄郭七丈  
銷戰伐何妨民力釋耕犁年來慣見桃花浪竹枝如雲  
下濁泥

張大復 郭夫子邨夏邑人

邨邨道上

武安北上拱神京  
嶽色遙臨紫氣橫  
公子平原稱好客  
將軍馬服舊知名  
人家禾黍叢臺驛  
古國風烟葛藟城  
欲借秋鴻勞問訊  
黃梁一夢愧盧生

傅振商 君而星垣汝寧人

鳳縣偶成

斗削孤城背日開  
翠微遙帶白雲隈  
倒磻山勢排天迥  
西折江聲捲地迴  
問世我非歌鳳客  
濟時誰是臥龍才  
凭高忽起鄉關思  
無意征笳馬上催

國朝詩的

卷之一

河南

三

度鳳嶺

羊腸鳥道入雲橫  
盤薄藤蘿擁傳行  
萬壑霧深銀海白  
九霄日近綵霞明  
群峰遙向岷江送  
王氣平分天漢迎  
此去南臨傳諭蜀  
好憑山色送孤征

田子隆 杞南 商丘人

送春

百計留春春不住  
風狂雨驟失芳菲  
數回酒罷添愁眼  
一字詩成減帶圍  
有恨楊花牽獨夢  
無情芳草暗斜暉  
明年細路新泥外  
目斷遙天待汝歸

張含章 豐村中州人

題錢夫人陳書畫鷹歌

白頭墨綬東海翁  
錢生貽將畫一紙  
展向空堂毛髮寒  
謾謾松風透眸子  
初疑鬼物中憑陵  
松間突起雌雄鷹  
清霜陡戒詭慄疾  
綠鞵未上勢拳騰  
羽族遁藏老狐泣  
虎攫蛟拏相對立  
巫閭片片墮黃雲  
雨血風毛恣搏擊  
老夫舌橋不敢下  
錢生謂余閨閣寫  
轉驚此意顏頰紅  
半响唏噓淚盈把  
烏臺白簡人側目  
從此鬚眉讓巾幗

國朝詩的河南目錄

卷之二

侯方域	九首	賈開宗	二首	周在浚	十三首
周在建	六首	宋 肇	十八首	湯 斌	三首
宋 炘	二首	宋 炘	三首	張縉彥	三首
任 楓	二首	王無回	一首	王無忝	三首
王無咎	四首	王遵訓	一首	王無荒	一首
王無逸	一首	段維袞	四首	陳希稷	三首
鄧廷羅	三首	田作澤	二首	李嵩陽	二首
趙 賓	一首	王 瓏	十四首	張文光	十首
萬邦榮	三首	彭始搏	四首	彭始慎	一首
彭始齋	一首	葉 溪	三首	宋 致	三首
呂謙恒	一首	呂復恒	七首	朱懷樸	二首
王紫綬	二首	李 鴻	五首	張 宰	二首
許作梅	一首	徐作肅	一首	周在廷	八首

國朝詩的卷之二

長沙陶 煊奉長選

同里張 燦豈石同輯

河南

侯方域 朝宗商丘人

詠懷

種穀城西邨夜出邨西道聚落生炊烟塲稼互收保明月照荒原零露寒宿草啾啾震黃鵠化為白頭老似言疇昔聞涕淚洒清昊戰伐三十年常思太平好

羗本名家子雅志好詩書傑材傲棟梁美器重璫瓊泰

國朝詩的卷之二 河南

皇尚武畧卿相皆吏胥兩生相窩議坑者四百餘儒若敝帚瓠落為散榜赴赴少年兒紛紛乘高車生無待臂安起視但歛歔

晚登君山大風

返照登君山下視江千里大風捲潮來衝波波立起日淡鯀眼紅水深龍宮紫有客吹簫笛一聲玄雲駛再吹老魅愁三吹新鬼喜庶幾戰死魂叫出沈江底

陽羨歌答陳生也 其年

陽羨烟雲如青霽其中舊有湖海客自言高臥三十年不肯下樓問今昔君不見北海才名當盛時區區爾爾

真小兒正使鸚鵡解人語焉知元龍是我師曾登銅雀  
臺十里柳花似雪芙蓉紫淖水東流鄴宮盡人生變態  
亦如此黃塵不到高樓中中原回首起悲風我穿麻鞋  
再一至衰顏羞映珠槽紅四座狂呼一斗酒更脫皂帽  
爲君舞當今惟有孟公家投轄留賓出館娃頽然那遽  
短豪氣峯頭仰視星河斜君不見大梁侯生遊吳越霜  
吹兩鬢侵馬骨人生相見如參商細記壬辰冬十月

山行即事

幸著登山履烟霞入望踈崩崖流水逕陶穴土人居口  
抱群峰入天開萬壑虛霜林秋色老客子意何如

國朝詩的

卷之二

河南

二

中秋

明月中秋夜清光客恨俱不煩窺綺席好爲徹過隅礎  
杵衣裳隔關河戎馬迂漁陽年少子安穩讓山隴

寄李舍人雯

金陵門外昔同遊歸去衰遲有故丘六季春城喧野雀  
二山雲氣黯江樓嵇康辭吏非關懶張翰思鄉不爲秋  
最是月明照顏色平蕪烟雨使人愁

春興

河源星宿自崑崙春漲桃花夾呀渾龍蜃難馴歸故道  
犀牛何事刻新痕子來踈鑿關輪輓因計耕桑重本根

願使三農更四載力驅洪水莫東奔

新霑雨露足深春麟閣丹青自有人碧酒凝寒濃似酪  
宮衣勝體白如銀蒼生問渡饒舟楫赤帝揮蛟佐羽鱗  
黃綺由來無壯略商於枉却避微輪

賈開宗 詩于商丘人

卓烈婦

睢陽鬚眉今已矣南雷鐵骨不可起天地正氣付阿誰  
茲道如今寄簪珥黑雲黃塵動地來千家野哭城欲圯  
夫妻相向暮烟頽一笑凝睇豈惜死夜靜不聞兒女啼  
芳蘭萎謝金閨裏君不見蔡琰昔日胡笳行馬上嬌癡  
國朝詩的 卷之二 河南 三

過淮浦

已棄君平業猶來問舊閭依然流水岸尚有故人居事  
業雙杯酒行藏數卷書并州已十載客興復何如

周在浚 雪客 詩於人

書懷

白日忽無色秋雲易作雨風過鈴鐸喧斜陽在高樹客  
病祇自傷客愁誰可語悠悠世上人生乃與喻伍

銅雀臺



莫羨生時樂還分死後香  
霸圖歸晉主歌妓侍新王  
纔春風拂銅臺曉月涼空留一片千古傍清漳

早春雨中王安節過話

寂寂局雙戶衝泥喜客過  
凝寒春事少窮巷雨聲多  
促膝圍殘火談詩起宿疴  
此宵不易得慎勿說干戈

秋月

夜月淒涼甚秋來倍愴神  
偏侵羈客榻獨照倚樓人  
積冷寒光透窗虛素影親  
亭前風露滿老樹影橫陳

秋鴻

北地霜威重南飛天地寬  
入雲翻暮雨帶月叫新寒  
影因朝詩的卷之二 河南 四

秋寺

古殿鎖荒苔蕭條半艸萊  
寒雲凝佛火落葉覆經臺  
雨過秋偏早鐘殘門未開  
老僧持不借何處看山回

秋寒

霜風悲絕塞八月草先枯  
落日鳴笳管荒山走兎狐  
馬嘶鄉路遠雲靜雁行孤  
却憶閨中婦寒衣寄有無

宿山中小閣

萬峰當小閣開牖看雲歸  
月正懸松頂秋先到客衣  
嶺猿啼不歇野鳥宿還飛  
不必歌招隱幽人獨掩扉

將歸青齊先送雲巖兄返大梁

太行南接黃河岍一片帆歸古汴州  
欲去空勞親串望將歸翻使弟兄愁  
亂雲磧裡驅羸馬落日城邊擁敝裘  
歎惜故園多難後洪濤又說決商丘

寄懷馮青門次龍客弟韻

斜風細雨渡江舟乘興揚州復汴州  
歲暮書曾來雁足春來誰與醉壚頭  
寒梅欲綻飛官閣新釀初嘗聚小樓  
兩地相思魂夢遠那堪雪浪打西洲

梅花用陳涉江先生韻

戶外烟霞自卷舒衆香國裏結吾廬  
擎枝月下聞調鶴國朝詩的卷之二 河南 五

顧影窗前獨枕書十畝全開真爛熳  
孤亭一樹亦蕭疎空慚幾載山中約  
到處相看總不如

籬外橋邊景自新畸懷獨與爾相親  
一尊記放西湖棹雙履同尋南郭春  
香散空林迷遠近影分澹月倍精神

莫言顏色矜桃李美爾清寒獨映人

閉戶終年讀道書花開始識歲將除  
孤燈冷焰清看汝好月疎風靜對予  
驛路折來幽思遠膽瓶插處夜窗虛  
半神只合藏姑射玉骨峻嶒態有餘

周在建 榕客祥符人

舟中望攝山懷白雲老人

望裏栖霞近懷人我獨愁舟搖孤客夢雁叫一江秋勝  
地堪棲隱名山得臥遊空憐黃葉約數載未能酬

牛首次黃自先別駕壁上韵

何處登臨勝清秋天闕間半林黃葉路一帶夕陽山帆  
迴江仍靜雲歸袖更閒此中宜對月梯好不須攀

傍晚沙洲靜輕舟慰寂寥江聲連鼓角山影認金焦露  
氣衣全濕漁燈燭未消忽逢明月上遙見海門潮一作潮州

登燕子磯

登臨恰喜雨初晴遠眺誰教百感生四野雲歸烟景潤  
一天風靜海潮平逢人俱是看山客時遇元載酒誰深

國朝詩的 卷之二

河南

六

吊古情最是不堪江上雁數行嘹唳寫秋聲

與胡元潤

曲徑柴門日日關客來只似住深山春生薜荔風千折  
秋冷梧桐月一彎妙畫遠遊奇乃得新詩近老艷常刪  
當年故友多寥落喜見完夫鬢未斑

登鷄鳴寺望後湖

千頃澄波開曉霧一聲冷磬出寒烟鷄鳴不向青山震  
春色還看綠水邊羅綺香留歌舞地杏花紅映打魚船  
六朝往事憑誰話只愛江南二月天

宋 竿 牧仲商丘人

舟泊天門登梁山

水宿苦滌澗維舟步江潯天門劃然開並峙雄千古梁

山岩壑幽突兀若廊廡穿雲一徑遙林薄靄春煦峰腰

棠棣繁稠側朱櫻嫵芬菲表雜花揉擷欣儔伍峻嶒殿

閣懸飛梯裊相柱登臨力屢疲嘯傲氣還鼓乘風凌絕

巔浩蕩江天俯博望名山咫尺間嵐影晴吞吐題詩憶謫

仙斯人選難覩日暮憺忘歸漁歌發烟浦

舟下十八灘用林澹亭戶部遊南華寺韵

章貢此交流水勢驚千變虎牙激奔濤未許褰裳踐鼓  
擢念乘危亭午忘朝膳盤旋百折遙象馬瞿塘見搖搖

國朝詩的 卷之二

河南

七

三板船遠下疾於箭青山兩岬佳咫尺不及盼長年倚

舵樓目注心還戰羨彼水上鷗容與隨風便纔經洄洑

艱又逐嶮崎轉楓林送啼鵲沙渚窺野艇暮過惶恐灘

漸觀江如練蘋藻薦文山斜月浮波面

登廢城

荒城亘數里形勢自森布秋草碧參差閒雲莽回互停  
車陟其巔披榛得徐步白日忽西馳乾坤入薄暮行潦  
接洪流歸人喧野渡遠邨蚤穫收近岸寒鴉聚縱覽感  
孤懷含悽倚獨樹往者全盛日茲城稱虎踞城中十萬  
家歌舞不知數狂寇來縱橫蹂躪失險固燐火照郊原

通衢走佩兒回頭市井間人烟已非故妻京二十年幹  
止猶未賦暫此息鼓輦遙天看飛鷺

盤山詩三首 選一

朝望白雲來暮移青松歸石逕屢延佇余情實依依返  
景帶山谷夕磬響巖扉弄泉聊盥漱寒色上人衣道逢  
八十翁談笑共忘機此中事事佳豈獨娛清淨退尋入  
邨舍燈下編蝠飛賦詩興不淺濁酒盃堪揮五更望殘  
月流光破煙霏倚馬語童僕我心仍翠微

雪中登滕王閣次多玉若孝廉韻

章江西望山爲界風急奔濤響研雪中登閣信一奇  
國朝詩內 卷之二 河南 人

水濶雲深迷九派昔年僅過石亭寺未訪滕王恆介介  
去來持節繼間公天畔寒衣意良快琅邪吟魂儼可招  
俗韻荒欄掃纖芥歌舞已散野鷺留畫棟朱簾幾成敗  
徒倚看雪雪愈狂那許羈人堅酒戒臨風悵悵覓遺編  
斷碣消沉失倒薤薄暮蒲颿駛如馬南浦蒼茫去疑隘  
逢逢鼙鼓何處鳴震起魚龍驚百怪新詩題壁得未曾  
讀罷真成爪爬疥翳余微尚契雲山擬駕籃輿謝機械  
匡廬面目霽後看次第閒吟償夙債

送羅飯牛人廬山歌

予以收爲名我以牧爲字二牧生平偶不同各於詩畫

有深寄我詩苦吟四十年得小三昧嗟華顛子亦行年  
平七十一生供養惟雲烟昨於北蘭寺中烟江疊嶂堂  
見子所作烟江疊嶂畫壁纔數尺意興何瀟灑一掩  
一重出肺腑約略茅亭總光怪猶云此水石規摹董巨  
而爲之更有粉本迥出董巨外匡廬五老崢嶸霄漢皆  
吾師子携畫筆往我寫詩篇送如渾之酒壯子行何惜  
傾倒畢卓甕酒酣一棹浮章江恰值梅雨初晴山鳥啼  
舟泊老鵲口與丘曙戒登岍小飲

曲港危檣密空江落日圓故人初邂逅野岸共留連笋  
摘新蘭嫩魚烹小鯽鮮村醪容易醉好傍白鷗眠

國朝詩內 卷之二 河南

雨中同友人過松濤庵小飲

共有尋幽興招提冒雨過雲飛深院靜松響暮山多古  
殿聞 清磬芳樽對碧蘿莫愁歸路滑吾欲卧巖阿

山店用沈繹堂太史壁間韵

策馬來山店臨風坐酒家輕陰槐漸葉香遠麥初花赤  
日空林外黃塵古道賒西壩無恙在秋水憶蒹葭

遊聖泉 泉在密雲山下

雨急亂波光城闌入渺茫最憐鷗鷺喜倍覺芰荷香豆  
莢分僧鉢菱歌度講堂緯蕭無限好惆悵水雲鄉 余有

緯蕭草堂

纂纂沿墻東垂垂滿架瓜僧閒勤種植村小護雲沙舊  
雨掀髯失人憶悔新愁對酒加衝泥歸路晚任笑接離斜

虎丘看玉蘭

花光滿幽谷苔色映高墻細雨一來洒空山不斷香佳  
人曾對舞用楊太初地任持觴七字天隨句風流獨擅

場

秋日赤壁公譙用徐亦史令君韵

飛蓋真成爛熳遊孤亭如笠俯黃州褰衣盡有滄洲興  
對酒寧無白雪謳斷岸霜風吹草樹寒江烟雨東鳬鷗  
中宵漸吐東山月揮手還登百尺樓

國朝詩約卷之二 河南

十

綠牡丹

異種遙分洛下春青霞碧水鬪精神香傳羅逕花難辨  
葢映蕉牕色并新翠被鄂君元獨擁黛眉西子正宜顰  
何當倒掛來么鳳點綴風光殺雨辰

喜彭躬菴處士過訪即席賦贈兼送往江南

千仞金精不可攀荷衣今喜接江關林巒採藥文章老  
湖海盟鷗歲月閒暮雨清樽留顙石春風孤棹過廬山  
南中耆舊凋零甚誰與天涯數往還

白鸚鵡

奇禽寧並隴頭看南海携來雪色寒珠樹流音藏縞袂

雕籠刷羽側黃冠殷勤妃子呼嬾舊刻畫王維作賦難  
鎮日依然紅豆飼誰教言語凭朱闌舊爲亡妾  
薛嬾所養

題畫爲王阮亭

稻穫荻花殘空江橫舴艋蟹舍無人柴門夕陽冷

邯鄲道上

邯鄲道上起秋聲古木荒祠野潦清多少往來名利客  
滿身塵土拜盧生

湯斌孔伯荆晚陽人

東林僧舍

參差怪石均禪扉萬仞羣峯帶落暉碧磬泠泠數磬響  
國朝詩約卷之二 河南 十一  
白雲縹緲一僧歸閒從苔壁識殘緇靜愛風泉坐釣  
磯五老青牛烟嶂外明年策杖莫相違

飲張爾成少叅署中

高齋竹栢洞聲殘促席停杯興未闌千里風塵驚短鬢  
十年供奉憶同官霜深衛水雲帆出雪滿天雄玉塵寒  
北斗共瞻新氣象故人幾許在長安

贈湖州吳太守蘭次

仙郎起草最知名幾載褰帷雪上行按部雨餘香稻晚  
課農花發曉雲輕南宮書畫添新譜李相亭臺續舊盟  
聞道賓朋常滿座清尊真見古人情

宋 介 介山商丘人

識舟亭秋眺

空庭客眺望秋色正堪憐峭壁鳴丹葉孤鴻下碧天千峰窗裏盡萬櫓鏡中旋極目鄉關杳蒼波起暮烟

周泰茂招同雪上人南湖泛舟

輕帆移向小橋邊多少遊人看画船烽燧驚傳離亂候笙歌猶似太平年山僧得句頻呼酒老將酣歌自扣舷更有南樓佳興在許邀明月醉林泉

宋 斫 千畝商丘人

沙溝驛

國朝詩的 卷之二 河南

遠村野水明古驛臨山道落日下平岡天風吹白草

月夜同秦以御曹正子謝方山齋中賞菊

二年離別暫時同把酒空庭對菊叢滿地霜華同白晝不知身在月明中

謝公宅

魚妬清波鳥妬妍山無知已不相憐君詩寫得青山貌

賒與青山當面錢

張縉彦 坦公大隱新鄉人

梳粧樓

崩臺崑崙湖水東何年層樓吹高風相傳遼后梳粧處

梳粧纔罷舊臺空憶昔此樓當盛時繡楣彫拱冒游絲金尊玉壘歌鐘起夜夜昭陽紫袖垂樓上傳呼喚樓下深花行酒人不知一日臺傾樓不保亂石嗟岬生百草鴉鴉盡鳴橐駝來白蒿迷離松杉倒碧眼番僧愛地形石塔凌空知幾層鳴鑣驅鬼鬼夜哭白駒飛馳人代速從來堂構不足雄有德則守否則傾君不見未央殿華清宮原上秋風禾黍中

靜聽寺

西北群峯合悠然過石扉寒崖荒竹倚落日野鷺飛僧定人踪絕秋深樹色歸所思終不見雲臥一沾衣

國朝詩的 卷之二 河南

隆恩寺

山形相錯出野老獲新秔有客隨雲至當門秋草生古龕填石寶坼岸隱援聲映色孤筇外淙淙澗雨鳴

任 楓 水菴汝州人

小孤山

鏡骨不可沒突然自茲起中流柱嶙峋窈窕青無已迥性絕攀援亦不爲類倚寧須學大孤各能具端委灝灝彭澤濱住櫂欽高理日月噓岑光乾坤照江水

幾年泉石意慷慨此登臨嵐氣苞千嶂霜風落萬林眼中前代寺亂後老僧心誰識深山裏浮雲自古今

風穴手

王無回 綠督孟津人

龍門山洞讀書感懷

學書學劍傍山輝  
幾處山輝落翠微  
得意班鳩鳴早樹  
趨時啞虎過春扉  
桃花昨日窺銅馬  
龍洞多年響鐵衣  
兵後幸留烟水在  
好將清夢穩漁磯

王無忝 爾迪風夜孟津人

憶去龍同八弟登岱嶽因語弟

太秋秋八月與爾有山緣  
放眼開齊域穿雲入魯天  
峰從脚下落日向杖頭懸  
壁上多書篆模糊不記年

過潼關

國朝詩的

卷之二

河南

十四

關門之上古城樓  
弔古當年淚欲流  
山導黃河分豫野  
人隨白月到秦州  
華陰廟裏風吹樹  
灞水橋邊雁叫秋  
遙望三峰最高處  
欲同毛女掃丹丘

春日感洛陽故宮

洛陽城裏遇春風  
細逐飛花遶故宮  
翡翠池連芳草綠  
杜鵑血襯海棠紅  
當年歌舞留殘瓦  
此日葳蕤鎖暮蟲  
自是人隨蝴蝶去  
傷心獨向月明中

王無咎 蕭茅孟津人

城南小園先文安公所構別業也昔爲予讀書地

每一經遊不勝感歎

一望金陵萬事非  
千重古木尚依依  
馬蹄舊識烏衣巷  
雉堞平分赤石磯  
曲逕有橋通積水  
荒苔無地駐斜暉  
只今閒啄瓜藤下  
猶記囊詩待父歸

贈劔叟 并序

叟昔爲堯源令先母太夫人從先文安公北行  
殉于其地爰爲其親首醵以金不受後爲僧丁  
西訪于金陵追述  
昔誼故有此贈

幾時解組向空門  
刻草拈花且勿論  
似海已超三劫苦  
如山難報十年恩  
石橋眠月依孤寺  
竹杖挑雲過遠邨  
今日相逢淒斷處  
兩人回首是桃源

棲霞

國朝詩的

卷之二

河南

十四

疊嶂花臺紫翠封  
到門忽聽遠山鐘  
迎人紅葉千重樹  
抱寺蒼巖一徑松  
絕壁風雲趨衆壑  
大江日月走中峰  
振衣頂上霞光滿  
真見茅君五色龍

赤壁懷古

憑弔蘇公慷慨多  
時宜不合奈余何  
嘯歌今古同樽酒  
俯仰乾坤有尉羅  
廣漢秋風驅鴈鴒  
大江明月釣鼉鼉  
摩娑兩賦偏生淚  
也許窮途阮籍過

王遵訓 信初西華人

登伊闕慈枕漱亭

崇崖自昔鑿鴻濛  
伊水始與洛水通  
懷襄昏墊導何從

萬載寧忘開闢功傳聞神禹來六龍驅雷逐電遊穹隆  
疏淪所施將安窮劃然分割真鬼工何年奇蹟極雕鏤  
大佛小佛盡嵌空諸天法像初無庸疑使蛟影生敬恭  
洞天一徑烟蘿中踏閣攀林駐玉驄解衣盤礴乘天風  
兩山對峙水溶溶不羨千峰與萬峰

王無荒

孟津人

江夜

霜天漠漠水無聲水上船燈夜不明塞鴈初隨黃葉到  
秋心頻向故園生真箇往日曾加賦吳楚今年暫罷兵  
何事沙鷗驚復起月光深處是江城

國朝詩約

卷之二

河南

二

王無逸

孟津人

崔堂懷古

銅雀臺臨漳水邊朝朝臺畔起寒烟珠簾異代理荒草  
錦纜斜陽挂野田在昔英雄餘戰伐只今歌舞剩山川  
月明不解興亡事猶放清輝照往年

段維衮

雪庵用岩濟源人

同萬上人漢江溯沔縣舟中作

兩山夾一水川流光若練人烟湊其旁區分即鄉縣物  
類自相親不啻桑田變笑問渡杯人彼岸云何見  
烏龍深不測白馬怒奔號急湍方噴薄不能濕鴻毛容

與下津口遙望疑飛艘一羽竟何知龍象又多勞德輔  
有如此豈足懼波濤

開門

閉門無外事抱膝對空林曬藥收紅藥移松種綠陰意  
關知老至愁劇覺秋深誰爲千年樂空懷萬古心

除夕和張沁水韵

浮雲流水共生涯搖落江干感歲華自結新知惟濁酒  
懶將舊事問梅花滿天吹角三更夢一夜桃燈萬里家  
爲望雲山隔幾許殘星歷亂斗杓斜

陳希稷

育民簡巷夏邑人

國朝詩約

卷之二

河南

七

黃樓

彭城城闕起黃樓樓下黃河日夜流風土猶傳楚戰伐  
山川已歷漢春秋夕陽野坂全歸馬東渚平田盡飯牛  
疊嶂宣城髣髴是登臨如與謝公遊

青兒絃索行

華陰越公好聲伎星缸夜夜銅盤膩妙舞渾如南路徐  
新聲不數西京李筵開玳瑁矜鸞箏銀河欲轉心傍徨  
遙遙珠帳沉紅霧深鎖鴛鴦十二行越公已老蛾黛掃  
綺園金谷多青草阿杜雙釵別餉人綠珠一斛空稱姣  
就中有伎字青兒舞衫薄命悲數奇邯鄲自古歸厮養

宋律何時作教師追憶十年供画席飄零長伴厨娘側  
聞呼試看夏侯衣彈阮復隣司馬客今日簾中爲我歌  
屏風三尺疑猶多南調北調檀板合三絃五絃銀甲和  
欲斷不斷亂珠雨叢鈴碎珮穿金縷曼聲一發皆悄然  
風箏估栗霜蛩語其間有客長歎息歎息紅顏故不測  
爲言越公聲伎二十餘維浦他人得珮珠誰侍鴛鴦

金鎖帳誰投犀盒紅羅襦只有青兒鬢半綠酒酣自擁  
長鬚奴青兒聽罷淚於邑哀絃危柱聲聲急蘆花楓葉  
滿江洲月催寒點空庭溼我欲爲之賦杜秋中心歷亂  
多煩愁自古烏孫黃鵠文姬拍明妃青塚義成謳今日

國朝詩約

卷之二

河南

六

邨家奴子鄭家婢憂憂猶得稱鄉里一生長傍主人恩  
半老徐娘風韵存請姬爲我彈盡鴟絃曲入世繁華且  
莫論董生大笑頻呼酒羯鼓遶歌催擊缶螺卮滿泛酌  
嬌歌便教且住捺篆手

鄧廷羅

偶推濠梁人

溺夫歌

漕河甃石懸玉壺其勢奔瀉防踈虞一孔萬派蛟龍俱  
彌縫不易良工無蚩蚩閭夫何其愚屬身孤注探驪珠  
猛然失足如覆孟龜鼉跳躍烏鴉呼濠梁旋入蒼黃鬚  
惻然欲涕空踟躕當今國計勤輓輸民命何爲輕束縛

野人笑謂郎君迂郎君目擊會斯須不見纍纍沿河白  
骨枯往來牧豎爭樵蘇

駐軍謝疊山先生書院西偏

暫脫征衣謁古祠低徊往事獨銜悲營門古木羣鳥散  
驛路秋風萬馬嘶禾黍幾人哀故國莓苔今已沒豐碑  
停驂爲憶先生語杵臼程嬰兩得之

荅羅爾升隱士見寄

別君幾度此生餘雙鬢婆娑那似初海角烽烟人跡少  
龍標瘴癘鴈行疎相傳日落行吟畔每憶秋來載酒廬  
若問天涯舊風物湖南湖北盡坵墟

國朝詩約

卷之二

河南

七

田作澤

小宛雪龕商丘人

次鄧孝威見寄來韵奉懷

寂寞邨廬長綠蒿曾同吾子醉香醪人逢知己情多戀  
話到臨歧意不豪才拙藏身惟稼穡時艱覓計在弓刀  
廣陵舊事荒涼甚夢裏愁聽八月濤

荊山口阻風

淮南淮北此中分萬頃茫茫集見聞估客檣帆依亂水  
塗山鐘鼓入寒雲掀空濁浪連天湧落日神鴉掠地紛  
遙指八公風鶴處旌旗猶見謝將軍

李嵩陽

雲增弦佩封丘人



夜越彭城

恐慙多士約登涉意拳拳帶月窮吳野雄風獵楚天嚴  
途沈永漏凝竊織寒煙極目林棲處遺墟有數鶯

登瑯琊山

醉翁亭榭望中遮又過廻溪五里斜碑碣斷文唐甲子  
名山古刹晉瑯琊穿沙淺水波紋細罨樹明嵐畫景賒  
破竈老僧能寂寞松榆滿地不栽花

趙

賓 錦帆陽武人  
再見

長安喜逢彭禹峰

湖海元龍氣未除雄心寂寞付樵漁樽開北海新桑落  
國朝詩的 卷之二 河南

膝抱南陽舊草廬倜儻指揮天下事風騷驅使古今書

含香朝罷門庭冷掃徑同君賦子虛

王

鑑 子陶大愚孟津人

憶覺斯長兄入蜀

峽仄旅程藏山深秋色多蠶陵人出井巴字水成河木  
洞低藏驛關門遠射波家園遙望處涼月上烟蘿

別諸友南去

曉發南雲去心心不整齊寒江匹馬外科日亂山西萬  
里隨篷脚孤身過箸溪間時湖上看應有鷓鴣啼

雲中兵後

遍野黃蒿滿春城白骨邊關寒嘶鐵馬塞迥落榆錢嶺  
樹低藏日雲峰遠礙天誰爲霍去病戰地草芊芊

春日途中早行

客行偏起早桃杏滿通津水斷橋邊路鷗鷺馬上人設  
壇禳戟鬼打鼓跳蠻神風俗殊方異鶯啼何處春

秋晴

紅葉滿林爭歲月黑雲捲霧放天晴殘風冷淚愁中眼  
暮角寒鴉破後城山換興亡猶故色河流今古變新聲  
高高在上真多事消息盈虛語此生

送陳生歸維揚

國朝詩的 卷之二 河南

買舟南下送潺湲解纜開窓過早關紅葉還留前代樹  
白雲多近晚秋山霜橋夜月雷塘水草路明湖霄浦灣  
若得等閒尋勝跡玉鈞斜在綠楊間

理兵後舊居

近山隣水整殘扉屋裏驚看野雉飛土井攤沉荒薺合  
經樓毀壞主人歸孤心冷淚情難說老眼空城事已非  
學種麥苗堪自供秋風吹雨上秋衣

悲洛陽

廿年兵火亂離中眼見東都雉堞空鬼馬常嘶灃澗月  
銅駝不斷黍苗風澠流有意朝東海燕子無人飛故宮

金谷雲臺何處是一聲鐵笛送歸鴻

遣愁

客愁終日未能休何計尋思遣客愁鴻鴈有情還叫夢  
蘆笳無處不吹秋雲連故國飛鄉雨月挂歸心滿驛樓  
年復一年成古昔石門山下水空流

星韜驛

蔓草斑斑石磴長朝來嵐翠濕衣裳溪山佳處岑樓立  
澗壑鳴時衆木涼陰谷雲腥龍夾雨暖風花氣麝含香  
仙人辟穀藏深洞無數喬松護藥房

登泰山

國朝詩的

卷之二

河南

三

天門忽向杖頭開萬里扶桑海上來太古高崖鐫鳥篆  
多年老樹起龍雷青霞堆裏軒轅廟白玉池邊帝女臺  
俯仰乾坤生浩氣何須東下訪蓬萊

逢故人

秋風秋露歷繁霜十載飄零別洛陽饑饉頻經兵火後  
逢人不敢問家鄉

訪友不遇

震溪小徑曲欄斜三月尋人不在家夜靜更深風送月  
亭前吹落刺桐花

塞上曲

虎騎龍旗十萬多銜枚雪裏渡洮河縱然奪得姑臧地  
祇好行營牧駱駝

張文光

譙明開封人

望泰山

灝氣吞宇宙巍巍表神化厥勢儼朝東層巒徐退舍乃  
知帝王尊兒孫視雄霸驅車過山麓陰風連晝夜僵仆  
凜高寒山意虛相迓細路蛇盤旋傾岸猿上下矯首十  
六盤終當振煙駕

朝來山色青薄暮山色紫自然生靈秀未嘗競奇詭雷  
電躔山腰日月出山趾氣象鬱磅礴豈其遊觀美七十

國朝詩的

卷之二

河南

三

有二代敬展東封禮五嶽非不尊胡爲宗泰時體元羣  
帝先出震萬物始下士若醯雞焉能識神理

題藍田叔山水引

滄浪論詩論以禪顛旭書法書以醉作者若能會此意  
萬水千山入三昧晉唐山水猶未工自宋至元變不窮  
我愛董苑能脫俗直將墨跡開洪濛大家手眼皆自出  
筆法逾老蹊徑空營丘那肯達荆浩范寬渾不似關仝  
後來清遠黃公望層巒密樹推王蒙雲林老迂更簡貴  
一洗筆墨存古風虎林高人藍田叔天爲胸次日爲目  
作畫無師師造化不拘區區尺與幅尺幅山水亦自奇

真水真山堪並之洞庭彭澤波浩渺東岱西嶽峯天矯  
黃海雲生石筍根赤城霞湧喬松杪武夷曲水引仙舟  
蛾眉古雪逃飛鳥以山貌山山絕倫以水貌水水有神  
老氣奇情自作古不與前人爲後身夜半空庭明月走  
忽然風雨蛟龍吼精靈光怪驚人死仔細摩娑何所有  
始知絕技不等閒傳神正在阿堵間祗恐仙筆騰空去  
天下山水都無顏

送黃石公還江右

天涯同患難尊酒慰離辰孤櫂緣新月還家有老親山  
風搖宿鳥江樹隱歸人預與春光約桃花共比隣

國朝詩的 卷之二 河南

詩

冬日載酒慰趙錦帆去國三首

萬里深冬夜同人幾載情石寒簾外影竹響月中聲經  
濟原多事文章亦近名觀身安世法到處總生成  
落日幽州白悲風易水寒因君空剖玉笑我枉彈冠身  
退雲山喜家食去住難所嗟情不愜無計獲芳蘭  
客歎張衡老人推趙勝先每逢花對飲便覺酒忘年作  
宦心元苦歸田賦莫傳漢家新氣運淪落幾才賢

清淮曉發

老鬢蕭條逐客程秋風瑟瑟喚愁生五更月照他鄉影  
萬里河流故國聲落拓人當疑慢世浮沉吾亦厭虛名

何時歸去衡門下竹杖芒鞋傍鶴行

湖雨登毘盧閣示僧

辰鐘疑有老龍聽巖壑陰陰聚百靈雲捲浪紋微帶綠  
雨蒸山氣不分青瞿曇古刹金輪繡神禹荒祠鐵鎖腥  
蓮社花開容我否好將明月對清冷

雨中宿虎丘僧閣

越吟猶自在姑蘇山雨吹簫夜色孤無數青楓江兩岸  
春風三月老藤蕉

萬邦榮 西田裏城人

城南

國朝詩的 卷之二 河南

詩

爲愛城南竹徘徊暮始還寒風疎古木秋色淡西山野  
鳥飛何急沙鷗意自閒橋邊新月上更擬弄潺湲

西山禪興三首 選一

遠扣禪扉幕始還痕留芒屨露班班雲隨野客同歸岫  
花逐流泉亂出山寂歷烟邨孤犬吠蕭條祠宇老僧閒  
開缸獨酌庭梧下明月無言過碧灣

空庭

閒倚烏皮萬慮盈空庭寂寂夕陽明南風不肯吹山去  
大地何由如砥平展卷古人如未死曲肱故友若重生  
碧梧欲落黃花放且向籬邊酌翠觥

彭始搏 直上鄧州人

秋柳

寒風向夕倍蕭瑟張緒風流應已消曲裏清商空嫋嫋  
堤邊烟水自迢迢誰能舒眼看隋苑祇是銷魂到灞橋  
爲報輕霜休更落憐他萬縷更千條

昨夜風吹水面涼凄然烟樹徧橫塘蕭條帶雨情何限  
憔悴如人意每傷遺恨何年留陌上愁心終古在河梁  
那堪吹入樓中笛搖落征人淚滿裳

遊先宗伯公東園

寒烟羣歷帶殘垣焚水蕭然閱世喧洛下有園關治亂  
國朝詩的 卷之二 河南

平泉無石累兒孫當軒嵐翠生秋色繞徑莓苔積雨痕  
徙倚空庭尋舊蹟婆娑叢桂易黃昏

遊杏花山菩提岩

絕頂高山烟霧生蒼藤虧蔽互陰晴却聽嘯雀衆山嚮  
誰制毒龍潭水清老樹半撐危石墮懸崖直瞰暮雲平  
僊靈不耐榮枯事鮮蝕花殘萬古情

彭始慎 海客鄧州人

題熊芝岡遺集

我昔遠戍經遠陽頽垣廢堞羣鳥翔愁雲四塞凜雪霜  
日云暮矣尤蒼涼時方下馬將入房傍有老人鬚眉蒼

自云少小歷戰場知公逸事言能詳維公再起值搶攘  
人無固志城無糧早識旺氣屬東方三面當一猶難當

以守爲戰用所長軍心樂逸如平常夫何臺諫舉若狂  
促令待罪歸故鄉急則用之徒更張前功盡棄已莫償  
况彼同時張與王倉卒建議何張皇欲攻猛虎驅羣羊  
經撫異議喧道傍議并議撤心遑遑公時盛氣加廟堂  
危言激論徒自戕究主潰決不可防今年我復來武昌  
聞公舊住城西莊當有遺集人或藏搜得殘簡半已亡  
桃燈夜讀我涕滂憐公意氣常激昂孤忠料敵誰頡頏  
公言而用未可量豈慮羣小爲中傷徒欲藉此隔左陽  
國朝詩的 卷之二 河南

遂極黨禍移封疆長城自壞媚巨璫惜哉枉殺熊芝岡

彭始奮 中郎海翼鄧州人

順陽川

倦坐倚松石川原欣復平沿溪數茅屋座座幽禽聲新  
柳頗可悅萊甲一叟萌旭日耀初景饒婦媿春耕愛此  
風土美兼之林壑清胡爲遠遊子望古淚霑纓丘壠杳  
如故累累荒草生斷厓出秘器古穴藏 魁樵歌相上下  
哀湍時復鳴靜言念身世壯心還自輕

喜再晤劉公岐兼憶舊游

吏部劉公湖海客與我昔逢潁水側離離每自羞兒曹

功名直欲垂竹帛但願救世能有權天下友朋無困厄  
一朝邂逅鳳城南屈指已是七年隔猶記從游潁上邨  
池邊榆柳青青麥婆娑永日春水間園外櫻桃馬上摘  
相對偶從林下基酒酣閒倚階前石君旋春日過梁園  
命我相送河上驛歌管盈盈紅粉粧坐近楊花夜如雪  
却憐人世隨驚塵已經過眼如鴻跡君前寄我書猶言  
長相憶次云屢作河上游每過樹邊傷離別華燈再譙  
今何夕更復殷殷爲余說年已過多何攀援回思往事  
應愁絕君今聲名滿當時余也意氣減疇昔感君提攜  
今我情起視漁陽霜月白

國朝詩的

卷之二

河南

七

山居

僻居寡塵事况近鹿門亭秋淨溪尤碧鳥鳴山自青幽  
芳吹遠夢新月餉空庭爲問行吟者何煩計醉醒

武當山行

絕壑無來跡重陰一徑穿崩崖恒欲落寒湍只微涓鳥  
入遙峰雨山昏欲夕烟房陵戈未解惆悵碧溪邊  
久客愁攀廢苑松舉家天末盡相從蠻兒乘象若牛馬  
焚道看花無夏冬近接漏天常作雨倒流滇水不朝宗  
獨期攬勝還荒外恨未曾登鷄足峰

滇南

漢江舟行

新秋纔過武陵源又掛歸帆指鹿門浪湧磯頭崖欲動  
雨來波面水先昏經灘理柁時防淺入夜乘風不就邨  
偶聽鄰舟吹玉簫客懷寥落向誰論

生還後重逢故友

常記呼鷹野草間控弦躍馬尚朱顏二三舊友唯君在  
八十餘生待我還信宿邀嘗鄰舍酒暇時約看近村山  
嬉遊早暮無相禁老去差多歲月閒

葉 漢南陽人

青駝寺早行

曉發青駝寺征車曲岫過空囊穿隘口匹馬渡沙河衆  
國朝詩的

卷之二

河南

七

壑白雲滿孤邨綠樹多岱宗天外聳應陟萬山阿

寄懷同學諸子

年來留滯客燕關馳逐車塵馬跡間敢覘浮名添白髮  
頻經世難憶青山三春花落人千里五夜鴻歸月一灣  
爲訊故園鷗鷺侶應憐倦鳥未知還

金陵承恩寺守歲

征塵撲面裂層冰佛火青荧擁一燈客久不知年漸改  
愁來殊覺酒無憑三山殿閣餘荒草六代繁華付老僧  
顧影自傷離亂後清魂夢有總瞢騰

宋 致 釋佳客丘人

雨後元墓探梅

雨過空山晚翠生沿溪策杖傍花行  
泉聲鳥語風中合湖影春烟野外平  
十里含香吹不斷一林晴雪照還明  
登樓靜對探梅句月落禪關客夢清

蓮花洞

一逕穿竹林古洞劇幽邃老梅當門橫  
危石勢欲墜獨坐澹忘歸晴空撲衣翠

大小二石室

大小兩石室縱橫不盈武螺旋曲復折  
了了身屢俯想見雨過時白雲生滿戶

國朝詩的

卷之二

河南

三

呂謙恒

天益新安人

題斌雅上人紅崖精舍

雅公習靜處壁立萬峰頭霽月浮青嶂  
春星動碧流藤蘿當戶出鐘磬隔林幽  
松定群聲息黃昏風滿樓

呂復恒

中行新安人

棧中

石路雲初合行人午亦寒魚龍歷白日  
後欲睽青巒壞棧連雲燒幽林響急湍  
千秋形勝在立馬思無端

登錦屏山

飛閣縣空際登臨懾壯心鐘聲虛谷滿  
雲氣石林深遠

渚明秋色孤城背夕陰未能凌鶴馭聊以謝塵襟

呂履恒

元素垣應新安人

東門行

明星爛爛高城東麗譙鼓急聲聲  
蓼東來一騎飛如箭前鋒八萬屯  
城中城中老弱聲俱吞偃僕橐載  
覘東門門前健卒一何怒車中少婦  
一何苦欲棄懷抱兒難離垂白母一  
身不自保鄉園復何所須臾嚴城魚  
鑰開千人踐躐是飛來慕容山上吹  
野火函谷關中殷夜笛其時日晦林  
木黑獨驅致臨深崖側蒼頭車子向  
予泣運芻新自洛陽出回兵三萬自  
大來騰驍衝突人莫測搜

國朝詩的

卷之二

河南

三

牢先問燕支婦連營不宿穹廬室  
魁頭露綸入圭竇炊我門樵採我  
麥頃者將軍遠大獵旌旄蔽野  
絕伊闕龍文寶劍凝青霜虎韞雕  
弓抱明月七不車上載嫺娟貂璫  
金珥珠玳瑁葉其中顏色各不同  
啼者如烟祭者雪低離萬里嗟何  
及泰山隴水肝腸絕我聞此語長  
嘆息百姓由來愛兒女將軍不惜  
傾城國紅粉青娥何處求洛陽花  
發照高樓丹鳳城南相憶否可憐  
夜夜夢刀頭

聞砧

西風吹廣漠天末一清砧斷入秋  
林響寒生落葉深關山遙見夢刀  
尺苦爲心征戍何年息聞人力不  
禁

聞雲曠至燕却寄

十載不相見知君依舊貧雲山親旅客天地薄詞人舊  
業江南遠新愁塞北春何時澆濁酒同洗素衣塵

棧中

石棧秋高落水痕漢時殘燒至今存峰迴北地秦無塞  
路盡南天蜀有門芳樹陰晴虛歲月浮雲出沒變乾坤  
七盤關上休回首山色江聲總斷魂

韓信臺

韓信臺前蔓草荒高天極目思茫茫向南雲夢還飛鳥  
直北長安但夕陽明主自能知國士丈夫寧敢望真王  
國朝詩約 卷之二 河南 三

朱懷樸

山民濟源人一作濟南

秋夜聽張山人琵琶二首

釣簾洗耳聽檀槽和者無人調最高珍重段師休再撥  
而今不解鬱輪袍

一堆蠟淚月三更絃索輕調帶怨聲可似江州白司馬  
秋風涼夜不勝情

王紫綬 夢阮祥符人

香泉

到寺方逢塔門遮數百峰澄泉孤月吐疊嶂晚雲重澗

響傳餘磬窓寒集亂松朝來絕頂立獨有遠公從

處州有感

聞道天家日築壇黑貂白馬紫金鞍孟明陷久仍遷職  
卜式功高合拜官自古山河爭二陝于今精銳盡三韓  
丈夫馬革尋常事莫作諸侯壁上觀

李

鴻 青立鄧州人

朝雲

朝雲漫東南奇峯相鬱盤海日明遠樹光華若可餐縹  
緲結飛閣金銀錯戶闌有時見神女珠佩鳴彩鸞有時  
聞鐵笛跨鶴迎仙官網緹迷五色變幻非一端凝眸望  
天際竚立槐陰寒

國朝詩約

卷之二

河南

三

舟泊沙洋夜大風雨

深宵愁旅泊風雨更相催岸圻蛟龍怒江鳴天地哀孤  
舟同葉墜巨浪捲山來一夕窺霜髯驚心知幾回

雨中登晴川閣

萬家煙雨望淒迷草色湖邊綠欲齊漁艇漫隨波上下  
寺鐘畧辨岸東西春城低壓桃花洞高閣平臨楊柳隄  
醉去不知天已暮漢陽門外亂鴉啼

孟浩然故居

只在寒江外蒼烟不可尋沙村木葉落清磬隔雲林

銅鞮詞

踏歌叢裡白銅鞮月影花香夢轉迷多少游人行樂處

大堤城外峴山西

張宰合一信陽人

大梁懷古

崤汴安危繫一河王侯第宅委金波塵飛梁苑歌聲歇  
月落夷門雁語多樓上巢居悲土滿天邊源遠羨槎過  
重來訪舊惟登塔悽斷霜風戰薜蘿

雨餘見月示了一僧

雨過風清步影遲松間明月是心知他年雲水重逢日

因朝詩句

卷之二

河南

三

指點天空漏盡時

許作梅傳巖新鄉人

百泉

瞻彼百泉下朱亭漱澗侵乾坤多戰沒烟雨此溪深白  
鷺橫秋影青蘋亂石沉泉流不厭客瀾瀾逝如今

徐作肅恭士商丘人

古詩

有鳥鳴周周街尾向河梁飲啄足勞物凡族多張皇東  
園覆車粟群噪競飛揚鳳皇天闕來逸音振鐃鐃三顧  
始一下飛向琅玕旁飄然豈恒度高舉凌青蒼

宋至山言商丘人

永樂窰席帽盃

近代窰器首成化盆草湖蜨雞缸亞高士亦成窰尤誇

品格高薦入朱門不惜價誰知永樂窰更工膩白如紙

驚玲瓏腹中暗花隱復見一捧冰雪清心胃我有嘉賓

出侑酌琥珀光搖良不惡好當簪笠贈山人九日風高

防吹落

秋柳四絕句同顧俠君蔣揚孫徐學人賦

客路青青異昔時官橋野渡半離披蟬聲咽斷游人遠

盡日西風舞向誰

國朝詩句

卷之二

河南

三

村原雨過挂牛衣寂歷柴門漾夕暉最是行吟樹深處

天寒時見一雅歸

垂垂沙岸自東西如線如絲影漸低試向隋家堤上望

曉風殘月總淒迷

我家芋圃門前路擎雨籠烟樹兩行料得長條今疏地

主人別後也蒼涼

周在延龍客大梁人

獨坐

向夕天宇清輕風散微露明月入我懷光景飄流素庭  
樹影自橫階蛩語若訴棠花落幾時又見流螢度



高座寺

南朝梵刹多高座山門古老衲度松陰殘陽下平楚岡  
頭塔勢懸巖際秋花吐獨立畫圖中蒼莽聽鐘鼓

秦淮

此是舊秦淮空餘一片月蕩舟向寒烟臨風吹鐵笛楊  
柳有烏啼人家無燕跡誰將羅綺心千秋弔桃葉

憶枯園

小院怡人處頻年足我思花經微雨後山正夕陽時徑  
曲携筇杖軒開理釣絲倘伴堪避世自愧是輕離

奇絕驚人處夜闌風雨過空山奔瀑布鐵騎渡關河帳

國朝詩的

卷之二

河南

三

冷燈初亂林荒鬼自歌此時書百卷快讀未云多

登大梁城樓

秋草平隄舊戰場城隅滿日盡垂楊雁聲帶月過尚少  
山色連雲認大行樂府新詞聲寂寞西亭殘卷事悲涼  
夢華錄續腸堪斷依舊金梁月似霜

嶼磯謁漢昭烈帝孫夫人廟

白露蒹葭水一方聲搖環珮立江鄉已傳輿壁亡巴蜀  
忍見樓船下建康爲國時流千古淚思家日斷九迴腸  
滄桑滿目知何限吳楚風帆又夕陽

寓樓卽事

翠岫朝來雲盡封小樓活火撥醅濃斷橋有客橫孤艇  
萬嶺無人策短筇竹裏暮聲永日靜院中梅影數枝重  
須臾霽色開前浦倚枕推敲看雪峯

國朝詩的山西目錄

卷之一

魏象樞 六首 馬騰龍 三首 陳廷敬 十三首

吳雯 十六首 馮雲驤 六首 韓 毫 四首

程康莊 一首 傅 山 七首 閻修齡 二首

韓 魏 三首 陳大謨 五首 咎 章 一首

劉清玫 六首 周 藩 三首 周以忠 二首

牛 魚 二首 閻興邦 一首 馮明期 一首

郭永豐 一首 濮 棕 一首 王者瑋 四首

謝樞齡 二首 秦 桂 八首 趙三驥 三首  
劉 澤 二首

國朝詩的 卷之一 山西 目錄

劉梁楨 四首 張 汧 二首 吳 璉 五首

高 晔 十九首 馮嗣京 九首 瞿時行 四首

喬崇烈 二首 侯秉仁 二首 武全文 六首

郭振基 三首 喬國彥 二首 武承謨 五首

王瑋璠 二首 史 範 一首 侯維屏 三首

國朝詩的卷之一

長沙陶 煊奉長選

同里張 聚豈石同輯

山西

魏象樞 環極蔚州人

剝榆歌

黃沙日暮白村路烟火盡絕泥塞戶路傍老翁携稚兒  
手持短鐵剝榆樹我問剝榆何所爲老翁倚樹哽咽悲  
去歲死蝗前死寇數十村落無子遺蒼蒼不恤儂衰老  
獨留餘生伴荒草三日兩日乏再饘不剝榆皮焉能飽

國朝詩的 卷之一 山西

榆皮療我饑那管榆無衣我腹縱不果寧教我兒肥嗟  
乎此榆贍我父若子日食其皮皮有幾今朝有榆且剝  
榆榆盡同來樹下死我爲老翁領丹綸免貢蠲租十道  
使而况 天子軫遐邇九閭胡云隔萬里願教今日鄭  
監門長歌繪作流民紙

贈劉千里

兵火連江漢高人獨布衣乍啣明詔出仍載異書歸上  
國驚王粲中原想陸機佇看雲壑業不是宦情微

贈喬文衣

數年驚宦海無日不高吟冰雪幽人氣琴書俠士心世

情添白髮交誼冷黃金留客坐山月床頭話古今

答贈朱山暉觀察

十年松菊好栗里卽吾師白髮愁何益青山間獨遲蕭條高士榻索寞故人卮欲逐歸飛鳥從君借一枝

病中和胡東甌年兄見懷韻

彭澤去官曾五柳司空歸老又三宜况因消渴文園日更得逍遙白社詩上谷停雲真漠漠蘿山新雨正絲絲范家鷄黍還相約記取金門刻燭時

觀移寺尋讀書舊居題壁

空山依舊是玄都此日登臨興欲孤樓鎖烟霞千嶂合

國朝詩的

卷之一 山西

二

門閉風雨一僧無蹊花照眼愁人老澗水烹茶問客逋惟有讀書亭子在可容一枕臥狂夫

馬騰龍 卧仙文水人

雲州

八月來遄地臨風倍愴然淡雲開白日危石咽寒泉嶺壘三盤路山分一線天傷心城上望落落幾家烟

秋夜

夜半鷄聲起孤燈尙在屏潮聲迴暗夢竹影倒殘星露淨天全白雲開嶺半青報衙何太早鼓吹入疎櫺

南陽懷古

南陽晚過帝王鄉宇巍巍古道傍茅屋數間炊冷霜寒鴉幾點掠斜陽牛羊向夕知歸路草木逢秋易染霜可歎英雄千載後勞勞與廢總無常

陳廷敬 子瑞說嚴澤州人

冬夜懷故山

細傾寒夜酒還讀舊時書鼓角三更外悲懽萬事餘聲名看往昔物理想乘除多病霑微祿經心有敝廬梅花半山間臘雪一村墟兵火思殘壘烟波狎老漁十年消戰伐百畝靜耕鋤澗口桃源水溪邊栗里居養親容斗米欸客足園蔬里社謀歸熟鷄豚託興初近聞長吏好

國朝詩的

卷之一 山西

三

能使宦情疎冬日暄茅屋春晴御板輿人生須自樂行矣莫愁予

孫止瀾齋中同吳耕方夜集時默巖將歸

蕭條念行役偶聚此亭中九月行將盡秋燈幾夜紅平生有知己大半在江東落落歡場少清尊酒易空

西山道中作二首

我築晚晴臺以瞰西山故明滅嶺上霞依微巖際樹未解塵鞅緣遙寄丘中趣埤壩仰樵蹤簾閣俛鳥路游思娛清暉清暉時一遇川長限無梁彩雲不可度振衣寒松巔稅駕流泉處良遊勿蹉跎歲月易遲暮旅行循烟

村幽探散沙鷺臺高輟迴眺山近展徐步二客儼能從  
英流况厨顧既同西園遊時吟晚晴句石欄點筆人空  
翠沒巾屨

玉佳菴

商飈振幽厓杖策跨蹊谷翻悵去徑宵何以極吾目稍  
上天影開餘翠橫半麓夕霞豁靈瑳野烟澹林木高臺  
秀遠峰日入淨如沐微興方陶然滅迹向茅屋仰躋清  
泉流冷泠灑飛瀑攀危不辭疲留念遲往復

碧雲寺二首 選一

寺門臨高橋洞松交其端徑幽室何許欲憇行便嫻瑣  
國朝詩句 卷之一 山西 四

細花蒙密駿竿蒼黃綠長欄樓閒雲危榭紫孤烟稍深  
境轉佳靈風來清綿流泉隔篁竹日斜聲淅淅手琮寫  
哀玉逆落如佩環山水解娛人何事歸塵寰

激海樓觀海作歌

燕山蜿蜒如游龍東將入海陵虛空巒壑洶湧變形壯  
騰波起浪隨飛虹長城枕山尾掉海海樓倒挂長城外  
地席天分界混茫山迴城轉橫烟靄樓脚插入大海頭  
巨靈觸搏海怒流呼吸萬里走雷電嶄鑿中蒲堆山丘  
乍到魂慮忽變惛意象愴難尋求五岳拳石渺一粟  
九州小嶼浮輕鷗滄溟浩蕩乾坤窄弱水流沙在咫尺

扶桑弄影杳何處空青一綫低金碧卻憶洪濤汎濫時  
蒼茫神禹經營迹百川既導萬穴歸天吳海若安窟宅  
四海以內真彈丸秦還漢往如翻瀾海月萬古堆玉槃  
願得一食青琅玕傑風破浪生羽翰我來手拍洪厓肩  
仰天大笑忘愁歎

為錢宮聲題周靜香畫松屋圖歌

春風射策明光殿玉勒踏花共遊宴風塵瀕洞歲序移  
十年不見錢郎面江路漫漫江水深攜書遠來求我吟  
東華軟紅沒鞍馬秋城寒山勞素心歸來細視松十尋  
長風謖謖吹衣襟蒼濤飛翻白日出窅窅為我開深林  
國朝詩句 卷之一 山西 五

青山空濛落瀑布石痕杈桮水洄洑流入萬里之長江  
游龍行天挾烟霧錢郎錢郎何為鬱鬱久居此舊隱如  
斯不歸去君不見昨日東園花天桃穠李空霜露天寒  
歲暮百卉凋惟有青松尚如故古來材大非偶然坎壈  
豈受時人憐

三月三日同楊松谷汎舟沁水

始得方舟穩滄波望轉迷濤聲春晝外寺影夕陽西楊  
柳橫橋直桃花夾岸齊十年江海興與爾手同攜

正月十四日過靈祐宮悲天翁方丈

郭南獨往當休暇正月初遊興不遲壇路春陰局時樹

廟門風雪下靈旗，驚花世界空。深裏烟火京城雜，香時  
爲斷諸緣過。聽法講堂人去重，相思

答王信初同年

雲霄何路却飛翻，寂寞官曹久閉門。客舍驚花催穀雨，  
寺樓鐘鼓報黃昏。春衣暮冷添新火，濁酒更殘命舊樽。  
勝事西園猶記否，綠楊紅杏至今繁。

出關門百里宿沙河站

關南滄海浮天白，漠北連峯拔地青。一片山河圖郭塞，  
幾家烟火接邊庭。遼歌調苦風還斷，蘆酒愁多夜易醒。  
卻喜皇威臨絕域，鎮東門戶不須扃。山海關東門日鎮東

國朝詩約卷之一 山西

歸路

秦城唐堊遠經過，回首蒼涼祇浩歌。塞外連山何處盡，  
海邊陰雨一春多。野無烽燧如烟火，村有蓬蒿似薜蘿。  
稍喜關門歸路近，穠花深柳未蹉跎。秦將蒙恬築長城，尚有唐堊在。廣寧東三十里，是唐文皇征高麗時駐師處。

姜女詞

誰築長城萬里長，至今井石對滄茫。輶輪風起鮑魚亂，  
得似空祠一瓣香。

吳雯

天津蒲州人

幼華給諫遊太華得結屋地屬予賦之

車箱谷口雲白照松間，路誰能訪叔卿巖。負一身度黃

門具奇情振策御風步，萬仞入洪濛。理勝境無怖壑轉，  
晦明錯樹老丹青。候俯見蒼蒼原，明河正東注。驟雨忽  
翻湔，肘腋蛟螭怒須臾。亘長虹關陝半呈露，遲則脩竹  
倒石，逆垂藤護相逢紫煙客。目擊道皆寓齋房肉芝香，  
石困松花聚卜居志已得，深幽坐成趣。嗟我生勞勞入  
世每多懼，夢繫毛女壩。身遠將軍樹，日日對晴蓮。塵容  
自生妒，何年便結鄰。同住雲生處。

貴人園子

秋盡天宇高，巉巖澹空綠。竭來三徑外，得此萬竿竹。文  
國朝詩約卷之一 山西

七

窓互盤亘，綺榭交回覆。吹簫下鳳皇，彈棋上鸚鵡。玉山分  
蓬嶠，近水折滄溟。縮悠悠物外情，渺渺壺中宿。誰言烏  
鵲橋，宛對鸚鵡谷。

春初過問津園

河流帶殘雪，輕舟問前渡。沙軟沒屐齒，柴門向溪路。却  
登水上樓，遙見海中樹。大野浩茫茫，春鴻正東去。花隱  
彈棋局，日照吹笙處。舞巾超距遠，爭席藏鉤誤。歸塗盡  
橋北，避權起飛鷺。回首槽丘臺，蒼蒼隔烟霧。

暮春雨中阮亭先生招集善果寺得曲字

古寺城西隅，寺路直還曲。幽人此來往，漸與山僧熟。煮

若石幢下石鼎輕煙覆一花餘春榮衆陰長夏綠松深  
鶴唳靜竹動鳥飛速人生一世間光景如轉軸宇宙曠  
無根何爲自刺促勝侶欣招邀佳時值休沐名香風過  
院仙梵雨垂屋向晚孤霞明白雲低簷宿蒼蒼林月上  
世界明金粟歸途重回首遙山寄遐矚

題張杞園浮家泛宅圖

海氣何茫茫海風猶浩浩日上琅邪臺孤霞在雲表常  
慕羽人都滄波肆幽討塵羈未得去屢負蒼蒼島之子  
水仙侶浮家謝機巧載書滿船頭雙鬟更娟好似戀鯨  
魚肥繁纔近芳草風檣白露過雨拖垂楊掃何不便颯  
國朝詩府卷之一 山西 八  
然竟訪成連道帆行鼉鼉上青俯齊魯小世外見桃花  
千春不知老

贈王屏侯

紅發東園梅綠披西津柳省論眼前事且酌花下酒冰  
魚不計錢紅橘嫩盈手風土致不惡故國亦何有昨夜  
海氣寒不知山雪厚君家白牛溪龍門在其右開畦種  
薯蕷霜落收蒲藕醉卿好日月清景豈相負每到春鴈  
時可憶橫汾否

登廣勝寺

嘗懷天姥岑數夢雲門寺塵緣苦拘束奇光瞋胸次霍

大俱靈刹取適聊一至上見浮圖高下見碧流駛積壑  
連春陰終古一蒼翠沐浴成寶光下方驚舍利石留水  
伯踪蘚蝕文皇字流觴近芳草日暮客皆醉好將山水  
緣續入十洲誌

樂景晚題

鳴泉石上流嫋嫋秋蒲亂登頓不知疲落日山家飯開  
門巖翠人清暉淡河漢僮僕戒晨征翱翔待鳬鴈

次青縣題壁

去年九月長安來鯉魚風起船旗開今年三月舊山去  
馬上綠楊掠飛絮舊山風景復何如昨日家人有報書

國朝詩府卷之一 山西 九

當門萬里崑崙水千點桃花尺半魚

過汾陰祠

汾陰祠下路雷雨撼雙松幾日復重過風雲感舊蹤晴  
運開白帝濁浪走黃龍何處朝天客齋宮動午鐘

永樂早發

早發招賢里涼雲解鬱蒸河聲過雷首雨氣下風陵鳳  
嘴三春麥龍頭五月冰蓮花天外落千仞碧陵嶒

王官谷訪薛氏兄弟隱居

曉日上王官林烟一帶寒司空遺舊谷之子樂棲盤飛  
瀑水千仞修篁雨萬竿浮生復何爲只說住山難

登河中郡樓

從來登眺最關情，倚高樓盼首京人代已隨。  
晨雨散河山不改，夕陽晴野花開偏薰風，殿春鳥啼荒魏豹城。  
日暮更聞原上，遂誰能罷酒不沾纓。

次樊橋

景物蕭森作曉寒，鯉魚風起蓼花殘。  
酒歌無那秦聲苦，世事從來蜀道難。  
猿鶴不驚高士夢，星霜偏妬遠遊冠。  
徘徊眼底秋山好，都作怱怱馬上看。

珠樓

珠樓十二噉金蟾，陌上春風打帽檐。  
盡道天香何處落，不知人在水晶簾。

國朝詩句

卷之一 山西

一

鎮州荷花

城南城北皆荷花，正對城門是酒家。  
下馬猶能再斟酌，醉臨明鏡看吳娃。

馮雲驤

詞片亭武衛人

雲棧

山腰萬仞路下臨，不測淵俯身窺棲。  
鵲舉手接飛鳶，山頭舊冰雪閃閃挂飛泉。  
溪中萬古石跳珠濺潺湲，忽驚灰路絕空行。  
駕危椽峰峰自迴，合藤蔓束荒烟盤盤緣。  
石壁磴磴捫青天，遙看來往人縹緲。  
訝飛仙更問猛虎

嘯當我踞崖巔，勞臣有定限。豈敢憚艱難，匹馬千山外。  
迢迢夕照前

古別離

高塵通天迷飛鵲，山花落紅野蒿綠。  
獨驅瘦馬背夕陽，似缺無光沉寒玉。  
秃枝怪樹老鴉啼，古冢淡光搖翠燭。  
彈鋏歌拔劍舞，少婦樓頭莫怨思。  
疾風怒雨愁龍虎，爲博生前萬戶侯。  
願持白羽殉鼙鼓，楊柳青青楊柳黃。  
年秋早涼州土

春江曲

美人家在吳江曲，細草新荷映水綠。  
迢迢四尺八綺窓，國朝詩句

卷之一 山西

二

咸陽懷古

從來百二帝王州，山色終南對鳳樓。  
石澗尚留老榆柳，荒墳誰護舊松楸。  
陰陰野鴉饒語，落落崩臺過馬愁。  
墮盡銅仙千古淚，金盤無主漢宮秋。

鳳嶺

鳳嶺行來欲上天，此行無異作飛仙。  
紅霞白日回頭近，烏道蛇盤獨馬穿。  
未斷崩崖愁瀑水，半欹懸徑仗危椽。  
側身萬仞峯巔過，秦蜀遙看雨點烟。

紅鸚鵡

炎州珍鳥羽毛奇，小掛神祠紫鳳儀。  
擎向空庭銜日影，立殘高樹煨花枝。  
施朱爛熳驚顏色，學語聰明解說詞。  
三月爛光春正煖，舞低紅袖綠楊絲。

韓 堯

寅齋三晉人

遊東湖

佳景東湖集公流，却少船地偏堪避。  
俗亭迴好安禪細，浪搖雲葉長堤繞。  
竹烟徘徊清興洽，日晚看歸鞭。

登城樓觀武闔校射

虎帳鸞高臺，晴光雉堞開。  
馬馳驚電掣，弓響逐風來。  
競國朝詩的，卷之一 山西

奮鷹揚志，羣追猿臂才。  
時清股側席，萬里絕氛埃。

與諸同人晚坐一笠亭

巖畔虛亭敞，晴霞映晚天。  
砌苔疎點石，林木淨無烟。  
鶴立脩筠外，鴉啼落日邊。  
閒中同憩息，得句好相聯。

新月

百尺高梧外，哉生月上斜。  
細痕呈碧漢，側影淡青霞。  
火鏡函初啓，金鈎掛不差。  
直須三五夜，方得顯光華。

程康莊

崑崙武鄉人

攝山棲霞寺

舊京日蕪沒，佳麗今可追。  
披圖攬名勝，命駕探幽奇。  
攝

山鬱東峙，乃在大江陞孤嶂。  
凌太清，日月互蔽虧，煙崖

極登頓，雲岫出參差，珠宮晨夕梵。  
天花晝夜吹奇石，抱藤蘿，高澗瀉汗池。  
喬松響春潮，飛蘿聚秋籬，施鳥及鷗

是奔獸，來麋麋，樵隱雖不同，風雨良在茲。  
緬懷明居士，更憶江總持，舍宅樹逸軌，停山賦新詩。  
大藥豈誤人，靈草生有時，艤舟試登岸，東風赴前期。

傅 山

青主太原人

飲馬

馬驚人不奇，芻豆日在皂。  
馬良人過求，飛馳嘗不飽。  
惡馬逢少年，磬控長安道。  
采條金月題，辟人誇姣好，踏殺國朝詩的，卷之一 山西

三

良家兒，如同踐蒿檣，烽臺火夜明。  
將軍事征討，傳令選上駟，驚惡各自保。  
良者三兩騎，左右將軍蘇，沙漠萬里程。  
安得善水草，長嘶西北風，筋力不奈老。  
苦樂既已殊，駕馭無顛倒。

雜咏

神氣如傳舍，真人無私營。  
天德照海日，人心消甲兵。  
舞羽有何威，有苗歸虞廷。  
劉季稱路達，終日憎良朋。  
雲被茅簷出，鷄聲在籬梢。  
賣柴帶醉歸，一覺紅日高。  
燭燄下歇松栢香，不消顧瞻烟燎上，亦有春燕巢。

陰厓



自覺非道器於塵多所緣如何無人處亦復有流連逝水靜憑氣高雲行不言懸壺訪道士坐此每忘前

送友之秦中

爾去褒斜路秦關兵尙多難堪兒女意其奈鼓鼙何戰地驚鴻鴈秋聞怨駱駝願聞邊火息歸計莫蹉跎

借樓避暑

一命真如梗三年不結廬今來白水曲借得小樓居長偃方床席時攤短佛書高雲與疎雨鎮日共樵漁

石壁同白居易

平橋藏却樹梢中樹得深山窈窕紅甌鉢春燒甜似蜜國朝詩的 卷之一 山西 十四

葦茹秋雨脆於菰香齋大令憐高氏白業臺賓借禿翁醉塞幽回貪一覺針椎久寂又惺惚

閻修齡 再彭牛叟太原人

寓崇福觀雨夜懷茶坡

疾風三日吼一雨遂連江古廟松根老清鐘夜半撞鼠窺寒竈龕蟲響旅人窓賴有君詩好愁心且暫降

庚申二月十二日顧種紙朱二玉程婁東過眷西

堂分賦花朝喜晴

行春虛度復南回爲惜春光共舉杯客至扶筇偏興健狂來縱酒莫生哀郊原想已紅連樹庭砌從教綠滿苔

最喜花朝晴兆稔稻花香勝百花開

韓魏 醉白臨汾人

鍾子夔攜書過訪依韻賦答

塔影橫山觀風聲 暮急湍雲隨飛鳥没人坐晚鐘寒亭榭依荒堞松蘿冷石壇看君好圖畫霜葉正摧殘

伍公祠

荒荒落日嶺雲孤伍相祠前泣鵲鴣滿院碧梧寒瓦甃一庭新雨長藤蕪濤聲澎湃還吞越山勢峻嶒不棄吳白馬靈旗時出沒至今伏臘走田夫

閩角

國朝詩的 卷之一 山西 十五

太平征將老頭顱三十年來骨半枯猶解招魂向寒食角聲嗚咽滿西湖

陳大謨 聖洋 霍州人

中秋遇雨

不識中秋節何妨值雨宵人聲都寂寂檐響自蕭蕭身坐南樓倦心飛北塞遙淒然惟合臥銀燭更休燒

遣懷

宦拙長孤立衙荒少四隣幽芳蘭馥馥好友鹿牲牲松瘦偏生石江清足照人全無城市意何處得紅塵

夏日漫興

傲吏心清景自清頻將清景借詩評雲峯奇處空中態  
風樹閒搖靜裏情樓外江鷗浮不去離邊山鹿步無驚  
獨憐未及中年令三異偏能說政成

弔黃樓遲謝明府不至

樓在宜賓北門外江邊山  
谷諸戎州別駕所遊地也

莫道黃公不可追弔黃樓畔好題詩青山猶見當年色  
碧水長搖過客思欸乃棹聲來舴艋啁啾鳥語出林枝  
石欄淨掃指頤坐却笑賢侯忙爲誰

已酉中秋對月獨酌有懷晉侯佩芷兩明府

浮烟消盡碧空晴素月流光覺倍明萬點蒼山憐共曉  
一樽濁酒惜孤傾荒籬蟲急難分響茅屋人稀早息聲

國朝詩的卷之一 山西

一六

遙憶弟兄當此夜爭持藻鑑擢羣英

時取  
八簾

符章

開先伯卷大同人

玉鈞斜

平原芳樹枕荒丘一點君恩是玉鈞宮輦已隨衰草歇  
香魂猶逐野花留風高荷渚虛清夜霜老楊堤冷暮秋  
鵲鳥不知紅粉恨月明猶自語迷樓

劉清玫

亦符縣齋靈丘人

短歌行

牆有薜荔園有棠棣爲此黍醪以燕兄弟鴻則同翔鴈  
則同梁矧我連枝何可暫忘散不在多酒不在美邨釀

野蔬盈樽盈簋西苑之花南池之魚田間燕喜百憂可  
紓昔患豺虎爰搆喪亂南北失序邈若河漢別日苦多  
聚時幾何良會匪易胡不醉歌

平陸縣

黃河分北界日暮每多風徧野棉初白千林柿早紅水  
流山影外花落鳥聲中欲訪投棲處殷勤問老翁

環川對月感懷

七載邊城久今年雲夢遊那堪三楚月偏照一人愁作  
客誰青眼思親已白頭瞿塘春水發何日送歸舟

太白山

國朝詩的卷之一 山西

七

太白巍巍勢接天峰羅劒戟控三邊懸崖凍結千年雪  
曲澗飛來百道泉虎笑悲風驚谷外猿啼冷月過牕前  
春深花鳥無消息日閉雲關學老禪

大孤塘阻風次韻

驚見狂瀾泊小灣湖心波撼大孤山南通彭澤蛟龍窟  
北帶金陵虎豹關久客自憐歸夢遠長江未許放舟還  
停橈囑付封姨去一轉風帆咫尺間

登天門洞

在西梁山

獨步天門最上層兩山開處紫烟凝回頭野寺千家靜  
縱目寒江萬里澄呼吸風雲通帝座鬱蟠龍虎衛金陵

漁歌樵唱皆超俗日暮凭欄秋思興

周藩俗人霍州人

雨

寒氣撲船來千山暗不開雲低天近水江濶雨鳴雷小  
港喧人語孤村繫客懷一般啼杜宇今夜較偏哀

金陵懷古

一片斜陽水荇茫銷六朝赤鳥空有號朱雀已無橋古  
井胭脂冷荒臺粉黛消傷心堤上柳故故發新條

賦得三月正當三十日限時字

三月正當三十日蘭舟載酒過河消韶華易老從春盡

國朝詩的卷之一 山西

六

風雅猶存感序移兩岸綠添新雨後一溪紅漲落花時  
良宵共惜千金刻剪燭何妨坐漏遲

周以忠端臣滿城人

玉鈞斜

大業當年憶歌舞廿四橋頭雜簫鼓司花來夢劇承恩  
珠簾十二香如雨殿角縱多歡幸人妝樓詎少含顰女  
迢迢宮輦望如天寂寂銀河愁自語生憎薄命輕如絲  
零落金鈿等閒死螢火飛飛照野阡傾城埋向雷塘土  
沉水烟消晉井寒屏山隔斷鴛鴦浦吁嗟乎西郊零落  
野棠花莫怨蕪城作帝家唐陵漢寢今何處日暮空林

噪亂鴉

上巳東謝友人招

梨花滿院閉春庭愛懶今朝怕踏青欲問蕭齋何所事  
焚香仔細辨蘭亭

牛奠潘子長治人

送諸二虎男之楚

洞庭波起欲愁予况爾離羣又索居八月未歸彭蠡應  
三秋正食武昌魚大江鼙鼓中宵急古道風沙落木疎  
別後相思難命駕殷勤好寄故人書

斐園讌集

國朝詩的卷之一 山西

一九

夏雨初晴眺碧空北門高會繫青驄文章萍水皆知已  
湖海襟期有數公小苑蒼松浮夕照畫梁紫燕舞薰風  
却憐塵紱先歸去回首亭臺興未窮

閻興琬梅公大同人

仲春

二月春和景漸芳東風稍透薄羅裳天桃纔綻紅含白  
弱柳初生綠間黃乍雨乍晴巢燕急輕寒輕暖語鶯忙  
簾前幾縷遊絲繞牽引閒情覓醉鄉

馮明期熙字振武衛人

同吳子郊遊

尋幽聊縱步長嘯共登臺地敞閒雲駐沙明野鶴來  
人堪靜對萬古此銜杯休負三春色桃花醉幾回

郭永豐

受之臨汾人

龍門

水底名山勢已馴峭巖如削石嶙峋君臣有道開昏墊  
天地無能讓聖人未折九河方識大高懸雙闕始稱神  
履水率爾瞻奇勝欲待桃花復問津

濮 棕

滄軒桐鄉人

孤山

攬勝湖南寺先登處士山一筇支犖角雙屐老蹒跚荒

國朝詩句

卷之一 山西

三

塚梅魂積空庭鶴夢還最憐清淺處月落掩松關

王老墀

殿臣三晉人

立秋漫成

未覺炎氛減先驚一葉秋鶴隨雲影去螢逐夜光流戎  
馬深離思閑山起暮愁自憐非遁跡披得一羊裘

雪夜

雪夜不成寐寒燈百念生映窓如有月吹竹故多聲好  
句誰將得春醪正可傾遙知天地意松栢見深情

初夏海陵舟中

水閣嚴方解雲烟縱目初浪翻新麥隴驛遞罷兵書沙

暖鴛鴦浴湖平螺蛤虛刊關應不遠明發意徐徐

已未人日

人日乍陰晴相看笑語生詩成吾輩事歲稔老農情此  
道惟高枕餘生况用兵平疇新雨後天意或持盈

謝樞齡

健行安邑人

海光樓

高閣崔嵬躡屣登賞心何必酒如澗山青遙列屏千疊  
水白疑鋪雪一層風動練紋拖晚照林含蒼翠帶雲蒸  
倚欄指點情無盡不覺嚴城春色凝

遊栢塔山寺

國朝詩句

卷之一 山西

三

幾年常憶扣禪扃躡屣今來識未經老樹數圍陰古寺  
重巒四面抱空亭探幽有伴情偏洽把酒逢僧醉亦醒  
洞口秋風竟不到此行仍復愧山靈

秦 桂

子芳鐵菴晉陽人

文昌閣

灝矣神光遠爲靈濟世窮化身飛斗側傑閣見雲中檻  
映青藜火窓噓紫電風斯文真主宰千載梓潼宮

唐太宗御製碑

古碑荒草合奇字赤文偏體叶爲章日香生歲華年龍  
蛇驚篆艸鈎畫重刀鋌顧此宸光映長瞻雲漢篇

聖母殿

丹鳳屏長掩芬芳看薦蘋霞衣春不老珠殿影猶存淵  
水清團鏡松花拂素幡注看天界外彷彿給孤園

古栢

栢古知何代乘風自嘯歌屈枝橫碧漢老幹舞蒼戈雲  
謁鐘聲靜州迷鶴夢多歲寒心事在相約許重過

晉祠

高祠塵外出猶是舊桐封暗水流清韻懸山欹翠容花  
香僧夢遠酒澹客情濃禾黍秋來熟人間處處春

鄭澹菴別業

國朝詩的 卷之一 山西

三

一丘藏曲折地僻與僧隣竹外窓含翠花前逕絕塵鳥  
聲啼樹靜秋色捲簾新擬步高人跡悠然得性真

出郊

野景空無際寒霜迥逼人草凝珠玉佩樹艷綺羅春  
慨歐陽賦進留張翰尊青山饒逸興何憚涉風塵

湧雪亭

亭高如島聳客至總仙才水列波成雪山香菜有萊樹  
頭紅葉動嶺上碧雲開還看東籬下白衣送酒來

趙三麒

乾符石渠武鄉人

感懷雜咏四首

黃鵠東南飛千里一徘徊朝辭鞿山樹夕宿羅浮臺飲  
露漱餘清咏粟鄙塵埃靈鳥慶文明燕雀空疑猜自從  
巢官閣三見芙蓉開衆人作近玩此鳥有遠懷

束髮期古人初志亦孤往七尺紆一官違心事俯仰世  
路自竿腸直道何能枉但令行所是不必紛慷慨懷哉  
正氣道寥廓存吾黨

騏驥乃机輓驚馬遂風馳驚驚飲羽毛瑞應無人知梅  
生吏吳市伯鸞去會稽兵厨阮公醉金門方朔饑仕隱  
雖異途其懷心所悲余也安迂拙進止昧初幾何以慰  
我情允惜達者師

國朝詩的 卷之一 山西

三

劉澤

臨溪人

辛未秋日重過沔陽誌別高飛

昔去纔初夏今來已見霜洲荷無故綠蘿菊有新黃問  
字尋幽徑栽詩到草堂故人猶戀戀歸榜候重陽

重過新集感懷

縱跡曾經處風光異昔年金沙新佛地白浪舊江天樹  
色殘陽裏濤聲曉枕邊寂寥殊不勝起一拂朱絃

劉梁楨

玉栗河津人

過白垭

秋日遠峰青空林薄烟霧緩步過山塘叢香飄桂露遠

巡遶黃牆低徊五人墓心折潛致詞下拜增遐慕養士  
三百年綱維留布素金碧貴人祠輝煌遮道路俯仰百  
感生高風邈難附

夜宿金山四鼓同李元水上留雲亭

夜話不成寐披衣更上臺烟籠山夢穩浪靜月光廻戊  
鼓分南北風飄辨往來徘徊猶未已東望曙將催

焦花寄春雨草堂時有鶴生雛

漫說花開不着吳傳來春色夏陰敷移將懷素窻前種  
添寫哀安雪裏圖披拂曉風分綠扇蕭騷暮雨滴紅珠  
北軒高卧羨皇上清興遙看鶴引雛

國朝詩的卷之一 山西

五

立秋前一日泛舟紅橋得墻字

荷花香滿溢銀塘短棹輕移過女墻占得一天秋氣蚤  
攜來八尺簾陰涼遭時戎馬憐衰髯繞樹流鶯喚夕陽  
憑弔竹西無限恨小窻遙指鬪新妝

張 汧 壺陽高平人

遊開化寺

古刹垂名久從遊事不違萬松籠白日一壑匝青圍黛  
髻捫螺字虬藤曬衲衣願留十日飲乘醉蹇驢歸

仲穆園中卽席次韻

性只耽泉石綠還付陸沉寒暄高士蹟風雨故人心柔

蝶香堪把賓鴻字可吟佳園誠足美時至一開襟

吳 璉 峯間似菴裏陵人

龐園答友人

汝豈休文病人懷白社聲祇因君不到愁共落花生戰  
壘開窓舊春山入鑑明何當一携手鼓棹聽流鶯

地震

鼎沸蕪城夜東南問不周風濤輕海嶽雷雨戰龍湫顛  
覆三千劫安危萬古愁身心無著處天地信浮漚

南郊別業

醉翁豈在酒卮釀試糟醕暮色來修竹江聲入短籬地  
國朝詩的卷之一 山西

五

偏秋意早月近晚雲奇誰奪奚囊勝清言耐客思

大水憶朱二玉

積雨橫新漲江淮欲滙流饑驅游子出險繫故人憂百  
里言多異千家哭未休望洋增感慨思濟渺無舟

初夏南郊餞莊蝶菴

小麥青青大麥黃城南山色盡蒼茫攜尊送客成佳會  
策蹇看花向夕陽幾夜離愁憑芍藥十年生事付滄浪  
冰絃何地聞天籟剌得薰風徧草堂

高 暉 蒼巖夢陵人

目則山

削出目則山蟲起阿嬖部舍馬從步入路仄足跡聚泥  
涇苔如鏡石銳勢若拒攀援斷藤行數起而數仆山脚  
霞未明山腰日已午曲徑從今日草木自萬古叢叢迥  
寒風罪罪染翠雨彷彿露崇岡蠻營列山塢廢灶留殘  
烟道傍拾遺弩冷然泉聲落似猶雜金鼓盤頂雲霧開  
秀峯若可數恍惚見吳山慰此行路苦未敢舒鸞嘯恐  
驚豺虎怒

坐石聽老兵話

遠山疊秋色涼風脩脩寒殺氣凍黃雲旅顏慘不歡老  
兵就我語坐石聊盤桓十三落邊土十五投三韓十六

國朝詩的

卷之一

山西

三

列戎行十七敘大官十年甲不解防秋桃花灘苦戰三  
十年一子沒桑乾妻死不知處母死孤墳殘中年入京  
華既又向函關西居未煖席忽征南方蠻去年破水西  
今年瀘江灣朝踣泥石裏夜宿水草間力殫倦樵採累  
日多不餐沙磧不言瘁爲君數箭瘢聞語未及旣惻惻  
摧心肝將軍策奇勲士卒敢憚難不見凌烟閣蟲起青  
雲端

送曹石霞歸楚中

廣陵三月桃花渡二十年前逢君處沙黃草白昆明池  
八千里外送君時

君如遼海鶴余似南山雲鶴飛有歸  
期浮雲無定根蠻烟置室家哀彼成親朋浩浩盤龍波  
日夕來胸襟君今歸今歸何道九疑蒼蒼兮洞庭淼淼  
黃鶴樓中鐵笛聲梅花飛落楚天曉

題白雲巖

純陽祖師  
自畫像

羅浮道士丹壁裏骨是烟霞神是水時聞鸞鶴下青冥  
一片洞庭秋色起白雲影亦無心留武昌城頭岳陽樓  
碧鷄之祠邯鄲市仙踪到處吾曾遊沙溪同此有遺跡  
徒禮丹青竟何益丈夫迴首卽神仙此亦黃梁夢中客

送施愚山

國朝詩的

卷之一

山西

三

秋風昨日捲長空忽失天都第一峯牧龍丈人遍尋索  
下顧却在君詩中詩中彷彿露精怪突兀嵯峨煥光彩  
泉飛石落秋有聲千片萬片白雲在知君自爲黃山來  
黃山應有愛君才太白去後一千載名山鎖鑰今方開  
夜月獨懸光明頂世塵不到鍊丹臺與君把臂黃山側  
話舊論心時太息迴首十年東海旁海水清淺憶不得  
輕脫軒冕遊人間籃輿跡遍求南山嗟余亦是烟霞吏  
鴻踪都印名山地曾收點蒼峰十九一一示君識得未  
君今別山此去矣山雲苦留留不住請君倒篋出君詩  
還我黃山君且去

寄懷陳確菴

幾秋明月與君別昨夜因君夢明月月來七十二蓮潭  
一片清輝皎冰雪此中渾穆知何代秦人未老桃花在  
澹蕩烟波隔世塵閒鷗野鶴如相待余交江南兩逸民  
時得因之訪隱淪芙蓉香裡數條水楊柳風前半嶺雲  
數君甲子六十載摩娑銅狄看滄海離亂窮愁豈偶然  
千年絕業一人傳乃知真宰有深意鍾鼎山林原無異  
悵余問道苦不早一官束縛空悲老江北江南但白雲  
落葉紛紛愁未掃側身遙望長咨嗟美人迢遞隔烟霞  
何時從君蓮潭上手弄明月餐蓮花

國朝詩的 卷之一 山西

宋

老岩曉發

王事遑寧處衝泥又早行一聲飛角動萬馬立雲鳴雨  
勢增山險松根礙石平龍旂隨澗繞拂樹水盈盈

送趙七竹歸武昌

秋山烟瘴靜鷗鳥正東歸嶺接猿聲苦天空鴈字稀黃  
花迎客眼紅葉媚征衣我亦尋蘭棹期君黃鵠磯

送徐藥菴

高懸徐穉榻何日許重過酒爲看山盡詩因送客多放  
懷聊復爾善世又如何月極千山道蒼茫發浩歌  
官舍如曾舍身居采石間庭供幾樹雀苦癡一樓山向

月愁堪寄看雲心共還莫言湖海濶自有夢相關

寄贈江念翔

文通風采士清才分得江州銅虎來公事鶴鳴陶令館  
曉衙吏散庾公臺千峰雲向樽前起九派潮從城下迴  
應念故人憔悴盡五年垂釣任溪隈

重九前二日城埠小集

施愚山曹澹齋聯  
在公諸同人共賦

蒼蒼極目興悠然有客長吟坐樹顛正是好風新月夜  
況當紅葉白雲天萬家影入寒山裏一片秋來飛鳥邊  
却笑宦情元亮薄把樽惆悵菊花前

九日斗山亭宴集

國朝詩的 卷之一 山西

三九

直上星辰把酒杯最關情處此亭臺山兼野色連天起  
鴈雜秋聲帶月來蝦菜忽飛千里思菊花曾見幾回開  
樽前不用頻相勸自有紛紛落葉催

竹林小飲步曹冠五韻

千峰萬壑月痕遲隨意開襟傍竹籬采得黃花堪縱酒  
飛來紅葉好題詩懶雲帶雨依高樹野鹿尋香臥斷碑  
自笑官閒無一事秋山古寺最相宜

哭亡友胡敏公次桑楚執韻

廣陵散絕動哀吟孤悵疎風雨暗侵自痛文康埋碧玉  
誰將賈島鑄黃金西州淚寄鵲啼盡東海魂歸雀怨深



嗚咽不成懷舊賦獨挑殘焰夜沉沉

寄答桑楚執見懷

短髮空餘老大悲三年一讀故人詩竹間殘局完公事  
塞外新編是宦資自笑子長牛馬走誰憐杜甫鳳凰饑  
何時煮石青峰下共跨黃羊侶鹿皮

寄懷許竹隱

天外春歸更寂寥亂山點點柳條條看花幾度清明節  
落月誰來丁卯橋萬里只聽猿啼苦一官何事馬蹄驕  
從君詩動相豪興好理青尊伴洞簫

楊鄂州來則菴過小齋閒話

國朝詩內 卷之一 山西

幸

樽前莫話故鄉遊天外誰能駕竹舟黃鳥雲開紫瓠曉  
白蘋風起洞庭秋夜郎榕葉垂垂老關嶺烽烟故故留  
搖筆向空還自笑五車輪殺爛羊頭

別寧州嚴靖公

碧樹初寒萬籟秋昆明池畔動離愁九年蘭佩分香澤  
一日征鞍賦遠遊民力東南雙涕淚心旌日夜大江流  
遙知別後相思夢應到樓山最上頭

馮嗣京 大馮絳州人

傷葛蕨行

深山多石罕平地五穀難種復難遂葛蕨繁盛地所宜

長養充斥具生義烽火連年殃生民女織男耕都廢業  
流離不得故鄉歸道路傳言來縣吏奔走通衢問消息  
招撫民歸吏有示示中惶悌父母言不重催科重撫字  
相携歸去理舊巢豈知空城少生事欲耕不得種與牛  
枵腹那能運手臂擔簦入山恐不深斬除葛蕨惟根尋  
搗爛支釜煮就食救饑夜臥山樹陰明朝再掘掘復煮  
匍匐眠食如獸禽因此葛蕨種類絕食者烏能滋氣血  
布衣不敢問升沉草木天折傷天心

不罪虎行

國朝詩內 卷之一 山西

幸

天帝愛民賤萬物區畫萬物使常屈萬物之中虎最惡  
咆哮暴烈性難艱聖人治世義無遺不過驅之復遠之  
驅之遠之斯畜斯石與木虎惡無如木石何相安相習  
成樂窩人世自此虎迹絕山河猶自憂網羅何以斯民  
不家居何以斯民不穀食深山有虎豈不知夜復不歸  
臥虎側遇虎正當虎饑餓瘠軀被吞原不識罪虎胡不  
愛吾民期虎更過期於人恐虎不服有詞陳君不見河  
下擎夫送官船却爲西洋貢獅子日供遼東十乳豕

郊原漫步

荒城消午飯隨意步郊原蔓草埋岐路饑鳥叫斷垣老  
輸行役力客懼亂離言不敢登山望衰微憶故園

和丁漢公

草率同舟楫應多山水綠舊遊渾是夢新月已如絃所  
志都難得人情總拂然小樓風雨夜棲止又年年寓樓即問

源房昔曾遊憩

也知城府厭那得到山村况是能忘暑空齋不閉門桐  
花侵影入曲度帶風存亦有勞人處晨興鳥雀喧

陸無文招天尺點石寓庭可喜賦詩和韻

未免同遷客幽居獨不羣數峰成妙手當戶已封雲頓  
覺山林近全教塵市分涼風漸佳境莫惜酒氣氤

弔黃周星進士

國朝詩的卷之一 山西

三

老不忘科第貧難遂死生性情殊我輩日月愈零丁無  
意返西楚星來湖廣鄉薦何妨客舊京星實南京人秦  
淮父母國歌舞夢中清傳言投秦淮河中

六十自壽

敝廬旅寄僅繩樞終日常關亦愛吾春賃命兒非所願  
詩書惟我不時需歲荒道可堅操守年老情堪絕進趨  
聞說廣開泉石路中行忽者未全廷宋徽宗朝長史以入行爲舉徐中行不應

清明坐寓寺有感

蟹方瘴厲無桃柳隋苑繁華厭醪醑老倦遂難甘飲食  
道窮安得畏零丁柴荆斲閉偶然事鹿豕同遊似不經

歲月屢移賴佳節歡聞郊外草青青

瞿時行見可止園江都籍太原人

對水歎

丙辰淮水隄漲下河半成澤國楚陽解君志林過  
小齋述水勢洶湧之狀慨然賦詩

今年水漲何太酷淮泗奔漸來迅速須臾畎畝付波臣  
居人十家九家哭十家九家水連天樹頭僅露波平屋  
牛羊不來賈豎錢雞犬盡罹蛟龍毒田中擎舟日往來  
河上流尸時斷續人心搖搖若懸旌死生存亡全莫卜  
農夫失穀猶捕魚腐儒一無策可畫研田歲豐無蓄儲

國朝詩的卷之一 山西

三

一經凶荒自裹腹四野呼號遍哀鴻有司遲遲發廩粟  
拮据行歎復坐愁斷簡殘編已久束城市膏梁輕薄兒  
日夜追歡醉醺醺金錢浪擲遊冶場那問無禾與無麦  
吁嗟平西風颭颭雨瀟瀟陶家門徑餘黃菊

宿田家

百里農桑路湖流晚棹開人煙紅樹裏漁火白雲隈打  
稻場纔歇投村客正來床頭新釀熟留我夜啣杯

揚州早雁

一行錦字忽排空矯首中天問化工江月淒涼猶在北  
海雲縹緲未全東蘆花附影知將白楓葉聞聲漸欲紅

若待上林傳遠信嗷嗷人正賦哀鴻

惜春全張漢臣王天葉兩前輩分賦限三字

日永風暄月值三閒從二老共清談髮凋兩鬢羞難握  
花好千枝笑未簪身世江湖萍再合情懷天地酒常酣  
何時得遂平生願五岳奇踪取次探

喬崇烈 紫淵射吸人

南歸次雨峰韻與馮文子

心情畧似絮沾泥瘴倒春林側帽簷一葉刻來何太久  
百花銜盡不成甜樽酣北海虹窺席壺缺西風月到簾  
遮莫萊根香自永玉華爭羨大官鹽

國朝詩約 卷之一 山西

詩

新豐舟中

汀艸霜過綠漸希稻梁消息雁行違斷雲飄過遠山盡  
寒蝶亂隨秋葉飛媼背笛沉撈蚌去渡頭船濕賣菱歸  
推篷坐送斜陽了欸欸天東出素暉

侯秉仁 愚谷澤州人

送默菴大兄遊京江

丘壑多生趣空江六月涼潮鋪沙岼白日上海雲黃客  
裏僧爲友山中酒作糧西風勸歸棹游草滿奚囊

柳衣園秋望

絲絲弱柳乍驚霜水面風來分外涼更向曲江樓上望

殘荷葉底睡鴛鴦

武全文 石庵太原人

春到千峰改雨餘萬壑晴時看青艸變不斷白雲生鳥  
踏空林響饒開遠樹明凭闌堪對酒何必更郊行 春望

朝城陌

二月寒中遇風鳴柳外亭雪花飄不下春艸喚難醒馬  
踏村烟紫帘飛客眼青夜來棲野屋磊落帶疎星

碧屏山 一日六師搜有修煉遺蹟

尋丹來古屋捫石扣黃庭月墮空岩白天圍繡壁青烟  
霞雷藥鼎鹿解山經閒倚雲根臥谿風喚欲醒

國朝詩約 卷之一 山西

詩

初夏泛東湖 東坡鳳翔入觀之一上構喜雨亭

岐陽四月麥翻秋喜雨東湖載酒游翠黛參差來遠岫  
檀歌宛轉逐清流秦雲龍樹臨筵舞細柳新蒲入座幽  
重向人觀披舊譜坡仙遺愛一亭留

故明孫百穀司馬督師殲寇戰死秦疆夫人張氏

率一門妾媵赴井殉夫詩以表節兼和同郡馮

訥生潼關行

寒雲萬里壓秦關一片孤雲落照間秋去凋戈拋碧艸  
春深古井閉紅顏猓貅帳冷星猶墮風雨香銷夢不還  
獨有長河依故壘東流日夜水潺湲

園菊

園林昨夜吼西風  
霜葉紛紛墮晚紅  
却羨黃花猶傲骨  
撐持秋色向籬東

郭振基 元成臨汾人

月夜同冶堂繼武弟坐攝山望疊浪岩

一輪明月好  
午夜起披襟  
皎皎林間出  
悠悠牕外侵  
松深千壑靜  
石暗半崖陰  
豺虎應無跡  
微吟自會心

丙申九月上浣篠園竹里艸堂宴集時雜花遍開

積雨未霽即目抒懷同人各賦七律二首以佳

辰二字爲韻

國朝詩約 卷之一 山西

三六

名園高會興偏佳  
水閣澄明暢好懷  
照眼花枝光映戶  
弄晴雲氣雨侵階  
圍棋戀勝難拋局  
把酒無心恰破齋  
幽徑自今來往熟  
不妨常着筍皮鞋

特趁佳遊及好辰  
却教絲雨浣街塵  
池邊綠漲浮萍合  
石上陰濃亂葉勻  
爲愛素交逢雅集  
不辭毒飲醉芳茵  
預愁白雪高難和  
空慙吟髭墊角巾

喬國彥 俊二晉中人

苦雨

入夏無晴日  
淙淙滴碎愁  
三時陰失晝  
六月冷如秋  
隴麥漂高阜  
漁竿釣兩樓  
佳床嗟兀坐  
時聽一聲鳩

過太湖步吳梅溪韻

浩蕩無涯竟接天  
悠然四顧五湖連  
曉風舟破層層浪  
山氣雲蒸片片烟  
江漢遠從胥口落  
東西高峙洞庭懸  
遙看遠岸渾霞染  
盡是桃花遍野田

春日馬上

青山迢遞野烟浮  
細草茸茸襯紫騮  
停轡暫沾溪畔酒  
桃花片片逐春流

武承謨 勳孟太原人

有司

有司何所司  
勤民與治國  
一爲有司官  
便應盡厥職

國朝詩約 卷之一 山西

三六

之當官者有名  
卽有實尊貴不虛誇  
瑣細皆竭力惜民  
如養雛慈愛滿胸臆  
和厚而廉明清正  
非矯飾奈何今  
之官凶很恣羅織  
毒螫蝎翹尾猛噬  
虎生翼民命視草  
菅民膏如飲食敲  
朴自稱能貪形不  
少匿苟博上官歡  
傾囊動千億兼爲  
兒女資取悅妻妾  
色不畏人有言那  
懼天誅極往往罹  
國法禍患不可測  
我亦爲有司覩此  
心惻惻莫言種福  
田莫言積陰德但  
念同類人安能忍  
削剋青衿豈盡盡  
貪民亦非賊父母  
竟何名而乃相迫  
逼遙遙大庾嶺下  
有彈丸邑我也讀  
書于茲來勤社稷  
高原自梅花幽澗  
或荆棘惡物有芟  
除涵濡本休息恩

義隨分施先賢以爲則

月

月色明如此江邊獨照人歸雲孤影細秋水夜闌新滿酌天涯酒全除世上塵今宵愁思少清迥見吾真

出郭

清晨出郡郭隨意踏烟霜白水孤雲浦黃花野草塘焦容山共老愁緒柳同長偶得驚人句呼奴入錦囊

泊鄱陽湖大風自嘆

漫說郊迎郭細埃蕭條行李暗生愁天涯迢遞春三月江清黃昏一舟險路更知家是累中年始信歲如流

國朝詩的卷之一 山西

三八

何時官閣鳴琴暇嘯詠梅花嶺上頭

贈了山伯珪和尚

徐攜錫杖踏蒿藜浙浙清風到虎溪吟過青楓山角路

滿林明月聽鶯啼

王珣珣 韞輝孟縣人

中秋

幾片寒雲空際浮一輪碾破碧天秋玉壺滿貯三千界金鏡高懸十二樓桂子紛紛侵坐冷天香渺渺入簾幽羽觴飛處歡無極倚偏欄干未肯休

九月二日登芝山

夜來菊信到籬邊欲探重陽野興偏臨水靜聽紅日激  
步巔高嘯白雲眠風前帽落千林葉石上歌翻一笛烟  
人不悲秋秋更好仍將勝會約明年

史 范

民表領治太平人

經雷塘故址

曲折雷塘路崩崖壓斷橋石橫苔蘚厚潮落水痕消莫  
問貪花去相看牧犢招隋隄烟柳歇幾度月蕭蕭

惜梅

花事今年又一春風風雨雨黯花神未能掃地常畱影  
空憶江城弄笛人

國朝詩的卷之一 山西

三九

侯維屏 樹安敬菴澤州人

金山卽事

塔向雲端聳樓臺鏡裏懸浪翻三尺雪帆破一江烟遠  
岸人如豆高峰我欲仙中冷泉第一茗醉興悠然

立秋後一日同人郊原納涼卽席共用涼字

西風纔有信綠野乍生涼片石涵秋水高樓倚夕陽橋  
危通曲徑樹老抱平岡雅集渾忘暑歸來泛小航

立秋日同人雅集

暑退涼生動客思今宵羣集賦新詩人間那得真消息  
只有梧桐一葉知

國朝詩的陝西目錄

卷之一

李念慈	八首	韓詩	二首	王又旦	十二首
房廷禎	一首	楊素蘊	七首	李猶龍	二首
王祚昌	二首	孫枝蔚	十首	郭士璟	三首
李時燦	四首	謝天錦	三首	郝璧	一首
梁鉉	一首	張恂	十四首	曾畹	十五首
王相業	十一首	程正開	一首	黎際皞	一首
李楷	三首	凌元燾	五首	王孫蔚	三首
趙廷錫	一首	王巖	三首	李國璉	二首
李化麟	一首	李景麟	一首	雷士俊	二首
張炳璿	一首	王弘撰	二首	張謙	一首
陸引年	二首	白良瑄	一首	溫養度	一首
劉芳猷	二首	楊綱	三首	張克生	二首
余雯	一首				

國朝詩的卷之一

長沙陶煊奉長選

同里張燦豈石同輯

陝西

李念慈 記購劬菴汪陽人

復菴范湘濱隱者歌

我登太華經西峰攀藤附葛躡芙蓉好山處處惱人眼  
佳句不來悲填胸逕轉東下還南折前有茅屋翳青松  
石榻木几圖籍列徘徊知是隱者蹤隱者何人范羽士  
少年力學窮經史長將筆墨侍青宮勞動輔導聞天子

國朝詩的

卷之一

陝西

一

玄黃戰劇天地昏龍升蛇走紛紛奔西入華嶽成長往  
鑿石結廬坐蕭爽懷中離騷與老莊高峰夜讀聲琅琅  
哀猿感笑陰鬼哭月寒山色人低昂我來屋下不見君  
長吟竚立向天雲日夕遇君大峽下握手欲語情紛紛  
君今君今更努力黃精青飯鍊顏色滄海黃塵那可蹈  
此心耿耿無人識爲君作歌更踟躕仰視諸峰暮天黑  
飲孫豹人慨堂歌

生不得與子皇塗同佩觿經綸海內叅密勿又不能與  
子丘壑同放浪縱酒酣眠齊得喪胡爲踪跡兩相隔我  
在秦中子江上前時客裏一逢君論文壁壘不相讓西

卷作別四年餘故人未寄一行書今我命駕還南之振  
手無語出新詩新詩矯矯踞我右盤旋快誦不知疲  
藻奇思歸正雅河濱之下非子誰讀罷徐徐問生事始  
知頻年貧更勤園林已典他人居清泉老樹成空虛九  
月合家衣未授忍寒兒女色躊躇坐我漑堂中飲我廣  
陵酒兒女出拜我歷歷問親舊男婚女嫁復抱孫見之  
使我嗟歎久吁嗟乎兒曹催汝頭頰白雄才空老真可  
惜歸鄉何日計不就流落天涯過半百萍踪相見各流  
涕別後相逢復何地況今我身將入官那得相思閒便  
詣夜深飲酣雖復歌此情耿耿終切切回頭囑君女亦  
國朝詩的 卷之一 陝西 二

攸鎮夜泊

到岸繁燈火荒江盡日牽村喧新過虎沙淺數移船盜  
賊爭昏夜風波聽長年路危常不寐山月出娟娟

殊俗

殊俗崇淫祀荒隅禮制微盈城喧鼓吹列肆薦神衣陰

盡山魃見風潮颶雨飛民生今更蹙福澤竟何歸

雷雨

嶺外常多雨中宵更倒盆聲驅群鱷徒勢挾巨潮奔雷  
電終年有蛟龍近海尊涸鱗猶滿轍何日見飛翾

漢陽

大別山前雉堞稠風烟西楚勝全收帆開門對武昌出  
岸轉江吞漢水流鐵馬東來金口晚冥鴻南下洞庭秋  
晴川碧樹今非舊兵火愁人欲白頭

西京雜咏

萍踪已渡大河西又向西涼信馬蹄故國交遊渾在夢

國朝詩的 卷之一 陝西 三

他鄉風物總含悽黃沙古蹟行人少白草新邊落日低  
客况年來誰得似斷雲明月夜烏啼

廣州雜咏

荔茭新釀剝紅菱坐待中秋海月升滿市香風薰絳蠟  
萬家爭挂素馨燈

韓 詩 聖秋固菴三原人

冬夜集龔奉常龍松館聽曲同賦

繁華高閣聽鐘飄枉憶揚州廿四橋珥筆昔聞嗔宰相  
濯纓今許傲漁樵雙成妙舞來朱鶴秦史清歌映碧簫  
浪說樊桐仙去後雲英天漢路迢迢

絳唇朱袖舞輕鬟沙磧晴和佩帶閒有客西曹增意氣  
誰家北極夢刀環要津蚤踞推韶令神藥徐燒任往還  
此際江南愁萼綠天涯芳草幾重山

王又旦 幼華黃浦邵陽人

雜述

桃李植高原灼灼矜芳辰鬱鬱澗中松凌霜獨苦辛築  
室臨狹斜大道交朱輪與我本根殊曷肯念舊親紫駟  
夜經過裝束何鮮新鄉曲少屠沽雞黍乞南鄰吁嗟結  
駟客寧知原憲貧早辭奉三爵視我同麤塵

孫豹人自歷陽歸邗上

國朝詩的 卷之一 陝西

我自故鄉來征車歷崎嶇近將追風好遇爾盡區浮  
雲起庭戶變化在須臾室廬人則違依然天一隅淅淅  
江上風迢迢歷陽途努力爲八口勞子衰暮軀  
湖海雖寥濶此離未云久不謂再相見形容增老醜中  
藏千萬言一時難遽剖囊底探餘錢入市買濁酒歡娛  
夜遂深秋月上高柳來朝舉火艱四壁仍相守

落雁峰看月

冥色起西山虛壁孤崢嶸天風赴萬壑松濤向我鳴大  
荒靜遊氛素魄忽已生感此不能寐坦步中林行霧市  
傳張超博臺思叔卿雲車久寂滅念之幽憤盈茫茫盼

下界萬事徒縱橫俯仰謝物役澹然望太清華星低懸  
聯嶂嶂紛紛歎傾靜夜守孤影何人知此情

大風雨自玉井歸西峰宿范湘濱道人復菴作

越嶂探玉井日照東林木雲氣生壁上須臾盪虛谷爽  
籟激幽響大雨一何速羣帝忽來下乘蹻紛相逐桂旗  
連寶羽飄飄低以屬天色變多端一氣自回複徒侶對  
面失苔滑阻紆曲紛吾身何託暫憩雲中屋稍覺心魂  
安更曠登臨目欹斜千山松偃卧一逕竹莫漫嗟險巖  
庶幾愜幽獨入夜展道經孤燈照人宿

大雨渡江

國朝詩的 卷之一 陝西

渡口烟初暝孤舟客未歸楚天低遠岸江雨撼危磯指  
顧千峰失空濛一葉飛中流歎奇絕不敢怨霑衣  
磯上待月寄懷胡君信

雨後綠陰繁涼氣生七澤遙念石莊人林間岸輕幘缺  
月未離海殘霞忽歛夕獨鶴下煙江渺渺楚天碧

渚宮二首

舊迹何勞問東風草又新江籬春秣馬曉鳩暮愁人日  
積千秋骨青然幾夜燐那堪聽畫角腸斷是西津  
夜宴出房烝軍城酒似灑陣雲通白帝邊月墮黃陵垂  
手花低蒂纏頭柳覆罽章臺歌舞地今古悵偏增



登大別山

石路層城外空亭落照間  
導江傳禹貢對岸指吳關  
地塹洲前樹天青雨後山  
招尋成久客楚月幾回彎

武侯拜風臺

舟泊楓林岸崇臺縱目初  
月明飛夜鵲江靜抱嘉魚  
北渚鳴霜角南天急羽書  
東風今正便一鼓破衝廬

大雪書事

已未十二月作

低空漠漠忽雰雰更點松  
腮微曉聞天入平郊看不見  
風迴大壑杳難分六年獵  
騎圍關樹臘月征人度棧雲  
欲禦奇寒須毳帳漢家新  
已賜將軍

國朝詩的

卷之一 陝西

六

房廷禎

與公慎卷三原人

題宿斗臺

爲臺高數仞呼吸欲通天  
夜對千峰月朝看萬樹烟  
乘槎同入漢浮島坐皆仙  
歌吹隨風去冷冷環珮傳

楊素蘊

筠谿宜君人

過宜陽邑令張孟遷招飲  
錦屏山同處士張恒菴

進士張六翻作

昔我遊閬州錦屏山色好  
今我過宜陽復走錦屏道  
相去數千里名同豈無考  
攀陟最高峰極目乾坤小  
洛水自西東曲曲相環繞  
古栢千萬株菁蒨望難了  
山花不

知名時復見瑤草仙翁有  
遺跡捫蘿恣探討西北望  
大行雲霞常縹緲太華與  
嵩高元氣渾渾灝灝連朝苦  
別離忽忽無昏曉對此曠心  
神萬慮真如掃豁然看青天  
舉觴任潦倒坐久日已斜烟  
光靄林表長嘯下層崖悠然  
天地老

大風歌

九月欲盡大風起一夜刺  
刺吹窓紙萬壑千巖皆怒號  
直至天明吼未已黃沙漠  
漠埋青天伐物拔樹地軸翻  
鼉鼉深藏瘦蛟泣魑魅蒼  
茫盡慘顏別有憂人不能寐  
傍徨起坐心如醉四海蒼  
生凍欲死無衣無褐何卒歲

國朝詩的

卷之一 陝西

七

沙場烽火半明滅指墮甲  
坼肌膚裂霜重鼓寒聲不起  
四角鳴咽吹向月到處征  
人盡望鄉殘燈孤館冬漏長  
衾裯如鐵家萬里欲歸不得  
恨恨安得倚天之長劍與  
繫日之長繩斬嘯虎而縛  
馮夷俾陰霾驚懼而伏藏

江泉

虬龍蟠古木鱗甲動深湫  
靈恠嘯雲雨蒼茫黯斗牛  
與亾歷百代霜雪飽千秋  
日暮悲風起茫茫白浪浮

山居聞劉雪石過草堂未晤而歸天晴擬遣騎相

迎賦此寄贈

亂後常思見君來我未歸  
不知花徑裏誰啓草堂扉  
烽

火新傳安文章舊業非何時一握手共道兩心違

襄城道中春寒

春殘天氣似秋深萬壑陰風響暮林風起塵沙昏白晝  
雲霾草樹失青岑前朝戰鬼還聞哭南國軍書幾度侵  
遠道春寒驅瘦馬破愁空費短長吟

秋懷八首 選二

露白葭蒼秋氣新楚江澄徹浪花勻月斜萬艇垂帆影  
日落千山起暮燐冷雨滴殘靨客淚征鴻叫盡故園春  
書生潦倒渾多事醉酒湘流弔逐臣

又見灘頭紅蓼殘每逢驛使問長安憂時漫學佯狂客

國朝詩的 卷之一 陝西

八

去國空傳舊諫官汲黯淮陽徒臥病杜陵劍外且加餐  
夜深徙倚梧桐月遙指薇垣向北看

李猶龍 紫函桐陽人

遊棲霞寺

蘆江一棹放幽踪簫鼓暮杵曉夜從對酒有歌皆白苧  
譚心無念不青松光移水國邨燈迴韻落山樓野磬逢  
縱是茱萸非故苑也應一醉破愁容

簫韶遠上逼禪踪木落山空路可從鐘隱暮林聲出寺  
清生秋樹韻歸松芙蓉水淨羣鷗合蘆荻花深一雁逢  
宮闕望中衰草白何如佛是六朝客

王祚昌 天葉涇陽人

送張稗恭歸秦中

久客隋堤憶故鄉遙遊吳越剝空囊看雲汴水三秋短  
策馬關門二華長涇畔復教吟落葉里人共喜聚斜陽  
幽棲未遂同歸願寂寞江天獨酒狂

西湖即事

湖心亭子競彈絲樓閣空中四望宜青嶂鳥從雲外起  
碧潭魚自鏡中移名姬席地頻歡笑上客臨流獨賦詩  
禁夜誰能將月待趨歸猶恐笋輿遲

孫枝蔚 劉人三原人

國朝詩的 卷之一 陝西

九

凌蔚侯彈禽歌

蹉跎將暮年憂愁閉笑口畫舫豈不寬風伯何善吼豪  
士出蘭州取樂無不有自言老杜是吾師當時射飛亦  
好手引臂能令蘇預喜得名豈在葛疆後尚恨涉長川  
不得馳林藪船頭絕叫使我驚一彈正中水禽首羽雖  
潔淨智則疎非駕非鵝翁識否念此亦蒙造化力肉味  
不堪佐樽酒願君妙技勿輕施紛紛梟獍正飛走大小  
黑白願早剖狄庭何足快窮途因君兼恠濃西叟

夏日坐郭長仲水邊梅花亭歌

自笑平生寡遭遇與客看梅但看樹雖然不見花開時

亦省却傷花落處載酒昔遊鄧尉山千枝萬葉春已暮

正如師雄在羅浮醉醒夢回想態度蓮花香滿西湖中

弔古初臨處士墓水邊落落數株存復似松風亭作寓

東坡詩松風亭下荆棘裏雨株玉葉明朝暎

今年五月客潛江遠郭洪濤礙

杖屨舊時歌舞今已無誰家臺榭尚如故天寶年間樂

事繁白髮老翁閒告語郭君相見獨何晚不緣水退失

歡聚三日兩日勤相邀自造一船臨古渡翠竹蒼松色

總佳更愛老梅種無數徘徊倚綠陰濃恍然重入江

南路只對根株興已飛莫言藥朶香紛布恨我不如倒

挂鳥嶺南邨裏客來去憐我不如堦下石曾墜殘香分

國朝詩的 卷之一 陝西

縞素合向深林領百罰又別幽姿堪再誤潛江之遊頗

不惡潛江高士復可慕高士終朝丘壑間浮名難奪烟

霞趣何遜當時亦可憐題詩只坐揚州署邨及此亭面

水閒吟吟驚起雙白鷺

### 長相思

長相思在西方岐山之下無鳳凰豈無鳳凰荆棘參天

梧桐死邨有竹實可爲糧忍饑却向東南飛歲暮天寒

道路長吁嗟鳳凰身有五色之文章不如鴻雁多稻梁

淮陰雖乞食後來遇主爲侯王伍員雖乞食復仇可以

見父兄陶潛乞食獨可憐身無官職田園荒長相思淚

千行

### 漢水

江流閬南紀漢水滯東歸已報長堤決還愁小艇稀黑

雲朝不散白鳥夜難飛夏與冬無別何勞製葛衣

### 發屯留別家兄大宗

友愛情無極離筵潞酒紅早歸如倦鳥再會是衰翁我

覺江湖道君憐井邑空戴家兄與弟憂樂不相同

### 愁坐

愁坐火爐邊門關雨雪天故人一字絕凍雀幾聲傳老

只添詩草饑猶倚硯田鵲鵲裘已典將恐及青氈

國朝詩的 卷之一 陝西

同方爾止吳仁趾陪吳蘭次登多景樓時蘭次赴

### 湖州任

出城送客共躋攀萬里烟雲杳靄間天下江山如此少

古來冠蓋幾人閒潮頭日午添帆影樓閣風微散酒顏

五馬臨行重回首故知魚鳥最相關

### 送李武曾之雲中

相逢意氣本無難卓絕文詞後代看名士誰令長在路

壯年何用勸加餐飛狐白馬行人少紫塞青陂落日寒

回首江南圖畫裏春風紅藥滿雕欄

京口酒家送張牧公歸臨洮

粗豪年少解春衣酒罷彈箏對落暉  
那識我曹情最苦  
送春時節送人歸

大風雪晚投邨店

鳥跡人踪無一存艱難覓路到黃昏  
相逢正取邨翁笑  
如此寒天客打門

郭士璟

飲震翁柅涇陽人

渡黃家嘴

驅馬入清河濤聲隨客路柳埽塞河堤  
堤窄難容步卸鞍倚枯楊遙覽東溟注  
淮水知南奔黃流直北怒此堤屢易名  
橫衝不可渡下令役丁夫中男畚土赴少男齊

國朝詩

卷之一

陝西

十三

舉錫少婦依朝暮老婦供爨淚枯眼不顧坐問何鄉  
土哀哀收淚訴舊宅淥洋湖湖逼千隣聚林多雞犬聲  
園栽桃李樹林麻滿後邨青菰盈前圃自從戊申來土  
堤決無數最慘清水潭奔騰勢如雨遷宅無可遷低蓬  
歲月度余聽淚如河擬向君門籲丈夫既許國豈無尺  
寸布歲糜百餘萬黃河猶逆訴語絕駕方舟仰天獨號  
呼回首望揚州暫喜河水汭

送丁天柱行人歸觀

爭劈霜蠟集別筵清言不絕布簾前  
橘花醉入三秋夢  
尊萊長思一水天我失萊衣誰許覲君輕毛檄促歸船

白華夜讀聲聞遠千里烟波望若仙

偕諸弟登北固

三吳地盡南連楚大海雲中東去潮  
山入滄浪渾倒影人從傑閣一吹簫  
臨岩幾屋高於樹繞壁迴廊疊似橋  
骨肉相依頻極目北風隔岸苦蕭蕭

李時燦

坦石寶雞人

昭君怨

北風吹起戰塲沙馬上明妃泣暮笳  
此日玉關門外妾琵琶猶帶隨頭雪  
鴛鴦抽作指上絃纖纖無力輕撥鈇  
欲吟道遠氣先咽嗚呼一歌兮歌始發  
寒霜已白漢家

國朝詩

卷之一

陝西

三

月

六么何能娛寸心雙鳳裝金曉露侵  
駝漿塗沒西龍首牛酥冷落虺皮雲  
蛾眉不作承恩女騎上燕支淚如雨  
無邊怨恨曲中語嗚呼二歌兮歌再彈  
聲如裂帛摧肺肝

應知遠嫁無來日何處學人縮地術  
憑寄征鴻書未悉槭痕漬漬長流血  
風勁草枯角弓鳴沙鹵有人射沙平  
爲妾傳言到渭城嗚呼三歌兮歌方終  
空餘青草彌關東

隣笛

正是猿腸欲斷時  
隣家玉笛弄羌辭  
風吹角枕征人遠  
雪滿關山旅雁遲  
渭北堤楊渾欲盡  
武陵歌管不勝悲  
曾傳五月梅花墮  
又在江南第幾枝

謝天錦

漢襄蘭嶠蘭州人

湟水曲上張丹霞司理

朝陟隴山巔  
暮傍湟水曲  
哀號中夜來  
痛絕過桎梏  
初猶鳴鳥啼  
漸久不能哭  
又聞詬誶聲  
緩急相窘辱  
怪此荒垆邊  
詎得有狂獄  
云是府胥徒  
逮舉赴省屬  
吁嗟手華堂  
高卧伊何人  
朝出結駟夜  
秉燭負芻飛  
輓賴愚眇一遭羅  
織櫻此毒側  
聞鑄刑書教  
民非迫促  
兩造適未  
國朝詩的

卷之一

陝西

十四

廢苑歌

留鹿庄前春已暮  
飛花迷却桃源渡  
舞榭歌臺瓦礫堆  
牧兒認作采樵路  
剩有老柳插青霄  
古幹槎枒色半凋  
芳蘭叢桂根柢盡  
卽有柯葉容蟪蛄  
黃昏颼颼悲風起  
鷗臬逐隊山魃喜  
荒階斷砌鬼火青  
狐兔跳梁行人止  
我每臨之神慘傷  
依稀追溯終迷茫  
開元旣往龜年死  
安得老翁在我傍  
猶記長安二月好  
流鶯啼徧長門草

千盤萬落曲欄迴  
一夜百花開放早  
主人較射坐春融  
冉冉春風動角弓  
虎衛龍驤列如堵  
金鞍玉勒排青驄  
別有複道通六院  
翠幃珠簾稠似霞  
吳姝越女競芳菲  
乘春鬪草來東殿  
東殿堦堦連凝碧  
園堦堦堦怪石拂雲根  
下有曲澗穿池沼  
牙樯桂楫到龍門  
林藪適在龍門右  
內有珍禽並異獸  
含生翼卵無網羅  
時披烟霧窺山岫  
山岫樓閣壓城闌  
闌角鈎心拱北辰  
牙籤錦帙圖書府  
花萼齊雲非比倫  
高秋氣爽炎蒸歇  
清宵擁出團圓月  
金波宕漾鳳凰洲  
冰輪掩映芙蓉闌  
夾道熒熒寶炬來  
傳呼直上月華臺  
叱咤一聲風露靜  
城頭戍鼓憑相催

國朝詩的

卷之一

陝西

十五

須臾中涓開綺宴  
熊蹯豹舄何足羨  
醺醺航內紫霞飛  
笛中吹落梅花片  
又聞臺下奏瑩篴  
象板銀箏次第收  
舞袖淒淒風雨入  
雪兒唱徹古梁州  
昔日繁華卽可擬  
忽然歷亂沙塵起  
桑田滄海何代無  
賓王白馬徒含淚  
不見阿房渭水濱  
焦土一炬由楚人  
又不見驪山花映  
朝元春六龍西幸  
紛紛烟塵往復之  
理固如此石馬陵  
嶺翁仲倚茅茨  
土堦萬古存廢樓  
貝闕徒爲爾

金陵雜咏

六代繁華歲幾更  
鍾山空繞秣陵城  
參差喬木分榮悴  
衰老中官半死生  
石虎年深埋蔓草  
銅仙淚滿滴西京

眼看禾黍迷今古日暮高樓亂柝鳴

郝璧

仲趙蘭州人

寄懷舍弟歷兼東石若珍

有弟蘭山守墓田別來西極數經年  
關河錢馬仍留牧荆棘銅駝已盡遷  
升屋招魂空社鼠還家說夢對啼鵲  
痛深抒眼難高望訊到良朋各黯然

梁鉉

仲琳三原人

望華嶽

幾折層巒上猶然蠱數峯橫雲迷綠逕危日挂青松  
泉石生洪浪仙居切九重亭亭天外峙一片玉芙蓉

國朝詩的

卷之一

陝西

二六

張恂

穉恭涇陽人

渡漳河

驅車破曉烟過眼驚殘墨迷離野渡寒古懷秋色裏不  
見銅雀臺但見漳河水

米太僕廢園

海淀誰家花樹枝摧殘零亂秋風吹至今人說米太僕  
想像當年全盛時盛時文物照赤縣各以林泉交相善  
士夫尚志競清娛四方好事流傳徧京輦之西烟月窩  
名園寧羨雒陽多貴戚琪花臨翠管五侯瑤草沸鶯歌  
翠管鶯歌行雲止雕闌繡棋連天起珠履常紛錦帳中

香車雜踏紅塵裏太僕爲園幽韻偏羞與繁華鬪粉鉛  
蕭疎自得閒居趣曲折真成物外賢閒居終日集賓客  
物外會聞點蒼碧不獨蘭亭最工書肯讓南宮專拜石  
堂中怪石立如林隔帷危鷺共曉吟書畫船開絲竹細  
嵐光倒影芰荷深豈知高岸一爲谷勝地華林同溝瀆  
稻花空倚斷甌香戎馬能隨剩水收雅奏銷沉畫角哀  
西山爽氣爲誰來爲語路人休歎息長楊五柞已蒿萊

古關歌

漢武防邊廣築城遠臨滄海掣修鯨魚眼射波風燈亂  
丹霞雉堞縱復橫岩峩山勢壯西北東南來與海輪平

國朝詩的

卷之一

陝西

二二

設險此中通一線金銀爲櫓玉爲扇紫塞黃雲歸節制  
神州奧區倚藩屏函谷丸泥不足修成臯天塹空高名  
制勝全控百二甲壯猷方屯十萬兵摩肩擊轂重行行  
威築城頭吹月明一吹茅店荒雞鳴再吹杜鵑啼無聲  
三吹行人白髮生

龍堆行

龍王堆上龍池古池內老龍藏風雨父老傳聞白馬浮  
疑爲海眼深無數四面環山若女牆句驪遺址土花香  
千年古蹟誰人見總是今時麋鹿場

重過蒙陰縣

再至春云暮經過杏始華寒雲棲谷口落照倚山家野  
燒何時盡荒除累更加誰憐民力竭雉兔忌桑麻

虹縣道中

極目虹州道蕭條入望平名猶存百里荒竟到孤城茂  
草仍田賦飛鴻重力征卹憐民牧苦銜盡勸春耕

閒居

古謂黃龍府今存百雉城他時鴻雁盡異代虎貔行遼  
水環荒徵開元識舊名夕陽鼓灌裏猶傍戰場明

月下從樊河趨鐵嶺作時雨後新霽

塞月秋逾白溪毛雨過香寒蛩吟斷續老馬智微茫霧

國朝詩

卷之一

陝西

二八

隱新開境烟迷古戰場遙聞荒犬吠客憶更悲涼

九日

塞草荒雙眼秋風澹一隅天高鴻雁去地僻菊花無節  
序增愁思文章戀老儒窮途知有命不用醉茱萸

夢中得句

黃雲淨盡雨初收萬里乾坤晝夜浮遼左有山連鞞鞬  
雒陽何處騁驂騑雕戈畫角青春晚翠管銀箏落日愁  
古往今來雙悵望鴻飛南去水西流

城西送復恭壽恭兩弟

邊城細雨溼征衣馬首西行木葉稀蒼野高懸鴻雁影

秋原舊憶鵲鴿飛親朋詫見從天下弟妹驚看出塞歸  
王母膝前團聚好何年同爾永依依

張司馬遼林諸大史震坤陸子玄孫鹿樵同集飲

郝復陽侍御齋中

娟娟嶺月逐春來檻外微寒照客杯老恨流離同作賦  
愁銷觴詠倦登臺人情未厭金張好世事原輕屈宋才  
賴有香醪開笑口尊中白髮爾休催

塞上

蒼茫亭障草連空亂水荒原入望同沙磧日昏鳩鵲雨  
石田雲暗馬牛風卹看玉帳懸天際尚有金墉在眼中

國朝詩

卷之一

陝西

元

一自霜花涼冷後鵬飛無計避強弓

高粱橋

縱目高粱橋烟波仍自媚曾無金谷園畧見前朝寺

曾 詭 楚田庭聞寧夏人

潤州挈侍兒寄寓鳩茲入舟有作

鼓角起危樓北風何凜冽鷄鳴懷遠道起視明星列橫  
舟出大江丹淥望中滅行將邁秦楚山川間霜雪豈不  
念重圍貧賤輕離別擊筑異鄉縣茶蓼安可說瞻彼雙  
飛鴻肝腸爲斷絕

丙申自秦中歸送弟燦就耕烏石壠

母羨西周古千家尙力耕高原無與草春日少人行發  
陝空山滿衣冠亂世輕鹿門歸去好閉戶有松聲

### 黃竹嶺

高峰日欲頽二月入閩來石突交飛瀑山空易動雷無  
風人急渡欲雨鳥先回處處燒田棧春荒尙未開

### 隴夜聞擣衣

甲帳功名薄衣裳別淚深馬嘶明月下虎渡隔溪林危  
戍秦川靜秋風隴夜吟誰家征婦苦斷續擣寒砧

### 晴川閣

大別排雲住樊山一戰開亂流爭歲月孤嶼下樓臺同

國朝詩的

卷之一

陝西

三十

浪沲潛出夕陽嶠嶸來湖南征戰苦到處有塵埃

### 出青門一日渡涇渭

到眼春風過關河渡未休九州從時起八水自天流寒  
食客中盡高城雨際浮雄圖此百二日暮設淹留

### 費丘關早行

飛峰三岔驛大壑五星臺壁荔傾秋瀑巖風吼夏雷入  
關心自壯當棧意先回馬首分殘夢千山拂面來

### 漢中寄懷唐采臣

亦羨諸侯邸金貂重客鄉無心工草檄終日苦移兵幕  
府慚孫楚芳洲失禍衡何時露祿米寄食向邊城

亂後重相見窮途信累君猶憐江左淚化作隴西雲牛  
酒喧沙磧羗戎冒漢軍清秋吹戚策昏晝共誰聞

### 喜入大孤

此外無天地湖山入望虛秋風失彭蠡霧氣自匡廬飽  
聽三邊雁歸收萬里書所親能劇飲吾弟有園蔬

### 次大同

絕塞幽荒朔樓臺十萬家邊簫吹朔氣孤跡走圓沙河  
到東流曲山連北嶽斜明朝冬至節一夜煮胡麻

### 塞上清明集高台寺

忽出東門回首望赫連勃勃有孤城井山溝洫歸河直

國朝詩的

卷之一

陝西

三十

婦女鞦韆隨髻輕衣紫還從渠外哭踏青空向嶺邊行

開樽絕塞皆南客愁斷松楸萬里聲

### 題萬年少年伯隰西草堂

歌風臺下夜烏啼鬱鬱山莊古木齊半畝桑田人去住  
一湖春水屋東西星臨豐沛瞻龍虎地接青徐雜鼓鼙  
獨把漁竿憑月釣門前草色正萋萋

### 白下送王杲青扶輦肇慶

天涯消息與誰傳異域驚聞鵬鳥篇亂後移家還十廟  
山中哭父已三年兵戈落日江湖外輿觀春風瘴癘邊  
尚有衣冠歸宿草七星巖下自啼鵑



桃葉妓

妾傾金巨羅郎酌葡萄酒同乘油壁車去結臺城柳  
郎從西湖去妾向白門住日暮蕩輕舟愁殺江南樹

王相業

子亮雪蕉三原人

登韜光菴最深處

西山望不極菴光已幽與曲徑轉忘疲奇懷愜所造左  
右皆修篁泉聲儼前導藤蘿遠亦交松杉老難抱尤愛  
栲與栗密葉凌寒峭雲深不見日攀緣窮窈窕絕頂更  
登樓方將舒遠眺微茫指海門彷彿辨江微昔人靈隱  
詩至此知其妙俯對金蓮池水石寒相照有僧不及避

國朝詩的

卷之一

陝西

三

短髮垂古貌似是舊黃冠庶證衛生要蒲閣就危崖枝  
撐人罕到松鼠窺繩床山猿竊桐帽獨坐六十年夫豈  
未聳道扣之無異旨遜言露微傲念此忠難軀適從山  
水好日暮不能留恐貽若人笑

齊雲巖

衆山若郛廓維岳蘊靈奧旣登却復下遊者必深造濤  
奔澗底風屐仄雲根道古楠蔽石門天開非斧鑿氣肅  
豈嚴寒飲躬不可踈糾殿貳金闕明王展崇報前峰方  
醮鼎後峰復建纛信然稱福地乃授上真誥小子叨勝  
遊敢爲神所勞何當雨後登洗耳聽飛瀑

紫玉屏

赤城紫樹巔橫亘捫山腹懸崖多外拓側下深根覆苔  
乾積溜痕悵望疑濺瀑陰黑古龍眠風濤生石屋倒影  
金芙蓉幽光射空谷題壁何其多雕鏤徧寒玉汝曹觸  
真宰塵劫莫能贖吾欲假巨靈一洗髡黥辱雷雨封天  
門永矣斷凡俗

桃花澗

下山取支徑歸興復不淺窈窕愛仙居深松尋吠犬泉  
煥土自膏修篁翠如選結構就嶸崎半崖經百轉果有  
鍊形人冬夏嘗足跣百歲有二十天年終甚善聞其日

國朝詩的

卷之一

陝西

三

晏坐神全語亦鮮施米散不積多寡惟一膳溫飽旣忘  
情安知有軒冕我家泗水濱地偏懷可卷况有緝繡妻  
灌園相黽勉遁世不在山寡欲令人遠幽境可能留起  
予忽思返

愁霖篇丁亥居泗上作

客居寂寂愁秋霖泗上秋霖愁更劇泗人恃堤不恃城  
繞堤看水餘幾尺胎簪山湧淮水來衆流合注秋雨催  
經過泗口岍漸東水性拂鬱波紫迴中州河決河伯喜  
費盡金錢塞瓠子望洋向若莫知止淮水舒舒讓不流  
退尺進寸環泗州是時愁霖真可愁惟哉雷雨晴天半

急如撾鼓點如箭日脚雨脚參錯垂光芒無主眼應眩  
黃者爲蠶赤者霧銀爲瀑布金爲雷通波直欲插雲根  
射牖翻疑變人面神鬼躡踞萬景迷湖山搖動群龍戰  
試踏龜山望泗城得非海市與浮萍但求八月天無雨  
濁河歸海清淮平不然河勢少分淮不淤淮南七縣愁  
爲魚愁霖愁霖當何如

懷古

千門烟雨黯平蕪王氣江東信有無喬木拂雲封故里  
飛樓逼漢表雄圖新豐鷄犬空思沛南國冠裳已沼吳  
何處深山隨鹿豕老夫真嬾著潛夫

國朝詩的卷之一 陝西

古

雨中至龍興寺同叔則諸君子賦

僧寮寂寞入林深無復先朝布地金山下鶴迷華表雨  
鉢中龍去鼎湖陰放開天眼忘賓禮伐盡顛毛長道心  
說與比丘諸法幻化城如夢香難尋

渡江

霜露遙連蘆荻洲掛帆身世共悠悠江天寒色雙蓬鬢  
渡口行裝一蒯緱山近猶疑龍虎氣潮來終帶古今愁  
故人相見休長嘆且與論文上酒樓

初度前一日叔則以詩見贈和韻

年光歷歷換階蓂我欲藏刀君發硎淮海羈愁雙鬢白

秦山歸夢萬山青聊存甲子編詩艸未必沉寔應酒星  
屈指繁華兵火遍幾時襍被返胥庭

冬夜石城舟中聽雨

舟中擁被雨聲低滴瀝篷窗送曉鷄四海百年多少淚  
傷心都在石城西

雨中宿虎丘僧閣同史沅草王其仲慈公夜酌

片石深潭霸氣空杯酒只合對支公千秋往事如彈指  
吳越銷沉夜雨中

程正閑 淳叔三原人

武遂秋懷

國朝詩的卷之一 陝西

圭

昔年張掖唱離歌駐馬皋蘭詩興多紫塞迴風吹鴈字  
黃河斜日沒烟波三春舊院鶯花歇五里新莊雨雪過  
回首風流歌舞地誰教荆棘散銅駝

黎際暉 何有乾州人

秋日偶吟

園林雨過暑初清閒折秋葵帶露烹自笑黃堂生事拙  
月明琴靜鶴無聲

李楷 河賓涇陽人

子夜歌

日前雙影來月下雙竟去自是歡同心與歡常一處

歡是一目魚儂是一目魚目雖分左右兩兩好同居

蠶豆行

王瓜杏子秦蚕候東西離離登蚕豆客言三吳重蚕桑  
屋小蚕功不易就細剉沃葉次第施相厭眠起與老幼  
惟有此豆充爲餐青餅紅棗供曉晝扁戶謝生人如舉  
嬰兒拒隣右彌月治纈盆如薦新麥及朋舊豈但養蚕  
家辛苦竟如斯每夜養蚕時官長亦念之租吏不上門  
爲之罷訟詞一歲女紅千箱錦請君三復蠶豆詩

凌元鼎 蔚侯蘭州人

感懷

國朝詩的

卷之一

陝西

三

春色滿蕪城黃鸝故故鳴穠桃經雨艷弱柳受烟輕身  
世同飄泊乾坤隔死生誰憐失怙者心折此清明清  
幾許傷心事黃花總不知霜前逢鴈至江上哭親時抱  
病登高懶悲秋命酒遲昔年歌吹勝今日淚空垂九

寄題梁木天明府拙堂選一

雕梁背郭軒楹敞樽酒華筵次第開明月娟娟涵翠篠  
清霜細細點蒼苔城頭戍卒頻吹角堂上神君數舉杯  
可念故人身萬里每逢鴻鴈首頻回

重過燕子磯有感

磯頭一上一含情霧隱春濤入望平吳楚檣帆開落照

乾坤風雨走渾聲龍江王氣東南盡瓜步浮雲日夜生  
霸業不須重感慨潮聲空繞秣陵城

贈孫豹人前輩

亂後藏名隱竹西每逢晴日聽鶯啼詩陳正變關圖史  
家傍江湖厭鼓鼙回首嶽雲關路隔傷心隋柳戰場迷  
鹿門且挈妻孥住疎放看山獨杖藜

王孫詩 茂衍臨潼人

吳城

水市板橋外前洲落鷺孤霜飆黃木葉秋氣白江湖菊  
愛陶徵士舟宜范大夫旅思逢卧病簾月上珊瑚

國朝詩的

卷之一

陝西

三

早發峽石驛

西巖馬首向層霄秋樹平明烟未消寂寂空亭人不見  
霜吹紅葉過山橋

湘行

萬里晴江落照遲琵琶峰下小舟移楓林日暮寒鴉影  
飛入長沙賈傅祠

趙廷錫 玉譜庸施人

蘇臺懷古

遺跡無從問石湖越來溪畔草平蕪錦帆漁火幾明滅  
香水殘脂信有無夾岸蘆花秋月曉連山楓葉暮雲孤

沼吳自是興亡數莫怨傾城令霸圖

王 巖

平格策夫長安人

讀余生生悲哉行感賦

余生忽爾向我泣手持一卷霑淚濕自言亂世先瑩盡  
破殘千山萬水歸收拾自從全蜀殺戮無人烟骨樹半  
雜蒿藜委路邊世宦京師遭改革脫身竄走囊無錢遙  
遙歸路幾千里崎嶇重繭到錦水但聞虎嘯狼啼聲無  
處逢人問生死宗族八千殺盡靡子遺寥落逃生遠地  
無還期曾王母下六七樞斧旁縱橫莫辨之荒原日夜  
仰天哭空山無人共哭宿撥草徐徐歷辨明脫衣質賣  
國朝詩例 卷之一 陝西 三

慰僕

持杯勸僮僕道遠莫辭勞天地存吾輩艱難賴爾曹寒  
風吹短髮急雪打征袍千里同甘苦防身脫寶刀

送雷伯頤之鹽場

壯心銷欲盡寥落又東行晚歲經饑渴窮途別友人

烟依海市沙鳥渡潮聲此地藏名好全忘世上情

李國璉

連成韓城人

林

遠樹掛芳暉深篁坐翠微重陰迷鳥道暗葉冷人衣漫  
說茅廬靜欣從輞水歸垂鞭連草色落日倚寒扉

兩後齋飲次韻

翠削芙蓉帶遠暉初晴碧落暮烟微帘垂柳陌頻耽酒  
風綻花畦任拂衣曲洞蘿開雲欲愁深林日霽鳥爭歸  
吟魂寂寞憑誰寄水繞邨橋竹繞扉

李化麟

澹河韓城人

國朝詩例

卷之一

陝西

三

九日盧溝大風

馬渡渾河擁黑裘不堪野霧滿盧溝紅飄柿葉催秋盡  
綠繞楊堤黯客愁幾處漁人歸別浦一行旅雁入邊樓  
相逢短髮頻相笑辜負東籬舊酒儔

李景麟

星河韓城人

雜揚春日郊遊

春城花滿燕初還攜手尋芳物外閒一水波光澄似玉  
千株烟色翠疑山停車人愛青簾幕隔代香銷綠髮鬢  
勝地風光看不盡十年烽火斷邦關

雷士俊

伯嶺涇陽人

春日詠懷

青青道旁柳，潺潺澗中水。柳枯春復榮，水逝來如駛。人生百年間，一死無活理。佇立臨歧路，悠然念君子。焉能乘雲翔，阻絕動盈尺。登高望丘墓，前後長荆杞。聖愚固皆然，鮮民悲天地。孤鳥蹲寒樹，向夕鳴不已。

步登蜀岡上，遙望廣陵城。獨立依縹緲，颯颯起風聲。大道何盤盤，匹馬自孤征。荒徑埋瓦礫，山寺空崢嶸。日光乍有無，白雲樹杪生。回首睇吾廬，雙眼淚縱橫。

張炳堉 儀昭西安人

擬庭中有奇樹

國朝詩的 卷之一 陝西

三

重樛交玉枝，上有雙棲禽。比翼尉文翰，間關鳴和音。聆蕩送珠箔，因之感我心。不裁嶧陽桐，半死鑿微金。不賦錦官栢，鶴蓋空千尋。但願連理樹，扶疎對摻摻。鵲鸛時往來，約我同心人。朝夕簪其下，宴宴嬌青春。

王弘撰 無異山史華陰人

病中對雨

淵明雖有子，穎士已無僮。不盡升沉理，都歸造化功。平疇今日事，白眼古人風。泥水還堪藪，何時射獵同。

雨中感懷

兵火息還未，蕭齋奈老何。墅雲高級樹，急雨暮翻荷。病

久琴書好，愁深魑魅多。百川東去盡，誰與問明河。

張謙 牧公秋道人

青溪

板橋東去是青溪，無數春鶯坐樹啼。欲聽江南楊柳曲，美人立在杏花西。

陸引年 爾仲蘭州人

咏史

緬維田先生平生仗節義，壯哉燕太子報秦思。行刺先生以老辭，非爲艱險避。長慮薦荆軻，所舉誠不媿。燕丹囑勿言，本畏虎狼噬。先生乃自疑，伏劍示無二。旣堅太

國朝詩的 卷之一 陝西

三

子心復感壯士志，丈夫當如此。死生何足計。

虎丘山

昔年短薄墅，今日虎丘山。松柏依巖老，樓臺取徑閒。泉聲延客屐，塔影上禪關。何事生公石，紅裙日往還。

白良瑄 韞生義和安邊人

萬槿園避暑

何處停驂好，醉眠紫薇紅。障綠楊前山，光四季池邊老。花氣一樓林，杪懸翠帶水。環無垢地清風，人在有私天。笑他陌上招搖子，不道詩仙便酒仙。

溫養度 荆岑富平人

秋日咏懷

謾憶當年漢五侯如今客淚灑江流  
斷橋斜柳殘陽冷遠岫行雲古樹秋  
半世浮名淮水上十年歸夢隴山頭  
秋風一夜吹花落香散空階何處求

劉芳猷 己卯寧夏衛人

偶意

古人難盡學所貴存其意  
嵇琴與阮銀興會偶然寄不  
習離騷憂謾灑治安淚俯仰千古中頗愛陶公趣只有  
飲可學又聞增酒稅

聊園雜咏

園朝詩的 卷之一 陝西

朝起看山色濕光浮遠青  
烟歸疑柳重風約見雲停宿  
露沾初草新流泛淺汀  
簿書聊暫置且自課園丁

楊綱 立三石邨宜君人

故宮行

并州三月花樹少白雲仙源塵不擾  
小閣春紗映夕暉浮雲過眼何縹緲  
客懷總忘節序更傍人盡說是清明  
攜樽偶步城東路晉王宮闕居人耕  
見之傷心把淚盈池塘寂寞扁舟橫  
憶昔春宮競羅綺禁烟時節紛旒李  
鞦韆蹴鞠梟垂楊姊妹如花爭奢侈  
朱樓回舫晚風涼綠絲半落東流水  
飛翬簾開敞錦筵芙蓉扇障春烟裏

連翩寶馬衆爭看婉轉黃鸝啼不已才人奉勅更吹簫

花外天寒賜錦袍梧桐露滴玉階上同心帳煖度春宵  
一自中原盛豹虎洗粧樓內散歌舞九龍池畔邊笳哀  
吳姬趙女成黃土鴛鴦瓦暗紅壁昏猶是當年舊淚痕  
芳草青青人跡少遺釵碎管總銷魂君不見王家富貴  
竟如此世事茫茫何足齒宿鴉猶自繞迴廊一壺美酒  
弔斜陽斜陽初沉孤鼠出無數陰雲神暗傷

渡桑乾

桑乾水浩浩驅馬此相過廢井人烟少荒原戰壘多  
塞垣烽埃靜邨路牧童歌仰看高空雁哀哀奈若何

園朝詩的 卷之一 陝西

重陽與趙秋水張子吉栢園小飲

山川依舊菊花開隨列登高上古臺幾處野烟迷雁路  
千峰秋色抱城來茱萸欲插鄉心起竹葉初啣暮角哀  
畏病莫教吹帽落花黃露白馬遲迴

劉克生 仲雅中部人

春懷

攬鏡渾驚老客愁况復催離魂棲弱柳別淚濕寒梅塞  
冷鴻先度邊春花不開東風偏有意吹送滿庭埃

咏柳

搖曳千條拂塞塵春光欲去爲誰新恨伊最是河橋上

不解畱人解送人

余 雯 文舒藍田人

黃楊書院同馬魯士郡丞茶話

古寺秋風開紫薇郡丞頻叩遠公扉松間皂蓋時相問  
竹外籃輿不欲歸梵院從容淹小徑布衣談笑共斜暉  
星表點邗江外雲霧何人識少微

國朝詩的陝西目錄

卷之二

劉元勳 四首 趙廷錫 一首 郭礎 八首

梁化鳳 二首 陳開虞 四首 李因篤 十三首

東蔭商 二首 劉儀恕 二首 王弘祚 三首

王令 一首 康乃心 二首 郝鴻圖 一首

吳湛 二首 程康莊 一首 楊端本 二首

孫爾玘 二首 賀應昌 三首 梁舟 一首

仲育 三首 白長庚 六首 張大有 一首

李景龍 一首 李大春 十七首 姚年晉 四首

國朝詩的 卷之二 陝西

梁舟 四首 王豫嘉 二首 周燦 一首

王易 六首 馬廷相 四首 吳之珽 十一首

劉登科 一首 王予望 一首 王必敬 二首

國朝詩的卷之二

長沙陶 煊奉長選

同里張 燦豈石同輯

陝西

劉元勳 介 卷長安人

識舟亭

鳩茲西北有高臺臺上孤亭小徑開萬里雲從天際落  
千帆舟向大江來臨流刺有乘風志覽勝慚無作賦才  
憑弔六朝風景異呼朋且進掌中杯

萬里長江檻外流千山雲樹望中收漁舟出沒蘆花岸

國朝詩的 卷之二 陝西

鷗鳥沉浮白馬洲海內誰揮新塵尾百年吾把舊魚鈎  
看來勝地皆堪賞到眼難消此日愁

五日遊萬柳堂

偶託閒情寄一丘經營小小致偏幽危橋近水通三島  
飛閣凌風跨十洲閩外亞夫將撤壘園中張緒正風流  
鶯花滿眼消兵氣此日靈符莫更求

遊金山寺

突兀中流石一堆何年飛入大江來浮圖倒影波中見  
殿閣連雲日際開力砥狂瀾京口重坐翻潮浪海門回  
不堪回首東南望滿目荒涼盡草萊



趙廷錫 正普府施人

真定謁大佛閣

恒雲如帶擁蓮城十里聞香闕巨靈幻出波羅縣貝樹  
誰將寸草化金莖天從大士掌中出人向如來頂上行  
翹首皈依情較切化工千載獨傳名

郭礎 石公橫山涇陽人

曉上西山

杖藜曉上仙人山山前綠水流灣環衙吭倒明石壁下  
杜鵑哀叫藤蘿間黃茅岡頭白石墓云是仙人採藥路  
芒鞋竹杖不復還樵子眾師自來去松林幾處猿猿悲  
國朝詩的 卷之二 陝西

空山日暖行人稀驂駕鸞鶴事烏有仰看白雲朝暮飛

靈隱寺

山情領不盡四面受空青古寺追前代奇峯入西屏竹  
傳僧竈水猿嘯海門星泉樹溪聲裏冷冷動客聽

遊花山禪院

各山原意內到眼不須驚受履巉巖處扶筇自在行水  
流諸壑靜花雨一峰晴紫綠邨邨變閒觀倍有情

邨居

自卜雲林地幽居少四鄰鳥巢深壁竹犬吠隔溪人汲  
甕澆山笋蔬池養客鱗何須問朝暮爛醉可謀身

贈別張十七

石麟鐵兕草深深客路誰憐短缺吟百折不回才子氣  
半生常負美人心吳山螺黛誰能寫越女釵環說至今  
十載絮泥飛不起滿船風雨過山陰

汴州懷古

一路蒼涼奈若何傷心偏自汴州過琉璃春雨梨花碎  
冠履秋霜暮草多遺恨香銷沉故國留情鴉晚唱銅駝  
劫灰飛盡知何日落落晨星促渡河

帝子歌沉不夜樓春風花草思悠悠青燐月照金梁影  
白日龍吟玉視秋蘭麝有情俱浪影乾坤何處久風流  
國朝詩的 卷之二 陝西

低徊寂寞寒烟下一代繁華一代愁

秋興

峰峰秋色送晴嵐幾寺閒僧懶似蠶只有荻蘆堪寂寞

六朝花草悞江南

梁化鳳 神天澧原關中人

中秋前三日毘陵舟中作

明月高懸滿地秋江河影映水長流雲晴遠暖天邊雁  
夜靜閒眠沙上鷗李白有懷欣對酒庾公乘興喜登樓  
歸舟今晚毘陵道曉望烟籠憶虎丘

野渡無人

悠悠江水泛微波一帶青山映薜蘿楊柳渡頭人跡少  
蘆花灘裏鳥聲多中流細浪千層織兩岸蒼苔滿地莎  
曠野淒涼烟霧暗徘徊顧影意如何

陳開虞 詞徵大享富平人

共賞亭成漫賦

松陰深處客凭闌蒼翠侵人氣盡寒遠岫欲浮天共碧  
殘陽猶在樹俱丹漸增道念親孤衲不爲名心戀一官  
獨立閒亭聽鳥語忽來林際月如紈

邀胥永公同遊紫竹林永公卽席首倡三首依韻

奉酬

國朝詩的 卷之二 陝西 四

暫辭塵網挹清芬步入招提對竹君曲徑草深時帶露  
禪房香繞漸成雲蘭亭舊侶杯重泛蓮社新題韻可分  
久學溪陰機事息肯將車馬亂鷗羣

禪林幽處隔江關負郭誰開洞壑閒迴遶花香知有塔  
依稀螺黛似無山塵勞可許瞻靈鷲惻隱從教放白鵲  
不覺醉吟彭澤句岫雲飛鳥一時還

空亭古堞挂斜暉村舍炊烟起處微花外驕驄催客去  
籬邊澤雉背人飛衣襟欲染嵐光濕屏帳應添墨雨肥  
何必買山湔吏俗偶來休沐已忘機

李因篤 天生富平人

擬古詩三首同紫庭作 選一

結髮辭嚴親與君爲匹儔燕婉未及寧前緩行遠遊空  
庭駐暮雲高樹風脩脩蒲自池中出萍來塘上流潛魚  
泳其水旅雁鳴其秋雁爲綵帛下魚爲素書留書帛同  
時發底將獲所求曰歸日延佇聊用忘我憂

登代州白人巖因飲孫園

高仞懸孤嶂雙厓劃一門好人多在野春水自依村雨  
走空天角松藏老石根危梯攀古洞彷彿說桃源

只覺前厓好何人並結廬鷺巖光倚薄香閣靜含虛法  
境清涼外人烟戰伐餘因聲寄蓮社 懷紫庭 吾志在山居

國朝詩的 卷之二 陝西 五

春日岐山請茹明府紫庭感舊述懷

浪跡青門涕淚斑從君每一破愁顏狂呼憶醉藩亭酒  
穩卧仍看郡舍山長許悲歌同漢苑更攜憑弔出秦關  
別來鳬舄勞方劇猶得平原十日閒

早秋五丈原謁諸葛忠武公廟

星落天空里尙存 有落星里 誓師原上想雲屯徐興禮樂封  
梁甫久駐樵耕控益門 益門鎮公所置 羽扇潛揮南向  
淚雲山長守北征魂沙明草偃今猶昨彷彿迴車有舊  
痕

秋興八首客長安作

長安四代提封地指傾中原據上遊亂水遙紛飛雪幕  
清歌舊識采蓮舟園陵翠柏填薪市帝子朱門起戰樓  
轉餉江天頻告瘁南方征調幾時休

芙蓉苑北駐新軍羯鼓悲聲劇夜分邸道遺坊潛下馬

王家故老風能文子斗中尉重闌寂寞千門月絕戍縱橫萬

壘雲碧竹香蘭消歇甚昔遊無路接同羣

三川北拱帝城開古戍陰移萬樹哀地老黃蒿通作桂

霜侵白骨半生苔臨城獵騎彙弓入帶郭漁舟擊櫂回

近說西羌諸部勁秋深牧馬過邊來

終南太華古林垌更使長河遶戶庭落日夕照三輔紫

國朝詩的卷之二 六

多時秋色五陵青門空光祿羣遊揚文少卿太青院冷尙書

舊講經馬宗伯小坡何處笛翻楊柳夜故園風雨憶飄零

西來宛馬絡青絲萬炬圍城罷獵時黍逼故宮秋自滿

鴻號中澤暮何之浮雲迴首悲關塞返照經心望崦嵫

一滯雙洲情不愜兼葭搖落好誰思

咸陽佳氣鬱難消渭水時通漢苑潮皎月猶懸京兆驛

黃沙已合灞陵橋寒催霜露鳴砧急使出崑崙荷節遲

戍楚窺黔黔多不返遊魂旅旆日相招

曲江池水已成墟江岬籬花傍客車采地縱觀周召邑

滄波高枕漢唐渠邨春寥落斜陽裏野哭分明舊剗餘

咫尺杜陵連鄭谷撫時懷古一躊躇

荒臺出日未央東浩劫曾扳宿霧叢羈客草蟲迷晝闕

健兒哀角和秋風金門想像長楊下粉堞淒涼暮雨中

漢世人才循吏苦麒麟不獨紀邊功

東蔭商雲離華陰人

碣石觀海

碣石東臨水域開中間一柱並崔嵬滄田幾見秦皇跡

榛莽徒傳漢武臺情劇但憑山作舫眼空敢謂海如杯

西歸誇與丘園叟新向扶桑看日回

遊金山寺

國朝詩的卷之二 七

浪湧芙蓉插碧霄嵌空樓閣出山腰峰孤嶽瀆神應護

水靜魚龍夜每朝海氣有無晴晦日石痕消長古今潮

妙高臺上看明月閒聽江聲坐一宵

劉儀恕翰林人推菴涇陽人

流民行

丙辰秋江堤夾荆安州縣同時被淹越春而劇

風颺颺雨潺潺流民如蟻牽破船問船何所有瓦盆短

策與敗羶問民何所資殘粒草根乞數錢耶孃妻子同

哀叫哀聲迸淚如流泉流淚欲訴先痛心苦道年前遭

水沉二州五縣同時沒霜寒千里絕暮碁目今水落已

無家陌頭樹杪走白沙況是軍興役賦急都長里正窮

紛拏嗚呼縱使流離飢餓填溝壑不敢歸農受吏索

秋日洪堰

偶向秋風一振衣仙源深處白鷗歸  
雙崖有路雲偏裊流水何心瀑更飛  
屐齒凌空霜葉亂樵歌隔岸夕陽微  
陸沉廿載黃梁夢到此蒼茫悟昨非

王弘祚 玉銘思齋三原人

老鴉關

峭壁嶙峋天界旋五丁開闢自何年  
翠微絳閣千峰峙梵刹青燈萬象懸  
丹鼎時來雲外鶴茶鐺常沸澗中泉  
漱流枕石仙人事回首風塵意惘然

國朝詩的

卷之二

陝西

八

渾源州懸空寺

下馬凌虛緩步攀呼僧前導叩禪關  
空中洗鉢龍應起天半吹笙鶴自還  
石洞駐雲封丈室瓊臺留月照青山  
憑欄頓覺塵緣淨愛聽溪聲日夜潺

懷鄉

六詔烽烟說不真十年鼙鼓黯滇城  
玉龍金馬無家別鐵柱香帛有夢親  
庾信江南哀作賦杜陵峽北淚沾巾  
關河萬里黃雲起渺渺予愁風打蘋

王

令

渭川關中人

西樵樵話

西樵歷歷水雲賒中有幽人石徑斜  
慣傍村姑談井臼時同野鳥課山花  
峯頭獨撰羲皇語嶺外平分巢許家  
可是溪山千古業逢人兀自說生涯

康乃心 孟謀邵陽人

雜感

原廟衣冠此內藏野花歲歲上陵香  
邯鄲鼓瑟應如舊贏得佳兒畢六王

又

莊襄塚共白雲齊俯眺長安萬井低  
誰向韓生傳古墓教人錯認灞陵西

國朝詩的

卷之二

陝西

九

郝鴻圖

千友綏德人

喜雨同江式繩先生賦

端居舊雨足離憂今雨相從解四愁  
漫摘園蔬供嘯傲好將尊酒話綢繆  
庭前翠濕當槐夏隴上雲油值麥秋  
共賞奇文堪永日于今江左見風流

吳

澹

蕪斯商山人

秋日過友人園居值桂花盛放漫成

淮南頻入夢誰處是山阿相對已如  
此坐深當若何黃添葵色淺紅襯蓼  
花多嵇阮渾如昔無煩禮法苛

坐友人齋頭留飲次壁間陳宗來韻

高天初過雨碧落正蒼茫密葉浮烟綠輕雲近日黃搔  
頭憐髮短偶語見情長剩有名山業攤書未可藏

程康莊 坦如崑崙武鄉人

甘露寺

山樓高擁白雲平萬壑千峰而面生絕壁幾人堪試馬  
雙柑若箇解啼鶯窓寒夜月翻秋色石古松濤起梵聲  
坐羨扁舟重釣叟烟波江上獨忘情

楊端本 樹滋關中人

過滄溟先生墓

每從詩賦仰儀型今日驅車過墓庭歷下無樓傳白雪  
國朝詩的 卷之二 陝西

濟南有碣記滄溟山川不散雲霞氣原野猶含海岱靈  
烟雨故城遺跡杳杳泉高擁水泠泠

遊望春樓

雲門山色對王宮山自蒼茫宮自空尚有荒臺留石馬  
更憐桂殿起秋風榻沉龍臥寒烟裏月冷孤鳴亂木中  
回憶繁華歌舞地鳳樓簫管夜無窮

孫爾玠 嗣孔富平人

客中遣懷

東風昨夜過鄉關夢裏思家一半還春到客中添白髮  
人因病裏老青山時行小徑孤村外或立高臺落照間

回首不堪悲往事更無丹藥駐紅顏

春宮曲

太液池邊花正飛上林亭畔雁初歸春寒不到平陽館

昨夜當筵賜舞衣

賀應昌 錫之榆林人

姑蘇歸自武林舟行喜風同侯嗣宗作

歸棹直凌風長河一望空浪平堪擊楫鳥過且關弓柳  
帶郊扉綠花連野寺紅中流不可住直指大江東

江干舟宿

急雨臨沙渚春風入夜舟驚迴孤枕夢喚起一江愁棹  
國朝詩的 卷之二 陝西

發山疑動潮奔岸欲浮何年乘白鶴爲作海天遊

客至

東方十里命巾車一片閒心託著書鶴立軒中神自遠  
鳶飛天外興何如林中有客攜佳醞塞上何人問索居  
小集池亭渾欲晚猶乘殘醉看芙蓉

梁舟 木天西樵安塞人

寇萊公坊

涉渭停車此問津頽坊遺篆鬱嶙峋悲風猶護澶淵戍  
落日遙連大漠塵當代旂常垂信史故園俎豆見佳辰  
沾衣並問汾陽里流水孤城一氣春

仲育 遂生良梁人

磬山冬夜別慧上人二首之一

清風吹送白雲還，半在高僧兩袖間。  
但見蓮花迎短杖，那知霜雪度重關。  
芭鞋復踐來時路，明月空留去後山。  
從此寒江千里濶，祇憑白舫載清閒。

過素愚山房

雁聲一夜起平沙，白露爲霜菊作花。  
把酒不辭今日醉，扶筇還過老僧家。  
閒穿菜竹聞清磬，悟徹伽機轉法華。  
坐久卻忘歸去晚，更留明月煮新茶。

懷契上人

國朝詩的 卷之二 陝西

三

桃花依舊弄晴烟，景色淒涼似去年。  
記得山僧高臥處，一輪明月萬峰前。

白長庚 千西沙邨關中人

食南瓜餅戲作

旅食長三嘆，側身爲一口。  
泛泛午甌茶，送客餉牢九。  
霜蔓斫黃團，爛煮雪糝漫。  
新色弄鶯雛，嫩香壓春韭。  
一笑柔我頤，重請入吾手。  
臣朔腸未飢，將軍腹豈負。  
臍欲持兩枚，解渠千古綬。  
匪曰厭珍烹，染指鄙某某。

出門

天上月圓夜，江邊獨立身。  
清光廻照地，弔影潛悲辛。

金鑄長劍持贈與何人

東黃羽南別駕還所贈狐白裘

扣戶書來雨雪晨，開械狐白儼橫陳。  
先施雅欲同輕煖，妄受愁難處賤貧。  
况有敝裘原稱體，總無奇服亦章身。  
封還莫訝虛君惠，好及冬寒別贈人。

浮生

擾擾浮生何太勞，敢同冠蓋美遨遊。  
官資笑只埃塵細，門蔭羞談閥閱高。  
寒日半城朝掩映，朔風萬竅暮呼號。  
好誰隣壁如親舊，續續殷勤過濁醪。

歸途

國朝詩的 卷之二 陝西

三

冉冉年光赴壑蛇，難憑掉尾挽天車。  
小樓風雪歸愁約，一路湖山客當家。  
計責應償誰最急，出言寧顧大非誇。  
錢緡百萬生來有，懶拜寒燈夜夜花。

過豫讓橋

代馬長鳴汗血驕，白楊風起暮蕭蕭。  
平生幸少酬恩地，今日輕過豫讓橋。

張大有 慕莘節陽人

送達履中奉太夫人往武昌

秋深木落雁南征，攜酒高亭共送行。  
公子正趨都憲府，仙人常度武昌城。  
綵衣屢醉全家樂，土鼓長謠野老情。

京國故交勞自望吟詩遙對夕陽明

李景龍 漢游關中人

玉蘭

東素亭亭玉有光羽衣新得試霓裳香生別院風吹袂  
影落空階月轉廊承露幾回疑漢掌拂雲莫浪說唐昌  
瑤林琪樹原無敵故比瓊花獨擅場

李大春 聖年榆林人

赴宏儒之選病起偶作

石室新聞詔黃金舊築臺一枝猶偃蹇雙闕屢徘徊雪  
晃龍池樹雲涵鳳閣苔諸公乘勝日坐詠亦悠哉

國朝詩的 卷之二 庚酉 一四

其二

廷尉門前雀司空樹上鴉門疑仙掌露樹遠御溝花玳  
瑁開金埒珊瑚飾寶車孤筇難再拜空自羨繁華

其三

黃圖應四瑞寶錄莫三辰氣協簫韶曲風清閭闔塵車  
書無異俗海嶽有徵人勿使從宣室徒傳問鬼神

其四

經旬厭伏枕強起望遙岑雲影飛花聚霜痕亂草侵夕  
陽留老樹暮雀過空林爲憶餐芝叟山居歲月深

賦送鐘山夫子還楚

征車起渭城曉唱戀啼鶯塞北花初放江南服既成九  
年辛苦吏二月別離情揮淚沾春草愁思日日生

賦投傅青主前輩

迷路從誰問高蹤嘆不勝心同春水泚愁逐亂雲增暖  
腹須山粟扶身伏老藤還將衰颯病一叩佛圖澄

龍王堂有作

屢入西郊道留人獨此亭橋分雙水綠城合萬山青魚  
鳥當春日烟霞寄客星陶情有絲竹堅坐老夫聽

簡胡大都護

一代元功壯老成久傳大樹善談兵彤弓展土三千里  
國朝詩的 卷之二 庚酉 三五

王札分茅十五城花繞戰袍歌進酒雪融坐地夜調笙  
君恩雖許歸田樂麟閣時時識姓名

人日二水寺楊九如招同郭价人明府讌集

城外雙河繞寺低河邊景物正堪攜金花亂貼逢人日  
細草初生待馬蹄好事楊雄頻載酒行春召父坐分題  
眼中落拓高歌子一飲相拚醉似泥

代州留別子脩弟

數盡燕雲十六城雁門秋色迫邊聲乾坤浩蕩容吾輩  
海岳支離過此生對酒愁聞前出塞倚樓重唱北風行  
誰憐策馬還歸去渭水秦川不勝情

閒居有懷子修弟

長夏山城雨不休疎簾碧簾坐悠悠貧家門巷桐陰厚  
野市盤食菜甲稠匝北頻傳多盜賊征西何日緩誅求  
厨中薄霧藏來久相待論文一破愁

靈臺懷古

良原城對古陰密猶見康王廟算多北去幾煩回紇馬  
西來曾倒吐番戈花殘舊壘鳴鸚鵡雨散荒碑長薜蘿  
往事填膺重問酒興亾遮莫格山河

賀馮相公新成萬柳堂

丞相園林接鳳城宜人天氣更春晴西山雪霽樓臺敞

國朝詩的

卷之二

六

北闕雲飛草樹明水煖銀塘魚乍躍風和畫閣鳥爭鳴  
永豐舊種欣相對何必鄉愁萬里生

其二

藥嶼花源一徑通巖光水色蕩晴空曉開玉軸青還綠  
夕泛仙醺碧又紅上苑飛烟虛檻外龍池送雨落窓中  
最憐乍霽西風起搖曳遊絲盡向東

其三

野人無事步郊垌四起烟嵐入戶庭疎翠疑連文杏館  
輕陰半覆望雲亭珊瑚驕挽青絲絡琥珀香生白玉餅  
醉卧層樓聞鳥語拖金曳石總堪聽

其四

曲水遙連太液池碧波纔動綵航移條分紫禁先春好  
色借黃扉與酒宜玉砌回風聲細細金鋪映日影遲遲  
太微宮裏占箕宿飛向人間得幾枝

其五

袞衣朝罷日從容逸興憂思春轉濃卜地間臨平樂觀  
爲山遙憶丈人峯關心梅蕙爭相愛過眼烟雲喜自供  
憂國老臣難獨樂上方新賜萬年節

姚年晉 麗公商山人

弔宋老生

國朝詩的

卷之二

三

唐太宗擒隋將宋老生於霍州今其墓在州西  
垣砌周繚顏題金碧蓋楊廣不足以當人主而  
老生死事之忠有不容民者公道在人心故尸  
祝於今不衰也詩以弔之

出谷

鳳議歸唐主蒼天誤老生驕兵欺勁敵血戰竟無成燐  
火燒春艸陰風咽水深隋家一片骨猶守霍州城  
出谷逢初霽西風古渡頭雲霞千里曙禾黍萬家秋野  
霍常孤立清江不散流感時知進德立馬意悠悠

送遠



漢唐驛路草萋萋宛轉青娥任馬蹄野店殘燈歸夢遠  
斷山寒雨曉烏啼襄州買酒堪成醉鄂下逢人可共題  
畫棟珠簾歌舞散幸看明  
念月關西

同胡子明登洪溝項王臺有感

斗刁壁壘接雲烟百戰無成信有天未返江東非失計  
丈夫死不受人憐

梁舟再見

韓侯墓

亂壑羣厓拱碧巒荒丘半畝雪中看風高雲鳥還開陣  
日落猿猱自繞壇悵望釣臺湖水垢蕭條誰市朔風寒  
國朝詩的  
卷之二 陝西 六

王孫已去人爭識倚馬前林淚未乾

悲風萬里鬱噴噴下趙揚旌路森漫野火連村供祀密  
朝嵐帶雪入祠寒途人異代誰知漢走卒行間盡識韓  
回憶招魂時有賦征車北去是長安

君王心跡久難同且傍危疑恃有終詎料流蠅窺弔客  
誰教烈日貫飛虹瀾迴渭水經雲黑木落椒房帶葉紅  
回首燕齊旋席處漢恩真薄虎臣功

鳴夷文種亦同功豈必陶朱學御風自合行藏推本末  
誰憐成敗擬英雄玄猿夜嘯太行裏白雁春啼淮海中  
寂寞殘碑千載下年年山鬼泣遺宮

王豫嘉 九青扶風人

偶然作 二首

平子歌四愁所思在遠道人生目睫間百憂已盈抱朱  
明晞朝露愁霜下庭草晷度有循環白日苦不早  
濟鳩義士歸軾蛙勇夫死茲事亦偶然物感遂如此夫  
何同室人趁起不敢邇本非秦與趙誰辨淄澠水

周燦 澹園西安人

擬遊仙曲

東方有彩雲飛來入我堂褰衣乘雲去瞬息歷八荒忽  
過太微宮金闕玉爲梁瑤草當塔生白雀戲銀塘庭前  
國朝詩的  
卷之二 陝西 七

老桂樹冷泠氣生香仰觀堂上人舉止妙無雙食我青  
精飯飲我沆瀣漿貽我紫蘭佩披我素霓裳回視足下  
雲化爲彩鳳翔逍遙隔塵世優遊壽無疆辟穀求神仙  
勞勞漢張良

王易 慈嶽涇陽人

秋夜雨

晚風散秋霖青燈熒蓮戶撥悶讀禹謨隱几夢紫府中  
多三素雲斧屐銜神禹下土蟻蠹臣趨向玉階俯稽首  
再拜言言今洪波苦禹曰吁茲水得人得砥柱利導得  
所歸天吳敢予侮更須去決瀆河深自安堵下臣頓耳

聽快若披雲睹忽聞澎湃聲海濤出兩廡覺來對殘燈  
翻盆秋夜雨

鏡聽詞

更深抱鏡門外立街頭無人露華濕會見月出已不圓  
射入中林催杜鵑杜鵑聲聲道歸去去歸兩說無可據  
弱體難耐西風涼還來竈下求竈王

烈風 和秋谷先生

夜半大塊噓怒氣平明起視風景殊黃塵直欲接碧落  
雲纏霧束相與俱義和窺覷不肯出天跳地踔交模糊  
太虛髣髴龍虎鬬神鞭鬼馭同喧呼萬竅因之鳴怪異

國朝詩的 卷之二 陝西

三

相續曾不停須臾行見百物亂敲磕勢將一往傷剪所  
現情魄動走入室杞憂徒切生長吁安得神巫訴天帝  
帝遣巨手施匡扶馬驟滴瀝遍野一洗塵濁清九區  
更願趁此風力拔山嶽頓令移填滄海如平蕪崢嶸沉  
淫皆平一人世從此無崎嶇

晚次惠山

風便亦不去見山思品泉艤舟偃芳草扶杖入疎烟共  
就亭上酌還期林下眠峯頭初月上茲意更悠然

昔遊

花滿江城月滿樓昔年曾向此間遊到來無奈空歸去

望極難堪且暫留綺戶虛橫金屈戌雕牆閒掛鈿篋篋  
人生不及鴛鴦好日日雙飛杜若洲

讀前進士黃九烟夕陽詩

讀君詩句正黃昏讀罷思君細細論七尺清癯寧讓鶴  
一聲悽婉欲成猿當年已抱無窮恨今日還思未死魂  
止馭揮戈人不見文章千載有啼痕

馬廷相 孝升扶風人

飄然閣題李惠白詩後

石頭城畔潭光碧晴川仙人吹玉笛孤調三更響入雲  
空潭龍抱玄珠泣畏人小築在潭西歲歲風光失品題

國朝詩的 卷之二 陝西

三

拭眼不開花霧重繫心難理柳絲齊因君偶坐飄然閣  
另圖生面成丘壑山影遙從城外添江聲直向雲中落  
世間好景無地無他鄉故國境寧殊但能會心不在遠  
此潭豈異郎官湖山川有靈千彩筆奇思妙緒紛然出  
試把君詩潭上吟一枝菡萏臨初日賸水殘山勝蹟湮  
獨從句裏露精神杜陵已沒茶邨死風雅仍然屬楚人  
隴西更有人年少 謂寄竹 逢場作技皆英妙仙乎鬼乎  
兩不知倡子和汝真同調座上朱郎筆縱橫 謂潤九 纔  
敲銅鉢韻先成才華共讓一頭地膽氣已令千夫傾道  
人抵掌巾微側諸君夙世詞伯擬倩維摩老畫師揮

毫潑墨成雙絕獨有幽人悄未言隔花臨水月黃昏祇  
今冷落韶華管倚遍闌干欲斷魂余新掉公

瞻園和陳健夫韻十首 選三

虛堂堪避暑遠屋好銷寒秋水層階滿春雲曲磴盤垂  
綸添小檻吹笛俯長欄不斷生香處真宜四季看

遙青天外湧近綠座中延高閣看如繪豪吟興已仙前  
塵六代夢往事四條弦登頓徒懷古年年芳艸煙

今古人相望他年勝蹟留淥池王儉幕明月庾公樓誰  
繪西園記兼圖北府遊燈前與醉後歌舞晉瓊舟

吳之珽 乾玉赤谷隴幽人

國朝詩的卷之二 庚酉

古詩十首 選一

十五喜談兵二十知學道兩者俱無成半生徒草草圯  
橋去黃石陸塵迷瑤島本圖千世名謬逐一時好計拙  
志還卑紛紛輸佻巧

吾愛老萊子至樂結親喜七十作嬰兒真性寄白水豈  
無鐘鼎養口體而已矣歎息愧若人中心念毛裏

望華山

我聞九州中山河分兩戒地絡所盤礴西華實名太父  
聞此山分巨靈爲孽介高掌掛白日厥蹟至神怪青青  
峭芙蓉爰出金天外石氣破鴻濛樹色帶茫昧想像白

帝居雲車紛綬鍵三峰忽離合疑是百靈會我自周原

來寥廓發眼界元灝貫心胸崢嶸連地肺驅馬過關門

回首肅瞻拜河聲與嶽色震盪提聲噴真源叩玉女蓮

花見根蒂何時一拄杖先撫蒼龍背蒼龍嶺人跡所到最高處

夢天和長吉韻

剛風吹破琉璃色手摸元精氣流白黃道九垓何茫茫

天機兩丸擲繡陌老蒼轉軸京關下鬼工日夜鞭野馬

笑看今古轆轤翻銀漢無聲盤中瀉

秋宵曲

清風吹月濯蟾魄月隊行雲纖縷白天香滴露夢初醒

國朝詩的卷之二 庚酉

池上芙蓉並脉脉玉妃出喚夜向關碧玉吹殘山影寒

誰家樺燭連珠帳欲向瓊樓秋水連

地震詩效昌黎作

皇帝五十七祀春歲戊月午巳巳辰域中奇沴見三秦

破碎堪輿失厚坤疑是刳前古渾敦二儀竝毀裂崑崙

西極龍戰萬雷奔山狂怒擲南北吞河水羣飛迷鑿門

迴波倒流浸嵯痕三光凋顏天爲昏大造無情一覆盆

覆盆之下氣煩冤神僵鬼什不可援腥風四起肉陵屯

脩物用人社鼓聞羣山豆登萬壑樽割然邑聚爲秋墳

來之坎窞返其原天路偏側無由捫須臾塵息日微曛

人間法象不可遵或凹如矢戢巢蹲或凸如顛餘呀中  
或微如見連隴分或突如使大谷堙或論如詫平陸津  
或爛如皺堅璧皺或失眉睫於兩垠或感首尾於一塵  
或鏃糠批於風輪或告玉石於俱焚婦孕不育世所誼  
老夫瞶瞶聾無言黃帝五賊日游巡其一戊巳世秉鈞  
赫赫炎官張其氛裂裳及帛羽衛紛招搖校尉百萬軍  
鉅柄破釜圖凌晨慘慘陰機入無垠專骨被髮漫生嗔  
刑人自刑失氤氲剝盡剝廬何昏泯天跳地踔禍孰根  
大乙判辟仇恩或云無倪本至尊三川周震烏乎因  
傾洞輜輳自紛紜會離吹吸就戚欣是皆曲士好議論  
國朝詩的卷之二 陝西 孟

天劉濟道非不仁井鬼域居九州元血面淋漓狀如殞  
一髮牽動頭爲夢四支靡爛理所恨金天靈媼噉天開  
帝遣巫陽招其魂蒼公下詔坐北辰悔發殺機亭毒新  
乃脊西顧殷復殷盡還子遺生齒齟起陸龍蛇食其膾  
泛公駟馘徒御繁覆載由來頌聖人何與地行蟣虱臣

韓城

川原成四合夾路見清池地古韓侯國天高太史祠花  
明山郭媚樹影夕陽遲東望龍門在蒼蒼雲氣垂

月夜放棹望無錫舟中作

舟行殊未倦明月路前修江水澄於夜吳天淡入秋烏

歸村寂寂蟲響樹颼颼明發向何處錫山朝氣流

江行

舟行何太滯風定嬾吳船秋水凌三島青山認六朝漁  
舟前浦暗烟樹隔江遙向夕蘆花舛蟬聲愈寂寥

虎丘寺

虎丘閭閻葬處晉王珣及弟珣之別墅後改爲寺

昔人鑄器成金虎虎去僧來鹿苑通一代塚荒明月老  
二王宅廢曉雲空山青佛座窺禪石樹綠遊亭靜晚風  
最是劒池池上水澄寒一鑑古今同

紅梅

嫩寒初破雪晴天一樹蒸霞萬卉眠山店雨香春酒綠

國朝詩的卷之二 陝西 孟

夕陽人醉杏花前

劉登科 薦吾隴西人

淮陰侯

韓侯功高漢恩深不知君臣誰負心祇今未央宮前草  
猶帶血痕鎖上林

王子望 賜用荷澤隴西人

試茶

學得陸家煎水法松風落澗試新芽疎簾小注閱清畫  
珍重喉隴滲雪花

王必敬 豐川鄆縣人

感興

坐久林風發，翩翩吹子袂。悠然有會心，乃在東山際。  
陟岫望鄒魯，渺渺目難繼。豈必道遠長，哲人早已憇。  
徘徊岐路側，日午陰未霽。浩歌淚盈把，寸心將何寄。  
歸來濯王女二泉名，天空白日麗。

閑步

三月不出戶，偶步到南村。南邨新雨霽，萬象爲我新。  
情欣坐成癡，渾忘日氣曛。執友從西至，楊林喚我頻。  
斑斑藉草坐，酌我新醪。勤與子相別，來幾回。閑此身陶然，且一醉坐收萬古春。

四月詩句

卷之二 陝西

七

國朝詩的目錄四川

卷之一

朱之臣一首 呂大器四首 柳寅東二首

劉道開二首 陳盟一首 劉養貞一首

費經虞十首 范文茨一首 冷時中一首

呂潛五首 余杰二首 雷起劍一首

楊雲鶴二首 雷珉一首 王璉三首

趙良樸二首 余价一首 丘履程一首

費密十首 張象樞一首 趙弼一首

趙適二首 李如泌三首 郭奎先一首

國朝詩的目錄四川

楊嶠一首 楊岱四首 楊崑一首

李珪一首 楊岐三首 傅汝和一首

傅作楫三首 先著六首 羅廷璋一首

段朝偉一首 呂溥一首 董新策一首

向上達二首 劉羽述一首 樊澤達三首

樊澤迥一首 李以寧五首 費錫琮八首

費錫璜三十首 王朝桓五首 高大申二首

費軒二首 費藻一首 李仙根二首

張象華二首 張象翀一首 羅爲展一首

冉德一首 田金一首 龍爲霖一首

熊天祚一首 冉存異一首 余光祖一首

費盂一首 費冕一首 何鉉一首

何洪先二首 何鈺一首

國朝詩的卷之一

長沙陶 煊奉長選

同里張 璨豈石同輯

四川

朱之臣 無易菊水成都人

司空樓

寒蟾夜斃秋光白金魚鎖斷無消息入門風碎珊瑚聲  
幽修鬼語方花碧石城公子古錦袍曳雪秦娘煖玉簫  
蘭膏小鬟雙蛺蝶越羅袂輕憐嬌嬌吐月搖烟夜半舞  
燭光如霧研丹戶迷人不惜水衡錢釣欄複道尋郎主

國朝詩的 卷之一 四川

江陵鮑魚幽素陽春門下官家署華表仙人夢正長

化作溼螢上樓去

呂大器 東川遂寧人

湘潭道中

世路原多險况經礪行日從當午見雲向漏天生果  
熟猿朝暮花深鳥送迎何時出暗谷一望大江平

晚至閬中

一葉嘉陵下水心對綠漪豈無丹闕戀終抱白雲思輕  
艇星前導微波天暗移南池千萬折懷古一增悲

舟中聞笛

夢餘猶枕午風涼野笛何心欲斷腸萬里一身秦塞柳  
扁舟五月玉門霜故園去去雲山盡白髮珍珍道路長  
不比笳聲頻入耳擬邀子野到征航

陽平關酬友人席仲材

山河百二劍鋒摧漢上猶思召父來短綬終無弭亂策  
中流空溯濟川才子遺聊與鷓鴣枝寄大力還須鵬背回  
畚築當年亦細事漫將涕淚灑荒萊

柳寅東 鳳騰梓潼人

仲夏苦雨穆倩畫問草圖一幅見寫走筆謝之 穆倩

時以禿筆作山水 彷彿雲林大髮

國朝詩的 卷之一 四川

久雨暗朝暉四山皆如幕出門無所見懷我良朋涉摩  
詰半幅來咫尺對青壁上巖古石泓天泉淨洗滌思君  
道脫時風聲亂霹靂危峰頃刻生青林突兀出烟色滿  
平蕪芳荃堪採摘意到便欣然能事不受逼無乃悟漏  
痕亦疑飽滌墨置之法書間應與顏柳敵

和胡菊潭宗伯夢遊峨嵋山詩

三峨不可即遠在西南偏白日迷歸路青天上睡僊鉢  
馴龍子蟄樹闔定僧禪柳窈窕然後逍遙再著篇

劉道開 非服丁菴巴縣人

疇昔

曉昔干戈裏飄零剩此身一生九死客兩代六朝人路  
未通新朔歸應少舊隣登山與字水回首一傷神

鷄頭關

曲折如登天幽深如覩井近年流賊過更比康莊穩

陳盟雪灘蜀人

大造行

大造具鑪鞴冶鑄資羣生融液循氣化天地豈容情  
嚶嚶千古士振袂長肝衡東海有男子寧甘蹈滄瀛夸父  
不量力死欲追炎精未可成敗論或且失豪英星漢久  
喪色山川徒縱橫美人杳已矣卷阿誰鳴瞻彼赤烏

國朝詩的卷之一 四川

景日夕無停征諒同草木腐澄虛還太清

劉養貞念衡大邑人

病中雜志

無聊心集百憂中不爲依然四壁空  
膝下有霜盈短髮腋邊無地納涼風  
欠來一字何須補敢向三山覓路通  
多少遊魂安血汚何須畱我獨飄蓬

鼎湖龍去霧漫漫千古遺弓血不乾  
豈爲爛羊充騎尉非緣薄醉誤邯鄲  
連昌悲恨惟楊李西夏空驚有范韓  
禿穎平生無妄紀臨文肯爲故人寬

費經虞仲若鮮民新繁人

喜張象翀至揚州話舊

吾子何時至鄉音入耳新久爲吳地客終是蜀山人  
沽酒坐中夜看花到暮春百年才論定只恐媿芳隣

之水邨宿于王臣家

移家得相過年少喜端居吾子意良厚老夫道不孤  
一谿水曲折夾岸樹扶疎暇日拖藜杖來從觀道書

所聞

共傳徐元直尚在南山雲我欲從之去高峯麋鹿羣  
濕寒畱古響松老亂蘿文別有閒田宅種花無夕曛

自漢中攜家往江南

國朝詩的卷之一 四川

蕭條故國賦東征白首攜家萬里行  
珠樹有禽隨我隱玉山無地傷誰畀  
餘生已覺羞錢柄舊曲何堪更羽聲  
夜起呼兒同玩月老夫不是爲多情

思蜀

垂老無家只自憐不堪往事益凄然  
當門慈竹八千里昨日疎梅二十年  
旣使丁男安稼穡遂無姓氏到風烟  
春時更覺傷人意寒食青青麥滿田

亂後還家成都殘民無粒食者三年  
取草根爲食亂林深處絕鴉桄  
豹虎聲高夏日低畱得殘生無食物  
青山白日鑿黃泥



歸田吟

出山未達便無家結屋青城上紫霞手版何曾成一事  
幾年辜負碧桃花

巴水巴山踈上游六龍從此望神州白波血霧迷芳草  
畱得殘民罷木牛

哀牢原自屬南荒喬木花開類海棠作吏此中都不惡  
翠華音絕斷人腸

家破猶餘半畝塘杜鵑啼處柳絲長騎牛不到人間去  
白髮蕭蕭晒夕陽

范文英

仲開兩石內江人

國朝詩的

卷之一 四川

五

義眉山萬年寺送費此度往榮經首觀

敝衣猶勝老萊斑負米雖歸不是還世到亂時都作客  
途當險處更問關幾年草微伸孤憤累月移家近百蠻  
瓦屋峨嵋俱歷遍滿頭風雪當游山

冷時中 心芬梅庵內江人

漢中東費此度

偃仰他鄉客君無一草堂青年甘隱逸白雪見文章歸  
計貧難定孤懷醉易傷暇時須過我暫得慰愁腸

呂

潛 牛隱遂寧人

送友蒼大師住水西

瓢笠歎無定名山久待公雪殘春路滑雲過晚江空道  
力馴岩虎鄉心折塞鴻還憎多慧業詩句滿南中

秋水園卽事

近午過重溪亭空春草齊幾家園市小一寺背山低花  
隱漁人路香畱燕子泥前賢遺澤在五夜尚聞鷄

邗江夏夜懷史赤豹蕭寺

飛鳥不知處孤城生暮雲吟邊誰最苦鐘畔爾先聞月  
冷空王閣風號故相墳蜀岡有歸路吾亦戀斜曛

吳園次罷守吳興感贈

不悔無家計蕭條飭害邨經宵焚柏子向月倚桐孫楚

國朝詩的

卷之一 四川

六

塞烟波濶吳船洞壑尊有時念漁父短服過柴門

江望

橫江閣外數帆檣立盡西風髮漸霜只有鄉心不東去  
早隨烟月上瞿塘

余

生 生鏡菴青神人

蜀都行

自我之成都十日九日雨浣花草堂益蕭瑟青羊石犀  
但環堵生民百萬同時盡眼前蒼舊存無幾訪問難禁  
泣淚流故宮荒廢連禾黍萬里橋邊陽氣微錦官城中  
野雉飛經商半是秦人集四郊廓落農人稀整頓凋殘

豈無術流亡安集誠可期但得夫耕婦鑿無所擾桑麻  
樹畜隨所宜數十年後看生聚庶幾天命有轉移

戊申秋日陳子招遊翠屏山遇三山友人

出郭企高吟信步展遐眺曲磴延荒榛修崖俯達道秋  
林漸荒落雲日相暉耀翠屏列崇巔嶽嶠乃天造江光  
動危欄奔流逐輕櫂羣山相環屬峯峰見奇峭古剎雖  
僅存形勢得其要非子盛招攜曷盡所歷妙樽酒遇同  
人經言佐談笑懷賢心彌留西崦薄沉照振衣下重巖  
對景共吟嘯欣賞未云窮重來肆憑弔

雷起劍 雨津井研人

國朝詩的 卷之一 四川

七

白雲閣

千疊山川遠近痕漁邨雉郭共朝昏胡牀應是能清興  
長劍還思聽大言今古雲烟俱作客西南天地此爲門  
銷沈霸業惟鸚鵡湧月何須片石存

楊雲鶴 研瀛彭縣人

涼生篇

我生良不易生我不可再跛足追反景拈弓射彗孛笑  
爾胡爲者伶俜狂且態襁褓曉歡噏呢羹果愛十歲  
幼勸書紀丁辦吏事三十違顏色率土翳澹黷我生復  
何爲蚩蚩溷覆載

鳴蜩飲高露蛙叫泥水中音調疑相似居處各不同曩  
日衰衣裳今日窄紉縫出喉憑舌幻俛仰不有躬高士  
崇清潔志士樂豐隆

雷珽 芴山井研人

崆峒巖

爲愛秋痕落碧苔輕車乘興載新醅芙蓉倚漢青如削  
薜荔依門翠半開石散雲房還日月天成洞宇自樓臺  
篝燈共向幽巖宿月下聲寒有鶴來

王璉 子京廣安人

蕪湖宴集

國朝詩的 卷之一 四川

八

江落秋華生幽意在叢菊寒城上日晚暮烟下荒陸寥  
寥衆芳心依依羣草族亭外望高原霜風惜寒桂  
澄江木初落山城秋氣滿向夕砧杵微尚覺風霜緩美  
人席上起稍稍親絲管夜深河漢明閑意當消遣  
園樹鶯來熟山池鷺過腥暑堪逃僻塢暮亦上孤亭鳥  
定猶驚月螢高欲亂星雨多知歲稔柴戶不須扃

趙良樸 彦雯巴縣人

宿洞庭

日暮征帆歇孤舟襍雁羣湖平湘水盡雲斷楚天分江  
霧迷荒戍漁燈映夕暉浮生飄萬里尚泊在江濱

卜居

臥隱仍無定塗窮數卜莊親朋阻劍閣老病滯瀟湘家  
遠音書少秋深客夢長桃源今有路恣意樂他鄉

余 价 君維瞿塘人

題山水停舟觀雁圖

萬壑層巒映日暉停舟適意翠成圍千章嘉樹叢斜谷  
百丈清流繞釣磯眼底人情渾覺夢寰中世局解忘機  
雲間雁字秋香到却羨斑斕看舞衣

丘履程 鴻漸一菴成都人

寄費二叅軍此度嘉州

國朝詩鈔 卷之一 四川 九

刀鋌初出骨空存又曳輕裾上將門才畧自能追越石  
旌旗誰復似桓溫芙蓉麗發新文藻薜荔衣香舊夢魂  
志士何妨聊袖手不如歸臥聽啼猿

費 密 此度新繁人

擬古

天地本無意桃李自發花萬物各當時安得不紛拏養  
蠶樹桑柘春暮巢鳥鴉何況遠山木晦霧生龍蛇神人  
未可遇悵望苗與畬

北征

邦國遇塗炭歲已八九徂展轉山澤間困鬱意不舒王

辰十一月始發自成都于時正凜烈北風傷肌膚老父

方多病乘牛取長途官道畏遊兵山徑暗崎嶇所賴多

戚屬恩愛相將扶敗絮惡且棄天寒不可無荒絕驛路

亭但尋人迹下或復鬼神祠或復殘廬舍過水寒侵骨

登山泥沒膝行行無所止日暮粗得息筋力已困疲伐

薪具炊食野燒周四圍慮為猛獸得腸胃如枯土稀羹

潤顏色茆乾刺同刃刈拔偃終夕低頭就火視流血浸

肘腋長松勢百尋巨石橫一里寒草薺開花枯藤西結

子花開色何皎子結味何旨人力徒辛勞天地物皆美

沿途苦荏苒除夕至綿州烽火正擾攘秣馬隔江流出

國朝詩鈔 卷之一 四川

檄示軍官呼人為濟桴一鼓入城中破屋何所求士卒

感苦辛各出飯一盆嗟嘆令強食母以飢煩冤苦深精

力消皮肉皆血痕親戚在閬州可以救朝昏作書一尺

紙為報家人存綿州城何大中川之要津舳舻接南楚

車馬通西秦勢重控部落赫奕鎮文臣濟濟數萬家一

旦化荆棘狼狐白日走魑魅哭城闐全蜀盡枯骨陰晦

聚災屯害氣久不絕耕鑿困遺民親戚自遠道來迎當

春天乞假各數騎背瘡深可憐大馬一無轡小馬一無

羈雙臂牽藤蔓聊束襁與羶馬力亦何少相易出長道

曠遠憂意外馬飢嘗嚙草婦女艱難行痛哭心慘哀負

勿置宿莽喘息還復來藏身匿村樹徂同人歸逋畏恐  
驚舍去侶伴不敢呼日暮至一家炊飯若珍珠老人置  
上座再拜謝荒蕪我顏如僮僕食我堂之隅飢人歡一  
飽寧問禮意竊往往官長間亦復相餽餽累月至閬山  
毛髮悉焦枯古時蜀道難棧閣下方軌葭萌諸郡縣桑  
簞遂生齒後世割褒中恐滋羣盜壘利閭爲門戶大軍  
嘗麾指東川旣已沒西川旋不守捍關一夫當賊入如  
摧朽始知遠畫策不在險與否困頓留十日買舟意欲  
東倉皇奉老親出此蛟螭中江漢幾幾年衰弱病成翁  
颯然翻飛意不復故豪雄衆庶罹喪亂我復爲勞人一  
國朝詩的 卷之一 四川 三

朝辭墳墓相望若崑崙卽此眼中路皆可成海濱泪落  
如黃河舊事痛不已寸心思無窮隱忍未能舉茫茫者  
天涯微身局所止二三骨肉親居處各異里當此無家  
別安能不傷毀天地固無情人生豈終否棲遲田野間  
白首佳山水我自種梧桐遣妾樹蘭芷村釀亦已熟歡  
笑偕稚子俯仰旣無憾旦夕肆樂只歲晏郊屋寬狂歌  
從此始

豐城安漢看梅同徐時俊

天陰羃遠霧山沒青隱隱江平沙逕幽春草發岡嶺舍  
舟循斷岸禾黍秀里井叢竹鬱勃深村樓列舊畚依垣

老花樹微香散寒影樹下逢一翁言簡氣尤渾亦欲卜  
山居閒田耕半頃

鬪鷄行

輕衫樂鬪鷄各抱一隻來地潔無蔓草坦坦鬪場開大  
鷄冠五寸小鷄脚一尺脚稜精鐵鬪冠老珊瑚赤此鷄  
產何處良種從西川高山大澤聚靈氣生爲殊物如鷹  
鷂出敵勢與衆鷄異不徒飽食供烹煎獨立一聲天地  
轉起張雙翼精神展寧止可慰兒曹心亦堪迴却君王  
輦兩鷄立鬪場氣勢互相當風捲雷轟百十合四圍觀  
者眼生光怒色蓬蓬裂雙目昏疲不肯甘雌伏亂毛滿  
國朝詩的 卷之一 四川 三

地血淋頭長頸靡靡少完肉一鷄晚出勢猶隄衆鷄見  
之皆却走狂童盛氣快所言共嘆此鷄齊拍手賂取青  
銅錢抱鷄歸飲酒明日重來鬪一場君輩來看古無有  
高郵遇故人

相逢多難後只此是天涯與子躬耕處蒼生尚幾家朱  
門齊牧馬白骨亂開花耆舊何人在行吟感暮鴉

棧中

棧閣通秦道青天未易行盡過奇絕處不負有平生白  
馬巖中出黃牛壁上耕野花埋輦跡幸蜀只空名

移家定軍山下

移家接村舍地僻好烟光藏此新圖籍仍其舊草堂白  
來嶠冢雨青入陸渾庄久住隨風俗悠悠野興長

亂後入青原山

遠郭寒峯野霧昏殘僧遙指舊軍屯河山百戰埋金甲  
煙月三年度石門兵氣累朝猶未解吾生已老更何論  
不將酒灑黃師塋拋滿蘆花當一樽

禮智公塋

阻風三江口

晚泊孤洲葦荻傷襄樊估客歎淒涼三江水下金陵霧  
百草春乾赤壁霜寒氣不開從伏枕鱸魚多買當攜糧  
自有長風行萬里人間豈畏路蒼茫

國朝詩的 卷之一 四川

一三

送姚曼之鹽城

淮南旅舍暫相逢便放扁舟過海東未有男兒長袴下  
不曾賓客處囊中萬山月色孤筇路十載秋思一笛風  
別後新詩應滿篋重來爲我咏飛鴻

張象樞 四水安岳人

展墓不得

向來無事便登樓回首家山處處愁久去似成三島絕  
難歸却近十年流親朋戰老城池廢風雨寒深草木秋  
多病自甘爲棄物只期洒淚展松楸

趙弼 子匡美溪彭縣人

出棧

閣道衝烟出迢迢問帝鄉山深晴亦冷花密雨皆香茅  
店春宜坐鈴聲夜可傷欲尋蕭相迹騎馬獨廻翔

趙適 子明彭縣人

雨中秋日費滋衡外甥省墓即事

避秦先世去無聞省墓秋來尚有君故國江山新入眼  
幾家姻婭舊同羣難將流寓回蘇轍欲識名人趁陸雲  
猶是前朝碑碣在明年誰到薦春芹

砥石硯爲滋衡賦

客歸猶是舊山川案石苔封積歲年雕鏤後人供筆札  
國朝詩的 卷之一 四川

一四

磨礱終日苦雲烟忽逢故物心先痛急入新詩意可憐  
珍重攜歸遺子姓好憑先澤守爲田

李如泌 勳臣廉水井研人

雨夜黔友李功甫招飲

同爲逆旅客意氣感君深去國當年事傷時此際心夜  
寒知累酒雨細更愁陰未卜歸何日干戈滿蜀黔

畱別鄭翰思司馬暨升璐龔子由肥鄉之燕

不知天地內何事別離多道路緣誰設關山苦我過祖  
劉真慷慨管鮑莫蹉跎應念吹臺上相從對酒歌

鄉夢

湖北湖南正好秋故園何處夢悠悠瞿唐急水流難住  
巫峽愁雲結不收萬里魚書無計得千羣犀甲幾時休  
顧看四壁皆沉寂倘遇僊人葉作舟

郭奎先 分又羅江人

丁未人日東江式繩

連朝礎潤凍雲屯此日晴霞湧瑞璣遠對含烟如欲吐  
小禽試語漸爭喧君多逸藻花生類我怪狂吟舌莫捫  
回首錦江春夢冷只餘芳草憶王孫

楊嶠 嶠雲彭縣人

樂府

國朝詩句 卷之一 四川

五

城東飛燕落城西落城飛城南歸燕去城北去燕歸

楊岱 東子彭縣人

白帝城卽事

玉洞三巴雨桃花萬壑春楚雲歸峽暮涪水入江新  
柱祠神木青峯化美人古來夔子國寂寞久歸秦

登黃陵廟

白日寒烟火空庭山氣秋黃牛歸更遠杜宇怨無休  
萬木雲中變一江天外流蒼蒼遙浦望應有古人愁

棧道

鳥道與天齊盤雲萬壑低層巒飛瀑下空木亂猿啼山

勢遶巴郡邊聲隔隴西可憐無玉輦重過草萋萋

晴川閣泛舟

晴川閣倚漢江斜獨泛城西十里花忽渡中流揚桂楫  
欲隨黃鵠上烟霞誰家細唱揚州曲爲客重烹陸羽茶  
仙吏不來丹棗熟一天風雨散神鴉

楊崑 崑山成都人

雨中看荷花

一帶垂楊綠乘流放画舫芙蓉還水際香氣入衣邊  
細雨低雙鷺微風咽一蟬不妨霑濕好盡日醉芳筵

李珪 公執鶴江渠縣人

國朝詩句 卷之一 四川

六

送王孝先入秦幕

江上相逢春草生橋邊送別暮禽鳴黃雲隴樹經年隔  
落日邊山一劍行漢時尋常皆置驛秦關百二未休兵  
使君饒有蒼生畧笑看陳琳草檄成

楊岐 周子成都人

雪

朔風吹凍雪天半忽漫漫遠塞孤城沒空山樹影寒  
舊曾穿戶牖今遂壓闌干不學袁安卧啣盃且獨看

蓬萊閣雜咏

噉噉蓬萊閣求仙事若何樓船沉蔓艸童女泣鯨波初

日隨潮上長帆信鳥過望中時極目重鎮繞山河  
仲連天下士慷慨古人風抗論非秦帝高蹤寄海東秋  
雲橫島黑野火照山紅誰見銘功石長留烟雨中  
傅汝和 梅之奉節人

款乃曲

瞿塘春水綠搖櫓前溪曲郎住漢口頭妾住漢東麓三  
月桃花紅歌聲暗相續暗相續妾指渝郎濯足

集老友齋中作

爲卜幽棲處閒尋竹石偏名應埋草野老不厭林泉鶴  
唳空巢月蛩吟敗壁烟寥寥清夜裏欹枕未成眠

國朝詩的 卷之一 四川

山居

小閣臨流日正斜溪山好供野人家晝長無事棋堪遣  
老去消愁酒便賒蘿徑雨深苔更滑茅堂月出柳偏遮  
北窓一榻新涼起半縷茶烟颺落花

傳作楫 濟菴奉節人

薊門秋望

極目愁無際邊陰慘不開塞鵬驚月落陣馬刷雲來白  
草鵬弓勁黃蘆戍角哀李陵遺恨處空築望鄉臺

過向雲章江阜別業

欲擬歸田賦長吟意自如柳深元亮屋花壓子雲廬橋

斷經秋漲園荒課晚鋤愛君耽寂寞寄跡在樵漁

寄友

漠漠塵沙踏不開舊門作客獨懷才黃蘆日醉荆卿市  
碧草偏生樂毅臺代馬嘶殘邊月苦征鴻叫斷朔風哀  
盧溝日暮行人少幾度踟躕首重回

先 著 渭求 獨齋廬州人

晚眺雨花臺

古臺覆秋雲晚步帶殘酒西風吹平原林木失森秀乘  
高一環眺山勢若趨走江遠天欲吞寺密地能受雄城  
起吾前峻塔接吾肘樓殿何鬱盤岡巒自纏紐舊都百

國朝詩的 卷之一 四川

一八

萬戶繡錯市廛有長干諸女兒曲成今在否勝湖六朝  
餘感從百年後但覺艸木衰莫知人骨朽須臾景色沉  
搔髮立難久朗然浮金盞烟鐘一聲吼

題出塞圖

萬里邊牆特堅好怒馬來時騰踏倒當時甌脫少人行  
今日春風肥野艸黃卿出塞衣孤皮烏羊渾脫腰犀毳  
手中鞭絲搖落日心雄欲赴和林西四十八家犬牙地  
廓落蕭條舊三衛琵琶一曲海東青帳下胭脂插花醉  
腐儒衰謝不勝思朔漠中華此一時因君出塞圖中意  
感激翻成入塞悲

薄暮燕子磯獨眺

雲沈日已隱倍覺水天宜興自一人發江真天下奇空  
堪邀鳥過幽獨許龍知今古傷天塹如何運又移

再題永興紅梅

客盡爲香至花如愁屢尋僧扉不能隱人跡遂相侵幽  
獨傷於是春風悔未深繁紅因豔目聊復寓微吟

薄暮看衛基桃花

不堪苦雨困林芳裏足橋東滑路長酒伴忽來茅屋下  
晴光初射竹籬旁二分春色隨流水千樹桃花澹夕陽  
更約心閒方外侶飯蔬清曉過山岡

國朝詩的

卷之一 四川

一九

尋秋偕雲辨樹南兩上人

老懷非不愛尋秋怕向秋原易觸愁小艇乍搖西郭路  
故人追感北邱丘過陶戴故居殘山剩水憐江左廢壘荒城  
話石頭靜侶相攜能盡日多年無復有茲遊

羅廷璋 文城閬州人

訪僧不遇

寂寂僧何在幽尋愛夕陽風吹槐子落暑退客窓涼棋  
局與誰共荷華空自芳更憐梁上燕高卧看人忙

出郭卽事

出郭類驚物色新地偏心遠絕風塵烟波是處能娛客

芳草何年不憶人林下羽觴競笑傲橋邊蓮步幾逡巡

浮生若寄應行樂莫爲榮枯累此身

段朝偉 敬亭簡州人

接家報

無數鄉關語欣從雁足來披函經再讀入篋又重開勸  
勉憐清苦平安慰溯洄欲將珍重意呼僕進殘盃

呂溥 卿藻遂寧人

成都道中感懷

老大苦驅馳人憐亦自知蕭條家計拙潦倒壯心悲按  
劍尋村酒披荆憶舊詩丈夫悲慷慨莫訝髮成絲

國朝詩的

卷之一 四川

二十

董新榮 嘉三合江人

送費滋衡省墓新繁作此送之

當年西蜀名家子此日江南老布衣百代冠裳先塋在  
半生萍梗素心違纔經故里來爲客又向他卿去是歸  
那獨親朋分手後暮雲春樹思依依

向上達 恬菴建始人

攬山訪何季長何赤木水竹居

歸鳥擇深木高亭欲暝時琴書吾道在鷄黍故人期虫  
嚮露生草蛙喧月到池放談三日夜終宴不爲疲

聞蟬



嶺南炎氣早四月便聞蟬園白飛殘絮山青帶薄烟薰  
風聖世下甘露卿雲遶莫向花枝噪幽人正午眠

劉荻忠嗣遵義人

題陳世長舫齋

想到虛舟百事慵當窓端只愛雲峰目隨高鳥思無際  
身遠驚濤夢亦濃海上鷗羣終踐約江潭漁父數相從  
乘風孰與卧遊好消息還將問二宗

樊澤達崑來成都人

舟發

兩歲遠晨夕何當更遠遊長江春水濶野浦落潮浮擔  
國朝詩句卷之一 四川

石貧難東門問望不休遶歸應計日搔首上蜀州

石鍾山

覽勝來湖口奇峯鏤畫成嶙峋山有骨鏗鞳水多聲穴  
俯竈鼉伏波隨鷗鷺輕憑闌看春色蒼翠滿孤城

瞿唐峽口

誰憑霄漢劈青蒼天險由來古戰場入陣風雲連灩澦  
三巴門戶鎖瞿唐鳥蠻塞遠江流合白帝城高草木荒  
峽路愁人從此始哀猿啼處過輕航

樊澤迴膏郇成都人

登四望山

山勢插河漢窮高足自平謂余誠小物出世便深情能  
使雲雷近又貪谿壑壑晴曠哉何所止日夕竺天清

李以寧雪樵營山人

去冬施愚山先生招同高阮懷梅耦長飲寄雲樓

望敬亭積雪補詩寄懷

歲暮風凜冽游子懷苦辛嚴裝道吳楚行將返故林危  
塗間霜雪淹留宛水濱惠然施夫子招我出層城牽衣  
岑樓巔羅列盈清樽敬亭被烟雪嶺嶺嶺積素若  
明月照此樓中人同時集良友款款生親當杯各詠  
言聲響何冷冷歡娛曾幾時日月匆匆春水雪辭壠坂  
國朝詩句卷之一 四川

芳樹滋華英別去異鄉縣相望參與辰臨書歡息百

放舟喬口入湘

春氣日暄妍芳洲足延佇放舟達湘流短櫂自容與東  
風吹衣袂逍遙欲輕舉屈賈迹已陳喟然誰可語悠悠  
千載心寂寞望孤嶼忽聞滄浪翁行歌入浦澈

黃陵廟敕書樓二首在明月峽

月峽黃牛合江聲白帝來樓前憑積雪石上起奔雷天  
險岷江出神功蜀道開敕書猶望祀不見使臣哀  
勳業高羣后靈祇擁百重青山存俎豆畫壁走蛟龍歲

月衣裳古樓臺雲霧封卽今明德遠江水尙朝宗

江上晚泊

古戍停舟江上邨荻洲深淺見潮痕漁人聚艇晚成市  
野店收燈早閉門月出遠看沙岸白帆歸極望浦雲昏  
悲涼畫角中宵起指點平蕪戰地存

費錫琮 厚蕃成都人

絲雲曲

畫欄曲室珠簾垂翠幌紅樓春滿樓夜聞歌聲  
窓前日日絲雲飛絲雲飛飛來飛去何處飛入園中  
百花路清晝香生睡鴨斜美人歌起鶯聲住

國朝詩句 卷之一 四川

少年行

少年出入羽林中自矜力能挽雙弓金錯寶刀耀寒日  
玉環絲帶繫盤龍橫戈走馬河西去九月榆黃瀚海路  
只圖報恩決生死寧知骸骨葬何處

織婦詞

吳娘小袖新上機金線如絲孔雀飛五年三丈織成匹  
歲輸內府裁爲衣蒞宮鷄鳴夜未央圓舞微燕龍團香  
帶結西玉破天碧翠輦春移觀百王吳江江水清如雪  
女兒濯絲對明月江風夜吹江水寒明月照絲復照妾  
妾起抱絲入洞房回看殘月淚沾裳山龍昔妾手中出

那得辛勤動尙方

送舍弟錫璜之葉縣

爾去到昆陽殘城草木荒難堪今日別垂泪又他鄉雨  
洗河沙淨秋深露氣涼寶刀莫輕出畱作萬年光

滁州道中

策騎入長林村幽耐客尋秋晴紅葉澗山遠暮烟深江  
館寒潮斷河橋蔓草侵古人殘跡在空使候蟲吟

放鶴亭

鶴去孤亭在人歸往事移可憐斷橋上不是看花時雲  
閣春潮冷湖平午雁低孤山梅尙在殘雪凍南枝

國朝詩句 卷之一 四川

邊辭

新拜元戎寵命嬌寶鞍橫坐出中朝沾恩壯士輕生死  
誓取昆彌帽上貂

繡甲羣來觀短衣雕弓駿馬疾如飛山前射取黃狼子

笑擁將軍罷獵歸

費錫璜 滋衡新繁人

雜詩

采葛織匹絺鄙賤爲衣裳取我交股剪開我八角箱展  
轉審粗細衡從三度量身腰甚逼狹雙袖頗喜長不惜  
十指穿千絲百道行學作今時樣與君意當陳之艾

錫屑分之合歡香願君知愛惜合歡而勿忘

雞鳴夜方半行子起嘆息仰視雲間星三五猶未沒嗟  
爾無衣子何用遠爲客前歲黑山頭去年黃河側今我  
不懷歸時節將我迫飛鳥戀舊林蛟龍樂深窟萬物有  
歸止我行獨安適

素絲絡玉盤餽君一尺魚問誰致款切果是吳專諸烹  
魚酌好酒灑掃潔中厨剖出魚腹腸陸光怪殊芙蓉  
一片水瀉出歐冶爐昔日專諸子逆理行奸謀進魚殺  
王僚身亦受毒屠飲食雖微細可以喪國都

伯陽既已死後世稱神仙佛陀既已沒餘名爲涅槃神  
國朝詩四卷之一 四  
龍有毀骨至人無長年劉晨去不返應饒虎豹涎不見  
王子喬遺塚漁水邊

### 烏棲曲

城東烏飛日欲低飛入吳王宮裏棲吳王宮中夜方半  
笑擁如花醉似泥醉後烏啼君不覺越兵已破城東角  
乞巧辭

月烟微青樹烟紫繡屏雲母凝秋水誰家女兒隔屏立  
蕭湘一曲人千里年年乞巧拜雙星袖羅鬟翠因風起  
不願織錦作迴文但願嫁郎同生死

### 出塞

一度盧龍塞傷心景物殊秋風嘶老馬落日散饑烏嶺  
上寒雲合閨中明月孤還聞遺博望雨雪在長途

### 蜀道難

金牛開九阪陳寶出三秦道絕惟通鳥橋危不渡人陰  
巖春積雪虛壑夜疑神故國終難到題詩淚滿巾

朱仙鎮 寧南侯左良玉爲賊困於此

懸軍三十萬千里救孤城舉國無生氣沿河有失聲朝  
廷方論法賊勢已難平勿道從來誤哥舒久擅名

### 少年行

臂上角弓強腰間劍似霜舊從李都尉新拜漢中郎愛  
國朝詩四卷之一 四

馬黃金埒調鷹白玉牀平原秋草淺射獵出長楊

### 江行

夜景暢餘清秋光如有情三更江月起一片海霞生山  
澹入天色潮歸帶雨聲此中塵景隔何處更逢瀛

### 秋日

黃雀今爲蛤蒼鷹欲化鳩人將楓共醉天與水爭秋鏡  
古光寒壁燈深影出樓阿誰觴李白獨有董糟丘

### 坐蓐槽懷天末諸子

巢許原餘地神仙是託辭途窮如不返痛哭竟安之奇  
豕行王道栽花待老時歸來二三子何爲久天涯

黃山松和畢文則

碧壇深鎖蓋珠宮，鬱翠擎雲勢拂空。  
本近丹臺鍾秀氣，新栽紫府沐靈風。  
幹邊香蛻龍鱗白，根下精藏虎魄紅。  
若使仙翁知種此，瑤臺不化棘荆叢。

送陶奉長還湖南

楚蜀文人絕代同，百年兩過亂離中。  
揚雄位可參周易，屈子騷堪補國風。  
芳艸曲終湘水綠，杜鵑啼罷錦江紅。  
送君無限臨歧淚，不獨京華吾道窮。

海村雜詩

海樓秋易夕，水寺晝長昏。  
設貴不成市，時荒早閉門。  
蛇

國朝詩約卷之十四

七

龍各自媚禮樂，不言尊寄問西村。  
叟方飢餓草根，渠疏皇甫議古蹟。  
歷隋唐細火明沙，激遙帆入莽蒼傍。  
西畔礪礪直北走山陽，廟截春潮渴威靈。  
武肅王萬物原芻狗，吾身已野鷗。  
挾句常不獲鎮日，只科頭遠水來桐柏遙。  
山出閬州花前遂傾倒，丁子見風流夜打卜。  
侯門寒雞驚起喧，無錢謀白墮有雪不黃昏。  
硯冷冰將結，爐溫火尚存。  
語深揮涕淚老矣在荒村。

讀史

魯國奇男世所稀，少年今止慕輕肥。  
田單復國由疏屬，王蠋存齊是布衣。  
雪耻不妨高節辱，成功自有盛名歸。

孟嘗亦號賢公子一破臨淄萬事非

龍虎雌雄擾戰塵，誰將上策爲君陳。  
平原空有三千士，毛遂應羞十九人。  
不道侯嬴存敝趙，試看犀首錯強秦。  
蒲輪未出真名世，白首投竿渭水濱。

邊辭

白榆關外白雲飛，邊馬千羣秋正肥。  
萬古黃河流不盡，滿原殘日路人稀。  
十載從戎向朔方，不知身老在他鄉。  
秋風易殺原邊草，春酒難消鬢上霜。

國朝詩約卷之十四

七

何日封侯在玉關，百重犀甲攢成錦。  
萬隊龍旗動似雲，塞外不知天子貴。  
邊人但說大將軍，渾河流動夜漫漫。  
燕將長城漢將壇，朔邊明月無冬夏。  
長照沙場白骨寒，旌旗慘慘照黃雲。  
細柳營前空夕曛，誰使射鵰人入塞。  
朝廷自殺李將軍，霜冷雕弓不可張。  
獨騎乳馬射青狼，暮雲天遠黃沙大。

秋草平原白日荒

馬上鏡歌不可聽，漢家亭障總凋零。  
邊城自古無春草，

惟有明妃墓獨青

黑水流木夏日寒白沙如雪晝漫漫衛青老去嫖姚死  
銅鼓無人出賀蘭

王朝恒 值夫巫山人

費滋衡移家人城同人過訪即事

村居亦已久忽復來城闌言念素心侶遠道感離羣卜  
廬古巷側窈窕絕囂塵閒門杖屨集列坐杯盃陳鬚髮  
皆老蒼喜無榮利人介性違俗尚狂吟信天真役皆周  
氏草壓架李侯芸慙子近市居願結河渚鄰

黃山松歌 鷗鉅軒社集爲程若菴賦

國朝詩的 卷之一 四川

五

雲海峯巔鐵作枝蟠根絡石鬚倒垂身幹特小心覓古  
連蜷抑塞蒼虬姿程君曠懷真好事不憚曉巖遠羅致  
輦來衆本多零落惟有四株長蔽芾哦詩酌酒興會佳  
青蔥掩映園林花四時自不改柯葉雖離泉石含烟霞  
嗟乎汝四松誠不能于霄蔽日叢千丈樵薪斤斧知無  
恙嚴霜密霰曾飽經雕闌玉砌欣相傍浣花翁愁蔓草  
纏今汝托根盆沼邊還如梁孟依臯廡不害清風自古  
傳

送趙念昔歸長沙兼懷陶奉長

湘水高門胃淮南舊寓公重尋堂上疏還似雪中鴻游

屐千場醉歸帆五兩風因君過栗里煩爲問陶翁

家叔山又先生招飲郊園卽事賦呈

二月餘寒尚未消東風料峭束芳條春生杖履花纔放  
客到園亭酒易澆書案分攜斑竹管歌缸漸逼赤欄橋  
慚非阮氏青雲器林下風流枉見招

家允文三兄招集竹里草堂同用佳辰二字 選一

出郭籃輿衆客偕遶籬穿徑向閒齋面城臨水遊觀近  
淺夏勝春氣候佳筍簪過檐森似槩戎葵當砌小於釵  
何須辛苦求山澤遠費生平幾緡鞋

高大申 天士梁山人

國朝詩的 卷之一 四川

三

白門中秋

碧鷄坊裏久淹畱又向江東賦遠遊萬事消磨成老境  
一年容易到中秋蘭尊拚醉吳儂酒桂棹思乘楚客舟  
不比兒時呼拜月頻搔冷髮立階頭

過白門與吳秋屏話舊

薛荔循牆菊繞籬幽人家近北山陲五年不見長相憶  
萬里重來素所期深羨款門無俗客獨憐垂老失佳兒  
長郎思補  
文學新發知君綺語全刪却一卷新鐫樂府詞

費 軒 執御新繁人

閑情

塵喧隔斷野人家  
溪水漣漪淺見沙  
乍覺曉寒肌起粟  
旋驚午睡眼生花  
古碑暗讀題黃絹  
嫩竹分陰上碧紗  
鎮日小窓無個事  
風爐自泡雨前茶

春閨

豆蔻風微二月時  
曲欄亭畔雨絲絲  
梨花半樹將成雪  
下着珠簾總不知

費藻 方深新繁人

讀二兄入蜀詩

劍閣紅雲石棧通  
崎嶇鳥道入雲中  
讀兄到處留題句  
重振文園蜀國風

國朝詩句 卷之一 四川

李仙根 子靜遂寧人

贈丁恭岩方伯

公雅詞林重東南  
保障新人烟披宿霧  
歌吹引陽春  
國計調元手  
波流砥柱身  
一枝嬉化日  
快得遂清真

季秋王公武約遊上方山

二十年前望落霞  
如今重到似還家  
半山紅葉迎人出  
一抹清烟入徑斜  
香火遠標孤塔影  
聲歌長應轉帆過  
偶然興會因同調  
欲覓幽閒更覺奢

張象華 五華安岳人

溪上

不爲詩書賤  
安知泉石深  
窮愁甘寂寞  
忠孝苦沈吟  
薄俗殊南北  
幽懷自古今  
獨行溪上晚  
霜月靜疎林

秋鷹

振羽扶搖萬里高  
雲霄俯視見秋毫  
大鵬擊海須深避  
不似凡鷹待解條

張象翀 六飛安岳人

贈高汝止

沙草坐傾壺  
江天野望孤  
低烟圍白水  
遠樹入青蕪  
流水鄉心切  
浮雲世事徂  
同君當此日  
相對兩踟蹰

遊瓦屋中天池

國朝詩句 卷之一 四川

帶雨入荒寺  
松濤一殿流  
梯燈寒古佛  
殘葉落危樓  
法界猶灰劫  
吾生真浪浮  
烟雲能護枕  
且夢辟支游

羅爲慶 百溪南充人

過合州

舟發天未曉  
夢醒日初晴  
雲繪遠山色  
江流急雨聲  
岸沙留虎跡  
炊霧見荒城  
在昔繁華地  
如何僅有名

冉德 公讓廣元人

望采石磯

綠樹丹崖俯石頭  
龍爭虎鬪故磯留  
謫仙已是騎鯨去  
詞客空爲捉月憂  
欲薦蘋蘩帆去疾  
那堪蘆葦望中稠

天荒地老絕詩伯不盡長江萬古流

田金 子相閩中人

春獵曲

雙闕春烟曙高於遠度城羽林閒輦道豹尾耀車旌花  
路前禽起平原驟馬鳴君王思講武不厭鼓鼙聲

龍爲霖 雨蒼重慶人

中岩寺

有無遺輪事石跡到今存闕地除山徑通天列寺門樹  
高懸日瘦字古帶雲昏真覺蓬萊近隔江何處村

熊天祚

國朝詩的 卷之一 四川

秋懷

雲山歷歷雁聲低秋水潺潺日色西往昔繁華今不見  
寒江徹夜老猿啼

冉存異 同人南充人

登增城龜峯

龜峯第一岑異地獨登臨髣髴方山勝依稀果水深人  
烟平雉堞塔影壓江林風景嘉如許容無宓子音

余光祖 念峯號爲人

不得家書

孤影空庭悵旅居遙遙清漢倍踟躕二年寂寞金臺月

萬里浮沈蜀道書殘留不堪愁裏聽鶯聲祇向夢中舒  
故園今夜應相憶雁羽迢迢半載餘

費盍 成都人

春草

芙蓉塘上翠綿綿楊柳橋頭色倍妍春老未歸千里夢  
曉寒惟見一堤烟水依樓閣斜陽外露濕蘼蕪古道邊  
回首不堪思往事消魂尤在茂陵前

費晃 言築成都人

少年行

玉勒紫驄驕看花過御溝一鞭深柳度雙袖錦雲浮簾

國朝詩的 卷之一 四川

幙圍輕舫笙詞出遠樓王郎猶借問何處散春愁

塞下曲

五月霜威勁千秋舊戰場朔雲屯海黑邊月帶沙黃山  
冷秋笳動城空曉角長近來鄉夢斷壯志在勤王

何洪先 易巖涪州人

中秋舟泊黃陂適李會符載酒相訪留飲辭歸對

月遺懷三首之一

親年昨歲又逢庚花甲空過未立名世事漫隨雙眼良  
宵獨對一湖清人當末路猶經險月至中天逾覺明鵬  
景撫時聊自惜有懷二子復含情

園中牡丹數本久旱未放適值新雨一夜大開

河陽仍作客兩見牡丹開春訝一年早髮驚雙鬢摧欲  
窮花裏態莫放手中杯喜得逢時雨催詩頻下來

何 鉞 芝田涪州人

東吳道中早梅同李東門

荒村野迥短籬邊花發春前二十天細雨入林輕帶雪  
浮嵐遶樹暗生烟題詩但有李長吉踏雪曾無孟浩然  
莫道此行佳興少隴頭高咏許誰先

何 鉞 象鼎涪州人

敬步家大人鷄冠元韻

國朝詩的 卷之一 四川

主

秋色離離幾色花紫冠黃鈿發奇葩含姿正愛乘朝旭  
起舞偏宜趁晚霞莫認雌雄呼祝祝不分紅白值家家  
縱臨霜雪能持久富貴名花那足誇